



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

# ՆՈՐ ԿՏԱԿԱՐԱՆ

ՏԵԱԴՆ ՄԵՐՈՅ

ՅԻՍՈՒՍԻ ՔՐԻՍՏՈՍԻ



ՀԱՄԵՄԱՏՈՒԹԵԱՄԲ ՅՈՒՆԱԿԱՆ ԲՆԱԳՐԻՆ



ԿՈՍՏԱՆԴՆՈՒՊՈԼԻՍ

ՏՊԱԳՐՈՒԹԻՒՆ Գ. ՊԱՂՏԱՏԼԵԱՆ

—

1895



## ԳԼՈՒԽ ՄԱՏԹԵՈՍԻ ԱՒԵՏԱՐԱՆԻՆ

վասն մեզուցն .	Բ. 4
վասն կոտորածի մանկանցն .	Բ. 46
վասն յառաջընթաց քարոզութեանն Յովնանու Մկրտչին .	Գ. 4
վասն վարդապետութեան փրկչին .	Դ. 23
վասն երանութեանն .	Ե. 2
վասն բորոտին .	Ը. 4
վասն հարկաւապետին .	Ը. 5
վասն զաքանչին Պետրոսի .	Ը. 14
վասն բժշկութեան ամենայն ցաւոց .	Ը. 16
վասն՝ որ ոչ եւ հրաման երթալ զկնի .	Ը. 49
վասն սաստեղցն ի վերայ ջրոցն .	Ը. 23
վասն դիւահարացն .	Ը. 28
վասն անգամալուծին .	Թ. 4
վասն Մատթէի .	Թ. 9
վասն զտոբր ժողովրդապետին .	Թ. 48
վասն տեառետին .	Թ. 20
վասն երկուց կուրացն .	Թ. 27
վասն խլին և համբ դիւահարին .	Թ. 32
վասն Աւարելոցն իշխանութեան .	Ժ. 4
վասն առաքելոցն ի Յովնանէ .	ԺԱ. 2
վասն՝ որոյ ձեռն գօտացեալ էր .	ԺԲ. 40
վասն կշր և խուլ դիւահարին .	ԺԲ. 22
վասն՝ որ խորէին նշան .	ԺԲ. 38
վասն առակացն .	ԺԳ. 4
վասն Յովնանու, և Հերովդէի .	ԺԴ. 4
վասն հինգ հացիցն .	ԺԴ. 45
վասն երթալոյն ի վերայ Ժովուսն .	ԺԴ. 22
վասն անցելոցն զպատուիրանաւն Աստուծոյ .	ԺԵ. 4
վասն կնոջն Քանանացւոյ .	ԺԵ. 21
վասն բժշկելոյ զԺողովուրդն .	ԺԵ. 29
վասն եւթն հացիցն .	ԺԵ. 32
վասն խմբոյ փարիսեցւոցն .	ԺԶ. 6
վասն՝ որ ի Կեսարիա հարցմանն .	ԺԶ. 13
վասն այլակերպութեանն Տեառն .	ԺԷ. 4
վասն լուսնահարին .	ԺԷ. 44
վասն խնդրելոյ զԵրկրորդամանն .	ԺԷ. 23
վասն հարցանելոյ թէ ո՞ր է ի մէնջ մեծ .	ԺԸ. 4

վասն առակի հարեւր ոչխարին .	ԺԸ. 12
վասն թողլոյն զբեր տաղանդն .	ԺԸ. 23
վասն հարցանելոյն թէ արժան է արձակել առն զկնի .	ԺԹ. 4
վասն հարցանելոյ մեծատանն զԲի- սուս .	ԺԹ. 46
վասն վարձկանութեան մշակացն .	Ի. 4
վասն որդւոցն Զերեբեայ .	Ի. 20
վասն երկուց կուրացն .	Ի. 29
վասն իշուսն և յովանակին .	ԻԱ. 4
վասն կուրացն և կաղացն .	ԻԱ. 44
վասն չորանայոյ թղենայն .	ԻԱ. 48
վասն հարցանելոյ զՏէրն քահանա- յապետիցն և Ծերոց .	ԻԱ. 23
վասն երկուց որդւոցն առակաց .	ԻԱ. 28
վասն այգւոյն առակին .	ԻԱ. 33
վասն կոչեցելոց ի հարսանիսն .	ԻԲ. 4
վասն դահեկանին, որով փորձե- ցին զՏէրն .	ԻԲ. 45
վասն սագուկեցւոցն .	ԻԲ. 23
վասն օրինականացն .	ԻԲ. 34
վասն Տեառն հարցանելոյն զփարի- սեցիսն .	ԻԲ. 41
վասն վայ տալոյ դպրացն, և փա- րիսեցւոցն .	ԻԳ. 43
վասն կատարածի	ԻԴ. 3
վասն աւուրն և Ժամուսն .	ԻԴ. 36
վասն տասն կուսանացն .	ԻԵ. 4
վասն զտաղանդան տալոյ .	ԻԵ. 44
վասն գալուտեանն Տեառն .	ԻԵ. 31
վասն օծանելոյ զՏէրն իւզով .	ԻԶ. 6
վասն պատրաստելոյ զպատեքն .	ԻԶ. 47
վասն օրինաւոր խորհրդոյն .	ԻԶ. 26
վասն մատնութեանն Տեառն .	ԻԶ. 47
վասն ուրացութեանն Պետրոսի .	ԻԶ. 69
վասն Յուդայի զգլմանն .	ԻԷ. 3
վասն խնդրելոյ զՏէրուսական մար- մինն .	ԻԷ. 57
վասն իւզաբեր կանանցն .	ԻԸ. 4







# ԱԻԵՏԱՐԱՆ ԸՍՏ ՄԱՏԹԵՈՍԻ

## ԳԼՈՒԽ Ա

1 Գիրք ծննդեան Յիսուսի Քրիստոսի  
որդւոյ Դաւթի որդւոյ Աբրահամու։  
2 Աբրահամ ծնաւ զԻսահակ։ Իսահակ  
ծնաւ զՅակովբ։ Յակովբ ծնաւ զՅու-  
3 զա եւ զԷղբարս նորա։ Յուզա ծնաւ  
զՓարէս եւ զԶարա ի Թամարայ։ Փա-  
րէս ծնաւ զԵզրովն։ Եզրովն ծնաւ  
4 զԱբամ։ Աբամ ծնաւ զԱմինադար։ Ա-  
մինադար ծնաւ զՆաասուր։ Նաասուր  
5 ծնաւ զՍաղմովն։ Սաղմովն ծնաւ զԲո-  
ոս ի Հոաքարայ։ Բոոս ծնաւ զՈվբէդ  
6 ի Հոութայ։ Ովբէդ ծնաւ զՅեսսէ։  
Յեսսէ ծնաւ զԴաւիթ արքայ։ Դաւիթ  
ծնաւ զՍողոմոն ի կնոջէն Ուրիայ։  
7 Սողոմոն ծնաւ զԲոթրամ։ Բոթրամ  
ծնաւ զԱրիա։ Արիա ծնաւ զԱսափ։  
8 Ասափ ծնաւ զՅովսափատ։ Յովսա-  
փատ ծնաւ զՅովրամ։ Յովրամ ծնաւ  
9 զՈզիա։ Ոզիա ծնաւ զՅովսափամ։ Յո-  
վսափամ ծնաւ զԱքազ։ Աքազ ծնաւ  
10 զԵզեկիա։ Եզեկիա ծնաւ զՄանսու-  
Մանսու ծնաւ զԱմուս։ Ամուս ծը-  
11 նաւ զՅովսիա։ Յովսիա ծնաւ զԵքո-  
որա եւ զԷղբարս նորա առ զԵրու-  
12 թեամբն Բաբելացւոց։ Երեմ  
թեամբն Բաբելացւոց ծնաւ Յեքոնիա  
զԱղաթիէլ։ Սաղաթիէլ ծնաւ զԶո-  
13 րաբաբէլ։ Զորաբաբէլ ծնաւ զԱբիուդ։  
Աբիուդ ծնաւ զԵղիակիմ։ Եղիակիմ  
14 ծնաւ զԱզուր։ Ազուր ծնաւ զՍաղու-  
Սաղու ծնաւ զԱքին։ Աքին ծնաւ  
15 զԵղիուդ։ Եղիուդ ծնաւ զԵղիադար։  
Եղիադար ծնաւ զՄատթան։ Մատթան  
16 ծնաւ զՅակովբ։ Յակովբ ծնաւ զՅով-  
սէփ զայրն Մարիամայ զորում խօսեց-  
եալ զՄարիամ կոյս յորմէ ծնաւ Յի-  
17 սուս, որ անուանեցաւ Քրիստոս։ Արդ  
ամենայն ազգք յԱբրահամէ մինչեւ  
ի Դաւիթ՝ ազգք չորեքտասանք։ Եւ  
ի Դաւթէ մինչեւ ի զԵրուսիւնն Բա-

բելացւոց՝ ազգք չորեքտասանք։ Եւ  
ի զԵրուսիւնէն Բաբելացւոց մինչեւ  
ի Քրիստոս՝ ազգք չորեքտասանք։  
18 Եւ Յիսուսի Քրիստոսի ծնունդն էր  
այսպէս։ Խօսեալ զմայր նորա Մարիամ  
Յովսէփու, մինչչեւ եկեալ առ միմեանս՝  
19 զտաւ յգացելոյ ի Հոգւոյն Սրբոյ։ Եւ  
Յովսէփ այր նորա, քանզի արդար էր  
եւ ոչ կամէր առական զնա, խորհեցաւ  
20 լռելեայն արձակել զնա։ Եւ մինչդեռ  
նա զայս ածէր զմտաւ, ահա հրեշտակ  
Տեառն ի տեսիան երեւեցաւ նմա եւ  
ասէ, Յովսէփ, որդի Դաւթի, մի՛ եր-  
կրնչիր անուոյ առ քեզ զՄարիամ կին  
քո։ Քանզի որ ի նմայն ծնեալ է՝  
21 ի Հոգւոյն Սրբոյ է։ Մնջի որդի, եւ  
կոչեացես զանուն նորա Յիսուս, զի  
նա փրկեացէ զժողովուրդ իւր ի մեղաց  
22 իւրեանց։ Այլ այս ամենայն եղև զի  
յոյսի որ ասացաւ ի Տեառնէ Յի ձեռն  
23 Խաչեալ մարդարէի։ Ահա կոյս յղա-  
ցի եւ ծնցի որդի, եւ կոչեցեն զա-  
նուն նորա Իմամնուէլ, որ թարգմա-  
24 նի՝ Ընդ մեզ Աստուած։ Եւ զարթու-  
ցեալ Յովսէփ ի քնոյ անտի, արար  
որպէս հրամայեաց նմա հրեշտակն  
25 Տեառն, եւ առ յինքն զկինն իւր եւ  
ոչ զիտէր զնա, մինչեւ ծնաւ զորդին  
իւր զանդրանիկ, եւ կոչեաց զանուն  
նորա Յիսուս։

## ԳԼ. Բ

1 Եւ ի ծնանքն Յիսուսի ի Բեթղեէմ  
Հրէաստանի յաւուրս Հերովդի ար-  
քայի, ահա մոլոք յարեւելից եկին յե-  
2 րուսաղիմ, եւ ասեն, Ո՛ր է որ ծնաւ  
արքայն Հրէից։ զի տեսաք զաստղն  
նորա յարեւելս, եւ եկաք երկիր պա-  
3 զանել նմա։ Եւ իրբեւ յուսաւ արքայ  
Հերովդէս, խոռովեցաւ, եւ ամենայն  
4 Երուսաղէմ ընդ նմա։ Եւ ժողովեալ

<sup>1</sup> Ուստի, Դաւթի արքայ  
<sup>2</sup> Ուստի, զԱմուս, Ասա

<sup>3</sup> Ի Երուսաղէմ  
<sup>4</sup> Եւստի, ի ձեռն մարգարէին

զամենայն զբանանալապետս եւ զդպիրս  
ժողովրդեանն՝ հարցանէր ի նոցանէ՝  
5 թէ ո՛ւր ծնանիցի Գրիստոսն, Եւ նո-  
քա ասեն ցնա, ի Բեթղէհեմ Հրէաս-  
տանի. զի այսպէս զրեալ է ի ձեռն  
6 մարգարէին. Եւ զու, Բեթղէհեմ, եր-  
կիր Յուդայ, ոչինչ կրտսեր ես յիշ-  
խանս Յուդայ. ի քէն ելցէ ինձ իշխան,  
որ հովուեացէ զժողովուրդ իմ զԻս-  
7 րայէլ. Յայնժամ Հերովդէս զազու կոչ-  
եաց զմոգան, եւ ստուգեաց ի նոցանէ՝  
8 զժամանակ աստեղն երեւելոյ. Եւ ար-  
ձակեալ զնոսա ի Բեթղէհեմ, ասէ,  
Գնացէք, ստուգեցէք վասն մանկանն,  
եւ յորժամ գտանիցէք, ազգ արասջիք  
ինձ, զի եւ ես եկեալ երկիր պագից  
9 նմա. Եւ նոքա իբրեւ լուան ի թա-  
գաւորէն, գնացին. եւ ահա աստղն  
զոր տեսին յարեւելս՝ առաջնորդեաց  
նոցա, մինչեւ եկեալ եկաց ի վերայ  
10 ուր էր մանուկն. իբրեւ տեսին զաստ-  
ղըն, խնդացին յոյժ ուրախութիւն  
11 մեծ. Եւ իբրեւ մտին ի տունն, տե-  
սին զմանուկն հանդերձ Մարեմաւ  
մարքն իւրով, եւ անկեալ երկիր պա-  
գանէին նմա. եւ բացեալ զգանձս  
իւրեանց մատուցին նմա պատարագս՝  
12 ոսկի եւ կնդրուկ եւ զմուռս. Եւ հը-  
րաման առեալ ի տեսլեան չղառնալ  
անդրէն առ Հերովդէս՝ ընդ այլ ճա-  
նապարհ գնացին յաշխարհն իւրեանց,  
13 Եւ իբրեւ գնացին նոքա անտի,  
ահա հրեշտակ Տեառն երեւէր ի տես-  
լեան Յովսեփու եւ ասէր, Արի, առ  
զմանուկդ եւ զմայր իւր, եւ փախիր  
յնգիպատոս, եւ անդ լինիջիր ցորժամ  
ասացից քեզ. քանզի ի խնդիր 1<sup>է</sup> Հե-  
14 րովդէս կորուսանել զմանուկդ. Եւ նա  
յարուցեալ առ զմանուկն եւ զմայր  
իւր գիշերի, եւ գնաց յնգիպատոս, և  
անդ էր մինչեւ ցվախճան Հերովդի.  
15 Զի լոցի ասացեալն ի Տեառնէ ի ձեռն  
մարգարէին որ ասէ, Յնգիպատոս 2<sup>կո-</sup>  
չեցից զորդի իմ:  
16 Յայնժամ իբրեւ ետես Հերովդէս թի-  
խարկեալ. ի մոգուց անտի, բարկացաւ.  
յոյժ. եւ առաքեաց կոտորեաց զամե-  
նայն մանկունս որ էին ի Բեթղէհեմ  
և. յամենայն տարմանս նորա յերկե-  
մենից եւ ի խոնարհ՝ րստ ժամանակին

17 զոր ստուգեաց ի մոզուցն: Յայնժամ  
կատարեցաւ ասացեալն ի ձեռն Երե-  
18 միայ մարգարէի որ ասէ, Չայն գուժ-  
եաց ի Հռամա, ողբումն եւ լալումն  
եւ աշխարումն յոյժ. Հոգքէլ բայր  
զորդիս իւր, եւ ոչ կամէր մխիթարել,  
19 զի ոչ էին: Եւ ի վախճանելն Հերով-  
դի՝ ահա հրեշտակ Տեառն ի տեսեան  
20 երեւէր Յովսեփայ յեգիպտոս, եւ ա-  
սէր, Արի, առ զմանուկդ եւ զմայր  
իւր, եւ գնա յերկիրն Իսրայելի, զի  
մեռան որ խնդրէին զանձն մանկանդ,  
21 Եւ նա յարուցեալ առ զմանուկն եւ  
զմայր նորա, եւ եկն յերկիրն Իս-  
22 րայելի: Եւ իբրեւ լուաւ եթէ Արքե-  
ղայոս թագաւորեաց Հրէաստանի փո-  
խանակ Հերովդի հօր իւրոյ, երկեաւ  
երթալ անդր. եւ հրաման առեալ ի  
տեսեան՝ գնաց ի կողմանս Գաբիւեաց-  
23 ւոց: Եւ եկեալ բնակեցաւ ի քաղաքին  
որ կոչէր Նազարէթ, զի լցոյ բան  
մարգարէիցն թէ Նազովրեցի կոչեսցի:

ᄃᆞᆫ ᄃᆞᆫ

1 Յաւուրսն յայնոսիկ գայ Յովհաննէս  
մկրտիչ քարոզել յանապատին Հրէաս-  
2 տանի, Եւ ասել, Ապաշխարեցէք, զի  
3 մերձեալ է արքայութիւն երկնից. Զի  
սա է վասն որոյ ասացաւ ի ձեռն Ե-  
սայեայ մարգարէի, որ ասէ, Զայն  
բարբառոյ յանապատի. Պատրաստ ա-  
րարէք զհանապարհ Տեառն, եւ ուղիղ  
4 արարէք զչաւիղս նորա. Եւ ինքն Յով-  
հաննէս ունէր հանդերձ ի ստեւոյ ուղ-  
տու, եւ գօտի մաշկեղէն բնդ մէջ իւր,  
եւ կերակուր նորա էր մարափս եւ  
5 մեղր վայրենի, Յայնժամ երանէին առ  
նա ամենայն Երուսաղեմացիք եւ ամե-  
նայն Հրէաստան եւ ամենայն կողմն  
6 Յորդանանու, Եւ մկրտէին ի նմանէ  
ի Յորդանան <sup>3</sup>գետ, եւ խոստովան ը-  
7 նէին զմեղս իւրեանց, Եւ տեսեալ  
զրազումս ի սաղուկեցւոցն եւ ի փա-  
րիսեցւոց եկկալս ի մկրտութիւնն նո-  
րա, ասէ ցնոսա, Ծնունդք իմից, ո՞  
ցոյց ձեզ փախչել ի բարկութենէն որ  
8 գայոցն է, Արարէք այտուհետեւ պը-  
9 տուղ արժանի ապաշխարութեան. Եւ  
մի՛ համարիղիք ասել յանձինս թէ

18-22, 1944, 1945

28-22, 4-24-56

၁၈၈၆-ခုနှစ်

Ունիմք մեք հայր զԱբրահամ. ասեմ  
 ձեզ, զի կարող է Աստուած ի քա-  
 րանցս յայսցանէ յարուցանել որդիս  
 10 Աբրահամու: Զի աւասիկ տապար առ  
 արմին ծառոց զնի. ամենայն ծառ որ  
 ոչ առնիցէ զպտուղ բարի՝ հատանի եւ  
 11 ի հուր արկանի: Եւ մկրտեմ զձեզ  
 ջրով յապաշխարութիւն, բայց որ զկնի  
 իմ զայ՝ հօրագոյն է քան զիս, եւ ես  
 չեմ բաւական բառնալ զկօշիկս նորա:  
 12 Եւ ի հուր. Որոյ հեծանոցն ի ձեռին  
 իւրում, եւ սրբեսցէ զկալ իւր, եւ  
 ժողովեսցէ զցորեանն ի շտեմարանս  
 իւր, եւ զյարդն այրեսցէ անշէջ հրով:  
 13 Յայնժամ գայ Յիսուս ի Գալիլէ  
 ի Յորդանան առ Յովնանէս մկրտել  
 14 ի նմանէ: Եւ Յովնանէս արգելու զնա  
 եւ ասէ, Ինձ պիտոյ է ի քէն մկրտել,  
 15 եւ դու առ իս գաս: Պատասխանի ետ  
 Յիսուս եւ ասէ ցնա, Թոյլ տուր այժմ,  
 զի այսպէս վայել է մեզ լնուլ զամե-  
 16 նայն արդարութիւն. եւ ապա թոյլ  
 ետ նմա: Եւ իրեւ մկրտեցաւ Յի-  
 սուս, եւ վաղվաղակի ի ջրոյ անտի,  
 եւ ահա բացան նմա երկինք, եւ ե-  
 տես զՀոգին Աստուծոյ զի իջանէր  
 իրեւ զաղաւնի եւ գայր ի վերայ նո-  
 17 րա: Եւ ահա ձայն յերկնից որ ասէր,  
 Դա է Որդի իմ սիրելի ընդ որ հաճե-  
 ցայ:

## ԳԼ. Դ

1 Յայնժամ վարեցաւ Յիսուս յանապատ  
 2 ի Հոգւոյն՝ փորձել ի Սատանայէ. եւ  
 պահեալ զքառասուն տիւ եւ զքառա-  
 սուն գիշեր՝ ապա քաղցեաւ:  
 3 Եւ մատուցեալ փորձիչն ասէ ցնա,  
 Եթէ Որդի ես Աստուծոյ, ասա զի  
 4 քարինքս այսօրիկ հաց լինիցին: Եւ  
 պատասխանի ետ եւ ասէ, Գրեալ է  
 թէ Ոչ հացի. միայն կեցցէ մարդ, այլ  
 ամենայն բանիւ. որ ելանէ ի բերանոյ  
 Աստուծոյ:  
 5 Յայնժամ առեալ ածէ զնա Սատա-  
 նայ ի քաղաքն սուրբ, եւ կացուցանէ  
 զնա ի վերայ աշտարակի տաճարին,  
 6 եւ ասէ ցնա, Եթէ Որդի ես Աստու-  
 ծոյ, արկ զքեզ աստի ի վայր, զի  
 զրեալ է թէ Հրեշտակաց իւրոց պատ-  
 ուիրեալ է վասն քո, եւ ի վերայ ձե-  
 ոաց բարձցեն զքեզ, զի մի՛ երբեք

7 հարցես զքարի զոտն քո: Ասէ ցնա  
 Դարձեալ Յիսուս, Գրեալ է թէ Ոչ  
 փորձեսցես զՏէր Աստուած քո:

8 Դարձեալ առնու ածէ զնա Սատա-  
 նայ ի լեառն մի բարձր յոյժ, եւ ցու-  
 ցանէ նմա զամենայն թագաւորու-  
 9 թիւնս աշխարհի եւ զփառս նոցա, Եւ  
 ասէ ցնա, Զայս ամենայն քեզ տաց,  
 եթէ անկեալ երկիր պաղանիցես ինձ:  
 10 Յայնժամ ասէ ցնա Յիսուս, Երթ յետս  
 իմ, Սատանայ, զի գրեալ է, Տեսոն  
 Աստուծոյ քում երկիր պաղցես եւ զնա  
 11 միայն պաշտեսցես: Ապա եթող զնա  
 Սատանայ, եւ ահա հրեշտակք մատ-  
 եան եւ պաշտէին զնա:

12 ԲԲ. Եւ իրեւ լուաւ Յիսուս եթէ  
 Յովնանէս մատնեցաւ, մեկնեցաւ  
 13 զնաց ի Գալիլեա. եւ թողեալ զնա-  
 զարէթ՝ եկն բնակեցաւ ի Կափառնա-  
 յում ի ծովեզերին, ի սահմանս Զա-  
 14 բուղոնի եւ Նեփթաղիմայ. Զի լցցի  
 բանն որ ասացաւ ի ձեռն Նսայեայ  
 15 մարգարէի. Երկիր Զաբուղոնի եւ  
 երկիր Նեփթաղիմայ, ճանապարհ ծո-  
 վու յայնկոյս Յորդանանու, Գալիլեա  
 16 Հեթանոսաց. Ժողովուրդ որ նստէր  
 ի խաւարի՝ ետես լոյս մեծ. եւ որոց  
 նստէին յաշխարհին եւ ի ստուերս մա-  
 17 հու՝ լոյս ծագեաց նոցա: Յայնմ հետէ  
 սկսաւ քարոզել Յիսուս եւ ասել, Ա-  
 պաշխարեցէք, զի մերձեալ է արքա-  
 յութիւն երկնից:

18 Մինչդեռ զգնայր Յիսուս ընդ եզր  
 ծովուն Գալիլեացւոց, ետես երկուս  
 եղբարս, զՍիմոն զկոչեցեալն Պետրոս  
 եւ զԱնդրէաս եղբայր նորա, արկեալ  
 ուղկան ի ծով, քանզի ձկնորսք էին:

19 Եւ ասէ ցնոսա, Եկայք զկնի իմ, եւ  
 20 արարից զձեզ որսորդս մարդկան: Եւ  
 նոցա թողեալ վաղվաղակի զգործիսն՝  
 21 զնաղին զհետ նորա: Եւ մատուցեալ  
 անտի յառաջ՝ ետես այլ երկուս եղ-  
 բարս, զՅակովբոս Զերեղեայ եւ զՅով-  
 հաննէս գեղբայր նորա, ի նաւի Զե-  
 22 րեղեաւ. հանդերձ հարրն իւրեանց,  
 մինչ կազմէին զուղկանս իւրեանց,  
 եւ կոչեաց ցնոսա: Նոցա թողեալ  
 վաղվաղակի զնաւն եւ զհայր իւրեանց,  
 զնացին զհետ նորա:

23 Եւ չրջէր Յիսուս ընդ ամենայն կողմն

Փալիւնացւոց, ուսուցանէր ի ժողովուրդս նոցա եւ քարոզէր զաւետարանն արքայութեան, եւ բժշկէր զամենայն հիւանդութիւնս եւ զամենայն զանգուրդս ի ժողովրդեանն: Եւ ել լուր նորա ընդ ամենայն երկիրն Ասորւոց, եւ մատուցին առ նա զամենայն հիւանդս որ նեղեալ էին ի պէսպէս ցաւս եւ ի տանջանս, եւ զհիւանարս եւ զյուսնոսս եւ զանդամալոյծս, եւ բռն ժշկեաց զնոսս: Եւ երթային զհետ նորա ժողովուրդք բազումք ի Փալիւնէ եւ ի Դեկապոլիսայ եւ յերուսաղեմէ եւ ի Հրէաստանէ եւ յայնկոյս Յորդանանու՝ եւ բժշկեաց զնոսս:

## ԳԼ. Ե

1 ԲԳ. Եւ տեսեալ զժողովուրդսն՝ ել ի լեւոն. եւ իրբեւ նստաւ անդ, մատնան առ նա աշակերտք նորա. Եւ բաղեալ զբերան իւր ուսուցանէր զնոսս եւ ասէր,  
3 Երանի աղքատաց հոգւով, զի նոցա  
4 է արքայութիւն երկնից: Երանի սրգաւորաց, զի նոքա միսիթարեսցին:  
5 Երանի հեղոց, զի նոքա ժառանգեանցն զերկիր: Երանի որ քաղցեալ եւ ծարաւի իցեն արդարութեան, զի նոքա յազնեցին: Երանի ողորմածաց, զի նոքա ողորմութիւն գտցեն: Երանի այնոցիկ որ սուրբ են սրտիւք, զի նոքա զԱստուած տեսցեն: Երանի խաղաղարարաց, զի նոքա որդիք Աստուծոյ կոչեցցին: Երանի որ հալածեալ իցեն վասն արդարութեան, զի նոցա է արքայութիւն երկնից: Երանի է ձեզ յորժամ նախատիցեն զձեզ եւ հալածեցեն, եւ ասիցեն զամենայն  
12 րան չար զձէնջ սուտ վասն իմ. Յնծացէք եւ ուրախ լերուք, զի վարձք ձեր բազում են յերկինս. զի այսպէս հալածեցին զմարգարէսն որ յառաջ քան զձեզ էին:  
13 Դուք էք աղ երկրի. ապա թէ աղն անհամի, ի՞նչ յաղիցի. ոչ իմիք ազդիցէ այնուհետեւ, բայց եթէ ընկենուի արտաքս եւ կոխան լինել ի մարդկանէ,  
14 Դուք էք լոյս աշխարհի. ոչ կարէ քաղաք թաքչել որ ի վերայ լերին կայցէ:

15 Եւ ոչ լուցանեն ճրագ եւ զնեն ընդ գրուանաւ. այլ ի վերայ աշտանակի, եւ լոյս տայ ամենեցուն որ ի տանն  
16 իցեն: Այնպէս լուսաւորեսցէ լոյս ձեր առաջի մարդկան, որպէս զի տեսցեն զգործս ձեր բարիս, եւ փառաւորեսցեն զՀայր ձեր որ յերկինս է:  
17 ԲԳ. Մի՛ համարիք եթէ եկի լուծանել զօրէնս կամ զմարգարէս. ոչ  
18 եկի լուծանել, այլ յնուի: Ամէն ասեմ ձեզ, Մինչեւ անցցեն երկինք եւ երկիր, յովտ մի՞ Դորնչանախեց մի է՝ ոչ անցցէ յօրինացն եւ ի մարգարէից մին:  
19 Նիւ. ամենայն եղիցի: Որ ոք լուծցէ մի ինչ ի պատուիրանացս յայսցանէ ի փոքունց եւ ուսուսցէ այնպէս զմարդիկ՝ փոքր կոչեցցի յարքայութեան երկնից. իսկ որ արասցէ եւ ուսուսցէ՝ նա մեծ կոչեցցի յարքայութեան երկնից:  
20 Նից. Բայց ասեմ ձեզ, զի եթէ ոչ առաւելուցու արդարութիւն ձեր աւելի քան զդպրացն եւ զփարիսեցւոց, ոչ մտանիցէք յարքայութիւն երկնից:  
21 Լուարուք զի ստացաւ առաջնոցն թէ Մի՛ սպանաներ. զի որ սպանանիցէ՝ պարտական լիցի դատաստանի:  
22 Այլ ես ասեմ ձեզ եթէ, Ամենայն որ բարկանայ եղբոր իւրում տարապարտուց՝ պարտաւոր լիցի դատաստանի. եւ որ ասիցէ ցեղրայր իւր Յիմար՝ պարտաւոր լիցի ստանի. եւ որ ասիցէ ցեղրայր իւր Մորոս՝ պարտաւոր  
23 լիցի ի զեկեն հրոյն: Եթէ մատուցանիցես զպատարագ քո ի վերայ սեղանոյ, եւ անդ յիշեցես եթէ եղբայր քո  
24 ունիցի ինչ խնայելի, թող զպատարագն քո առաջի սեղանոյն, եւ երթ նախ հաշտեաց ընդ եղբոր քում, եւ ապա եկեալ մատուսջի զպատարագն  
25 քո: Լեր իրաւ ասեմ ընդ ոսոխի քում վաղադոյն, մինչ զևո իցես ընդ նմա ի ճանապարհի. գուցէ մատնիցէ զքեզ ոսոխն դատաւորի. եւ դատաւորն՝  
26 զահճի, եւ արկանիցիս ի րանտ: Ամէն ասեմ ձեզ, ոչ երանիցես անտի մինչեւ հատուցանիցես զյետին նաքարակիւտն:  
27 Լուարուք զի ստացաւ Մի՛ չնար:  
28 Բայց ես ասեմ ձեզ թէ, Ամենայն որ հայի ի կին մարդ առ ի ցանկանալոյ նմա՝ անդէն չնացաւ ընդ նմա ի սրտի

29 իւրում: Եթէ ակնք աջ գալթակղե-  
ցուցանէ զքեզ, խլեա զնա եւ ընկեա  
ի քէն: զի լաւ է քեզ եթէ մի յան-  
դամոց քոց կորիցէ, եւ մի՛ ամենայն  
30 մարմինդ քո անկանիցի ի գնհն: Եւ  
եթէ աջ ձեռն քո գալթակղեցուցանէ  
զքեզ, հատ զնա եւ ընկեա ի քէն: զի  
լաւ է քեզ եթէ մի յանդամոց քոց կո-  
րիցէ, եւ մի՛ ամենայն մարմինդ քո  
31 արկանիցի ի գնհն: Ապաքէն ասացաւ  
եթէ, Որ արձակիցէ զկին իւր՝ տացէ  
32 նմա զարձակմանն: Բայց ես ասեմ  
ձեզ եթէ, Ամենայն որ արձակէ զկին  
իւր առանց բանի պոռնկութեան՝ նա  
տայ նմա չնալ, եւ որ զարձակեալն  
առնէ՝ չնայ:

33 Դարձեալ լուարուք զի ասացաւ ա-  
ռաջնոցն, Մի՛ երդնուցուս սուտ, բայց  
34 հատուցեա Տեառն զերդմունս քո: Այլ  
ես ասեմ ձեզ, Ամենեւին մի՛ երդնուլ,  
մի՛ յերկինս՝ զի աթոռ է Աստուծոյ,  
35 եւ մի՛ յերկիր՝ զի պատուանդան է  
ոռից նորա, եւ մի՛ յերուսաղէմ՝ զի  
36 քաղաք է մեծի Արքայի: Եւ մի՛ ի զլուխ  
քո երդնուցուս, զի ոչ կարես մազ մի  
37 սպիտակ առնել կամ թուխ: Այլ եղիցի  
ձեր բան՝ Այոն այո, եւ, Ոչն ոչ: զի  
աւելին քան զայն ի չարէն է:

38 Լուարուք զի ասացաւ, Ակն ընդ  
39 ական եւ առամն ընդ առաման: Այլ  
ես ասեմ ձեզ, Մի՛ կալ հակառակ չա-  
րին: այլ եթէ ոք ածիցէ ապտակ յաջ  
40 ծնօտ քո, դարձո նմա եւ զմեւսն: Եւ  
որ կամիցի ոք դատել եւ առնուլ զչա-  
պիկս քո՝ թող ի նա եւ զբանկոն քո:

41 Եւ որ տարապարհակ վարիցէ զքեզ  
մղոն մի՛ երթ ընդ նմա եւ երկուս:  
42 Որում խնդրէ ի քէն՝ սուր: եւ որ  
կամի փոխ առնուլ ի քէն՝ մի՛ դար-  
ձուցաներ զերեսն:

43 Լուարուք ապաքէն զի ասացաւ,  
Սիրեսցես զընկեր քո, եւ ատեսցես  
44 զթշնամին քո: Այլ ես ասեմ ձեզ, Սի-  
րեսցէք զթշնամիս ձեր, օրհնեցէք զա-  
նիծիչս ձեր, բարի արարէք ատելեաց  
ձերոց, եւ աղօթս արարէք ի վերայ  
այնոցիկ որ լկենն զձեզ եւ հալածեն:

45 Զի եղիցիք որդիք Հօր ձերոյ որ յեր-  
կինսն է: զի զարեգակն իւր ծագէ ի  
վերայ չարաց եւ բարեաց, եւ ածէ  
անձրեւ ի վերայ արդարոց եւ մեղա-  
46 ւորաց: Զի եթէ սիրիցէք զայնոսիկ

որ սիրենն զձեզ՝ զի՛նչ վարձք իցեն:  
ոչ ապաքէն եւ մաքսաւորք զնոյն  
47 գործեն: Եւ եթէ տայցէք միայն ող-  
ջոյն՝ բարեկամաց ձերոց, զի՛նչ աւելի  
առնէք: ոչ ապաքէն մաքսաւորք ձեւ  
48 մեղաւորք՝ զնոյն գործեն: Արդ եղե-  
րուք դուք կատարեալք, որպէս եւ  
Հայրն ձեր երկնաւոր կատարեալ է:

## ԳԼ. 2

1 ԲԵ. Զգոյշ լերուք ողորմութեան  
ձերում մի՛ առնել առաջի մարդկան,  
որպէս թէ իցոյց ինչ նոցա, գուցէ  
եւ վարձս ոչ ընդունիցիք ի Հօրէն  
2 ձերմէ որ յերկինսն է: Այլ յորժամ  
առնիցես ողորմութիւն, մի՛ հարկա-  
ներ փող առաջի քո, որպէս կեղծա-  
ւորքն առնեն ի ժողովուրդս եւ ի հրա-  
պարակս, որպէս զի փառաւորեսցին  
ի մարդկանէ: ամէն ասեմ ձեզ, Այն  
3 իսկ են վարձք նոցա: Այլ դու յորժամ  
ողորմութիւն առնիցես, մի՛ գիտասցէ  
4 ձախ քո զինչ գործէ աջ քո: Որպէս  
զի եղիցի ողորմութիւն քո ի ծածուկ,  
եւ Հայրն քո որ տեսանէ ի ծածուկ՝  
հատուցէ քեզ յայտնապէս:

5 Եւ յորժամ յաղօթս կայցես, մի՛ լի-  
նիցիս որպէս կեղծաւորքն, զի սիրեն  
ի ժողովուրդս եւ յանկիւնս հրապա-  
րակաց կալ յաղօթս, որպէս զի երե-  
ւեսցին մարդկան: ամէն ասեմ ձեզ,  
6 Այն իսկ են վարձք նոցա: Այլ դու  
յորժամ կայցես յաղօթս, մուտ ի սեն-  
եակ քո, եւ փակեա զդուրս քո, եւ  
կաց յաղօթս առ Հայր քո ի ծածուկ,  
եւ Հայրն քո որ տեսանէ ի ծածուկ՝  
7 հատուցէ քեզ յայտնապէս: Եւ յորժամ  
կայցէք յաղօթս, մի՛ չատախօս լինիք  
իրբեւ զհեթանոսսն: զի համարին եթէ  
ի բաղում խօսից իւրեանց լսելի լինի-  
8 զին: Արդ մի՛ նմանիցէք նոցա: զի  
զիտէ Հայրն ձեր զինչ պիտոյ է ձեզ:  
մինչեւ ձեր խնդրեալ ինչ իցէ ի նմա-  
9 նէ: Եւ արդ այսպէս կացէք դուք յա-  
ղօթս:

Հայր մեր որ յերկինս, սուրբ եղիցի  
10 անուէ քո: Եկեսցէ արքայութիւն քո:  
եղիցին կամք քո որպէս յերկինս՝ եւ

41 յերկրի. Զհաց մեր հանապազորդ տուր  
42 մեզ այսօր. Եւ թող մեզ զպարտիս  
մեր, որպէս եւ մեք թողումք մերոց  
43 պարտապանաց. Եւ մի՛ տանիր զմեզ  
ի փորձութիւն, այլ փրկեա զմեզ ի չա-  
րէն. զի քո է արքայութիւն եւ զօ-  
րութիւն եւ փառք յաւիտեանս. ամէն.  
14 Զի եթէ թողուցուք մարդկան զյան-  
ցանս նոցա, թողցէ եւ ձեզ Հայրն  
45 ձեր երկնաւոր. Ապա թէ ոչ թողու-  
ցուք մարդկան զյանցանս նոցա, եւ  
ոչ Հայրն ձեր թողցէ ձեզ զյանցանս  
ձեր.  
46 Եւ յորժամ պահիցէք, մի՛ լինիք  
իբրեւ զկեղծաւորան տրտմաւք, որ  
ապականեն զերեսս իւրեանց, որպէս  
զի երեւեսցին մարդկան թէ պահիցեն.  
ամէն ասեմ ձեզ, Այն իսկ են վարձք  
47 նոցա. Այլ դու յորժամ պահիցես, օծ  
48 զգլուխ քո եւ լուա զերեսս քո, Զի  
մի՛ երեւեսցին մարդկան իբրեւ զպա-  
հող, այլ՝ Հօրն քում ի ծածուկ. եւ  
Հայրն քո որ տեսանէ ի ծածուկ՝ հա-  
տուցէ՝ քեզ.  
49 Մի՛ գանձէք ձեզ գանձս յերկրի,  
ուր ցեց եւ ուտիճ ապականեն, եւ  
ուր զողք ական հատանեն եւ զողա-  
20 նան. Այլ գանձեցէք ձեզ գանձս յեր-  
կինս, ուր ոչ ցեց եւ ոչ ուտիճ ապա-  
կանեն, եւ ոչ զողք ական հատանեն  
21 եւ զողանան. Զի ուր գանձք ձեր են՝  
անդ եւ սիրտք ձեր եղիցին.  
22 ԲՋ. Ծրագ մարմնոյ ակն է. եթէ  
ակն քո առատ է, ամենայն մարմինդ  
23 լուսաւոր եղիցի. Ապա եթէ ակն քո  
չար է, ամենայն մարմինդ խաւարին  
եղիցի. իսկ արդ եթէ լոյսդ որ ի քեզ  
է՝ խաւար է, խաւարն ո՞րչափ եւս.  
24 Ոչ ոք կարէ երկուց տերանց ծառա-  
յել. կամ զմին ասիցէ եւ զմեւս սի-  
րիցէ, կամ զմին մեծարիցէ եւ զմեւս  
արհամարհիցէ. ոչ կարէք Աստուծոյ  
25 ծառայել եւ մամոնայի. Վասն այդորիկ  
ասեմ ձեզ, Մի՛ հոգայք վասն ոգւոյ  
ձերոց՝ զինչ ուտիցէք կամ զինչ բո-  
ւրիցէք. եւ մի՛ վասն մարմնոց ձերոց՝  
թէ զինչ ազանիցիք. ոչ ապաքէն ոգի  
առաւել է քան զկերակուր, եւ մար-  
26 մին քան զհանդերձ. Հայեցարուք ի  
թոշուես երկնից, զի ոչ վարեն եւ ոչ

հնձեն եւ ոչ ժողովեն ի շտեմարանս,  
եւ Հայրն ձեր երկնաւոր կերակրէ  
զնոսա. ոչ ապաքէն դուք առաւել էք  
27 քան զնոսա. իսկ արդ ո՞ ի ձէնջ առ  
հոգալ իւրում յաւելուլ կարիցէ ի հա-  
28 սակ իւր կանգուն մի. Եւ վասն հան-  
դերձի զի՞ հոգայք. հայեցարուք ի շու-  
չանն վայրենի, ո՞րպէս ասէ. ոչ ջանայ  
29 եւ ոչ նիւթէ. Ասեմ ձեզ, զի եւ ոչ  
Սողոմոն յամենայն ի փառան իւրում  
30 զգեցաւ իբրեւ զմի ի նոցանէ. Իսկ  
եթէ պիտան ի վայրի որ այսօր է եւ  
վաղիւ ի հնոց արկանի, Աստուած այն-  
պէս զգեցուցանէ, ո՞րչափ եւս առաւել  
31 զձեզ, թերահաւատք. Մի՛ այսուհե-  
տեւ հոգայցէք եւ ասիցէք, Զինչ կե-  
րիցուք կամ զինչ արքցուք կամ զի՞նչ  
32 զգեցցուք. Զի զայդ ամենայն հեթա-  
նոսք խնդրեն. քանզի գիտէ Հայրն  
ձեր երկնաւոր թէ պիտոյ է ձեզ այդ  
33 ամենայն. Խնդրեցէք նախ զարքայու-  
թիւնն Աստուծոյ եւ զարդարութիւն  
նորա, եւ այդ ամենայն յաւելցի ձեզ.  
34 Մի՛ այսուհետեւ հոգայցէք վասն վաղ-  
ուի, զի վաղիւն վասն իւր հոգասցի.  
չատ է աւուրն չար իւր:

## ԳԼ. Է

1 ԲԵ. Մի՛ դատիք, զի մի՛ դատի-  
2 ցիք. Զի որով դատաստանաւ դատիք՝  
դատելոց էք. եւ որով չափով չափէք՝  
3 չափեսցի ձեզ. Զի՞ տեսանես զչիդ  
յական եղբոր քո, եւ ի քում ական  
4 զգերանդ ոչ տեսանես. կամ զի՞նչ  
ասես զեղբայր քո, Թող հանից զչիդ  
յականէ քումմէ. եւ ահաւաղիկ ի  
5 քում ականդ զգերան կայ. Կեղծաւոր,  
հան նախ զգերանդ յականէ քումմէ,  
եւ ապա հայեցիս հանել զչիդն յա-  
կանէ եղբոր քո.  
6 Մի՛ տայք զսրբութիւն չանց, եւ  
մի՛ արկանէք զմարդարիտս ձեր առա-  
ջի խոզաց, զի մի՛ առ ոտն կոխիցեն  
զնոսա, եւ դարձեալ երգիծուցանիցեն  
զձեզ.  
7 Խնդրեցէք, եւ տացի ձեզ. հայցե-  
ցէք, եւ գտիք. բախեցէք, եւ բացցի  
8 ձեզ. Զի ամենայն որ խնդրէ՝ առնու, եւ  
որ հայցէ՝ գտանէ, եւ որ բախէ՝  
9 բացցի նմա. Ո՞ իցէ ի ձէնջ մարդ ցոր  
խնդրիցէ որդի իւր հաց, միթէ քար

10 տայցէ նմա. Եւ կամ խնդրիցէ ձուկն,  
 41 միթէ օձ տայցէ նմա: Արդ եթէ դուք  
 որ չարքդ էք՝ գիտէք պարգեւս բարիս  
 տալ որդւոց ձերոց, որչափ եւս ա-  
 ռուել Հայրն ձեր որ յերկինս է՝ տա-  
 ցէ բարիս այնոցիկ որ խնդրեն զնա:  
 42 Ձամենայն զոր միանգամ կամիջիք  
 թէ արասցեն ձեզ մարդիկ, այնպէս  
 եւ դուք արարէք նոցա, զի այս իսկ  
 են օրէնքն եւ մարգարէք:  
 43 Մտէք ընդ նեղ դուռն, Քանի՜ ըն-  
 դարձակ է դուռնն եւ համարձակ ճա-  
 նապարհն որ տանի ի կորուստ, եւ  
 բազումք են որ մտանեն ընդ նա:  
 44 Քանի՜ անձուկ է դուռնն եւ նեղ ճա-  
 նապարհն որ տանի ի կեանս, եւ սա-  
 կաւք են որ գտանեն զնա:  
 45 Զգոյշ լիբուք ի սուտ մարգարէիցն  
 որ պան առ ձեզ հանդերձիւք ոչխա-  
 րաց, եւ ի ներքոյ են գայլք յափշտա-  
 46 կողք: Ի պողոյ նոցա ծանիջիք զնոսա:  
 միթէ քաղիցն ի փշոց խաղող, կամ  
 47 ի տատասկէ թուզ. Այսպէս ամենայն  
 ծառ բարի՝ պտուղ բարի առնէ, եւ  
 48 ծառ չար՝ պտուղ չար առնէ: Ոչ կարէ  
 ծառ բարի պտուղ չար առնել, եւ ոչ  
 49 ծառ չար պտուղ բարի առնել: Ամե-  
 նայն ծառ որ ոչ առնէ պտուղ բարի՝  
 50 հատանի եւ ի հուր արկանի: Ապա ի  
 պողոյ նոցա ծանիջիք զնոսա:  
 21 Ոչ ամենայն որ ասէ ցիս, Տէր, Տէր,  
 մտցէ յարքայութիւն երկնից, այլ՝ որ  
 առնէ վկամա Հօր իմոյ որ յերկինսն է:  
 22 Բազումք ասիցեն ցիս յաւուրն յայն-  
 միկ, Տէր, Տէր, ոչ յանուն քո մար-  
 4 գարէացաք, եւ յանուն քո դեւս հա-  
 նաք, եւ յանուն քո գորութիւնս բա-  
 23 զումս արարաք: Եւ յայնժամ ասացից  
 ցնոսա եթէ, Ոչ երբեք գիտէի զձեզ.  
 Ի բաց կացէք յինչն՝ զամենեւեմն՝ ոյք  
 գործէիք զանօրէնութիւնս:  
 24 Ամենայն որ լսէ զբանս իմ զայսոսիկ  
 եւ առնէ զսոսա՝ նմանեցէ չառն ի-  
 մասանոյ որ չինեաց զտուն իւր ի վի-  
 25 րայ վիմի. Իջին անձրեւք եւ խաղաղին  
 գետք, չնչեցին հողմք եւ բախեցին  
 զտունն, եւ ոչ կործանեցաւ, քանզի  
 26 ի վերայ վիմի հաստատեալ էր: Եւ ամե-  
 նայն որ լսէ զբանս իմ զայսոսիկ  
 եւ ոչ առնէ զսոսա՝ նմանեցէ առն

յիմարի որ չինեաց զտուն իւր ի վերայ  
 27 աւաղոյ. Իջին անձրեւք, յարեան  
 գետք, չնչեցին հողմք, հարին զտունն,  
 եւ անկաւ: Եւ էր կործանուան նորա  
 մեծ յոյժ:  
 28 Եւ եղեւ իբրեւ կատարեաց Յիսուս  
 զամենայն զբանս զայսոսիկ, զարմա-  
 նային ժողովուրդքն ընդ վարդապե-  
 29 տութիւն նորա: Զի իբրեւ իշխանու-  
 թեամբ ճուսուցանէր, եւ ոչ՝ որպէս  
 զպիրքն նոցա:

## ԳԼ. Ը

1 Այլ իբրեւ էջ ի բռնէ անտի, գնացին  
 2 զկնի նորա ժողովուրդք բազումք: Եւ  
 ահա մատուցեալ բորոտ մի երկիր պա-  
 3 գանէր նմա եւ ասէր, Տէր, եթէ կա-  
 միս, կարող ես զիս սրբել: Զգեաց  
 զձեռն իւր եւ հասոյց ի նա Յիսուս  
 եւ ասէ, Կամիմ, սրբեաց. եւ վաղվա-  
 զակի սրբեցաւ ի նմանէ բորոտու-  
 4 թիւնն: Եւ ասէ ցնա Յիսուս, Զգոյշ  
 լիբ, մի՛ ու մեք ասիցես, այլ երթ ցոյց  
 զանձն քո քահանային, եւ մատո  
 զպատարազն զոր հրամայեաց Մովսէս  
 ի վկայութիւն նոցա:  
 5 Եւ մտեալ ի Կափառնայում, մատ-  
 եաւ առ նա հարիւրապետ մի, աղաչէր  
 6 զնա, Եւ ասէր, Տէր, մանուկ իմ  
 անկեալ կայ ի տան անդամալոյ՝ չա-  
 7 րաչար տանջեալ: Ասէ ցնա Յիսուս,  
 8 Ես եկից եւ բժշկեցից զնա: Պատաս-  
 խանի ետ հարիւրապետն եւ ասէ,  
 Տէր, չեմ բաւական եթէ ընդ յարկաւ  
 իմով մտցես. այլ ասա բանիւ, եւ  
 9 բժշկեցի մանուկն իմ: Քանզի եւ ես  
 10 տյր մի եմ ընդ իշխանութեամբ, ու-  
 նիմ ընդ ինեւ զինուորս. ասեմ սմա,  
 երթ, եւ երթայ. եւ այլում թէ, Եկ,  
 եւ զայ. եւ ծառայի իմում թէ, Արա  
 10 զայս, եւ առնէ, Իբրեւ լուաւ Յիսուս,  
 զարմացաւ, եւ ասէ զայնոսիկ որ  
 զհետն երթային, Ամէն ասեմ ձեզ,  
 եւ ոչ յիսրայելի այսպիսի հաւատոս  
 11 գտի երբեք: Բայց ասեմ ձեզ զի բա-  
 ցումը յարեւելից եւ յարեւմտից եւ  
 կեսցին եւ բազմեցին ընդ Արրահամու  
 եւ ընդ Սահակայ եւ ընդ Յակովբու  
 12 յարքայութեան երկնից. Եւ որդիքն



- արքայութեան ելցեն ի խաւարն արտաքին. անդ եղիցի լալ եւ կրճել
- 13 ատամանց: Եւ ասէ Յիսուս ցնարիւրապետն, Երթ, եւ որպէս հաւատացերդ՝ եղիցի քեզ. եւ ողջացաւ մա-
- 14 նուկն նորա՝ յաւուր յայնմիկ: Եւ եկեալ Յիսուս ի տուն Պետրոսի, ետես զի զոքանչ նորա անկեալ դնէր
- 15 տապալցեալ. կարաւ զձեռանէ նորա, եւ եթող գնա քերմին. յոսն եկաց եւ պաշտէր <sup>2</sup>գնա:
- 16 Իբրեւ եղեւ երեկոյ, մատուցին առնա զիւսհարս բազումս, եւ եհան զայսն բանիւ, եւ զամենայն հիւ-
- 17 ւանդսն բժշկեաց. Զի լցցի բանն որ ասացաւ. ի ձեռն Նսայեայ մարգարէի, Նա զհիւանդութիւնս մեր վերացոյց եւ զցաւս մեր հրարձ:
- 18 ԳԼ. Տեսեալ Յիսուսի ժողովուրդս բազումս զիւրեւ, հրամայեաց երթալ
- 19 յայնկոյս: Եւ մատուցեալ զպիր մի ասէ ցնա, Վարդապետ, եկից եւ ես
- 20 զկնի քո, յոր վայր եւ երթիցես: Ասէ ցնա Յիսուս, Աղուեսուց որջք գոն, եւ թռչոց երկնից՝ բոյնք, այլ Որդւոյ մարդոյ ոչ գոյ ուր զիցէ զպլուխ իւր:
- 21 Եւ մի ոմն յաշակերտաց նորա ասէ ցնա, Տէր, տուր ինձ հրաման զի եր-
- 22 թայց նախ թաղեցից զհայր իմ, եւ թոյլ տուր մեռելոցն թաղել զմեռեալս իւրեանց:
- 23 Եւ իբրեւ եմուտ ի նաւն, գնացին
- 24 զկնի նորա աշակերտքն նորա. Եւ ահա շարժումն մեծ եղեւ ի ծովուն մինչ նաւին ծածկել յաբեաց անտի:
- 25 Եւ ինքն ննջէր: Եւ մատուցեալ աշակերտքն յարուցին գնա եւ ասեն, Տէր,
- 26 փրկեա զմեզ զի կորնչիմք: Եւ ասէ ցնոսա, Ընդէր վատասիրտք էք, սակաւահաւատք. յայնժամ յարուցեալ սաստեաց հողմոցն եւ ծովուն, եւ ե-
- 27 ղեւ խաղաղութիւն մեծ: Եւ մարդիկն զարմացան, եւ ասէին, Որպիսի՞ ոք իցէ սա, զի եւ հողմք եւ ծով հաւ-
- 28 րանդին սմա:
- Եւ իբրեւ անց յայնկոյս յերկիրն Գերգեսացոց, պատահեցին նմա զիւսհարք երկու, երեւոյց ի վերեւմա-

<sup>1</sup> Յ-ըն, ի ժամանակ  
<sup>2</sup> Որ-ըն, զնոսա

- նացն, չարաչարք յոյժ, որպէս զի չէր հնար անցանել ումեք ընդ այն ճանա-
- 29 պարհ: Եւ ահա աղաղակեցին եւ ասեն, Զի՞ կայ մեր եւ քո, Յիսուս, Որդի Աստուծոյ, եկիր տարածամ
- 30 տանջել զմեզ: Եւ էր հեռագոյն ի նոյանէ երամակ մի խողից արօտական:
- 31 Եւ զեւքն աղաչէին գնա եւ ասէին, Եթէ հանեա զմեզ աստի, հրաման տուր մեզ երթալ յերամակ խողիցն:
- 32 Եւ ասէ ցնոսա, Երթալք. եւ նոքա եկեալ գնացին յերամակն խողից. եւ զիմեաց ամենայն երամակն ի դարէ
- 33 անտի ի ծով, եւ մեռան ի ջուրսն: Եւ խողարածքն փախեան, եւ երթեալ ի քաղաքն պատմեցին զամենայն, եւ
- 34 զիրս զիւսհարացն: Եւ ահա ամենայն քաղաքն եւ ընդ առաջ Յիսուսի. իբրեւ տեսին գնա, աղաչեցին զի գնասցէ ի սահմանաց նոցա:

## ԳԼ. Թ

- 1 Եւ մտեալ ի նաւ անց յայնկոյս եւ
- 2 եկն ի քաղաք իւր: Եւ ահա մատուցին առնա անդամալոյծ մի որ գնէր ի մահիճս. եւ տեսեալ Յիսուսի գնաւատս նոցա՝ ասէ ցանդամալոյծն,
- 3 <sup>1</sup>Թողեալ լիցին քեզ մեղք քո: Եւ ահա ոմանք ի դպրացն ասեն ընդ միտս,
- 4 Հայնոյէ դա: Եւ ծանուցեալ Յիսուսի զխորհուրդս նոցա՝ ասէ ցնոսա, Ընդէր խորհիք զուք չարիս ի սիրտս ձեր:
- 5 Զի՞նչ զիւրին է. ասել՝ Թողեալ լիցին քեզ մեղք քո, թէ ասել՝ Արի եւ չոր-
- 6 քեաց: Այլ զի գիտասցիք եթէ իշխանութիւն ունի Որդի մարդոյ յերկրի թողուլ զմեզս, (յայնժամ ասէ ցանդամալոյծն,) Արի, առ զմահիճս քո եւ
- 7 երթ ի տուն քո: Եւ յարուցեալ գնաց
- 8 ի տուն իւր: Իբրեւ տեսին ժողովուրդքն, զարմացան եւ փառաւոր առնէին զԱստուած, զտու իչն այնպիսի իշխանութեան՝ մարդկան:
- 9 ԳԲ. Եւ անցեալ ընդ այն Յիսուսի՝ ետես այր մի զի նստէր ի մաքսաւորութեան, Մատթէոս անուն, եւ ասէ ցնա, Եկ զկնի իմ. եւ յարուցեալ գնաց
- 10 զկնի նորա: Եւ եղեւ իբրեւ բազմեալ

<sup>1</sup> Յ-ըն, ի խողից բազմաց  
<sup>2</sup> Յ-ըն, գալալերեաց, որդեակ, թողեալ

էր նա ի տանն , եւ ահա բազում մաք-  
սաւորք եւ մեղաւորք եկեալ եւ բազ-  
մեալ էին ընդ Յիսուսի եւ ընդ աշա-  
11 կերտս նորա : Իբրեւ տեսին փարիսե-  
ցիքն , ասեն ցաշակերտս նորա , Ընդէ՞ր  
ընդ մաքսաւորս եւ ընդ մեղաւորս  
12 ուսէ՞ վարդապետն ձեր : Իսկ Յիսուս  
իբրեւ լուաւ , ասէ ցնոսա , Ոչ է պի-  
տոյ բժիշկ կարողաց , այլ հիւանդաց :  
13 Երթա՞ք , ուսարուք զինչ է , Զողոր-  
մութիւն կամիմ եւ ոչ զգոհ . զի ոչ  
եկի կոչել զարդարս , այլ զմեղաւորս :  
14 Յայնժամ մատենան առ նա աշա-  
կերտքն Յովհաննու եւ ասեն , Ընդէ՞ր  
մեք եւ փարիսեցիքն պահեմք յաճախ ,  
15 եւ քո աշակերտքդ ոչ պահեն : Ասէ  
ցնոսա Յիսուս , Միթէ՞ մարթ ի՞նչ իցէ  
մանկանց առագաստի սուգ առնուլ ,  
մինչ փեսայն ընդ նոսա իցէ . այլ ե-  
կեացեն աւուրք , յորժամ բարձցի ի նո-  
ցանէ փեսայն , եւ ապա պահեցեն :  
16 Ոչ ոք արկանէ կապերտ անթափ ի  
վերայ հնացեալ ձորձոյ . զի առնու ե-  
լանէ 2 զլուրթիւն նորա ի հանդերձն ,  
17 եւ եւս չար պատառումն լինի : Եւ ոչ  
արկանեն զինի նոր ի տիկս հինս .  
ապա թէ ոչ տիկքն պատառին եւ գի-  
նին հեղու , եւ տիկքն կորնչին . այլ  
արկանեն զգինի նոր ի տիկս նորս , եւ  
երկոքին պահին :  
18 ԳԳ. Մինչդեռ նա զայս խօսէր ընդ  
նոսա , ահա իշխան մի մատուցեալ եր-  
կիր պագանէր նմա եւ ասէր , Դուստր  
իմ արդ եւս վախճանեցաւ , այլ եկեալ  
զիցես զձեռն քո ի վերայ նորա , եւ  
19 կեցցէ : Յարեաւ Յիսուս եւ գնաց զկնի  
նորա աշակերտօքն հանդերձ :  
20 Եւ ահա կին մի տեսաւ երկո-  
տասանամեայ մատուցեալ յետոյ մեր-  
ձեցաւ ի զրօշակ հանդերձի նորա :  
21 Քանզի ասէր ի մօի իւրում , Թէ միայն  
մերձենամ ի հանդերձս նորա , փրկիմ :  
22 Իսկ Յիսուս իբրեւ դարձաւ եւ ետես  
զնա , ասէ , Քաջաբեհաց , դուստր ,  
հաւառք քո կեցուցին զքեզ . եւ փր-  
կեցաւ կինն ի ժամէն յայնմանէ :  
23 Իբրեւ եկն Յիսուս ի տուն իշխանին ,  
եւ ետես զփողարմն եւ ամբոխ յոյժ ,  
24 Ասէ ցնոսա , Ի բաց գնացէք , զի ոչ

եթէ մեռեալ է աղջիկդ , այլ ննջէ . եւ  
25 ծաղր առնէին զնա : Եւ իբրեւ ել ամ-  
բոխն ի բաց , եմուտ , կալաւ զձեռանէ  
26 նորա , եւ յարեաւ աղջիկն : Եւ ել  
համբաւս այս ընդ ամենայն երկիրն  
ընդ այն :

27 ԳԴ. Եւ մինչդեռ անցանէր ընդ այն  
Յիսուս , զհետ եղեն նորա կոյրք երկու ,  
աղաղակէին եւ ասէին , Ողորմաց  
28 մեզ , Որդի Դաւթի : Եւ իբրեւ հկն  
ի տուն , մատենան առ նա կոյրքն . եւ  
ասէ ցնոսա Յիսուս , Հաւատա՞ք եթէ  
կարող եմ առնել ձեզ զայդ . ասեն  
29 ցնա , Այո , Տէր : Յայնժամ մերձեցաւ  
յաչս նոցա , եւ ասէ , Ըստ հաւատոց  
30 ձերոց եղիցի ձեզ , Եւ բացան աչք  
նոցա . եւ սաստեաց նոցա Յիսուս եւ  
ասէ , Զգոյ՜ կացէք , մի՞ ոք գիտացէ :  
31 Եւ նոքա ելեալ համբաւեցին զնա ընդ  
ամենայն երկիրն ընդ այն :

32 Եւ յերանկն նոցա արտաքս , ահա  
մատուցին առ նա այր մի համր դիւա-  
33 հար : Եւ յերանկ դիւին խօսեցաւ  
համրն . եւ զարմացան ժողովուրդքն  
եւ ասեն թէ , Եւ ոչ երբեք երևեցաւ  
34 այսպիսի ինչ յիսրայելի : Իսկ փարի-  
սեցիքն ասէին թէ , Իշխանաւն դիւաց  
հանէ զա զգեւս :

35 ԳԵ. Եւ չրջէր Յիսուս ընդ ամենայն  
քաղաքս եւ ընդ գեղս , ուսուցանէր  
ի ժողովուրդս նոցա , եւ քարոզէր զա-  
ւետարանն արքայութեան , եւ բժշկէր  
զամենայն ախտս եւ զամենայն հի-  
36ւանդութիւնս ի ժողովրդեանն : Եւ  
տեսեալ զժողովուրդսն՝ զթացաւ ի նո-  
սա , զի էին աշխատեալք եւ ցրուեալք  
իբրեւ զոչխարս որոց ոչ իցէ հովիւ :  
37 Յայնժամ ասէ ցաշակերտս իւր , Հունձք  
38 բազում են , եւ մշակք սակաւ . Արդ  
աղաչեցէք զՏէր հնձոց , զի հանցէ  
մշակս ի հունձս իւր :

## ԳԼ Ժ

1 Եւ կոչեցեալ առ ինքն զերկոտասա-  
նեաին աշակերտսն իւր՝ ետ նոցա իշ-  
խանութիւնս այսոց պղծոց հանել զնո-  
սա , եւ բժշկել զամենայն ցաւս եւ  
2 զամենայն հիւանդութիւնս : Եւ առա-  
քելոցն երկոտասանից էին անուանք  
այսոքիկ . առաջին Սիմօն , անուան-  
եալն Պետրոս , եւ Անդրէաս եղբայր

1 Ուստի , զմեղաւորս յաղաչխարութիւն

2 Կեւ , լուրթիւն

3 նորա, Յակովբոս Զերեզեայ եւ Յովհաննէս եղբայր նորա, Փիլիպպոս եւ Բարթողոմէոս, Թովմաս եւ Մատթէոս մաքսաւոր, Յակովբոս Արիւայ եւ Ղէւզէոս որ անուանեցաւ թաղէոս, Միմոն Կանանացի եւ Յուդա Իսկարիով-  
 5 տացի, որ եւ մատնեացն զնա: Զնոսա երկոտասանսին առաքեաց Յիսուս, պատուիրեաց նոցա եւ ասէ, ի ճանապարհ հեթանոսաց մի՛ երթայցէք, եւ ի քաղաք Սամարացւոց մի՛ մտանիցէք,  
 6 Այլ երթայք առաւել առ ոչխարսն կո-  
 7 րուսեայս տանն Իսրայելի: Եւ իբրեւ երթայցէք, քարոզեցէք եւ ասացէք թէ, Մերձեալ է արքայութիւն երկ-  
 8 նից: Զհիւանդա բժշկեցէք, զբորոտս սրբեցէք, զղեւս հանէք, ձրի ասէք եւ  
 9 ձրի տուք: Մի՛ ստանայք ոսկի, եւ մի՛ արծաթ, եւ մի՛ պղինձ ի գօտիս  
 10 ձեր, Մի՛ պարկ ի ճանապարհ, եւ մի՛ երկուս հանդերձս, մի՛ կօշիկս, մի՛ ցուպ, զի արժանի է մշակն կերակրոյ  
 11 իւրում: Եւ քաղաք մտանիցէք կամ ի գեղ, հարցանիցէք թէ ո՞ր է ի նմա արժանի, եւ անդ լինիջիք մինչեւ ե-  
 12 լանիցէք անտի: Եւ իբրեւ մտանիցէք ի տունն, ողջոյն տաջիք նմա <sup>2</sup>եւ ա-  
 13 ստջիք, Ողջոյն տանս այսմիկ: Եթէ իցէ տունն արժանի, եկեացէ ողջոյնն ձեր ի վերայ նորա: ապա թէ ոչ իցէ արժանի, ողջոյնն ձեր առ ձեզ դարձ-  
 14 ցի: Եւ որ ոչ բնկայցի զձեզ եւ ոչ լուիցէ բանից ձերոց, իբրեւ ելանիցէք ի տանէն կամ ի քաղաքէն յայնմանէ, թօթափեալիք զփուշին յոտից ձերոց:  
 15 Ամէն ասեմ ձեզ, Դիւրագոյն լիցի երկրին Սոգոմացւոց եւ Գոմորացւոց յառեւրն դատաստանի, քան քաղաքին այնմիկ:  
 16 ԳԶ. Ահաւասիկ ես առաքեմ զձեզ իբրեւ զոչխարս ի մէջ գայլոց. եղև-  
 17 րուք այսուհետեւ խորագէտք իբրեւ զօձս, եւ միամիտք իբրեւ զաղաւնիս:  
 18 Զոյց լինիջիք ի մարդկանէ, զի մատնեացին զձեզ յատեանս, եւ ի ժողո-  
 19 վուրդս իւրեանց տանջեցին զձեզ:  
 20 Եւ առաջի դատաւորաց եւ թագա-  
 21 ւորաց տանիցին զձեզ վասն իմ ի վր-  
 22 կայութիւն նոցա եւ հեթանոսաց: Այլ յորժամ մատնիցեն զձեզ, մի՛ հոգայ-

ցէք թէ որպէս կամ զինչ խօսիցիք. զի տացի ձեզ ի ժամուն յայնմիկ զինչ  
 20 խօսիցիք: Զի ոչ եթէ զուք իցէք որ խօսիցիքն, այլ Հոգին Հօր ձերոյ որ  
 21 խօսիցի ի ձեզ: Մատնեացէ եղբայր զեղբայր ի մահ, եւ հայր՝ զորդի. եւ յարիցեն որդիք ի վերայ հարց եւ սպա-  
 22 նանիցեն զնոսա: Եւ եղիջիք ատեցեալք յամենեցունց վասն անուան իմոյ. իսկ որ համբերեաց ի սպառնա կեցցէ:  
 23 Եւ յորժամ հալածիցեն զձեզ ի քաղաքիս յայնմիկ, փախիջիք յայլ: <sup>2</sup>Եւ եթէ յայնմանէ հալածիցեն զձեզ, փախիջիք ի մեւսն: ամէն ասեմ ձեզ, ոչ սպա-  
 24 ռուջիք զքաղաքս Իսրայելի մինչեւ  
 25 եկեալէ Որդի մարդոյ: Ոչ է աշակերտ առաւել քան զաւեր իւր, եւ ոչ  
 26 ծառայ քան զտէր իւր: Ծատ իցէ աշակերտին եթէ եղիցի իբրեւ զվարդապետ իւր, եւ ծառային իբրեւ զտէր իւր. եթէ զտանուէրն Բեղղեսրուղ կոչեցին, որչափ եւս առաւել զրնտա-  
 27 նիս նորա: Մի՛ այսուհետեւ երկնիցիք ի նոցանէ, զի ոչինչ է ի ծածուկ որ ոչ յայտնեացի, եւ գաղտնի՝ որ ոչ ծա-  
 28 նիցի: Զոր ասեմ ձեզ ի խաւարի՝ ա-  
 29 սացէք ի լոյս. եւ զոր լսէք յունկանէ՝  
 30 քարոզեցէք ի վերայ տանեաց: Եւ մի՛ երկնիցիք յայնցանէ որ սպանանեն զմարմին եւ զոգի ոչ կարեն սպանա-  
 31 նել: այլ երկերուք զուք առաւել յայնմանէ որ կարողն է զոգի եւ զմար-  
 32 մին կորուսանել ի գեհենի: Ո՛չ ապա-  
 33 քէն երկու ճնճղուկք դանդի միոջ վաճառին, եւ մի ի նոցանէ յերկիր ոչ  
 34 անկցի առանց Հօր ձերոյ: Այլ ձեր եւ ամենայն իսկ հեր գլխոյ թուեալ է:  
 35 Եւ արդ մի՛ երկնիցիք, զի լուհք քան զբազում ճնճղուկս: Ամենայն որ խոստովանեցի յիս առաջի մարդկան, խոստովանեցից եւ ես զնմանէ առաջի  
 36 Հօր իմոյ որ յերկինսն է. եւ որ ուրացի զիս առաջի մարդկան, ուրացայց եւ ես զնա առաջի Հօր իմոյ որ յերկինսն է: Մի՛ համարիք եթէ եկի արկանել խաղաղութիւն յերկիր. ոչ եկի արկանել խաղաղութիւն, այլ  
 37 սուր: Քանզի եկի քակել զայր ի հօրէ իւրմէ, եւ զդուստր ի մօրէ իւրմէ:  
 38 Եւ զնարսն ի սկեսրէ իւրմէ. եւ թշնա

<sup>1</sup> Ո՛րք, զմեւեալ յարուցէք, զբորոտս

<sup>2</sup> Եւ մեւս գաւառ

37 միք առն՝ ընտանիք իւր։ Որ սիրէ  
 զհայր կամ զմայր առաւել քան զիս՝  
 ոչ է ինձ արժանի։ Եւ որ սիրէ զուստր  
 կամ զղուստր առաւել քան զիս՝ չէ  
 38 ինձ արժանի։ Եւ որ ոչ առնու զխաչ  
 իւր եւ գայ զկնի իմ՝ չէ ինձ արժա-  
 39 նի։ Որ գտանէ զանձն իւր՝ կորուսցէ  
 զնա։ Եւ որ կորոյս զանձն իւր վասն  
 40 իմ՝ գտցէ զնա։ Որ ընդունի զձեզ՝ զիս  
 ընդունի, եւ որ զիս ընդունի՝ ընդու-  
 41 նի զառաքելն իմ։ Որ ընդունի զմար-  
 զարէ յանուն մարգարէի՝ զվարձս մար-  
 զարէի առցէ։ Եւ որ ընդունի զարդար  
 յանուն արդարոյ՝ զվարձս արդարոյ  
 42 առցէ։ Եւ որ արուեսցէ միում ի փոքր-  
 կանցս յայսցանէ բաժակ մի ջուր ցուրտ  
 միայն՝ յանուն աշակերտի, ամէն ասեմ  
 ձեզ, ոչ կորուսցէ զվարձս իւր։

## ԳԼ. ԺԱ

1 ԳԵ. Եւ եղեւ իբրեւ կատարեաց Յի-  
 սուս զպատուէր երկոտասանից աշա-  
 կերտացն իւրոց, զնաց անտի քարոզել  
 եւ ուսուցանել ի քաղաքս նոցա։  
 2 Իսկ Յովնանն իբրեւ լուաւ ի  
 բանտին զգործան Քրիստոսի, առա-  
 քեաց ՚ի ձեռն աշակերտաց՝ իւրոց,  
 3 Եւ ասէ ցնա, Դ՞ո՞ւ ես որ զայոցն ես,  
 4 եթէ այլում ակն կայցուք։ Պատաս-  
 խանի ես Յիսուս եւ ասէ ցնոսա-  
 Գնացէք պատմեցէք Յովնանու զոր  
 5 լուայք եւ տեսէք։ Կոյրք տեսանն,  
 կաղք գնան, բորոտք սրբին, եւ խուլք  
 լսեն, եւ մեռեալք յառնեն, եւ աղքատք  
 6 աւետարանին։ Եւ երանեալ է որ ոչ  
 զայթակղեսցի յիս։  
 7 Եւ իբրեւ նոքա զնացին, սկսաւ  
 Յիսուս ասել ցժողովուրդսն զՅովնա-  
 նէ, Զի՞նչ ելէք տեսանել յանապատին  
 8 եղէ՞քն յարժուս ի հողմոյ։ Այլ զի՞նչ  
 ելէք տեսանել։ մարդ ի հանդերձս  
 փափկութեան զարդարեալ. ահաւանիկ  
 որ զփափուկսն զգեցեալ են՝ ի տունս  
 9 թագաւորաց են։ Այլ զի՞նչ ելէք տե-  
 սանել. մարգարէ՞. այո, ասեմ ձեզ,  
 10 եւ առաւել եւս քան զմարգարէ։ Զի  
 նա է վասն որոյ գրեալն է։ Ահա ես  
 առաքելից զհրեշտակ իմ առաջի երե-  
 սաց քոց, որ պատրաստեսցէ զճանա-

41 պարհա քո առաջի քո։ Ամէն ասեմ  
 ձեզ, Զէ յարուցեալ ի ծնունդս կա-  
 նանց մեծ քան զՅովնաննէս մկրտիչ։  
 42 մեծ է քան զնա։ Բայց յաւուրոյն Յով-  
 նաննու մկրտիչ մինչեւ ցայժմ ար-  
 քայութիւնն երկնից բռնադատի, եւ  
 43 բռունք յափշտակեն զնա։ Քանզի ա-  
 մենայն օրէնք եւ մարգարէք մինչեւ  
 44 Յովնաննէս մարգարէացան։ Եւ եթէ  
 կամիք ընդունել, նա է Եզրիա որ գա-  
 45 լոցն է։ Որ ունիցի ականջս լսելոյ՝  
 46 լուիցէ։ Ո՞ւմ նմանեցուցից զազգս  
 զայս։ Նման է մանկուոյ որ նստիցին  
 ի հրապարակս, կարդացին զընկերս  
 47 իւրեանց, Եւ ասիցին, Փողս հարաք  
 ձեզ եւ ոչ կաքաւեցէք, ողբացաք ձեզ  
 48 եւ ոչ կոծեցարուք։ Եկն Յովնաննէս,  
 ոչ ուտէր եւ ոչ ըմպէր, եւ ասեն,  
 49 Դեւ գոյ ի նմա։ Եկն Որդի մարդոյ,  
 ուտէ եւ ըմպէ, եւ ասեն, Ահա այր  
 կերող եւ արբեցող, բարեկամ մաք-  
 սաւորաց եւ մեղաւորաց։ Եւ արդա-  
 րացաւ իմաստութիւն յորդոյ ոյ իւրոց։  
 20 Յայնժամ սկսաւ նախատել զքաղաքսն  
 յորս եղեն բազում զօրութիւնք նորա  
 21 եւ ոչ ապաշխարեցին։ Վայ քեզ, Քո-  
 բաղին, վայ քեզ, Բեթսայիդա։ զի  
 եթէ ի Տիրուս եւ ի Սիդոնի եղեալ էին  
 զօրութիւնքն որ ի ձեզ եղին, վաղու  
 եւս արդեւք խորզով եւ մոխրով ա-  
 22 պաշխարեալ էր։ Բայց ասեմ ձեզ,  
 Դիւրագոյն լիցի երկրին Տիրուսի եւ  
 Սիդոնի յաւուրն զատաստանի քան  
 23 ձեզ։ Եւ զու, Կաթառնայում, ՚մի՞  
 մինչեւ յերկինս բարձրացիս, այլ՝  
 մինչեւ ի զժոխս իջիս։ զի եթէ ի  
 Սոդոմ եղեալ էին զօրութիւնքն որ  
 ի քեզ եղեն, ապաքնի կային եւս մին-  
 24 չեւ ցայսօր։ Բայց ասեմ ձեզ եթէ,  
 Երկրին Սոդոմացւոյ զիւրազոյն լիցի  
 յաւուրն զատաստանի քան քեզ։  
 25 ԳԵ. Յայնժմ ժամանակի պատասխանի  
 ես Յիսուս եւ ասէ, Փոհանամ զքէն,  
 Հայր, Տէր երկնի եւ երկրի, զի ծած-  
 կեցիր զայս յիմաստնոց եւ ի զիսնոց,  
 26 եւ յայտնեցեր տղայոց, Այո, Հայր,  
 զի այսպէս հաճոյ եղեւ առաջի քո։  
 27 Ամենայն ինչ տուաւ ինձ ի Հօրէ իմմէ։  
 եւ ոչ ոք ճանաչէ զՈրդի՝ եթէ ոչ Հայր,

եւ ոչ զՀայր որ ճանաչէ եթէ ոչ  
 Որդի, եւ ում Որդին կամիցի յայտնել:  
 28 Եկայք առ իս, ամենայն վաստակեալք  
 եւ բեռնաւորք, եւ ես հանգուցից  
 29 զձեզ, Առէք զլուծ իմ ի ձեզ, եւ ու-  
 սարուք յինչն, զի հեղեմ եւ խոնարհ  
 սրտիւ, եւ զաջիք հանգիստ անձանց  
 30 ձերոց: Զի լուծ իմ քաղցր է, եւ բեռն  
 իմ՝ փոքրոգի:

## ԳԼ. ԺԲ

1 ԴԲ. Յայնժամ գնաց Յիսուս ընդ  
 արտորայնն նոցա ի շաբաթու, եւ ա-  
 շակերտքն նորա քաղցեան եւ սկսաւ  
 2 հասկ կորզել եւ ուտել: Փարիսեցիքն  
 իբրեւ տեսին, ասեն ցնա, Ահաւանիկ  
 աշակերտքն քո զործեն զոր ոչ է ար-  
 3 ժան զործել ի շաբաթու: Եւ նա ասէ  
 ցնոսա, Ո՛չ իցէ ընթերցեալ ձեր զոր  
 արար Դաւիթ, յորժամ քաղցեաւն,  
 4 եւ որ ընդ նմայն էին: Զիւրդ եմուտ  
 ի տունն Աստուծոյ եւ եկեր զնաց զա-  
 ուջաւորութեանն, զոր ոչ էր օրէն  
 նոյա ուտել, եւ ոչ որոց ընդ նմայն  
 5 էին, բայց միայն քահանայից, կամ թէ  
 չիցէ՝ ընթերցեալ յօրէնս, զի ի շա-  
 բաթս քահանայքն ի տաճարին պղծին  
 6 զշաբաթն եւ անմեղք են: Բայց ասեմ  
 ձեզ, զի մեծ քան զտաճարն է աստ:  
 7 Եւ եթէ գիտէիք զինչ է Զողորմու-  
 թիւն կամիմ եւ ոչ զզոհ, ապա ոչ  
 դատապարտէիք զուք զանպարտան:  
 8 Զի տէր է շաբաթու Որդին մարդոյ:  
 9 Եւ գնացեալ անտի Յիսուս՝ եկն ի ժո-  
 10 զովուրդն նոցա: Եւ անդ էր այր մի  
 որոյ ձեռն իւր զօսացեալ էր. հարցին  
 ցնա եւ ասեն եթէ, Պա՛րտ իցէ ի շա-  
 բաթու բժշկել, զի չարախօսեացեն  
 11 զնմանէ: Եւ նա ասէ ցնոսա, Ո՛վ է  
 ի ձէնջ մարդ որոյ իցէ ոչխար մի, եւ  
 անկանիցի այն ի խորխորատ ի շաբա-  
 12 թու, միթէ ո՛չ ունիցի եւ յարուցա-  
 13 նիցէ զնա: Իսկ արդ ո՛րչափ եւս ա-  
 ոաւել է մարդ քան զոչխար. ապա  
 ուրեմն պարտ է ի շաբաթու բարիս  
 14 զործել: Յայնժամ ասէ յայրն, Զպեա  
 զձեռն քո, եւ նա ձգեաց եւ եղեւ ողջ  
 15 իբրեւ զմուսն: Իսկ փարիսեցիքն ելեալ  
 արտաքս խորհուրդ ատին զնմանէ թէ  
 ո՛րպէս կորուսցին զնա:  
 16 Եւ Յիսուս իբրեւ գիտաց, մեկնե-

ցաւ անտի. եւ գնացին զհետ նորա  
 ժողովուրդք բազումք, եւ բժշկեաց  
 16 զամենեւեւս: Եւ սաստեաց նոցա զի  
 17 մի՛ յայտնեացեն զնմանէ ումաք: Զի  
 լցցի որ ասացաւն ի ձեռն Եսայեայ  
 18 մարգարէի, Ահա մանուկ իմ զոր ընտ-  
 րեցի, եւ սիրելի իմ ընդ որ հաճեցաւ  
 անձն իմ. եղից զմզի իմ ի վերայ նո-  
 րա, եւ իրաւունս հեթանոսաց պատ-  
 19 մեաց: Ոչ հակառակեացի եւ ոչ ա-  
 զաղակեացէ, եւ ոչ ոք լուիցէ ի հրա-  
 20 պարակս զբարբառ նորա: Զեղէզն  
 ջախջախեալ ոչ փշրեացէ, եւ զպատ-  
 րոյկն առկայծեալ ոչ չիջուցէ, մին-  
 չևս հանցէ ի յաղթութիւն զդատաւ-  
 21 տանն: Եւ յանուն նորա հեթանոսք  
 յուսացին:  
 22 ԴԳ. Յայնժամ մատուցաւ առ նա  
 զիւհարար մի կոյր եւ համր, եւ բժշ-  
 կեաց զնա, որպէս զի համրն եւ կոյրն  
 23 խօսիցի եւ տեսանիցէ: Զարմացան  
 ամենայն ժողովուրդքն եւ առին:  
 Միթէ սա՛ իցէ Քրիստոսն որդի Դաւ-  
 24 թի՞: Բայց փարիսեցիքն իբրեւ լուսն  
 ասեն, Ոչ իւրք հանէ զա զղեւս, եթէ  
 ոչ Բէնզեբբուղաւ իշխանաւն զիւտոյ:  
 25 Իբրեւ գիտաց Յիսուս զխորհուրդս  
 նոցա, ասէ ցնոսա, Ամենայն թաղու-  
 ւորութիւն բաժանեալ յանձն իւր ա-  
 ւերի. եւ ամենայն քաղաք կոմ տուն  
 26 բաժանեալ յանձն իւր՝ ոչ կացցէ: Եւ  
 եթէ Սատանայ զՍատանայ հռնէ,  
 յանձն իւր բաժանեցաւ. արդ զիւրդ  
 27 կացցէ թագաւորութիւն նորա: Եւ  
 եթէ ես Բէնզեբբուղաւ հանեմ զպեւս,  
 որդիքն ձեր իւր հանիցեն: Վասն այնու-  
 րիկ նոքա եղիցին ձեր զատաւորք:  
 28 Ապա եթէ Հոգւով Աստուծոյ հանեմ  
 ես զպեւս, ուրեմն հասեալ է ի վերայ  
 29 ձեր արքայութիւն Աստուծոյ, կամ  
 զիւրդ կարէ ոք մտանել ի տուն հր-  
 գորի եւ զգործիւն նորա յափշտակել,  
 եթէ ոչ նախ կապիցէ զհզօրն, եւ ապա  
 30 զտունն նորա յափշտակիցէ: Որ ոչ  
 ընդ իս է՝ հակառակ իմ է, եւ որ ոչ  
 31 ժողովէ ընդ իս՝ զրուէ: Վասն այդորիկ  
 ասեմ ձեզ, Ամենայն մարդկան. բայց  
 զՀոգւոյն հայհուցութիւն մի՛ թողցի՞:

1Բ-ը-է-է, որդին Դաւթի

2Ոմանք յաւելան, մարգկան

32 Եւ որ ոք ասիցէ բան զՈրդւոյ մար-  
դոյ թողցի նմա, բայց որ զՀոգւոյն  
Սրբոյ ասիցէ՝ մի՛ թողցի նմա, մի՛  
յայտ աշխարհի եւ մի՛ ի հանդերձե-  
33 լումն, կամ արարէք զծառն բարի եւ  
զպտուղ նորա բարի, կամ արարէք  
զծառն չար եւ զպտուղ նորա չար.  
Քանզի ի պտղոյ անտի ծառն հանաչի:  
34 Մնունդք իժից, զիմրդ կարիցէք բա-  
րիս խօսել որ չարքդ էք. քանզի ի  
35 յաւելուածոյ սրտի խօսի բերան: Մարդ  
բարի ի բարի գանձուց ՚սրտի իւրոյ՝  
հանէ զբարիս. եւ մարդ չար ի չար  
գանձուց ՚սրտի իւրոյ՝ հանէ զչարիս:  
36 Բայց ասեմ ձեզ թէ, Ընդ ամենայն  
դատարկ բանի զոր խօսիցին մարդիկ՝  
տացին համար յաւուրն դատաստանի:  
37 Զի ի բանից քոյ պարտաւորեսցիս, եւ ի  
բանից քոյ պարտաւորեսցիս:  
38 Դ՛. Յայնժամ պատասխանի ետուն  
նմա ոմանք ի դպրացն եւ ի փարիսեց-  
ւոց եւ ասեն, Վարդապետ, կամիմք  
39 նշան ինչ տեսանել ի քէն: Նա պա-  
տասխանի ետ եւ ասէ ցնոսա, Ազգ  
չար եւ շնացող նշան խնդրէ. եւ նշան  
մի՛ տացի նմա, բայց նշանն Յովնանու  
40 մարգարէի: Զի որպէս էր Յովնան ի  
փոր կիտին գերիս տիւս եւ գերիս  
գիշերս, նոյնպէս եղիցի եւ Որդի մար-  
դոյ ի սիրտ երկրի գերիս տիւս եւ զե-  
41 ռիս գիշերս: Արք Նինուէացիք յարի-  
ցեն ի դատաստանի ընդ ազգիս ընդ  
այսմիկ եւ դատապարտեսցեն զսա, զի  
զղջացան ի քարոզութեանն Յովնանու.  
Եւ արդ աւասիկ մեծ քան զՅովնան է  
42 աստ: Դչխոյն հարաւոյ յարիցէ ի դա-  
տաստանի ընդ ազգիս ընդ այսմիկ եւ  
դատապարտեսցէ զսա. զի եկն ի ծա-  
գաց երկրի լսել զիմաստութիւնն Սո-  
ղոմոնի, եւ հաւա մեծ քան զՍողոմոն  
43 է աստ: Այլ յորժամ այսն պիղծ ելանէ  
ի մարդոյ, չրջի ընդ անջրդին տեղիս,  
44 խնդրէ հանգիստ եւ ոչ գտանէ. Յայն-  
ժամ ասէ, Դարձայց ի տուն իմ ուստի  
եյի. եւ եկեալ գտանէ զնա պարա-  
45 պորդ, մաքրեալ եւ յարդարեալ: Յայն-  
ժամ երթայ եւ առնու ընդ իւր եւթն  
ալլ այսս չարագործս քան զինքն, եւ  
մտեալ բնակի անդ. եւ յինի յետինն  
մարդոյն այնորիկ չար քան զտաաջինն.

այնպէս եղիցի եւ ազգիս այսմիկ չարի:  
46 Մինչդեռ նա ընդ ժողովուրդսն խօսէր,  
ահա մայր նորա եւ եղբարք նորա  
կային արտաքոյ եւ խնդրէին խօսել  
47 ընդ նմա: Եւ ասէ ոմն ցնա, Ահա  
մայր քո եւ եղբարք քո կան արտա-  
48 քոյ եւ խնդրեն խօսել ընդ քեզ: Նա  
պատասխանի ետ այնմիկ որ ասացն  
ցնա, եւ ասէ, Ո՛վ է իմ մայր, կամ  
49 ո՛վ են իմ եղբարք: Եւ ձգեալ զձեռն  
իւր յաշակերտան՝ ասէ, Ահաւասիկ  
50 մայր իմ եւ եղբարք իմ: Զի որ առ-  
նիցէ զկամս Հօր իմոյ որ յերկինսն է՝  
նա է իմ եղբայր եւ քոյր եւ մայր:

## ԳԼ. ԺԳ

1 ԴԵ. Յաւուր յայնմիկ ելեալ Յիսուս  
2 ի տանէն՝ նստէր առ ծովեզերսն: Եւ  
ժողովեցան առ նա ժողովուրդք բա-  
զումք, մինչեւ մտանել նմա ի նաւն  
եւ նստել. եւ ամենայն ժողովուրդն  
3 կայր առ ծովեզերսն. Եւ խօսէր ընդ  
նոսա բազումս առակօք եւ ասէր,  
4 Ահա ել սերմանահաւ սերմանել. եւ  
ի սերմանելն իւրում՝ էր որ անկաւ  
առ ճանապարհաւ, եւ Յիկն թոչուն  
5 երկնից եւ եկեր զնա՝. Եւ այլն ան-  
կաւ յապառաժի ուր ոչ գոյր հող բա-  
զում, եւ վաղվաղակի րուսաւ առ ի  
6 չգոյն հիւթոյ երկրին. ի ծագել արեւ-  
ւու տապացաւ, եւ զի ոչ գոյին ար-  
7 մատք, չորացաւ: Եւ այլն անկաւ  
ի մէջ փշոց, եւ ելին փուշքն եւ հեղ-  
8 ձուցին զնա: Եւ այլն անկաւ յերկիր  
բարի, եւ տայր պտուղ՝ էր որ հա-  
9 էր որ երեսնաւոր: Որ ունիցի ա-  
կանջս լսելոյ՝ լուիցէ:  
10 Եւ մատուցեալ աշակերտքն ասեն  
ցնա, Ընդէ՛ր առակօք խօսիս ընդ նո-  
11 սա: Նա պատասխանի ետ եւ ասէ  
ցնոսա, Քանզի ձեզ տուեալ է գիտել  
զխորհուրդս արքայութեան երկնից,  
12 եւ նոցա չէ տուեալ: Զի ոյր գուցէ՝  
տացի նմա եւ յաւելցի, եւ ոյր ոչն  
գուցէ՝ եւ զոր ունիցին բարձցի ի նմա-  
13 նէ: Վասն այնորիկ առակօք խօսիմ  
ընդ նոսա, զի տեսանեն եւ ոչ տեսա-  
նեն. եւ լսեն եւ ոչ լսեն եւ ոչ առ-  
14 նուն ի միտ. Եւ կատարի առ նոսա

մարդարէութիւնն Եսայեայ որ ասէ,  
 Լսելով լուիջիք, եւ մի՛ իմասջիք, եւ  
 տեսանելով տեսջիք, եւ մի՛ տեսջիք:  
 15 Զի թանձրացաւ սիրտ ժողովրդեանս  
 այսորիկ, եւ ականջօք իւրեանց ծա-  
 նունս լուան, եւ զաչս իւրեանց կա-  
 փուցին, զի մի՛ երբեք տեսցեն աչօք  
 եւ ականջօք լուիցեն եւ սրտիւք ի-  
 մասցին եւ դարձցին, եւ բժշկեցից  
 16 զնոսա: Բայց ձեր երանի է աչացոյ զի  
 տեսանեն, եւ ականջաց ձերոց՝ զի  
 17 լսեն: Ամէն ասեմ ձեզ, զի բազում  
 մարդարէք եւ արդարք ցանկացան տե-  
 սանել զոր տեսանէք: Եւ ոչ տեսին,  
 18 եւ լսել զոր լսէք: Եւ ոչ լուան: Եւ  
 արդ լուարուք զուք զառակ սերմա-  
 19 նացանին: Յամենայնէ որ լսէ զբանն  
 արքայութեան եւ ոչ առնու ի միտ,  
 զայլ արն եւ յափշտակէ զսերմանեալն  
 ի սիրտ նորա: Կն է որ առ ճանա-  
 20 պարհաւն սերմանեցաւ: Եւ որ յապա-  
 ռածին սերմանեցաւ՝ այն է, որ իրեւ  
 լսէ զբանն, եւ վաղվաղակի խնդու-  
 21 թեամբ ընդունի զնա: Բայց քանզի  
 ոչ ունի արմատս յինքեան այլ առ  
 ժամանակ մի է, ի լինել նեղութեան  
 եւ հալածանաց վառն բանին՝ վաղվա-  
 22 ղակի գալթակղի: Իսկ որ ի մէջ փշոցն  
 սերմանեցաւ՝ այն է, որ իրեւ լսէ  
 զբանն, եւ հոգք աշխարհիս եւ սրտ-  
 րանք մեծութեան հեղձուցանեն զբանն,  
 23 եւ լինի անպտուղ: Իսկ որ յերկրն  
 բարի սերմանեցաւ՝ այն է, որ իրեւ  
 լսէ զբանն եւ ի միտ առնու, եւ տայ  
 զպտուղ, է որ հարււր, եւ է որ վաթ-  
 սուն, եւ է որ երեսուն:  
 24 Դձ. Այլ առակ արկ առ նոսա եւ  
 ասէ, նմանեցաւ արքայութիւնն երկ-  
 նից առն, որ սերմանիցէ սերմն բարի  
 25 յաղարակի իւրում: Եւ ի քուն լինել  
 մարդկան՝ եկն թշնամի նորա եւ ցա-  
 նեաց ի վերայ որոմն ի մէջ ցորենոցն,  
 26 եւ գնաց: Եւ իրեւ բուսու խոտն  
 եւ արար պտուղ, ապա երևեցաւ եւ  
 27 որոմն: Մատուցեալ ծառայք տանու-  
 տեառնն ասեն ցնա, Տէր, ո՞չ սերմն  
 բարի սերմանեցիր յաղարակին քում,  
 28 արդ ուստի՞ ունիցի զորոմն: Եւ նա  
 ասէ ցնոսա, Այր թշնամի արար զայն,  
 ասեն ցնա ծառայքն, Կամօ՞ս զի եր-  
 29 թիցուք քաղեցուք զայն ի քաց: Եւ նա  
 ասէ ցնոսա, Մի՛, գուցէ մինչ քաղիցէք

զորոմն, եւ զցորեանն ընդ նմին ի  
 30 քաց խլիցէք: Թոյլ տուք երկոցունց  
 աճել ի միասին մինչեւ ի հունձս, եւ  
 ի ժամանակի հնձոց ասացից ցհնձողսն,  
 Քաղեցէք նախ զորոմնդ եւ կապեցէք  
 զայդ ի խրձունս առ ի յայրիկ, եւ զցոր-  
 եանն ժողովեցէք ի շտեմարանս իմ:  
 31 Այլ առակ արկ առ նոսա եւ ասէ,  
 նման է արքայութիւնն երկնից հատոյ  
 մանանխոյ, զոր առեալ մարդոյ՝ սեր-  
 32 մանեաց յաղարակի իւրում: Որ փոքր  
 է քան զամենայն սերմանիս, եւ յոր-  
 ժամ աճիցէ, մեծ է քան զամենայն  
 բանջարս, եւ լինի ծառ մինչեւ գալ  
 թոշնոց երկնից եւ հանգչել յոստսնորա:  
 33 Այլ առակ խօսեցաւ ընդ նոսա եւ  
 ասէ, նման է արքայութիւնն երկնից  
 խմորոյ, զոր առեալ կնոջ՝ թագոյց ի  
 զրիւս երիս արեր մինչեւ ամենայն  
 խմորեցաւ:  
 34 Զայս ամենայն խօսեցաւ Յիսուս  
 առակօք ընդ ժողովուրդսն, եւ առանց  
 35 առակի ոչինչ խօսէր ընդ նոսա: Զի  
 լցցի ասացեալն ի մարդարէէն, Բացից  
 առակօք զրեբան իմ, բխեցից զժաժ-  
 կեալսն ի սկզբանէ աշխարհի:  
 36 ԴԵ. Յայնժամ թողեալ Յիսուսի զժո-  
 ղովուրդսն՝ եկն ի առն: մատեան առ  
 նա աշակերտքն նորա եւ ասեն, Մեկ-  
 նեա մեզ զառակ որոմանցն ազարակի:  
 37 Նա պատասխանի եւ ասէ ցնոսա,  
 Որ սերմանէ զսերմն բարի՝ է Որդի  
 38 մարդոյ: Եւ ազարակն աշխարհս է.  
 սերմն բարի նոքա են որ որդիքն ար-  
 քայութեան են, իսկ որոմնն որդիք  
 39 չարին են: Եւ թշնամին որ վարեաց  
 զայն՝ Սատանայ է, եւ հունձքն կա-  
 տարած աշխարհիս է, եւ հնձողքն  
 40 հրեշտակք են: Որպէս ժողովի որոմնն  
 եւ ի հուր այրի, այնպէս եղիցի ի կա-  
 41 տարածի աշխարհիս: Առաքեացէ Որդի  
 մարդոյ զհրեշտակս իւր, եւ ժողովեա-  
 ցին յարքայութիւնէ նորա զամենայն  
 զայլեակղութիւնս, եւ զայնոսիկ ոչք  
 42 զործեն զանօրէնութիւն: Եւ արկցեն  
 զնոսա ի հնոց հրոյ: անդ եղիցի լալ  
 43 եւ կրճել ատամանց: Յայնժամ ար-  
 դարքն ծաղեացեն իրեւ զարեգակն  
 յարքայութեան՝ երկնից: որ ունիցի  
 ականջս լսելոյ՝ լուիցէ:

44 Դարձեալ նման է արքայութիւն երկնից զանձի ծածկելոյ յագարակի, զոր գտեալ մարդոյ թագոյց. եւ ի խնդութենէ անտի երթայ վաճառէ զամենայն ինչ զոր ունի, եւ գնէ զագարակն զայն:

45 Դարձեալ նման է արքայութիւն երկնից առն վաճառականի որ խնդրից 46 ցէ մարգարիտս գեղեցիկս. Եւ գտեալ մի պատուական մարգարիտ՝ երթեալ վաճառեաց զամենայն զոր ինչ ունէր, եւ գնեաց զայն մարգարիտ:

47 Դարձեալ նման է արքայութիւն երկնից ուռկանի արկելոյ ի ծով եւ 48 յամենայն ազգաց ժողովելոյ. Չոր իբրեւ լցաւ, հանեալ ի ցամաք եւ նստեալ ժողովեցին զբարի բարին յամանս, եւ 49 զխտտանն ի բաց ընկեցին: Այնպէս եւ զիցի ի կատարածի աշխարհիս. ելցեն հրեշտակք եւ մեկնեցեն զչարս ի 50 միջոյ արդարոց. Եւ արկցեն զնոսս ի հնոց հրոյն. անդ եղիցի լալ եւ կրճել ատամնաց:

51 Ասէ ցնոսա Յիսուս, իմացարժէք զայս ամենայն. ասեն ցնա, Այո, Տէր:

52 Եւ նա ասէ ցնոսա, Վասն այսորիկ ամենայն դպիր աշակերտեալ արքայութեան երկնից նման է առն տանուտեառն, որ հանէ ի գանձէ իւրմէ զնոր եւ զհին:

53 Եւ. Եւ եղեւ իբրեւ կատարեաց Յիսուս զառակս զայսոսիկ, փոխեցաւ 54 անտի. Եւ եկեալ ի գաւառ իւր՝ ուսուցանէր զնոսս ի ժողովրդեանն նոցա, մինչեւ զարմանալ նոցա եւ ասել, Մմա ուստի՞ իցէ այս իմաստութիւն 55 եւ զօրութիւնք: Ո՞չ սա է հիւսանն որդի. ո՞չ մայր սորա կոչի Մարիամ, եւ եղբարք սորա՝ Յակովբոս եւ 2 Յով 56 սէս եւ Սիմոն եւ Յուդա. Եւ քորք սորա ո՞չ ամենեքեան առ միզ են. արդ 57 ուստի է սմա այս ամենայն: Եւ գայթակղէին ի նա. եւ Յիսուս ասէ ցնոսա, 2 իք մարգարէ անարգ եթէ ոչ յիւրում գաւառի եւ յիւրում տան: 58 Եւ ոչ արար անդ զօրութիւնս բազումս վասն անհաւատութեան նոցա:

ԳԼ ԺԴ

1 ԵՐ. Յայնմ ժամանակի լուաւ Հե-

1 ի Յովնի գլխի

2 յովնի, ցովեփ

րովղէս չորրորդապետ զլուր Յիսուսի.

2 Եւ ասէ ցծառայս իւր, Նա է Յովհաննէս մկրտիչ. նա յարեաւ ի մոռելոց, եւ վասն այսորիկ զօրութիւնք լինին նովա:

3 Քանզի Հերովղէս կալաւ զՅովհաննէս, կապեաց զնա եւ եղ ի բանտի վասն Հերովղիայ, կնոջ Փիլիպպոսի 4 եղբոր նորա: 2 ի ասէր ցնա Յովհաննէս, 2է արժան քեզ ունել զդա: Եւ կամէր զնա սպանանել, բայց երկնէր ի ժողովրդենէ անտի, քանզի իբրեւ 6 զմարգարէ ունէին զնա: Եւ իբրեւ եղեն ծնունդք Հերովղի, կաքաւեաց զուստրն Հերովղիայ ի մէջ բազմակահին. եւ հաճոյ թուեցաւ Հերովղի: 7 Ուստի եւ երգմամբ խոստացաւ տալ 8 նմա զինչ եւ խնդրեսցէ: Եւ նա յառաջագոյն խրատեալ ի մօրէ իւրմէ, Տուր ինձ, ասէ, այսր ի վերայ սկտեղ 9 զգլուխն Յովհաննու մկրտչի: Եւ տրտմեցաւ թագաւորն. բայց վասն երդմանցն եւ բարձակցացն հրամայեաց 10 տալ նմա: Եւ առաքեաց զգլխատեաց 11 զՅովհաննէս ի բանտի: Եւ բերաւ զլուխ նորա սկտեղք եւ տուաւ աղջկանն, 12 եւ տարաւ առ մայր իւր: Եւ մատուցեալ աշակերտքն նորա՝ բարձին զմարմինն եւ թաղեցին, եւ եկեալ պատմեցին Յիսուսի:

13 Եւ. Եւ իբրեւ լուաւ Յիսուս, գնաց անտի նաւու յանապատ տեղի առանձինն. իբրեւ լուան ժողովուրդքն, գնացին զհետ նորա հետի ի քաղաքաց 14 անտի: Եւ իբրեւ 3 ել, ետես ժողովուրդ բազում, գթացաւ ի նոսս եւ բժշկեաց զհիւանդս նոցա:

15 Իբրեւ ընդ երեկս եղեւ, մատենան առ նա աշակերտքն եւ ասեն, Տեղիս անապատ է եւ օրս տարածամեալ, արձակեա զժողովուրդսդ, զի երթիցին շուրջ ի չէնան, զնեսցեն իւրեանց կեւ 16 րակուրս: Եւ ասէ Յիսուս, Ոչինչ պիտոյ է դոցա երթալ, դուք տուք 17 դոցա ուտել: Եւ նոքա ասեն զնա, Ոչինչ ունիմք աստ՝ բայց հինգ նկաւ 18 նակ եւ երկուս ձկունս: Եւ ասէ 19 ցնոսա, Բերէք այսր զայն: Եւ հրամայեաց բազմեցուցանել զժողովուրդսն ի վերայ խոտոյ. եւ առեալ զհինգ

3 յովնի, եւ Յիսուս



նկանակն եւ զերկուս ձկուռնս՝ հայեցաւ յերկինս, օրհնեաց եւ երեկ, եւ ետ ցաշակերտսն զնկանակսն, եւ աշակերտքն՝

20 Ժողովրդոցն, Կերան ամենեքեան եւ յազեցան, եւ բարձին զնշխարս կոտորոցն երկոտասան սակառի լի։ Եւ որք կերանն՝ էին արք իբրեւ հինգ հազար, թող զկանայս եւ զմանկտի։

22 Եւ. Եւ Եստիպեաց վաղվաղակի զաշակերտսն մտանել ի նաւ եւ յառաջն յայնկոյս, մինչ ինքն զԺողովուրդսն

23 արձակիցէ։ Եւ իբրեւ արձակեաց զԺողովուրդսն, ել ի լեւոն առանձինն կալ յաղօթս, եւ իբրեւ ընդ երեկս եղեւ,

24 անդ էր միայն։ Եւ նաւն Եմեկնեալ էր ի ցամաքէն բազում ասպարիսօք՝ ծփեալ յալեացն։ Քանզի ընդդէմ էր

25 հողմն։ Եւ ի չորրորդում պահու գիշերոյն եկն առ նոսա Յիսուս գնալով

26 ի վերայ ծովուն։ Իբրեւ տեսին զնա աշակերտքն զի գնայր ի վերայ ծովուն, խռովեցան, եւ ասին թէ՝ Առաջօք ինչ

27 իցէ. եւ առ ահին աղաղակեցին։ Եւ վաղվաղակի խօսեցաւ ընդ նոսա Յիսուս եւ ասէ. Քաջաբերեցարուք, ես

28 եմ, մի՛ երկնչիք։ Պատասխանի ետ նմա Պետրոս եւ ասէ. Տէր, եթէ զուս, հրամայես ինձ գալ առ քեզ ի վերայ

29 ջրոցս։ Եւ նա ասէ, Եկ։ Եւ իջեալ ի նաւն Պետրոս՝ գնաց ի վերայ ջրոցն,

30 եւ եկն՝ առ Յիսուս։ Եւ տեսեալ զհողմն սաստիկ՝ երկեաւ, եւ իբրեւ սկսաւ ընկղմել, աղաղակեաց եւ ասէ,

31 Տէր, փրկեա զիս։ Եւ վաղվաղակի Յիսուս ձգեաց զձեռն իւր, կալաւ զնա եւ ասէ, Թերահաւատ, ընդէ՛ր երկւ

32 մտեցիր։ Եւ իբրեւ ելին ի նաւն, հան

33 դարտեաց հողմն։ Եւ որ ի նաւին էին՝ մատեան, երկիր պագին նմա եւ ասին, Արդարեւ Որդի Աստուծոյ ես զու

34 եւ անցեալ եկին ի ցամաք ի Գեննեսաւ

35 րէթ։ Եւ իբրեւ ծանեան զնա արք տեղւոյն այնորիկ, առաքեցին ընդ ա

36 մենայն զաւստն, եւ ածին առ նա զաղի գոնէ միայն ի քղանցս հանդերձի նորա մերձեացին։ Եւ որ միանգամ մերձեցանն՝ փրկեցան։

1 Ո՛հն, աստիպեաց Յիսուս  
2 Բաւաւ, էր ի մէջ ծովուն  
3 Ո՛հն, ջուրքն, գալ  
4 Ո՛հն, պատուիրեաց եւ ասէ

ԳԼ. ԺԵ

1 Եւ. Յայնժամ մատեան առ Յիսուս որ յերուսաղեմէ փարիսեցիքն եւ զը

2 պիրք, եւ ասեն, Ընդէ՛ր աշակերտքն քո անցանեն զաւանդութեամբ ձերոցն. զի ոչ լուանան զձեռս յորժամ հաց

3 ուտեն։ Նա պատասխանի ետ եւ ասէ ցնոսա, Իսկ զուք ընդէ՛ր անցանէք զպատուիրանաւն Աստուծոյ վասն ձե

4 րոյ աւանդութեանն։ Զի Աստուած Կասաց, Պատուեա զհայր քո եւ զմայր

5 եւ, Որ բամբասէ զհայր կամ զմայր

6 մահու վախճանեացի։ Եւ զուք ասէք, Որ ասիցէ ցհայր իւր կամ ցմայր իւր թէ Պատարագ է զոր քինէն օգտեցիս, եւ ոչ պատուիցէ զհայր իւր Եւ զմայր իւր։ Եւ խոտէք զքանն Աստուծոյ

7 վասն ձերոյ աւանդութեանն։ Կեղծաւորք, բարւոք մարգարէացաւ ի վերայ

8 ձեր Եսայի, եւ ասէ, Ժողովուրդս այս Զրթամբք պատուէ զիս, եւ սիրտ իւրեանց հեռացեալ մեկուսի է քինէն։

9 Զուր պաշտեն զիս, ուսուցանեն վարդապետութիւնս՝ զմարդկան պատուիրեալս։

10 Եւ կոչեցեալ առ ինքն զԺողովուրդսն՝ ասէ ցնոսա, Լուարուք եւ ի միտ ա

11 ռէք։ Ոչ որ ինչ մտանէ ընդ բերան՝ պղծէ զմարդ, այլ որ ինչ երանէ ի բերանոյ՝ այն պղծէ զմարդ։

12 Յայնժամ մատուցեալ աշակերտացն նորա՝ առնն ցնա, Գիտե՛ս, զի փարիսեցիքն իբրեւ լուան զքանն, զայ

13 թակղեցին։ Նա պատասխանի ետ նոցա եւ ասէ, Ամենայն տունկ զոր ոչ տնկեաց Հայր իմ երկնաւոր՝ խեցցի։

14 Թոյլ տուք զնոսա. Կոյրք են կուրաց առաջնորդք։ Կոյր կուրի յորժամ առաջնորդէ, Եսխալէ եւ՝ երկօքին ի խոր

15 խորատ անկանին։ Պատասխանի ետ նմա Պետրոս եւ ասէ, Մեկնեա մեզ

16 զառակս զայս։ Ասէ Յիսուս, Տակաւին

17 եւ զուք անմիտք էք։ Եւ ոչ իմանայք եթէ ամենայն որ մտանէ ի բերան՝ յորովայն երթայ եւ արտաքս երանէ։

5 Յիսուս պատուէ  
6 Ո՛հն, մերձ է առ իս բերանով խրով, եւ չրթամբք  
7 Ո՛հն, են առաջնորդք Կոյրք  
8 Ի Բաւաւ պատուէ

18 Իսկ որ ելանէ ի բերանոյ՝ ի սրտէ անտի  
 19 գայ, եւ այն պղծէ զմարդ: Զի ի սրտէ  
 երանեն խորհուրդք չարք, սպանու-  
 թիւնք, շնութիւնք, պոռնկութիւնք,  
 գողութիւնք, սուտ վկայութիւնք,  
 20 հայդուութիւնք: Այս ամենայն է որ  
 պղծէ զմարդ, այլ անուայ ձեռք ու-  
 տել ոչ պղծէ զմարդ:  
 21 ԵՁ. Եւ երեալ անտի Յիսուսի գնաց  
 22 ի կողմանս Տիւրոսի եւ Սիդոնի: Եւ  
 ահա կին մի Քանանացի ի սահմանաց  
 անտի նոցա ելեալ՝ աղաղակէր եւ  
 ասէր, Ողորմաց ինձ, Տէր, որդի  
 Դաւթի, դուստր իմ չարաչար այսա-  
 23 նորի: Եւ նա ոչ ետ նմա պատասխա-  
 նի: Եւ մատուցեալ աշակերտքն նորա՝  
 աղաչէին զնա եւ ասէին, Արձակեա  
 24 զնա զի աղաղակէ զհետ մեր: Նա պա-  
 տասխանի ետ եւ ասէ, Ոչ ուրեք ա-  
 ռաքեցայ, եթէ ոչ առ ոչխարս կորու-  
 25 սեալս տանն իսրայելի: Եւ նա մա-  
 տուցեալ երկիր պագանւոր նմա եւ ա-  
 26 սէր, Տէր, օգնեա ինձ: Պատասխանի  
 ետ նմա եւ ասէ, Ոչ է յարեոք առնուլ  
 27 զնաց մանկանց եւ արկանել շանց: Եւ  
 նա ասէ, Այո, Տէր, քանզի եւ չունք  
 կերակրին ի փշրանաց անկեկոյ ի սե-  
 28 ղանոյ տեսուն իւրեանց: Յայնժամ  
 պատասխանի ետ նմա Յիսուս եւ ասէ,  
 Ով կին դու, մեծ են հաւատքոք, ե-  
 ղիցի քեզ որպէս եւ կամիս: Եւ բժըշ-  
 կեցաւ դուստր նորա ի նմին ժամու:  
 29 Եւ. Եւ գնացեալ անտի Յիսուսի,  
 եկն ի ծովեզրն Գալիլեացւոց, եւ երեալ  
 30 ի լեւոն նստէր անդ: Մատեան առ նա  
 ժողովուրդք բազումք որ ունէին ընդ  
 իւրեանս կաղս, կոյրս, համբոս, միա-  
 կողմանիս եւ այլս բազումս: Եւ ըն-  
 կեցին զնոսա առ ոտս նորա, եւ բժըշ-  
 31 կեաց զնոսա: Մինչեւ զարմանալ ժո-  
 ղովորոցն որ տեսանէին, զի համբք  
 խօսէին, կաղք գնային, միակողմանիք  
 բժշկէին, կոյրք տեսանէին: Եւ փա-  
 32 ասուոր առնէին զԱստուած իսրայելի,  
 Եւ կոչեցեալ առ ինքն Յիսուսի զա-  
 շակերտսն ասէ, Գթամ ի ժողովուրդդ,  
 զի արդ երեք աւուրք են զի կան առ  
 իս, եւ ոչ ունին զինչ ուտիցեն: Եւ  
 արձակել զդոսա նօթիս չկամիւ, գուցէ  
 33 չքթիցեն զճանապարհս: Ասեն ցնա

աշակերտքն, իսկ արդ մեզ յանապա-  
 տի աստ ուստի իցէ այնչափ հաց՝ մինչ  
 յագեցուցանել զայսչափ ժողովուրդ:  
 34 Եւ ասէ ցնոսա Յիսուս, Քանի՞ նկա-  
 նակ ունիք: Եւ նոքա ասին, Եւթն  
 35 եւ սակաւ ձկունս: Եւ հրամայեաց  
 ժողովորեանն բազմել ի վերայ զետնոյ:  
 36 Եւ առեալ զԵւթն նկանակն եւ զձը-  
 կունսն՝ գոհացաւ: Եւ երեկ եւ ետ ցա-  
 շակերտսն, եւ նոքա՝ ժողովորեանն:  
 37 Կերան ամենեքեան եւ յագեցան: Եւ  
 բարձին զնշխարս կոտորոցն եւթն  
 38 զամբիղ լի: Եւ որք կերանն՝ էին  
 39 իբրեւ արք չորք հազարք, թող զկա-  
 ղմարդսն, եւ ի նաւ եւ եկն ի  
 սահմանս Մագդաղեայ:

## ԳԼ. ԺԶ

1 Եւ մատուցեալ փարիսեցիքն եւ սա-  
 դուկեցիք, փորձելով խնդրէին ի նմա-  
 2 նէ նշան յերկնից ցուցանել նոցա: Նա  
 պատասխանի ետ եւ ասէ ցնոսա,<sup>3</sup>  
 4 Ազգ չար եւ չնացող նշան խնդրէ, եւ  
 նշան մի՝ տացի նմա, բայց նշանն  
 Յովնանու մարգարէի: Եւ եթող զնո-  
 սա եւ գնաց:  
 5 Գնացին եւ աշակերտքն յայնկոյս,  
 6 եւ մոռացան առնուլ հաց: Ասէ ցնոսա  
 Յիսուս, Տեսէք եւ զգոյ՜ լերուք ի  
 խմորոյ սաղուկեցւոցն եւ փարիսեց-  
 7 ւոց: Նոքա խորհէին ընդ միմեանս  
 8 եւ ասէին թէ Հաց ոչ բարձաք: Գիտաց  
 Յիսուս եւ ասէ, Զի խորհիք ի միտս  
 9 նիք: Տակաւին չիմանայք եւ ոչ յիշէք  
 զհինդ նկանակն ի հինդ հազարսն, եւ  
 10 քանի՞ սակառի բարձէք: Եւ ոչ զԵւթն  
 նկանակն ի չորս հազարսն, եւ քանի՞  
 11 զամբիղս բարձէք: Արդ զիարդ ոչ ի-  
 մանայք եթէ ոչ վասն հացի ասացի  
 12 ձեզ զգոյ՜ լինել ի խմորոյ փարիսե-  
 յոցն եւ սաղուկեցւոց: Յայնժամ  
 ի միտ առին, եթէ ոչ ասաց զգու-  
 շանալ ՝ ի խմորոյ, այլ՝ յաղանդոյ

3 Բարձալ, յաւելած, Յորժամ երեկոյ լինի, ասեք  
 թէ Զեր լինելոց է, քանզի կարմրացան երկինք:  
 (3) Եւ ընդ այդս՝ Այսօր ձմեռն, քանզի կարմ-  
 րացան խոժուեցան երկինք: Գերեսս երկնից զի-  
 տէք քննել, եւ զնշան ժամանակաց չկարեցէք:  
 4 Ունիւ, ի խմորոյ հացի

- փարիսեցւոցն եւ սադուկեցւոց :
- 13 ԶԿ. Եւ ելեալ Յիսուս ի կողմանս Փիլիպպեայ կեսարեայն՝ հարցանէր ցա- շակերտան եւ ասէր, Զո՞ որ ասեն զինէն մարդիկն թէ իցէ Որդի մարդոյ :
- 14 Եւ նոքա ասեն, Ոմն՝ զՅովնաննէս մկրտիչ, եւ այլք՝ զԵղիա, եւ կէսք՝ զԵրեմիա կամ զմի ոք ի մարգարէիցն :
- 15 Ասէ ցնոսա, Իսկ դուք զո՞ որ ասէք զինէն թէ իցեմ : Պատասխանի ետ Սի- մոնը Պետրոս եւ ասէ, Դու ես Քրիս- տոսն, Որդի Աստուծոյ կենդանւոյ : Պա- տասխանի ետ Յիսուս եւ ասէ ցնա, Երանի քեզ, Սիմոն, որդի Յովնանու, զի մարմին եւ արեւն ոչ յայտնեալ քեզ, այլ՝ Հայր իմ որ յերկինս է : Եւ եւ քեզ ասեմ, զի Դու ես վէմ, եւ ի վերայ այդր վրաս յինչից զեկեղեցի իմ, եւ դրունք զմիտոց զնա մի՛ յաղթահա- լուցեն : Եւ տաց քեզ զփականս ար- քայութեան երկնից. եւ զոր միանգամ կապեսցես յերկրի՝ եղիցի կապեալ յեր- կինս : Եւ զոր արձակեսցես յերկրի՝ 20 եղիցի արձակեալ յերկինս : Եւ Բայնժամ սաստեաց աշակերտացն, զի մի՛ ումեք ասացեն թէ նա է Պրիստոսն :
- 21 Եւ Բայնժամ հետէ սկսաւ Յիսուս ցուցա- նել աշակերտացն թէ պարտ է նմա երթալ յերուսաղէմ, եւ բազում չար- չարանս չարչարել ի քահանայապետից եւ ի դպրաց եւ ի ծերոց 22 ժողովրդեանն եւ սպանանել, եւ յերիւր աւուր յառնել :
- 22 Եւ առեալ զնա մեկուսի Պետրոսի՝ սկսաւ կազել ընդ նմա եւ ասել, Քաւ լիցի քեզ, Տէր, մի՛ եղիցի քեզ այդ :
- 23 Եւ նա դարձեալ ի Պետրոս՝ ասէ, Երթ յետս իմ. Սատանայ, զայն կղուցի ինչ իմ ես : զի ոչ խորհիս զԱստուծոյն, այլ՝ զմարդկան :
- 24 Եւ Բայնժամ Յիսուս ասէ ցաշակերտան իւր, Եթէ որ կամի զկնի իմ գալ, ու- րասցի զանձն եւ առցէ զխաչ իւր եւ եկեսցէ զկնի իմ : Զի որ կամիցի զանձն իւր կեցուցանել՝ կորուսցէ զնա : Եւ որ կորուսցէ զանձն իւր վասն իմ՝ 25 գտոցէ զնա : Զինչ օգտիցի մարդ եթէ զայնարհս ամենայն չահեցի եւ զանձն իւր տուժեսցի : Կամ զի՞նչ տացէ մարդ 26 փրկանս ընդ անձին իւրոյ : Զի գալոց է Որդի մարդոյ փառօք Հօր իւրոյ հան-

դերձ հրեշտակօք իւրովք, եւ յայնժամ հատուսցէ իւրաքանչիւր բառ զորն ի սոցանէ որք աստ կան, որք ոչ ճա- շակեսցեն զմահ, մինչեւ տեսցեն զՔրիստոս մարդոյ եկեալ արքայութեամբ իւրով :

## ԳԼ. ԺԵ

- 1 Եւ յետ վեց աւուր անու. ընդ իւր Յիսուս զՊետրոս եւ զՅակովբոս եւ զՅովնաննէս զեղբայր նորա, եւ հանէ ցնոսա ի լեառն մի բարձր առանձինն :
- 2 Եւ այրակերպեցաւ. առաջի նոցա, եւ լուսաւորեցան երեսք նորա իբրեւ զա- րեգակն, եւ հանդերձք նորա եղեն 3 սպիտակ իբրեւ զլոյս : Եւ ահա երեւե- ցան նոցա Մովսէս եւ Եզրա որ խօ- 4 սէին ընդ նմա : Պատասխանի ետ Պետ- րոս եւ ասէ ցՅիսուս, Տէր, բարեօք է մեզ աստ լինել. եթէ կամիս, արա- ցուք երիս տաղաւարս՝ մի քեզ եւ մի 5 Մովսիսի եւ մի Եզրայի : Եւ մինչդեռ նա խօսէր, ահա ամպ լուսաւոր հո- վանի եղեւ ի վերայ նոցա : Հայն եղեւ յամպոյն եւ ասէ, Դա է Որդի իմ սի- րելի ընդ որ հաճեցայ, զմա լուարուք : 6 Իբրեւ լուսն աշակերտքն, անկան ի վերայ երեսաց ի լեառնց եւ երկեան 7 յոյժ : Եւ մատուցեալ Յիսուս բռնն եհար զնոցանէ եւ ասէ, Յոռն փաղէք 8 եւ մի՛ երկնչիք : Ամբարձին զայս իւրեանց եւ ոչ զոք տեսին՝ բայց միայն զՅիսուս :
- 9 Եւ մինչդեռ իջանէին ի լեռնէ անտի, պատուիրեաց նոցա Յիսուս եւ ասէ, Մի՛ ումեք ասիցէք զանսից, մինչեւ 10 Որդի մարդոյ ի մեռելոց յարիցէ : Հար- ցին ցնա աշակերտքն եւ ասեն, Զիւրդ զպիրքն ասեն եթէ Եզրայի նախ պարտ 11 է գալ : Պատասխանի ետ Յիսուս եւ ասէ ցնոսա, Եզրա գայ եւ հաստա- 12 տեսցէ զամենայն : Այլ ասեմ ձեզ, զի Եզրա եկեալ իսկ է : Եւ ոչ ծանեան զնա, այլ արարին ընդ նա զոր ինչ կամեցան, նոյնպէս եւ Որդի մարդոյ 13 չարչարելոց է ի նոցանէ : Եւ Բայնժամ ի միտ առին աշակերտքն թէ վասն Յովնաննու մկրտչի ասաց ցնոսա :
- 14 ԶԲ. Եւ իբրեւ եկին ի Ժողովուրդն, մատեաւ այր մի, ի ծուներ իջանէր եւ ասէր, Տէր, ողորմեաց որքաւ յիշեմ,

<sup>1</sup> Ումեք, Յիսուս Քրիստոս <sup>2</sup> Ի բռնէն զմեզ

15 Եւ ի յորեք ի ջուր։ Եւ մատուցի զնա  
 աշակերտացն քոց, եւ ոչ կարացին  
 16 բժշկել։ Պատասխանի ետ Յիսուս եւ  
 ասէ, Ով ազգ անհաւատ եւ թեւր,  
 մինչեւ ցնոր իցիմ ընդ ձեզ, մինչեւ  
 յերբ անապցեմ ձեզ։ Եւ զնա առ իս։  
 17 Եւ սաստեաց ի նա Յիսուս, եւ ել  
 ի նմանէ դեւն, եւ բժշկեցաւ մանուկն  
 18 ի ժամէն յայնմանէ։ Յայնժամ մատեան  
 աշակերտքն առանձինն եւ ասեն ցԵՐ-  
 սուս, Մեք ընդէ՛ր ոչ կարացաք հանել  
 19 զնա։ Եւ նա ասէ ցնոսա, Վասն թե-  
 րահաւատութեան ձերոյ։ ամէն ասեմ  
 ձեզ, Եթէ ունիցիք հաւատս քան զհատ  
 մանանխոյ, ասալիք լերինս այսմիկ,  
 Փոխեաց աստի անդր, եւ փոխեսցի։  
 20 Եւ ոչ ինչ անհնարին լինիցի ձեզ։ Բայց  
 այս ազգ ոչ ելանէ, եթէ ոչ աղօթիւք  
 եւ պահովք։  
 21 ԶԳ. Եւ մինչդեռ չրջէին նոքա ի Գա-  
 լիլեա, ասէ ցնոսա Յիսուս, Մատնելոց  
 22 է Որդի մարդոյ ի ձեռս մարդկան, Եւ  
 սպանցեն զնա, եւ յերիւր աւուր յա-  
 րիցէ։ եւ տրամուհացն յոյժ։  
 23 Իբրեւ եկին նոքա ի Կափառնայում,  
 մատեան որք զերկգրամեանն պահան-  
 ջէին՝ առ Պետրոս, եւ ասեն, Վարդա-  
 պետն ձեր ո՞չ տայ զերկգրամեանն։ Եւ  
 24 ասէ, Այո։ Եւ իբրեւ եմուտ ի տուն,  
 յառաջեաց քան զնա Յիսուս եւ ասէ,  
 Զիարդ թուի քեզ, Սիմոն, թագա-  
 ւորք՝ զազաց յուսմէ՝ առնուն զհարկս  
 կամ զհասն, յորդւոց իւրեանց՝ թէ  
 25 յօտարաց։ Եւ իբրեւ ասաց թէ Յօտա-  
 րաց, ասէ ցնա. Յիսուս, Ապա ուրեմն  
 26 ազատ են որդիքն։ Բայց զի մի՛ գայ-  
 թակղեցուցուք զնոսա, երթ ի ծով  
 եւ ընկեա կարթ, եւ զառաջին ձուկն  
 որ ելանիցէ՝ առ եւ քաց զրերան նորա,  
 եւ գտանիցես սատեր։ Եւ զայն առեալ  
 տացես նոցա ընդ իմ եւ ընդ քո։

## ԳԼ. ԺԸ

1 Եւ այնմ աւուր մատեան աշակերտքն  
 առ Յիսուս եւ ասեն, Ո՞վ իցէ ի մէնջ  
 2 մեծ յարքայութեան երկնից։ Եւ կոչ-

1 Բաւաւ, բազում անգամ  
 2 Եւս, ածեք

եաց առ ինքն Յիսուս մանուկ մի,  
 3 կացոյց զնա ի մէջ նոցա, Եւ ասէ,  
 Ամէն ասեմ ձեզ, Եթէ ոչ դարձիք  
 եւ լինիցի իբրեւ զմանկտի, ոչ մտա-  
 4 նիցէք յարքայութիւն երկնից։ Արդ  
 որ խոնարհեցուցանէ զանձն իբրեւ  
 զմանուկս զայս՝ նա է մեծ յարքայու-  
 5 թեան երկնից։ Եւ որ ոք ընկալցի  
 մանուկ մի այսպիսի յանուն իմ՝ զիս  
 6 ընդունի։ Եւ որ ոք գայթակղեցուցէ  
 զմի ի փոքրկանցս յայսցանէ յիս հա-  
 ւատացելոց՝ լաւ է նմա եթէ կախիցի  
 երկան իշոյ ընդ պարանոց նորա, եւ  
 7 ընկղմիցի ի խորս ծովու։ Վայ աշ-  
 խարհի ի գայթակղութեանց։ Կարկ է  
 զալ գայթակղութեանց, բայց վայ մար-  
 դոյն այնմիկ յոյր ձեռն գայցէ գայ-  
 8 թակղութիւն։ Եթէ ձեռն քո կամ ոտն  
 գայթակղեցուցանէ զքեզ, հատ զնա  
 եւ ընկեա ի քէն։ Լաւ իցէ քեզ միա-  
 ձեռանի կամ կաղ մտանել ի կեանս,  
 քան երկուս ձեռս եւ երկուս ոտս  
 ունել, եւ անկանել ի հուրն յաւիտե-  
 9 նական։ Եւ եթէ ակն քո գայթակղի-  
 ցուցանէ զքեզ, խլեա զնա եւ ընկեա  
 ի քէն։ Լաւ իցէ քեզ միականի մտանել  
 ի կեանս, քան երկուս աչս ունել եւ  
 անկանել ի գեհնն հրոյն։  
 10 ԶԴ. Զգոյշ լերուք, մի՛ արհամարհի-  
 ցէք զմի ի փոքրկանցս յայսցանէ։ ասեմ  
 ձեզ, զի հրեշտակք նոցա յերկինս հա-  
 նապազ տեսանեն զերեսս Հօր իմոյ  
 11 որ յերկինս է։ Զի եկն Որդի մարդոյ  
 կեցուցանել զկորուսեալն։  
 12 Զիարդ թուի ձեզ։ Եթէ լինիցի  
 մարդոյ հարեւր ոչխար եւ մոլորիցի  
 մի ի նոցանէ, ո՞չ թողուցու զիննսուն  
 եւ զինն ոչխարն ի լերինս, եւ երթի-  
 13 ցէ խնդրիցէ զմոլորեալն։ Եւ եթէ լի-  
 նիցի գտանել զնա, ամէն ասեմ ձեզ,  
 զի ուրախ լինի ի վերայ նորա առա-  
 ւել քան ի վերայ իննսուն եւ ինուըն-  
 14 որ չիցեն մոլորեալ։ Այսպէս ոչ են  
 կամք առաջի Հօր իմոյ որ յերկինս  
 է, եթէ կորիցէ մի ի փոքրկանցս յայս-  
 ցանէ։

15 Եթէ մեղիցէ քեզ եղբայր քո, երթ  
 յանդիմանեա զնա, յորժամ դու եւ նա  
 միայն իցէք։ Եթէ լուիցէ քեզ, շահե-  
 16 ցար զեղբայրն քո։ Ապա թէ ոչ լուիցէ

1 Ի Եւսիս գլուխ 2 Բաւաւ, ձեռք

քեզ, առ ընդ քեզ մեւս եւս կամ երկուս, զի ի բերանոյ երկուց եւ երկից վկայից հաստատեցի ամենայն բան։

17 Իսկ եթէ եւ նոցա ոչ լուիցէ, ասասցիր՝ յեկեղեցւոյ. ապա թէ եւ եկեղեցւոյն ոչ լուիցէ, եղիցի քեզ իրեւ զձեթանոսն եւ զմաքսաւոր։

18 Ամէն ասեմ ձեզ, Ձոր կապիցէք յերկրի՝ եղիցի կապեալ յերկինս, եւ զոր արձակիցէք յերկրի՝ եղիցի արձակեալ յերկինս։ Դարձեալ ասեմ ձեզ, եթէ երկու ի ձէնջ միաբանիցեն յերկրի վասն ամենայն իրաց, զինչ եւ խընդրեացեն՝ եղիցի նոցա ի Հօրէ իմէն որ

20 յերկինսն է։ Զի ուր իցեն երկու կամ երեք ժողովեալ յանուն իմ, անդ եմ ես ի մէջ նոցա։

21 Յայնժամ մատեաւ առ նա Պետրոս եւ ասէ, Տէր, քանիցս անգամ թէ մեղիցէ ինձ եղբայր իմ եւ թողից նմա,

22 մինչեւ յեւթն անգամ։ Ասէ ցնա Յիսուս, Ոչ ասեմ քեզ թէ մինչեւ յեւթն անգամ, այլ մինչեւ յեւթանասնեկին

23 եւթն, վասն այսորիկ նմանեցաւ արքայութիւն երկնից ան թագաւորի որ կամեցաւ համար առնուի ի մէջ ծառայից իւրոց։ Եւ իրեւ սկսաւ առնուի, մատուցաւ առ նա պարտական

25 մի բեր քանքարոյ։ Իրեւ ոչ ունէր հատուցանել, հրամայեաց զնա վաճառել տէրն նորա, եւ զկին նորա եւ զորդիս եւ զամենայն որ զինչ եւ ունէր

26 նիցի, եւ հատուցանել։ Եւ անկեալ ծառայն երկիր պապանէր նմա եւ ասէր, Ներկայեմ իր որ առ իս, եւ զամենայն հատուցից քեզ։ Գթացեալ տէր ծառային այնորիկ արձակեաց զնա,

28 եւ զփոխն եթող նմա։ Եւ երկայ ծառայն այն եզիտ զմի ի ծառայակցաց իւրոց որ պարտէր նմա հարեւր դահեկան. եւ կայեալ զնա խեղդէր եւ

29 ասէր, Հատու ինձ զոր պարտիսդ։ Արդ անկեալ ծառայակցին առ ոտս նորա, աղաչէր զնա եւ ասէր, Երկայնամիտ

30 լիք առ իս, եւ հատուցից քեզ։ Եւ նա ոչ կամէր, այլ չոգաւ, արկ զնա ի բանտ մինչեւ հատուցէ զպարտսն։

31 Իրեւ տեսին ծառայակիցքն նորա որ ինչ եղեւն՝ տրտմեցան յոյժ, եւ եկեալ

ցուցին տեսն իւրեանց զամենայն որ ինչ եղեւն։ Գայնժամ կոչեաց զնա տէրն իւր եւ ասէ, Մտայ չար, զամենայն զպարտսն թողի քեզ, վասն զի

33 աղաչեցիք զիս։ Իսկ արդ ոչ էր պարտա եւ քեզ ողորմել ծառայակցին քում։

34 Որպէս եւ ես քեզ ողորմեցայ։ Եւ բարկացեալ տէրն նորա՝ մատնեաց զնա դահճաց, մինչեւ հատուցէ զամենայն զպարտսն։

35 Նոյնպէս եւ Հայր իմ որ յերկինս է՝ արասցէ ձեզ, եթէ ոչ թողուցուք իւրաքանչիւր եղբոր իւրում ի սրտից ձերոց զյանցանս նոցա։

## ԳԼ. ԺԹ

1 ԶԵ. Եւ եղև իրբեւ կատարեաց Յիսուս զբանս զայսորիկ, փոխեցաւ ի Գալիլէ եւ եկն ի սահմանս Հրէաստանի յայնկոյս Յորդանանու։ Եւ զընացին զհետ նորա ժողովուրդք բազումք, եւ բժշկեաց զնոսա անդ։ Եւ մատուցեալ առ նա փարիսեցիքն փորձէին զնա, եւ ասէին եթէ Սրժան իցէ ումք արձակել զկին իւր ըստ ամենայն մատու։ Պատասխանի եւս նոցա եւ ասէ, Ձիցէ՛ ընթերցեալ ձեր թէ՛ որ հաստատեացն ի սկզբանէ՝ արու

3 եւ էգ արար զնոսա, եւ ասէ, Վասն այսորիկ թողէ ար զհայր եւ զմայր՝ եւ երթիցէ զհետ կնոջ իւրոյ, եւ եւ

6 զիցին երկուքեան ի մարմին մի։ Ապա ուրեմն ոչ են երկու, այլ մի մարմին։ արդ զոր Աստուած գուգեաց՝ մարդ

7 մի՝ մեկնեացէ, Ասեն ցնա, Իսկ Մովսէս ընդէր պատուիրեաց մեզ տալ

8 թուղթ մեկնելոյ եւ արձակել, Ասէ ցնոսա, Մովսէս վասն խստասրտութեան ձերոյ հրամայեաց ձեզ արձակել զկանայս ձեր, այլ ի սկզբանէ ոչ եղև

9 այնպէս։ Բայց ասեմ ձեզ, զի Ամենայն որ արձակէ զկին իւր, եւ ոչ վասն պոռնկութեան, եւ առնիցէ այլ չնայ։

10 Եւ որ զարձակեալն առնէ՝ չնայ։ Ասեն ցնա աշակերտքն իւր, եթէ այդպէս ինչ մեա իցէ ընդ այր եւ ընդ կին, լաւ է շամուսնանալ։ Եւ նա ասէ ցնոսա, Ոչ ամենեքեան բաւական են

12 այդմ բանի, այլ որոց տուեալ է։ Զի են ներքինիք որ յորովայնէ մօր իւրեանց

18-ը, եկեղեցւոյն

20-ը, Տէր, երկայնամիտ

30-ը, զամենայն հատուցից

Յնան այնպէս . եւ են ներքինիք որ  
 ի մարդկանէ եղեն ներքինիք . եւ են  
 ներքինիք որ զանձինս իւրեանց ա-  
 րարին ներքինիս վասն արքայութեան  
 երկնից . որ կարողն է տանել տարցի .  
 13 Յայնժամ մատուցան առ նա մանկտի,  
 զի ձեռն դիցէ ի վերայ նոցա եւ ա-  
 զօթս արասցէ . եւ աշակերտքն նորա  
 14 սաստէին նոցա . Ասէ Յիսուս , Թոյլ  
 տուք մանկուոյդ եւ մի արգելուք  
 զդոսս գալ առ իս , զի այդպիսեացդ է  
 15 արքայութիւն երկնից . Եւ եղեալ ձեռս  
 ի վերայ նոցա՝ գնաց անտի .  
 16 ԶԶ . Եւ ահա մատուցեալ ոմն առ  
 նա՝ ասէ , Վարդապետ բարի , զի նշ բա-  
 րի գործեցից զի բնդունիցիմ զկեանսն  
 17 յաւիտեանականս . Եւ նա ասէ ցնա ,  
 Զի՝ չարցանես զիս զբարւոյ , մի է  
 բարի . եթէ կամիս չի կեանսն յաւի-  
 տեանականս մտանել , պահեա զպատ-  
 18 ուիրանսն . Ասէ ցնա , Զորս . ասէ  
 ցնա Յիսուս , ԶՄի՝ սպանաներն , եւ  
 19 Մի՝ չնար , եւ Մի՝ գողանար , եւ Մի՝  
 սուտ վկայեր , Պատուեա զհայրքո եւ  
 զմայր , եւ Սիրեցեցես զընկերքո իրրեւ  
 20 զանձնքո . Ասէ ցնա պատանին , Զայդ  
 ամենայն պահեցի ի մանկութենէ իմմէ .  
 21 արդ ի՞նչ իւրք պակաս իցեմ . Ասէ ցնա  
 Յիսուս , Եթէ կամիս կատարեալ լինել ,  
 երթ վաճառեա զինչս քո եւ տուր  
 աղքատաց . եւ ունիցիս զանձնս յեր-  
 22 կնիս , եւ եկ զկնի իմ . Իրրեւ լուա-  
 պատանին զբանն , գնաց տրտմեալ , զի  
 23 ունէր ստացուածս բազումս . Ասէ Յի-  
 սուս ցաշակերտսն , Ամէն ասեմ ձեզ  
 զի դժուարաւ մտցէ մեծատունս յար-  
 24 քայութիւն երկնից . Դարձեալ ասեմ  
 ձեզ , Դիւրին է մախոյ մտանել ընդ  
 ծակ ասղան , քան մեծատանս յար-  
 25 քայութիւն Աստուծոյ մտանել . Իրրեւ  
 լուան աշակերտքն , զարմացան յոյժ  
 եւ ասեն , Ի՞նչ ո՞ր կարիցէ ապրել .  
 26 Հայեցաւ ի նոսա Յիսուս եւ ասէ , Առ  
 ի մարդկանէ ալդ անկար է , ոլլ առ  
 յԱստուծոյ՝ ամենայն ինչ զօրութիւն .  
 27 Յայնժամ պատասխանի ետ Պետրոս  
 եւ ասէ ցնա , Աւասիկ մեք խոյսը  
 զամենայն եւ եկաք զկնի քո , արդ  
 28 զի՞նչ լինիցի մեզ . Ասէ ցնոսա Յիսուս ,

Ամէն ասեմ ձեզ զի դուք որ եկիք  
 զկնի իմ , Յիսուսանգամ զայստեան ,  
 յորժամ նստցի Որդի մարդոյ յաթոռ  
 փառաց իւրոց , նստջիք եւ դուք յեր-  
 կտասանս աթոռ՝ դատել զերկտասանս  
 29 աղգն Իսրայելի . Եւ ամենայն որ ոք  
 եթող զտուն կամ զեղբարս կամ զքորս  
 կամ զհայր կամ զմայր կամ զկնի կամ  
 զորդիս կամ զազարակս վասն ան-  
 ուան իմոյ՝ հարիւրապատիկ ատցէ , եւ  
 զկեանսն յաւիտեանականս ժառանգե-  
 30 ցէ . Բազումք եղիցին առաջինք յե-  
 տինք , եւ յետինք՝ առաջինք :

## ԳԼ . Ի

1 Քանզի նման է արքայութիւն երկնից  
 առն տանու տեանն , որ ել ընդ առա-  
 ւօտս ի վարձու ունել մշակս յայգի  
 2 իւր . Եւ արկ վարձս մշակացն աւուրն  
 դահեկան , եւ առաքեաց զնոսա յայգի  
 3 իւր . Եւ ելեալ զերրորդ ժամու՝ ետես  
 այլս զի կային դատարկք ի հրապա-  
 4 րակս . Ասէ եւ ցնոսա , Երթայք եւ  
 դուք յայգի իմ , եւ որ ինչ արժան  
 5 իցէ՝ տաց ձեզ , Գնացին եւ նոքա . եւ  
 դարձեալ ելեալ զվից ժամու՝ եւ զինն  
 6 ժամու՝ արար նոյնպէս . Եւ զմետա-  
 սաներորդ ժամու՝ ելեալ եզիտ այլս  
 զի կային դատարկք . ասէ եւ ցնոսա ,  
 7 Ընդէ՛ր կայք աստ զօրս ցերեկ դա-  
 տարկք . Ասեն ցնա , Զի ոչ ոք կարաւ  
 զմեզ ի վարձու . ասէ ցնոսա , Երթայք  
 եւ դուք յայգին , եւ որ ինչ արժան է՝  
 8 առնուցուք . Եւ իրրեւ երեկոյ եղեւ ,  
 ասէ տէր այգւոյն ցգաւառապետ իւր ,  
 Կոչեա զմշակսն եւ տուր նոցա վարձս՝  
 սկսեալ ի յետնոցն մինչեւ ցառաջինսն .  
 9 Իրրեւ եկին որք զմետասաներորդ ժա-  
 10 մուն՝ առին մէն մի դահեկան . Եկեալ  
 եւ առաջինքն՝ համարէին թէ աւելի  
 առնուցուն , եւ առին մէն մի դահե-  
 11 կան եւ նոքա . Իրրեւ առին , տրտնջե-  
 ին դտանու տեաննէն եւ ասէին թէ  
 12 Դոքա յետինքդ մի ժամ զործեցին ,  
 եւ հասարակորդս մեզ արարեր զդոսա ,  
 որ զժանրութիւնսն աւուրն բարձաք եւ  
 13 զտօթի . Եւ պատասխանի ետ միում  
 ի նոցանէ եւ ասէ , Ընկեր , չգրկեմ  
 զքեզ , ոչ դահեկանի միոջ սակ արկեր

1 Ուրիշ , ասես զիս բարի , չիք ոք բարի բայց  
 մի , Աստուած 2 Եւս , ի կեանս մտանել

3 ԶԶ , ի վերտին ծննդեան

14 ընդ իս. Առ զքոյդ եւ երթ, եթէ  
 կամիմ յետնոցս տալ՝ որպէս եւ քեզ:  
 15 Եթէ չիցէ՝ ինձ իշխանութիւն յիմաս  
 տունել զինչ եւ կամիմ. կամ թէ ակն  
 16 քո չար է, զի ես առատս եմ: Այսպէս  
 եղիցին յետինք առաջինք, եւ առա-  
 ջինք՝ յետինք. զի բազումք են կոչեց-  
 եալք, եւ սակաւք են ընտրեալք:  
 17 Զէ. Իբրեւ երանէր Յիսուս յերուսա-  
 դէմ, առ չգերկոտասանսն առանձինն,  
 18 եւ ի ճանապարհին ասէ ցնոսա, Ահա-  
 ւասիկ երանեմք յերուսաղէմ, եւ Որդի  
 մարդոյ մատնեսցի քահանայապետիցն  
 եւ դպրաց, եւ դատապարտեսցեն զնա  
 19 ի մահ. եւ մատնեսցեն զնա հեթանո-  
 սաց՝ այսպանել եւ հարկանել եւ ի խաչ  
 հանել, եւ յերկր առուր յարիցէ:  
 20 Յայնժամ մատեաւ առ նա մայր  
 որդւոցն Զերեզեայ որդւովք իւրովք  
 հանդերձ, երկիր պագանէր եւ խնդրէր  
 21 ինչ ի նմանէ: Եւ նա ասէ ցնա, Զի՛նչ  
 կամիս. ասէ ցնա, Ասա զի նստցին  
 սոքա երկու որդիքս իմ, մի ընդ աջմէ  
 քումմէ եւ մի ընդ ահեկէ, յարքայու-  
 22 թեան քում: Պատասխանի ետ Յիսուս  
 եւ ասէ, Ոչ գիտէք զինչ խնդրէք.  
 կարէք ըմպել զբաժակն զոր ես ըմ-  
 պելոց եմ. <sup>1</sup>կամ զմկրտութիւնն զոր  
 ես մկրտելոց եմ՝ մկրտել. ասեն ցնա,  
 23 կարող եմք: Ասէ ցնոսա <sup>2</sup>Յիսուս,  
 Զբաժակն իմ ըմպիցէք, <sup>3</sup>եւ զմկրտու-  
 թիւնն զոր ես մկրտելոց եմ՝ մկրտի-  
 ցիք, բայց Յաստուցանել ընդ աջմէ  
 եւ ընդ ահեկէ իմմէ՝ ոչ է իմ տալ, այլ  
 24 որոց <sup>4</sup>տուեալ է ի Հօրէ իմմէ: Եւ  
 լուեալ տասանցն՝ բարկացան ի վերայ  
 25 երկուցն եղբարդ: Յիսուս կոչեաց զնո-  
 սա առ ինքն եւ ասէ, Դիտէք զի իշ-  
 խանք աղգադ տիրեն նոցա, եւ մեծա-  
 26 մեծքն իշխանն նոցա: Ոչ այնպէս իցի,  
 եւ ի ձերում միջի. այլ որ կամիցի  
 ի ձէնջ մեծ լինել՝ եղիցի ձեր պաշ-  
 27 տօնեայ. եւ որ կամիցի ի ձէնջ առա-  
 28 ջին լինել՝ եղիցի ձեր ծառայ: Որպէս  
 Որդի մարդոյ ոչ եկն պաշտօնս առնուլ,  
 այլ պաշտուլ, եւ տալ զանձն իւր  
 փրկանս փոխանակ բազմաց:  
 29 Էջ. Եւ յերանկրն նոցա յերիքովէ,  
 զնացին զհետ նորա ժողովուրդք բա-

30 զումք: Եւ ահա կոյրք երկու նոսաքին  
 առ ճանապարհաւն. իբրեւ լուան թէ  
 Յիսուս անցանէ, աղաղակեցին եւ  
 ասեն, Ողորմեաց մեզ, <sup>5</sup>Յիսուս, Որդի  
 31 Դաւթի: Եւ ամբոխն սաստեաց նոցա  
 զի լոնացեն. եւ նոքա եւս առաւել ա-  
 ղաղակէին եւ ասէին, Տէր, ողորմեաց  
 32 մեզ, Որդի Դաւթի: Զտեղի առ Յի-  
 սուս, կոչեաց զնոսա եւ ասէ, Զի՛նչ  
 33 կամիք զի արարից ձեզ, Ասեն ցնա,  
 34 Տէր, զի բացցին աչք մեր: Եւ զթա-  
 ցեալ Յիսուս մերձեցաւ յաչս նոցա,  
 եւ վաղվաղակի տեսին եւ զնացին  
 զհետ նորա:

## ԳԼ. ԻԱ

1 Իբրեւ մօտ եղեն յերուսաղէմ եւ եկին  
 ի Բեթփագէ մերձ ի լեառն Զիթենեաց,  
 յայնժամ Յիսուս արձակեաց երկուս  
 2 յաշակերտացն իւրոց: Եւ ասէ ցնոսա,  
 Երթալք ի գեղդ որ առաջի ձեր է, եւ  
 անդէն գտանիցէք էշ կապեալ եւ յա-  
 ւանակ ընդ նմին. լուծէք, ածէք ինձ:  
 3 Եւ եթէ ոք ասիցէ ինչ ձեզ, ասասցիք  
 եթէ Տեառն իւրեանց պիտոյ են. եւ  
 4 վաղվաղակի առաքեսցէ զնոսա: Բայց  
 այս ամենայն եղեւ զի լցցի բան մար-  
 5 զարէին որ ասէ, Ասացէք զստեղ Սի-  
 ոնի, Ահա թագաւորքո գայ քեզ հեզ,  
 եւ հեծեալ յէշ եւ յաւանակի իշոյ:  
 6 Գնացին աշակերտքն, եւ արարին որ-  
 7 պէս հրամայեացն նոցա Յիսուս: Եւ  
 ածին զէշն եւ զյաւանակն, եւ արկին  
 զնոքոք <sup>8</sup>ձորձս. եւ նստաւ ի վերայ  
 8 նոցա: Եւ բազում ժողովուրդք աա-  
 րածեցին զհանդերձս իւրեանց ի ճա-  
 նապարհին, եւ այլք հատանէին ոստ  
 ի ծառոց եւ տարածանէին ի ճանա-  
 9 պարհին: Եւ ժողովուրդքն որ առաջին  
 եւ զկնի երթային՝ աղաղակէին եւ ա-  
 սէին, <sup>10</sup>Օրհնութիւն Որդոյ Դաւթի,  
 որհնեալ որ գայ յանուն Տեառն. <sup>11</sup>Օրհ-  
 նութիւն ի բարձունս:  
 10 Եւ ի մտանելն նորա յերուսաղէմ,  
 զղորեցաւ քաղաքն ամենայն, եւ ասէ,  
 11 Ո՛վ իցէ սա: Եւ ժողովուրդքն ասեն,  
 Սա է մարգարէն Յիսուս որ ի նազա-  
 րեթէ Գալիլեացւոց:

<sup>1</sup>Բարձր, զերկոտասան աշակերտն  
<sup>2</sup>Գնաւ, գաւառ

<sup>3</sup>Գնա, նստել

<sup>4</sup>Սիւն, պատրաստեալ  
<sup>5</sup>Ո՛վ, զձորձս իւրեանց

<sup>6</sup>Բարձր, Տէր  
<sup>7</sup>Գնա, Ողորմեաց

12 Եւ եմուտ Յիսուս ի տաճարն եւ  
 եւան արտաքս զամենեւին որ վաճա-  
 րէինն եւ գնէին ի տաճարի անդ . եւ  
 զսեղանս հատավաճառացն կործանեաց  
 13 եւ զաթոռս աղաւնեւաճառացն . Եւ  
 ասէ ցնոսա, Գրեալ է, Տուն իմ տուն  
 աղօթից կոչեսցի, եւ դուք արարէք  
 զդա այրս աւազակաց .  
 14 Եւ մատեան առ նա կոյրք եւ կաղք  
 15 ի տաճարին, եւ բռնեաց զնոսա, իբրեւ  
 տեսին քահանայապետքն եւ զպիւրք  
 զսեղանիսն զոր արար, եւ զմանկան  
 որ աղաղակէին ի տաճարին եւ ասէին,  
 16 Օրհնութիւն Որդւոյ Դաւթի, բար-  
 կացան . Եւ ասին ցնա, Լսե՛ս զինչ  
 ասեն դքսա . ասէ ցնոսա Յիսուս, Այո,  
 չիցէ՛ ընթերցեալ ձեր թէ ի բերանոյ  
 տղայոց եւ ստեղծեցաց կատարեցեր  
 17 զօրհնութիւն . Եւ թողեալ զնոսա եւ  
 արտաքոյ քաղաքին ի Բեթանիա, եւ  
 անդ ագաւ .  
 18 Է՛հ . Եւ այգուցն իբրեւ դարձաւ անդ-  
 19 թէն ի քաղաքն, քաղցեաւ . Եւ տես-  
 եալ թղնի մի ի վերայ ճանապարհին՝  
 եկն ի նա, եւ ոչինչ եգիտ ի նմա,  
 բայց միայն տերեւ . եւ ասէ ցնա, Մի՛  
 այսուհետեւ ի քէն պտուղ եղիցի յա-  
 լիտեան . եւ առ ժամայն չորացաւ  
 20 թղնին . իբրեւ տեսին աշակերտքն,  
 զարմացան եւ ասեն թէ, Զի՞ւրդ վաղ-  
 21 վաղակի ջամաքեցաւ թղնին . Պա-  
 տախանի ետ Յիսուս եւ ասէ ցնոսա,  
 Ամէն ասեմ ձեզ, Եթէ ունիցիք հա-  
 ւատս եւ ոչ երկմտիցէք, ոչ միայն  
 զթղնւոյդ առնիցէք, այլ թէպէտ եւ  
 բրինձ ասիցէք, Բարձիւր եւ անկիր  
 22 ի ծով, եղիցի . Եւ զամենայն ինչ զոր  
 եւ խնդրիցէք յաղօթս հաւատովք՝ առ-  
 նուցուք .  
 23 Եւ իբրեւ եկն ի տաճարն, մատեան  
 առ նա, մինչդեռ ուսուցանէր, քահա-  
 նայապետքն եւ ձերք ժողովրդեանն  
 եւ ասեն, Որո՞վ իշխանութեամբ առ-  
 նես զայդ, եւ ո՞վ ետ քեզ զիշխանու-  
 24 թիւնդ զայդ . Պատասխանի ետ Յիսուս  
 եւ ասէ ցնոսա, Հարցից եւ ես զձեզ  
 քան մի, զոր թէ ասիցէք ինձ, եւ ես  
 ձեզ ասացից որո՞վ իշխանութեամբ  
 25 առնեմ զայս . Մկրտութիւնն Յովնան-

նու ուստի՞ էր, յերկնից թէ ի մարդ-  
 կանէ . եւ նոքա խորհէին զնոյ մի-  
 26 մանս՝ եւ ասէին, Եթէ ասեմք, Յերկ-  
 նից, ասէ ցնեզ, Իսկ ընդէ՛ր ոչ հա-  
 ւատացէք նմա . եւ եթէ ասեմք, ի  
 մարդկանէ, երկնչիմք ի ժողովրդե-  
 նէն, զի ամենեքին զՅովնաննէս իբրեւ  
 27 զմարգարէ ունէին . Պատասխանի եւ-  
 տուն Յիսուսի եւ ասեն, Ոչ գիտեմք .  
 ասէ ցնոսա եւ նա, Եւ ոչ ես ասեմ  
 ձեզ որով իշխանութեամբ առնեմ զայս .  
 28 Բայց զիւրդ թուի ձեզ . առն միոջ  
 էին երկու որդիք, եւ մատուցեալ առ  
 պտաջինն ասէ, Որդեակ, երթ այսօր,  
 29 գործեա յայգուջ . Եւ պատասխանի  
 ետ եւ ասէ, Երթամ, տէր . եւ ոչ  
 30 չողաւ . Մատեաւ եւ առ մեւսն, եւ  
 ասէ նոյնպէս . Եւ պատասխանի ետ  
 եւ ասէ, Ոչ կամիմ . Բայց յետոյ զղջա-  
 31 ցաւ եւ չողաւ յայգին . Որդ ո՞ յեր-  
 կոյունց արար զկամս հօրն . ասեն,  
 32 Եւստին . ասէ ցնոսա Յիսուս, Ամէն  
 ասեմ ձեզ, զի մաքսաւորք եւ պոռ-  
 նիկք յառաջեացն քան զձեզ յարքա-  
 33 յութիւն Աստուծոյ . Զի եկն Յովնան-  
 նէս ճանապարհաւ արդարութեան, եւ  
 ոչ հաւատացէք նմա . եւ մաքսաւորք  
 եւ պոռնիկք հաւատացին նմա, եւ  
 զուրք տեսէք, եւ ոչ զղջացարուք յետոյ  
 հաւատալ նմա .  
 34 Եւս . Այլ առակ լուարուք . Այր մի  
 էր տանուտէր որ տնկեաց այդի եւ  
 ցանդով պատեաց ցնա, եւ փորեաց  
 ի նմա հնձան եւ չինեաց աշտարակ .  
 եւ ետ զնա ցմակս, եւ զնաց ի տար-  
 35 աշխարհ . իբրեւ մերձեցաւ ժամանակ  
 պտույդ, առաքեաց զծառայս իւր առ  
 36 մշակսն՝ առնուլ զպտուղս նորա . Եւ  
 կախալ մշակացն զծառայս նորա, զոմն  
 տանջեցին, զոմն սպանին, զոմն քար-  
 37 կոծեցին . Դարձեալ առաքեաց այլ ծա-  
 ռայս բազումս քան զառաջինսն, եւ  
 38 արարին նոցա նոյնպէս . Յետոյ ա-  
 ռաքեաց առ նոսա զորդի իւր, եւ ասէ,  
 Թերեւս ամաչեացն յորդույ աստի  
 իմեմ . Իսկ մշակքն իբրեւ տեսին զոր-  
 դին, առնն ընդ միտս, Սա է ժառանգն,  
 եկայք սպանցուք զսա եւ կաղուք

<sup>1</sup> Ուստի, ի տաճարն Աստուծոյ  
<sup>2</sup> Եւստին, Ուստինն <sup>3</sup> Եւս, ընդ միտս

<sup>4</sup> Բաւաւ, Ոչ կամիմ Բայց յետոյ զղջացաւ  
 եւ չողաւ

<sup>5</sup> Եւստին, Երթամ, տէր . եւ ոչ չողաւ

<sup>6</sup> Բաւաւ, Աւաջինն



39 զժառանգութիւն սորա: Եւ առեալ  
հանին զնա արտաքոյ քան զայգին եւ  
40 սպանին: Արդ յորժամ հկեսցէ տէր  
այգւոյն, զի՛նչ արասցէ մշակացն այ-  
41 նոցիկ: Ասեն ցնա, Չչարսն չարաւ  
կորուսցէ, եւ զայգին տացէ այլոց  
մշակաց, որք տացեն նմա զպտուղս  
42 ի ժամու իւրեանց: Ասէ ցնոսա Յի-  
սուս, Չիցէ՞ կրբեք ընթերցեալ ձեր  
ի գիրս, Չվէ՛մն զոր անարգեցին չի-  
նողք, նա եղեւ գլուխ անկեան. ի  
Տեառնէ եղեւ այս, եւ է սքանչելի  
43 յաչս մեր: Վասն այսորիկ ասեմ ձեզ,  
զի բարձցի ի ձէն՝ արքայութիւնն Աս-  
տուծոյ, եւ տացի ազգի որ առնիցէ  
44 զպտուղս նորա: Եւ որ անկցի ի վերայ  
վիմիս այսորիկ՝ փշրեսցի, եւ յոյր վե-  
45 լայ անկցի՝ հոսեսցէ զնա: Իբրեւ լուան  
քա՛նանայապետքն՝ եւ դպիրք՝ եւ փա-  
րիսեցիք զառակս նորա, գիտացին թէ  
46 վասն նոցա ասաց: Եւ խնդրէին զնա  
ուռնել, բայց երկեան ի ժողովրդոցն,  
քանզի իբրեւ զմարգարէ ուռնէին զնա:

## ԳԼ ԻԲ

1 Է՛. Դարձեալ պատասխանի ետ Յի-  
սուս եւ ասէ ցնոսա առակօք. Նմա-  
նեցաւ արքայութիւն երկնից առն թա-  
զաւորի որ արար հարսանիս որդւոյ  
3 իւրում: Եւ առաքեաց զժառայս իւր  
կոչել զհրաւիրեալսն ի հարսանիս, եւ  
4 ոչ կամեցան գալ: Դարձեալ առաքեաց  
այլ ծառայս եւ ասէ, Ասացէք հրաւի-  
րելոցն, Ահաւասիկ զճաշ իմ պատրաս-  
տեցի, զուարակք իմ եւ պարարակք  
զենեալ են, եւ ամենայն ինչ պատ-  
5 րաստ է. եկայք ի հարսանիսս: Եւ  
նոքա յուրացեալ գնացին, ո՛մն՝ յագա-  
6 րակ իւր, եւ ո՛մն՝ ի վաճառ իւր: Եւ  
այլք կալան զժառայս նորա, թշնա-  
7 մանեցին եւ սպանին: Իսկ թագաւորն  
իբրեւ լուաւ, բարկացաւ, եւ առաք-  
եաց զզօրս իւր եւ սատակեաց զսպա-  
նողսն զայնոսիկ, եւ զքաղաքն նոցա  
8 այրեաց: Յայնժամ ասէ ցժառայս իւր,  
Հարսանիքս պատրաստ են, եւ հրա-  
9 լիւրեալքն չէին արժանի: Արդ երթալք  
յանցս ճանապարհաց, եւ զօրս միան-  
գամ գտանիցէք՝ կոչեցէք ի հարսա-

10 նիսս: Եւ երեալ ծառայքն ի ճանա-  
պարհս՝ ժողովեցին զամենեւեան զոր  
եւ գտին, զչարս եւ զքարիս, եւ ցնա  
11 հարսանիքն բազմականօք: Եւ մտեալ  
թագաւորն հայել զբազմականօքն՝ եւ  
տես անդ այր մի որ ոչ էր զգեցեալ  
12 հանդերձ հարսանեաց: Եւ ասէ ցնա,  
Ընկեր, զիա՛րդ մտեր այսր, զի ոչ ու-  
նէիր հանդերձ հարսանեաց. եւ նա  
13 պապանձեցաւ: Յայնժամ ասէ թագա-  
ւորն ցապասաւորսն, Կապեցէք զգորա  
զոտս եւ զձեռս, եւ հանէք զղա ի խա-  
ւարն արտաքին. անդ եղիցի լալ եւ  
14 կրճել ատամանց. Չի բազումք են կո-  
չեցեալք, եւ սակաւք՝ ընտրեալք:  
15 Է՛. Յայնժամ գնացեալ փարիսեցիքն՝  
առին խորհուրդ զնմանէ թէ որպէս  
16 դնիցեն նմա որոգայթ բանիւք: Եւ  
առաքեն առ նա զաշակերտս իւրեանց  
Հերովդիանոսօքն հանդերձ, եւ ասեն,  
Վարդապետ, գիտեմք զի ճշմարիտ ես,  
եւ զճանապարհն Աստուծոյ ճշմար-  
տութեամբ ուսուցանես, եւ ոչ է քեզ  
փոյթ զումեքէ, եւ ոչ հայիս յերեսս  
17 մարդոյ: Արդ ասա մեզ, զիա՛րդ թուի  
քեզ, պա՛րտ է հարկս տալ կայսեր թէ  
18 ոչ: Գիտաց Յիսուս զխորամանգու-  
թիւն նոցա եւ ասէ, Չի՛ փորձէք  
19 զիս, կեղծաւորք. Յուցէք ինձ զղա-  
հեկան հարկին. եւ նոքա մատուցին  
20 նմա դահեկան մի: Եւ ասէ ցնոսա,  
21 Ո՛յր է պատկերս այս կամ գիր: Ասեն,  
կայսեր. յայնժամ ասէ ցնոսա, Եր-  
թայք, տուք զկայսերն կայսեր, եւ  
22 զԱստուծոյն Աստուծոյ: Իբրեւ լուան,  
զարմացան, եւ թողին զնա եւ գնացին:  
23 Յայնժամ աւուր մատեան առ նա սա-  
ղուկեցիքն որ ասէին թէ Չիք յարու-  
24 թիւն. հարցին ցնա, Եւ ասեն, Վար-  
դապետ, Մովսէս ասաց, Եթէ՛ ոք մեռցի  
անորդի, արասցէ զկին նորա եղբայր  
իւր, եւ յարուսցէ զաւակ եղբօր իւ-  
25 բում: Էին առ մեզ եղբարք եւ թն. ա-  
ռաջինն արար կին եւ մեռաւ. եւ զի  
ոչ ունէր զաւակ, եթող զկինն իւր  
26 եղբօր իւրում. Նոյնպէս եւ երկրորդն  
եւ երրորդն մինչեւ ցեւթներորդն:  
27 Յետ ամենեցուն մեռաւ եւ կինն:  
28 Արդ ի յարութեանն ո՛յր յեւթանցն  
եղիցի նա կին, զի ամենեքին կարան  
29 զնա կին: Պատասխանի ետ նոցա Յի-  
սուս եւ ասէ, Մոլորեալք, ոչ գիտէք

զգիրս եւ ոչ զգորութիւն Աստուծոյ,  
 30 Զի ի յարութեան ոչ կանայս առնեն  
 եւ ոչ արանց լինին, այլ են իբրեւ  
 31 զհրեշտակս յերկինս: Բայց փան յա-  
 րութեանն մեռելոց չիցէ՝ ընթերցեալ  
 32 զասացեալն ձեզ յԱստուծոյ, եւ եւ  
 Աստուած Արրահամու, Աստուած Ի-  
 սահակայ եւ Աստուած Յակոբայ. եւ  
 չէ Աստուած Պատուած մեռելոց, այլ  
 33 կենդանեաց: Իբրեւ լուան ժողո-  
 վուրդքն, զարմանային ընդ վարդա-  
 պետութիւն նորա:  
 34 Իսկ փարիսեցիքն իբրեւ լուան եթէ  
 պապանձեցոյց զսաղուկեցիսն, ժողո-  
 35 վեցան ի միասին. եւ եհարց մի ոմն  
 ի նոցանէ՝ զնա փորձելով, եւ ասէ,  
 36 Վարդապետ, որ պատուիրան է մեծ  
 37 յորէնս, եւ Յիսուս ասէ ցնա, Սի-  
 րեացես զՏէր Աստուած քո յամենայն  
 սրտէ քումմէ, եւ յամենայն անձնէ  
 38 քումմէ, եւ յամենայն մտաց քոց: Այս  
 39 է մեծն եւ առաջին պատուիրան: Եւ  
 երկրորդն՝ նման սմին, Սիրեցես զըն-  
 40 կեր քո իբրեւ զանձն քո: Յայս եր-  
 կուս պատուիրանս ամենայն օրէնք  
 եւ մարգարէք կախեալ կան:  
 41 Եւ ի ժողովել փարիսեցւոցն եհարց  
 42 ցնոսա Յիսուս եւ ասէ, Զիարդ թուի  
 ձեզ վասն Քրիստոսի. ոյր որդի է:  
 43 Ասեն ցնա, Դաւթի: Ասէ ցնոսա Յի-  
 սուս, Իսկ զիարդ Դաւիթ. Հոգւովն  
 44 կոչէ զնա Տէր, եւ ասէ, Ասաց Տէր  
 ցՏէր իմ, Նիստ ընդ աջմէ իմմէ մինչեւ  
 եղից զԹշնափոս քո պատուանդան: ո-  
 45 տից քոց, Իսկ եթէ Դաւիթ զնա Տէր  
 46 կոչէ, զիարդ որդի նորա իցէ: Եւ ոչ  
 ոք կարէր տալ նմա պատասխանի բան  
 մի, եւ ոչ իշխէր ոք յայնմ օրէ հար-  
 ցանել զնա եւ ոչինչ:

## ԳԼ ԻԳ

1 ԷՋ. Յայնժամ խօսեցաւ Յիսուս ընդ  
 ժողովուրդսն եւ ընդ աշակերտսն իւր,  
 2 եւ ասէ, Յաթոռն Մովսիսի նստան  
 3 զպիրքն եւ փարիսեցիք. Զամենայն  
 ինչ զոր ասիցեն ձեզ արարէք եւ պա-  
 4 հեցէք, բայց ըստ գործոյն նոցա մի  
 4 առնէք, զի ասեն եւ ոչ առնեն: Կապեն

1 Ուստի, Աստուծոյ

2 Եւստիս զաւստի

3 Բաւարի, ի նոցանէ օրինակն

4 Ուստի, ձեզ պահել

բեռինս ծանունս եւ զժուարակիրս,  
 եւ զնեն ի վերայ ուսոց մարդկան, եւ  
 մատամբ իւրեանց ոչ կամին շարժել  
 5 զնոսա: Եւ զամենայն գործս իւր-  
 եանց առնեն ի ցոյցս մարդկան: Եւ ինն  
 զգրապանակս իւրեանց, եւ երկայնին  
 6 զքղանցս հանդերձից իւրեանց: Սիրին  
 զյառաջագահս յրնթրիս, եւ զնախա-  
 թոսս ի ժողովուրդս, եւ զողջոյնս ի  
 7 հրապարակս, եւ կոչել ի մարդկանէ  
 8 Ռաբբի, Ռաբբի: Բայց զուր մի՝ զուր  
 կոչէք Վարդապետ, զի մի է ձեր Ու-  
 սուցիչ. եւ ամենեքին զուր եղբարք  
 9 էք: Եւ Հայր մի կոչէք ձեզ յերկրի,  
 զի ձեր մի է Հայր որ յերկինսն է:  
 10 Եւ մի՝ կոչիցիք ուսուցիչք, զի ու-  
 11 սուցիչ ձեր Քրիստոս է: Եւ մեծն  
 12 ի ձէնջ եղիցի ձեր սպասաւոր: Որ  
 բարձրացուցանէ զանձն խոնարհեցի,  
 եւ որ խոնարհեցուցանէ զանձն բարձ-  
 րացի:  
 13 Վայ ձեզ դպրաց եւ փարիսեցւոց  
 կեղծաւորաց, զի փակէք զարքայու-  
 թիւն երկնից առաջի մարդկան: Դուք  
 ոչ մտանէք, եւ որոց մտանենն՝ չտալք  
 թոյլ մտանել:  
 15 Վայ ձեզ դպրաց եւ փարիսեցւոց  
 կեղծաւորաց, զի յածիք ընդ ծով եւ  
 ընդ ցամաք առնել եկամուտ մի: Եւ  
 յորժամ լինիցի, առնէք զնա որդի գե-  
 16 նեւի կրկին եւս քան զձեզ: Վայ ձեզ,  
 առաջնորդք կոյրք, զի ասէք, Որ երդ-  
 նու ի տաճարն՝ չէ ինչ, բայց որ երդ-  
 նու յոսկին որ ի տաճարին է՝ արժան  
 17 է: Մորոսք եւ կոյրք, զի նչ մեծ է,  
 ոսկին՝ եթէ տաճարն որ սրբէ զոսկին:  
 18 Եւ որ երդնու ի սեղանն՝ չէ ինչ, բայց  
 որ երդնու ի պատարագն որ ի վերայ  
 19 նորա է՝ արժան է: Յիմարք եւ կոյրք,  
 զի նչ մեծ է, պատարագն՝ եթէ սեղանն  
 20 որ սրբէ զպատարագն, Իսկ արդ որ  
 երդուաւ ի սեղանն՝ երդնու ի նա եւ  
 21 յամենայն որ ի վերայ նորա է: Եւ որ  
 երդուաւ ի տաճարն՝ երդնու ի նա եւ  
 22 ի բնակիչն նորա: Եւ որ երդուաւ

5 Եւստի, կոչիցիք Ռաբբի

6 Ուստի, ուսուցիչ, Քրիստոս

7 Բաւարի, մի է, Քրիստոս

8 Ուստի յաւելու, (14) Վայ ձեզ դպրաց եւ փարիսեցւոց կեղծաւորաց, զի ուսուց զոսանս այրեաց, պատճառաւոր երկարէք զաղօթս, վասն որոյ տւելի դատաստան ընդունիցիք:

յերկրնս՝ երդնու յաթոռն Աստուծոյ եւ  
 23 յայն որ նստին ի վերայ նորա՝ Վայ՝  
 ձեզ դպրաց եւ փարիսեցւոց կեղծա-  
 ւորաց, զի տառանորդէք զանանուի  
 եւ զսամիթ եւ զչաման, եւ թողէք  
 զծանր ծանր օրինացն, զգառաստան  
 եւ զողորմութիւն եւ զհաւատաւ. զայս  
 արժան էր առնել եւ զպն չթողուլ:  
 24 Առաջնորդք կոյրք, որ զմեղուկս քա-  
 25 մէք եւ զուղտս կլանէք: Վայ՝ ձեզ  
 դպրաց եւ փարիսեցւոց կեղծաւորաց,  
 զի սրբէք զարտաքին զբաժակին եւ  
 զսկաւառակին, եւ ի ներքոյ լի են յա-  
 փշտակութեամբ եւ անխառնութեամբ:  
 26 Փարիսեցի կոյր, սրբեա նախ զներքին  
 բաժակին եւ զսկաւառակին, զի լինիցի  
 27 եւ արտաքինն նոցա սուրբ: Վայ՝ ձեզ  
 դպրաց եւ փարիսեցւոց կեղծաւորաց,  
 զի նման էք գերեզմանաց բռնոց, որ  
 արտաքոյ երեւին գեղեցիկք, եւ ի ներ-  
 քոյ լի են ոսկերօք մեռելոց եւ ամե-  
 28 նայն պղծութեամբ: Նոյնպէս եւ դուք  
 արտաքոյ երեւիք մարդկան արդարք,  
 եւ ի ներքոյ լի էք կեղծաւորութեամբ:  
 29 եւ անօրէնութեամբ: Վայ՝ ձեզ դպրաց  
 եւ փարիսեցւոց կեղծաւորաց, զի շի-  
 նէք զչիրիմ մարգարէից եւ զարդա-  
 30 րէք զգերեզմանս արդարոց: Եւ ասէք,  
 Եթէ էաք յաւուրս հարցն մերոց, ոչ  
 31 հաղորդէք արեան մարգարէիցն: Ապա  
 ուրիմ վկայէք զանձանց, եթէ որդիք  
 էք այնոցիկ որ կոտորէին զմարգա-  
 32 րէսն: Եւ դուք լցէք զչափ հարցն ձե-  
 33 րոյ: Օձք, ծնունդք իժից, զիարդ  
 փախնուցուք ի դատաստանէ գեհեմին:  
 34 Վասն այդորիկ ահաւասիկ եւ առաքեմ  
 առ ձեզ մարգարէս եւ իմաստունս եւ  
 գպիրս, եւ ի նոցանէ սպանանիցէք եւ  
 ի խաչ հանիցէք, եւ ի նոցանէ տան-  
 35 ջիցէք ի ժողովուրդս ձեր, եւ հալա-  
 եկեացէ ի վերայ ձեր ամենայն արիւն  
 արդար հեղեալ յերկրի, յարենէն Աբիլի  
 արդարոյ մինչեւ ցարիւնն Զաքարիայ  
 որդւոյ Բարաքիոյ զոր սպանէք ընդ  
 36 մէջ տաճարին եւ սեղանոյ: Ամէն ա-  
 սեմ ձեզ, Եկիոցէ այն ամենայն ի վե-  
 րայ ասկիւս այսորիկ:  
 37 Երուսաղէմ, Երուսաղէմ, որ կոտո-  
 րէր զմարգարէսն եւ քարկոծ շառնէր

զառաքեալուն ծառ նա,՝ քանիցս ան-  
 գամ կամեցայ ժողովել զամենկունս քա-  
 զոր օրինակ ժողովէ հաւ զձագս իւր  
 38 ընդ թեւովք, եւ ոչ կամեցարուք: Ահա  
 թողեալ լիցի ձեզ տունդ ձեր աւերակ:  
 39 Բայց ասեմ ձեզ թէ Ոչ եւս տեսնի-  
 ցէք զիս յայսմ հետէ, մինչեւ ասիցէք,  
 Օրհնեալ եկեալ յանուն Տեառն:

## ԳԼ. ԻԴ

1 էէ. Եւ ելեալ արտաքս Յիսուս ի  
 տաճարէն՝ գնայր. եւ մատնան աշտ-  
 կերտքն ցուցանել նմա զչինուածս  
 2 տաճարին: Եւ նա պատասխանի եւ  
 եւ ասէ ցնոսա, Տեսնե՞ք զայդ տի-  
 նայն, ամէն ասեմ ձեզ, ոչ մնաոցէ  
 այդր քար ի քարի վերայ որ ոչ քակ-  
 3 տեսցի: Եւ մինչդեռ նստէր ի լերինն  
 Զիթնիւնաց, մատնան առ նա աշա-  
 կերտքն առանձինն եւ ասին, Ահա  
 մեզ, երբ լինիցի այդ, եւ կամ զի՞նչ  
 նշան իցէ քոյոյ զայստեսնն եւ վախ-  
 4 ճանի աշխարհիս: Պատասխանի եւ  
 Յիսուս եւ ասէ ցնոսա, Զգաղ իրոք:  
 5 գուցէ ոք զձեզ խարիցէ. Զի թագումք  
 զայցեն յանուն իմ եւ ասիցին թէ Ես  
 եմ Քրիստոսն, եւ զբազումս մոլորե-  
 6 ցուցանիցեն: Լսելոյ էք պատերազ-  
 մունս եւ համբաւս պատերազմաց.  
 զգոյ՜ լերուք, մի՛ խոռվիսցիք. զի  
 պարտ է լինել այնմ ամենայնի, այլ  
 7 չեւ է կատարած: Յարիցէ ազգ յազգի  
 վերայ, եւ թագաւորութիւն՝ ի թա-  
 գաւորութեան, եւ եղիցին սովք եւ  
 սրածութիւնք եւ սառնութիւնք ի  
 8 տեղիս տեղիս: Սակայն եւ այն ամե-  
 9 նայն սկիզբն է երկանց: Յայնժամ  
 մատնեսցին զձեզ ի նեղութիւն, եւ  
 սպանանիցին զձեզ, եւ եղիջիք ատե-  
 ցիալք յամենայն ազգաց վասն անուան  
 10 իմոյ: Եւ յայնժամ զայթակդեսցին  
 բազումք, եւ զմիմեանս մատնեսցին  
 11 եւ ատնոցեն զմիմեանս: Եւ բազում  
 սուտ մարգարէք յարիցեն եւ զբա-  
 12 զումս մոլորեցուցին: Եւ վասն բազ-  
 մանալոյ անօրէնութեանն՝ ցամաքեսցի  
 13 սէր բազմաց, Բայց որ համբուրեսցի  
 14 ի սպառ՝ նա կեցցէ: Եւ քարոզեսցի  
 աւետարանս արքայութեան ընդ ամե-

նայն տիեզերս ի վկայութիւն ամենայն  
հեթանոսաց, եւ ապա եկեացէ կատա-  
րած։

45 Արդ յորժամ տեսանիցէք զպղծու-  
թիւն աւերածոյն, որ ասացեալն է  
ի ձեռն Դանիելի մարգարէի, զի կայցէ  
ի տեղուջն սրբութեան. (որ ընթեո-  
16 նուն ի միտ առցէ.) Յայնժամ որ ի  
Հրէաստանի իցեն՝ փախիցեն ի լւրինս։

47 Եւ որ ի տանիս կայցէ՝ մի՛ իջցէ առ-  
48 նուլ ինչ ի տանէ իւրմէ. Եւ որ յանդի-  
իցէ՝ մի՛ դարձցի յետս առնուլ զձորձս

49 իւր։ Բայց վայ իցէ յդեաց եւ ստըն-  
20 տուաց յաւուրսն յայնոսիկ։ Յաղօթս  
կացէք զի մի՛ լինիցի փախուստն ձեր

21 ձմերանի եւ մի՛ ի չաբաթու։ Զի եղիցի  
յայնժամ նեղութիւն մեծ, որպիսի ոչ  
եղեւ ի սկզբանէ արարածոց աշխարհի

22 մինչեւ ցայժմ, եւ ոչ այլ լիցի։ Եւ  
եթէ ոչ կարճէին աւուրքն այնոքիկ,  
ոչ ապրէր ամենայն մարմին. բայց  
վասն ընտրելոցն կարճեացին աւուրքն

23 այնոքիկ։ Յայնժամ թէ ոք ասիցէ ձեզ,  
Ահաւասիկ աստ է Քրիստոսն կամ

24 անդ, մի՛ հաւատայցէք։ Զի յարիցեն  
սուտ քրիստոսք եւ սուտ մարգարէք,  
եւ տացեն նշանս մեծամեծս եւ ար-  
ուեստս, մինչեւ մոլորեցուցանել, թէ

25 հնար ինչ իցէ, եւ զընտրեալսն։ Ահա

26 յառաջագոյն ասացի ձեզ, Ապա եթէ  
ասիցեն ձեզ, Ահաւանիկ յանստպատի-  
է, մի՛ ելանիցէք, եւ թէ՛ Ահա ի շտե-

27 մարանս է, մի՛ հաւատայցէք։ Զի որ-  
պէս փայլակն որ ելանէ յարնւելից եւ  
երեւի մինչեւ յարեւմուտս, այնպէս

28 եղիցի զալուստն Որդւոյ մարդոյ։ Զի  
ուր գէշն իցէ՝ անդր ժողովեացին ար-  
ծուիք։

29 Վաղվաղակի յետ նեղութեան ա-  
ւուրցն այնոքիկ արեգակն խաւարեացի,  
եւ լուսին ոչ տացէ զլոյս իւր, եւ աս-  
տեղք անկցին յերկնից, եւ զօրու-

30 թիւնք երկնից շարժեացին։ Եւ ապա  
երեւեացի նշան Որդւոյ մարդոյ յեր-  
կինս, եւ յայնժամ կոծեացին ամենայն  
ազգք երկրի, եւ տեսցեն զՈրդի մար-  
դոյ եկեալ ի վերայ ամպոց երկնից զօ-

31 րութեամբ եւ փառօք թափօք։ Եւ  
առաքեացէ դրեշտակս իւր փողով մե-  
ծաւ, եւ ժողովեացեն զընտրեալս նորա  
ի չորից հողմոց, ի ծագաց երկնից մին-

32 չեւ ի ծագս նոցա։ Ի թզեւնոյ անտի-

ուսարուք զառակն. զի յորժամ նորա  
ստըն կակղասցին եւ տերեւն ցցուի-

33 ցի, գիտէք թէ մերձ է աւան։ Նոյնպէս  
եւ դուք յորժամ տեսանիցէք զայս ա-  
մենայն, գիտասցիք թէ մերձ է ի դուրս։

34 Ամէն ասեմ ձեզ եթէ Ոչ անցցէ ազգս  
այս, մինչեւ այս ամենայն եղիցի։

35 Երկինք եւ երկիր անցցեն, եւ բանք  
իմ մի՛ անցցեն։

36 Բայց վասն աւուրն այնորիկ եւ  
ժամու ոչ ոք գիտէ, ոչ հրեշտակք  
երկնից, եւ ոչ Որդի, բայց միայն

37 Հայր։ Այլ որպէս աւուրքն Նոյի,  
այնպէս եղիցի զալուստն Որդւոյ ժառ-

38 դոյ։ Զի որպէս էին յաւուրսն որ յա-  
ռաջ քան զՅրեղեղն, ուտէին եւ ըմ-  
պէին, կանայս առնէին եւ արանց զի-  
նէին, մինչեւ յօրն յորում եմուս Նոյ

39 ի տապանն, Եւ ոչ գիտացին մինչեւ  
եկն ջրեղեղն եւ երարձ զամենեւին.  
այնպէս եղիցի եւ զալուստն Որդւոյ

40 մարդոյ։ Յայնժամ թէ իցեն երկու  
յագարակի, մին առնուցու եւ մեւան

41 թողուցու։ Եւ եթէ երկու աղայցեն  
ի մի երկանս, մին առնուցու եւ մեւան

42 թողուցու։ Արթուն կացէք, զի ոչ  
գիտէք յորում ժամու Տէրն ձեր գայ։

43 Զայն գիտասցիք, եթէ գիտէր տանու-  
տէրն յորում պահու գող գայ, հակէր  
եւ ոչ տայր ական հատանել զտան

44 իւրոյ։ Վասն այսորիկ եւ դուք եղե-  
րուք պատրաստք, զի յորում ժամու  
ոչ ակն ունիցիք, զայ Որդի մարդոյ։

45 Իսկ ո՞վ իցէ հաւատարիմ ծառայ եւ  
իմաստուն զոր կացոյց տէր իւր ի վե-  
րայ ծառայից իւրոց տալ նոցա կերա-

46 կուր ի ժամու։ Երանի է ծառային  
այնմիկ զոր եկեալ տէրն գտանիցէ

47 արարեալ այնպէս։ Ամէն ասեմ ձեզ, զի  
ի վերայ ամենայն ընչից իւրոց կա-

48 ցուցէ գնա։ Ապա թէ ասիցէ ծառայն  
չար ի սրտի իւրում, Տէր՝ իմ յամէ

49 զգալ։ Եւ սկսանիցի հարկանել զծա-  
ռայակիցս իւր, ուտիցէ եւ ըմպիցէ

50 ընդ արրեցողս։ Գայցէ տէր ծառային  
այնորիկ յաւուր յորում ոչ ակն ու-  
նիցի, եւ ի ժամու յորում ոչ գիտիցէ։

51 Եւ կտրեացէ գնա ընդ մէջ, եւ զբաժին  
նորա ընդ կեղծաւորս դիցէ. անդ եւ  
դիցի լալ եւ կրճել ատամանց։

ԳԼ. ԻԵ

1 Յայնժամ նմանեցի արքայութիւն երկնից տաան կուսանաց, որոց առեալ զլապտերս իւրեանց ելին ընդ առաջ 2 փեսային՝ եւ հարսին՝, Հինգ՝ ի նոցանէ յիմարք էին, եւ հինգն՝ իմաստունք։ Յիմարքն առին զլապտերսն, 3 եւ ձէթ ընդ իւրեանս ոչ բարձին։ Իսկ իմաստունքն առին ձէթ ամանովք ընդ յլապտերս իւրեանց, Եւ ի յա մէջ փեսային՝ ներհեցին ամենեքեան եւ ի քուն 4 մտին։ Եւ ի մէջ գիշերի եղեւ բարձառ, Ահա փեսայ գայ, արիք ընդ 7 առաջ նորա, Յայնժամ յարեան ամենայն կուսանքն եւ կաղմեցին զլապտերս իւրեանց, Ասեն յիմարքն ցիւստ 8 տունն, Տուք մեզ յիւղոյդ ձերմէ, զի 9 ահա յիջանին լապտերքս մեր։ Պատասխանի ետուն իմաստունքն եւ ասեն, 10 Գուցէ ոչ իցէ մեզ եւ ձեզ բաւական, այլ երթաք ի վաճառականս 11 եւ գնես՞իք ձեզ, Իբրեւ նոքա գնացին գնել, եկն փեսայն, եւ պատրաստքն մտին ընդ նմա ի հարսանիսն, եւ փա- 12 կեցաւ դուռնն։ Յետոյ գան եւ այլ կուսանքն եւ ասեն, Տէր, Տէր, բաց 13 մեզ, նա պատասխանի ետ եւ ասէ, Ամէն ասեմ ձեզ թէ Ոչ գիտեմ դձեզ, 14 Արթուն կացէք զի ոչ գիտէք զօրն եւ ոչ զգծաւն։ 15 Որպէս այր մի գնացեալ ի տարաշխարհ, կոչեաց զծառայս իւր եւ ետ 16 նոցա զինչս իւր։ Ումնին ետ հինգ քանքար, եւ ումնին երկուս, եւ ումնին մի։ Իւրաքանչիւր բոտ իւրում 17 կարի, եւ գնաց։ Չգաւ վաղվաղակի որ առ գինգն, գործեաց նոքօք եւ չա- 18 հեցաւ այլ եւս հինգ։ Նոյնպէս եւ որ զերկունս չահեցաւ այլ եւս երկուս, 19 Եւ որ զմին առ գնաց, փորեաց զերկիր, եւ թաքոյց զարծաթ տեառն իւրոյ։ 20 Յետ բազում ժամանակի գայ տէր ծառայիցն այնոցիկ եւ առնէ հաւարս 21 ի մէջ նոցա։ Եւ մատուցեալ որ զհինգ քանքարն առ մատոյց այլ եւս հինգ քանքար, եւ ասէ, Տէր, հինգ քանքար հոտուր ցիս, արդ ահաւասիկ հինգ այլ եւս քանքար ի վերայ չահեցայ։

21 Ասէ ցնա տէրն իւր, Ազնիւ, ծառայ բարի եւ հաւատարիմ, որովհետեւ ի սակաւուդ հաւատարիմ ես, ի վերայ բազմաց կացուցից զքեզ։ մուտ յու- 22 րախութիւն տեառն քո։ Մատուցեալ եւ որոյ զերկուս քանքարսն առեալ էր, եւ ասէ, Տէր, երկուս քանքարս հոտուր ցիս, ահաւասիկ երկուս եւս այլ քանքարս զոր ի վերայ չահեցայ։ 23 Ասէ ցնա տէրն իւր, Ազնիւ, ծառայ բարի եւ հաւատարիմ, որովհետեւ ի սակաւուդ հաւատարիմ ես, ի վերայ բազմաց կացուցից զքեզ։ մուտ յու- 24 րախութիւն տեառն քո։ Մատուցեալ եւ որոյ զմի քանքարն առեալ էր, եւ ասէ, Տէր, գիտէի զի այր մի խիստ ես, հնձես զոր ոչ սերմանեցեր, եւ 25 ժողովեա ուստի ոչ սփռեցեր։ Երկեայ, գնացի եւ թաքուցի զքանքարն քո յերկրի։ արդ ահաւասիկ քոյդ ցքիւ։ 26 Պատասխանի ետ տէրն եւ ասէ ցնա, Ծառայ չար եւ վատ, գիտէիր եթէ հնձեմ ուստի ոչ սերմանեցի, եւ ժո- 27 ղովեմ ուստի ոչ սփռեցի։ Պարտ էր քեզ արկանել զարծաթդ իմ ի սեղանաւորս, եւ եկեալ ես տոկոսեօք պա- 28 հանջէի զիմն։ Արդ առէք ի դմանէ զքանքարդ, եւ տուք այնմ որ ունիցի 29 զտաան քանքարն։ Զի ամենայնի որ ունիցի տացի եւ յաւելցի, եւ որ ոչն ունիցի՝ եւ զոր ունիցին բարձցի ի նմա- 30 նէ։ Եւ զծառայդ անպիտան հանէք ի խաւարն արտաքին, անդ եղիցի լալ եւ կրճել ատամանց։ 31 Եւ յորժամ եկեսցէ Որդի մարդոյ փառօք իւրովք եւ ամենայն հրեշտակք ընդ նմա, յայնժամ նստցի յարժո փա- 32 ռաց իւրոց։ Եւ ժողովեցին առաջի նորա ամենայն ազգք, եւ մեկնեացէ զնոսա ի միմեանց, որպէս հովիւ զի 33 մեկնէ զօղիս յայծեաց։ Եւ կացուցէ զօղիսն ընդ աջմէ իւրմէ, եւ զայծիսն՝ ի ձախմէ։ Յայնժամ ասասցէ Թագա- 34ւորն ցայնոսիկ որ ընդ աջմէն իցեն, Եկաք, օրհնեալք Հօր իմոյ, ժառանգեցէք պատրաստեալ ձեզ զարքայու- 35 թիւնն ի սկզբանէ աշխարհի։ Զի քաղցեալ, եւ հոտուր ինձ ուտել։ Ժարա- 36ւեցի, եւ արքուցէք ինձ։ օտար էի, եւ ժողովեցէք զիս։ Մերկ՝ եւ զգեցու- 37 զէք զիս։ հիւանդ էի, եւ տեսէք զիս։ ի բանսի էի, եւ հկիք առ իս։ Յայնժամ

1 Իբնական գրություն

2 Գրություն, զգան, որում գույց Որդի մարդոյ

պատասխանի տացեն նմա արդարքն  
եւ ասասցեն, Տէր, ե՛րբ տեսաք զքեզ  
քաղցեալ, եւ կերակրեցաք. կամ ծա-  
38 րաւի՝ եւ արբուցաք. ե՛րբ տեսաք զքեզ  
օտար, եւ ժողովեցաք, կամ մերկ՝ եւ  
39 զգեցուցաք. ե՛րբ տեսաք զքեզ հիւանդ  
40 կամ ի բանտի, եւ եկաք առ քեզ: Պա-  
տասխանի տայէ Թագաւորն եւ ասա-  
ցէ ցնոսա, Ամէն ասեմ ձեզ, Որովհե-  
տեւ արարէք միում յեղբարցս այսոցիկ  
41 փոքրկանց՝ ինձ արարէք: Յայնժամ  
ասասցէ եւ ցայնոսիկ որ ընդ ահեկէն  
իցեն, Երթալք յինէն, անիծեալք, ի  
հոռն յաւիտենական, որ պատրաս-  
տեալ է Սատանայի եւ հրեշտակաց նո-  
42 րա: Զի քաղցեալ, եւ ոչ ետուք ինձ  
ուտել. ծարաւեցի, եւ ոչ արբուցէք  
43 զիս. Օտար էի, եւ ոչ ժողովեցէք զիս,  
մերկ էի, եւ ոչ զգեցուցէք զիս, հի-  
ւանդ եւ ի բանտի՝ եւ ոչ տեսէք զիս:  
44 Յայնժամ պատասխանի տացեն եւ նո-  
քա եւ ասասցեն, Տէր, ե՛րբ տեսաք  
զքեզ քաղցեալ կամ ծարաւ ի կամօտար  
կամ մերկ կամ հիւանդ կամ ի բանտի,  
45 եւ ոչ պաշտեցաք զքեզ: Յայնժամ պա-  
տասխանի տացէ նոյա եւ ասացէ,  
Ամէն ասեմ ձեզ, Որովհետեւ ոչ արա-  
րէք միում ի փոքրկանցս յայսցանէ,  
46 եւ ոչ ինձ արարէք:  
Եւ երթիցեն նոքա ի տանջանն յա-  
ւիտենականս, եւ արդարքն ի կեանն  
յաւիտենականս:

## ԳԼ. ԻԶ

1 Եւ եղև իբրեւ կատարեաց Յիսուս  
զամենայն զբանս զայսոսիկ, ասէ ցա-  
2 շակերտսն իւր, Գիտէք զի յետ եր-  
կուց աւուրց զատիկ լինի, եւ Որդի  
մարդոյ մատնի ի խաչ ելանել, ՎՋ  
3 Յայնժամ ժողովեցան քահանայա-  
պետքն եւ զպիլք եւ ձերք ժողովրդ-  
եանն ի սրահ քահանայապետին որում  
4 անուռն էր կայիափա. Եւ արարին խոր-  
հուրդ զի նենգութեամբ կայցին զՅի-  
5 սուս եւ սպանցեն: Բայց ասէին թէ  
Մի՛ ի տօնի աստ, զի մի՛ խռովութիւն  
լինիցի ի ժողովրդեանն:  
6 Իբրեւ եկն Յիսուս ի Բեթանիա ի  
7 տուն Սիմովի բորոտի, Մատեաւ առ  
նա կին մի որ ունէր չիշ իւղոյ ծան-  
բազնի, եւ թափեաց ի գլուխ նորա ի

8 բաղմականին: Իբրեւ տեսին աշա-  
կերտքն, բարկացան եւ ասեն, Ընդի՛ր  
9 է կորուստդ այդ իւղոյդ: Զի մարթ էր  
վաճառել զդա մեծագնի եւ տալ աղքա-  
10 տայ: Գիտաց Յիսուս եւ ասէ ցնոսա,  
Զի՛ աշխատ առնէք զկինդ, գործ մի:  
11 Բարի գործեաց դա յիս: Յամենայն  
ժամ զաղքատս ընդ ձեզ ունիք, բայց  
զիս ոչ հանապաղ ընդ ձեզ ունիք:  
12 Արկանել դորա զեւղդ ի մարմին իմ՝  
13 առ ի թաղելոյ զիս նշանակեաց: Բայց  
ամէն ասեմ ձեզ, զի ուր եւ քարոզեա-  
ցի աւետարանս այս ընդ առնայն աշ-  
խարհ, խօսեսցի եւ զոր արար դա ի  
յիշատակ դորա:  
14 Յայնժամ զնաց մի յերկոտասանիցն  
անուանեալ Յուդա Իսկարիովտացի առ  
15 քահանայապետսն, եւ ասէ, Զի՛նչ կա-  
միք տալ ինձ, եւ ես մատնեցից զնա  
ձեզ. եւ նոքա իշխեցին նմա երեսուն  
16 արծաթի: Եւ յայնմ հետէ խնդրէր պա-  
րապ զի մատնեցէ զնա նոյա:  
17 Եւ յառաջնում աւուր բաղարջակե-  
րացն մատնան աշակերտքն առ Յիսուս  
եւ ասեն, Ո՛ւր կամիս զի պատրաս-  
18 տեցուք քեզ ուտել զզատիկն: Եւ նա  
ասէ ցնոսա, Երթալք ի քաղաքն առ  
այս անուն եւ ասացէք ցնա, Վարդա-  
պետ ասէ, ժամանակ իմ մերձեալ է,  
առ քեզ առնեմ զզատիկն աշակերտքս  
19 հանդերձ: Եւ արարին աշակերտքս  
որպէս հրամայեաց նոյա Յիսուս, եւ  
պատրաստեցին զզատիկն:  
20 Եւ իբրեւ երեկոյ եղև, կայր բազ-  
մեալ ընդ երկոտասան աշակերտսն:  
21 Եւ մինչդեռ ուտէին նոքա, ասէ, Ամէն  
ասեմ ձեզ, զի մի ոմն ի ձէնդ մատնե-  
22 լոց է զիս: Եւ տրամեցան յոյժ, ոկսան  
ասել ցնա իւրաքանչիւր ոք ի նոցանէ,  
23 Միթէ՛ ես իցեմ, Տէր: Նո պատաս-  
խանի ետ եւ ասէ, Որ միտայ ընդ իս  
զձեռն իւր ի սկաւառակն՝ նա մատնե-  
24 լոց է զիս: Որդի մարդոյ երթայ, որպէս  
եւ գրեալ է վստն նորա, Բայց վայ մար-  
դոյն այնմիկ յոյր ձեռն Որդի մարդոյ  
մատնեսցի. լաւ էր նմա թէ չէր ծնեալ  
25 մարդն այն: Պատասխանի ետ Յուդա  
որ մատնելոյն էր զնա եւ ասէ, Միթէ՛  
եմ իցեմ, վարդապետ. ասէ ցնա, Դու  
տառայեր:

26 Եւ մինչդեռ ուտէին նոքա, առ Յիսուս հաց, օրհնեաց եւ երեկ, եւ ետ աշակերտացն եւ ասէ, Առէք, կերայք,  
27 այս է, վարժին իմ: Եւ առեալ լաւ ալ գոհացաւ, կտ նոցա եւ ասէ, Արբէք  
28 ի դմանէ աթիւնքին: Չի այդ է արիւն իմ նորոյ ուխտի, որ ի վերայ բազմաց  
29 հեղու ի թողութիւն մեղաց: Բայց ասեմ ձեզ, Ոչ եւս արբից յայսմ հետէ ի բերայ որթոյ մինչեւ ցօրն ցայն, յորժամ արբից զգա ընդ ձեզ նոր յարքայութեան չօր իմոյ:  
30 Եւ օրհնեցին, եւ կին ի լեռն Չիթնեաց, Յայնժամ ասէ ցնոսա Յիսուս, Ամենեքին զուք գայթակղելոց էք յինէն յայսմ գիշերի: զի գրեալ է թէ Հարից զհովիւն եւ ցրուեցին ոչ  
32 խաբք հօտին: Եւ յետ յառնելոյն իմոյ  
33 յառաջիցից քան զձեզ ի Փալիւսա: Պատասխանի ետ Պետրոս եւ ասէ ցնա, Թէպէտ եւ ամենեքեան գայթակղեցին ի քէն, սակայն ես ոչ գայթակղեցայ:  
34 Ասէ ցնա Յիսուս, Ամէն ասեմ քեզ զի յայսմ գիշերի մինչեւ հաւու խօսեալ  
35 իցէ, երիցս ուրասցիս զիս: Ասէ ցնա Պետրոս, Թէ եւ մեռանել հասանիցէ ընդ քեզ, զքեզ ոչ ուրացայց: Նոյնպէս եւ ամենայն աշակերտքն ասէին:  
36 Յայնժամ գայ Յիսուս ընդ նոսա ի գեղ մի որում անուն էր Գեթսեմանի, եւ ասէ ցնոսա, Նստարուք այդր, մինչեւ երթայց կաղից յաղօթս: Եւ առեալ ընդ իւր զՊետրոս եւ գերկուս որդիան Ջերեպիայ՝ սկսաւ տրամել եւ հոգալ:  
38 Յայնժամ ասէ ցնոսա, Տրտում է ոգի իմ մինչեւ ի մահ, կաղէք աստ եւ սկե  
39 ցէք ընդ իս: Եւ մատուցեալ յառաջ սակաւիկ մի, անկաւ: Ի վերայ երեսաց իւրոց, կաց յաղօթս եւ ասէ, Հայր իմ, եթէ հնար է, անցցէ թաժակս այս յինէն: Բայց ոչ որպէս ես կամիմ, այլ որպէս  
40 դու: Գայ առ աշակերտան, եւ գտանէ ցնոսա ի քուն, եւ ասէ զՊետրոս, Այդպէս ոչ կարացէք մի ժամ արթուն կալ  
41 ընդ իս: Արթուն կաղէք եւ աղօթս արարէք զի մի՛ անկանիցիք ի փորձութիւն: Հոգիս յօժար է, բայց մարմինս  
42 տկար: Դարձեալ երկրորդ անգամ չոգաւ, եկաց յաղօթս Յիսուս եւ ասէ, Հայր իմ, եթէ հնար իցէ՝ անցանել

յինէն թաժակիս այսմիկ, 2 ապա թէ ոչ՝ արբից զսա՝, եղիցին կամք քո: Եւ եկեալ միւսանգամ եգիտ զնոսա ի քուն, զի էին աչք իւրեանց ծանրացեալք:  
44 Եթող զնոսա եւ գնաց, կաց յաղօթս երրորդ անգամ, եւ դարձեալ զնոյն բան ոսաց: Յայնժամ գայ առ աշակերտան եւ ասէ ցնոսա, Ննջեցէք այսուհետեւ եւ հանգերուք, զի ահա հասեալ է ժամ, եւ Որդի մարդոյ մատնի ի ձեռս մեզաւորաց: Արիք, երթիցուք աստի, զի ահաւասիկ եհաս որ մատնելոցն է զիս:  
47 Եւ մինչդեռ նա գայն խօսէր, ահա Յուդա, մի յերկոտասանիցն եկն, եւ ընդ նմա ամբոխ բազում սրովք եւ բրօք ի քահանայապետիցն եւ ի ծերոց  
48 ժողովրդիանն: Եւ որ մատնելոցն էր զնա՝ ետ նոցա նշան եւ ասէ, Ընդ որում ես համբուրեցիք՝ նա է, գնա ու  
49 նիցիք: Եւ վաղվաղակի մատուցեալ առ Յիսուս՝ ասէ, Ողջ եր, վարդապետ:  
50 Եւ համբուրեաց ընդ նմա: Եւ Յիսուս ասէ ցնա, Ընկեր, վասն որոյ եկիրդ: յայնժամ մատուցեալ արկին ձեռս ի  
51 Յիսուս եւ կարան զնա: Եւ ահա մի ոմն յայնցանէ որ ինն ընդ Յիսուսի՝ ձգեաց զձեռն եւ հանն զսուր իւր եւ հնար զծառայ քահանայապետին, եւ  
52 ի բաց եհան զունկն նորա: Յայնժամ ասէ ցնա Յիսուս, Դարձո զսուր քո ի տեղի իւր, զի ամենեքեան որ սուր առնուցան՝ սրով անկանիցին: Թէ համարիցիս թէ ոչ կարիցեմ աղաչել զՀայր իմ, եւ հասուցանիցէ ինձ այժմ այսր աւելի քան զերկոտասան գունդս  
54 հրեշտակաց: Այլ զիարդ լուսեցուն գիրք թէ այսպէս պարտ է լինել:  
55 Յայնժամ ասաց Յիսուս զամբոխն, Իրբեւ ի վերայ աւազակի՝ ելէք սուսերօք եւ բրօք ունել զիս: Հանապաղ առ ձեզ ի տաճարին նստէի եւ ուսուցանէի, եւ ոչ կարայք զիս: Այլ այս ամենայն եղեւ զի լլցին զիրք մարդարեւիցն: Յայնժամ աշակերտքն ամենեքին թողին զնա եւ փախեան:  
57 Իսկ նոցա կայեալ զՅիսուս՝ ածին առ կայիտիւր քահանայապետ, ուր դպիրքն  
58 եւ ծերք ժողովեալ էին: Եւ Պետրոս զհետ նորա երթայր բացազոյն մինչեւ

## ԳԼ. ԼԷ

ի սրահ քահանայապետին, եւ մտեալ  
 39 սանել զկատարածն: Իսկ քահանայա-  
 պետքն եւ ամենայն ատեանն խնդրե-  
 40 ին սուտ վկայութիւն զՅիսուսէ, զի  
 մաց սուտ վկայիցն մատուցելոյ. յետոյ  
 61 մատուցեալ երկու սուտ վկայք, Ասէին  
 թէ Սաասէր, Կարող եմ քակել զտա-  
 ճարն Աստուծոյ, եւ զերիս աւուրս  
 62 շինել: Եւ յարուցեալ քահանայապետն  
 ասէ ցնա, Չտաս ինչ պատասխանի,  
 63 զի՞նչ դոքա ամբաստանեն զքէն: Եւ  
 Յիսուս լուռ կայր: Պատասխանի ետ  
 քահանայապետն եւ ասէ ցնա, Երգմե-  
 ցունեմ զքեզ յԱստուած կենդանի,  
 զի ասացես մեզ՝ թէ դո՞ւ ես Քրիս-  
 34 տոսն Որդի Աստուծոյ: Ասէ ցնա Յի-  
 սուս, Դու ասացիր. բայց ասեմ ձեզ,  
 Յայսմ հետէ տեսանիցէք զՈրդի մարդոյ  
 նստեալ ընդ աջմէ Զօրութեանն եւ  
 65 եկեալ ընդ ամպս երկնից: Յայնժամ  
 քահանայապետն պատառեաց զհան-  
 դերձս իւր, եւ ասէ, Հայնպեայ, զի  
 եւս պիտոյ են մեզ վկայք, ահա արդ  
 66 լուայք զհայնյութիւն դորա: Զի՞նչ  
 հաճոյ է ձեզ. նորա պատասխանի եւ  
 67 տուն եւ ասեն, Մահապարտ է: Յայն-  
 ժամ թքին ընդ երեսս նորա եւ կոփե-  
 ցին ցնա, եւ ոմանք ապտակեցին, եւ  
 68 ասեն, Մարգարեաց մեզ, Քրիստոսդ,  
 ո՞վ է որ եհարն զքեզ:  
 69 Իսկ Պետրոս նստէր արտաքոյ ի  
 դաւթին. մատեաւ առ նա աղախին մի  
 եւ ասէ, Եւ դու ընդ Յիսուսի Գալիլ-  
 70 եացոյ էիր: Նա ուրաջաւ առաջի ա-  
 մենեցուն եւ ասէ թէ Ոչ գիտեմ զինչ  
 71 խօսիսդ: Եւ իբրեւ ել նա արտաքս  
 քան զդուռնն, ետես ցնա այլ կին մի,  
 եւ ասէ ցայնոսիկ որ անդն կային, Եւ  
 72 սա ընդ Յիսուսի նազովրեցոյ էր: Եւ  
 դարձեալ ուրացաւ երգմամբ թէ Ոչ գի-  
 73 տեմ զայրն: Եւ յետ սակաւ միոյ մա-  
 տուցեալ որք կայինն անդ՝ ասեն ցՊետ-  
 րոս, Արդարեւ եւ քու ի նորանէ ես,  
 քանզի եւ խօսք քո յայտ առնեն զքեզ:  
 74 Յայնժամ սկսաւ նոզովել եւ երգնուլ  
 թէ Ոչ գիտեմ զայրն. եւ խկոյն հաւ  
 75 խօսեցաւ: Եւ յիշեաց Պետրոս զքանն  
 Յիսուսի զոր ասաց թէ Մինչչեւ հաւու  
 խօսեալ իցէ, երիցա ուրացիս զիս,  
 եւ ելեալ արտաքս ելաց դառնապես:

1 Իբրեւ այդ եղեւ, խորհուրդ արարին  
 ամենայն քահանայապետքն եւ ծերք  
 ժողովրդեանն վասն Յիսուսի սպանա-  
 2 նել ցնա: Կապեցին ցնա եւ առին ցնա-  
 ցին, եւ եսուեն ի ձեռս Պոնտաղոյ Պի-  
 ղատոսի դատաւորի:  
 3 Յայնժամ տեսեալ Յուդայի որ մատ-  
 նեայն ցնա թէ պարտաւորեցաւ, զգլա-  
 ցաւ եւ դարձոյց ՚ղարծաթն առ քա-  
 հանայապետսն եւ ծերս ժողովրդեանն՝,  
 4 Եւ ասէ, Մեղայ զի մասնեցի զարիւն  
 արդար. եւ նոքա ասին, Մեզ չէ փոյթ,  
 5 դու գիտես: Եւ ընկէց զարծաթն ի  
 տաճարին եւ ցնաց, եւ չոգաւ խեղ-  
 6 դեցաւ: Իսկ քահանայապետիցն առեալ  
 զարծաթն՝ ասին, Ոչ է արժան ընդու-  
 7 նել զայդ ի կորրանն, քանզի զինք  
 արեան են: Խորհուրդ արարեալ, ցնե-  
 ցին այնու զապարակն թրախ ի գերեզ-  
 8 ման օտարաց: Վասն այնորիկ կոչեցաւ  
 ազարակն այն Ագարակ արեան մինչեւ  
 9 յայսօր: Յայնժամ լցաւ որ ասացաւն  
 ի ձեռն ՚Ներմիայի մարգարէի, Եւ ա-  
 ռին զերեսուն արծաթին զգինս վա-  
 ճառելոյն, քոր արկին յորդոցն յա-  
 10 ռայելի, Եւ ետուն ցնա յազարակն  
 թրախ, քրպէս հրամայեաց ինձ Տէր:  
 11 Եւ Յիսուս եկաց առաջի դատա-  
 ւորին. եհարց ցնա դատաւորն եւ ասէ,  
 Դո՞ւ ես Թագաւորն Հրէից. եւ Յիսուս  
 12 ասէ, Դու ասես: Եւ ի չարախօսելն  
 նորա ի քահանայապետիցն եւ ի ծերոց,  
 13 ոչինչ ետ պատասխանի: Յայնժամ  
 ասէ ցնա Պիղատոս, Ո՞չ լսես որչափ  
 14 դոքա հակառակ քո վկայեն: Եւ ոչ ետ  
 նմա պատասխանի եւ ոչ րան մի, մին-  
 չեւ զարմանալ դատաւորին յոյժ:  
 15 Բայց ըստ տօնի սովոր էր դատա-  
 ւորն արձակել ժողովրդեանն: Կապեալ  
 16 մի զոր կամէին: Ունէին յայնժամ  
 կապեալ մի նշանաւ որ, որում անուն  
 17 էր Յեսու Բարաբբա: Իբրեւ ժողո-  
 վեցան, ասէ ցնոսա Պիղատոս, Զո՞  
 կամիք ՚յերկուց աստի զի արձակեցից  
 ձեզ, զՅեսու Բարաբբա՞՝ եթէ զՅիսուս  
 18 զանուանեալն Քրիստոս: Քանզի զի-

<sup>1</sup> Յ-ն, զերեսուն արծաթին առ քահանայա-  
 պետսն եւ ծերս

<sup>2</sup> Յ-ն, զ-ի-է

<sup>3</sup> Բ-ն, զի արձակեցից ձեզ, զԲարաբբա՞



26 Եւ մինչդեռ ուտէին նոքա, առ Յիսուս հաց, օրհնեաց եւ երեկ, եւ ետ աշակերտացն եւ ասէ, Առէք, կերայք.  
27 այս է մարմին իմ, Եւ առեալ լաւալ գոհացաւ, կտ նոցա եւ ասէ, Արբէք  
28 ի դմանէ աթիւներէն. Զի այդ է արիւն իմ նորոյ ուխտի, որ ի վերայ բազմաց  
29 հեղու ի թողութիւն մեղաց: Բայց ասեմ ձեզ, Ոչ եւս արբից յայսմ հետէ ի բերպ որթոյ մինչեւ ցօրն ցայն, յորժամ արբից զգա ընդ ձեզ նոր յարքայութեան Զօր իմոյ:  
30 Եւ օրհնեցին, եւ կէին ի լեան Զիսթեակաց: Յայնժամ ասէ ցնոսա Յիսուս, Ամենքին դուք գայթակղելոց էք յինէն յայսմ գիշերի. զի գրեալ է թէ Զարից գնովին եւ ցրուեսցին ոչ Զխաբք հօտին: Եւ յետ յառնելոյն իմոյ  
33 յառաջիցից քան զձեզ ի Գալիլեա, Պատասխանի ետ Պետրոս եւ ասէ ցնա, Թէպէտ եւ ամենքեան գայթակղեսցին ի քէն, սակաւն ես ոչ գայթակղեցայ:  
34 Ասէ ցնա Յիսուս, Ամէն ասեմ քեզ զի յայսմ գիշերի մինչեւ հաւու խօսեալ  
35 իցէ, երիցս ուրացին զիս: Ասէ ցնա Պետրոս, Թէ եւ մեռանել հասանիցէ ընդ քեզ, զքեզ ոչ ուրացայց. նոյնպէս եւ ամենայն աշակերտքն ասէին:  
36 Յայնժամ դայ Յիսուս ընդ նոսա ի գեղ մի որում անուն էր Գեթսեմանի, եւ ասէ ցնոսա, Նստարուք այգր, մինչ  
37 չեւ երթայց կայից յաղօթս: Եւ առեալ ընդ իւր զՊետրոս եւ գերկուս որդիան Զերեպայ՝ սկսաւ տրամել եւ հոգալ:  
38 Յայնժամ ասէ ցնոսա, Տրտում է ոգի իմ մինչեւ ի մահ, կաղէք աստ եւ սկեւ  
39 ցէք ընդ իս: Եւ մատուցեալ յառաջ սակաւիկ մի, անկաւ ի վերայ երեսաց իւրոց, կաց յաղօթս եւ ասէ, Զայր իմ, եթէ հնար է, անցցէ բաժակս այս յինէն. բայց ոչ որպէս ես կամիմ, այլ որպէս  
40 գու: Գայ առ աշակերտսն, եւ գտանէ ցնոսա ի քուն, եւ ասէ ցՊետրոս, Այդպէս ո՛չ կարացէք մի ժամ արթուն կալ  
41 ընդ իս: Արթուն կացէք եւ աղօթս արարէք զի մի՛ անկանիցիք ի փորձութիւն. հօգիս յօժար է, բայց մարմինս  
42 սկար: Դարձեալ երկրորդ անգամ չոգաւ, եկաց յաղօթս Յիսուս եւ ասէ, Զայր իմ, եթէ հնար իցէ՝ անցանել

յինէն բաժակիս այսմիկ, Զապա թէ ոչ արբից զսա՝, եղիցին կամք քո: Եւ եկեալ միւսանգամ եգիտ զնոսա ի քուն, զի էին աչք իւրեանց ծանրացեալք:  
44 Եթող զնոսա եւ գնաց, կաց յաղօթս երրորդ անգամ, եւ դարձեալ զնոյն բան ասաց: Յայնժամ դայ առ աշակերտսն եւ ասէ ցնոսա, Ննջեցէք այսուհետեւ եւ հանգերուք, զի ահա հասեալ է ժամ, եւ Որդի մարդոյ մատնի ի ձեռս մեզաւորաց: Արիք, երթիցուք աստի, զի ահաւասիկ եհաս որ մատնելոցն է զիս:

47 Եւ մինչդեռ նա զայն խօսէր, ահա Յուդա, մի յերկոտասանիցն եկն, եւ ընդ նմա ամբոխ բազում սրովք եւ բրօք ի քահանայապետիցն եւ ի ծերոց  
48 ժողովրդեանն: Եւ որ մատնելոցն էր զնա՝ հտ նոցա նշան եւ ասէ, Ընդ որում ես համբուրեցից՝ նա է, զնա ու  
49 նիցիք: Եւ վազվազակի մատուցեալ առ Յիսուս՝ ասէ, Ողջ եր, վարդապետ:  
50 Եւ համբուրեաց ընդ նմա: Եւ Յիսուս ասէ ցնա, Ընկեր, վասն որոյ եկիրդ. յայնժամ մատուցեալ արկին ձեռս ի  
51 Յիսուս եւ կալան զնա: Եւ ահա մի ոմն յայնցանէ որ Լին ընդ Յիսուսի՝ ձգեաց զձեռն եւ հան զսուր իւր եւ եհար զծառայ քահանայապետին, եւ  
52 ի բաց եհան զունկն նորա: Յայնժամ ասէ ցնա Յիսուս, Դարձո զսուր քո ի տղի իւր, զի ամենքեան որ սուր  
53 անուղիւսն՝ սրով անկանիցին, Թէ համարիցիս թէ ո՛չ կարիցեմ աղաչել զԶայր իմ, եւ հատուցանիցէ ինձ այժմ այսր աւելի քան զերկոտասան զունդս  
54 հրեշտակաց: Այլ զիարդ ընդուն զիրք թէ այսպէս պարտ է լինել:

55 Յայնժամ ասաց Յիսուս ցամբոխն, Իրրեւ ի վերայ աւագակի՝ ելէք սուսերօք եւ բրօք ունել զիս. հանապաղ առ ձեզ ի տաճարին նստէի եւ ուսուցանէի, եւ ոչ կարայք զիս: Այլ այս ամենայն եղեւ զի լցցին զիրք մարգարեիցն: Յայնժամ աշակերտքն ամենքին թողին զնա եւ փախեան:

57 Իսկ նոցա կարեալ զՅիսուս՝ ամին առ կայաւորա քահանայապետ, ուր զպիրքն  
58 եւ ծերք ժողովեալ էին: Եւ Պետրոս զհետ նորա երթայր բացազոյն՝ մինչեւ

## ԳԼ. ԽԷ

ի սրահ քահանայապետին, եւ մտեալ  
 39 սանել զկատարածն: Իսկ քահանայա-  
 պետքն եւ ամենայն ատեանն խնդրե-  
 ին սուտ վկայութիւն զՅիսուսէ, զի  
 60 սպանցեն զնա: Եւ ոչ գտանէին ի բազ-  
 մաց սուտ վկայիցն մատուցելոց: յետոյ  
 61 մատուցեալ երկու սուտ վկայք, Ասէին  
 թէ Սաասէր, Կարող եմ քակել զտա-  
 ճարն Աստուծոյ, եւ զերիս աւուրս  
 62 չինել: Եւ յարուցեալ քահանայապետն  
 ասէ ցնա, Չտաս ինչ պատասխանի,  
 63 զի՛նչ զոքա ամբաստանեն զքէն: Եւ  
 Յիսուս լուռ կայր: Պատասխանի ետ  
 քահանայապետն եւ ասէ ցնա, Երգմիկ-  
 ցուցանեմ զքեզ յԱստուած կենդանի,  
 զի ասացես մեզ՝ թէ դո՛ւ ես Քրիս-  
 32 տոսն Որդի Աստուծոյ: Ասէ ցնա Յի-  
 սուս, Դու ասացիր: Բայց ասեմ ձեզ,  
 Յայսմ հետէ տեսանիցէք զՈրդի մարդոյ  
 նստեալ ընդ ալմէ Զօրութեանն եւ  
 65 եկեալ ընդ ամպս երկնից: Յայնժամ  
 քահանայապետն պատառեաց զհան-  
 դերձս իւր, եւ ասէ, Հայնդեաց, զի  
 եւս պիտոյ են մեզ վկայք, ահա արդ  
 66 լուայք զհայնդութիւն զորա: Զի՛նչ  
 հաճոյ է ձեզ: Նոքա պատասխանի եւ  
 67 տուն եւ ասեն, Մահապարտ է: Յայն-  
 ժամ թքին ընդ երեսս նորա եւ կոփե-  
 ցին զնա, եւ ոմանք ապտակեցին, եւ  
 68 ասեն, Մարգարեաց մեզ, Քրիստոսդ,  
 ո՞վ է որ եհարն զքեզ:  
 69 Իսկ Պետրոս նստէր արտաքոյ ի  
 դաւթին: մատեաւ առ նա աղախին մի  
 եւ ասէ, Եւ դու ընդ Յիսուսի Գալիլ-  
 70 եացոյ էիր: Նա ուրաջաւ առաջի ա-  
 մենեցուն եւ ասէ թէ Ոչ գիտեմ զինչ  
 71 խօսիսդ: Եւ իբրեւ ել նա արտաքս  
 քան զդուռնն, ետես զնա այլ կին մի,  
 եւ ասէ ցայնոսիկ որ անդն կային, Եւ  
 72 սա ընդ Յիսուսի նազովրեցոյ էր: Եւ  
 դարձեալ ուրացաւ երգմամբ թէ Ոչ գի-  
 73 տեմ զայրն: Եւ յետ սակաւ միոյ մա-  
 տուցեալ որք կայինն անդ՝ ասեն ցՊետ-  
 րոս, Արդարեւ եւ քու ի նոդանէ ես,  
 քանզի եւ խօսք քո յայտ առնեն զքեզ:  
 74 Յայնժամ սկսաւ նզովել եւ երգնուել  
 թէ Ոչ գիտեմ զայրն: Եւ խնդոյն հաւ  
 75 խօսեցաւ: Եւ յիշեաց Պետրոս զբանն  
 Յիսուսի զոր ասաց թէ Մինչեւ հաւու  
 խօսեալ իցէ, երիցա ուրաջիս զիս:  
 եւ ելեալ արտաքս ելաց դառնապէս:

1 Իբրեւ այգ եղեւ, խորհուրդ արարին  
 ամենայն քահանայապետքն եւ ծերք  
 ժողովրդեանն վասն Յիսուսի սպանա-  
 2 նել զնա: Կապեցին զնա եւ առին զնա-  
 ցին, եւ ետուն ի ձեռս Պոնտաղոյ Պի-  
 դատոսի դատաւորի:  
 3 Յայնժամ տեսեալ Յուդայի որ մատ-  
 նեայն զնա թէ պարտաւորեցաւ, զգլա-  
 դաւ եւ դարձոյց ՚զարծաթն առ քա-  
 հանայապետն եւ ծերս ժողովրդեանն՝,  
 4 Եւ ասէ, Մեղայ զի մասնեցի զարիւն  
 արդար: Եւ նոքա ասին, Մեզ չէ փայթ,  
 5 դու գիտես: Եւ ընկէց զարծաթն ի  
 տաճարին եւ գնաց, եւ չոգաւ խեղ-  
 6 դեցաւ: Իսկ քահանայապետիցն առեալ  
 զարծաթն՝ ասին, Ոչ է արժան ընդու-  
 7 արեան են: Խորհուրդ արարեալ, զնե-  
 ցին այնու զապարակն բրտի ի գերեզ-  
 8 ման օտարաց: Վասն այնորիկ կոչեցաւ  
 աղարակն այն Ագարակ արեան մինչեւ  
 9 ցայսօր: Յայնժամ լցաւ որ ասացաւն  
 ի ձեռն ՚Ներսիայի մարգարէի, Եւ ա-  
 ռին զերեսուն արծաթին զգինս վա-  
 ճառելոյն, զոր արկին յորդոնցն յա-  
 10 ռայեցի, Եւ ետուն զնա յազարակն  
 բրտի, օրպէս հրամայեաց ինձ Տէր:  
 11 Եւ Յիսուս եկաց առաջի դատա-  
 ւորին: Եհարց ցնա դատաւորն եւ ասէ,  
 Դո՛ւ ես թագաւորն Հրէից: Եւ Յիսուս  
 12 ասէ, Դու ասես: Եւ ի չարախօսելն  
 նորա ի քահանայապետիցն եւ ի ծերոց,  
 13 ոչինչ ետ պատասխանի: Յայնժամ  
 ասէ ցնա Պիդատոս, Ո՛չ լսեմ որչափ  
 14 զոքա հակառակ քո վկայեն: Եւ ոչ ետ  
 նմա պատասխանի եւ ոչ բան մի, մինչ-  
 15 չեւ զարմանալ դատաւորին յոթ:  
 16 Բայց ըստ տօնի սովոր էր դատա-  
 ւորն արձակել ժողովրդեանն: Կապեալ  
 17 մի զոր կամէին: Ունէին յայնժամ  
 կապեալ մի նշանաւ որ, որում անուն  
 18 էր Յեսու Բարաբբա: Իբրեւ ժողո-  
 վեցան, ասէ ցնոսա Պիդատոս, Զո՞  
 կամիք ՚յերկուց առտի զի արձակեցից  
 ձեզ, զՅեսու Բարաբբա՞՝ եթէ զՅիսուս  
 18 զանուանեալն Քրիստոս: Քանզի զի-

<sup>1</sup> Յ-ն, զերեսուն արծաթին առ քահանայա-  
 պետն եւ ծերս

<sup>2</sup> Յ-ն, զ-ի-ս-է

<sup>3</sup> Բ-ն, զի արձակեցից ձեզ, զԲարաբբա

տէր թէ առ նախանձու մատնեցին զնա: 19 Եւ մինչ նստէր յատենին, առաքեաց առ նա կինն իւր եւ ասէ, Չկայ ինչ քո եւ արդարոյն այնորիկ, զի բազում անցք անցին ընդ իս այսօր յանուրջս 20 վասն նորա: Իսկ քահանայապետքն եւ ծերք հաւանեցուցին զժողովուրդն, զի խնդրեացն զիարարբայն, եւ զՅիսուս կորուսցին: Պատասխանի ետ դատաւորն եւ ասէ ցնոսա, Զո՞ կամիք զի արձակեցիք ձեզ յերկուց աստի. եւ 22 նոքա ասեն, զիարարբա: Ասէ ցնոսա Պիղատոս, Իսկ զի՞ արարից զՅիսուս 23 զանուանեալն Քրիստոս: Ասեն ամենեքեան, Խաչեացի. եւ նա ասէ, Զի՞նչ չար արար. եւ նոքա առաւել եւս աշարակէին եւ ասէին, Խաչեացի: Եւ տեսեալ Պիղատոսի թէ ոչինչ օգնէ, այլ առաւել խռովութիւն լինի, առեալ 24 ջուր՝ լուաց զձեռս առաջի ժողովրդեանն եւ ասէ, Քաւեալ եմ ես յարենէ արդարոյդ այդորիկ. դուք գիտասջիք: 25 Պատասխանի ետ ամենայն ժողովուրդն եւ ասէ, Արիւն դորա ի վերայ մեր եւ 26 ի վերայ որդեոց մերոց: Յայնժամ արձակեացնոցա զԲարաբայն, եւ զՅիսուս գան հարեալ՝ ետ ի ձեռս զի խաչեացի: 27 Յայնժամ զինուորք դատաւորին առին զՅիսուս յապարանս, եւ ժողովեցին ի վերայ նորա դամնայն զգունդն: 28 Մերկացին զնա, եւ արկին զնովա: 29 Քղամիդ կարմիր. եւ բոյորեալ պսակ ի փշոց՝ եղին ի զլուխ նորա, եւ եղէզն՝ յաջոյ ձեռին նորա. ի ծունր իջեալ առաջի նորա՝ կատակէին եւ տսէին, 30 Ողջ եր, Թագաւոր Հրէից, եւ թքեալ ի նա՝ առնուին զեղէզնն եւ ծեծէին 31 զգլուխ նորա: Եւ յորժամ ձաղեցին զնա, մերկացուցին ի նմանէ զքղամիդն եւ ագուցին նմա զիւր հանդերձն, եւ տարան զնա ի խաչ հանել: 32 Եւ ելեալ արուարս՝ դտին այր մի կիւրենացի անուն Սիմոն, զնա կալան 33 պահակ զի բարձգէ զխաչն նորա: Եւ ելեալ ի տեղին անուանեալ Գողգոթա, 34 որ է տեղի կառափելոյ, ետուն նմա ըմպել զինի ընդ լեզի խառնեալ. եւ իրրեւ ճաշակեաց, ոչ կամէր ըմպել: 35 Եւ հանեալ զնա ի խաչ՝ բաժանեցին զհանդերձս նորա վիճակաւ. զի լցցի

րանն որ ասացաւ ի մարգարէն, Բաժանեցին զհանդերձս իմ յիւրեանս, ի վերայ պատումաւնի իմոյ վիճակս 36 արկանէին: Եւ նստեալ պահէին զնա: Եւ եղին ի վերայ գլխոյ նորա զրեալ զլեւաս նորա, թէ Այս է Յիսուս, Թագաւորն Հրէից: Յայնժամ հանին ընդ նմա ի խաչ երկուս աւազակս, մի յաջմէ նորա եւ մի յահեկէ: 39 Եւ որ անցանէին՝ հայհոյէին զնա, չարժէին զգլուխն իւրեանց, եւ ասէին, Վահ, որ քակէիր զտաճարն եւ զերիս աւուրս չինէիր զնա, ապրեցո զքեզ. թէ Որդի ես Աստուծոյ, էջ ի խաչէդ: 41 Նոյնպէս եւ քահանայապետքն ձաղէին հանդերձ դպրօքն եւ ծերովք եւ ասէին, 42 Զայս ապրեցոյց, զինքն ոչ կարէ ապրեցուցանել. եթէ թագաւոր է Իսրայելի, իջցէ այժմ ի խաչէդ, եւ հաւատացուք դմա: Եթէ յուսացաւ յԱստուած, փրկեացէ այժմ զդա, եթէ կամի զդա. քանզի ասաց եթէ Աստուծոյ Որդի եմ: Զնոյն եւ աւազակքն որ խաչեալ էին ընդ նմա նախատէին զնա: 45 Եւ ի վեց ժամէ աւուրն խաւար եղեւ ի վերայ ամենայն երկրի մինչեւ 46 զինն ժամ: Եւ զինն ժամաւն գոչեաց Յիսուս ի ձայն մեծ եւ ասէ, Էլի, Էլի, լամա սարաքթանի. այսինքն է, Աստուած իմ, Աստուած իմ, ընդէր թողեր զիս: Ոմանք յայնցանէ որ անդն կային իրրեւ լուան, ասէին, Զնղիա 48 կարդայ դա: Եւ վաղվազակի ընթացաւ մի ոմն ի նոցանէ, առ սպունգ լի քացախով, հարեալ յեղեգան՝ ետ ըմպել 49 նմա: Եւ կէսքն ասէին, Թող, տեսցուք եթէ դա՞յ Նղիա փրկել զդա: 50 Եւ Յիսուս դարձեալ աղաղակեաց ի ձայն մեծ եւ արձակեաց զղզին: 51 Եւ ահա վարագոյր տաճարին ցեւաւ յերկուս ի վերուստ մինչեւ ի վայր, եւ երկիր չարժեցաւ, եւ վէմք պատառեցան: Եւ գերեզմանք բացան եւ բազում մարմինք ննջեցեցոց որոց յարեան: Եւ ելեալ ի գերեզմանաց յետ յարութեանն նորա, մտին ի քաղաքն սուրբ եւ երեւեցան բազմապէս: Իսկ հարիւրապետն եւ որ ընդ նմա պահէին զՅիսուս՝ իրրեւ տեսին զչարժումն եւ զեղեալսն, երկեան յոյժ եւ ասեն, Արդարեւ Աստուծոյ Որդի էր սա:

55 Էին անդ կանայք բազումք, կային  
ի հեռաստանէ եւ հայէին, որք եկին  
զկնի Յիսուսի ի Գալիլէէ պաշտել զնա .  
56 Յորս էր Մարիամ Մագդաղենացի, եւ  
Մարիամ՝ Յակովբայ եւ Յովսեայ մայր,  
եւ մայր որդւոցն Զեբեդեայ .  
57 Եւ իբրեւ երեկոյ եղեւ, եկն այր մի  
մեծատուն յԱրիմաթեայ որում անուն  
էր Յովսէփ, որ եւ աշակերտեցաւ իսկ  
58 Յիսուսի : Սա մատուցեալ առ Պիղա-  
տոս՝ խնդրեաց զմարմինն Յիսուսի .  
յայնժամ Պիղատոս հրամայեաց տալ  
59 զմարմինն : Եւ առեալ զմարմինն Յով-  
60 սէփ՝ պատեաց սուրբ կտաւովք, եւ եղ-  
ի նոր գերեզմանի զոր փորեաց ի վիմի-  
եւ թաւայեցուցեալ կափարիչ զրան  
61 գերեզմանին վէմ մի մեծ՝ գնաց : Անդ  
էր Մարիամ Մագդաղենացի եւ մեւս  
Մարիամն, նստէին հանդէպ գերեզ-  
մանին .  
62 Եւ ի վաղիւ անդր որ է յետ ուրբա-  
թուն, ժողովեցան քահանայապետքն  
63 եւ փարիսեցիքն առ Պիղատոս, եւ ա-  
սեն, Տէր, յիշեցաք զի մոլորեցուցին  
այն ասէր մինչ կենդանին էր, թէ Յետ  
64 երից աւուրց յառնեմ . Արդ հրամայեա  
զգուշանալ գերեզմանին մինչեւ դերիս  
աւուրս, գուցէ եկեալ աշակերտքն գի-  
շերի՝ զողանայցեն զնա, եւ ասիցեն  
ժողովրդեանն թէ Յարեաւ ի մեռելոց .  
եւ լինիցի յետին մոլորութիւնն չար  
65 քան զառաջինն : Ասէ յնոսա Պիղատոս,  
Ունիք զգորականն, երթայք, զգուշա-  
66 ցարուք որպէս եւ գիտէք : Եւ նոքա  
երթեալ զգուշացան գերեզմանին, եւ  
կնքեցին զվէմն հանդերձ զօրականօքն :

## ԳԼ ԻԸ

1 Եւ յերեկոյի չաքաթուն յորում լու-  
սանայր միաշաբաթին, եկն Մարիամ  
Մագդաղենացի եւ մեւս Մարիամն տե-  
2 սանել զգերեզմանն : Եւ ահա չարժումն  
մեծ եղեւ, զի հրեշտակ Տեառն իջեալ  
յերկնից մատուցեալ ի բաց թաւալե-  
ցոյց զվէմն ի դրաց անտի, եւ նստէր  
3 ի վերայ նորա . Եւ էր տեսիլ նորա  
իբրեւ զփայլակն, եւ հանդերձ նորա  
4 սպիտակ իբրեւ զձիւն : Եւ յահէ անտի  
նորա խոռովեցան պահապանքն, եւ եղեն  
5 իբրեւ զմեռեալս : Պատասխանի ետ  
հրեշտակն եւ ասէ ցկանայսն, Մի՛ եր-

կրնչիք դուք, գիտեմ զի զՅիսուս զնա-  
6 չեղեալն խնդրէք . Զէ աստ, քանզի  
յարեաւ, որպէս ասացն . եկայք, տե-  
7 սէք զտեղին ուր <sup>1</sup>կայր : Եւ վաղվա-  
ղակի երթայք, ասացէք աշակերտացն  
նորա թէ <sup>2</sup>Յարեաւ . եւ ահա յառա-  
ջանայ քան զձեզ ի Գալիլեա, անդ տե-  
8 սանիցէք զնա . ահա ասացի ձեզ : Եւ  
եղեալ վաղվաղակի ի գերեզմանէ անտի  
ահիւ եւ խնդութեամբ բազմաւ՝ ըն-  
թանային պատմել աշակերտացն :  
9 Եւ ահա պատահեաց նոցա Յիսուս  
եւ ասէ, Ո՛ղջ էք . եւ նոքա մատու-  
ցեալ կալան զոտս նորա եւ երկիր պա-  
10 գին նմա : Յայնժամ ասէ ցնոսա Յի-  
սուս, Մի՛ երկնչիք, երթայք, ասացէք  
եղբարցն իմոց զի երթիցեն ի Գալիլեա  
եւ անդ տեսցեն զիս :  
11 Իբրեւ նոքա գնացին, ահա ոմանք  
ի զօրականացն եկին ի քաղաքն, եւ  
պատմեցին քահանայապետիցն զամե-  
12 նայն որ ինչ եղեւն : Եւ նոքա ժողով-  
եալ հանդերձ ծերովքն, խորհուրդ առ-  
եալ արժաթ յոյժ ետուն զօրականացն,  
13 Եւ ասեն, Ասասջիք եթէ Աշակերտքն  
նորա եկեալ գիշերի զողացան զնա,  
14 մինչ մեք ի քուն էաք : Եւ եթէ լուր  
լիցի այդ առ դատաւորն, մեք հաճեա-  
ցուք զնա եւ զձեզ անհոգս արասցուք :  
15 Եւ նոցա առեալ զարժաթն, արարին  
որպէս ուսանն . եւ ել համբաւս այս  
ի Հրէից մինչեւ ցայսօր :  
16 Իսկ մտաւսան աշակերտքն գնացին  
ի Գալիլեա ի լեառնն՝ ուր ժամադիր  
17 եղեւ նոցա Յիսուս : Իբրեւ տեսին զնա,  
երկիր պազին նմա, եւ ոմանք յեր-  
18 կուացան : Եւ մատուցեալ Յիսուս խո-  
սեցաւ ընդ նոսա եւ ասէ, Տուաւ ինձ  
ամենայն իշխանութիւն յերկինս եւ  
յերկրի . <sup>3</sup>որպէս առաքեաց զիս Հայր,  
19 եւ ես առաքեմ զձեզ : Գնացէք այսու-  
հետեւ, աշակերտեցէք զամենայն հե-  
թանոսս, մկրտեցէք զնոսս յանուն Հօր  
20 եւ Որդւոյ եւ Հոգւոյն Սրբոյ : Ուսու-  
ցէք նոցա պահել զամենայն որ ինչ  
պատուիրեցի ձեզ . եւ ահաւասիկ ես  
ընդ ձեզ եմ զամենայն աւուրս, մինչեւ  
ի կատարած աշխարհի :

<sup>1</sup>Բաւաւի, կայր Տէրն <sup>3</sup>Ի Եւանգլիս գալուսի  
<sup>2</sup>Բաւաւի, Յարեաւ ի մեռելոց

# ԳԼՈՒԽ ՄԱՐԿՈՍԻ ԱՒԵՏԱՐԱՆԻՆ

	ԳԼ. ՀՃԲ.		ԳԼ. ՀՃԲ.
Վասն զիւսհարին .	Ա. 23	Վասն խորհելոյն թէ ո՞վ էցէ մեծ .	Թ. 32
Վասն Պետրոսի զըքանելին .	Ա. 29	Վասն հարցանելոյն թէ Պա՛րոտ է	
Վասն բժշկութեան պէսպէս հիւ-		արձակել զկին .	Ժ. 4
ւանդութեանց .	Ա. 32	Վասն հարցանելոյ մեծատանն զՅի-	
Վասն բորոտին .	Ա. 40	սուս .	Ժ. 47
Վասն անդամալուծին .	Բ. 3	Վասն որդւոցն Զերեքեայ .	Ժ. 35
Վասն Ղեւեայ մաքսաւորի .	Բ. 14	Վասն Բարտիմէոսի .	Ժ. 46
Վասն գօռացեալ ձեռինն .	Գ. 4	Վասն յաւանակին .	ԺԱ. 4
Վասն առաքելոցն ընտրութեան .	Գ. 43	Վասն չորանալոյ թզենւոյն .	ԺԱ. 42
Վասն սերմանեացն առակի .	Դ. 2	Վասն անյիշարութեան .	ԺԱ. 25
Վասն սաստելոյ ջուրցն .	Դ. 35	Վասն հարցանելոյ քահանայապե-	
Վասն լէզէսիւացն .	Ե. 4	տիցն զՏէրն .	ԺԱ. 27
Վասն դասեր ժողովրդապետին .	Ե. 21	Վասն այգւոյն .	ԺԲ. 4
Վասն տեւատետին .	Ե. 25	Վասն հարցանելոյ զդահեկանէն .	ԺԲ. 43
Վասն համարոյ առաքելոցն .	Զ. 7	Վասն սագուկեցւոցն .	ԺԲ. 48
Վասն Յովհաննու , եւ Հերովդէի .	Զ. 14	Վասն դպրացն .	ԺԲ. 28
Վասն հինգ հացին եւ երկուց		Վասն Տեառն հարցանելոյն զփարի-	
ձկանցն .	Զ. 35	սեցիսն .	ԺԲ. 35
Վասն ի վերայ ծովուն գնալոյ .	Զ. 47	Վասն երկու լուսնոցն .	ԺԲ. 41
Վասն անցանելոյն զպատուիրանաւն .	Է. 5	Վասն կատարածին .	ԺԳ. 3
Վասն Ասորւոյ կնոջն փռնիկեցւոյ .	Է. 24	Վասն աւուրն եւ ժամուն .	ԺԳ. 32
Վասն համերն եւ խլին .	Է. 31	Վասն օծանելոյ կնոջն զՏէրն իւզով .	ԺԴ. 3
Վասն եւթն հացին .	Ը. 4	Վասն զատկին .	ԺԴ. 42
Վասն խմորոյ փարիսեցւոցն .	Ը. 46	Վասն մատնութեանն մարգարէա-	
Վասն կուրին .	Ը. 22	նալոյ .	ԺԴ. 48
Վասն հարցանելոյն ի յեսարթա .	Ը. 27	Վասն Պետրոսի ուրացութեանն .	ԺԴ. 66
Վասն այլակերպութեանն Տեառն .	Թ. 4	Վասն խնդրելոյ զտէրունական	
Վասն լուսնահարին .	Թ. 46	մարմինն .	ԺԵ. 42
		Վասն իւզաբեր կանանցն .	ԺԶ. 4

# ԱԽԵՏԱՐԱՆ ԸՍՏ ՄԱՐԿՈՍԻ

## ԳԼՈՒԽ Ա

**1** ՍԿԻՋԱՆ, աւետարանի Յիսուսի Քրիս-  
**2** տոսի, Որդւոյ Աստուծոյ, Որպէս եւ  
 գրեալ է ի մարգարէս, Ահաւասիկ ես  
 առաքեմ զհրեշտակ իմ առաջի քո, որ  
 հանդերձեսցէ զճանապարհս քո առաջի  
**3** քո: Ձայն բարբառող յանապատի, Պատ-  
 րաստ արարէք զճանապարհ՝ Տեառն,  
 եւ ուղիղս արարէք զշաւիղս նորա:  
**4** Եւ եղև զի Յովնանէս մկրտէր յա-  
 նապատի, եւ քարոզէր մկրտութիւն  
 ապաշխարութեան ի թողութիւն մե-  
**5** զաց: Եւ երթայր առ նա՝ ամենայն աշ-  
 խարհն Հրէաստանի եւ Երուսաղեմա-  
 ցիք ամենեքեան, եւ մկրտէին ի նմա-  
 նէ ի Յորդանան գետ՝ խոստովանեալ  
**6** զմեղս իւրեանց: Եւ էր Յովնանէս  
 զգեցեալ ստեւ ուղտու, եւ գօտի մաշ-  
 կեղէն ընդ մէջ իւր: Եւ կերակուր նո-  
**7** րա մարախ եւ մեղր վայրենի: Քարո-  
 զէր եւ ասէր, Դայ զօրագոյնն քան  
 զիս զկնի իմ, որում չեմ բաւական  
 խոնարհել լուծանել զխրացս կօշկաց  
**8** նորա: Ես մկրտեցի զձեզ ջրով, եւ նա  
 մկրտեսցէ զձեզ Հոգւով Սրբով:  
**9** Եւ եղև յաւուրսն յայնոսիկ եկն  
 Յիսուս ի Նազարեթէ Գալիլեացոց,  
 եւ մկրտեցաւ ի Յովնանէս ի Յորդա-  
**10** նան, Եւ նոյնժամայն ընդ վերանալ  
 ի ջրոցն ետես ցելեալ գերկինս, եւ  
 զՀոգին՝ Աստուծոյ իբրեւ զաղանի  
**11** զի իջնէր ի վերայ նորա: Ձայն եղև  
 յերկնից եւ ասէ, Դու ես Որդի իմ սի-  
**12** րեկի, ընդ քեզ հաճեցայ: Եւ նոյնժա-  
**13** մայն Հոգին հանէ զնա յաւապատ: Եւ  
 էր նա անդ զաւուրս քառասուն փոր-  
 ձեալ ի Սատանայէ, եւ էր ընդ զաղանս:  
 եւ հրեշտակք պաշտէին զնա:  
**14** ԲԲ. Եւ յետ մատնելոյն Յովնանու  
 եկն Յիսուս ի Գալիլեա. քարոզէր զա-  
**15**ւետարանն Աստուծոյ, Եւ ասէր թէ

Կատարեալ է ժամանակ, եւ հասեալ է  
 արքայութիւնն Աստուծոյ, ապաշխա-  
 րեցէք եւ հաւատացէք յաւետարանն:  
**16** Իբրեւ անցանէր առ ծովեզերքն Գա-  
 լիլեացոց, ետես զՍիմոն եւ զԱնդրէ-  
 աս զեղբայր Սիմոնի, զի արկեալ էր  
 նոցա ուռկանս ի ծով, քանզի ձկնորսք  
**17** էին: Եւ ասէ ցնոսա Յիսուս, Եկայք  
 զկնի իմ եւ արարից զձեզ լինել որ-  
**18** սորդս մարդկան: Եւ վաղվաղակի թող-  
 եալ զուռկանսն՝ գնացին զհետ նորա:  
**19** Եւ մատուցեալ անտի սակաւիկ մի յա-  
 ռաջ՝ ետես զՅակովբոս Զեբեդեայ եւ  
 զՅովնանէս զեղբայր նորա, եւ զնոսա  
 ի նաւին մինչ կազմէին զուռկանս:  
**20** Եւ կոչեաց ՝ զնոսա, եւ վաղվաղակի՝  
 թողեալ զհայրն իւրեանց զԶեբեդէոս  
 ի նաւին վարձկանօքն հանդերձ, զնա-  
 ցին զհետ նորա:  
**21** ԲԳ. Եւ մտանն ի Կափառնայում,  
 եւ իսկ եւ իսկ ի շաբաթուն մտեալ ի  
**22** ժողովուրդն՝ ուսուցանէր զնոսա: Եւ  
 զարմանային ընդ վարդապետութիւն  
 նորա, զի ուսուցանէր զնոսա իբրեւ  
 իշխանութեամբ, եւ ոչ՝ որպէս զպիւրքն:  
**23** Եւ էր ի ժողովրդեանն նոցա այր մի,  
 յորում այս պիղծ գոյր ի նմա. որ ա-  
**24** զաղակեաց եւ ասէ, Թոյլ տուր, զի՞  
 կայ մեր եւ քո, Յիսուս Նազովրեցի,  
 եկիր կորուսանել զմեզ. գիտեմք զքեզ,  
**25** ով ես, Սուրբ Աստուծոյ: Սաստեաց  
 ի նա Յիսուս եւ ասէ, Կարկեաց եւ ել  
**26** ի դմանէ: Եւ զարկոյց զնա այսն պիղծ,  
 եւ աղաղակեաց ի ձայն մեծ եւ ել ի  
**27** նմանէ: Եւ զարմացան ամենեքին, մինչ-  
 չեւ չծծել ընդ միմեանս եւ ասել, Զի՞նչ  
 է այս նոր վարդապետութիւնս, զի  
 իշխանութեամբ եւ այսոց պղծոց սաս-  
**28** տէ, եւ հնազանդին սմա: Եւ ել լուր  
 նորա ընդ ամենայն կողմն Գալիլեա-  
 ցոց:  
**29** Եւ վաղվաղակի ելեալ ի ժողովրդե-

30 Դէն՝ եկն ի տուն Սիմովնի եւ Անդրեայ  
 Յակովբաւ եւ Յովհաննու հանդերձ :  
 31 Եւ մատուցեալ յարոյց զնա՝ կալեալ  
 զձեռանէ նորա . եւ եթող զնա տենդն,  
 եւ պաշտէր զնոսա :  
 32 Եւ իբրեւ երեկոյ եղև ի մտանել  
 արեգականն, բերէին առնա զամենայն  
 33 հիւանդս եւ զղիւահարս . եւ էր ամե-  
 նայն քաղաքն ժողովեալ առ դրունսն :  
 34 Եւ բժշկեաց բազում հիւանդս ի պէս-  
 պէս ախտից, եւ դիւս բազումս եհան :  
 եւ ոչ տայր իսակ զիւացն, զի գիտէին  
 զնա թէ՛ Բրիստոսն է :  
 35 ԲԳ. Եւ ընդ այն ընդ առաւօտն յա-  
 րուցեալ եւ եւ զնաց յանապատ տեղի,  
 36 եւ անդ կայր յաղօթս : Եւ զնաց զհետ  
 նորա Սիմովն եւ որ ընդ նմայն էին :  
 37 Եւ իբրեւ գտին զնա, ասին ցնա թէ՛  
 38 Ամենեքին խնդրեն զքեզ : Եւ ասէ ցնո-  
 սա, Եկայք երթիցուք եւ յայլ մօտա-  
 ւոր գեղաքաղաքսն, զի եւ անդ քա-  
 39 րոզեցից, զի յայս իսկ եկեալ եմ : Եւ  
 քարոզէր ի ժողովուրդս նոցա ընդ ա-  
 մենայն Գալիլեացիս, եւ դիւս հանէր :  
 40 Գայ առնա բորոտ մի, աղաչէր, ի  
 ծունր իջանէր եւ ասէր, Տէր, եթէ  
 41 կամիս, կարող ես զիս սրբել, իսկ Յի-  
 սուս զթացեալ ձգեաց զձեռն, մերձե-  
 ցաւ ի նա եւ ասէ ցնա, Կամիմ, սրբ-  
 42 եաց : Եւ իբրեւ ասացն ցնա, վաղվա-  
 ղակի զնաց ի նմանէ բորոտութիւնն,  
 43 եւ սրբեցաւ : Եւ սաստեալ նմա՝ եհան  
 զնա արտաքս վաղվաղակի, եւ ասէ  
 44 ցնա, Զգոյշ լիւր, մի՛ ումիք ինչ ասի-  
 ցնա . այլ երթ, ցոյց զքեզ քահանային,  
 եւ մատուցան սրբութեան քո պատա-  
 45 րագ, զոր հրամայեաց Մովսէս ի վկա-  
 յութիւն նոցա : Եւ նա ելեալ սկսաւ  
 քարոզել յոյժ եւ հոշակ հարկանել  
 զքանն, մինչ ոչ եւս կարող լինել նմա  
 յայտնապէս ի քաղաք մօտանել, այլ ար-  
 տաքոյ յանապատ տեղիս էր . եւ զային  
 առնա յամենայն կողմանց :

## ԳԼ Բ

1 ԲԵ. Եւ մտեալ դարձեալ ի Կափառ-  
 2 նայուս յետ աւուրց, Լուր եղև եթէ

ի տան է . եւ ժողովեցան բազումք,  
 մինչեւ տեղի եւս ոչ լինել եւ ոչ առ  
 3 դրանն . եւ խօսէր նոցա զքանն : Եւ  
 գային առնա, բերէին անդամալոյծ մի  
 4 բարձեալ ի չորից, եւ իբրեւ ոչ կա-  
 րէին մերձենալ առնա յամբօխէ անտի,  
 քակեցին զյարկն ուր էր Յիսուս, եւ  
 քացեալ զառաստաղն՝ իջուցին զմա-  
 5 հիճսն յորում կայր անդամալոյծն : Եւ  
 տեսեալ Յիսուսի զհաւատս նոցա, ասէ  
 6 ցնա քեզ մեղք քո : Եւ էին ոմանք ի  
 զպրաց անտի որ անդնստէին . եւ խոր-  
 7 հէին ի սիրտս իւրեանց, Զի՞նչ է այս  
 որ խօսի սա զհայնոյութիւնս . ո՞վ կա-  
 րէ թողուլ զմեղս, եթէ ոչ մի Աստ-  
 8 ուած : Եւ գիտաց Յիսուս յոգի իւր  
 թէ՛ այնպէս խորհին ի սիրտս իւրեանց,  
 եւ ասէ, Զի՞ խորհիք զայդ ի սիրտս  
 9 ձեր : Զի՞նչ զիւրին է, ասել ցանդա-  
 մալոյծն՝ Թողեալ լիցին քեզ մեղք քո,  
 եթէ՛ ասել, Արի, առ զմահիճս քո եւ  
 10 երթ ի տուն քո : Այլ զի գիտասցիք  
 եթէ իշխանութիւն ունի Որդի մարդոյ  
 ի վերայ երկրի թողուլ զմեղս, (ասէ  
 11 ցանդամալոյծն) Քեզ ասեմ, Արի, առ  
 12 զմահիճս քո եւ երթ ի տուն քո : Եւ  
 յարեաւ, եւ վաղվաղակի առեալ զմա-  
 հիճսն, եւ առաջի ամենեցուն, մինչեւ  
 զարմանալ ամենեցուն, եւ փառաւոր  
 առնել զԱստուած եւ ասել թէ՛ Այսպիսի  
 ինչ երբեք ոչ տեսաք :  
 13 ԲԶ. Եւ ել դարձեալ ի ծովեզրն, եւ  
 ամենայն ժողովուրդն գայր առնա :  
 14 Եւ ուսուցանէր զնոսա : Եւ մինչդեռ  
 անցանէր, ետես զՂեւի Ալփեայ զի  
 նստէր ի մաքսաւորութեան, եւ ասէ  
 ցնա, Եկ զկնի իմ . եւ յարուցեալ զնաց  
 15 զկնի նորա : Եւ եղև ի բազմեմն նորա  
 ի տան նորա, եւ բազում մաքսաւորք  
 եւ մեղաւորք բազմեալ էին ընդ Յիսու-  
 սի եւ ընդ աշակերտսն նորա . քանզի  
 էին բազումք որ երթային զհետ նորա :  
 16 Իսկ զպիւրն եւ փարիսեցիք իբրեւ տե-  
 սին թէ՛ ուտէ ընդ մաքսաւորս եւ ընդ  
 մեղաւորս, ասին ցաշակերտսն նորա,  
 Զի՞ է զի ընդ մեղաւորս եւ ընդ մաք-  
 17 սաւորս ուտէ իւր ըմպէ : Իբրեւ լուաւ  
 Յիսուս, ասէ ցնոսա, Ոչինչ է պիտոյ  
 բժիշկ ողջոց, այլ՝ հիւանդաց . եւ ոչ

48 եկի կոչել զարդարս, այլ զմեղաւորս :  
 Եւ էին աշակերտքն Յովաննու եւ  
 փարիսեցիքն ի պահս . զան եւ ասեն  
 ցնա, Ընդէ՞ր աշակերտքն Յովաննու  
 եւ փարիսեցիքն պահեն, եւ քո աշա-  
 49 կերտքդ ոչ պահեն : Եւ ասէ ցնոսա Յի-  
 սուս, Միթէ մարթ ինչ իցէ որդւոց  
 առագաստի, մինչ ընդ նոսա իցէ փե-  
 սայն, պահել . որքան ընդ իւրեանս  
 ունիցին զփեսայն, ոչ է մարթ պահել :  
 20 Այլ եկեսցին աւուրք, յորժամ վերաս-  
 ցի ի նոցանէ փեսայն, եւ ասա պա-  
 21 հեցեն յաւուրն յայնմիկ : Ոչ ոք կա-  
 պերտ նոր անթափ արկանէ ի վերայ  
 հնացեալ ձորձոյ . ասա թէ ոչ առնու-  
 լլութեամբն իւրով նորն ի հնոյ անտի,  
 22 եւ չար եւս պատառումն լինի : Եւ ոչ  
 ոք արկանէ գինի նոր ի տիկս հինս .  
 ասա թէ ոչ պայթուցանէ փինին  
 զտիկան, գինին հեղու եւ տիկքն կո-  
 ընչին : Այլ գինի նոր ի տիկս նորս  
 արկանելի է :  
 23 Բէ . Եւ եղև նմա ի շաբաթու ան-  
 ցանել ընդ արտորայս, եւ աշակերտքն  
 ի գնալն իւրեանց սկսան հասկ կորդել  
 24 եւ ուտել : Եւ փարիսեցիքն ասեն ցնա,  
 Տես, զի՞նչ գործեն աշակերտքն քո  
 25 ի շաբաթուս, զոր չէ արժան : Եւ ասէ  
 ցնոսա Յիսուս, Ո՞չ երբեք իցէ լին-  
 թեցեալ ձեր զոր արարն Դաւիթ, յոր-  
 ժամ պիտոյն եղև, եւ քաղցեաւ նա  
 26 եւ որ ընդ նմայն էին : Զի՞արդ ամուս  
 ի տունն Աստուծոյ առ Աբիաթարաւ .  
 քահանայապետիւ, եւ զնոցան զառա-  
 ջաւորութեան եկեր, եւ ետ եւ այնու-  
 ցիկ որ ընդ նմայն էին, զոր ոչ էր օրէն  
 27 ուտել, բայց միայն քահանայիցն : Եւ  
 ասէ ցնոսա, Շաբաթ վասն մարդոյ  
 եղև, եւ ոչ եթէ մարդ վասն շարա-  
 28 թու : Ապա ուրեմն տէր է Որդի մար-  
 դոյ եւ շաբաթու :

ԳԼ. Գ

1 Եւ եմուտ միւսանգամ ի ժողովուրդն,  
 եւ էր անդ այր մի որոյ ձեռն գոսա-  
 2 ցեալ էր : Եւ սպասէին նմա եթէ բժշ-  
 կեսցէ զնա ի շաբաթուն, զի շարա-

3 խօսեացեն զնմանէ : Եւ ասէ ցայն որոյ  
 ձեռնն գոսացեալ էր, Արի, անդ ի մէջ :  
 4 Եւ ասէ ցնոսա, Զի՞նչ արժան է ի շա-  
 բաթու, բարի ինչ գործել եթէ չար  
 առնել, ողի մի ապրեցուցանել եթէ  
 5 կորուսանել : Եւ նոքա լռեցին : Եւ հա-  
 յեցեալ Յիսուսի զնոքօք լի դասմամբ,  
 տրամեալ վասն կուրութեան սրտից  
 նոյա՝ ասէ ցայն, Զգես զձեռն քո .  
 եւ նա ձգեաց, եւ ողջացաւ ձեռն նորա :  
 6 ԳԿ. Եւ ելեալ արտաքս վաղվաղակի  
 փարիսեցիքն Հերովդիանոսօքն հան-  
 դերձ, խորհուրդ առնէին վասն նորա  
 թէ զիարդ կորուսցեն զնա :  
 7 Իսկ Յիսուս աշակերտօքն իւրով  
 զնաց ի ծովեզրն . եւ բազում ժողո-  
 վուրդ ի Գալիլեացւոց երթային զհետ  
 8 նորա, եւ ի Հրէաստանէ, Եւ Եւրոս-  
 սաղեմէ եւ յայնկոյս Յորդանանու եւ  
 որք ի Տիւրոսէ եւ ի Սիդոնէ, բազում  
 ժողովուրդ իբրեւ լսէին որչափ ինչ  
 9 առնէր՝ գային առ նա : Եւ ասէ ցաշա-  
 կերտսն իւր զի նաւակ մի պատրաս-  
 տական կայցէ նմա վասն ամբօխին,  
 10 զի մի՛ նեղեացեն զնա : Քանզի զբա-  
 զումս բժշկեաց . մինչեւ զալ խոնել  
 զնովաւ, զի մերձեցին առ նա որք  
 11 ունէին ախտս ինչ : Եւ այսք պիղծք  
 յորժամ տեսանէին զնա, անկանէին ա-  
 ռաջի նորա, աղաղակէին եւ ասէին թէ  
 12 Դու ես Որդին Աստուծոյ . եւ նա յոյժ  
 սաստէր նոցա, զի մի՛ յայտնի առնի-  
 ցեն զնա :  
 13 ԳԲ. Ելանէ ի լեռանն եւ կոչէ առ ինքն  
 զորս ինքն կամեցաւ, եւ չոգան առ  
 14 նա : Եւ արար երկոտասանս զի իցեն  
 զնովաւ, եւ զի առաքեսցէ զնոսա քա-  
 15 րոզել, Եւ ունել իշխանութիւն բժշ-  
 16 կելոյ . զցաւս եւ հանելոյ զդեւս : Եւ  
 17 եղ անուն Սիմօն Պետրոս, Եւ Յա-  
 կովբու Զեբեդեայ եւ Յովաննու եղ-  
 18 օրն Յակովբայ՝ եղ նոցա անուանս  
 Բաներեզէս, որ է Որդիք որոտման :  
 19 Եւ զԱնդրէաս, եւ զՓիլիպպոս, եւ  
 զԲարթողոմէոս, եւ զՄատթէոս զմաք-  
 սաւորն, եւ զԹովմաս, եւ զՅակովբոս  
 Ալփեայ, եւ զԹադէոս, եւ զՍիմօն  
 20 Կանանացի, Եւ զՅուդա Իսկարիով-  
 տացի, որ եւ մատնեացն զնա :  
 20 ԳԳ. Դան ի տուն, եւ զայ միւսանգամ

1 Ունէ, փարիսեցւոցն 2 Ունէ, փարիսեց-  
 ւոցն, այլ՝ աշակերտք փարիսեցւոցն  
 3 Ի Եւրոս-սաղեմ, որդիք է- յ-ման է Հ-յ . յե-  
 րոս-սաղեմ 4 Ունէ, գինին նոր

5 Եւս-սաղեմ, յերուսաղեմէ եւ յերուսաղեմ



ընդ նոսա ժողովուրդն, մինչ զի եւ  
 21 հաց եւս ոչ ժամանել ուտել նոցա: Եւ  
 իբրեւ լուան որ իւրքն էին՝ երին ունել  
 զնա, զի համարէին թէ մոլեգնեալ իցէ:  
 22 Եւ դպիրքն որ յերուսաղեմէ իջեալ  
 էին՝ ասէին թէ Բէեզղերուզ գոյ ի դմա,  
 եւ իշխանաւ դիւացն հանէ դա զդեւս:  
 23 Եւ կոչեցեալ զնոսա առ ինքն՝ առակօք  
 խօսէր ընդ նոսա, Զիւրդ կարէ Սա-  
 24 տանայ զՍատանայ հանել: Եւ արդ  
 եթէ թագաւորութիւն յանձն իւր բա-  
 ժանեցի, ոչ կարէ կալ թագաւորու-  
 25 թիւնն այն: Եւ եթէ ժուռն յանձն իւր  
 26 բաժանեցի, ոչ կարէ կալ տունն: Եւ  
 եթէ Սատանայ ի վերայ անձին իւրոյ  
 յարեաւ եւ բաժանեալ իցէ, ոչ կարէ  
 27 լալ, այլ վախճանեալ է: Այլ ոչ ոք  
 կարէ զկարասի հօրի, մտեալ ի տուն  
 նորա, աւար հարկանել, եթէ ոչ նախ  
 զհօրն կապիցէ, եւ ապա զտուն նորա  
 28 աւար հարկանիցէ: Ամէն ասեմ ձեզ  
 զի Ամենայն թողցի որդւոց մարդկան  
 մեղք եւ հայնոյութիւնք, որչափ եւ  
 29 հայնոյեացեն. Բայց որ հայնոյեացէ զՀո-  
 գին Սուրբ, ոչ ունիցի թողութիւն  
 յաւիտեան, այլ պարտապան լիցի յա-  
 30 լիովն զոյ ի նմա: Զի ասէին թէ Այս  
 պիղծ գոյ ի նմա:  
 31 ԳԴ. Գան եղբարքն եւ մայր նորա, եւ  
 արտաքոյ կացեալ յղեցին եւ կոչէին  
 32 զնա: Եւ անդ ժողովուրդն չուրջ զնո-  
 վաւ նստէր. եւ իբրեւ ասացին ցնա,  
 Ահաւասիկ մայր քո եւ եղբարք քո կան  
 33 արտաքոյ եւ խնդրեն զքեզ, Պատա-  
 խանի ետ նոցա եւ ասէ, Ո՛վ է իմ  
 34 մայր կամ եղբարք: Հայեցաւ չուրջ  
 զիւրեւ յաշակերտան զի նստէին, եւ  
 ասէ, Ահաւասիկ մայր իմ եւ եղբարք  
 35 իմ. Զի որ առնիցէ զկամս Աստուծոյ  
 նա է իմ եղբայր եւ քոյր եւ մայր:

## ԳԼ Դ

1 ԳԵ. Դարձեալ սկսաւ ուսուցանել  
 առ ծովեզերքն, եւ խոնեցան զնովաւ  
 ժողովուրդք բազումք, մինչեւ ի նաւ:  
 մտանել նմա եւ նստել ի ծովուն, եւ ա-  
 մենայն ժողովուրդն զծովեզերքն զյա-  
 2 մաքն ունէին: Եւ ուսուցանէր զնոսա  
 առակօք բազում ինչ, եւ ասէր նոցա

<sup>1</sup>Բ-Լ-Կ, յորս նստէին

3 ի վարդապետութեան իւրում, Լաւք.  
 ահաւասիկ ել սերմանող սերմանել:  
 4 Եւ եղեւ ի սերմանելն, ոմն անկաւ առ  
 ճանապարհաւ, եւ <sup>2</sup>եկն թռչուն եւ  
 5 եկեր զնա: Եւ այլն անկաւ յապառա-  
 ժի, ուր ոչ գոյր հող բազում. եւ վաղ-  
 վաղակի բուսաւ, քանզի ոչ գոյր հիւթ  
 6 երկրին. Եւ յորժամ ծագեաց արեւ,  
 7 ջեռաւ, եւ զի ոչ գոյրն արմատք, ցա-  
 7 մաքեցաւ: Եւ այլն անկաւ ի մէջ փշոց-  
 երին փուշքն եւ հեղձուցին զնա, եւ  
 8 պտուղ ոչ ետ: Եւ այլն անկաւ յեր-  
 կիր բարոք, եւ ելեալ անցեալ տայր  
 պտուղ, եւ բերէր ընդ միոյ երեսուն  
 եւ ընդ միոյ վաթսուն եւ ընդ միոյ  
 9 հարեւր: Եւ ասէր, Որ ունիցի ականջս  
 լսելոյ՝ լուիցէ:  
 10 ԳԶ. Եւ իբրեւ եղեւ առանձինն, հար-  
 ցին ցնա որ զնովաւն էին աշակեր-  
 11 տքն հանդերձ զառակսն: Եւ ասէ ցնո-  
 սա, Զեզ տուեալ է գիտել զխորհուրդս  
 արքայութեան Աստուծոյ, բայց նոցա  
 որ արտաքինքն են՝ ամենայն ինչ ա-  
 12 ռակօք լինի, Զի տեսանելով տեսցեն  
 եւ մի՛ տեսցեն, եւ լսելով լուիցեն եւ  
 մի՛ իմասցին, զի մի՛ երբեք դարձցին  
 13 եւ թողցի նոցա: Եւ ասէ ցնոսա, Ո՛չ  
 գիտէք զառակս զայս, եւ զիւրդ զա-  
 14 մենայն առակսն գիտիցէք: Որ սեր-  
 15 մանէն՝ զբանն սերմանէ, Եւ նոքա են  
 որ առ ճանապարհաւ՝ ուր բանն սեր-  
 մանի, եւ յորժամ լսեն զնա, զայ Սա-  
 տանայ եւ հանէ զբանն սերմանեալ ի  
 16 սիրտս նոցա: Եւ նոքա են որ յապա-  
 ռածին սերմանեցան, որք յորժամ լսի-  
 ցեն զբանն, վաղվաղակի խնդութեամբ  
 17 ընդունին: Եւ զի ոչ ունին արմատս  
 յանձինս, այլ առ ժամանակ մի են,  
 ապա ի հասանել նեղութեան կամ հա-  
 լածման վասն բանին՝ զազվաղակի գոյ-  
 18 թակղին: Իսկ որ ի մէջ փշոցն սեր-  
 մանեցան՝ նոքա են, որ իբրեւ զբանն  
 19 լսեն, Եւ հոգք պշխարհիս եւ պատ-  
 րանք <sup>3</sup>մեծութեան մտանեն եւ հեղ-  
 ձուցանեն զբանն եւ անպտուղ լինի:  
 20 Եւ նոքա են որ յերկիրն բարոք սեր-  
 մանեցան, որք լսեն զբանն եւ ընդու-  
 նին եւ տան պտուղ, ընդ միոյ երե-

<sup>2</sup>Ի Բ-Լ-Կ, «մա»՝ եկին թռչունք եւ կերան  
 զնա. այլ՝ եկին թռչունք երկնից եւ կերան զնա  
<sup>3</sup>Բ-Լ-Կ, մեծութեան եւ ցանկութեանք պէշց  
 իրաց

առնեալ եւ ընդ միոյ վաթսուոն եւ ընդ միոյ հարեւոյ :

21 ԳԵ. Եւ ասէ ցնոսա, Միթէ գայ ճրագ զի ընդ դրուանաւ դնիցի կամ ընդ մահճօք. ոչ ապաքէն ի վերայ աշտա-

22 նակի դնիցի : Զի չէ ինչ ի ծածուկ որ թէ ոչ յայտնեցի, եւ ոչ եղեւ ինչ

23 գաղտնի՝ եթէ ոչ ի յայտ գայցէ : Եթէ

24 ոք ունիցի ականջս լսելոյ՝ լուիցէ : Եւ ասէ ցնոսա, Տեսէք զինչ լսէքդ, եւ յաւելցի ձեզ որոց լսէքդ. որով չափով

25 չափէք, նոյնն չափեցի ձեզ : Որ ոք ունիցի՝ տացի նմա. եւ որ ոչն ունիցի, եւ զոր ունին՝ բարձցի ի նմանէ :

26 ԴԿ. Եւ ասէր, Այսպէս է արքայու-

27 թիւն Աստուծոյ, որպէս զի այր մի ար-

28 նա յառնիցէ զցայդ եւ զցերեկ, եւ սեր-

29 մանիքն բուսանիցին եւ աճիցեն : Եւ

30 նա ոչ գիտէ թէ երկիրն ինքնին բերէ զպտուղ. նախ զխոտն եւ ապա զհասկն, եւ ապա զցորեանն ասողք ի հասկին :

31 Այլ յորժամ տայցէ զպտուղն, վաղվա-

32 ղակի առաքի մանգաղ, զի հասեալ են

33 հունձք : Եւ ասէր, Ո՛ւմ նմանեցու-

34 ցուք զարքայու թիւնն Աստուծոյ, կամ որով առական առակեցուք զնա :

35 Որպէս հատն մանանխոյ որ յորժամ սերմանիցի յերկրի, փոքրագոյն է քան զամենայն սերմանիս որ են յերկրի,

36 Եւ յորժամ սերմանիցի, բուսանի եւ լինի մեծ քան զամենայն բանջար, եւ արձակէ ոստս մեծամեծս, մինչեւ բա-

37 ւական լինել ընդ հովանեաւ նորա

38 թռչնոց երկնից բնակել : Եւ այնպիսի առակօք խօսէր ընդ նոսա զբանն, որ-

39 պէս կարող լինէին լսել : Եւ առանց առակի ոչինչ խօսէր ընդ նոսա, բայց առանձինն աշակերտացն իւրոց մեկնէր զամենայն :

40 ԴԲ. Եւ ասէ ցնոսա յաւուրն յայնմիկ իբրեւ ընդ երեկս լինէր, Եկայք անց-

41 ցուք յայն կողմն : Թողուն զժողո-

42 վուրդն, եւ առնուն զնա նաւաւն հան-

43 դերձ, եւ զայլ եւս նաւան որ էին ընդ

44 նմա : Եւ լինէր մրրիկ մեծ հողմոյ, եւ զալիսն ի նաւն զեղոյր, մինչ զրեթէ

45 լի իսկ լինել : Եւ ինքն ննջէր ի խելս նաւին ի վերայ բարձի. զարթուցանէին զնա եւ ասէին, Վարդապետ, ոչինչ է

46 քեզ փոյթ, զի կորնչիմք աւաւիկ : Եւ զարթուցեալ սաստեաց հողմոյն եւ ծո-

վուն, ասէ, Դադարեա, կարկեաց. եւ դադարեաց հողմն եւ եղեւ խաղաղու-

47 թիւն մեծ : Եւ ասէ ցնոսա, Ընդէր այդպէս վատասիրտք էք, չեւ եւս ու-

48 նիք հաւատա. եւ երկեան երկեւղ մեծ եւ ասէին ցմիմեանս, Ո՞ք արդեւք իցէ սա, զի եւ հողմ եւ ծով հնազան-

49 դին սմա :

## ԳԼ. Ե

1 Եւ եկն յայնկոյս ծովուն՝ յաշխարհն

2 Պերգեսացւոց : Եւ ընդ ելանելն նորա ի նաւէ անտի, պատահեաց նմա այր մի ի գերեզմանացն զոր ունէր այս պիղծ :

3 Որոյ եւ բնակութիւն իւր իսկ ի գե-

4 րեզմանս էր. եւ ոչ չղթայիւք ոք եւս

5 կարէր կապել զնա, Վասն բազում ան-

6 զամ ոտնակապօք եւ չղթայիւք կա-

7 պելոյ եւ խզելոյ ի նմանէ զչղթայան, եւ զոտնակապն խորտակելոյ. եւ ոչ

8 ոք կարէր պարտել զնա. Քանզի հա-

9 նապազ զցայդ եւ զցերեկ ի գերեզմանս եւ ի լերինս աղաղակէր, եւ կոծէր

10 զանձն իւր քարամբք : Իբրեւ ետես զՅի-

11 սուս ի հեռաստանէ, ընթացաւ եւ եր-

12 կիր եպագ նմա : Աղաղակեաց ի ձայն մեծ եւ ասէ, Զի՛ կայ իմ եւ քո, Յի-

13 սուս, Որդի Աստուծոյ բարձրելոյ, երդմնեցուցանեմ զքեզ յԱստուած, մի՛

14 տանջեր զիս : Քանզի ասէր ցնա, Եւ,

15 այսդ պիղծ, ի մարդոյ այտի : Եւ հար-

16 ցանէր ցնա թէ Զի՛նչ անուն է քո. եւ ասէ ցնա, Լէզէովն անուն է իմ,

17 քանզի բազումք եմք : Եւ աղաչէին զնա յոյժ, զի մի՛ առաքեսցէ զնոսա արտաքս

18 քան զաշխարհն : Եւ անդ էր առ լե-

19 րամբն երամակ մի խողից արօտական

20 մեծ : Աղաչեցին զնա ամենապն դեւքն եւ ասեն, Առաքեա զմեզ ի խողան, զի

21 մտցուք ի նոսա : Եւ հրամայեաց նոցա. եւ իբրեւ ելին այսքն պիղծք, մտին ի խողան, եւ դիմեաց երամակն ի դարէ անտի ի ծովն. էին իբրեւ երկու հա-

22 զարք, եւ հեղձնուին ի ծովուն : Եւ խոզարածքն փախեան եւ պատմեցին ի քաղաքին եւ յազարակս. եւ ելին տե-

23 սանել զինչ իցէ որ գործեցաւն : Փան առ Յիսուս, եւ տեսանեն զղիււհարն զի նստէր զգեցեալ եւ զգաստացեալ,

որ ունէր զլէզէութեն, եւ զահի հարան :  
 16 Եւ պատմեցին նոցա որոց տեսեալն :  
 էր, թէ զի՛նչ եղեւ այսահարին եւ  
 17 զի՛նչ վասն խողիցն : Եւ սկսան աղա-  
 18 չել զնա գնալ ի սահմանաց նոցա : Եւ  
 իբրեւ եմուտ նա ի նաւն, աղաչէր  
 19 զնա զիւահարն զի ընդ նմա իցէ : Եւ  
 Յիսուս ոչ ետ նմա թոյլ, այլ ասէ ցնա,  
 երթ ի տուն քո առ ընտանիս քո, եւ  
 պատմաւ նոցա որ ինչ միանգամ Տէր  
 20 արար քեզ եւ ողորմեցաւ քեզ, եւ  
 չոգաւ եւ սկսաւ քարոզել ի Դեկա-  
 պոլին զոր ինչ արար նմա Յիսուս,  
 եւ ամենեքին զարմանային :  
 21 ԴԳ. Եւ իբրեւ անց Յիսուս Վիւս-  
 անգամ յայն կողմն, ժողովեցաւ առ  
 նա ժողովուրդ բազում, եւ էր առ  
 22 ծովեզերքն : Եւ ահա մի ժողովորդա-  
 պետացն գայր, որում անուն էր Յայ-  
 րոս, եւ իբրեւ ետես զնա անկաւ առ  
 23 ոտս նորա : Աղաչէր զնա յոյժ եւ ա-  
 սէր թէ Դուստր 2 նորա մերձ է ի մահ,  
 զի եկեալ 3 զնիցէ նմա ձեռն, որպէս  
 24 զի ապրեցի եւ կեցցէ : Եւ զնաց ընդ  
 նմա. երթայր եւ ժողովուրդ բազում  
 զնեւ նորա եւ նեղէին զնա :  
 25 Եւ կին մի էր ի տեղատեսութեան  
 26 արեան զերկոտասան ամ. Եւ յոյժ  
 վշտացեալ ի բազում բժշկաց, եւ ծա-  
 խեալ զինչս իւր զամենայն եւ չէր ինչ  
 օգտեալ, այլ եւս առաւել զայրացեալ :  
 27 Իբրեւ լուաւ զՅիսուսէ, եկն ի մէջ  
 ամբոխին յետոյ եւ բուռն եհար զնան-  
 28 զերձէ նորա : Փանգի խորհէր ի մտի  
 թէ միայն մերձեցայց ի հանդերձս նո-  
 29 րա, վրկեցայց : Եւ վաղվաղակի ցա-  
 մաքեցաւ աղբււր արեան նորա. եւ  
 գիտաց ի մարմին իւր թէ բժշկեցաւ  
 30 ի տանջանացն : Եւ անդէն վաղվաղակի  
 գիտաց Յիսուս յանձն իւր զզօրու-  
 թիւնն որ եւ ի նմանէ, դարձաւ յամ-  
 բոխն եւ ասէ, Ո՛վ մերձեցաւ ի հան-  
 31 զերձս իմ : Եւ ասեն ցնա աշակերտքն,  
 Տեսանես զի ամբոխդ նեղէ զքեզ, եւ  
 ասես թէ Ո՛վ մերձեցաւ ի հանդերձս  
 32 իմ : Եւ չուրջ հայէր տեսանել թէ ո՛-  
 33 զայն արար : Եւ կինն զարհուրեալ եւ  
 դողաղևալ 4 վասն որոյ գողտն արար՝,  
 քանզի զիտէր զի՛նչ եղեւ նմա, եկն

անկաւ առաջի նորա, եւ ասաց զա-  
 34 մենայն իրան ստուգութեամբ : Եւ Յի-  
 սուս ասէ ցնա, Դուստր, հաւատք քո  
 կեցուցին զքեզ, երթ ի խաղաղութիւն  
 եւ եղիջիր ողջ ի տանջանաց քոց :  
 35 ԴԳ. Մինչդեռ նա գայն խօսէր, գան  
 ոմանք ի տանէ ժողովրդապետին եւ  
 ասեն թէ Դուստրն քո մեռաւ, զի՛ եւս  
 36 աշխատ առնես զվարդապետդ : Իսկ  
 Յիսուս իբրեւ լուաւ զբանն ասացեալ,  
 ասէ ցժողովրդապետն, Մի՛ երկնչիր,  
 37 բայց միայն հաւատա : Եւ ոչ զոք եթող  
 ընդ իւր երթալ, բայց միայն զՊետրոս  
 եւ զՅակովբոս եւ զՅովնաննէս զեղ-  
 38 բայրն Յակովբայ : Գայ ի տուն ժողո-  
 վրդապետին, եւ տեսանէ ամբոխ յոյժ  
 39 եւ լալականս եւ աղաղակ յոյժ : Եւ  
 մտեալ ի ներքս ասէ ցնոսա, Զի՛ խռով-  
 եալ էք եւ լայք, մանուկն ոչ է մեռ-  
 40 եալ, այլ ննջէ : Եւ ծաղր առնէին զնա :  
 եւ նորա հանեալ արտաքս զամենես-  
 եան, առնու ընդ իւր զհայր մանկանն  
 եւ զմայր եւ զնոսա որ ընդ նմայն  
 էին, եւ մտանէ ուր զնէր մանուկն :  
 41 Եւ կայեալ զձեռանէ մանկանն՝ ասէ  
 ցնա, Տալիթա, կո՛ւմի. որ թարգմա-  
 42 նի, Աղջիկ դու, քեզ ասեմ, արի : Եւ  
 վաղվաղակի յարեաւ աղջիկն եւ գնայր,  
 քանզի էր ամաց իբրեւ երկոտասանից :  
 եւ զարմացան մեծաւ զարմանալեօք :  
 43 Եւ պատուէր տայր նոցա յոյժ, զի մի՛  
 ոք գիտասցէ զայն : Եւ ասաց տալ  
 նմա ուսեի :

## ԳԼ. Զ

1 ԴԵ. Եւ ել անտի եկն ի գաւառ իւր :  
 եւ երթային զնեւ նորա աշակերտքն  
 2 իւր : Եւ եղեւ ի շաբաթուն սկսա-  
 ուսուցանել ի ժողովրդեանն : Եւ բա-  
 զումք իբրեւ լսէին, զարմանային 3 ընդ  
 վարդապետութիւն նորա՝ եւ ասէին,  
 Ուստի՛ է սմա այս, կամ զի՛նչ է ի-  
 մաստութիւնս որ տուեալ է սմա, զի  
 զօրութիւնք այսպիսիք ի ձեռաց սորա  
 3 ինիցին : Ո՛չ սա է 4 մանուկ հիւսանն  
 եւ որդին՝ Մարեմայ, եղբայր Յակով-  
 բայ եւ Յովսեայ եւ Յուդայի եւ Սի-  
 մոնի, եւ չիցեն քորք դորա աստ

1 Բ-Լ-Դ, միւսանգամ նաւաւ  
 2 Բ-Դ, իմ 3 Բ-Դ, գեղեցեա

4 Ի Բ-Լ-Դ, զ-ի-ս-ի  
 5 Բ-Լ-Դ, հիւսանն, որդին

4 առ մեզ . եւ դպթակդէին ի նա : Եւ  
ասէ ցնոսա Յիսուս , Ոչ է մարգարէ  
անարգ , բայց եթէ ի գաւառի իւրում  
եւ յազգատոհմի եւ ի տան իւրում :  
5 Եւ ոչ կարէր անդ եւ ոչ մի ինչ զօ-  
րութիւն առնել , բայց սակաւ հիւան-  
6 զաց ձեռն եղեալ բժշկէր զնոսա : Եւ  
զարմանայր վասն անհաւատութեան  
նոցա :  
7 ԴՁ . Եւ շրջէր շուրջ զգաւառօքն եւ  
7 ուսուցանէր : Եւ կոչեաց առ ինքն  
զերկոտասանն , եւ սկսաւ առաքել  
զնոսա երկուս երկուս , եւ տայր նո-  
ցա ի խանութիւն ի վերայ այսոց պղղ-  
8 ծոց : Եւ պատուիրեաց նոցա զի մի-  
ինչ բարձցեն ի ճանապարհ , բայց միայն  
գաւազան . մի՛ պարկ , մի՛ հաց , մի՛  
9 պղինձ ի գօտիս . Այլ ազանել հողա-  
թափս , եւ , Մի՛ զգենուցուք , ասէ ,  
10 երկուս պարեգօտս : Եւ ասէր ցնոսա ,  
Յոր տուն մտանիցէք , անդէն օթեւանս  
11 կալլիք մինչեւ երանիցէք անտի : Եւ  
որ ոչ ընկաղին զձեզ եւ ոչ լուիցեն  
ձեզ , յորժամ երանիցէք անտի , թօթա-  
փեալիք զփոշի ոտից ձերոց ի վկայու-  
թիւն նոցա :  
12 Եւ ելեալ քարոզէին զի ապաշխա-  
13 րեացեն : Եւ դեւս բազումս հանէին ,  
եւ օժանէին իւզով զբազում հիւանդս  
եւ բժշկէին զնոսա :  
14 ԴԷ . Եւ լուաւ արքայ Հերովդէս ,  
քանզի յայտնի եղեւ անուն նորա , եւ  
ասէր թէ Յովհաննէս մկրտիչ յարեաւ  
ի մեռելոց , եւ վասն այնորիկ զօրու-  
15 թիւնք լինին նովաւ : Այլք ասէին թէ  
եղիա է , իսկ այլքն՝ թէ Մարգարէ է ,  
կամ թէ իբրեւ զմի ի մարգարէից :  
16 Իբրեւ լուաւ Հերովդէս , ասէ , Ձորոյ  
ես զգլուխն հատի զՅովհաննու , սա է  
նա , յարեաւ ի մեռելոց :  
17 Զի ինքն Հերովդէս առաքեաց կա-  
լաւ զՅովհաննէս , եւ կապեաց զնա եւ  
եղ ի բանտի վասն Հերովդիայ կնոջ  
Փիլիպպոսի եղբօր նորա , զի նա կին  
18 արար զնա : Քանզի ասէր Յովհաննէս  
ց Հերովդէս թէ Ոչ է օրէն քեզ ունել  
19 զկին եղբօր քո : Եւ Հերովդիա ոխա-  
ցեալ էր ընդ նմա , եւ կամէր սպանա-  
20 նել զնա եւ ոչ կարէր : Զի Հերովդէս  
երկնչէր ի Յովհաննէ , քանզի գիտէր  
զնա այր արդար եւ սուրբ , եւ սպա-  
սէր նմա , եւ լուեալ ի նմանէ՝ բազում

ինչ առնէր , եւ քաղցրութեամբ լսէր  
21 նմա : Իբրեւ օր մի լինէր պարագայ ,  
յորժամ ընթրիս տայր Հերովդէս յա-  
ւուր ծննդոց իւրոց նախարարաց իւրոց  
եւ հազարապետաց եւ մեծամեծաց Գա-  
22 լիւեացւոց . Եւ ի մտանել զստերն Հե-  
րովդիայ եւ ի կաքաւել , հաճոյ եղեւ  
Հերովդի եւ բազմականացն . ասէ թա-  
գաւորն ցաղջիկն , Խնդրեալ յինէն զոր  
23 ինչ կամիս , եւ տաց քեզ : Եւ երդ-  
ուաւ նմա՝ Բազում անգամ , թէ Ձոր  
ինչ եւ խնդրեսցես զու . յինէն տաց  
քեզ , մինչեւ ցկէս թագաւորութեան  
24 իմոյ : Նա ելեալ ասէ ցմայր իւր , Զինչ  
խնդրեցից . եւ նա ասէ , Զգլուխն Յով-  
25 հաննու մկրտչի : Եւ մտեալ անդրէն  
փութանակի առ թագաւորն՝ ասէ , կա-  
միմ զի այժմ տացես ինձ վաղվաղակի  
ի վերայ սկտեղ զգլուխն Յովհաննու  
26 մկրտչի : Եւ տրտմեցաւ յոյժ թագա-  
ւորն , այլ վասն երդմանցն եւ կոչնա-  
կանացն ոչ կամեցաւ անարգել զնա :  
27 Եւ առաքեաց վաղվաղակի թագաւորն  
դահիճ , եւ հրամայեաց բերել զգլուխն  
նորա . եւ չոգաւ գլխատեաց զնա ի բան-  
28 տին , Եւ երբ զգլուխն նորա սկտեղք  
եւ ետ ցաղջիկն , եւ աղջիկն տարաւ  
29 ետ մօր իւրում : Իբրեւ լուան աշա-  
կերտքն նորա , եկին , բարձին զմար-  
մին նորա եւ եղին ի գերեզմանի :  
30 ԵԿ . Ժողովեցան առաքեալքն առ Յի-  
սուս , եւ պատմեցին նմա զամենայն  
ինչ զոր արարին եւ զոր ուսուցին :  
31 Եւ ասէ ցնոսա Յիսուս , Եկայք զուք  
առանձինն յանապատ տեղի , եւ հան-  
գիջիք սակաւ մի , զի էին բազումք  
որ երթային եւ գային , եւ հաց ան-  
32 զամ չժամանէին ուտել : Եւ զնացին  
նաւու յանապատ տեղի առանձինն :  
33 Եւ 2 տեսին զնոսա զի երթային , եւ  
3 զգացին բազումք . եւ հետի յամենայն  
քաղաքաց խուռն ընթանային անդր ,  
34 եւ 3 մերձեանային առ նոսա : Եւ ելեալ  
ետես ամրոյս բազում եւ զթացաւ ի  
նոսա , զի էին իբրեւ ոչխարք որոց  
ոչ իցէ հովիւ . եւ սկսաւ ուսուցանել  
զնոսա յոյժ :  
35 Եւ իբրեւ բազում ժամ եղեւ , մա-

1 ի բազում գլուխ  
2 յիւսիս , ետես ամրոյս  
3 ի բազում , ծանեան

4 ի բազում , յառա-  
ջեցին քան զնապո

տուցեալ աշակերտքն ասէին, Տեղիս  
անապատ է. մինչդեռ աւուր կայ,  
56 Արձակեալ զժողովուրդսդ, զի երթեալ  
չուրջ յազարակս եւ ի գեղս գնեսցեն  
իւրեանց ՚զինչ ուտիցեն, զի աստ ու-  
37 տել ինչ ոչ ունին: Նա պատասխանի  
ետ եւ ասէ ցնոսա, Դուք տուք զոցա  
ուտել. ասեն ցնա, Երթիցուք գնես-  
ցուք երկերիւր դահեկանի հաց, եւ  
38 տացուք զոցա ուտել: Ասէ ցնոսա,  
Քանի՞ նկանակ ունիք, երթայք տե-  
սէք. իբրեւ գիտացին, ասեն ցնա,  
39 Հինգ՝ եւ երկուս ձկունս: Եւ հրա-  
մայեաց նոցա բազմել երախանս երա-  
40 խանս ի վերայ զալար խոտոյ: Եւ բազ-  
մեցան դասք դասք՝ ուր հարելու եւ  
41 ուր յիսուն: Եւ առեալ զինչ նկա-  
նակն եւ զերկուս ձկունսն՝ հայեցաւ  
յերկինս, օրհնեաց, մանրեաց զնկա-  
նակն եւ ետ ցաշակերտսն զի արկցեն  
նոցա, եւ զերկուս ձկունսն բաշխեաց  
42 ամենեցուն: Կերան եւ յագեցան:  
43 Եւ բարձին զնշխարսն երկոտասան սա-  
44 կառի լի, եւ ի ձկանց անտի: Եւ էին  
որք կերանս իբրեւ արք հինգ հազար:  
45 Եւ. Եւ նոյնժամայն ճեպեաց զա-  
շակերտսն մտանել ի նաւ, եւ յառա-  
ջագոյն քան զնա երթալ յայնկոյս ի  
Բեթսայիդա, մինչ ինքն զժողովուրդսն  
46 արձակիցէ: Եւ հրաժարեալ ի նոցանէ  
47 եւ ի լեւոն կալ յաղօթս: Եւ իբրեւ ե-  
րկուց եղեւ, էր նաւն ի մէջ ծովուն,  
48 եւ ինքն ի ցամաքի: Եւ ետես զնոսա  
հողմակոծեալս ի վարեին, զի էր հողմն  
ընդէմ նոցա. եւ զչորրորդ պահու-  
գիշերոյն զայ առ նոսա գնալով ի վե-  
րայ ծովուն, եւ կամէր զանց առնել  
49 առ նոքօք: Նոքա իբրեւ տեսին զի  
գնայր ի վերայ ծովուն, համարեցան  
թէ առաջօք ինչ լինիցի, եւ զաղաղակ  
50 բարձին: Քանզի ամենեքեան տեսին  
գնա եւ խողովեցան. եւ նա անդէմ  
վաղվաղակի խօսեցաւ. ընդ նոսա եւ աս-  
սէ, Քաշկերեցարուք, ես եմ, մի՛ եր-  
51 կնչիք: Եւ ել ի նաւն առ նոսա, եւ դա-  
ղարեաց հողմն. եւ առաւ ել եւս յիմար-  
եալ էին ի միտս իւրեանց եւ զարմա-  
52 նային յոյժ: Քանզի եւ ի վերայ հացին  
ոչ խմացան, զի էր սիրտ նոցա թըմբ-  
53 րեալ: Եւ իբրեւ անցին յայնկոյս, եւ

54 կին յերկիրն 3 Գննեսարէթ. Եւ իբրեւ  
եկին ի նաւէ անտի, իսկ եւ իսկ ծաւ-  
55 եան զնա արք տեղւոյն այնորիկ: Եւ  
ընթացեալ այսր անդր ընդ ամենայն  
գաւառն, սկսան մահճօք բերել զհի-  
56 լանդս, ուր լսէին թէ անդ իցէ: Եւ  
ուր եւ մտանէր ի գեղս կամ ի քաղաքս  
կամ յազարակս, ի հրապարակս զնէին  
զախտածէտս, եւ աղաչէին զնա զի  
գոնէ ի քղանցս հանդերձից նորա մեր-  
ձենայցեն. եւ որ միանգամ մերձե-  
ցանս փրկեցան:

## ԳԼ Ե

1 ԵՎ. Եւ ժողովեցան առ նա փարի-  
սեցիքն եւ ոմանք ի դպրացն որ եկեալ  
2 էին յերուսաղեմէ: Եւ տեսեալ զոմանս  
յաշակերտաց անտի, զի խառնակ ձե-  
ռօք, այսինքն է անլուայ, ուտէին հաց,  
3 բամբասեցին: Զի փարիսեցիքն եւ ա-  
մենայն Հրեայք եթէ ոչ բռնալի լուա-  
նան զձեռս, հաց ոչ ուտեն. քանզի  
4 ունին զաւանդութիւն ծերոցն. Եւ  
ի հրապարակէ մտեալ՝ եթէ ոչ նախ  
մկրտիցին, ոչ ուտեն. եւ այլ ինչ բա-  
զում է զոր ընկալան ունել, մկրտու-  
թիւնս բաժակաց եւ ստոմանաց եւ  
5 պղնձեաց եւ մահճաց: Ապա հարցա-  
նեն զնա փարիսեցիքն եւ զպիւրք թէ  
Ընդէ՞ր աշակերտքն քո ոչ գնան ըստ  
աւանդութեան ծերոցն, այլ խառնակ  
6 ձեռօք հաց ուտեն: Նա պատասխանի  
ետ եւ ասէ ցնոսա թէ Բարեւք մար-  
գարէացաւ Եսայի վասն ձեր կեղծա-  
ւորաց, որպէս ասաց, Ժողովուրդս  
այս չրթամբք մեծարէ զիս, եւ սիրտք  
նոցա հնուացեալ ի բացեայ են յինէն:  
7 Զուր պաշտեն զիս, ուսուցանեն վար-  
դապետութիւնս զմարդկան պատուիւր-  
8 եալս: Թողեալ զպատուիրանն Աստու-  
ծոյ, ունիք զմարդկան աւանդութիւնս:  
9 Եւ ասէ ցնոսա, Բարեւք խոտէք զպատու-  
ուիրանն Աստուծոյ, զի զձեր աւան-  
10 դութիւնն հաստատիցէք: Զի Մովսէս  
ասէ, Պատուեա զհայր քո եւ զմայր.  
եւ Որ չարախօսեսցէ զհօրէ կամ զմօրէ՝  
11 մահու վախճանեսցի: Եւ դուք ասէք,

3 Բարեւք, Գննեսարէթ, եւ զեռեղեքն զծաւն  
Որձեւ, յաւելաւ, մկրտութիւնս ստոմանաց եւ  
բաժակաց եւ պլնց սոցին նմանեաց աւանք բա-  
զումս

Եթէ ասիցէ սք ցհայր կամ ցմայր,  
 Կորթան, որ է պատարագ, զոր յինէն  
 12 օգտեսցիս. Եւ ոչ եւս տայք թոյլ նմա  
 13 առնել ինչ հօրն կամ մօր, Եւ անար-  
 գէք զբանն Աստուծոյ ձերով աւան-  
 դութեամբն, զոր աւանդեցէք, եւ բա-  
 զում ինչ այլ որ այսմ նման է՝ առնէք:  
 14 Եւ կոչեալ առ ինքն զամենայն ժո-  
 ղովուրդն՝ ասէ ցնոսա, Լուարուք ինձ  
 15 ամենեքեան եւ ի միտ առէք: Ոչինչ  
 արտաքուստ ի մարդ մտեալ եթէ կա-  
 րիցէ պղծել զնա, այլ որ ելանէ ի նմա-  
 16 նէ՝ այն է որ պղծէ զմարդն: Որ ունի-  
 ցի ականջս լսելոյ լուիցէ:  
 17 Եւ. Եւ իրեւ եմուտ ի տուն յամ-  
 բոխէ անտի, հարցանէին զնա աշա-  
 18 կերտքն վասն առակին: Եւ ասէ ցնո-  
 սա, Այդպէս եւ դուք անմիտ էք. ոչ  
 իմանայք եթէ ամենայն որ արտա-  
 քուստ ի ներքս մտանէ ի մարդ՝ ոչ  
 19 կարէ զնա պղծել: Զի ոչ եթէ ի սիրտ  
 նորա մտանէ, այլ յորովայն, եւ ար-  
 արաքս ելանէ, եւ սրբէ զամենայն կե-  
 20 րակուրսն: Եւ ասէր թէ Որ ինչ ի  
 21 մարդոյն ելանէ՝ այն պղծէ զմարդ: Զի  
 ի ներքուստ ի սրտէ մարդկան խոր-  
 հուրդք չարութեան ելանեն, չնու-  
 22 թիւնք, պոռնկութիւնք, Գողութիւնք,  
 սպանութիւնք, ագահութիւնք, չա-  
 րութիւնք, նենգութիւնք, զիջու-  
 թիւնք, չարակնութիւն, հայհոյու-  
 թիւն, ամբարտաւանութիւն, անզգա-  
 23 մութիւն, Այս ամենայն չարիք ի ներ-  
 քուստ ելանեն եւ պղծեն զմարդ:  
 24 Եւ անտի յարուցեալ եկն ի սահման  
 Տիւրոսի եւ Սիդոնի, եւ մտեալ ի  
 տուն ոչ ումեք կամէր յայտնել, եւ  
 25 ոչ կարաց ծածկել: Լուաւ կին մի  
 զնմանէ, որոյ դուստր իւր նեղեալ էր  
 յայտոյ պղծոյ, եկն անկաւ առաջի նո-  
 26 րա: Եւ կինն էր հեթանոս, Փիւնիկ  
 Ասորի յազգէ. եւ աղաչէր զնա զի  
 27 զգեւն հանցէ ի գետերէ նորա: Եւ  
 Յիսուս ասէ ցնա, Թոյլ տուր նախ  
 յագեացին մանկունք, զի ոչ է բարեք  
 առնուլ զնաց մանկանց եւ արկանել  
 28 չանց, նա պատասխանի եւ ասէ,  
 Տէր, եւ չուէք ի փշրանաց սեղանոյ  
 29 մանկանցն կերակրին: Եւ ասէ ցնա,  
 Վասն այդր բանի երթ, ել զեւն ի  
 30 զստերէ քումմէ: Գնաց ի տուն իւր  
 եւ եգիտ ելեալ զգեւն, եւ զդուստրն

զի անկեալ զնէր ի մահիւն:

31 Եւ. Եւ ելեալ միւսանգամ ի սահմա-  
 նացն Տիւրոսի եւ Սիդոնի, եւ եկն  
 ի ծովեզրն Գալիլեացոց ի մէջ սահ-  
 32 մանացն ի Դեկապոլիս: Եւ բերին ա-  
 ռաջի նորա խուլ մի եւ համր, եւ ա-  
 ղաչէին զի ձեռն դիցէ ի վերայ նորա:  
 33 Եւ առեալ զնա մեկուսի յամբոխէ ան-  
 տի, արկ զմտոռնս իւր ընդ ականջս  
 նորա եւ եթուք անդր. եւ կսլաւ  
 34 զլեզուէ նորա, Հայեցաւ յերկինս.  
 յոգւոց եհան եւ ասէ, Եփփաթա, որ է  
 35 բացիր: Եւ նոյն ժամայն բացան լսե-  
 լիք նորա, եւ լուծան կապանք լեզուի  
 36 նորա եւ խօսէր ուղիղ: Եւ պատուի-  
 եաց նոցա զի մի՛ ումեք ասիցեն. եւ  
 որչափ նա պատուիրէր նոցա, նոքա  
 37 եւս առաւել քարոզէին: Եւ եւս քան  
 զեւս զարմանային եւ ասէին, Զամե-  
 նայն ինչ բարեք զործեաց սա, զի  
 խլից լսել տայ եւ համբոց խօսել:

## ԳԼ Ը

1 Եւ. Յաւուրսն յայնոսիկ գարձեալ  
 ժողովուրդ բազում էր, եւ ինչ ոչ ու-  
 նէին ուտել: Կոչեաց զաշակերտսն իւր  
 2 եւ ասէ ցնոսա, Գթամ ես ի վերայ  
 ժողովրդեանդ, զի արդ երեք աւուրք  
 են մինչ առ իս են, եւ ոչ ունին զինչ  
 3 ուտիցեն: Եւ եթէ քարձակեմ զդոսա  
 նօթիս ի տունս իւրեանց, նքթիցեն  
 ի ճանապարհի. զի ոմանք ի դոցանէ  
 4 ի հեռատանէ եկեալ են: Պատասխանի  
 ետուն նմա աշակերտքն նորա, Ուս-  
 տի՛ Կարես յագեցուցանել զդոսա հա-  
 5 ցիւ յանապատի աստ: Եւ հարցանէր  
 զնոսա, Քանի՞ նկանակ հաց ունիք:  
 6 Եւ նոքա ասեն, Եւթն: Եւ հրամայ-  
 եաց ժողովրդեանն բազմել ի վերայ  
 երկրի. եւ առեալ զեւթն նկանակն՝  
 զոհացաւ, երեկ եւ տայր ցաշակերտոն  
 զի արկցեն. եւ արկին առաջի ժողո-  
 7 վրդեանն: Եւ ձկունս սակաւ ունէին,  
 եւ զայն եւս օրհնեաց եւ հրամայեաց  
 8 արկանել: Կերան եւ յագեցան: Եւ  
 բարձին զնշխարս կոտորոցն. եւ  
 9 զամբիղ: Եւ էին որ կերանն՝ իրեւ  
 չորք հազարք, եւ արձակեաց զնոսա:  
 10 Եւ. Եւ նոյն ժամայն մտեալ ի նաւ

հանդերձ աշակերտօքն՝ եկն ի կողմանս  
 41 <sup>1</sup>Գաղմանուռնայ: Եկին փարիսեցիքն  
 եւ սկսան վիճել ընդ նմա, եւ խնդրէ-  
 ին ի նմանէ նշան յերկնից փորձելով  
 42 գնա: Եւ զայրացաւ յոգի իւր եւ ասէ,  
 Ձի՛ է զի ազգս այս նշան խնդրէ. ամէն  
 ասեմ ձեզ թէ տացի նշան ազգիս այս-  
 43 միկ: Եթող գնոսա, դարձեալ եւեւ  
 ինաւ եւ զնաց յայնկոյս:  
 44 Եւ մուսայան հայ բառնալ, բայց  
 միայն մի նկանակ ունէին ընդ իւր-  
 45 եանս ի նաւին: Եւ պատուիրէր նոցա  
 եւ ասէր, <sup>2</sup>Ձգոյ՛ եղերուք՝ ի խմորոյ  
 անտի փարիսեցւոց եւ ի խմորոյ <sup>3</sup>Հե-  
 46 րովդիանոսայ: Եւ խորհէին ընդ մի-  
 մեանս եւ ասէին թէ Ձի հացս ոչ ու-  
 47 նիմք: Դիտաց Յիսուս եւ ասէ ցնոսա,  
 Ձի՛ խորհիք <sup>4</sup>Ի սիրտս ձեր, թերահա-  
 ւասք՝, թէ հաց ոչ ունիք. տակաւին  
 ոչ իմանայք եւ ոչ յիշէք. ապշու-  
 48 թիւն ունի զսիրտս ձեր: Աչք գոն  
 եւ ոչ տեսանէք, ականջք են եւ ոչ  
 լսէք, <sup>5</sup>Եւ ոչ իմանայք տակաւին՝, եւ  
 49 ոչ յիշէք: Յորժամ զհինգ նկանակն  
 ի հինգ հազարսն, եւ քանի՞ սակառի  
 բարձէք զկոտորոցն լի: Եւ ասեն ցնա,  
 20 Երկոտասան: Եւ յորժամ զեւթն նկա-  
 նակն ի չորս հազարսն, քանի՞ զամբիղ  
 լի բարձէք զկոտորոցն: Եւ նոքա ասեն,  
 21 Եւթն: Եւ ասէ ցնոսա, Իսկ զիմօրդ  
 ոչ իմանայք:  
 22 Գան ի Բեթսայիդա, եւ ածեն առաջի  
 նորա կողմ մի, եւ աղաչէին զնա զի  
 23 մերձեացի ի նա: Եւ առեալ զձեռանէ  
 կուրին՝ եւան արտաքոյ շինին, եթուք  
 յաչս նորա եւ ձեռն եղ ի վերայ նորա.  
 եւ հարցանէր ցնա թէ տեսանից՞ ինչ:  
 24 <sup>6</sup>Բացաւ, եւ ասէր, Տեսանեմ զմար-  
 25 զիկս զի չրջին իբրեւ զծառս: Դար-  
 ձեալ եղ ձեռս ի վերայ աչաց նորա,  
<sup>7</sup>Եւաց, եւ տեսանէր. ողջացաւ, եւ  
 26 տեսանէր համարձակ զամենայն: Ար-  
 ձակիաց ցնա ի տուն իւր եւ ասէ,  
 ի չէնդ մի մտանիցես, <sup>8</sup>այլ երթ ի տուն

քո. եւ յորժամ ի չէնն մտանիցես, մի՛  
 ումեք ասիցես ի շինին:՝

27 ԶԿ. Եւ ել Յիսուս աշակերտօքն  
 հանդերձ ի չէնս Կեսարեայ Փիլիպ-  
 պեայ, եւ ի ճանապարհին հարցանէր  
 ցաշակերտսն եւ ասէր, Ձո՞ ուստեք  
 28 ասեն զինէն մարդիկն թէ իցեմ: Նոքա  
 կտուն պատասխանի եւ ասեն, ՁՅով-  
 հաննէս մկրտիչ, եւ այլք՝ ՁԵղիա, եւ  
 այլք՝ Ձմի ոք ի մարգարէից անտի:  
 29 Ասէ ցնոսա, Իսկ դուք զո՞ ուստեք  
 ասէք զինէն թէ իցեմ. պատասխանի  
 ետ Պետրոս եւ ասէ ցնա, Դու ես  
 30 Քրիստոսն, Եւ սաստեաց ինոսա զի  
 մի՛ ումեք ասիցեն զմանէ:

31 Եւ սկսաւ ուսուցանել զնոսա թէ  
 պարտ է Որդւոյ մարդոյ բազում չար-  
 չարանս ընդունել, եւ անարգել յե-  
 րիցանց եւ ի քահանայապետից եւ  
 ի դպրաց, եւ մեռանել եւ յերիր աւուր  
 32 յառնել: Եւ համարձակ զքանն խօսե-  
 ցաւ. եւ առեալ զնա մեկուսի Պետ-  
 33 րոսի՝ սկսաւ սաստել նմա: Եւ նա  
 դարձաւ ետես զաշակերտսն, սաստեաց  
 Պետրոսի եւ ասէ, Երթ յետս իմ, Սա-  
 տանայ, զի ոչ խորհիս դու զԱստու-  
 ծոյսն, այլ զմարդկանս:

34 Եւ կոչեցեալ առ ինքն զԺողովուրդն  
 աշակերտօքն հանդերձ՝ ասէ ցնոսա,  
 Եթէ՛ ոք կամի պալ զկնի իմ, ուրացի  
 զանձն իւր եւ բարձցէ զխաչ իւր եւ  
 35 եկեսցէ զկնի իմ, Ձի որ կամիցի ապ-  
 րեցուցանել զանձն իւր՝ կորուսցէ զնա.  
 եւ որ կորուսցէ զանձն իւր վասն ա-  
 36 լեսարանին՝ ապրեցուցցէ զնա: Ձի՛նչ  
 ողուտ է մարդոյ եթէ զաշխարհ ամե-  
 նայն չահեցի, եւ զանձն իւր տու-  
 37 ժեսցի. <sup>9</sup>Քանզի զինչ տացէ մարդ  
 38 փոխանակ անձին իւրոյ: Ձի որ ոք  
 ամօթ համարեսցի զիս եւ զքանս իմ  
 ի շնացող եւ ի մեղաւոր ազգիս յայս-  
 միկ, եւ Որդի մարդոյ յամօթ արացէ  
 զնա, յորժամ եկեսցէ փառօք Հօր իւրոյ  
 39 <sup>10</sup>Եւ հրեշտակաց սրբոց՝. Եւ ասէ ցնո-  
 սա, Ամէն ասեմ ձեզ, զի են ոմանք  
 ի սոցանէ որ աստ կան, որք մի՛ ճա-  
 շակեսցեն զմահ, մինչեւ տեսցեն զար-  
 քայութիւն Աստուծոյ եկեալ զօրու-  
 թեամբ:

<sup>1</sup>Յ-ն, Գաղմանուռնայ

<sup>2</sup>Յ-ւ-ւ, Տեսէք, գգշչ եղերուք

<sup>3</sup>Յ-ւ-ւ, Հերովդի

<sup>4</sup>Ի Բ-ւ-ւ, Դ-ւ-ւ

<sup>5</sup>Ի Յ-ւ-ւ, Դ-ւ-ւ

<sup>6</sup>Յ-ն, Հայեցաւ

<sup>7</sup>Յ-ւ-ւ, Եւ հայել

<sup>8</sup>Յ-ւ-ւ, Եւ մի՛ ումեք ասիցես ի շինին

<sup>9</sup>Յ-ւ-ւ, Եւ մի՛

<sup>10</sup>Յ-ն, հանդերձ հրեշտակաց սրբոց

## ԳԼ. Թ

1 Եւ յետ վեց աւուր անու ընդ իւր  
 Յիսուս զՊետրոս եւ զՅակովբոս եւ  
 զՅովհաննէս, եւ հանէ զնոսս ի լեռոն  
 մի բարձր առանձինն, եւ յայլակերպս  
 2 եղեւ առաջի նոցա: Եւ ձորձք նորա  
 եղեն փայլուն սպիտակ յոյժ, որպէս  
 թափիչք երկրի ոչ կարեն այնպէս սպի-  
 3 տակացուցանել: Եւ երեւեցաւ նոցա  
 Եղիա Մովսիսն հանդերձ, եւ խօսէին  
 4 ընդ Յիսուսի: Պատասխանի ետ Պետ-  
 րոս եւ ասէ ցՅիսուս, Թաքի, բարեոք  
 է մեզ աստ լինել: Եւ արասցուք երիս  
 տաղաւարս, մի՛ քեզ, եւ մի՛ Մովսիսի,  
 5 եւ մի՛ Եղիայի: Քանզի ոչ գիտէր զինչ  
 6 խօսէր, զի զարդուրեալ էին: Եւ եղեւ  
 ամպ մի հովանի ի վերայ նոցա, ձայն  
 եղեւ յամպոյ անտի եւ ասէ, Դա է  
 7 որդի իմ սիրելի, զմա լուարուք: Եւ  
 յանկարծակի հայեցեալ այսր անդր՝ ոչ  
 եւս զոք ուրեք տեսին, բայց միայն  
 8 զՅիսուս ընդ իւրեանս: Եւ մինչդեռ  
 իջանէին ի լեռնէ անտի, պատուիրեաց  
 նոցա զի մի՛ ումեք պատմեսցեն զոր  
 տեսին, բայց յորժամ Որդի մարդոյ  
 9 ի մեռելոց յարկցէ: Եւ նոքա զբանն  
 ի մտի ունէին, եւ խնդրէին ընդ մի-  
 մեանս թէ զի՞նչ խցէ ի մեռելոցն յառ-  
 10 նել: Հարցին ցնա եւ ասեն, Չի՞նչ է  
 այն զոր զպիրքն ասեն եթէ նախ Ե-  
 11 ղիայի պարտ է զալ: Նա պատասխանի  
 ետ նոցա եւ ասէ, Եղիա նախ եկեալ  
 յարդարեաց զամենայն: Իսկ զիմրդ  
 զրեալ է զՈրդւոյ մարդոյ, զի բազում  
 12 ինչ չարարեսցի եւ անգոսնեսցի: Այլ  
 ես ասեմ ձեզ եթէ Եղիա եկն, եւ ա-  
 րարին ընդ նա զինչ եւ կամեցան, որ-  
 պէս եւ պրեմ է վասն նորա:  
 13 ԶԳ. Եւ եկեալ առ աշակերտսն, տեսին  
 ամբոյս չուրջ զնոքօք, եւ զգպիրսն՝ զի  
 14 վիճէին ընդ նոսա: Եւ վաղվաղակի  
 ամենայն ժողովուրդն իրբեւ տեսին  
 զնա, զարմացան, եւ ընդ առաջ ըն-  
 15 թացեալ ողջոյն տային նմա: Եւ հարց  
 ցնոսա թէ Չի՞նչ վիճէիք ընդ նոսա:  
 16 Պատասխանի ետ մի ոմն ի ժողովրդե-  
 նէն եւ ասէ, Վարդապետ, ածի զորդի  
 17 իմ առ քեզ, զոր ունի այս համբ: Եւ

ուր հասանէ, զարկուցանէ զնա: Եւ  
 փրփրէ եւ կրճտէ զատամուկս իւր եւ  
 ցամաքի: Եւ առաջի ցաշակերտսն քո  
 զի հանցեն, եւ ոչ կարացին հանել զնա:  
 18 Պատասխանի ետ նոցա եւ ասէ, Ո՛վ  
 ազգ անհաւատ, մինչեւ յն՛ր իցեմ  
 ընդ ձեզ, մինչեւ ցն՛ր անսայցեմ ձեզ:  
 19 Եւ ձեռք զնա առ իս: Եւ ածին զնա առ  
 նա: Իրբեւ ետես զնա այն, վաղվա-  
 զակի շարժւեաց զնա, եւ անկեալ յեր-  
 20 կիր թաւալէր եւ փրփրեայր: Եւ արց  
 ցնայր նորա եւ ասէ, Քանի՞ ժամա-  
 նակք են յորմէ հետէ այդ եղեւ զմա:  
 21 Եւ նա ասէ, Ի մանկութենէ: Բազում  
 անգամ ի հուր արկանէ եւ ի ջուր զի  
 կորուսեցէ զգա: արդ եթէ կարող ինչ  
 ես, օգնեա մեզ, Տէր, գթացեալ ի վե-  
 22 ռայ մեր: Եւ Յիսուս ասէ ցնա, Չկա-  
 ցիր թէ կարող եմ, ամենայն ինչ հնա-  
 23 բաւոր է այնմ, որ հաւատայն: Եւ  
 վաղվաղակի աղաղակեաց հայր ման-  
 կանն եւ ասէ, <sup>3</sup> Հաւատամ, օգնեա  
 24 անհաւատութեանս իմում: Իրբեւ եւ-  
 տես Յիսուս եթէ կուտի ժողովուրդն  
 ի վերայ, սաստեաց այսոյն պղծոյ եւ  
 ասէ, Համբդ եւ խուլ այս, ես տամ  
 քեզ հրաման, եւ ի դմանէ, եւ այլ եւս  
 25 մի՛ մտանիցես ի դա: Եւ աղաղակեաց  
 եւ յոյժ լլկեաց զնա եւ ել: Եւ եղեւ  
<sup>4</sup> պատանեակն իրբեւ զմեռեալ, մինչեւ  
 26 բազմաց իսկ ասել թէ Մեռաւ: Եւ Յի-  
 սուս կալաւ զձեռանէ նորա, յարոյց  
 27 զնա, եւ կանգնեցաւ: Եւ իրբեւ եմուտ  
 նա ի տուն, աշակերտքն առանձինն  
 հարցին ցնա, Մեք ընդէ՛ր ոչ կարա-  
 28 ցաք հանել զնա: Եւ ասէ ցնոսա, Այդ  
 ազգ ոչ իւրք երանէ, եթէ ոչ պահօք  
 եւ աղօթիւք:  
 29 ԶԳ. Եւ անտի երեալ անցանէին առ  
 Գալիլեացեոք, եւ ոչ կամէր եթէ ոք  
 30 գիտացէ: Քանզի ուսուցանէր զաշա-  
 կերտսն իւր եւ ասէր ցնոսա թէ Որդի  
 մարդոյ մատնելոյ է ի ձեռս մարդկան,  
 եւ սպանցեն զնա, եւ իրբեւ սպանցի,  
 31 յերիւր աւուր յառնէ: Եւ նոքա ոչ գի-  
 տէին զբանն, եւ երկնչէին հարցանել  
 ցնա:  
 32 Եկն ի Կափառնայում, եւ իրբեւ եւ-  
 մուտ ի տուն, հարցանէր զնոսա: Չի՞նչ

էի ցնա, եւ ասէ, եթէ կարող ես հաւատալ:

Այդ եթէ կարող ես

31 ԶԳ. Հաւատամ, Տէր, Գի ցնա, եւ ասէ

31 ԶԳ. Հաւատամ, Տէր, Գի ցնա, եւ ասէ



վիճէիք զճանապարհայն ընդ միմեանսս :  
 33 Եւ նոքա լուռ լինէին, քանզի ընդ  
 միմեանս վիճէին ի ճանապարհին թէ  
 34 ո՛վ մեծ իցէ : Եւ իբրեւ նստաւ, կո-  
 չեաց զերկոտասանսն եւ ասէ ցնոսա,  
 Եթէ ոք կամի առաջին լինել, եղիցի  
 ամենեցուն կրտսեր եւ ամենեցուն  
 35 պաշտօնեայ : Եւ առեալ մանուկ մի  
 կացոյց ի մէջ նոցա . եւ ընկալեալ զնա  
 36 ի գիրկս իւր՝ ասէ ցնոսա, Որ միան-  
 ցամ յայսպիսի մանկուոյ ընկալցի յա-  
 նուն իմ, զիս ընդունի : Եւ որ զիսն  
 ընդունիցի, ոչ զիս ընդունի, այլ՝ զայն  
 37 որ առաքեացն զիս : Պատասխանի ետ  
 նմա Յովհաննէս եւ ասէ, Վարդապետ,  
 տեսաք զոմն զի յանուն քո դեռս հա-  
 նէր եւ զմեր կնի ոչ շրջէր, եւ ար-  
 38 քելաք զնա : Եւ նա ասէ, Մի՛ արգե-  
 լուք զնա, զի ոչ ոք է որ առնէ զօ-  
 ռութիւնս յանուն իմ, եւ կարիցէ հայ-  
 39 նդիւ զիս\* : Զի որ ոչն է ընդ մեզ հա-  
 40 կառակ՝ ի մեր կոյս է : Եւ որ ոք ար-  
 բուցէ ձեզ ջուր բաժակաւ յանունս  
 յայս՝ թէ դուք Քրիստոսի էք, ամէն  
 41 ասեմ ձեզ, մի՛ կորուսցէ զվարձս իւր :  
 Եւ որ ոք գայթակղեցուցէ զմի ի փո-  
 քրկանցս որ հաւատան յիս, լաւ էր  
 նմա առաւել եթէ արկեալ էր ընդ պա-  
 րանոց նորա երկան իշոյ, եւ ընկեց-  
 42 եալ ի ծով : Եւ եթէ գայթակղեցուցէ  
 զքեզ ձեռն քո, հատ ընկեալ ի քէն .  
 զի լաւ իցէ քեզ խեղ մտանել ի կեանսն  
 յաւիտենից, քան երկուս ձեռս ունել  
 եւ երթալ ի դեհնն ի հուրն անշէջ :  
 44 Եւ եթէ ոտն քո գայթակղեցուցէ  
 զքեզ, հատ ընկեալ զնա ի քէն . լաւ  
 իցէ քեզ կաղ մտանել ի կեանսն յա-  
 վիտենից, քան երկուս ոտս ունել եւ  
 46 անկանել ի դեհնն : Եւ եթէ ակն քո  
 գայթակղեցուցէ զքեզ, հան զնա ի  
 բաց . լաւ իցէ քեզ միով ակամբ մտա-  
 նել յարքայութիւն Աստուծոյ, քան  
 երկուս աչս ունել եւ անկանել ի գե-  
 47 հնն : Ուր որդն նոցա ոչ մեռանի եւ

\* Ո՛վս, ձեզ  
 \* Ո՛վս, ձեզ  
 \* Ո՛վս, յանուն իմ  
 \* ի Յոաննէս զմեզ  
 \* Ո՛վս, յաւիտենից, 43 Ուր որքն նոցա ոչ մե-  
 րանի, և հուրն ոչ շրջանի :  
 \* Ո՛վս, գեհնն ի հուրն անշէջ  
 \* Ո՛վս, յաւիտենից, 45 Ուր որքն նոցա ոչ մե-  
 րանի, և հուրն ոչ շրջանի :

48 հուրն ոչ շրջանի : Զի ամենայն օրն  
 49 հրով յաղեսցի\* : Բարեոք է աղ . եւ  
 եթէ աղն անհամեսցի, ի՛նչ համեմեսցի .  
 արդ դուք կալարուք յանձինս ձեր  
 զաղն, եւ խաղաղութիւն արարէք ընդ  
 միմեանս :

ԳԼ. Ժ

1 ԶԳ. Եւ անտի յարուցեալ զայ ի Թաւ-  
 մանս Հրէաստանի յայնկոյա Յորդա-  
 նանու . եւ երթայր զարձեալ խոնեալ  
 ժողովուրդն առնա, եւ որպէս սովոր  
 էր, միւսանգամ ուսուցանէր զնոսա :  
 2 Իսկ փարիսեցիքն մատուցեալ փոր-  
 ձելով հարցանէին զնա եւ ասէին, Եթէ  
 Արժա՞ն իցէ առն զկին իւր արձակել,  
 3 նա պատասխանի ետ նոցա եւ ասէ,  
 4 Զի՞նչ պատուիրեաց ձեզ Մովսէս : Եւ  
 նոքա ասեն, Մովսէս հրաման ետ գիր  
 5 մեկնելոյ գրել եւ արձակել, Պատաս-  
 խանի ետ Յիսուս եւ ասէ ցնոսա,  
 Վասն խառնարտութեան ձերոյ զրեաց  
 6 ձեզ զպատուիրանն զայն . Այլ իսկզբա-  
 նէ արարածոց արու եւ էգ արար  
 7 զնոսա Աստուած, եւ ասէ, Վասն այ-  
 սորիկ թողցէ այր զհայր իւր եւ զմայր,  
 8 եւ երթիցէ զհետ կնոջ իւրոյ, Եւ ե-  
 ղիցին երկուքն ի մարմին մի, եւ այ-  
 նուհետեւ ոչ են երկուս, այլ՝ մարմին  
 9 մի : Արդ զոր Աստուած զուգեաց,  
 10 մարդ մի՛ մեկնեացէ : Եւ ի տան դար-  
 ձեալ աշակերտքն զնոյն հարցին ցնա :  
 11 Եւ ասէ ցնոսա, Եթէ այր արձակեացէ  
 12 զկին իւր եւ արասցէ այլ, չնայ : Եւ  
 կին եթէ ելցէ յառնէ իւրով եւ եղիցի  
 առն այլում, չնայ :  
 13 ԶԵ. Եւ մատուցանէին առնա ման-  
 կտի, զի ձեռն զիցէ նոցա . իսկ աշա-  
 կերտքն սաստէին այնոցիկ որ մատու-  
 14 ցանէինն : Իրրեւ ետես Յիսուս, բար-  
 կացեալ սաստեաց նոցա եւ ասէ, Թոյլ  
 տուք մանկուոյդ զայ առ իս, եւ մի՛  
 արգելուք զզոսա : զի այդպիսեացդ է  
 15 արքայութիւն Աստուծոյ : Ամէն ասեմ  
 ձեզ, Որ ոչ ընկալցի զարքայութիւն  
 Աստուծոյ իբրեւ զմանուկ՝ ոչ մտցէ  
 16 ի նա : Եւ առեալ զնոսա ի գիրկս՝ ձեռն  
 եղ ի վերայ եւ օրհնեաց զնոսա :

\* Ո՛վս, ոք  
 \* Ո՛վս, յաւիտենից, և Գալիլայն զո՛հ աղիւս յա-  
 ղեսցի :

47 Եւ ընդ ելանեն նորա անտի ի ճա-  
նապարհ, հաւաասիկ ոմն մեծատուն  
ընթացեալ ի ծուռ իջանէր, հարցա-  
նէր ցնա եւ ասէր, Վարդապետ բարի,  
48 նականս ժառանգեցից։ Եւ Յիսուս  
ասէ ցնա, Զի՞ ասես զիս բարի։ Ի՞նչ  
49 ոք բարի բայց մի Աստուած։ Զպատ-  
ուիրանս զիտես։ Մի՛ չնար, Մի՛ սպա-  
նաներ, Մի՛ գողանար, Մի՛ սուտ  
վկայեր, Պատուեա զհայր քո եւ զմայր։  
50 Նա պատասխանի ետ եւ ասէ ցնա,  
Վարդապետ, զայդ ամենայն արարի  
ի մանկութենէ իմմէ, շարդ զի՛նչ եւս  
51 պակաս իցեմ։ Եւ Յիսուս հայեցեալ  
ի նա՝ սիրեաց զնա, եւ ասէ ցնա, Մի  
ինչ պակասէ ի քէն։ Եթէ կամիս կա-  
տարեալ լինել, երթ, զոր ինչ ունիս  
վաճառես եւ տուր աղքատաց, եւ ու-  
նիցիր զանձս յերկինս։ Եւ առ զիսչն  
52 եւ եկ զկնի իմ։ Եւ նա խոժոռեալ  
ընդ բանն՝ զնաց տրտում, զի ունէր  
53 ինչս բազումս։ Եւ հայեցեալ յայսկոյս  
յայնկոյս Յիսուս՝ ասէ ցաշակերտսն,  
Զիարդ դժուարին է որ զինչսդ ունին,  
54 մտանել յարքայութիւն Աստուծոյ։ Եւ  
աշակերտքն զարմացեալ էին ի վերայ  
բանիցն նորա։ Իսկ Յիսուս դարձեալ  
պատասխանի ետ նոցա եւ ասէ, Որ-  
դեակք, ո՛րչափ դժուարին է յուսա-  
ցելոց յինչս մտանել յարքայութիւն  
55 Աստուծոյ։ Դիւրին է մալխոյ ընդ ծակ  
ասղան անդանել, քան մեծատան յար-  
56 քայութիւն Աստուծոյ մտանել։ Եւ  
նոքա առաւել իւս զարմանային եւ աս-  
էին ընդ միմեանս, Իսկ ո՞վ կարաս-  
57 ցէ ապրել, Հայեցեալ ընդ նոսա Յի-  
սուս ասէ, Առ ի մարդկանէ այդ ան-  
հարին է, այլ ոչ առ յԱստուծոյ՝  
58 ԶԷ. Սկսաւ ասել ցնա Պետրոս, Ա-  
հաւասիկ մեք թողաք զամենայն եւ  
59 եկաք զկնի քո։ Պատասխանի ետ Յի-  
սուս եւ ասէ, Ամէն ասեմ ձեզ, Ոչ  
ոք է որ եթող զտուն կամ զեղբարս  
կամ զքորս կամ զհայր կամ զմայր  
կամ զորդիս կամ զազարակս վասն  
30 իմ՝ կամ վասն աւետարանին, Եթէ ոչ

առնուցու հարիւրապատիկ այժմ յայսմ  
ժամանակի տունս եւ եղբարս եւ քորս  
եւ մարս եւ որդիս եւ ազարակս հա-  
լածանօք հանդերձ, եւ յաշխարհին որ  
գալոց է՝ զկեանսն յաւիտենականս։  
31 Զի բազումք եղիցին առաջինք՝ յե-  
տինք, եւ յետինք՝ առաջինք։

32 Եւ էին ի ճանապարհի մինչդեռ ե-  
լանէին յերուսաղէմ։ Եւ երթայր Յի-  
սուս առաջի քան զնոսա, եւ զարմա-  
ցեալ էին որ զհետն երթային եւ եր-  
կընչէին։

33 ԶԷ. Եւ առեալ միւսանգամ զերկո-  
տասանն առանձինն, սկսաւ ասել  
նոցա զինչ անցք անցանելոց իցնն ընդ

34 նա. Թէ Ահաւասիկ ելանեմք յերու-  
սաղէմ, եւ Որդի մարդոյ մատնեսցի  
քահանայութիւնս եւ դպրաց, եւ դա-  
տնեսցին զնա ի մահ, եւ մատնեսցեն

35 զնա հեթանոսաց։ Եւ կատակեսցեն  
զնովաւ, եւ հարկանիցեն զնա, եւ  
թքանիցեն ի նա եւ սպանցեն, եւ յե-  
րիւր աւուր յարիցէ։

36 Եւ երթային առ նովաւ Յակովբոս  
եւ Յովնանէս որդիքն Զեբեդեայ, եւ  
ասեն ցնա, Վարդապետ, կամիմք զի  
զոր ինչ խնդրեսցուք ի քէն՝ արասցես

37 մեզ։ Եւ նա ասէ ցնոսա, Զի՛նչ կա-  
տեն ցնա, Տուր մեզ զի նստոցուք մի  
յաջմէ քումմէ եւ մի յահեկէ ի փառան

38 քումմ։ Պատասխանի ետ Յիսուս եւ  
ասէ ցնոսա, Ոչ գիտէք զինչ խնդրէք.  
կարէ՞ք ըմպել զքաժակն զոր ես ըմ-  
պելոց եմ, կամ զմկրտութիւնն մկրտել

39 զոր ես մկրտելոցն եմ։ Եւ նոքա ա-  
սեն ցնա, Կարեմք. եւ Յիսուս առէ  
ցնոսա, Զքաժակն զոր ես ըմպելոց  
եմ՝ ըմպիցէք, եւ զմկրտութիւնն զոր

40 ես մկրտելոցն եմ՝ մկրտիցիք։ Այլ նրա-  
տուցանել ընդ աջմէ իմմէ եւ ընդ ա-  
հեկէ՝ ոչ է իմ տալ, այլ որոց պատու-

41 րաստեալ իցէ։ Եւ լուեալ զայն տա-  
սանցն՝ սկսան բարկանալ Յակովբայ  
42 եւ Յովնանուն։ Եւ Յիսուս կոչեաց  
զնոսա առ ինքն, եւ առէ ցնոսա, Դի-  
տէք զի որ յանուան իշխանքն են հե-  
թանոսաց՝ տիրեն նոցա. եւ մեծամեծք

43 նոցա իշխեն նոցա։ Ոչ նոյնպէս իցէ  
եւ ի ձերում միջի. այլ որ կամիցի  
ի ձէնջ մեծ լինել՝ եղիցի ձեր պաշտօ-

44 նեայ։ Եւ որ կամիցի ի ձէնջ առաջին

1 Բազումս յաւիտեան, Մի՛ զրկեր,

2 Ի բազումս զաւետեան

3 Բազումս յաւիտեան, զի ամենայն ինչ Հնարաւոր  
է առ ի յԱստուծոյ

4 Բազումս, զկնի կամ զորդիս

5 Բազումս, եւ

45 լինել՝ եղիցի ամենեցուն ծառայ: Քան-  
զի եւ Որդի մարդոյ ոչ եկն անուել  
պաշտօն, այլ պաշտել եւ տալ զանձն  
իւր փրկանս փոխանակ բազմաց:  
46 Եւ. Եւ գան յերիքով. եւ ընդ ելա-  
նելն նորա յերիքովէ աշակերտօքն եւ  
բազում ժողովրդովք, որդի Տիմէի  
Բարտիմէոս կոյր նստէր մուրացիկ  
47 յանցս ճանապարհի: Իբրեւ լուաւ թէ  
Յիսուս նազովրեցի է, սկսաւ աղա-  
ղակել եւ ասել, Որդի Դաւթի, Յի-  
սուս, ողորմեաց ինձ: Եւ սաստէին  
նմա բազումք զի լուսցէ. եւ նա ա-  
ռաւել եւս աղաղակէր, Որդի Դաւթի,  
48 ողորմեաց ինձ: Զտեղի առ Յիսուս եւ  
հրամայեաց կոչել զնա. կոչեն զկոյրն  
եւ ասին ցնա, Քաջաբեռեաց, արի,  
49 կոչէ զքեզ. Եւ նորա ընկեցեալ զծորձս  
50 իւր՝ յարեաւ եկն առ Յիսուս: Պատաս-  
խանի ետ նմա Յիսուս եւ ասէ, Զի նչ  
կամիս թէ արարից քեզ. ասէ ցնա  
51 կոյրն, Ռաբբունի, զի բացայց: Եւ  
Յիսուս ասէ ցնա, Երթ, հաւատք քո  
կեցուցին զքեզ. եւ վաղվաղակի բա-  
ցաւ, եւ երթայր զհետ նորա ի ճա-  
նապարհին:

ԳԼ. ԺԱ

4 Եւ յորժամ մերձ եղին յերուսաղէմ,  
ի Բեթփաղէ եւ ի Բեթանիա, մօտ ի  
լեառն Զիթենեաց, առաքէ երկուս յա-  
շակերտաց անտի, Եւ ասէ ցնոսա,  
Երթա՛ք զուք ի գեղդ որ ընդդէմ ձեր  
կայ. եւ նոյնժամայն իբրեւ մօտնէք  
ի նա, գտանիցէք յաւանակ մի կապ-  
եալ, յորոյ վերայ ոչ ոք ի մարդկանէ  
3 նստաւ. լուծէք զնա եւ ածէք: Եւ  
եթէ ոք ասասցէ ձեզ եթէ Զի լուծանէք  
զյաւանակդ, ասասցիք եթէ Տեառն  
իւրում պիտոյ է. եւ վաղվաղակի ա-  
ռաքեսցէ զնա այսր: Զոգան եւ գտին  
զյաւանակն կապեալ առ դուռս ար-  
տաքոյ ի փողոցի անդ, եւ լուծին զնա:  
5 Եւ ոմանք յորոց անոյն կային՝ ասին  
ցնոսա, Զի՞ դորձէք զի լուծանէք  
6 զյաւանակդ: Եւ նոքա ասին ցնոսա  
որպէս ասացն Յիսուս. եւ թոյլ հտուն  
7 նոցա, Ածեն զյաւանակն առ Յիսուս,  
եւ արկանեն ի վերայ նորա հանդերձս,  
8 եւ նստաւ ի վերայ նորա: Եւ բա-  
զումք զհանդերձս իւրեանց տարածա-

նէին ի վերայ ճանապարհին, եւ այլք  
ոստս ի ծառոց հատանէին եւ արկա-  
9 նէին զճանապարհաւն: Եւ որ առա-  
ջին եւ զկնի երթային՝ աղաղակէին եւ  
ասէին, Ովսաննա՛ Բարձրելոյն, օր-  
10 նեալ որ գասդ յանուն Տեառն: Օր-  
նեալ թագաւորութիւնդ եկեալ հօր  
մերոյ Դաւթի: Քաղաղութիւն յեր-  
կինս եւ փառք՝ ի բարձունս:  
11 Եւ եմուտ Յիսուս յերուսաղէմ, ի  
տաճարն, եւ հայեցաւ շուրջ զամենե-  
քումբք. եւ զի էր երեկոյացեալ ժամն,  
եւ ի Բեթանիա երկոտասանիւքն հան-  
դերձ:  
12 Եւ. Եւ ի վաղիւ անդր մինչդեռ ե-  
13 լանէին ի Բեթանիայ, քաղցեաւ: Եւ  
ետես թզնի մի ի բացուտ տերեւա-  
լից. եւ եկն թէ գտանիցէ ինչ ի նմա.  
եւ իբրեւ եկն ի նա, ոչինչ եգիտ բայց  
միայն տերեւ, զի ոչ իսկ էր ժամանակ  
14 թղոյ: Պատասխանի ետ եւ ասէ ցնա,  
Մի՛ եւս ոք յաւիտեան ի քէն պտուղ  
կերիցէ. եւ լսէին աշակերտքն նորա:  
15 Քան յերուսաղէմ. եւ մտեալ ի տա-  
ճարն՝ սկսաւ հանել զվաճառականն  
եւ զգնողս որ էին ի տաճարին. եւ  
զսեղանս հատավաճառացն ցրուեաց,  
եւ զաթոռս աղանձեմաճառացն կոր-  
16 ծանեաց. Եւ ոչ թողոյր եթէ ոք ա-  
նօթ ինչ անցուցանիցէ ընդ տաճարն:  
17 Եւ ուսուցանէր եւ ասէր ցնոսա,  
Յփրեալ է՞, թէ Տուն իմ տուն աղօ-  
թից կոչեցի ամենայն հեթանոսաց,  
եւ զուք արարէք զզա այսս աւազա-  
18 կայ: Լուան քահանայապետքն եւ  
գպիրք, եւ խնդրէին թէ ո՛րպէս կո-  
րուցին զնա, բայց երկնչէին ի նմանէ.  
զի ամենայն ժողովուրդն զարմացեալ  
19 էր ընդ ուսումն նորա: Եւ իբրեւ ե-  
րեկոյ լինէր, արտաքոյ քան զքաղաքն  
Նիւանէին:  
20 Եւ մինչդեռ այգուցն առ նովաւ ան-  
ցանէին, տեսին զթզնիին դամաքեալ  
21 յարմատոց: Յիշեաց Պետրոս եւ ասէ  
ցնա, Ռարբի, ահաւասիկ թզնիին զոր  
22 անիծելի՛ դամաքեցաւ: Պատասխանի  
ետ Յիսուս եւ ասէ ցնոսա, Եթէ ու-

1 Ի Բեթանիա գաւառի

2 Բեթանիա, Ովսաննա

3 Բեթանիա, Զիցէ գրեալ

4 Բեթանիա, Երանէր

5 Բեթանիա, Եղիցին ձեր հաւատք յԱստուծո:

23 նիցիք զհաւատան Աստուծոյ,՝ Ամէն ասեմ ձեզ, Որ ոք ասիցէ յերինս այսմիկ, Բարձիր եւ անկիր ի ծով, եւ ոչ երկմտիցէ ի սրտի իւրում, այլ հաւատայցէ թէ զոր ասէն՝ լինի, եղիցի նմա

24 զոր ինչ եւ ասիցէ, Վասն այսորիկ ասեմ ձեզ, Ամենայն ինչ վասն որոյ աղօթս արարեալ խնդրիցէք, եւ հաւատայցէք թէ առնուցուք, եղիցի ձեզ:

25 Եւ յորժամ յաղօթս կայցէք, թողուցուք եթէ ունիցիք ինչ զուժեք. զի եւ Հայրն ձեր որ յերկինս է՝ թողցէ

26 ձեզ զյանցանս ձեր: Զի եթէ դուք ոչ թողուցուք, եւ ոչ Հայրն ձեր որ յերկինս է՝ թողցէ ձեզ զյանցանս ձեր:

27 Էֆ. Գրան միւսանգամ յերուսաղէմ, եւ մինչդեռ ի տաճարի անդ զգնայր, գան առ նա քահանայապետքն եւ

28 զպիրք եւ ծերք: Եւ ասենցնա, Որո՞վ իշխանութեամբ առնես զայդ, եւ ո՞վ

29 ետ քեզ զիշխանութիւնդ զայդ: Պատասխանի ետ Յիսուս եւ ասէ ցնոսա, Հարցից եւ ես զձեզ բան մի, տուք ինձ պատասխանի. եւ ես ասացից ձեզ որով իշխանութեամբ առնեմ զայս:

30 Մկրտութիւնն Յովնաննու յերկնից էր թէ ի մարդկանէ, տուք ինձ պատասխանի:

31 Խանի յորհէին ընդ միմեանս եւ ասէին, Եթէ ասեմք եթէ Յերկնից, ասէցմեզ, Իսկ ընդէ՞ր ոչ հաւատացէք նմա:

32 Այլ եթէ ասեմք, Ի մարդկանէ, ի երկրնչիմք ի ժողովրդենէն, զի ամենեքին գիտէին զՅովնաննէս թէ մար-

33 գարէ էր: Պատասխանի ետուն եւ ասեն Յիսուս, Զգիտեմք. եւ Յիսուս ետ նոցա պատասխանի եւ ասէ, Եւ ոչ ես ասեմ ձեզ որով իշխանութեամբ առնեմ զայս:

## ՔԼ. ԺԲ

1 Եւ սկսաւ խօսել ընդ նոսա առաւօք<sup>2</sup> եւ ասել, Այր մի տնկեաց այգի եւ ած շուրջ զնովաւ ցանդ, եւ գուր հնձան փորեաց եւ շինեաց աշտարակ, եւ ետ զնա ցմշակս եւ գնաց ի տար-

2 աշխարհ: Եւ առաքեաց առ մշակսն ի ժամանակի ծառայ մի, զի ի մշակաց

3 անտի առցէ ի պտղոյ այգւոյն: Եւ նոցա կալեալ՝ գան հարին զնա եւ ար-

4 ձակեցին ունայն: Գարձեալ առաքեաց առ նոսա այլ ծառայ, եւ զնա կառափնատեցին եւ արձակեցին անարգ-

5 եալ: Եւ դարձեալ այլ առաքեաց, եւ զնա սպանին. եւ զքաղուժս այս՝ զոմանս հարկանէին եւ զոմանս սպանա-

6 նէին: Ապա որդի մի էր իւր սիրելի, զնա առաքեաց առ նոսա յետոյ, եւ ասէ, Թերեւս ամաչեացեն յորդոյ ա-

7 տի իմմէ: Իսկ մշակքն իրեւ տեսին զնա թէ գայ, ասեն ցմիմեանս, Սա է ժառանգն, եկայք սպանցուք զսա, եւ

8 մեր լիցի ժառանգութիւնն: Եւ կալեալ զնա սպանին եւ հանին արտա-

9 քոյ այգւոյն: Արդ զի՞նչ արասցէ տէր այգւոյն. եկեսցէ եւ կորուսցէ զմըշակսն, եւ տացէ զայգին ի ձեռս այ-

10 լոց: Եւ ո՞չ զգիրն զայն իցէ ընթերցեալ ձեր, թէ Զվէմն զոր անարգեցին շինողքն, նա եղեւ զլուսն անկեան:

11 Ի Տեառնէ եղեւ այս, եւ է սքանչելի յաշս մեր:

12 Եւ խնդրէին զնա ունել, եւ երկեան ի ժողովրդենէ անտի, զի գիտացին թէ առ նոսա ասաց զառակն. եւ թողին զնա եւ գնացին:

13 Եւ առաքեն առ նա զոմանս ի փարիսեցւոց անտի եւ ի Հերովդիանոսաց,

14 զի զնա որսացեն բանիւ: Եւ նոքա եկեալ<sup>3</sup> հարցանէին զնա նենգութեամբ եւ՝ ասէին, Վարդապետ, գիտեմք զի ճշմարիտ ես, եւ ոչինչ փոյթ է քեզ զուժեք. զի ոչ հայիս յերեսս մարդկան, այլ ճշմարտութեամբ զճանապարհն Աստուծոյ ուսուցանես. Յարդ ասա մեզ,՝ արժան է հարկ տալ Կայսեր եթէ ոչ. տացուք, թէ ոչ տա-

15 ցուք: Եւ Յիսուս գիտաց զկեղծաւորութիւն նոցա, ասէ ցնոսա, Զի՞ փորձէք զիս, ի կեղծաւորք. բերէք ինձ

16 դահեկան մի զի տեսից: Եւ նոքա բերին. եւ ասէ ցնոսա, Ո՞յր է պատկերս այս կամ գիր. եւ նոքա ասին ցնա,

17 Կայսեր: Պատասխանի ետ Յիսուս եւ ասէ ցնոսա, <sup>4</sup>Երթայք, տուք զԿայսերն Կայսեր, եւ զԱստուծոյն՝ Աստուծոյ. եւ զարմացան ընդ նա:

18 Էֆ. Գրան առ նա սաղուկեցիքն որ ասեն թէ Զիք յարութիւն: Հարցա-

19 նէին ցնա եւ ասէին, Վարդապետ,

<sup>1</sup> Բաւաւ, երկնէին<sup>2</sup> Ի Յաւի գաւառի<sup>3</sup> Ի Բաւաւ գաւառի<sup>4</sup> Ի Յաւի գաւառի

Մովսէս գրեաց մեզ եթէ ուրուք եղ-  
բայր մեռանիցի եւ թողուցու կին եւ  
որդի ոչ թողուցու, զի առցէ եղբայր  
նորա զկինն նորա, եւ յարուսցէ զա-  
20ւակ եղբոր իւրում: Արդ եղբարք եւթն  
էին՝ առ մեզ՝: առաջինն առ կին եւ  
21մեռաւ, եւ ոչ եթող զաւակ: Եւ երկ-  
րորդն առ զնոյն եւ մեռաւ, եւ ոչ նա  
եթող զաւակ: Նոյնպէս եւ երրորդն  
22առ զնոյն: Եւ եւթնեքեան իսկ՝ եւ ոչ  
թողին զաւակ: յետ ամենեցուն մե-  
23ռաւ եւ կինն: Արդ ի յարութեանն  
յորժամ յառնիցեն, ո՛ր ի նոցանէ լի-  
նիցի կինն: զի եւթնեքեան կալան  
24զնա կին, Պատասխանի ետ Յիսուս  
եւ ասէ ցնոսա, Ո՛չ վասն այդորիկ իսկ  
մոլորեալ էք, զի ոչ զիտէք զԴիրս եւ  
25ոչ զգորութիւնն Աստուծոյ: Զի յոր-  
ժամ ի մեռելոց յարիցեն, ոչ արք կա-  
նայս առնեն, եւ ոչ կանայք արանց  
լինին, այլ իբրեւ զհրեշտակս իցեն որ  
26յերկինսն են: Այլ վասն յարութեան  
մեռելոց զի յառնեն, ո՛չ իցէ ընթեր-  
ցեալ ձեր ի գիրսն Մովսիսի ի մորեն-  
ւոյն, որպէս ասաց ցնա Աստուած,  
Ես եմ, ասէ, Աստուած Արրահամու,  
Աստուած Իսահակայ եւ Աստուած Յա-  
27կովբայ: Եւ ոչ է Աստուած մեռելոց,  
այլ՝ կենդանեաց: Եւ արդ դուք յոյժ  
մոլորեալ էք:  
28 Եւ մատուցեալ մի ոմն ի դպրացն՝  
լսէր նոցա մինչ վիճէինն: Իբրեւ ետես  
թէ բարւոք ետ նոցա զպատասխանին,  
հարց ցնա՝ Եւ ասէ՝, Ո՛ր պատուի-  
29բան է՝ առաջին: Եւ Յիսուս ասէ ցնա,  
Առաջին քան զամենայն՝ Լուր, Իսրա-  
յէլ, Տէր Աստուած մեր Տէր մի է:  
30 Եւ սիրեսցես զՏէր Աստուած քո յա-  
մենայն սրտէ քումմէ, եւ յամենայն  
անձնէ քումմէ, եւ յամենայն մտաց  
քոց, եւ յամենայն զօրութենէ քումմէ:  
31 այս է առաջին պատուիրան: Եւ երկ-  
րորդն նման սմին, Սիրեսցես զընկեր  
քո իբրեւ զանձն քո: մեծ քան զսոսա  
32այլ պատուիրան ոչ գոյ: Եւ ասէ ցնա  
դպիրն, Բարւոք է, վարդապետ, ճշ-  
մարտութեամբ ասացեր թէ մի է Աս-  
տուած, եւ ոչ գոյ այլ բաց ի նմանէ:

33 Եւ սիրելն զնա յամենայն սրտէ՝ եւ յա-  
մենայն զօրութենէ եւ յամենայն մտաց,  
եւ սիրելն զընկերն իբրեւ զանձն, առա-  
34ւել է՝ քան զողջակէզս եւ զզոհս: Եւ  
տեսեալ Յիսուսի թէ իմաստութեամբ  
ետ զպատասխանին՝ ասէ ցնա, Զես  
հեռի յարքայութենէն Աստուծոյ: Եւ  
ոչ եւս ոք իշխէր ինչ հարցանել ցնա:  
35 Է՛ծ: Պատասխանի ետ Յիսուս եւ  
ասէ, մինչ ուսուցանէր ի տաճարին,  
Զիա՛րդ ասեն դպիրքն թէ Քրիստոսն  
36որդի Դաւթի է: Եւ ինքն Դաւիթ  
Հոգւովն Սրբով ասէ, Ասաց Տէր ցՏէր  
իմ, Նիստ ընդ աջմէ իմմէ, մինչեւ  
եղից զթշնամիս քո պատուանդան ու-  
37տից քոց: Արդ եթէ ինքն իսկ Դաւիթ  
զնա Տէր կոչէ, զիա՛րդ իցէ որդի նո-  
րա: Եւ բազում ժողովուրդ լսէր նմա  
քաղցրութեամբ:  
38 Եւ ճասէր ուսուցանելով՝ ի վար-  
դապետութեան իւրում, Զգոյշ լիւրք  
ի դպրաց անտի, որ կամին ի հանդերձս  
երեւելիս չըջել, Դճախողջոյնս խընդ-  
39րել ի հրապարակս, Եւ զնախաթոս  
ի ժողովուրդս, եւ զգահազրուխս յընթ-  
40րիս: Որ ուտեն զտունս այրեաց, պատ-  
ճառանօք յերկարեալ զաղօթս, զի ա-  
ւելի եւս դատաստանս ընկալցին:  
41 Կայր Յիսուս ընդդէմ գանձանակին,  
տեսանէր թէ զիա՛րդ ժողովուրդն ար-  
կանէր պղինձ ի գանձանակն: Եւ բա-  
զում մեծատունք արկին բազում ինչ:  
42 Եկն այրի մի եւ արկ երկուս լումայս,  
43 որ է նաքարակիտ մի: Եւ կոչեցեալ  
առ ինքն զաշակերտսն իւր ասէ ցնոսա,  
Ամէն ասեմ ձեզ, զի այրին այն տա-  
ռապեալ չատ արկ քան զամենեսեան  
44 որ արկին ի գանձանակն: Քանզի ա-  
մենեքին յաւելորդաց իւրեանց արկին,  
այլ նա ի չքաւորութենէ իւրմէ՝ զա-  
մենայն ինչ զոր ունէր արկ գոյիւ չափ  
զկեանս իւր:

ԳԼ. ԺԳ

1 Է՛Ջ. Եւ յեկանելն նորա ի տաճարէ  
անտի, ասէ ցնա մի յաշակերտաց նո-  
րա, Վարդապետ, տես որպիսի՛ են  
2քարինքս, եւ որպիսի՛ շինուածք: Պա-

1ի բազմաթիւ պատգամներ  
2ի Յիսուսի պատգամներ  
3ի Յիսուսի, առաջին քան զամենայն

4Ո՛րք, յաւելում, և յամենայն անձնէ  
5Յիսուս, քան զամենայն  
6Բազմաթիւ, ասէր ցնոսա 7Յիսուս, զընդուն

տասխանի ետ նմա Յիսուս եւ ասէ,  
Տեսանե՞ս զայդ <sup>1</sup>ամենայն շինուածս .  
<sup>2</sup>ամէն ասեմ ձեզ եթէ՝ Ոչ թողցի այդը-  
քար ի քարի վերայ որ ոչ քակտեսցի .  
<sup>3</sup> Եւ մինչ նստէր նա ի լերինն Ձիթեն-  
եաց յանդիման տաճարին, հարցանէին  
ցնա առանձինն Պետրոս եւ Յակովբոս  
<sup>4</sup> եւ Յովնանէս եւ Անդրէաս, Ասա մեզ  
երբ լինիցի այդ, եւ զի՞նչ նշան է  
յորժամ կատարելոց իցէ այդ ամենայն .  
<sup>5</sup> Պատասխանի ետ Յիսուս եւ ասէ ցնո-  
սա, Ձգոյ՜ ի կացէք, մի՛ ոք զձեզ խա-  
<sup>6</sup> բեսցէ . Ձի բազումք եկեսցեն յանուն  
իմ, եւ ասիցեն թէ Ես եմ <sup>2</sup>Քրիստոսն,  
<sup>7</sup> եւ զբազումս մոլորեցուցեն . Այլ յոր-  
ժամ լսիցէք պատերազմունս եւ համ-  
բաս պատերազմուց, մի՛ խռովիցիք,  
զի պարտ է լինել, բայց չեւ է կատա-  
<sup>8</sup> րածն . Ձի յարիցէ ազգ յազգի վերայ,  
եւ թաղաւորութիւն ի թաղաւորու-  
թեան վերայ, եւ եղիցին շարժումնք  
ի տեղիս տեղիս, սովք <sup>3</sup>եւ սրածու-  
թիւնք՝ <sup>4</sup>եւ խռովութիւնք՝ . այլ այն  
<sup>9</sup> ամենայն սկիզբն է երկանց . <sup>5</sup>Եւ զձեզ  
իսկ մատնեսցեն յատեանս, եւ ի ժո-  
ղովուրդս տանջիցիք, եւ առաջի դա-  
տաւորաց եւ թագաւորաց կայցէք  
վասն իմ ի վկայութիւն նոցա, <sup>6</sup>եւ ա-  
<sup>10</sup> մենայն հեթանոսաց . Բայց նախ պարտ  
<sup>11</sup> է աւետարանիս քարոզել . Այլ յորժամ  
տանիցին զձեզ մատնել, մի՛ յառաջա-  
դոյն հոգայցէք, եւ մի՛ զմտաւ ածի-  
ցէք թէ զի՞նչ խօսիցիք . այլ որ ինչ  
տացի ձեզ ի ժամուն յայնմիկ՝ զայն  
խօսիցիք . զի ոչ դուք էք որ խօսի-  
<sup>12</sup> ցիքն, այլ՝ Հոգին Սուրբ . Մատնեսցէ  
եղբայր զեղբայր ի մահ, եւ հայր՝ զոր-  
դի . եւ յարիցեն որդիք ի վերայ հարց  
<sup>13</sup> եւ սպանանիցեն գնոսա . Եւ եղիջիք  
ատեցեալք յամենեցունց վասն անուան  
իմոյ, այլ որ համբերեսցէն ի սպառ-  
նա կեցցէ .  
<sup>14</sup> Եւ յորժամ տեսանիցէք զպղծութիւն  
աւերածին<sup>7</sup>, զի կայցէ ի տեղում յ ուր

չիցէ արժան, (որ ընթեռնուն ի միտ  
առցէ .) յայնժամ որ ի Հրէաստանի իցեն՝  
<sup>15</sup> փախիցեն ի լերինս . Եւ որ ի վերայ  
տանեսացն իցէ՝ մի՛ իջցէ ի տուն, եւ  
մի՛ մոցէ բառնալ ինչ ի տանէ իւրմէ .  
<sup>16</sup> Եւ որ յազարակին իցէ՝ մի՛ զարձցի  
<sup>17</sup> յետս առնուլ զձորձս իւր . Բայց վա՛յ  
իցէ յղեաց եւ ստնտուաց յաւուրսն  
<sup>18</sup> յայնոսիկ . Յաղօթս կացէք զի մի՛ ձմե-  
<sup>19</sup> րանի լինիցի այն . Եղիցին աւուրքն  
այնոքիկ նեղութեանց, որպիսի ոչ ե-  
ղեն երբեք այնպիսիք ի սկզբանէ ա-  
րարածոց մինչեւ ցայժմ, եւ մի՛ այլ  
<sup>20</sup> լիցի . Եւ եթէ ոչ էր կարճեալ <sup>8</sup>Աստու-  
ծոյ զաւուրսն զայնոսիկ <sup>2</sup>վասն ընտ-  
րելոց իւրոց, ոչ ապրէր ամենայն մար-  
մին . այլ վասն ընտրելոցն զորս ընտ-  
րեաց՝ կարճեաց զաւուրսն զայնոսիկ .  
<sup>21</sup> Յայնժամ եթէ ոք ասիցէ ձեզ եթէ Ա-  
հաւասիկ է Քրիստոսն կամ Աւանիկ,  
<sup>22</sup> մի՛ հաւատայցէք . Ձի յարիցեն սուտ  
քրիստոսք եւ սուտ մարգարէք, եւ  
տացեն նշանս եւ արուեստս առ ի մո-  
լորեցուցանելոյ, եթէ նոսր ինչ իցէ,  
<sup>23</sup> եւ զընտրեալսն . Բայց դուք զգոյ՜ եւ  
ղերուք, ահաւասիկ յառաջագոյն ա-  
սացի ձեզ զամենայն .  
<sup>24</sup> Այլ յաւուրսն յայնոսիկ յետ նեղու-  
թեանն այնորիկ արեգակն խաւարես-  
<sup>25</sup> ցի եւ լուսին ոչ տացէ զլոյս իւր . Եւ  
աստեղք յերկնից թօթափեսցին, եւ  
<sup>26</sup> զօրութիւնք յերկինս շարժեսցին . Եւ  
յայնժամ տեսցեն զՈրդի մարդոյ եկեալ  
ամպովք եւ զօրութեամբ եւ փառօք  
<sup>27</sup> բազմօք . Եւ յայնժամ առաքեսցէ զհրեշ-  
տակս իւր, եւ ժողովուցէ զընտրեալս  
իւր ի չորից հողմոց, ի ծագաց երկրի  
<sup>28</sup> մինչեւ ի ծագս երկնից . Բայց դուք  
ի թղենուոյ անտի ուսջիք զառակն .  
յորժամ տակաւ ոստքն նորա կակղա-  
նայցեն եւ տերեւ արձակիցի ի նմա,  
<sup>29</sup> գիտէք թէ մերձ է ամառն . Նոյնպէս  
եւ դուք յորժամ տեսանիցէք զայս  
ամենայն եղեալ, դիտաւջիք թէ մերձ  
<sup>30</sup> է առ դուրս . Ամէն ասեմ ձեզ թէ Ոչ  
անցցէ ազգս այս, մինչեւ այս ամե-  
<sup>31</sup> նայն եղիցի . Երկինք եւ երկիր անց-  
<sup>32</sup> ցեն, եւ բանք իմ ոչ անցանիցեն . Այլ  
վասն աւուրն այնորիկ եւ ժամու ոչ  
ոք գիտէ, ոչ հրեշտակք յերկինս եւ

<sup>1</sup> Եւն, մեծամեծ<sup>2</sup> Ի բնական գոյնով<sup>3</sup> Ի Եւնիս գոյնով<sup>4</sup> Եւնիս գոյնով<sup>5</sup> Բնական, Ձգոյ՜ լերուք անձանց, զի<sup>6</sup> Եւնիս, Եւ նախ յամենայն հեթանոսս պարտ է  
աւետարանիս քարոզել<sup>7</sup> Ունիս յաւելուն, որ ասացեալն է ի ձեռն Դա-  
նիելի մարգարէի<sup>8</sup> Բնական, Տեսաւ

33 ոչ Որդի, բայց միայն Հայր: Ջգոյշ ե-  
ղերուք, սկեցէք եւ կացէք յաղօթս, զի  
34 ոչ զիտէք երբ ժամանակն իցէ: Որպէս  
այր մի գնացեալ ի տարաշխարհ՝ թո-  
ղուցու զտուն իւր, եւ տայցէ ծառա-  
յից իւրոց իշխանութիւն, եւ իւրա-  
քանչիւր զգործ իւր, եւ զոնապանին  
պատուէր տայցէ, զի արթուն լինիցի:  
35 Արդ արթուն կացէք, զի ոչ զիտէք երբ  
տէր տանն գայցէ, յերեկորեայ, եթէ  
ի մէջ գիշերի, եթէ ի հաւախօսի, եթէ  
36 ընդ առաւօտս: Գուցէ եկեալ յանկար-  
37 ծակի՝ գտանիցէ զձեզ ի քուն: Բայց  
զոր ձեզդ ասեմ՝ ամենեցուն ասեմ,  
Արթուն կացէք:

## ԳԼ ԺԴ

1 Էէ. Եւ էր զատիկն եւ բաղարջակերք  
յետ երկուց աւուրց, խնդրէին քահա-  
նայապետքն եւ զպիրք եթէ զիարդ  
զնա նենգաւ կալեալ սպանանիցեն:  
2 Բայց ասէին թէ Մի՛ ի տօնի աստ, զի  
մի՛ խոռովութիւն լինիցի ի Ժողովրդ-  
դեանն:  
3 Եւ մինչ էր ի Բեթանիա ի տան Սի-  
մոնի բորոտի բազմեալ, եկն կին մի  
որ ունէր շիշ իւղոյ նարդեան ազնուի  
մեծագնոյ, եւ բեկեալ զշիշն՝ եհեղ ի  
4 վերայ գլխոյ նորա: <sup>1</sup>Եւ աշակերտքն՝  
զչարէին եւ ասէին, Ընդէ՛ր եղեւ կո-  
5 րուստ իւղոյդ այդորիկ: Մարթ էր  
զայդ եւղ վաճառել աւելի քան երեք  
հարեւր դահեկանի, եւ տալ աղքա-  
6 տաց. եւ զայրանային նմա յոյժ: Եւ  
Յիսուս ասէ ցնոսա, Թոյլ տուք զմա,  
զի՛ աշխատ առնէք, զի զործ մի բարի  
7 գործեաց զա յիս: Յամենայն ժամ զաղ-  
քատս ընդ ձեզ ունիք, եւ յորժամ  
կամիք, կարող էք առնել նոցա բարիս.  
այլ զիս ոչ յամենայն ժամ ընդ ձեզ  
8 ունիք: Դա զոր ունէրդ՝ արար. յա-  
ռաջագոյն խնկեաց զմարմին իմ ի նշան  
9 պատանաց, Ամէն ասեմ ձեզ, ուր եւ  
քարոզեսցի աւետարանս այս ընդ ա-  
մենայն աշխարհ, եւ զոր արար դա՝  
խօսեսցի վասն յիշատակի դորին:  
10 Եւ Յուդա Խակարիովտացի, մի յեր-  
կոտասանից անտի, զնաց առ քահա-  
նայապետսն զի մատնեցէ զնա նոցա:

<sup>1</sup>Բաւաւ, Եւ էին ոմանք որ

11 Նոքա իբրեւ լուան, խնդացին, եւ խոս-  
տացան տալ նմա արծաթ. եւ խնդրէր  
թէ զիարդ պարապով մատնեցէ զնա:  
12 Եւ յառաջնում աւուր բաղարջակե-  
րացն յորժամ զգատիկն զենուին, ա-  
սեն ցնա աշակերտքն, Ո՛ւր կամիս,  
երթիցուք պատրաստեսցուք զի կերի-  
13 ցես զգատիկն: Եւ առաքէ երկուս յա-  
շակերտաց անտի եւ ասէ ցնոսա, Եր-  
թայք ի քաղաք, եւ իբրեւ մտանիցէք  
ի քաղաքն, պատահեսցէ ձեզ այր մի  
որ սափոր ջրոյ յուս ունիցի, երթայք  
14 զհետ նորա: Եւ յոր տուն մտանիցէ,  
ասասլիք ցտանուտէրն, Վարդապետ  
ասէ, Ո՛ւր են իջեւանքն ուր աշա-  
15 կերտօքս ուտիցեմ զգատիկն: Եւ նա  
ցուցցէ ձեզ վերնատուն մի մեծ դար-  
դարեալ, անդ պատրաստեսլիք մեզ:  
16 Եւ զնացին պատրաստել աշակերտքն  
նորա. եկին ի քաղաքն եւ գտին որ-  
պէս ասացն նոցա, եւ պատրաստեցին  
զգատիկն:  
17 Եւ իբրեւ երեկոյ եղեւ, գայ երկո-  
18 տասանիւքն հանդերձ: Եւ իբրեւ բազ-  
մեցան եւ դեռ ուտէին, ասէ Յիսուս,  
Ամէն ասեմ ձեզ զի մի ոմն ի ձէնջ  
մատնելոց է զիս, որ ուտէ իսկ ընդ իս:  
19 Եւ նոքա սկսան տրտմել եւ ասել մի  
բոտ միողէ, Միթէ՛ ես իցեմ, եւ մեւան՝  
20 Միթէ՛ ես իցեմ: Նա պատասխանի ետ  
եւ ասէ ցնոսա, Մի յերկոտասանից  
այտի որ մխեաց ընդ իս ի սկաւառակդ:  
21 Այլ Որդի մարդոյ երթայ որպէս եւ  
գրեալ է վասն նորա, բայց վա՛յ իցէ  
մարդոյն այնմիկ՝ յոյր ձեռն Որդի մար-  
դոյ մատնեցի. լաւ էր նմա թէ չէր  
իսկ ծնեալ մարդն այն:  
22 Եւ մինչդեռ ուտէին, առեալ Յիսու-  
սի հաց՝ օրհնեաց եւ երեկ, ետնոցա եւ  
23 ասէ, <sup>2</sup>Առէք այդ է՛ մարմին իմ: Եւ  
առեալ բաժակ՝ զոհացաւ եւ ետնոցա,  
24 եւ արբին ի նմանէ ամենեքեան: Եւ  
ասէ ցնոսա, Այս է՛ արիւն իմ նորոյ  
ուխտի, որ փոխանակ բազմաց հեղու:  
25 Ամէն ասեմ ձեզ թէ ոչ եւս յաւելից  
ըմպել ի բերոյ որթոյ մինչեւ ցօրն ցայն,  
յորժամ արբից զնա նոր յարքայութեան  
Աստուծոյ:  
26 Եւ զոհացեալ ելին ի լեառն Զիթե-  
նեաց:

<sup>2</sup>Ո՛ւր, Աւէք, Կերէք

27 Եւ ասէ ցնոսա Յիսուս, Ամենեքին  
 գայթակղելոց էք յինէն յայսմ գիշերի .  
 զի գրեալ է թէ Հարից զհովիւն, եւ  
 28 ոչխարքն ցրուեացին: Այլ յետ յարու-  
 թեան իմոյ յառաջագոյն երթայց քան  
 29 զձեզ ի Գալիլեա: Պատասխանի ետ  
 Պետրոս եւ ասէ ցնա, Թէպէտ եւ ա-  
 մենեքեան գայթակղեցին, այլ ես ոչ:  
 30 Եւ ասէ ցնա Յիսուս, Ամէն ասեմ քեզ  
 թէ զու իսկ յայսմ գիշերի մինչեւ  
 31 զիս: Իսկ Պետրոս առաւել եւս պնդէր  
 եւ ասէր, Եթէ մեռանել եւս հասա-  
 նիցէ ընդ քեզ, զքեզ ոչ ուրացայց .  
 նոյնպէս եւ ամենեքեան ասէին:  
 32 Գան ի գեղն որում անուն էր Գեթ-  
 սեմանի, եւ ասէ ցաշակերտսն, Նստա-  
 րուք աստ, մինչեւ ես յաղօթս կացից:  
 33 Եւ առնու ընդ իւր զՊետրոս եւ զՅա-  
 կովորոս եւ զՅովհաննէս, եւ սկսաւ  
 34 տիրել եւ հոգալ: Յայնժամ ասէ ցնո-  
 սա, Տրտում է անձն իմ մինչեւ ի մահ,  
 35 մնացէք աստ եւ արթուն կացէք: Եւ  
 մատուցեալ սակաւիկ մի յառաջ, ան-  
 կաւ ի վերայ երեսաց իւրոց յերկիր .  
 եւ կայր յաղօթս, զի եթէ հնար ինչ  
 36 է, անցցէ ի նմանէ ժամն: Եւ ասէ,  
 Աբբա Հայր, ամենայն ինչ քեզ հնա-  
 րաւոր է, անցո գրաժակս զայս յինէն .  
 բայց ոչ որպէս ես կամիմ, այլ որպէս  
 37 զու կամիս: Եւ զայ գտանէ զնոսա  
 զի ննջէին, եւ ասէ ցՊետրոս, Սիրմփն,  
 ննջես: ոչ կարացեր ժամ մի արթուն  
 38 կալ: Արթուն կացէք եւ յաղօթս կա-  
 ցէք, զի մի՛ մտջիք ի փորձութիւն .  
 ոգիս յօժար է, բայց մարմինս տկար:  
 39 Եւ դարձեալ չոգաւ եկաց յաղօթս, եւ  
 40 զնոյն բանս ասաց: Դարձաւ միւսան-  
 զամ անդրէն եւ եղիտ զիտսա ի քուն .  
 քանզի էին աչք նոցա ծանրացեալ,  
 եւ ոչ զիտէին թէ զինչ պատասխանի  
 41 տայցեն նմա: Գայ երրորդ անգամ եւ  
 ասէ ցնոսա, Ննջեցէք այսուհետեւ եւ  
 հանգերուք, զի հասեալ է վախճան:  
 42 Դոյ ի ձեռս մեղաւորաց: Օն արիք,  
 գնասցուք, զի ահաւասիկ մերձեցաւ  
 որ մատնելոցն է զիս:  
 43 Եւ մինչդեռ նա զայն խօսէր, զայ  
 Յուդա Յիսկարիոփտացի, մի յերկոտա-

սանից անտի, եւ ընդ նմա ամբոխ  
 սուսերօք եւ բրօք ի քահանայապետին  
 44 եւ ի դպրաց եւ ի ծերոց: Տուեալ էր  
 նշան մատնչին եւ ասէր, Ընդ որում  
 ես համբուրեցից՝ նա է: Կալջիք զնա  
 45 եւ տարջիք զգուշութեամբ: Եւ մա-  
 տուցեալ վաղվաղակի ասէ ցնա, Ռաբ-  
 46 բի, Ռաբբի, եւ համբուրեաց զնա: Եւ  
 նոքա արկին ի նա ձեռս եւ կախն զնա:  
 47 Եւ մի ոմն յայնցանէ որ զնովաւն կա-  
 յին՝ ձգեաց սուր, եւ եհար զծառայ  
 քահանայապետին, եւ ի բաց եհան  
 48 զունկն նորա: Պատասխանի ետ Յի-  
 սուս եւ ասէ ցնոսա, Իբրեւ ի վերայ  
 աւազակի՞ ելէք սուսերօք եւ բրօք ու-  
 49 նել զիս: Հանապազ առ ձեզ էի եւ  
 ուսուցանէի ի տաճարին, եւ ոչ կա-  
 յարուք զիս: Այլ զի լցցին գիրք մար-  
 50 զարէիցն: Յայնժամ թողին զնա աշա-  
 51 կերտքն ամենեքին եւ փախեան: Եւ  
 ոմն երիտասարդ զհետ երթայր նորա՝  
 արկեալ զիւրեւ կտաւ մի ի մերկուց:  
 52 Ունէին զնա երիտասարդքն: Եւ նորա  
 թողեալ զկտաւն՝ փախեաւ մերկ ի նո-  
 ցանէ:  
 53 Եւ տարան զՅիսուս առ քահանա-  
 յապետն Պալաիփա եւ զային ընդ նմա  
 ամենայն քահանայապետքն եւ զպիրք  
 54 եւ ծերք: Եւ Պետրոս երթայր ի հե-  
 ոսատանէ զհետ նորա մինչեւ ի ներքս  
 իսկ ի գաւիթ քահանայապետին, եւ  
 նստէր ընդ սպասաւորսն եւ ջեռնոյր  
 55 առ լուսովն: Իսկ քահանայապետքն  
 եւ ամենայն ատեանն խնդրէին հա-  
 կառակ Յիսուսի վկայութիւն ինչ,  
 զի սպանանիցեն զնա, եւ ոչ գտա-  
 56 նէին: Ձի բազումք սուտ վկայութիւն  
 վկայէին զնմանէ, եւ նման միմեանց ոչ  
 57 էին վկայութիւնքն: Այլք յարուցեալ  
 վկայէին սուտ զնմանէ եւ ասէին, Թէ  
 58 Մեք լուաք ի զմանէ զի ասէր, Ես քա-  
 կեցից զտաճարդ զայդ ձեռագործ, եւ  
 զերիս աւուրս շինեցից այլ, առանց  
 59 ձեռագործի: Սակայն եւ այնպէս չէր  
 60 նման վկայութիւնն նոցա: Ապա յա-  
 րուցեալ քահանայապետն ի մէջ հար-  
 ցանէր զՅիսուս եւ ասէր, Ոչ ի՞նչ  
 տաս պատասխանի, զի՞նչ դոքա զքէն  
 61 վկայեն: Եւ նա լուռ եւեթ կայր եւ  
 չտայր ինչ պատասխանի: Դարձեալ

<sup>1</sup> Իւզւոյ, հաւու երկիցս 28-րդ, բաւական է

<sup>2</sup> Ի Բուզոյ գոտի



քահանայապետն հարցանէր զնա կրկին անգամ եւ ասէր, Դ՞ո՞ւ ես Բրիստոս 62 Որդի՝ Աստուծոյ օրհնելոյն: Չատասխանի ետ Յիսուս եւ ասէ ցնա, Դու ասացեր թէ ես եմ՝. բայց տեսանիցէք զՈրդի մարդոյ նստեալ ընդ աջմէ Զօրութեան, եւ եկեալ ընդ ամպս երկ- 63 նից: Եւ քահանայապետն պատառեաց Վաղվաղակի զպատմութեանս իւր եւ ասէ, Զի՞նչ եւս պիտոյ են մեզ վկայք: 64 Ահա Վուայք ամենեքին զհայհոյութիւն ի բերանոյ դորա՝, զիա՛րդ թուի ձեզ. եւ ամենեքեան դատապարտեցին զնա 65 թէ մահապարտ է: Եւ ումանք սկսան թքանել ընդ երեսս նորա, ձորձ զգլխով արկանել, կոփել եւ ասել, Մարգարեաց ձեզ ձեզ, Բրիստոսդ, զի է այն որ եհարն զքեզ՝. եւ սպասաւորքն ապտակս հանէին նմա: 66 Եւ Պետրոս մինչդեռ էր ի խոնարհ ի գաւթին, զայ աղախին մի քահանայապետին, եւ տեսանէ զնա զի ջեռ- 67 նոյր. հայեցաւ ընդ նա եւ ասէ, Եւ դու ընդ Յիսուսի Նազովրեցոյ էիր: 68 Նա ուրացաւ եւ ասէ, Ոչ ճանաչեմ եւ ոչ գիտեմ զինչ դուդ ասես. եւ իբրեւ ել յարտաքին գաւթին, եւ հաւ- 69 խօսեցաւ, Դարձեալ ետես զնա աղախինն, եւ սկսաւ ասել ցայնոսիկ որ շուրջն կային թէ Եւ սա ի նոցանէ է: 70 Եւ նա դարձեալ ուրացաւ. Եւ յետ սակաւ միոյ դարձեալ որ շուրջն կային ասեն ցՊետրոս, Արդարեւ եւ դու ի նոցանէ ես, քանզի Գալիլեացի ես, եւ 71 խօսքդ իսկ քո նման են: Եւ նա սկսաւ նզովել եւ երդնուլ եւ ասել թէ Ոչ 72 գիտեմ զայրն զորմէ դուքդ ասէք: Եւ նոյնժամայն կրկին հաւ խօսեցաւ. եւ յիշեաց Պետրոս զբանն զոր ասաց ցնա Յիսուս թէ Զեւ իցէ հաւու երկիցս խօսեալ, զի դու երկիցս ուրացիս զիս, եւ սկսաւ լալ:

## ԳԼ. ԺԵ

1 Եւ վաղվաղակի ընդ առաւօտն խորհուրդ արարեալ քահանայապետիցն հանդերձ ձերովքն եւ դպօք եւ ամենայն աստեանն, կապեցին զՅիսուս եւ

<sup>1</sup> Յիսուսը գլխով

<sup>2</sup> Բաւաւ, Եւ Յիսուս ասէ, Ես եմ

<sup>3</sup> Ի Բաւաւ գլխով

<sup>4</sup> Բաւաւ, լուայք զհայհոյութիւնն

2 տարան մատնեցին Պիղատոսի: Եւ հարց զնա Պիղատոս եւ ասէ, Դ՞ո՞ւ ես թագաւորն Հրէից. նա պատասխանի 3 ետ նմա եւ ասէ, Դու ասես: Եւ չա-րախօսէին զնմանէ յոյժ քահանայապետքն Յեւ նա ոչինչ տայր պատաս- 4 խանի: Իսկ Պիղատոս դարձեալ հարցանէր զնա, Ոչինչ տաս պատասխա- նի, տես քանի՛ ամբաստանեն զքէն: 5 Եւ Յիսուս աջնուհետեւ ոչինչ ետ պա- տասխանի, մինչեւ զարմանալ յոյժ Պիղատոսի: 6 Բայց ըստ տօնի արձակէր նոցա զմի ոք զկապեալ, զոր ինքեանք խնդրէին: 7 Եւ էր որում անուռն էր Բարաբբա՝ կապեալ ընդ խռովչան, որոց ի խռո- 8 վելն՝ այր մի սպանեալ էր: Ի ձայն բարձր սկսաւ աղաղակել ամբոխն եւ խնդրել ծորպէս սովոր էր, զի արձա- 9 կեցէ նոցա զԲարաբբայն: Պատաս- խանի ետ Պիղատոս եւ ասէ ցնոսա, Կամի՞ք զի արձակեցից ձեզ զարքայն 10 Հրէից: Քանզի գիտէր թէ առ նախան- ձու մատնեցին զնա քահանայապետքն: 11 Որք եւ զամբոխն հաւանեցուցին, զի 12 արձակեցէ նոցա զԲարաբբայն: Դար- ձեալ պատասխանի ետ Պիղատոս եւ աս- 13 սէ ցնոսա, Իսկ զինչ կամիք թէ ա- 14 նայապետիցն, Ի խաչ հան զղա: Ասէ ցնոսա Պիղատոս, Զի՞նչ ինչ չար ա- 15 րարեալ իցէ դորա. եւ նոքա առաւել եւս աղաղակէին եւ ասէին, Ի խաչ հան 16 զղա: Իսկ Պիղատոս իբրեւ զմիտս կա- մեցաւ հաճել զամբոխին, արձակեաց նոցա զԲարաբբայն, եւ զՅիսուս զան հարեալ ետ ի ձեռս զի ի խաչ ելանիցէ: 17 Եւ զինուորքն տարան զնա ի ներքս ի գաւթին ուր ճհրապարակն էր. եւ կոչեն միանգամայն զամենայն զգուռնն, 18 Եւ զգեցուցանեն նմա ճղամիդ կար- միր եւ՝ ծիրանիս, եւ եղին ի գլուխնո- 19 րա պսակ արարեալ ի փշոց: Եւ սկսան ողջոյն տալ նմա եւ ասել, Ողջ եր, 20 արքայդ Հրէից: Եւ ձեռէին զգլուխն եղեզամբ, եւ թքանէին ընդ երեսս, եւ ի ծուռն իջեալ երկիր պագանէին 20 նմա: Եւ իբրեւ կատակեցին զնա,

<sup>5</sup> Յիսուս, որպէս միշտ ասէր նոցա

<sup>6</sup> Յիսուս, աղաբաւք, Իսկ Մատթ. Իկ. 27:

- մերկացուցին <sup>1</sup> զքղամիզն եւ՝ զծիրա-  
նիս եւ զգեցուցին նմա զիւր հան-  
դերձն, եւ ամին արտաքս զի ի խաչ  
հանցեն զնա:
- 21 Եւ ունէին պահակ զՍիմոն Կիւրե-  
նացի, որ ընդ այն անցանէր՝ եկեալ  
յագարակէ, զհայրն Աղեքսանդրի եւ  
Ռուփայ, զի բարձցէ զխաչափայտն նո-  
22 րա: Եւ ամեն զնա ի Գողգոթա, տեղի  
մի որ Թարգմանի Տեղի կառափելոյ:  
23 Եւ տային նմա զինի զմուսեալ, եւ նա  
24 ոչ առ. Եւ հանին զնա ի խաչ, եւ բա-  
ժանեցին զհանդերձս նորա, արկեալ  
վիճակս ի վերայ թէ ո զինչ առնուցու-  
25 իր ժամ երրորդ եւ հանին զնա ի խաչ:  
26 Եւ էր զիր վնասու նորա գրեալ թէ  
27 Թագաւոր է Հրէից: Եւ ընդ նմա հա-  
նին ի խաչ երկուս աւագակս, մի ընդ  
28 աջմէ եւ մի ընդ ահեկէ նորա: Եւ լցաւ  
գիրն որ ասէ թէ Ընդ անօրէնս հա-  
29 մարեցաւ. Եւ որք անցանէինն՝ հայհո-  
յէին զնա շարժեալ զգլուխս իւրեանց  
եւ ասէին, Վա՛հ, որ քակէիր զտա-  
30 ճարն եւ գերիս աւուրս շինէիր. Ապ-  
31 րեցո զանձն քո եւ էջ ի խաչէդ: Նոյն-  
պէս եւ քահանայապետիցն այսն ա-  
րարեալ ընդ միմեանս հանդերձ դպրօքն՝  
ասէին, Զայլս ապրեցոյց, զանձն ոչ  
32 կարէ ապրեցուցանել. Գրիստոսդ, ար-  
քայդ Խորայելի, իջցէ այժմ ի խաչէ  
այտի, զի տեսցուք եւ հաւատասցուք  
դմա. եւ որ ընդ նմա ի խաչն ելեալ  
էին՝ նախատէին զնա:
- 33 Եւ իբրեւ վեց ժամ եղեւ, խաւար  
կալաւ զամենայն երկիր մինչեւ ցինն  
34 ժամ: Եւ յիններորդ ժամուն աղաղա-  
կեաց Յիսուս ի ձայն մեծ եւ ասէ, <sup>2</sup> Էլի,  
Էլի՛, լա՛մա սարաթմանի. որ Թարգ-  
մանի, Աստուած իմ, Աստուած իմ,  
35 ընդէր Թողեր զիս: Եւ ոմանք ի նո-  
ցանէ որ շուրջն կային զնովաւ՝ իբրեւ  
36 լուան, ասէին թէ զՇղիա կարդայ. Եւ  
ընթացեալ մի ոմն՝ ելից սպունգ մի  
քացախով, եւ հարեալ յեղեգան՝ տայր  
ըմպել նմա, եւ ասէ, Թոյլ տուր տես-  
ցուք, զա՛յ Նղիա իջուցանել զդա:  
37 Եւ Յիսուս արձակեաց ձայն մեծ եւ  
38 եհան զոգի: Եւ վարագոյր տաճարին  
պատառեցաւ յերկուս ի վերուստ մին-  
39 չեւ ի խոնարհ: Եւ տեսեալ հարիւրա-

- պետին որ կայր անդ թէ աղաղակեաց  
եւ եհան զոգի, ասէ, Արդարեւ այրս  
այս Որդի Աստուծոյ էր: Էին եւ կա-  
նայք որ հայէին ի հռաստանէ, յորս  
էր Մարիամ Մագդաղենացի եւ Մա-  
րիամ Յակովբու փոքրկան եւ Յովսեայ  
41 մայրն եւ Սողոմէ. Որք յորժամ էրն  
ի Գալիլեա, զհետ շրջէին նորա եւ պաշ-  
տէին զնա. եւ այլ բազում կանայք որ  
ընդ նմա իսկ ելեալ էին յերուսաղէմ:  
42 Եւ իբրեւ երեկոյ եղեւ, քանզի ուր-  
43 քաթ էր որ ի չաքաթն մտանէր, Եկեալ  
Յովսէփ որ յԱրիմաթեայն էր, այր  
պարկեշտ նախարար, որ եւ ինքն իսկ  
ակն ունէր արքայութեանն Աստուծոյ,  
համարձակեցաւ եմուտ առ Պիղատոս,  
44 եւ խնդրեաց զմարմինն Յիսուսի: Եւ  
Պիղատոս զարմացաւ թէ այնչափ վաղ  
մեռաւ. եւ կոչեցեալ առ ինքն զհարիւ-  
րապետն՝ եհարց զնա եւ ասէ թէ Ար-  
45 դարեւ այնչափ վա՞ղ մեռաւ: Եւ իբրեւ  
ստուգեաց ի հարիւրապետէ անտի,  
46 նորոհեաց զմարմինն Յովսեփայ: Եւ  
Յովսէփ զնեաց կտաւ, եւ իջուցեալ  
զնա՝ պատեաց կտաւովն եւ եղ ի գե-  
րեզմանի զոր էր փորեալ ի վիմէ. եւ  
Թաւալեցոյց վէմ մի ի դուռն գերեզ-  
47 մանին: Իսկ Մարիամ Մագդաղենացի  
եւ Մարիամ Յակովբայ եւ Յովսեայ  
տեսին զտեղին ուր եղաւ:

## ԳԼ. ԺԶ

- 1 Եւ իբրեւ անց չաքաթն, Մարիամ  
Մագդաղենացի եւ Մարիամ Յակովբայ  
եւ Սողոմէ՝ չոգան պատրաստեցին  
2 խուսկս, զի եկեցեցն օժցեն զնա: Եւ  
ընդ առաւօտս միաշաբաթուն զան ի  
3 գերեզմանն ընդ արեւագալն: Եւ ասէին  
ցմիմեանս, Ո՞վ Թաւալեցուցէ մեզ  
4 զվէմն ի դրաց գերեզմանին. (Եւ հայե-  
ցեալ տեսին զի Թաւալեցուցեալ էր  
զվէմն ի գերեզմանէն.) քանզի էր մեծ  
5 յոյժ. Եւ մտեալ ի ներքս ի գերեզմանն՝  
տեսին երիտասարդ մի զի նստէր ընդ  
աջմէ կողմանէ՝ զգեցեալ պատմուճան  
6 սպիտակ, եւ զարհուրեցան. Եւ նա  
ասէ ցնոսա, Մի՛ երկնչիք. զՅիսուս  
խնդրէք զնազովրեցի զխաչելեայն,  
յարեաւ, չէ աստ. ահաւաղիկ տեղին  
7 ուր եղին զնա: Այլ երթալք, ասացէք  
ցաշակերտս նորա եւ ցՊետրոս, եթէ

<sup>1</sup> Ի Բաւլաւս պատմ. <sup>2</sup> Բաւլաւս, Էլի, Էլի

ահա յառաջագոյն երթայ քան զձեզ ի Գալիլեա, անդ տեսանիցէք զնա, որ-  
 8 պէս ասացն ձեզ: Եւ իբրեւ լուան, ե-  
 լին եւ փախեան ի գերեզմանէն, քանզի  
 զահի հարեալ էին: Եւ ոչ ումեք ինչ  
 ասացին, զի երկնչէին:

9 <sup>1</sup>Յարուցեալ Յիսուս առաւօտուն Ձա-  
 ուղին միաշաբաթուն՝ երեւեցաւ Մա-  
 թիամու Մագդաղենացւոյ, յորմէ հան-  
 10 եալ էր զեւթն դեւն: Եւ նա երթեալ  
 պատմեաց այնոցիկ որ ընդ նմայն էին,  
 11 մինչդեռ սգային եւ լային: Նոքա իբ-  
 րեւ լուան թէ կենդանի է եւ երեւե-  
 ցաւ նմա, ոչ հաւատացին:

12 Եւտոյ երեւեցաւ այլով <sup>2</sup>կերպարա-  
 13 նաւ որք երթային յանդաստան: Նոքա  
 չոգան պատմեցին այլոց, եւ ոչ նոցա  
 հաւատացին:

14 Եւտոյ մինչդեռ բազմեալ էին մետա-  
 սանքն, երեւեցաւ նոցա եւ թշնաման-

եաց զանհաւատութիւննոցա եւ զխրո-  
 տասրտութիւն: <sup>3</sup>Զի որ երեւեցաւ նո-  
 ցա յարուցեալ ի մեռելոց, եւ նոքա ոչ  
 հաւատացին:

15 Եւ ասէ ցնոսա, Երթայք յաշխարհ ա-  
 մենայն, եւ քարոզեցէք զաւետարանն

16 ամենայն արարածոց: Որ հաւատայ եւ  
 մկրտիցի՝ կեցցէ, եւ որ ոչն հաւատայ՝

17 դատապարտեցի: Նշանք այնոցիկ որ  
 հաւատանն՝ երթիցեն զհետ, այսոցիկ .

18 յանուն իմ դեւս հանցեն, լեզուս խօ-  
 սեսցին, ի ձեռս իւրեանց օծս բարձ-

19 ցեն, եւ եթէ մահացու ինչ դեղ արբ-  
 ցեն, նոցա ինչ ոչ մնասեցէ: Ի վերայ

հիւանդաց ձեռս զիցեն, եւ <sup>4</sup>բժշկեսցեն:

20 Եւ ինքն Տէր Յիսուս յետ խօսելոյն  
 ընդ նոսա համբարձաւ յերկինս, եւ

21 նստաւ ընդ աջմէ Հօր: Եւ նոքա ել-  
 եալ քարոզէին ընդ ամենայն երկիր  
 Տեառն գործակցութեամբ, եւ զբանն  
 հաստատէին ամենայն նշանօք որ եր-  
 12 թային զհետ նոցա:

<sup>1</sup>Առի Գալիլեա ի Կաթաֆէ Գալիլեայ յամեն  
 ի Յոն Եւսեբիոս

<sup>2</sup>Եւսեբիոս, յաւաքեալ շաբաթուն

<sup>3</sup>Եւսեբիոս, կերպարանաւ երկուց ի նոցանէ

<sup>4</sup>Եւսեբիոս, զի որոց տեսինն զնա յարուցեալ ոչ  
 հաւատարմն

<sup>5</sup>Եւսեբիոս, բժշկեսցին

# ԳԼՈՒԽ ԳՆՈՒԿԱՅ ԱՒԵՏԱՐԱՆԻՆ

Վասն աշխարհագրին .	Բ. 4
Վասն բացթեւոյ հովուացն .	Բ. 8
Վասն Ամենօրնի .	Բ. 25
Վասն մարգարէին Աննայի .	Բ. 36
Վասն լինելոյ բանին Աստուծոյ առ Թովհաննէս .	Գ. 2
Վասն որոց հարցանելին զԹովհաննէս .	Գ. 10
Վասն փորձութեանց ֆրկիյն .	Դ. 2
Վասն որ ունէր զՏոգին գիւտական .	Դ. 33
Վասն զըզանչին Պետրոսի .	Դ. 38
Վասն որոց բժշկէին ի պէսպէս հի- ւանդութեանց .	Դ. 41
Վասն որոց ձկանցն .	Ե. 4
Վասն բորոտին .	Ե. 12
Վասն անդամալուծին .	Ե. 17
Վասն Ղեւեոյ մաքրուողին .	Ե. 27
Վասն գոտացեալ ձեռնին .	Զ. 6
Վասն առաքելոցն համարոյ .	Զ. 13
Վասն երանութեանցն .	Զ. 20
Վասն հարիւրապետին .	Է. 2
Վասն որգւոյ պորոյն .	Է. 12
Վասն որոց առաքելոցն ի Թովհաննէ .	Է. 19
Վասն օծանելոյ զՏէրն .	Է. 38
Վասն առաքիւ սերմնացանին .	Ը. 5
Վասն սասանելոյ ջուրցն .	Ը. 24
Վասն որ ունէր զԷդէնօրն .	Ը. 27
Վասն գոտեր ժողովրդապետին .	Ը. 41
Վասն տեսաւտես կնոջն .	Ը. 43
Վասն առաքելոյ զերկոտասանն .	Թ. 2
Վասն հինգ հացիցն եւ երկու ձկանցն .	Թ. 13
Վասն ցաշակերտսն հարցանելոյ .	Թ. 18
Վասն պլակերպութեանն Յիսուսի .	Թ. 29
Վասն լուսնահարին .	Թ. 38
Վասն խորհելոյն թէ ո՛վ մեծ իցէ .	Թ. 46
Վասն շտապի հրաման զկնի երթալ .	Թ. 57
Վասն երեւեցուցանելոյ զԵթանա- սունն .	Ժ. 4
Վասն հարցանելոյ օրինականին .	Ժ. 25
Վասն անկելոյն ի ձեռս աւազակաց .	Ժ. 30
Վասն Մարիամնու եւ Մարթայի .	Ժ. 38
Վասն յաջոթս կալոյն .	ԺԱ. 4
Վասն խուլ գիւնի .	ԺԱ. 14
Վասն որ կրին ձայն եւարձ ի ժո- ղովրդեանն .	ԺԱ. 27
Վասն նշան խնդրելոյն .	ԺԱ. 29
Վասն որ փարիսեցին կոչեաց զՏէրն .	ԺԱ. 37
Վասն վայ տալոյ օրինականացն .	ԺԱ. 46
Վասն խմորոյ փարիսեցւոցն .	ԺԲ. 4
Վասն բաժանելոյ զինչն բնդ եզրօրն .	ԺԲ. 43

Վասն պողպատեղոյ անգոյ մեծա- տանն .	ԺԲ. 46
Վասն Գալիլեացւոցն եւ որոց ի Սե- լովամ, եւ վասն Թզենւոյն .	ԺԳ. 4
Վասն կարկամեալ կնոջն պոստահարի .	ԺԳ. 41
Վասն առաքելացն .	ԺԳ. 49
Վասն թէ սակաւք իցեն որ ապրե- լոց իցեն .	ԺԳ. 23
Վասն որք ասացին Յիսուս զՀե- րովդէէ .	ԺԳ. 34
Վասն որ ջրգողեալ էր .	ԺԴ. 2
Վասն որք սիրեն զնախագահսն .	ԺԴ. 7
Վասն կոչելոյն յԵնթրիսն .	ԺԴ. 12
Վասն շինելոյ աշտարակին .	ԺԴ. 28
Վասն հարեւր սլխարացն .	ԺԵ. 4
Վասն զնացելոյն յաշխարհ հեռի անառակին .	ԺԵ. 44
Վասն անիրաւ անտեսին .	ԺԶ. 4
Վասն մեծատանն եւ Ղազարու .	ԺԶ. 49
Վասն տանն բորոտացն .	ԺԶ. 12
Վասն անիրաւ գատաւորին .	ԺԷ. 2
Վասն փարիսեցւոյն եւ մաքրաւորին .	ԺԷ. 40
Վասն հարցանելոյ մեծատանն զՅիսուս .	ԺԸ. 48
Վասն կուրին .	ԺԸ. 35
Վասն Զաւիթէսի .	ԺԹ. 2
Վասն զնալոյ առնալ իւր Թագա- ւորութիւն եւ գառնալ .	ԺԹ. 42
Վասն առնելոյ զտանն Մեսան .	ԺԹ. 43
Վասն յաւանակին .	ԺԹ. 30
Վասն հարցանելոյ քահանայիցն զՏէր .	Ի. 4
Վասն առաքիւ պղծոյն .	Ի. 9
Վասն դահեկանին .	Ի. 23
Վասն սաղաւկեցւոցն .	Ի. 27
Վասն թէ զիւրդ է որդի Դաւթի Քրիստոս .	Ի. 44
Վասն երկու լուսնոյն պորոյն .	ԻԱ. 2
Վասն հարցման կատարածին .	ԻԱ. 7
Վասն զատկին .	ԻԲ. 2
Վասն վիճելոյն թէ ո՛վ մեծ իցէ .	ԻԲ. 24
Վասն խնդրելոյն Սատանայի .	ԻԲ. 31
Վասն նախատանաց Հերովդէ զՏէրն .	ԻԳ. 44
Վասն կոծելոյ կանանցն .	ԻԳ. 27
Վասն աղաղխարելոյ աւազակին .	ԻԳ. 40
Վասն խնդրելոյ զտերուսական մարմինն .	ԻԳ. 52
Վասն Լիզնովպեանցն .	ԻԴ. 43
Վասն համբառնալոյն Տեառն .	ԻԴ. 54

# ԱԻԵՏԱՐԱՆ ԸՍՏ ՂՈՒԿԱՍՈՒ

## ԳԼՈՒԽ Ա

1 ՔԱՆՁԻ բազումք յօժարեցին վերստին  
կարգել զպատմութիւն վասն իրացն  
2 հաստատելոց ի մեզ, Որպէս աւանդե-  
ցին մեզ որ ի սկզբանէ ականատեսք  
3 եւ սպասաւորք եղեն բանին, Կամ ե-  
ղեւ եւ ինձ, որ ի սկզբանէ զհետ եր-  
թեալ էի ամենայնի ճշմարտութեամբ,  
կարգաւ զրել քեզ, քաջդ Թէոփիլէ,  
4 Զի ծանոցես զբանիցն որոց աշակեր-  
տեցար՝ զճշմարտութիւն:  
5 Եւ եղեւ յաւուրս Հերովդի արքայի  
Հրէաստանի, քահանայ ոմն անուն  
Ջաքարիա ի դասակարգէ Արիայ, եւ  
կին նորա ի դստերաց Ահարովի, եւ  
6 անուն նորա Եղիսաբեթ: Եւ էին ար-  
դարք երկոքին առաջի Աստուծոյ, գնա-  
յին յամենայն պատուիրանս եւ յիրա-  
7 լուսն Տեառն անարատք: Եւ ոչ գոյր  
նոցա որդեակ, քանզի Եղիսաբեթ ա-  
մուլ էր, եւ երկոքեան անցեալ էին  
զաւուրք իւրեանց:  
8 Եւ եղեւ ի քահանայանախ նորա  
բաւկարգի աւուրցն հասանելոյ առաջի  
9 Աստուծոյ, Ըստ օրինի քահանայու-  
թեանն եհաս նմա խուսկ արկանել  
10 մտեալ ի տաճարն Տեառն: Եւ ամե-  
նայն բազմութիւն ժողովրդեանն կա-  
յին յաղօթս արտաքոյ ի ժամու խնկոցն:  
11 Եւ երեւեցաւ նմա հրեշտակ Տեառն,  
զի կայր ընդ աջմէ սեղանոյ խնկոցն:  
12 Եւ խոովեցաւ Ջաքարիա, իբրեւ ե-  
տես, եւ անկաւ ահ ի վերայ նորա:  
13 Ասէ ցնա հրեշտակն՝ Տեառն, Մի՛ եր-  
կնչիր, Ջաքարիա, զի յսելի եղեն ա-  
ղօթք քո, եւ կին քո Եղիսաբեթ ծնցի  
քեզ որդի, եւ կոչեսցես զանունն նորա  
14 Յովնանէս, Եւ եղիցի քեզ ուրախու-  
թիւն եւ ցնծութիւն, եւ բազումք ի  
15 ծննդեան նորա խնդասցեն: Զի եղիցի  
մեծ առաջի Տեառն, եւ զինի եւ օղի

մի՛ արբցէ, եւ Հոգւով Սրբով լցցի  
16 անդստին յորովայնէ մօր իւրոյ. Եւ  
զբազումս յորդոցն իսրայելի դար-  
17 ձուցէ ի Տէր Աստուած իւրեանց: Եւ  
ինքն եկեսցէ առաջի նորա Յոգւով  
զօրութեամբ Եղիայի, դարձուցանել  
զսիրտս հարց յորդիս, եւ զանհաւանս  
յիմաստութիւն արդարոց, պատրաս-  
18 տել Տեառն ժողովուրդ կազմեալ: Եւ  
ասէ Ջաքարիա հրեշտակն, Եւ իւ-  
գիտացից զայդ. զի ես ծեր եմ, եւ կին  
19 իմ անցեալ զաւուրք իւրովք: Պատաս-  
խանի ետ հրեշտակն եւ ասէ ցնա, Ես  
եմ Գաբրիէլ որ կամ առաջի Աստու-  
ծոյ, եւ առաքեցայ խօսել ընդ քեզ եւ  
20 աւետարանել քեզ զայդ: Եւ ահա ե-  
ղիցես համբ, եւ մի՛ կարասցես խօսել  
մինչեւ ցօրն յորում այդ լինիցի. փո-  
խանակ զի ոչ հաւատացեր բանից ի-  
մոց, որք լցցին ի ժամանակի իւրեանց:  
21 Եւ ժողովուրդն ակն ունէր Ջաքա-  
րիայ, եւ զարմանային ընդ յամեն նո-  
22 րա ի տաճարին: Եւ իբրեւ ել, ոչ կա-  
րէր խօսել ընդ նոսա. եւ իմացան եթէ  
տեսիլ ետես ի տաճարին. եւ նա նշա-  
նացի խօսէր ընդ նոսա եւ կայր պա-  
23 պանծեալ: Եւ եղեւ իբրեւ լցան ա-  
ւուրք պաշտաման նորա, գնաց ի տուն  
24 իւր: Եւ յետ աւուրցն այնոցիկ յղա-  
ցաւ Եղիսաբեթ, կին նորա, եւ թա-  
քուցանէր զանձն ամիսս հինգ, եւ ա-  
25 սէր, Զինչ գործ գործեաց ընդ իս Տէր  
յաւուրս յորս հայեցաւ յիս բառնալ  
զնախատինս իմ ի մարդկանէ:  
26 Եւ յամենան վեցերորդի առաքեցաւ  
Գաբրիէլ հրեշտակ յԱստուծոյ ի քա-  
ղաք մի Գալիլեացոց, որում անուն  
27 էր Նազարէթ, Առ կոյս խօսեցեալ առն,  
որում անուն էր Յովսէփ, ի տանէ  
Դաւթի. եւ անուն կուսին Մարիամ:  
28 Եւ եկեալ առ նա ասէ, Ուրախ լեր,  
29 բերկրեալդ, Տէր ընդ քեզ: Եւ նա

ընդ բանսն խոռվեցաւ, եւ խորհէր ընդ  
 միտս թէ որպիսի՝ ինչ իցէ ողջոյնս  
 30 այս։ Եւ ասէ ցնա հրեշտակն, Մի՛ եր-  
 կրնչիր, Մարիամ, զի գտեր չնորհս  
 31 յԱստուծոյ։ Եւ անա յղասչիր եւ ծնցես  
 որդի, եւ կոչեսցես զանունն նորա Յի-  
 32 սուս։ Նա եղիցի մեծ, եւ Որդի Բար-  
 ձրելոյ կոչեսցի, եւ տացէ նմա Տէր  
 Աստուած զաթոռն Դաւթի հօրնորա։  
 եւ թագաւորեսցէ ի վերայ տանն Յա-  
 33 կովբայ ի յաւիտեանս, եւ թագաւո-  
 34 րութեան նորա վախճան մի՛ լիցի։ Եւ  
 ասէ Մարիամ ցրեշտակն, Զի՞ ա՛րդ լի-  
 նիցի ինձ այդ, քանզի զայր ոչ գիտեմ։  
 35 Պատասխանի ետ հրեշտակն եւ ասէ  
 ցնա, Հոգի Սուրբ եկեսցէ ի քեզ, եւ  
 զօրութիւն Բարձրելոյն հովանի լիցի  
 ի վերայ քո։ Քանզի եւ որ ծնանելոցն  
 է ի քէն՝ սուրբ է, եւ Որդի Աստուծոյ  
 36 կոչեսցի։ Եւ անա Նղիսաբեթ ազգա-  
 կան քո, եւ նա յղի է ի ծերութեան  
 իւրում։ Եւ այս վեցերորդ ամիս է նո-  
 37 րա որ ամուսն կոչեցեալ էր։ Զի ոչ  
 տկարացի առ յԱստուծոյ ամենայն  
 38 բան։ Եւ ասէ Մարիամ, Ահաւասիկ  
 կամ աղախին Տեառն, եղիցի ինձ ըստ  
 բանի քում։ Եւ գնաց ի նմանէ հրեշ-  
 տակն։  
 39 Յարուցեալ Մարիամ յաւուրսն յայ-  
 նոսիկ՝ գնաց ի լեռնակողմն փութապէս  
 40 ի քաղաքն Յուզայ։ Եւ եմուտ ի տուն  
 Զաքարիայ եւ ետ ողջոյն Նղիսաբեթի։  
 41 Եւ եղեւ իբրեւ լուաւ զողջոյնն Մա-  
 րիամու Նղիսաբեթ, խաղաց մանուկն  
 յորովայնի նորա։ Եւ լցաւ Նղիսաբեթ  
 42 Հոգւով Սրբով։ Եւ ի ձայն բարձր ա-  
 ղաղակեաց եւ ասէ, Օրհնեալ ես դու  
 ի կանայս, եւ օրհնեալ է պտուղ որո-  
 43 վայնի քո։ Եւ Ուստի՞ է ինձ այս, զի  
 44 եկեսցէ մայր Տեառն իմոյ առ իս։ Զի  
 ահաւասիկ իբրեւ եղեւ ձայն ողջունի  
 քո յականջս իմ, խաղաց ցնծալով մա-  
 45 նուկս յորովայնի իմում։ Եւ երանի  
 որ հաւատայցէ եթէ եղիցի կատարումն  
 46 ասացելոցս նմա ի Տեառնէ։ Եւ ասէ  
 Մարիամ, Մեծացուսցէ անձն իմ զՏէր։  
 47 Եւ ցնծացաւ հոգի իմ յԱստուած Փրկիչ  
 48 իմ։ Զի հայեցաւ ի խոնարհութիւն ա-  
 ղախնոյ իւրոյ։ զի անա յայսմ հետէ  
 49 երանեսցեն ինձ ամենայն ազգք։ Զի  
 արար ինձ մեծամեծս Հզօրն, եւ սուրբ  
 50 է անունն նորա։ Եւ ողորմութիւնն նո-

րա ազգաց յազգս երկիւղածաց իւրոց։  
 51 Արար զօրութիւնն բազկաւ իւրով,  
 ցրուեաց զամբարտաւանս մտօք սրտից  
 52 իւրեանց։ Քակեաց զհօրս յաթոռոց,  
 53 եւ բարձրացոյց զխոնարհս։ Զքաղցեալս  
 լցոյց բարութեամբ, եւ զմեծատունս  
 54 արձակեաց ունայնս։ Պաշտպանեաց  
 իսրայելի ծառայի իւրում՝ յիշել զո-  
 55 դորմութիւնս։ Որպէս խօսեցաւ առ  
 հարս մեր՝ Արարհամու եւ զաւակի  
 56 նորա յաւիտեան։ Եկաց Մարիամ առ  
 նմա իբրեւ ամիսս երիս, եւ դարձաւ  
 ի տուն իւր։  
 57 Եւ Նղիսաբեթի լցան ժամանակք  
 58 ծնանելոյ, եւ ծնաւ որդի։ Եւ լուան  
 որ շուրջ զնովաւ էին եւ ազգատունմ  
 նորա, զի մեծ արար Տէր զողորմու-  
 59 թիւն իւր ընդ նմա։ Եւ խնդային ընդ  
 նմա։  
 59 Եւ եղեւ յաւուրն ութերորդի եկին  
 թրխատել զմանուկն, եւ կոչէին զնա  
 60 յանուն հօր իւրոյ Զաքարիա։ Պատաս-  
 խանի ետ մայր նորա եւ ասէ, Ոչ,  
 61 այլ կոչեսցի Յովնաննէս։ Եւ ասեն ցնա,  
 Քանզի ոչ ոք է յազգի քում, որոյ կոչի  
 62 անուն Յովնաննէս։ Ակնարկէին հօրն  
 նորա թէ զի՛նչ կամիցի կոչել զնա։  
 63 Եւ խնդրեաց տախտակ, գրեաց եւ ասէ,  
 Յովնաննէս է անունն դորա։ Եւ զար-  
 64 մացան ամենեքին։ Եւ բացաւ բերան  
 նորա վաղվաղակի եւ լեզու նորա, եւ  
 65 խօսէր եւ օրհնէր զԱստուած։ Եւ ե-  
 ղեւ ան ի վերայ ամենեցուն որ լսէին  
 զայս եւ որ շուրջ բնակեալն էին գնո-  
 քօք։ Եւ ընդ ամենայն լեռնակողմնն  
 Հրէաստանի պատմէին ամենայն բանքս  
 66 այսոքիկ։ Եւ եղին ամենեքեան որ  
 լսէին՝ ի սիրտս իւրեանց, եւ ասէին,  
 Զի՛նչ լինիցի մանուկս այս։ Եւ ձեռն  
 Տեառն էր ընդ նմա։  
 67 Եւ Զաքարիա հայր նորա լցաւ Հոգ-  
 ւով Սրբով, մարգարէացաւ եւ ասէ,  
 68 Օրհնեալ Տէր Աստուած իսրայելի, զի  
 յայց ել մեզ, եւ արար փրկութիւն  
 69 ժողովրդեան իւրում։ Եւ յարոյց եղ-  
 ջուր փրկութեան մեզ ի տանէ Դաւթի  
 70 ծառայի իւրոյ։ Որպէս խօսեցաւ բե-  
 րանով սրբոց որ յաւիտենից մարգա-  
 71 րէքն նորա էին։ Փրկութիւն ի թըշ-  
 նամեաց մերոց, եւ ի ձեռաց ամենայն  
 72 ատելեաց մերոց։ Առնել ողորմութիւն  
 ընդ հարս մեր, եւ յիշել զուխտն իւր

73 սուրբ: Զերդումնն զոր երգուաւ Աբ-  
74 րահամու հօր մերում՝ տալ մեզ, Ա-  
ռանց երկիւղի, ի ձեռաց թշնամեաց  
75 <sup>1</sup>մերոց փրկեալս, Պաշտել զնա սրբու-  
թեամբ եւ արդարութեամբ առաջի նո-  
րա զամենայն աւուրս կենաց մերոց:  
76 Եւ դու, մանուկ, մարգարէ Բարձրե-  
լոյ կոչեսլիր. զի երթիցես առաջի ե-  
րեսաց Տեառն պատրաստել զճանա-  
77 պարհս նորա, Տալ գիտութիւն փրկու-  
թեան ժողովրդեան նորա ի թողու-  
78 թիւն մեղաց նոցա: Վասն գթութեանց  
ողորմութեան Աստուծոյ մերոյ, որովք  
այց արասցէ մեզ Արեգակն ի բարձանց,  
79 Երեւել որոց ի խաւարի եւ ի սուրբ  
մահու նստէին, ուղղել զոտս մեր ի  
ճանապարհս խաղաղութեան:  
80 Եւ մանուկն անէր եւ զօրանայր  
հոգւով, եւ էր յանապատս մինչեւ յօր  
երեւելոյ նորա Իսրայելի:

## ԳԼ. Բ

1 Եւ եղեւ ընդ աւուրսն ընդ այնոսիկ  
եւ հրաման յԱւգոստոս կայսերէ աշ-  
խարհագիր առնել ընդ ամենայն տիե-  
2 զերս: Այս առաջին աշխարհագիր եւ-  
ղեւ ի դատաւորութեան Ասորոց կիւ-  
3 րենեայ: Եւ երթային ամենեքեան  
մտանել յաշխարհագիր յիւրաքանչիւր  
4 քաղաքի: Եւ եւ Յովսէփ ի Դաւիթէ ի  
քաղաքէ Նազարեթ ի Հրէաստան, ի  
քաղաք Դաւթի որ կոչի Բեթղեհեմ,  
վասն լինելոյ նորա ի տանէ եւ յազգէ  
5 Դաւթի, Մտանել յաշխարհագիր Մա-  
րեմա հանդերձ զոր խօսեալն էր նմա,  
6 եւ էր յղի: Եւ եղեւ ի հասանելն նոցա  
անդր, լցան աւուրք ծնանելոյ նորա:  
7 Եւ ծնաւ զորդին իւր զանդրանիկ, եւ  
պատեաց ի խանձարուրս եւ եդ զնա  
ի մսուր: զի ոչ գոյր նոցա տեղի յի-  
ջեւանին:  
8 Եւ հովիւք էին ի տեղւոջն յայնմիկ  
բացօթեազք, որք պահէին զպահա-  
նութիւնս գիշերոյ հօտից իւրեանց:  
9 Եւ հրեշտակ Տեառն երեւեցաւ նոցա,  
եւ փառք Տեառն ծագեցին առ նոսա,  
10 եւ երկեան երկեւղ մեծ: Եւ ասէ ցնո-  
սա հրեշտակն, Մի՛ երկնչիք, զի ա-  
հաւասիկ աւետարանեմ ձեզ ուրախու-

թիւն մեծ, որ եղիցի ամենայն ժողո-  
41 վրդեանն: Զի ծնաւ ձեզ պսօր Փրկիչ,  
որ է Օծեալ Տէր, ի քաղաքի Դաւթի:  
42 Եւ այս նշանակ ձեզ. գտանիցէք մա-  
նուկ պատեալ ի խանձարուրս եւ եդ-  
43 եալ ի մսուր: Եւ յանկարծակի եղեւ  
ընդ հրեշտակին ընդ այնմիկ բազմու-  
թիւն զօրաց երկնաւորաց, որ օրհնէին  
44 զԱստուած եւ ասէին, Փառք ի բար-  
ձունս Աստուծոյ, եւ յերկիր խաղա-  
45 զութիւն, ի մարդիկ հաճութիւն: Եւ  
եղեւ իբրեւ վերացան ի նոցանէ հրեշ-  
տակքն յերկինս, ասեն ցմիմեանս հո-  
վիւքն, Եկայք երթիցուք մինչեւ ցիւթ-  
ղեհեմ, եւ տեսցուք զինչ է բանս այս  
46 որ եղեւ, զոր Տէր եցոյց մեզ: Եւ ե-  
կին փութանակի, եւ գտին զՄարիամ  
եւ զԾովսէփ եւ զմանուկն եղեալ ի  
47 մսուր: Եւ ծանեան վասն բանին որ  
48 ասացաւ նոցա զմանկանէն. Եւ ամե-  
նեքին որ լսէին՝ զարմանային վասն  
բանիցն զոր խօսեցան ընդ նոսա հո-  
49 վիւքն: Եւ Մարիամ զամենայն զբանս  
զայսոսիկ պահէր եւ խելամուտ լինէր  
20 ի սրտի իւրում: Եւ զարձան հովիւքն,  
փառաւոր առնէին եւ օրհնէին զԱս-  
տուած վասն ամենայնի զոր յուան եւ  
տեսին, որպէս պատմեցաւ նոցա:  
21 Եւ իբրեւ լցան աւուրք ութ թլփա-  
տել <sup>3</sup>զնա, եւ կոչեցաւ անուն նորա  
Յիսուս որ կոչեցեալ էր ի հրեշտակէն,  
մինչչեւ յղացեալ էր <sup>4</sup>զնա յորովայնի:  
22 Եւ իբրեւ լցան աւուրք սրբութեան  
նոցա ըստ օրինացն Մովսիսի, ածին  
զնա յերուսաղէմ յանդիման առնել  
23 Տեառն, Որպէս եւ գրեալ է յօրէնս  
Տեառն, թէ Ամենայն արու որ բանայ  
24 զարգանդ՝ սուրբ Տեառն կոչեսցի: Եւ  
տալ պատարագս ըստ ասացելոյն յօ-  
րէնս Տեառն, զոյգս տատրակաց կամ  
25 երկուս ձագս աղաւնեաց: Եւ անա էր  
այր մի յԵրուսաղէմ, որոյ անուն էր  
Սիմէոն, եւ էր այրն այն արդար եւ  
երկիւղած, եւ ակն ունէր միսթա-  
րութեանն Իսրայելի. եւ Հոգի Սուրբ  
26 էր ի նմա: Եւ էր նորա հրաման առ-  
եալ ի Հոգւոյն Սրբոյ մի՛ տեսանել  
զմահ, մինչեւ տեսցէ զՕծեալն Տեառն:  
27 Եւ եկն Հոգւոյն ի տաճարն. եւ իբրեւ

ածին ծնողքն զմանուկն Յիսուս առնել նոցա ըստ սովորութեան օրինացն  
 28 ի վերայ նորա, Եւ նա առ ընկալաւ զնա ի գիրկս իւր, եւ օրհնեաց զԱս-  
 29 տուած եւ ասէ, Արդ արձակես զծա-  
 30 յայս քո, Տէր, ըստ բանի քում ի խա-  
 31 կութիւն քո, Զոր պատրաստեցեր ա-  
 32 ռաջի ամենայն ժողովրդոց: Լոյս ի  
 33 յայտնութիւն հեթանոսաց, եւ փառս  
 34 ժողովրդեան քում Իսրայելի: Եւ էին  
 35 հայրն եւ մայր նորա զարմացեալ ի  
 36 վերայ բանիցն որ խօսէին զնմանէ: Եւ  
 37 օրհնեաց զնոսա Սիմէոն, եւ ասէ  
 38 ցՄարիամ մայր նորա, Ահա սա կայ ի  
 39 զլորումն եւ ի կանգնումն բազմաց ի  
 40 մէջ Իսրայելի եւ ի նշան հակառակու-  
 41 թեան: Եւ ընդ քո իսկ անձն անցցէ  
 42 սուր, զի յայտնեցին ի բազում սրտից  
 43 խորհուրդք:  
 44 Եւ անդ էր Աննա մարգարէ դուստր  
 45 Փանուելի յազգէ Ասերայ: Եւ ինքն  
 46 անցեալ էր զաւուրք բազմօք՝ կեցեալ  
 47 ընդ առն ամս եւթն ի կուսութենէ  
 48 իւրմէ: Եւ էր այրի ամաց իբրեւ ութ-  
 49 սուն եւ չորրից, որ ոչ մեկնէր ի տա-  
 50 ճարէն, այլ պահօք եւ աղօթիւք պաշ-  
 51 տէր զցայգ եւ զցերեկ: Եւ սա ի նմին  
 52 ժամու յարուցեալ գոհանայր զՏեառնէ,  
 53 եւ խօսէր զնմանէ ընդ ամենեւին որ  
 54 ակն ունէին փրկութեանն Երուսա-  
 55 ղեմի:  
 56 Եւ իբրեւ կատարեցին զամենայն  
 57 ըստ օրինացն Տեառն, զարձան անդրէն  
 58 ի Գալիլեա ի քաղաքն իւրեանց Նա-  
 59 զարէթ: Եւ մանուկն աճէր եւ զօրա-  
 60 նայր լի իմաստութեամբ, եւ շնորհք  
 61 Աստուծոյ էին ի վերայ նորա:  
 62 Եւ երթային ծնողքն նորա ամի ամի  
 63 յԵրուսաղէմ ի տօն զատկին: Եւ իբրեւ  
 64 եղեն նորա ամբ երկոտասան, յելանել  
 65 նոցա յԵրուսաղէմ ըստ սովորութեան  
 66 տօնին, Եւ կատարել զաւուրսն եւ  
 67 զառնալ անդրէն, մնաց Յիսուս մա-  
 68 նուկն յԵրուսաղէմ: Եւ ոչ գիտացին  
 69 ծնողքն նորա, Կարծէին զնմանէ թէ  
 70 ընդ ուղեկիցսն իցէ: Եկին իբրեւ ա-  
 71 լուր միոյ ճանապարհ եւ խնդրէին զնա  
 72 ընդ զրացիսն եւ ընդ ծանօթս: Եւ

իբրեւ ոչ գտին, զարձան անդրէն յԵ-  
 46 րուսաղէմ խնդրել զնա: Եւ եղեւ յետ  
 47 երից աւուրց գտին զնա ի տաճարին,  
 48 զի նստէր ընդ վարդապետսն, լսէր ի  
 49 նոցանէ եւ հարցանէր զնոսա: Զար-  
 50 մանային ամենեքեան որ լսէին ի նմա-  
 51 նէ՝ ընդ իմաստութիւնն եւ ընդ պա-  
 52 տասխանիս նորա: Եւ իբրեւ տեսին  
 53 զնա, սքանչացան: Եւ ասէ ցնա մայրն  
 54 իւր, Որդեակ, զի՞նչ գործ գործեցեր  
 55 դու ընդ մեզ: Կաւաւսիկ հայր քո եւ  
 56 ես տառապէաք, խնդրէաք զքեզ: Եւ  
 57 ասէ ցնոսա, Զի՞ խնդրէիք զիս, ոչ  
 58 գիտէիք եթէ ի տան Հօր իմոյ պարտ  
 59 է ինձ լինել: Եւ նոքա ոչ իմացան  
 60 զրանն զոր խօսեցաւ ընդ նոսա: Եւ  
 61 էջ ընդ նոսա եւ զնաց ի նազարէթ,  
 62 եւ էր նոցա հնազանդ: Եւ մայր նորա  
 63 պահէր զամենայն զբանսն ի սրտի իւ-  
 64 րում:

## ԳԼ. Գ

1 Ի հնգետասաներորդի ամի տէրու-  
 2 թեանն Տիբերեայ կայսեր, ի զատա-  
 3 ւորութեան Հրէաստանի Պիղատոսի  
 4 Պոնտացւոյ, եւ ի չորրորդպետութեան  
 5 Գալիլեացւոց Հերովդի, եւ ի Փիլիպ-  
 6 պոսի եղբօր նորա չորրորդպետութեան  
 7 Իտուրացւոց եւ Տրաքոնացւոց աշխար-  
 8 հին, եւ ի չորրորդպետութեան Լիւ-  
 9 2 սանեայ Աբիլենացւոյ, Եւ ի քահանա-  
 3 յապետութեան Աննայի եւ Կայիափայ,  
 4 եղեւ բան Աստուծոյ ի վերայ Յովնա-  
 5 նու որդւոյ Զաքարիայ յանապատի  
 6 3 անդ: Եւ եկն յամենայն կողմն Յոր-  
 7 զանանու քարոզել մկրտութիւն ա-  
 8 պաշխարութեան ի թողութիւն մեղաց:  
 9 4 Որպէս եւ գրեալ է ի գիրս պատգա-  
 5 մաց Եսայեայ մարգարէի, Զայն բար-  
 6 բառոյ յանապատի, Պատրաստ արարէք  
 7 զճանապարհ Տեառն, եւ ուղիղ արա-  
 8 5 ըէք զշաւիղս նորա: Ամենայն ձորք  
 9 լցցին, եւ ամենայն լերինք եւ բլուրք  
 10 խոնարհեցին, եւ եղիցին զժուա-  
 11 րինքն ի դիւրինս, եւ առապարքն ի  
 12 6 հարթ ճանապարհս: Եւ տեսցէ ամե-  
 13 նայն մարմին զփրկութիւն Աստուծոյ:  
 14 7 Եւ ասէր ցժողովուրդսն ելեալս մկր-

<sup>1</sup>Ուստի, Յովնէփ <sup>4</sup>Յովն, ազգականսն

<sup>2</sup>Բաւաւսի, փրկութեան յԵրուսաղէմ

<sup>3</sup>Ուստի, Յովնէփ եւ մայր



տել ի նմանէ, Մնուհդը ի ժից, ո՞ ցոյց  
 8 է: Արարէք այսուհետեւ պտուղս ար-  
 ժանիս ապաշխարութեան. եւ մի՛  
 սկսանիցիք՝ ասել եթէ Ունիմք հայր  
 9 յարուցանել որդիս Աբրահամու: Բայց  
 հաւատարմ տապար առ արմին ծառոց  
 կայ. ամենայն ծառ որ ոչ առնէ զպը-  
 տուղ բարւոք՝ հատանի եւ ի հուր ար-  
 10 կանի: Հարցանէին զնա ժողովուրդքն  
 եւ ասէին, Իսկ արդ զի՞նչ գործես-  
 11 ցուք: Պատասխանի ետ եւ ասէ ցնո-  
 սա, Ոյր իցեն երկու հանդերձք՝ տացէ  
 զմին այնմ ոյր ոչն գուցէ. եւ ոյր կայ-  
 12 ցէ կերակուր՝ նոյնպէս արասցէ: Եկին  
 եւ մաքսաւորք մկրտել, եւ ասեն ցնա,  
 13 Վարդապետ, զի՞նչ գործեսցուք: Եւ  
 նա ասէ ցնոսա, Մի՛ ինչ աւելի քան  
 14 զհրամայեալն ձեզ առնիցէք: Հարցա-  
 նէին զնա եւ զինուորքն եւ ասէին,  
 Եւ մեք զի՞նչ գործեսցուք. ասէ ցնո-  
 սա, Մի՛ զոք խուիցէք եւ մի՛ զոք  
 զրպարտիցէք, շատ լիցին ձեզ թռչակքն  
 ձեր:  
 15 Մինչ ակն ունէր ժողովուրդն եւ  
 խորէին ամենեքեան ի սիրտս իւրեանց  
 վասն Յովնանու, Միթէ սա իցէ Քրիս-  
 16 տոսն, Պատասխանի՝ ետ ամենեցուն  
 եւ ասէ, Ես մկրտեմ զձեզ ջրով, բայց  
 զայ զօրագոյն քան զիս, զորոյ չեմ բա-  
 17 ւական բաժնալ զկօշիկս, նա մկրտես-  
 18 զիս, եւ ժողովիլ զցորեանն ի շտեմա-  
 19 թեամբ աւետարանէր ժողովրդեանն:  
 Բայց Հերովդէս չորրորդապետ յան-  
 20 զիմանեալ ի նմանէ վասն Հերովդիայ,  
 21 Եւ եղև ի մկրտել ամենայն ժողո-  
 վրդեանն եւ ընդ Յիսուսի մկրտեն  
 22 եւ կալ յաղօթս, բանալ երկնից, Եւ

<sup>1</sup> Եւն, ասել յանձինս

<sup>2</sup> Ի Յովնի, ետ Յովնանէս

<sup>3</sup> Ունիմք, արդեւ եւ անիմք ի Հայ. օրհնիւց, կենջ  
 փելիպպոսի.

իջանել Հոգւոյն Սրբոյ մարմնաւոր  
 տեսեամբ իրրեւ զազանի ի վերայ նո-  
 րա. եւ գալ ձայն յերկնից որ ասէր,  
 Դու ես Որդի իմ սիրելի, ընդ քեզ  
 հաճեցայ:

23 Եւ ինքն Յիսուս էր ամաց իրրեւ  
 երեսնից սկսեալ, <sup>4</sup> որոց որպէս եւ կար-  
 ծէր, որդի Յովսեփայ, <sup>5</sup> որ Յակով-  
 բայն, որ Հեղեայն, որ Մատթեայն,  
 24 Որ Ղեւեայն, որ Մեղքեայն, որ Յան-  
 25 նեայն, որ Յովսեփայն, Որ Մատթեայն,  
 որ Ամովսայն, որ Նաուուսայն, որ Ես-  
 26 դեայն, որ Նանգեայն, Որ Մահաթայն,  
 որ Մատթեայն, որ Սեմեայն, որ  
 27 Յովսեփեայն, որ Յովդայն, Որ Յով-  
 նանայն, որ Բեսայն, որ Զօրարաբե-  
 28 լին, որ Սաղաթիելին, որ Ներայն, Որ  
 Մեղքեայն, որ Աղդեայն, որ Կովա-  
 մայն, որ Ելմովդադայն, որ Երայն,  
 29 Որ Յեսուայն, որ Եղիազարայն, որ  
 Յովրամայն, որ Մատթայն, որ Ղեւ-  
 30 եայն, Որ Սիմէոնին, որ Յուդային,  
 որ Յովսեփայն, որ Յովնամայն, որ  
 31 Եղիակիմայն, Որ Մեղթեայն, որ Մեն-  
 նայն, որ Մատտաթայն, որ Նաթա-  
 32 նայն, որ Դաւթին, Որ Յեսսեայն, որ  
 Ովթեդայն, որ Բոոսայն, որ Սաղմով-  
 33 նայն, որ Նաասովելին, Որ Ամինադա-  
 բայն, որ Արամայն, <sup>7</sup> որ Աղմայն, որ  
 Առնեայն, որ Եսրովմայն, որ Փարե-  
 34 սին, որ Յուդային, Որ Յակովբայն,  
 որ Իսահակայն, որ Աբրահամուն, որ  
 35 Թարային, որ Նաքովրայն, Որ Սե-  
 րուգայն, որ Ռազաւայն, որ Փաղե-  
 36 կայն, որ Երեւայն, որ Սաղային, Որ  
 Կայնանայն, որ Արփաքսադայն, որ  
 37 Սեմայն, որ Նոյին, որ Ղամեքայն, Որ  
 Մաթուսաղային, որ Ենովքայն, որ  
 Յարեղին, որ Մաղաղիւսին, որ Կայ-  
 38 նանայն, Որ Ենոքսայն, որ Սեթայն,  
 որ Ադամայն, որ Աստուծոյն:

#### ԳԼ. Դ

1 Եւ Յիսուս լի Հոգւով Սրբով զարձաւ  
 ի Յորդանանէ, եւ վարէր Հոգւովն յա-  
 2 նապատ, Աւուրս քառասուն փորձեալ  
 ի Սատանայէ. եւ ոչ եկեր եւ ոչ արբ  
 յաւուրսն յայնոսիկ. եւ ի կատարելն  
 նոցա քաղցեաւ:

<sup>4</sup> Եւն, և էր,

<sup>5</sup> Ի Յովնի գովստի

<sup>6</sup> Ունիմք, Յովսեփայն

<sup>7</sup> Ի Եսայի գովստի

- 3 Եւ ասէ ցնա Սատանայ, Եթէ Որդի  
ես Աստուծոյ, ասա քարիդ այդմիկ զի  
4 հաց լիցի: Պատասխանի ետ նմա Յի-  
սուս եւ ասէ, Գրեալ է եթէ Ոչ հացիւ  
միայն կեցցէ մարդ, այլ ամենայն բա-  
նիւ Աստուծոյ:
- 5 Եւ հանեալ զնա ի լեառն մի բարձր՝  
եցոյց նմա զամենայն թագաւորու-  
թիւնս աշխարհի ի վայրկեան ժամա-  
6 նակի: Եւ ասէ ցնա Սատանայ, Քեզ  
տաց զայս ամենայն իշխանութիւն եւ  
զփառս սոցա, զի ինձ տուեալ է, եւ  
7 ում կամիմ՝ տամ զսա: Արդ դու եթէ  
անկեալ երկիր պազանիցես առաջի իմ,  
8 քեզ եղիցի ամենայն: Պատասխանի ետ  
նմա Յիսուս եւ ասէ, Գրեալ է, Եր-  
կիր պազցես Տեառն Աստուծոյ քում,  
եւ զնա միայն պաշտեսցես:
- 9 Եւ ած զնա յերուսաղէմ, եւ կացոյց  
ի վերայ աշտարակի տաճարին, եւ ասէ  
ցնա, Եթէ Որդի ես Աստուծոյ, արկ  
10 զքեզ աստի ի վայր: Զի գրեալ է եթէ  
Հրեշտակաց իւրոց պատուիրեալ է  
11 վասն քո պահել զքեզ: Զի ի վերայ  
ձեռաց բարձրցեն զքեզ, մի՛ երբեք հար-  
12 ցես զքարի զոռն քո: Պատասխանի  
ետ նմա Յիսուս եւ ասէ, Ասացեալ է  
թէ Ոչ փորձեսցես զՏէր Աստուած քո:
- 13 Եւ կատարեալ զամենայն փորձու-  
թիւնս Սատանայի՝ ի բաց եկաց ի նմա-  
նէ առ ժամանակ մի:
- 14 ԲԿ. Եւ դարձաւ Յիսուս զօրու-  
թեամբ Հոգւոյն ի Գալիլեա. եւ ել  
համբաւ զմանէ ընդ ամենայն կող-  
15 մանս գաւառին: Եւ նա ուսուցանէր  
ի ժողովուրդս նոցա փառաւորեալ յա-  
մենեցունց:
- 16 Եւ եկն ի նազարէթ ուր մնեալն էր.  
եւ եմուտ ըստ սովորութեան իւրում  
17 յաւուր շաբաթու թի ժողովուրդն: Եւ  
ետուն նմա զիրս զԵսայեայ մարգա-  
րէի. եւ յարեաւ ընթեռնուլ, եւ իրբեւ  
երաց զգիրսն՝, եզիտ զայն տեղի յո-  
18 րում պրեալն էր, Հոգի Տեառն ի վե-  
րայ իմ, վասն որոյ եւ օծ իսկ զիս,  
աւետարանել աղքատաց առաքեաց զիս,  
19 բժշկել զբեկեալսս սրտիւ, Քարոզել գեր-

- եաց զթողութիւն եւ կուրաց տեսա-  
նել, արձակել զվիրաւորս ի թողու-  
թիւն, քարոզել զտարեկան Տեառն ըն-  
20 դունելի: Եւ խփեալ զգիրսն՝ ետ ցպաշ-  
տօնեայն, եւ նստաւ. եւ ամենեցուն  
որ ի ժողովրդեանն էին աչք ի նա հա-  
21 յէին: Եւ սկսաւ ասել ցնոսա, Այսօր  
22 լցան զիրքս այս յականջս ձեր: Եւ ա-  
մենեքին վկայէին նմա, եւ զարմա-  
նային ընդ բանս չնորհացն որ ելանէին  
ի բերանոյ նորա, եւ ասէին, Ո՛չ սա է  
23 որդին Յովսեփայ: Եւ ասէ ցնոսա, Ա-  
պաքէն ասիցէք առ իս զառակս զայս,  
Բժիշկ, բժշկեա զանձն քո. որչափ  
լուաք զոր արարել ի կափառնայում՝  
24 արա եւ աստ ի քում գաւառի: Եւ ասէ,  
Ամէն ասեմ ձեզ թէ Զէ մարգարէ ըն-  
25 դունելի ի քաղաքի իւրում: Արդարեւ  
ասեմ ձեզ, զի բազում այրիք էին յա-  
ւուրս Եղիայի ի մէջ Խարայելի, յորժամ  
փակեցանն երկինք զերիս ամս եւ զվեց  
ամիս, եւ եղեւ սով մեծ ընդ ամենայն  
26 երկիր: Եւ ոչ առ մի ի նոցանէ առա-  
քեցաւ Եղիա, բայց միայն ի Սարկիթա  
27 Սիդոնացւոց առ կին մի այրի: Եւ  
բազում բորոտք էին յԽարայելի առ Ե-  
ղիսէիւ մարգարէիւ. եւ ոչ ոք ի նո-  
ցանէ սրբեցաւ, բայց միայն Նէեման  
28 Ասորի: Եւ լցան ամենեքին բարկու-  
թեամբ ի ժողովրդեանն, իրբեւ լսէին  
29 զայս: Եւ յարուցեալ հանին զնա ար-  
տաքոյ քաղաքին, եւ ածին զնա մինչեւ  
յարտեւան լերինն յորոյ վերայ քաղաքն  
նոցա շինեալ էր՝ պահալէժ առնել զնա:  
30 Եւ նա անցեալ ընդ մէջ նոցա՝ գնայր:  
31 ԲԲ. Եւ էջ ի կափառնայում ի քա-  
ղաքն Գալիլեացւոց, եւ ուսուցանէր  
32 զնոսա ի շարաթսն: Եւ զարմանային  
ընդ վարդապետութիւն նորա, զի իշ-  
33 խանութեամբ էր բան նորա: Եւ էր  
ի ժողովրդեանն այր մի զոր ունէր այս  
զիւի պղծոյ, եւ աղաղակեաց ի ձայն  
34 մեծ, Ասէ, Թուլացո, զի՛ կայ մեր եւ  
քո, Յիսուս Նազովրեցի, եկիր կորու-  
սանել զմեզ. գիտեմք զքեզ ով ես,  
35 Սուրբք Աստուծոյ: Սաստեաց ի նա Յի-  
սուս եւ ասէ, Պապանձեաց եւ ել ի  
զմանէ. զգետնեաց զնա դեռն ի միջի  
անդ եւ ել ի նմանէ, եւ ոչինչ վնաս-  
36 եաց նմա: Եւ եղեն զարմանալիք ի  
վերայ ամենեցուն, խօսէին ընդ մի-  
մեանս եւ ասէին, Զի՛նչ է բանս այս,

<sup>1</sup> Ուստի, զնա Սատանայ

<sup>2</sup> Ուստի, ասէ, Երթ յետո իմ, Սատանայ, զի  
Յիսուս, ի ժողովուրդն, եւ յարեաւ ընթեռնուլ.  
(17) Եւ ետուն նմա զիրս զԵսայեայ մարգա-  
րէի, եւ իրբեւ երաց

զի իշխանութեամբ եւ զօրութեամբ  
 37 սաստէ այսոց պղծոց, եւ ելանն։ Եւ  
 երթայր հոչակ զնմանէ ընդ ամենայն  
 տեղիս շուրջ զգաւառաւն։  
 38 Եւ յարուցեալ ի ժողովրդենէ անտի՝  
 39 եմուտ ի տուն Սիմովիւի։ Զոքանչ Սի-  
 մովիւի տագնապէր ջերմամբ մեծաւ։  
 40 Եւ աղաչեցին զնա վասն նորա։ Եկաց  
 առ նմա, սաստեաց ջերմանն, եւ ե-  
 թող զնա։ Եւ վաղվաղակի յարեաւ եւ  
 պաշտէր զնոսա։  
 41 Եւ ընդ արեւուն մտանել, ամենե-  
 քին որոց էին հիւանդք ի պէսպէս  
 ցաւս՝ բերէին զնոսա առ նա։ Եւ նա  
 իւրաքանչիւր ումեք ի նոցանէ զնէր  
 42 ձեռս եւ բժշկէր զնոսա։ Ելանէին եւ  
 զեւք ի բազմաց, աղաղակէին եւ ա-  
 սէին եթէ Դու ես Որդի Աստուծոյ։ Եւ  
 նա սաստէր եւ ոչ տայր նոցա թոյլ խօ-  
 սել, զի գիտէին զնա թէ Քրիստոսն է։  
 43 ԲՔ. Եւ իբրեւ տիւ լոկեւ, ել զնաց  
 յանապատ տեղի, եւ ժողովուրդքն  
 խնդրէին զնա։ Եկին մինչեւ առ նա  
 եւ արգելուին զնա, զի մի՛ զնասցէ ի  
 44 նոցանէ։ Եւ նա ասէ ցնոսա, Եւ այլոց  
 քաղաքաց պարտ է ինձ աւետարանել  
 զարքայութիւնն Աստուծոյ, զի յայն  
 45 իսկ առաքեցայ։ Եւ քարոզէր ի ժողո-  
 վուրդսն Գալիլեացոց։

## ԳԼ. Ե

1 Եւ եղեւ ի խոնկ զնովաւ ժողովրդ-  
 դեանն եւ լսել զբանն Աստուծոյ, եւ  
 ինքն կայր առ ծովակին Գեննեսարեւ-  
 2 թայ։ Եւ ետես երկուս նաւս զի կային  
 առ ծովակին, եւ ձկնորսքն ելեալ ի  
 3 նոցանէ՝ լուանային զգործիսն։ Եւ նա  
 ի մի նաւուցն որ էր Սիմովիւի, եւ ա-  
 ղաչեաց զնա սակաւիկ մի տանել ի  
 ներքս ի ցամաքէն։ Նստաւ եւ ուսու-  
 ցանէր ի նաւէ անտի զժողովուրդսն։  
 4 Եւ իբրեւ լուաց ի խօսիցն, ասէ  
 ցՍիմովիւ, Խաղացո ի խորն, եւ արկէք  
 5 զգործիս ձեր յորս։ Պատասխանի ետ  
 Սիմովիւ եւ ասէ ցնա, Վարդապետ,  
 զամենայն գիշերս աշխատ եղեաք եւ  
 ոչինչ կալաք։ Բայց վասն զո բանիդ  
 6 արկցուք զգործիսս։ Զայս իբրեւ արա-  
 րին, փակեցին ի ներքս բազմութիւն  
 ձկանց յոյժ, մինչեւ պարպատէին ուռ-  
 7 կանք նոցա։ Եւ ակնարկէին որսակ-

ցացն ի մեւս նաւն՝ զալ օգնել նոցա-  
 եւ եկին, եւ լցան երկոքին նաւքն  
 8 մինչեւ մերձ յընկղմել նոցա։ Իբրեւ  
 ետես Սիմովիւ Պետրոս, անկաւ առ  
 ծունկան Յիսուսի եւ ասէ, Ի բաց զնա  
 յինէն, Տէր, զի այր մեղաւոր եմ ես։  
 9 Քանզի ահ պատեաց զնա եւ զամե-  
 նեսեան որ ընդ նմայն էին՝ վասն որ-  
 10 սոյ ձկանցն զոր ըմբռնեցին, Նոյնպէս  
 եւ զՅակովբոս եւ զՅովնաննէս զոր-  
 դիսն Զբեդեայ, որ էին որսակիցք  
 Սիմովիւի։ Եւ ասէ ցՍիմովիւ Յիսուս,  
 Մի՛ երկնչիր, յայսմ հետէ զմարդիկ որ-  
 11 սայցես ի կեանս։ Եւ հանեալ զնաւն  
 ի ցամաք՝ թողին զամենայն եւ զնացին  
 զհետ նորա։  
 12 ԲԴ. Եւ եղեւ ի հասանելն նորա ի  
 մի ի քաղաքացն, ահա այր մի լի բո-  
 րոտութեամբ իբրեւ ետես զՅիսուս,  
 անկեալ ի վերայ երեսաց աղաչեաց զնա  
 եւ ասէ, Տէր, եթէ կամիս, կարող ես  
 13 զիս սրբել։ Զգեաց զձեռն իւր, հասոյց  
 ի նա եւ ասէ, Կամիմ, սրբեաց։ Եւ  
 վաղվաղակի զնաց ի նմանէ բորոտու-  
 14 թիւնն։ Եւ նա պատուիրեաց նմա մի՛  
 ումեք ասել, այլ թէ Երթ ցոյց զանձն  
 քո քահանային, եւ մատո պատարագ  
 վասն սրբութեան քո, որպէս եւ հրա-  
 մայեաց Մովսէս ի վկայութիւն նոցա։  
 15 Եւ յորդէր առաւել բանն զնմանէ։ Եւ  
 ժողովէին ժողովուրդք բազումք լսել  
 եւ բժշկել ի հիւանդութենէ իւրեանց։  
 16 Եւ նա խոյս տայր յանապատ տեղիս  
 եւ կայր յաղօթս։  
 17 ԲԵ. Եւ եղեւ ի միում աւուրց եւ  
 ինքն ուսուցանէր, եւ փարիսեցիքն  
 եւ օրինացն վարդապետք նստէին, որ  
 ժողովեալ էին յամենայն քաղաքաց  
 Գալիլեացոց եւ Հրէաստանի եւ Ս-  
 18 ի բժշկել զնոսա։ Եւ ահա արք բերէին  
 մահճօք զայր մի որ էր անդամալոյժ,  
 եւ խնդրէին զնա մուծանել ի ներքս  
 19 եւ զնել առաջի նորա։ Եւ իբրեւ ոչ  
 գտանէին թէ ընդ որ մուծանիցեն զնա  
 ի ներքս վասն ամբոխին, ելին ի տա-  
 նիս եւ ի ցուոցն կախեցին զնա, եւ  
 իջուցին մահճօքն հանդերձ ի մէջ ա-  
 20 ռաջի Յիսուսի։ Եւ տեսեալ զհաւատսն  
 նոցա՝ ասէ ցնա, Այր դու, թողեալ  
 21 լիցին քեզ մեղք քո։ Սկսան խորհել  
 զպիրքն եւ փարիսեցիք, եւ ասեն,

Ո՛ր է սա որ խօսի զհայնոյութիւնս, ո՛վ կարէ թողուլ զմեզս բայց միայն Աս-  
 22 տուած: Իբրեւ գիտաց Յիսուս զխոր-  
 հուրդսն նոցա, պատասխանի ետ եւ  
 23 ասէ ցնոսա, Զի՞ խորհիք ի սիրտս ձեր:  
 23 Զի՞նչ զիւրազոյն է, ասել՝ Թողեալ լի-  
 24 ցին քեզ մեզք քո, եթէ ասել, Արի եւ  
 24 գնա: Այլ զի գիտասցիք եթէ իշխա-  
 նութիւն ունի Որդի մարդոյ յերկրի  
 թողուլ զմեզս, (ասէ ցանդամալոյծն,)   
 Բեզ ասեմ, Արի, առ զմահինս քո եւ  
 25 երթ ի տուն քո: Եւ առժամայն յա-  
 րուցեալ առաջի ամենեցուն, առ զիւ-  
 րեւ յորոյ վերայ անկեալն դնէր, գնաց  
 ի տուն իւր, եւ փառաւոր առնէր զԱս-  
 26 տուած: Զարմանք կալան զամենե-  
 սին, եւ փառաւոր առնէին զԱստուած.  
 Լի եղին արեւ, եւ ասեն եթէ Տեսաք  
 այսոր նոր նշան:  
 27 ԲՋ. Եւ յետ այնորիկ ել անտի եւ  
 ետես մաքսաւոր մի որում անուն էր  
 Ղեւի, զի նստէր ի մաքսաւորութեան.  
 28 եւ ասէ ցնա, Եկ զինի իմ: Եւ թող-  
 եալ զամենայն՝ յարեալ դնաց զինի նո-  
 29 բա: Եւ արար ընդունելութիւն մեծ  
 նմա Ղեւի ի տան իւրում. եւ էր ժո-  
 ղովուրդ բազում մաքսաւորաց եւ այ-  
 30 լոց որ էին բազմեալ ընդ նոսա: Եւ  
 տրանջէին փարիսեցիքն եւ դպիրքն  
 նոցա՝ զնմանէ առ աշակերտսն նորա  
 եւ ասէին, Ընդէ՛ր ընդ մաքսաւորս  
 եւ ընդ մեղաւորս ուտէք եւ ըմպէք:  
 31 Պատասխանի ետ Յիսուս եւ ասէ ցնո-  
 սա, Ոչինչ են պիտոյ բժշկիք ողջոց,  
 32 այլ՝ հիւանդաց: Ոչ եկի կոչել զար-  
 դարս, այլ՝ զմեղաւորս յապաշխարու-  
 թիւն:  
 33 Եւ նոքա ասին ցնա, Ընդէ՛ր աշա-  
 կերտքն Յովաննուս պահն ստէպ եւ  
 խնդրուածս առնեն, նոյնպէս եւ փա-  
 րիսեցոցն, եւ քոյքդ ուտեն եւ ըմ-  
 34 պեն: Եւ նա ասէ ցնոսա, Միթէ կա-  
 րո՞ղ էք մանկանց առագաստի, մինչ փե-  
 րայն ընդ նոսա իցէ, հրաման տալ պա-  
 35 հել, Եկեացեն աւուրք յորժամ բարձցի  
 ի նոցանէ փեսայն, ապա պահեսցեն  
 36 յաւուրսն յայնոսիկ: Ասաց եւ առակ  
 մի առ նոսա թէ Ոչ ոք արկանէ ի նոր  
 հանդերձէ ի վերայ հնացեալ ձորձոյ.  
 ապա թէ ոչ՝ եւ զնորն պատառէ, եւ

ընդ հնոյն չմիաբանի կապերսն որ ի  
 37 նորոյն: Եւ ոչ ոք արկանէ գինի նոր  
 ի տիկս հինս. ապա թէ ոչ՝ պայթու-  
 ցանէ գինին նոր գտիկսն հինս, ինքն  
 38 հեղու եւ տիկքն կորնչին: Այլ զինի  
 նոր ի տիկս նորս արկանելի է, եւ եր-  
 39 կոքին պահին: Եւ ոչ ոք ըմպէ գինն  
 2 եւ կամիցի զնորն, քանզի ասէ թէ  
 Հինն քաղցրագոյն է:

## ԳԼ. Զ

4 ԲԵ. Եւ եղեւ ի չարաթու 3 յերկրոր-  
 դում առաջնոյն՝ անցանելնմա ընդ ար-  
 տորայսն, եւ աշակերտքն նորա կոր-  
 գէին հասկ, չփէին ընդ ափ եւ ուտէին:  
 2 Եւ ոմանք ի փարիսեցոցն ասեն ցնո-  
 սա, Զի՞նչ գործէք զոր չէ օրէն ի չա-  
 3 բաթու: Պատասխանի ետ նոցա Յի-  
 սուս եւ ասէ, Զիցէ՛ ընթերցեալ ձեր  
 զոր արարն Դաւիթ, յորժամ քաղ-  
 ցեաւն ինքն եւ որ ընդ նմայն էին:  
 4 Զիա՞րդ եմուտ նա ի տունն Աստուծոյ,  
 եւ զհացն զառաջաւորութեան եկեր  
 եւ ետ այնոցիկ որ ընդ նմայն էին.  
 5 զոր ոչ էր օրէն ումեք ուտել, բայց  
 5 միայն 3 քահանայապետիցն: Եւ ասէ  
 ցնոսա, Տէր է Որդի մարդոյ եւ չա-  
 բաթու:  
 6 Եւ եղեւ ի միւսում չարաթուն մտա-  
 նել նմա ի ժողովուրդն եւ ուտու-  
 ցանել. եւ էր անդ այր մի եւ ձեռն  
 7 իւր աջ գօսացեալ էր: Եւ սպասէին  
 նմա դպիրքն եւ փարիսեցիք թէ ի չա-  
 բաթուն բժշկիցէ, զի գտանիցեն չա-  
 8 բաթուսութիւն զնմանէ: Եւ նա զիտէր  
 զխորհուրդս նոցա. ասէ ցայրն որոյ  
 ձեռնն գօսացեալ էր, Արի, անց ի մէջ.  
 9 եւ նա յարուցեալ եկաց: Ասէ ցնոսա  
 Յիսուս, Հարցից ինչ զձեզ, Զի՞նչ ար-  
 ժան է ի չաբաթու, բարի՞ ինչ առնել  
 եթէ չար գործել, ոգի մի ապրեցու-  
 10 ցանել թէ կորուսանել: Եւ հայեցեալ  
 չուրջ զամենեքումք 5 զայրագին՝ ասէ  
 ցնա, Զգեա զձեռն քո. եւ նա ձգեաց,  
 եւ հաստատեցաւ ձեռն նորա 3 իբրեւ  
 41 զմեւսն: Նոքա լցան յիմարութեամբ,

2 Ունի, եւ զազազակի

3 Գնաւ գաւառ

4 Գնա, քահանայիցն. Դ. Մատթ. ԺԲ. 4,

Մարկ. Բ. 26

5 ի բազմա գաւառ

1 ի Գնալի գաւառ

- եւ խօսէին ընդ միմեանս թէ զինչ առնիցեն Յիսուսի :
- 12 ԳԿ. Եւ եղև ընդ աւուրսն ընդ այնոսիկ եւ ի լեւոն կալ յաղօթս, եւ հանէր զգիշերն ի գլուխ յաղօթսն Աստուծոյ : Եւ իբրեւ այգ եղև, կոչեաց զաշակերտսն իւր, եւ ընտրեաց ի նոցանէ երկոտասանս, զորս եւ առաքւաւ անուանեաց : ԶՍիմօն զոր եւ Պետրոսն անուանեաց, եւ զԱնդրէաս զեղբայր նորին, եւ զՅակովբոս, եւ զՅովնանէս, եւ զՓիլիպպոս, եւ զԲարթողոմէոս, եւ զՄատթէոս, եւ զԹովմաս, եւ զՅակովբոս Արիւսայ, եւ զՍիմօն զկոչեցեալն Նախանձայոյդ, եւ զՅուդա Յակովբայ, եւ զՅուդա Իսկարիօտացի, որ եղև իսկ մատնիչ : Եւ իջեալ նոքօք հանդերձ ի տեղի մի տափարակ, եւ ժողով աշակերտացն նորա եւ բազմութիւն յոյժ ժողովրդեանն յամենայն Հրէաստանէ, եւ յերուսաղեմէ՝ եւ յայնմ կողմանէ, եւ ի ծովեզերէն Տիրոսի եւ Սիդօնի :
- 18 Որ եկին լսել ի նմանէ եւ բժշկել ի հիւանդութենէ իւրեանց. եւ նեղեալքն յայտոց պղծոց բժշկէին : Եւ ամենայն ժողովուրդն խնդրէր մերձենալ ի նա, զի զօրութիւնն քաղուժ ելանէր ի նմանէ եւ բժշկէր զամենեւին :
- 20 Եւ նա ամբարձ զաչս իւր յաշակերտսն իւր եւ ասէ, Երանի աղքատացդ՝ հոգեւով, զի ձեր է արքայութիւնն Աստուծոյ : Երանի որ քաղցեալն՝ եւնայժմ, զի յապկեցին : Երանի որ է ձեզ յորժամ ատիցեն զձեզ մարդիկ, եւ յորժամ որոշիցին զձեզ եւ նախատիցեն, եւ հանիցեն անուռն չար զձէն :
- 23 Վասն Որդւոյ մարդոյ : Ուրախ լիջիք յառաջ յայնմիկ եւ ցնծասցիք, զի ահա վարձք ձեր բազումն եւն յերկրս : Բոսողմին օրինակի առնելն մարգարէիցն :
- 24 Կարք իւրեանց. Բայց վա՛յ ձեզ մեծատանցդ, զի բնկալալք զմիտիւնարութիւնն ձեր : Վա՛յ ձեզ որ յողկալոյ էք այժմ, զի քաղցիցեք : Վա՛յ ձեզ որ ծիծաղիքդ այժմ, զի սղայցեք, եւ լայցեք :

<sup>1</sup> Ի Բաւառիա գոյտ

<sup>2</sup> Ի Յուդէա գոյտ

<sup>3</sup> Բաւառիա, իցէք այժմ, զի յապկեցիք, որպէս եւ օրինակ է Հիւսիսին

<sup>4</sup> Եւնայժմ : Լաւքդ այժմ, զի ծիծաղեալիք

- 26 Վա՛յ ձեզ յորժամ բարի ասիցեն զձէն ՝ ամենայն մարդիկ, զի այդպէս առնէին սուտ մարգարէիցն հարք նոցա :
- 27 Այլ ձեզ ասեմ որ լսէքդ, Սիրեցէք զթշնամիս ձեր, բարի արարէք ատեն : Եւ զիսկեցէք զանիծիչս ձեր, աղօթս արարէք ի վերայ նեղաց ձեր :
- 28 Բայց ձերոց : Սրհնեցէք զանիծիչս ձեր, աղօթս արարէք ի վերայ նեղաց ձեր :
- 29 Բայց : Որ հարկանէ զծնօտ քո, մատոնմա եւ զմեւսն. եւ որ հանէ ի քէն զբաճկոն քո, մի՛ արգելուր ի նմանէ :
- 30 Եւ զչապիկս : Ամենայնի որ խնդրէ ի քէն՝ տուր, եւ զոր ինչ հանէ ոք ի քէն՝ մի՛ պահանջեր : Եւ որպէս կամիք թէ արաոցեն ձեզ մարդիկ, այնպէս արասցէք իւրեք : Եւ եթէ սիրէք զուրք զսիրելիս ձեր, զի՛նչ չնորէ է ձեր, զի եւ մեղաւորք սիրեն զսիրելիս իւրեանց : Եւ եթէ բարի առնէք բարեարաց ձերոց, ո՞ր չնորէ է ձեր, զի եւ մեղաւորք զնոյն գործեն : Եւ եթէ տայք փոխ այնոցիկ յորոց ակն ունիցիք առնուլ, ո՞ր չնորէ է ձեր, քանզի եւ մեղաւորք մեղաւորաց փոխ տան :
- 35 զի աոցեն անդրէն զկշիռն : Բայց սիրեցէք զթշնամիս ձեր, եւ բարի արարէք՝ ատենաց ձերոց : Եւ տուր փոխ՝ ուստի ոչ ակն ունիցիք առնուլ. եւ եղիցին վարձք ձեր բազում, եւ եղիցիք որդիք Բարձրելոյ : զի չա քաղցր է ի վերայ չարաց եւ ապաշնորհաց :
- 36 Եղիւրդ զթաժք, որպէս եւ Հայրն :
- 37 ձեր զթաժ է : Մի՛ դատիք եւ ոչ զատիցիք : մի՛ պատժէք եւ ոչ պատժիցիք :
- 38 արձակեցէք եւ արձակիցիք : Տուր եւ տացի ձեզ. չափ բարւոք, թաթաղուն, չարժուն, զեղուն տացին ի գոգս ձեր : նովին չափով որով չափէք՝ չափեսցի ձեզ :

- 39 Ասաց եւ առակ մի առ նոսա, Միթէ կարիցէ՞ կոյր կուրի առաջնորդել, ո՞չ ապաքէն երկուքին ի խորխորատ անկանիցին : Ոչ է աշակերտ լաւ քան զվարդապետ իւր. ամենայն կատարեալն եղիցի իբրեւ զվարդապետ իւր :
- 41 Զի՛ տեսանես զչիղ յական եղբօրքո, եւ ի քում ական զգերանդ ոչ նշմառեալ : Կամ զիա՞րդ կարան ասել ցեղբայր քո, Եղբայր, թող հանից զչիղդ յականէ քումմէ, եւ դու ի քում ական զգերանդ ոչ տեսանես. կեղծաւոր,

<sup>1</sup> Բաւառիա գոյտ

<sup>2</sup> Եւնայժմ, զչապիկ քո

հան նախ զգերանդ յականէ քու մմէ ,  
 43 եւ ապա հայեալ իր հանել զչիդ յականէ  
 44 իւր քու մմէ պտուղ զարի : Զի իւ-  
 րաքանչիւր ծառ ի պտղոյ իւրմէ ճանա-  
 չի . զի ոչ եթէ ի փշոց քաղեն թուզ ,  
 45 եւ ոչ ի մորենուոյ կթեն խաղող : Մարդ  
 բարի ի բարի գանձուց սրտի իւրոյ  
 բղխէ զբարի , եւ մարդ չար ի չարէն  
 46 տին խօսի բերան նորա : Զի՞ կոչէք  
 զիս Տէր , Տէր , եւ զոր ասեմն ոչ առ-  
 47 նէք : Ամենայն որ զայ առ իս , եւ լսէ  
 զբանս իմ եւ առնէ պնտս , ցուցից ձեզ  
 48 ում նման է : Նման է առն որ շինիցէ  
 տուն , որ փորեաց եւ խորեաց , եւ եզ  
 հիմն ի վերայ վիմի . ի յառնել հեղեղաց  
 բաղխեաց գետ զտունն , եւ ոչ կարաց  
 շարժել զնա . զի հաստատեալ էր հիմն  
 49 ի վերայ վիմի : Իսկ որ լսէ զբանս իմ  
 եւ ոչ առնէ , նման է առն , որ շինիցէ  
 տուն ի վերայ հողոյ առանց հիման .  
 զոր բաղխեաց գետ , եւ վազվազակի  
 անկաւ , եւ եղեւ կործանումն տանն  
 այնորիկ մեծ :

## ԳԼ Ե

1 ԳՁ . Եւ իբրեւ կատարեաց զամե-  
 նայն բանս իւր ի լսելիս ժողովրդեանն ,  
 2 եմուտ ի կափառնայում : Հարիւրապե-  
 տի ուրումն ծառայ չարաչար հիւան-  
 դացեալ մերձ էր ի վախճանել , որ էր  
 3 նաւ պատուական : Իբրեւ լուաւ զՅի-  
 սուսէ , առաքեաց զձերսն ի Հրէից ,  
 աղաչել զնա զի եկեսցէ ապրեցուցէ  
 4 զծառայն նորա : Եւ նոքա եկեալ առ  
 Յիսուս՝ աղաչէին զնա ստէպ եւ տսէին  
 թէ Արժանի է որում զչնորսն զայս  
 5 առնես : Զի սիրէ զազգս մեր , եւ զԺո-  
 6 ղովրդանոցն նա շինեաց մեզ : Եւ Յի-  
 սուս գնաց ընդ նոսա . իբրեւ ոչինչ  
 կարի հետի էր ի տանէն , յղեաց առ նա  
 հարիւրապետն բարեկամս , եւ ասէ  
 7 ցնա . Տէր , մի ինչ աշխատ լինիր , զի  
 չեմ բաւական եթէ ընդ յարկաւ իմով  
 7 մտաւիցես . վասն որոյ եւ ոչ զանձն  
 համարեցայ արժանի առ քեզ զայդ .  
 այլ ասա բանիւ , եւ բժշկեսցի մանուկս

8 իմ : Քանզի եւ ես այր մի եմ կարգեալ  
 ընդ իշխանութեամբ . ունիմ ընդ ինեւ  
 զինուորս , եւ ասեմ սմա , Երթ , եւ  
 երթայ . եւ այլում թէ Եկ , եւ գա-  
 եւ ծառայի իմում թէ Արա զայս , եւ  
 9 առնէ : Եւ իբրեւ լուաւ զայս Յիսուս ,  
 զարմացաւ , զարձաւ առ ժողովուրդն  
 որ երթային զհետ նորա եւ ասէ ,  
 2 Ամէն ասեմ ձեզ թէ եւ ոչ յիշուայի  
 10 այսչափ հաւատս գտի : Եւ զորձան  
 անդրէն պատգամաւորքն ի տուն , եւ  
 գտին զծառայն հիւանդ բժշկեալ :  
 11 ԳՁ . Եւ եղեւ ի վաղիւն երթայր ի  
 քաղաք մի որում անուն էր Նային .  
 երթային ընդ նմա եւ ճաշակերտք նո-  
 12 րա՝ եւ ժողովուրդք բազում : Իբրեւ  
 մերձ եղեւ ի դուռն քաղաքին , եւ ահա  
 ելանէր մեռեալ մի որդի միամօր մօր  
 իւրոյ , եւ նա էր այրի . եւ ժողովուրդ  
 13 բազում քաղաքին էր ընդ նմա : Իբրեւ  
 ետես զնա Տէր , զթացաւ ի նա եւ  
 14 ասէ , Մի՛ լար : Եւ մատուցեալ մեր-  
 ձեցաւ ի դագաղսն . եւ որք բարձեալն  
 տանէին՝ զտեղի առին . եւ ասէ , Պա-  
 15 տանի դու , քեզ ասեմ , արի . կանդ-  
 նեցաւ եւ նստաւ մեռեալն եւ սկսաւ .  
 16 խօսել . եւ հտ գնա ցմայր իւր : Եւ ահ  
 կայաւ զամենեւին , եւ փառաւոր առ-  
 նէին զկատուած եւ ասէին թէ Մար-  
 17 գարէ ոմն մեծ յարուցեալ է ի միջի մե-  
 րում , եւ թէ Այց արար Աստուած ժո-  
 17 ղովրդեան իւրում՝ ի բարութիւն : Եւ  
 ել զրոյցս այս ընդ ամենայն Հրէաս-  
 տան վասն նորա , եւ ընդ ամենայն  
 կողմանս աշխարհին :  
 18 Եւ պատմեցին Յովնանու աշա-  
 կերտքն իւր վասն ամենայնի այսորիկ :  
 19 Եւ կոչեաց առ ինքն երկուս ոմանս  
 յաշակերտացն իւրոց Յովնանէս , ա-  
 ռաքեաց ճառ Տէր՝ եւ ասէ , Դո՛ւ ես  
 որ զայոցն ես , եթէ այլում ակն կալ-  
 20 ցուք : Եւ եկեալ արքն առ նա՝ ասեն ,  
 Յովնանէս մկրտիչ առաքեաց զմեզ  
 առ քեզ եւ ասէ , Դո՛ւ ես որ զայոցն  
 21 ես , եթէ այլում ակն կալցուք : Եւ ի  
 նմին ժամու բժշկեաց զբազումս ի հի-  
 ւանդութեանց եւ ի հարուածոց եւ  
 յայտոց չարաց , եւ կուրաց բազմաց  
 22 շնորհեաց տեսանել : Պատասխանի ետ

2 ի բազմա գալուստ

3 Ուստի , յաշակերտաց նորա ոչ ասեալք

4 Ուստի , առ Յիսուս

1 Ուստի , ի չար գանձուց սրտի իւրոյ

1 Կողմ եւ ասէ, Երթայք պատմեցէք  
 Յովհաննու զոր տեսէքդ եւ լուայք,  
 2 զի կոյրք տեսանեն, եւ կաղք գնան,  
 բորոտք սրբին, խուլք լսեն, մեռեալք  
 23 յառնեն, աղքատք աւետարանին. Եւ  
 երանի իցէ որ ոչ գայթակղիցի յիս :  
 24 Եւ իբրեւ գնացին հրեշտակքն Յով-  
 հաննու, սկսաւ խօսել ընդ ժողո-  
 վուրդան վասն Յովհաննու, 25 Զի՛նչ ե-  
 լէք յանապատն տեսանել, եղէ՞զն շար-  
 26 ժուն ի հողմոյ : Այլ զի՛նչ ելէք տե-  
 սանել, այր ի հանդերձս փափկութեան  
 զարդարեալ. անաւանիկ որք ի հան-  
 դերձս երեւելիս եւ ի փափկութեան  
 26 են՝ յարքունիս են : Այլ զի՛նչ ելէք  
 տեսանել. մարգարէ՞. այո, ասեմ ձեզ,  
 27 առաւել եւս քան զմարգարէ : Զի սա  
 է վասն որոյ գրեալն է թէ, Ահա ա-  
 ռաքեմ զհրեշտակ իմ առաջի քո, որ  
 յարդարեաց զճանապարհք առաջի քո :  
 28 3 Ամէն ասեմ ձեզ, Մեծ ի ծնունդս  
 կանանց մարգարէ քան զՅովհաննէս  
 ոչ ոք է, բայց փոքրիկն յարքայութեան  
 Աստուծոյ մեծ է քան զնա :  
 29 Եւ ամենայն ժողովուրդն իբրեւ  
 լուաւ եւ մաքսաւորքն, արդարացու-  
 ցին զԱստուած, զի մկրտեցան ի մկր-  
 30 տութիւնն Յովհաննու : Իսկ փարի-  
 սեցիքն եւ օրինականքն զխորհուրդն  
 Աստուծոյ անարգեցին յանձինս իւր-  
 եանց, զի ոչ մկրտեցան ի նմանէ :  
 31 3 Արդ ո՛ւմ նմանեցուցից զմարդիկ  
 ազգիս այսորիկ, եւ ո՛ւմ իցեն նմա-  
 32 նողք : Նման են մանկուոյ որ ի հրա-  
 պարակս նստիցին, կարգացեն զմի-  
 մեանս եւ ասիցին, Փողս հարաք ձեզ  
 եւ ոչ կաքաւեցէք. ողբացաք եւ ոչ  
 33 լացէք : Եկն Յովհաննէս մկրտիչ, 3 ոչ  
 ուտէր եւ ոչ ըմպէր, եւ ասէիք, Դեւ  
 34 գոյ ի նմա : Եկն Որդի մարդոյ, ուտէ  
 եւ ըմպէ, եւ ասէք, Ահա այր կերող  
 եւ արբեցող, բարեկամ մաքսաւորաց  
 35 եւ մեղաւորաց : Եւ արդարացաւ ի-  
 մաստութիւն Երողոց իւրոց :  
 36 ԳԳ. Աղաչէր զնա ոմն ի փարիսե-  
 ցւոցն զի կերիցէ ճաշ ընդ նմա. եւ

մտեալ ի տուն փարիսեցւոյն՝ բազմե-  
 37 ցաւ : Եւ կին մի էր ի քաղաքին մե-  
 ղաւոր. իբրեւ գիտաց թէ բազմեալ է  
 ի տան փարիսեցւոյն, բերեալ չիչ մի  
 38 իւղոյ ազնուի, Կայր յետոյ առ ոտս  
 նորա, լայր, եւ արտասուօքն սկսաւ  
 թանալ զոտս նորա, եւ հերով գլխոյ  
 իւրոյ ջնջէր. եւ համբուրէր զոտս նո-  
 39 րա եւ օծանէր իւղովն : Եւ տեսեալ  
 փարիսեցւոյն որ կոչեաց զնա՝ ասէր  
 ընդ միտս իւր, Սա թէ մարգարէ ոք  
 էր, ապա գիտէր թէ ով եւ որպիսի  
 ոք կին մերձենայ ի սա. զի մեղաւոր  
 40 է : Պատասխանի ետ Յիսուս եւ ասէ  
 ցնա, Սիմովն, ունիմ ինչ ասել քեզ.  
 եւ նա ասէ, Ասա, Վարդապետ. եւ  
 41 ասէ, Երկու պարտապանք էին ու-  
 րումն փոխատուի. մինն պարտէր հինգ  
 հարուր դահեկան, եւ մեւմն՝ յիսուն :  
 42 Եւ իբրեւ ոչ գոյր նոցա հատուցանել,  
 երկոցունց չնորհեաց. արդ առա, ո՞վ  
 43 առաւել սիրեացէ զնա : Ասէ Սիմովն,  
 Ինձ այսպէս թուի եթէ որում զքա-  
 զումն չնորհեաց. եւ նա ասէ ցնա.  
 44 Ուղիղ դատեցար : Եւ դարձեալ ի կինն  
 կողմն, ասէ ցՍիմովն, Տեսանե՞ս զայս  
 կին, մտի ի տուն քո, ջուր ոտից իմոց  
 ոչ ետուր. իսկ սա արտասուօք իւ-  
 րովք եթաց զոտս իմ, եւ օծեցով իւրով  
 45 ջնջեաց : Համբոյր մի դու ոչ ետուր  
 ինձ, սա աւասիկ յորմէ հետէ մտեալ  
 եմ, ոչ դադարեաց ի համբուրելոյ զոտս  
 46 իմ : Իւղով զզլուի իմ ոչ օծեր, սա  
 47 իւղով անուշիւ 7 օծ : Վասն որոյ ասեմ  
 քեզ, Թողեալ լիցին սմա մեղք իւր բա-  
 զումք, զի յոյժ սիրեաց. զի որում  
 շատ թողուցու՝ շատ սիրէ, եւ որում  
 48 սակաւ՝ սակաւ : Եւ ասէ ցնա, Թողեալ  
 49 լիցին քեզ մեղք քո : Եւ սկսան որ  
 բազմեալն էին ընդ նմա՝ ասել ընդ միտս  
 իւրեանց, Ո՞վ է սա որ զմեղս թողու :  
 50 Եւ նա ասէ ցկինն, Հաւատք քո կե-  
 ցուցին զքեզ, երթ ի խաղաղութիւն :

ԳԼ Ը

1 ԳԵ. Եւ եղեւ յետ այնորիկ եւ ինքն  
 չըջէր ընդ քաղաքս եւ ընդ գեղս, քա-  
 րողէր եւ աւետարանէր զարքայութիւն

1 Ո՛ւմ, նոցա Յիսուս

2 Ո՛ւմ, ԶԺ

3 Ո՛ւմ, Եւ ասէ Տէր, Արդ

4 Ո՛ւմ, որդեւ եւ որդեւ 4 Հոյ, ոչ ուտեր  
 հաց եւ ոչ ըմպէր զինի

5 Բաւաւ, յամենայն արգւոց

6 Ո՛ւմ, հերով գլխոյ իւրոյ

7 Բաւաւ, օծ զոտս իմ

Աստուծոյ, եւ երկոստասանքն ընդ նմա.  
 2 Եւ կանաչք ոմանք որ բժշկեալ էին յայսոց չարաց եւ ի հիւանդութեանց. Մարիամ որ կոչէր Մագդաղենացի,  
 3 յորմէ եւթն դուն ելեալ էր. եւ Յովաննա կին Քուզայ՝ հաղարապետին Հերովդի, եւ Շուշան եւ այլք բազումք, որք պաշտէին Նինա յընչից իւրեանց,  
 4 Եւ ի ժողովել բազում ժողովրդոց, եւ ըստ քաղաքաց քաղաքաց իկերոցն  
 5 առ նա, ասէ առական, եւ սերմանացան սերմանել զսերմանիս իւր. եւ ի սերմանելն իւրում էր որ անկաւ առ ճանապարհաւ. եւ եղեւ կոխան, եւ  
 6 թոչուեք երկնից կերան գնաւ. եւ այլն անկաւ յապառաժի. եւ ընդ բուսանինն՝ չորացաւ առ ի չգոյէ հիւթոյ. եւ այլն անկաւ ի մէջ փշոց, եւ ընդ նմին  
 8 բուսեալ փշոցն՝ հեղձուցին գնաւ. եւ այլն անկաւ յերկրի բարի<sup>2</sup> եւ պարարտ, եւ բուսեալ արար պտուղ հարիւրապատիկ. զայս իրեւ խօսեցաւ, ասէ, Որ ունիցի ականջս լսելոյ լուիցէ:  
 9 Հարցանէին գնա աշակերտքն թէ  
 10 Զինչ իցէ առաւին. եւ նա ասէ, Զիզ տուեալ է զիտել զխորհուրդս արքայութեան Աստուծոյ, բայց այլոցն առաւօք. զի տեսցեն եւ մի՛ տեսցեն, լուիցեն եւ մի՛ իմասցին:  
 11 Բայց առական այս ինչ է. Սերմն բանն  
 12 Աստուծոյ է. եւ որք առ ճանապարհաւն՝ այնտեղիկ են որ լսենն, եւ ապա զայ Սատանայ հանէ զբանն ի սրտից նոցա, զի մի՛ հաւատասցեն եւ ապրեցին. եւ որք յապառաժին, որք յորժամ լսիցեն, խնդութեամբ ընդունին զբանն, եւ արմատս ոչ ունիցին. որք առ ժամանակ մի հաւատան, եւ ի ժամանակի փորձութեան հեռանան:  
 14 Իսկ որ ի մէջ փշոցն անկաւ՝ նոքա են, որ իրեւ լսեն<sup>3</sup> զբանն, եւ ի հոգս եւ ի մեծութիւն եւ ի ցանկութիւն աշխարհիս զբաղեալ, հեղձուուն եւ անպտուղ լինին. Իսկ որ յերկրին պարարտ, որոց բարւոք եւ զուարթակին սրտիւ լուեալ զբանն՝ ընդունին, եւ տան պտուղ համբերութեամբ:  
 16 Ոչ ոք լուցանէ ճրագ, եւ թաքցանէ ընդ կարասեաւ. կամ գնէ ընդ մանձօք. այլ ի վերայ աշտանակի գնէ,

17 զի որ մտանեն՝ զլոյս տեսցեն. Զիք ինչ ծածուկ որ ոչ յայտ լիցի. եւ ոչ զաղտնի՝ որ ոչ ծանիցի եւ եկեսցէ ի յայտ. Տեսէք այսուհետեւ զիարդ լսէք. զի ոյր գուցէ՝ տացի նմա, եւ ոյր ոչն գուցէ, եւ զոր կարծէն թէ ունիցի՝ բարձցի ի նմանէ:  
 19 Եկին առ նա մայրն եւ եղբարք իւր, եւ ոչ կարէին հասանել ի նա վասն  
 20 բազմութեանն. Ազգ եղեւ նմա եւ ասեն, Մայր քո եւ եղբարք քո կան արտաքոյ եւ կամին զքեզ տեսանել:  
 21 Եւ ծառէ ցնոսա, Մայր իմ եւ եղբարք իմ սոքա են, որ զբանն Աստուծոյ լսեն եւ առնեն:  
 22 ԳԶ. Եւ եղեւ ի միում աւուրց ինքն ել ի նաւ եւ աշակերտքն նորա, եւ ասէ ցնոսա, Եկայք, անցցուք յայնկոյս  
 23 ծովակիս, եւ գնացին. եւ մինչդեռ նաւէին, ի քուն եմուտ. եւ էջ մորիկ հողմոյ ի ծովակն եւ ուռնոյր, եւ տագնապէին. Մատուցեալ զարթուցին գնա եւ ասեն, Վարդապետ, վարդապետ, կորնչիմք աւասիկ. եւ նա յարուցեալ սաստեաց հողմոյն եւ խոռովութեան ջրոցն, եւ հանդարտեցին, եւ եղեւ  
 25 խաղաղութիւն. Ասէ ցնոսա, Ո՛ւր են հաւատք ձեր. եւ զահի հարեալ զարմացան եւ ասէին ցմիմեանս, Ո՛վ արդեւք իցէ սա, զի եւ հողմոց եւ ջրոց հրաման տայ, եւ հնազանդին սմա:  
 26 Եւ նաւեցին ի ջին յայնարհն<sup>4</sup> Գերգեսացւոց, որ է յայնկոյս հանդէպ Գալիլեայ. եւ ընդ ելանելն նորա ի ցամաք, պատահեաց այր մի ի քաղաքէն, յորում էին դեւք. եւ բազում ժամանակս չէր հանդերձ զգեցեալ եւ ոչ ի  
 28 տան բնակեալ, այլ ի գերեզմանս. եւ տեսեալ զԹիսուս, աղաղակեաց եւ անկաւ առաջի նորա, եւ ասէ մեծաձայն, Զի՛ կայ իմ եւ քո, Թիսուս, Որդի Աստուծոյ բարձրելոյ, աղաչեմ զքեզ, մի՛  
 29 տանջեր զիս. Քանզի հրաման տայր այսոյն պղծոյ ելանել ի մարդոյ անտի. զի բազում ժամանակս յափշտակեալ էր գնա, եւ կապէր ի շղթայս, եւ պահէր յերկաթս, եւ խղէր զկապանսն,  
 30 եւ վարէր ի գիւէն յանապատ. Եհարց ցնա Թիսուս եւ ասէ, Զինչ անուռն է

<sup>1</sup> Ունի, գնոսա<sup>2</sup> Ի բազում գոյն<sup>3</sup> Ի բազում, նա պատահեալի եւ ասէ  
<sup>4</sup> Ունի, Գաղաթաղոց



քեզ, եւ նա ասէ, լէգէովն. զի դեւք  
 31 բազումք մտեալ էին ի նա: Եւ աղա-  
 չէին զնա զի մի՛ հրաման տացէ նոցա  
 32 երթալ յանդունդս: Եւ էր անդ երա-  
 մակ մի խողից բազմաց արօտական ի  
 լերինն, եւ աղաչեցին զնա զի հրաման  
 տացէ նոցա մտանել ի նոսա: Եւ հրա-  
 33 մայնաց նոցա: Եւ ելեալ դեւքն յառ-  
 նէն մտին ի խողեանն, եւ դիմնաց ե-  
 րամակն ի գահէ անտի ի ծովակն եւ  
 34 հեղձաւ: Իբրեւ տեսին խողարածքն  
 զիրան որ եղեն՝ փախեան, եւ պատ-  
 35 մեցին ի քաղաքին եւ յագարակսն: Եւ  
 իբրեւ ելին տեսանել զգործսն, եւ եկին  
 առ Յիսուս, եւ գտին զայրն՝ սւստի  
 դեւքն ելեալ էին, զգեցեալ եւ զգա-  
 տացեալ նստէր առ ոտսն Յիսուսի, եւ  
 36 երկեան: Պատմեցին նոցա որոց տես-  
 եալն էր թէ՛ զհարդ փրկեցաւ դիւա-  
 37 հարն: Եւ աղաչէր զնա ամենայն բազ-  
 մութիւնն շուրջ զկողմամբքն՝ Գեր-  
 գեսացոց՝ գնալ զնա՝ սահմանացն նոցա՝,  
 քանզի ահիւ մեծաւ տագնապէին. եւ  
 նա մտեալ ի նաւ՝ զարձաւ անդրէն:  
 38 Աղաչէր զնա այրն ուստի դեւքն ելեալ  
 էին՝ շրջել ընդ նաւ. արձակեաց զնա  
 39 եւ ասէ, Դարձ ի տուն քո եւ պատ-  
 մեա զոր միանգամ արար քեզ Աս-  
 տուած. գնաց ի քաղաքն եւ քարոզէր  
 զոր ինչ արար նմա Յիսուս:  
 40 Եւ իբրեւ դարձաւ անդրէն Յիսուս,  
 ընկալաւ զնա ժողովուրդն, քանզի ա-  
 41 մենքեան ակն ունէին նմա: Եւ ահա  
 եկն այր մի որում անուն էր Յայրոս,  
 եւ նա էր իշխան ժողովրդեանն, ան-  
 կեալ առ ոտսն Յիսուսի՝ աղաչէր զնա  
 42 մտանել ի տուն նորա: Զի զուստր  
 միամօր էր նորա ամաց իբրեւ երկո-  
 տասանից, եւ էր մերձ ի մահ. եւ ընդ  
 երթալն նորա ժողովուրդքն նեղէին  
 զնա:  
 43 Եւ կին մի էր ի տեոատեսութեան  
 արեան յամաց երկոտասանից, զորում  
 ոչ էր լիեալ հնար յուսեքէ բժշկել:  
 44 Մատուցեալ յետոյ մերձեցաւ ի քղանցս  
 հանդերձի նորա. եւ նոյնժամայն եւ  
 45 կաց լղիսումն արեան նորա: Եւ ասէ

Յիսուս, Ո՛վ է որ մերձեցաւ յիս.  
 իբրեւ ամենքեան ուրանային, ասէ  
 Պետրոս եւ որ ընդ նմա էին, Վար-  
 քապետ, ժողովուրդքդ պնդեն եւ նե-  
 46 ղեն՝ զքեզ, եւ ասէ Յիսուս, Ոմն մեր-  
 ձեցաւ յիս, քանզի գիտացի եթէ զօ-  
 47 բութիւն ել յինէն: Իբրեւ ետես կինն  
 եթէ ոչ ծածկեցաւ ի նմանէ, եկն դո-  
 ղալով եւ անկաւ առաջի նորա, թէ  
 վասն որոյ իրաց մերձեցաւ ի նա՝ պատ-  
 մեաց առաջի ամենայն ժողովրդեանն,  
 եւ թէ որպէս բժշկեցաւ առժամայն:  
 48 Եւ ասէ, Քաջալիբեաց, դուստր, հա-  
 լատք քո կեցուցին զքեզ, երթ ի խա-  
 ղաղութիւն:

49 Եւ մինչդեռ նա խօսէր, գայ ոմն ի  
 տանէ ժողովրդապետին եւ ասէ ցնա,  
 Մեռաւ դուստրն քո, մի՛ ինչ աշխատ  
 50 առներ՝ զգա: Իսկ Յիսուս իբրեւ լուաւ,  
 պատասխանի ետ նա եւ ասէ, Մի՛  
 երկնչիր, միայն հաւատա, եւ կեցցէ:  
 51 Եւ մտեալ ի տունն՝ ոչ զոք եթող մտա-  
 նել, բայց միայն զՊետրոս եւ զՅա-  
 կովբոս եւ զՅովհաննէս եւ զհայր ման-  
 52 կանն եւ զմայր նորա: Լային ամենե-  
 քեան եւ կոծէին զնա. եւ նա ասէ,  
 Մի՛ լայք, զի չէ մեռեալ, այլ ննջէ:  
 53 Եւ նոքա ծաղր առնէին զնա, զի գի-  
 54 տէին թէ մեռաւ: Եւ նորա հանեալ  
 55 զամենեւին արտաքս, Կալաւ զձեռանէ  
 նորա, բարբառեցաւ եւ ասէ, Արի,  
 56 կաց, մանուկ դու: Եւ դարձաւ ոգի  
 նորա, եւ կանգնեցաւ վաղվաղակի:  
 57 Եւ հրամայեաց տալ նմա ուսեւ: Եւ  
 զարմացան ծնողքն նորա. եւ նա պատ-  
 ուիրէր մի՛ ումնք ասել որ ինչ եղեւն:

## ԳԼ Թ

1 ԳԵ. Եւ կոչեցեալ զերկոտասան ա-  
 ոաքեալսն, ետ նոցա զօրութիւն եւ  
 իշխանութիւն ի վերայ ամենայն դի-  
 2 ւաց, եւ բժշկել զհիւանդութիւնս: Եւ  
 առաքեաց զնոսա քարոզել զարքայու-  
 3 թիւնն Աստուծոյ եւ բժշկել զախտա-

5 Ո՛վն, զքեզ, եւ դու տես եթէ Ո՛վ մերձե-  
 ցաւ յիս

6 ի Յիսուսի առաջ

7 Ուղեւ, զվարդապետդ

8 Ո՛վն, զերկոտասանն, այլ՝ զերկոտասան ա-  
 շակերտս իւր

1 Ո՛վն, Գաղարացոց

2 Յիսուս, ի նոցանէ

3 Ո՛վն, զնա Յիսուս

4 Ուղեւ, որ ի բժշկո ծախեալ էր զամենայն  
 ինչս իւր. որում

նայք ի ճանապարհ, մի՛ գաւազան եւ  
 մի՛ մախաղ, մի՛ հաց եւ մի՛ արծաթ, 18  
 4 մի՛ երկուս հանդերձս ունիցիք, եւ  
 յոր տուն մտանիցէք, անդ ազջիք եւ  
 5 անտի գնայցէք, եւ որք ոչ ընդունի-  
 ցին զձեզ, յորժա՞ ելանիցէք ի քաղա-  
 քէն յայնմանէ, զփոշի ոտից ձերոց թո-  
 6 թափեալիք ի վկայութիւն նոցա, եւ  
 ելեալ չըջէին՝ ընդ քաղաքս եւ՝ ընդ  
 գեղս, աւետարանէին եւ բժշկէին ընդ  
 ամենայն տեղիս։  
 7 Լուաւ Հերովդէս չորրորդապետ  
 զգործան ամենայն, եւ զարմանայր  
 8 վասն ասելոյն յոմանց եթէ Յովնանէս  
 յարեաւ ի մեռելոց, եւ յոմանց՝ թէ ե-  
 9 դիա յայտնեցաւ, եւ յայլոց՝ թէ Մար-  
 10 գարէ ոմն յառաջնոցն յարեաւ։ Ասէ  
 Հերովդէս, ՉՅովնանէս ես գիտատե-  
 ցի, իսկ սա ո՞վ իցէ զորմէ զայսպիսի  
 իրս լսեմ։ Եւ խնդրէր տեսանել զնա։  
 11 Դարձան առաքելաքն եւ պատմեցին  
 նմա զամենայն զոր արարին։ Եւ առ-  
 եալ զնոսա՝ խուսեաց առանձինն ի տե-  
 ղի անապատ քաղաքի միոյ, որում  
 12 անուն էր Բեթսայիլա։ Եւ ժողո-  
 վուրդք իբրեւ գիտացին, գնացին զհետ  
 նորա, եւ ընկալեալ զնոսա՝ խօսէր  
 ընդ նոսա վասն արքայութեան Աս-  
 տուծոյ, եւ որոց պէտք էին բժշկու-  
 թեան՝ բժշկէր։  
 13 Եւ օրն սկսաւ տարածամուլ։ մատ-  
 եան երկոտասանքն եւ ասին ցնա, Ար-  
 ձակեա զժողովուրդսդ, զի երթեալ  
 շուրջ ի գեղսն եւ յազարակս, հանգի-  
 ցնն եւ գտցնն կերակուր, զի աստ  
 14 յանապատի տեղւոջ եմք։ Ասէ ցնոսա,  
 Դուք տուք զոցա ուտել։ Եւ նորա  
 ասեն, Ոչ գոյ մեր աւելի քան զհինգ  
 նկանակ՝ եւ զերկուս ձկունս, բայց  
 եթէ երթիցուք գնեսցուք բաւական  
 15 ժողովրդեանդ կերակուր։ Քանզի էին  
 արք իբրեւ հինգ հազար։ Ասէ ցաշա-  
 կերտսն, Բազմեցուցէք զգոսա դասս  
 16 դասս՝ յիսուն յիսուն։ Եւ արարին այն-  
 պէս, եւ բազմեցուցին զամենեսեան։  
 17 Եւ առեալ զհինգ նկանակն եւ զերկուս  
 ձկունսն՝ հայեցաւ յերկինս, օրհնեաց  
 եւ երեկ եւ տայր ցաշակերտսն՝ ար-  
 18 կանսել ժողովրդեանն, կերան եւ յա-  
 գեցան ամենեքեան, եւ բարձին զնըշ-

խարս կոտորոցն երկոտասան սակառի։  
 19 Դպ։ Եւ եղեւ ի կալն նորա յաղօթս  
 տառնձինն, էին ընդ նմա եւ աշա-  
 կերտքն նորա։ Եհարց զնոսա եւ ասէ,  
 20 Զո՞ք ասեն զինէն ժողովուրդքն թէ  
 իցեմ։ Եւ նոցա պատասխանի տուեալ  
 ասին, ՉՅովնանէս մկրտիչ։ Եւ այլք  
 21 Չեղիա։ Իսկ այլք թէ Մարգարէ ոք  
 յուք զո՞ք ասէք զինէն թէ իցեմ։  
 22 պատասխանի եւ Պետրոս եւ ասէ,  
 23 ԶՔրիստոսն Աստուծոյ, նա սաստեաց  
 ի նոսա, եւ պատուիրեաց մի՛ ումեք  
 24 ասել զայն։ Եւ ասէ թէ Պարտ է Որ-  
 դույ մարդոյ բազումս չարչարել եւ ա-  
 նարգել ի քահանայապետից եւ ի ծերոց  
 եւ ի դպրաց, եւ սպանանել եւ յերի-  
 25 րաւել յառնել։ Եւ ասէր առ ամենե-  
 սին, Եթէ ոք կամի զկնի իմ գալ, ու-  
 26 ռացի զանձն եւ առցէ զխաչ իւր հա-  
 նապաղ եւ եկեսցէ զհետ իմ։ Զի որ  
 կամիցի զանձն իւր կեցուցանել՝ կո-  
 27 րուսցէ զնա, եւ որ կորուսցէ զանձն  
 28 իւր վասն իմ՝ կեցուցցէ զնա։ Զինչ  
 29 օգուտ է մարդոյ եթէ Չզաշխարհ չա-  
 հեսցի, եւ զանձն իւր կորուսցէ կամ  
 30 տուժեսցի։ Զի որ ամօթ համարեսցի  
 զիս եւ զբանս իմ, զնա եւ Որդի մար-  
 31 դոյ յամօթ արասցէ յորժամ գայցէ փա-  
 ոօք իւրովք եւ Հօր եւ հրեշտակաց  
 32 սրբոց։ Բայց արդարեւ ասեմ ձեզ եթէ  
 33 են ոմանք ի դոցանէ որ այդր կան,  
 որք մի՛ ճաշակեսցն զմահ, մինչեւ  
 տեսցն զարքայութիւնն Աստուծոյ։  
 Եւ եղեւ յետ այսց բանից իբրեւ  
 34 աւուրք ութ, առեալ զՊետրոս եւ  
 զՅակովբոս եւ զՅովնանէս՝ ել ի լեառն  
 35 կալ յաղօթս։ Եւ ի կալն նմա յաղօթս՝  
 եղեւ տեսիլ երեւաց նորա այլակերպ,  
 եւ փոխեցաւ հանդերձ նորա եւ եղեւ  
 36 սպիտակ փայլուն։ Եւ ահա արք երկու  
 խօսէին ընդ նմա, որ էին Մովսէս եւ  
 37 Եղիա, Երեւեալ փառօք, եւ ասէին  
 զեղիցն նորա զոր կատարելոց էր յն-  
 38 րուսաղէմ։ Իսկ Պետրոս եւ որ ընդ  
 նմայն էին՝ ծանրացեալք ի քնոյ, զար-  
 39 թեան եւ տեսին զփառսն նորա եւ զեր-  
 40 կուս արսն որ կային առ նմա։ Եւ ե-  
 41 ղեւ ի մեկնելն նոցա ի նմանէ, ասէ Պետ-  
 րոս ցՅիսուս, Վարդապետ, բարւոք է

մեզ աստ լինել, եւ արաացուք երիւտադաւարս, մի քեզ եւ մի Մովսիսի եւ մի Եղիայի, եւ ոչ գիտէր զինչ խօսեցր։ Եւ իբրեւ զայս ասաց, եկն ամպ եւ հովանի իղեւ ի վերայ նոցա։ Եւ երկեան ի մտանելն նոցա ընդ ամպովն։

35 Զայն եղեւ յամպոյն եւ ասէ, Իսկ է Որդի իմ՝ ինտրեալ, դմա լուարուք։

36 Եւ ընդ լինել բարբառոյն՝ գտաւ Յիսուս միայն։ Եւ ինքեանք լռեցին, եւ ոչ ումեք պատմեցին յաւուրսն յայնուսիկ եւ ոչինչ յորոց տեսին։

37 ԴՔ. Եւ եղեւ ի վաղիւն մինչ իջանէին նորա ի լեռնէ անտի, ընդ առաջ

38 եղեւ նմա ժողովուրդ բազում։ Եւ ահա այր մի ի ժողովրդենէ անտի աղաղակեաց եւ ասէ, Վարդապետ, աղաչեմ գրեզ, հայեաց յորդի իմ, զի միամօր է

39 ինձ։ Եւ ահա այս հարկանի ի նմա, եւ յանկարծ գոչէ։ Եւ զարկուցանէ զնա եւ թաւալեցուցանէ զնա եւ փրփրեցուցանէ, եւ հաղիւ մեկնի ի նմանէ։

40 Խորտակեալ զնա։ Եւ աղաչեցի զանարկեալսն քո զի հանցեն զնա, եւ ոչ

41 կարացին։ Պատասխանի ետ Յիսուս եւ ասէ, Ով ազգ անհաւատ եւ թեւր, մինչեւ յերբ եղէց ընդ ձեզ եւ անսայ

42 ցեւ՝ ձեզ։ մաստ այսր գորդին քո։ Եւ մինչդեռ մատչէր, զարկոյց զնա դեռն

43 եւ շարժեաց։ Սաստեաց Յիսուս այսոյն պղծոյ, եւ բժշկեաց զմանուկն

44 եւ ետ զնա ցնայր իւր։ Եւ զարմանային ամենեքեան ի վերայ մեծամեծացն Աստուծոյ։

Եւ ի զարմանալն ամենեցուն ի վերայ ամենայնի զոր առնէր, ասէ ցաշակերտսն իւր, Դիք դուք ի յեկիս ձեր զբանս զայստսիկ, զի Որդի մարդոյ

45 մատնելոց է ի ձեռս մարդկան։ Եւ նոքա ոչ գիտէին զբանն, եւ էր ծածկեալ ի նոցանէ զի մի՞ գիտասցեն։ Եւ երկրնչէին հարցանել ցնա վասն բանին այնորիկ։

46 Եւ մուտ խորհուրդ ի նոսա թէ ո՞րար

47 պեք մեծ իցէ ի նոցանէ, Յիսուս իրեւ ծանեաւ զխորհուրդս սրտից նոցա, առ մանուկ մի, կացոյց ի մէջ նոցա

48 առ իւր, Եւ ասէ ցնոսա, Որ ոք քոնկայցի զմանուկս զայս յանուն իմ՝ զիս ընդունի, եւ որ զիս ընդունիցի՝ ըն-

դունի զառաքիչն իմ։ զի որ փոքրիկն է յամենեւին ի ձեզ՝ նա եղիցի մեծ։

49 ԴՔ. Պատասխանի ետ Յովհաննէս եւ ասէ, Վարդապետ, տեսաք զոմն որ յանուն քո դեւս հանէր, եւ արգելաք զնա, զի ոչ չրջի ընդ մեզ։ Ասէ ցնոսա Յիսուս, Մի՞ արգելուք զնա, զի որ ոչն է ձեր թշնամի՝ ի ձեր կողմնէ։

51 Եւ եղեւ ի կատարել առուրց վերանալոյ նորա, եւ ինքն գերեսս հաս-

52 տատեաց երթալ յերուսաղէմ։ Եւ առաքեաց հրեշտակս առաջի երեսաց իւրոց։ Եւ իբրեւ չոգան, մտին ի գեղ մի Սամարացւոց՝ պատրաստել ինչ նմա։

53 Եւ ոչ ընկալան զնա, զի դէմ եղեալ

54 էր նորա երթալ յերուսաղէմ։ Իբրեւ տեսին աշակերտքն, Յակովբոս եւ Յովհաննէս, ասեն, Տէր, կամի՞ս զի ասացուք, եւ իջցէ հուր յերկնից եւ

55 սատակեսցէ ձգնոսա։ Դարձաւ սաստեաց ձի նոսա եւ ասէ, Ոչ գիտէք

56 որոյ հոգւոյ էք դուք։ Զի Որդի մարդոյ ոչ եկն զոգիս մարդկան կորուսանել, այլ՝ կեցուցանել։ Եւ գնացին

57 յայլ գեղ։ Եւ մինչդեռ երթային նոքա ի ճանապարհի, ասէ ոմն ցնա, Եկից

58 զկնի քո յոր վայր եւ երթիցես։ Ասէ ցնա Յիսուս, Աղուեսուց որջք գոն, եւ թոչնոց երկնից՝ դադարք, եւ Որդւոյ մարդոյ ոչ գոյ ուր դիցէ զգլուխ։

59 Ասէ ցմեւս եւս, Եկ զկնի իմ։ Եւ նա ասէ, Տէր, հրաման տուր ինձ եր-

60 թալ նախ թաղել զհայր իմ։ Ասէ ցնա Յիսուս, Թող զմեռեալսն թաղել զմեռեալս իւրեանց, եւ դու երթ պատմեալ զարքայութիւնն Աստուծոյ։

61 Ասէ եւ այլ ոմն, Եկից զկնի քո, Տէր, բայց նախ հրաման տուր ինձ

62 հրաժարել ի տանէ իմմէ։ Ասէ ցնա Յիսուս, Ոչ ոք արկանէ ձեռն զմաճով եւ հայիցի յետս, եթէ յաջողեալ իցէ արքայութեան Աստուծոյ։

#### ԳԼ Ժ

1 ԴՔ. Յետ այսորիկ երեւեցոյց Տէր եւ այլ եւս իւրեանստուն եւ երկուս։

2 Ո՛հ, մեր

3 Ո՛հ, գնոսա, որդէս արար Եղիս

4 Ո՛հ, ի նոսա (56) Եւ գնացին յայլ գեղ

5 Բաւալ, եւ թանապանեալ

եւ առաքեալաց զնոսա երկուս երկուս առաջի իւր յամենայն քաղաքս եւ ի 2 տեղիս ուր ինքն երթալոց էր: Եւ ասէ ցնոսա, Հունձք բազում են եւ մշակք սակաւ. արդ աղաչեցէք զՏէր հնձոց, 3 զի հանցէ մշակս ի հունձս իւր: Երթայք, ահա առաքեալ զձեզ իբրեւ զգա- 4 ռինս ի մէջ դայլոց: Մի՛ բառնայք քսակ, մի՛ մախաղ, մի՛ կօշիկս, եւ ի ճանա- 5 պարհի ումեք ողջոյն մի՛ տայցէք: Թոր տուն մտանիցէք, նախ ասասցիք թէ 6 Ողջոյն տանս այսմիկ. եւ եթէ իցէ անդ որդի ողջունի, հանգիցէ ի վերայ նորա ողջոյնն ձեր. ապա թէ ոչ ի ձեզ 7 դարձցի, եւ ի նմին տան ազանիջիք, ուսիջիք եւ ըմպիջիք ի նոցանէ. զի 8 արժանի է մշակն վարձու իւրոյ. մի՛ 9 փոխիցիք տանէ ի տուն: Թոր քաղաք մտանիցէք եւ ընդունիցին զձեզ, ու 10 տիջիք զինչ առաջի դնիցեն ձեր. եւ բժշկեսցիք որ ի նմա հիւանդք իցեն, եւ ասասցիք նոցա, Մերձեալ է ի վե- 11 ռայ ձեր արքայութիւն Աստուծոյ, իսկ յոր քաղաք մտանիցէք եւ ոչ ընդու- 12 նիցին զձեզ, իբրեւ ելանիցէք ի հրա- 13 պարակս նորա, ասասցիք, եւ գիտչիս որ կուեալ է ի քաղաքէ ձերմէ յոսո 14 մեր՝ թօթափեսցուք ի ձեզ. բայց զայս գիտասցիք զի մերձեալ է արքայու- 15 թիւն Աստուծոյ՝ Ասեմ ձեզ, զի Սո- 16 դոմացւոց ընդարձակագոյն լիցի յա- 17 լուրն յայնմիկ քան քաղաքին այնմիկ: 18 Վա՛յ քեզ, Քորաղին. վա՛յ քեզ, Բեզ- 19 սայիդա. զի եթէ ի Տիւրոս եւ ի Սի- 20 դոն եղեալ էին զօրութիւնքն որ ե- 21 ղեն ի ձեզ վաղուց եւս արդեւք ի խորգ եւ ի մոխիր նստեալ ապաշխարեալ էր: 22 Բայց Տիւրոսի եւ Սիդոնի ընդարձա- 23 կացոյն լիցի ի դատաստանի քան ձեզ: 24 Եւ դու, Կաթառնայում, որ մինչեւ ի յերկինս բարձրացեալ ես, մինչեւ ի 25 զԺոխս իջես: Որ ձեզ լսէ՝ ինձ լսէ, եւ որ զձեզ անարգէ՝ զիս անարգէ. եւ 26 որ զիս անարգէ՝ զառաքիչն իմ անար- 27 գէ. 28 եւ որ ինձ լսէ՝ լսէ այնմիկ որ զիսն առաքեաց: 29 Դարձան 30 եւ թանասուեն եւ երկուքն՝ խնդութեամբ եւ ասեն, Տէր, եւ զեւք

<sup>1</sup> Ուստի է Յոն է է Հոյ օրինակս յաւելած, ի վե- րայ ձեր

<sup>2</sup> Թ. Բազմաւ. զորոսի Բազմաւ. եւ թանասուենքն

31 հնազանդին մեզ յանուն քո: Եւ ասէ ցնոսա, Տեսանէի զՍատանայ անկեալ 32 յերկնից իբրեւ զփայլակն: Ահա ետու ձեզ իշխանութիւն կոխել զօճս եւ զկա- 33 րիճս եւ զամենայն զօրութիւն թըշ- 34 նամւոյն, եւ ձեզ ոչինչ մեղանչիցեն: 35 Բայց ընդ այն մի՛ խնդայք եթէ այսք հնազանդին ձեզ. այլ խնդացէք զի ան- 36 ուանք ձեր գրեալ են յերկինս:

37 Ի նմին ժամու ցնծացաւ Յիսուս Հոգւովն Սրբով եւ ասէ, Գոհանամ զքէն, Հայր, Տէր երկնից եւ երկրի, զի ծածկեցեր զայս յիմաստնոց եւ ի գիտնոց, եւ յայտնեցեր զայս տղայոց- 38 այո, Հայր, զի այսպէս հաճոյ եղեւ 39 առաջի քո: Ամենայն ինչ տուաւ ինձ ի Հօրէ իմմէ. եւ ոչ ոք գիտէ թէ ով է Որդի, եթէ ոչ՝ Հայր. եւ ոչ Հայր, եթէ ոչ՝ Որդի, եւ ում կամիցի Որդին յայտնել:

40 Եւ դարձեալ առանձինն առ աշա- 41 կերտան ասէ, Երանի աչաց որ տեսա- 42 նիցին զոր տեսանէք: Ասեմ ձեզ, զի բազում մարգարէք եւ թագաւորք կա- 43 մեցան տեսանել զոր դուք տեսանէք, եւ ոչ տեսին. եւ լսել զոր լսէք, եւ ոչ լուան:

44 ԴԵ. Եւ ահա յարեաւ ոմն օրինա- 45 կան, փորձէր զնա եւ ասէր, Վարդա- 46 պետ, զի՞նչ գործեցից զի զկեանսն յա- 47 խտենականս ժառանգեցից: Եւ նա ասէ ցնա, Թօրէնս զի՞նչ գրեալ է, Դժ- 48 պէս ընթեռնուս: Նա պատասխանի ետ 49 եւ ասէ, Սիրեսցես զՏէր Աստուած քո յամենայն սրտէ քումմէ եւ յամենայն անձնէ քումմէ եւ յամենայն զօրութենէ քումմէ եւ յամենայն մտաց քոց, եւ 50 զընկեր քո իբրեւ զանձն քո: Եւ ասէ ցնա, Ուղիղ ետուր զպատասխանիդ, 51 զայդ արա եւ կեցցես: Նա իբրեւ կա- 52 մեցաւ զանձն արդարացուցանել, ասէ 53 Յիսուս, Եւ ով է իմ ընկեր: Պա- 54 տասխանի ետ Յիսուս եւ ասէ, Այր մի իջանէր յերուսաղեմէ յերիքով, եւ 55 անկաւ ի ձեռս առաքակաց, որք մեր- 56 կացին զնա եւ վէրս ի վերայ եղին, 57 թողին կիսամաշ եւ գնացին: Դէպ եւ 58 զեւ. քահանայի միով իջանել ընդ նոյն ճանապարհ, եւ տեսեալ զնա՝ զանց ա- 59 յար: Նոյնպէս եւ Ղեւտացի մի եկեալ

ընդ նոյն տեղի՝ ետես եւ զանց ա-  
 33 րար։ Սամարացի ոմն ճանապարհոր-  
 դեալ եկն ընդ նոյն առ նոխաւ, եւ  
 34 տեսեալ զնա գթացաւ։ Եւ մատուցեալ  
 պատեաց զվէրս նորա, արկեալ ի վե-  
 րայ ձէթ եւ գինի։ Եւ եղեալ ի վերայ  
 գրաստու իւրոյ՝ ած զնա ի պանդոկի  
 35 մի, եւ դարձանեաց զնա։ Եւ ի վաղիւ  
 անդր իբրեւ երանէր անտի, հանեալ կտ-  
 ցպանդոկպետն երկուս դահկանս եւ  
 ասէ, Դարձան տար դմա, եւ զոր ինչ  
 ծախեսցես ի դա՝ ի միւսանգամ դալքստ-  
 36 եան իմուս հատուցից քեզ։ Արդ ո՞-  
 յերեցունց ի նոցանէ թուի քեզ մերձա-  
 ւոր լեալ անկելոյն ի ձեռս աւագակացն։  
 37 Եւ նա ասէ, Որ արար զողորմութիւնն  
 ի վերայ նորա։ Ասէ ցնա Յիսուս, Երթ  
 եւ դու արա նոյնպէս։  
 38 Եւ եղեւ ի գնալն նոցա, եւ ինքն  
 եմուտ ի գեղ մի։ Եւ կին ոմն անուն  
 Մարթա ընկալաւ զնա ի տան իւրում։  
 39 Եւ նորա էր քոյր մի, որում անուն էր  
 Մարիամ, որ եւ եկն նստաւ առ ոտսն  
 40 Տեառն եւ լէր զբանս նորա։ Եւ Մար-  
 թա զբաղեալ էր ի բազում սպասու,  
 եկն իկաց առ նմա եւ ասէ, Տէր, ոչինչ  
 է փոյթ քեզ, զի քոյրդ իմ միայն ե-  
 թող զիս ի սպասու։ արդ ասա դմա  
 41 զի օգնեսցէ ինձ։ Պատասխանի կտ Յի-  
 սուս եւ ասէ, Մարթա, Մարթա, դու  
 հոգաս եւ զբազում իւրիք զբաղեալ ես,  
 42 Բայց ՚աստ սակաւ՝ ինչ պիտոյ է։  
 Մարիամ մասն բարի ընտրեաց, որ ոչ  
 բարձից ի սմանէ։

## ԳԼ. ԺԱ

1 Դձ. Եւ եղեւ ի տեղւոջ ուրեք կալ  
 յաղօթս։ Եւ իբրեւ դադարեաց, ասէ  
 ցնա ոմն յաչակերտացն իւրոց, Տէր,  
 ուստ մեզ յաղօթս կալ, որպէս եւ Յով-  
 հաննէս ուսոյց աչակերտացն իւրոց։  
 2 Ասէ ցնոսա, Երբժամ կայցէք յաղօթս,  
 ասասցիք, Հայր՝ մեր, սուրբ եղիցի  
 անուս քո. իկեսցի արքայութիւն քո.  
 3 Զհաց միւր հանապարդ տուր մեզ  
 4 Չորրորտորէն։ Եւ թող մեզ զմեզս մեր,  
 զի եւ մեք թողումք ամենայնի որ

1 Բ-Լ-Կ, մի

2 Բ-Լ-Կ, մեր որ յերկինս

3 Բ-Լ-Կ, քո, եղիցին կամք քո որպէս յերկինս  
 և յերկրի

4 Թ-Կ, օրըստօրէ

պարտիցի մեզ։ Եւ մի՛ տանիր չ՝ զմեզ  
 ի փորձութիւնս։

5 Եւ ասէ ցնոսա, Ո՞վ է ի ձէնջ որոյ իցէ  
 բարեկամ, եւ երթայցէ առ նա ի մէջ  
 գիշերի եւ ասիցէ ցնա, Բարեկամ,  
 6 տուր ինձ փոխ երիս նկանակս։ Զի  
 բարեկամ իմ եկն առ իս յուղւոյ, եւ  
 7 ոչինչ ունիմ դնել առաջի նորա։ Եւ  
 նա ի ներքուստ տայցէ պատասխանի  
 եւ ասիցէ, Մի՛ աշխատ առներ զիս,  
 զի դուրքդ փակեալ են, եւ մանկունքս  
 ընդ ինեւ կան յանկողնի, ոչ կարեմ  
 8 յաւնել եւ տալ քեզ։ Ասեմ ձեզ, Եթէ  
 ոչ յարուցեալ տայցէ նմա վասն բա-  
 րեկամութեանն, սակայն վասն ժողո-  
 թեանն յարուցեալ տայցէ նմա զինչ եւ  
 9 պիտոյ իցէ։ Եւ ես ասեմ ձեզ, Խնդրե-  
 ցէք եւ տացի ձեզ, հայցեցէք եւ գտջիք,  
 10 բախեցէք եւ բացցի ձեզ։ Զի ամենայն  
 որ խնդրէ՝ առնու, եւ որ հայցէ՝ գտանէ,  
 11 եւ որ բախէ՝ բացցի նմա։ Յո՞ ոք ի  
 ձէնջ հայր՝ խնդրիցէ որդի իւր ձուկն,  
 միթէ փոխանակ ձկանն օձ տայցէ նմա։  
 12 Եւ կամ խնդրիցէ ձու, միթէ կարի՞՞  
 13 տայցէ նմա։ Իսկ եթէ դուք որ չարքդ  
 էք՝ զիտէք պարգևս բարիս տալ որ-  
 դուց ձերոց, ո՞րչափ եւս առաւել Հայր  
 ձեր յերկնից տացէ՞ բարիս այնոցիկ,  
 որ խնդրենն ի նմանէ։  
 14 ԴԵ. Եւ հանէր դեւ մի համր, եւ  
 եղեւ յերանել զիւին խօսեցաւ համրն,  
 եւ զարմացան ամենայն ժողովուրդքն։  
 15 Եւ ոմանք ի նոցանէ ասեն, Բէեղզե-  
 բուղաւ իշխանաւն զիւաց հանէ դա  
 16 զդեւս։ Եւ այլք փորձէին եւ նշան  
 17 յերկնից խնդրէին ի նմանէ։ Իսկ նո-  
 րա գիտացեալ զխորհուրդս նոցա, ասէ  
 ցնոսա, Ամենայն թագաւորութիւն  
 բաժանեալ յանձն՝ աւերի, եւ տուն  
 18 բաժանեալ յանձն՝ կործանի։ Ապա եթէ  
 եւ Սատանայ բաժանեցաւ յանձնէ,  
 զիա՞րդ կայցէ թագաւորութիւն նորա։  
 զի ասէք զինէն եթէ Բէեղզեբուղաւ  
 իշխանաւն զիւաց հանէ դա զդեւս։  
 19 Եթէ ես Բէեղզեբուղաւ հանն զդեւս,  
 որդիքն ձեր իւ հանիցեն։ Վասն այ-  
 20 զորիկ նոքին եղիցին ձեր դատաւորք։  
 Իսկ եթէ մատամք Աստուծոյ հանեմ  
 զդեւս, ապա հասեալ է ի վերայ ձեր

5 Բ-Լ-Կ, յաւելաւ, այլ փրկեա զմեզ ի չարէ

6 Բ-Լ-Կ, Հոգի Սուրբ

- 21 արքայութիւն Աստուծոյ : Յորժամ  
հօր վառեալ պահիցէ գտուն իւր , ի  
22 խաղաղութեան են ինչք նորա : Բայց  
եթէ հօրագոյն քան գնա ի վերայ եկ-  
եալ յաղթեսցէ նմա , զսպառազինու-  
թիւնն նորա հանէ յոր յուսացեալ էր ,  
23 եւ զաւար նորա բաշխեցէ : Որ ոչ է  
ընդ իս՝ հակառակ իմ է , եւ որ ոչ ժո-  
ղովէ ընդ իս՝ ցրուէ :  
24 Յորժամ այսն պիղծ ելանիցէ ի մար-  
դոյ , չըջի ընդ անջրդին տեղիս , խնդրէ  
հանգիստ . եւ իբրեւ ոչ գտանէ , ասէ ,  
Դարձայց անդրէն ի տուն իմ ուստի  
25 ելի . եւ զայ գտանէ մաքրեալ եւ յար-  
26 դարեալ : Յայնժամ երթայ եւ առնու-  
եւթն այլ այս , չար եւս քան զինքն ,  
եւ մտանէ բնակէ անդ . եւ լինի յե-  
տինն մարդոյն այնորիկ չար քան զա-  
ռաջինն :  
27 Եւ եղև մինչդեռ խօսէր զայս , ձայն  
եբարձ կին մի ի ժողովրդենէ անտի  
եւ ասէ , Երանի է որովայնին որ կըր-  
եացն զքեզ , եւ ստեանցն որ դիւցու-  
28 ցին զքեզ : Եւ նա ասէ , Նա երանի  
այնոցիկ է , որ լսեն զբանն Աստուծոյ  
եւ պահիցեն :  
29 Եւ ի դիզանել ի վերայ նորա ժողո-  
վրդոցն՝ սկսաւ ասել , Ազգս այս չազ  
չար է , նշան խնդրէ , եւ նշան յերկ-  
նից ոչ տացի սմա՝ բայց նշանն <sup>2</sup>Յովնա-  
30 նու : Զի որպէս եղև Յովնան նշան  
Նինուէացոց , նոյնպէս եղիցի եւ Որդի  
31 մարդոյ ազգիս այսմիկ : Դիտոյն հա-  
րաւոյ յարիցէ ի դատաստանի ընդ արս  
ազգիս յայտորիկ եւ դատապարտեսցէ  
զսա , զի եկն ի ծագաց երկրի լսել զի-  
մաստութիւնն Սողոմոնի . եւ ահա ա-  
ռաւել քան զՍողոմոն է աստ : Արք  
32 Նինուէացիք յարիցեն ի դատաստանի  
ընդ ազգիս ընդ այսմիկ եւ դատապար-  
տեսցեն զսա , զի ապաշխարեցին ի քա-  
րոզութեանն Յովնանու : եւ ահա ա-  
ռաւել քան զՅովնան է աստ :  
33 Եւ . Ոչ ուրուք լուցեալ ճրագ դնէ  
ի թաքստեան<sup>3</sup> , այլ ի վերայ աշտանա-  
կի , զի որ մտանեն՝ լոյս տեսանիցեն :  
34 Ըրագ մարմնոյ ակն է . յորժամ ակնն  
առատ է , ամենայն մարմինն լուսաւոր

- եղիցի . եւ երբ ակն չար է , եւ մար-  
35 մինն խաւարին եղիցի : Արդ զգոյշ լիւր ,  
զուցէ լոյսդ որ ի քեզ է՝ խաւար իցէ :  
36 Եթէ մարմինդ քո ամենայն լուսաւոր  
է եւ չգուցէ մասն ինչ խաւարին , ե-  
ղիցի լուսաւոր ամենայն . որպէս յոր-  
ժամ ճրագն նշողիւք լուսաւորեսցէ  
զքեզ :  
37 Եւ մինչդեռ խօսէր զայս , աղաչէր  
զնա ոմն փարիսեցի զի ճաշ կերիցէ  
առ նմա . եւ նա մոտեալ բազմեցաւ :  
38 Իբրեւ ետես փարիսեցին , զարմացաւ ,  
զի նախ ոչ մկրտեցաւ յառաջ քան  
39 զճաշ : Ասէ ցնա Տէր , Այժմ դուք , փա-  
րիսեցիք , զարտաքին բաժակին եւ  
զպնակին սրբէք , եւ ներքինն ձեր լի է  
յափշտակութեամբ եւ չարութեամբ :  
40 Անմիտք , ոչ ապաքէն որ զարտաքինն  
41 արար՝ եւ զներքինն նոյն արար : Բայց  
աղէ չզարժանն իսկ՝ տուք ողորմու-  
թիւն , եւ ահա ամենայն սուրբ է ձեր :  
42 Այլ վա՛յ ձեզ փարիսեցւոց , զի տասա-  
նորդէք զանանուխ եւ զփեզէնա եւ  
զամենայն բանջար , եւ անցանէք զի-  
րաւամբք եւ զսիրո՞վն Աստուծոյ . զայս  
արժան էր առնել եւ զայնու ոչ ան-  
43 ցանել , վա՛յ ձեզ փարիսեցւոց , զի սի-  
րէք զբարձրագահս ի ժողովուրդս եւ  
44 զնախողջոյնս ի հրապարակս : Վա՛յ  
<sup>5</sup>ձեզ , զի էք դուք իբրեւ զգերեզմանս  
անյայտս , եւ մարդիկ գնան ի վերայ  
45 եւ ոչ գիտեն : Պատասխանի ետ ոմն  
յօրինականացն եւ ասէ ցնա , Վարդա-  
պետ , զայդ բանս ասելով եւ զմեզ  
46 թշնամանես : Եւ նա ասէ , Եւ ձեզ վա՛յ  
օրինականացդ , զի բառնայք մարդկան  
բեռինս դժուարակիրս , եւ դուք մա-  
տամբ միով ի բեռինսն ոչ մերձենայք :  
47 Վա՛յ ձեզ , զի չինէք զչիրիմս մարգա-  
րէիցն , եւ հարքն ձեր սպանին գնոսա :  
48 Ապա ուրեմն Վկայէք եթէ կամակիցք  
էք՝ զսրծոյ հարցն ձերոց . զի նոքա  
կոտորեցին գնոսա , եւ դուք զգերեզ-  
49 մանս նոցա չինէք : Վասն այնորիկ ի-  
մաստութիւնն Աստուծոյ ասաց , Ա-  
ռաքեցից ի նոսա մարդարէս եւ առա-  
քեալս , եւ ի նոցանէ սպանանիցեն եւ  
50 հալածիցեն : Զի խնդրեսցի արիւն ա-

<sup>1</sup> Յովնա զմեզ<sup>2</sup> Յովնա , Յովնանու մարգարէի , որդի-ն եւ յովնա  
է Հիւսիս օրինակ-ն<sup>3</sup> Բաւոյն , յաւելուն , եւ ոչ ընդ գրեւանաւ<sup>4</sup> Յովնա , զորս ի ներքս են՝ իմ , զոր ունիքն՝<sup>5</sup> Յովնա , զողջոյնս<sup>6</sup> Յովնա , ձեզ դարաց եւ փարիսեցւոց կեղծա-  
ւորաց<sup>7</sup> Յովնա , վկայ էք եւ կամակիցք



27 այլոցն զի՝ հոգայցէք: Հայեցարուք ընդ շուշանն, որպէս ասէ. ոչ ջանայ եւ ոչ նիւթէ. ասեմ ձեզ, եւ ոչ Սողոմոն յամենայն ի փառսն իւր զգեցաւ:

28 Իբրեւ զմի ի նոցանէ, իսկ եթէ զխոտն որ այսօր ի բացի է եւ վաղիւ ի հոգ արկանելի՝ Աստուած այնպէս զգեցուցանէ, որչափ եւս առաւել զձեզ, թե՛

29 բահաւատք: Եւ դուք մի՛ խնդրէք զի՛նչ ուտիցէք կամ զի՛նչ ըմպիցէք,

30 եւ մի՛ զբաղիտուք. Զի զայն ամենայն հեթանոսք աշխարհի խնդրեն. այլ ձեր Հայր գիտէ զի պիտոյ է այն ամենայն:

31 Բայց խնդրեցէք զարքայութիւն Աստուծոյ, եւ յայն յաւելցի ձեզ:

32 Ե՞հ. Մի՛ երկնչի, հօտ փոքրիկ, զի հաճեցաւ Հայր ձեր տալ ձեզ զարքայութիւն. Վաճառեցէք զինչս ձեր եւ տուք ողորմութիւն. եւ արարէք ձեզ քսակս առանց հնանալոյ, գանձ անպակաս յերկինս. ուր ոչ գող մեր:

34 ձենայ եւ ոչ ցեց ապականէ: Զի ուր դանձն ձեր է, անդ եւ սիրտք ձեր եւ

35 զիցին: Եղիցին գօտիք ձեր պնդեալ

36 ընդ մէջս, եւ ճրագունք լուցեալք: Եւ դուք նմանողք մարդկան որ ակն ունիցին տեսնն իւրեանց թէ երբ դառնայցէ ի հարսանեաց. զի յորժամ գայցէ եւ բախիցէ, վաղվաղակի բանայցեն

37 նմա: Երանի իցէ ծառայիցն այնոցիկ զորս եկեալ տէրն գտցէ արթունս. ամէն ասեմ ձեզ, զի գօտի ընդ մէջ ածցէ եւ բազմեցուցէ զնոսա, եւ ան-

38 ցեալ պաշտիցէ զնոսա: Եւ եթէ յերկրորդ կամ յերրորդ պահու եկեացէ եւ գտցէ այնպէս, երանելի են ծառայքն

39 այնոքիկ: Բայց զայն գիտասցիք, եթէ գիտէր տանուտէրն յորում ժամու գող գայ, չչտայր թոյլ ական հատանել ի

40 տան իւրում: Եւ դուք եղերուք պատարասք, զի յորում ժամու ոչ կարծիցէք, գայ Որդի մարդոյ:

41 ՅԱսէ Պետրոս, Տէր, առ մեզ ասացիր զառակդ զայդ թէ առ ամենեւեան:

42 Եւ ասէ Տէր, Ո՛վ իցէ հաւատարիմ տնտես եւ իմաստուն, զոր կացոյց տէր իւր ի վերայ գերդաստանի իւրոյ տալ

43 ի ժամու գլերակուրս: Երանի իցէ ծառային այնմիկ զոր եկեալ տէր իւր

44 գտանիցէ արարեալ այնպէս: Արդարեւ ասեմ ձեզ զի ի վերայ ամենայն ընչից

45 իւրոց կացուցէ զնա: Ապա թէ ասիցէ ծառայն այն ի սրտի իւրում, Յամէ տէր իմ ի գալ. եւ սկսանիցի հարկանել զծառայան եւ զաղախնայան, ուտի՛լ

46 եւ ըմպել եւ արբենալ, Եկեացէ տէր ծառային այնորիկ յաւուր յորում ակն ոչ ունիցի, եւ ի ժամու յորում ոչ գիտիցէ. ընդ մէջ կտրեացէ զնա, եւ զմասն նորա ընդ անհաւատս դիցէ:

47 Եւ ծառայ որ գիտիցէ զկամս տեսնն իւրոյ եւ չ՝ ոչ պատրաստիցէ՝ ըստ կա-

48 մաց նորա՝ արբցէ գան բազում: Եւ որ ոչն գիտիցէ եւ արժանի գանի ինչ գործիցէ, արբցէ գան սակաւ. ամենայնի որում չատ տուաւ, չատ խնդրեսցի ի նմանէ, եւ որում բազում աւանդեցաւ, առաւել եւս պահանջեսցեն ի նմանէ:

49 Ե՞հ. Հուր եկի արկանել յերկիր. եւ զի՛նչ կամիմ, թէ արդէն իսկ բոր-

50 բոքէր: Եւ մկրտութիւն մի ունիմ մկրտել, եւ զիա՛րդ փութամ մինչեւ

51 կատարեսցի: Համարիք եթէ խաղաղութիւն եկի տալ յերկիր. ոչ, ասեմ

52 ձեզ, այլ բաժինս: Զի եղիցին յայտ հետէ հինգ ի տան միում բաժանեալք, երեքն՝ յերկուց, եւ երկուքն՝ յերից:

53 Բաժանեսցի հայր յորդուոյ, եւ որդի՝ ի հօրէ, մայր՝ ի դստերէ եւ դուստր՝ ի մօրէ, սկեսուր՝ ի հարսնէ, եւ հարսն՝ ի սկեսրէ իւրմէ:

54 Ասաց եւ ցժողովուրդսն, Յորժամ տեսանիցէք ամպ ծագեալ յարեւմտից, իսկոյն ասէք թէ Անձրեւ գայ, եւ լինի

55 այնպէս. Եւ յորժամ հարաւ չնչեալ, ասէք թէ Խորշակ լինի, եւ լինի այն-

56 պէս: Կեղծաւորք, գերեսս երկնի եւ երկրի գիտէք փորձել, իսկ զժամա-

57 նակս զայս զիա՛րդ ոչ փորձէք: Ընդէ՛ր եւ յանձանց իսկ ոչ ընտրէք զարժանն:

58 Յորժամ երթայցես ընդ ոսոխի քում առ իշխան, ի ճանապարհի տուր զհաչիւն գերծանել ի նմանէ. զի գուցէ քարչիցէ զքեզ առ դատսւորն, եւ դատաւորն մատնիցէ դահճի, եւ դահճն արկանիցէ ի բանտ: Ասեմ քեզ, ոչ եւ լանիցես անտի մինչեւ հատուցանիցես զյետին ընկունն:

1 Ո՛վ ասէ, այն ամենայն

2 Ինչպէս, հսկէր եւ չտայր 3 Ո՛վ ասէ, Ասէ ցնա

4 Ինչպէս, չիցէ պատրաստեալ եւ ոչ արարեալ



## ԳԼ. ԺԳ

1 Եկին ոմանք ի նմին ժամանակի եւ պատմեցին նմա վասն Գալիլեացւոցն, որոց զարիւնն Պիղատոս խառնեաց ընդ  
2 զոհն նոցա: Պատասխանի ետ եւ ասէ ցնոսա, Համարի՞ք եթէ այն Գալիլեացիք եղեն մեղաւորք քան զամենայն Գալիլեացիս, զի զայնպիսի անցս կրե-  
3 ցին: Ոչ, ասեմ ձեզ. այլ եթէ ոչ ապաշխարիցէք, ամենեքին նոյնպէս կո-  
4 ըրնչիջիք: Կամ նոքա ութուտասանքն յորոց վերայ աշտարակն անկաւ ի Սե-  
լովամ եւ սպան զնոսա, համարի՞ք եթէ նոքա պարտապանք եղեն քան զամենայն մարդիկ որ բնակեալ են յե-  
5 ծրուսաղէմ: Ոչ, ասեմ ձեզ. այլ եթէ ոչ ապաշխարիցէք, ամենեքեան նոյնպէս կորնչիջիք:  
6 Ասաց եւ զառակս զայս. Թղենի մի էր ուրումն տնկեալ յայգւոջ իւրում, եւ եկն խնդրել պտուղ ի նմանէ եւ ոչ  
7 եգիտ: Ասէ ցայգւգործն, Ահա երեք ամք են յորմէ հետէ գամ խնդրել պտուղ ի թղենւոջդ եւ ոչ դտանեմ. արդ կրտեա զդա, ընդէ՞ր եւ զերկիրդ խա-  
8 փանէ: Նա պատասխանի ետ եւ ասէ, Տէր, թող զդա այս ամ եւս, մինչեւ շուրջ զգովաւ. բրեցից եւ արկից աղբ,  
9 թերեւս արասցէ պտուղ. ապա թէ ոչ յամէ եւս հատցես զդա:  
10 Եւ. Եւ ուսուցանէր ի միում ի ժո-  
11 ղովորդանոցացն ի շաբաթս: Եւ ահա կին մի զոր ունէր այս հիւանդութեան ամա ութուտասն, եւ էր կարկամեալ, եւ ոչ կարէր ամենեւին ի վեր հայել:  
12 Եւ տեսեալ զնա Յիսուսի՝ կոչեաց առ ինքն եւ ասէ ցնա, Կին դու, արձա-  
13 կեալ եւ ի հիւանդութենէ քումամ: Եւ եղ ի վերայ նորա ձեռն, եւ առժամայն ուղղեցաւ. եւ փառաւոր տոնէր զԱս-  
14 տուած: Պատասխանի ետ ժողովրդապետն ցասուցեալ թէ բնդէր ի շաբաթու բժշկեաց Յիսուս, եւ ասէ ցժո-  
ղովորդն, Վեց օր է յորս արժան է գործել, յայնս եկայք բժշկեցարուք,  
15 եւ մի՛ յաւուր չարաթիւ: Պատաս-  
խանի ետ նմա Տէր եւ ասէ, Կեղծաւորք, իւրաքանչիւր որ ի ձէնջ ի շա-  
բաթու ոչ արձակէ զեզն իւր կամ զէշ  
16 ի մարդ եւ տանի տայ ջուր, իսկ այս

դուստր Աբրահամու էր, զոր կապեաց Սատանայ ահաւաղիկ ութուտասն ամ, ոչ էր արժան արձակել ի կապանաց  
17 անտի ի շաբաթու: Եւ զայս իբրեւ ասաց, յամօթ լինէին ամենեքին որ հակառակն կային նմա. եւ ամենայն ժողովուրդն ուրախ լինէր ի վերայ ա-  
մենայն փառաւորութեանցն որ գործէին ի նմանէ:  
18 Եւ ասէր, Ո՛ւմ նման է արքայու-  
թիւն Աստուծոյ, եւ որո՛ւմ նմանու-  
19 թեան նմանեցուցից զնա: Նման է հա-  
տոյ մանանխոյ, զոր առեալ մարդոյ արկ ի պարտէզ իւր. աճեաց եւ եղեւ ծառ, եւ թռչունք երկնից բնակեալ էին յոստս նորա:  
20 Եւ դարձեալ ասէ, Ո՛ւմ նմանեցու-  
21 ցից զարքայութիւն Աստուծոյ. Նման է խմորոյ զոր առեալ կնոջ թաքոյց յարեր երից գրուաց, մինչեւ խմորե-  
ցաւ ամենայն:  
22 Եւ չրջէր բնդ քաղաքս եւ ընդ գեղս, ուսուցանէր. եւ ճանապարհ  
23 արարեալ յերուսաղէմ, Ասէ ոմն ցնա, Տէր, եթէ սակա՞ւք իցեն որ ապրելոց  
24 իցեն. եւ նա ասէ ցնոսա, Զանաջա-  
րուք մտանել ընդ դուռն նեղ. ասեմ ձեզ զի բազումք խնդրեսցեն մտանել  
25 եւ ոչ կարասցեն: Յորմէ հետէ մտցէ տանուտէրն եւ փակեաց զդուռն, եւ սկսանիցիք կալ արտաքոյ եւ բախել զդուռն եւ ասել, Տէր, Տէր, բաց մեզ. եւ պատասխանի տուեալ ասիցէ  
26 ձեզ, Ոչ գիտեմ զձեզ ուստի էք: Յայն-  
ժամ սկսանիջիք ասել, Կերաք առաջի  
27 քո եւ արբաք, եւ ի հրապարակս մեր ուսուցեր: Եւ ասիցէ, Ասեմ ձեզ, Ոչ գիտեմ զձեզ ուստի էք. ի բաց կացէք յինէն ամենայն մշակրդ անիրաւու-  
28 թեան: Անդ եղիցի լալ եւ կրճել ա-  
տամանց, յորժամ տեսանիցէք զԱբրա-  
համ եւ զԻսահակ եւ զՅակոբ եւ զա-  
մենայն մարգարէս յարքայութեան Աս-  
տուծոյ, եւ զձեզ հանեալ արտաքս:  
29 Եւ եկեսցեն յարեւելից եւ յարեւմտից եւ ի հիւսիսոյ եւ ի հարաւոյ, եւ բազ-  
30 մեսցին յարքայութեան Աստուծոյ: Եւ ահա իցեն յետինք՝ որ եղիցին առաջինք, եւ իցեն առաջինք՝ որ լինիցին յետինք:

31 Ի նմին աւուր մատեան ոմանք փա-  
րիսեցիք եւ ասեն ցնա, Եւ եւ գնա  
աստի, զի Հերովդէս կամի սպանանել  
32 զքեզ: Եւ ասէ ցնոսա, Երթայք ասա-  
ցէք աղուեսուն այնմիկ, Ահաւասիկ  
հանեմ դեւս, եւ բժշկութիւնս կա-  
տարեմ այսօր եւ վաղիւ, եւ յերիւ  
33 աւուր կատարիմ: Բայց պարտ է այսօր  
եւ վաղիւ եւ ի միւսում աւուր գնալ.  
զի ոչ է մարթ մարգարէի կորնչել ար-  
34 տաքոյ քան զԵրուսաղէմ: Երուսաղէմ,  
Երուսաղէմ, որ կոտորէիր զմարգա-  
րէս եւ քարկոծ առնէիր զառաքեալսն  
առ քեզ, քանիցս անգամ կամեցայ  
ժողովել զորդիս քո, որպէս հաւ զձագս  
իւր ընդ թեւովք, եւ ոչ կամեցարուք:  
35 Ահա թողեալ լիցի ձեզ տունդ ձեր.  
բայց ասեմ ձեզ, եթէ Ոչ եւս տեսանի-  
ցէք զիս, մինչեւ ասիցէք, Օրհնեալ  
եկեալն յանուն Տեառն:

## ԳԼ. ԺԴ

1 Եւ եղև ի մտանելն նորա ի տուն  
ուրումն իշխանացն փարիսեցւոց ի շա-  
բաթու ուտել հաց, եւ նոքա սպասէին  
2 նմա: Եւ ահա այր ոմն էր անդ ջրգող-  
3 եալ առաջի նորա: Պատասխանի ետ  
Թիսուս եւ ասէ ցօրինաւորսն եւ ցփա-  
րիսեցիս, եթէ Արժան իցէ ի շաբաթու  
4 բժշկել: Եւ նոքա լուռ եղեն: Եւ բուն  
հարեալ զմանէ՝ բժշկեաց զնա եւ ար-  
5 ձակեաց: Եւ ասէ ցնոսա, Ո՛ր ուրուք  
ի ձէնջ էչ կամ եղն անկանիցի ի ջրհոր,  
եւ ոչ վաղվաղակի հանիցէ զնա յաւուր  
6 շաբաթու: Եւ ոչ կարացին տալ նմա  
պատասխանի առ այն:  
7 Ասաց եւ առ կոչնականսն առակ մի,  
հայեցեալ թէ զիարդ բարձրատիր լի-  
8 նէին, ասէ ցնոսա, Յորժամ կոչիցէ  
ոք զքեզ ի հարսանիս՝ կամ ի կոչունս՝,  
մի՛ բազմիցիս յառաջին բարձին. գուցէ  
պատուականագոյն եւս քան զքեզ իցէ  
9 կոչեցեալ ի նմանէ: Եւ եկեալ որ զքեզն  
եւ զնա կոչեաց՝ ասիցէ ցքեզ, Տուր  
սմա տեղի: Եւ ապա սկսանիցիս ա-  
10 մօթով գլետին տեղին ունել: Այլ յոր-  
ժամ կոչիցիս, երթիջիր բազմասջիր ի  
յետին տեղում, զի յորժամ գայցէ որ  
կոչեացն զքեզ, ասիցէ ցքեզ, Բարեկամ,

ի վեր մատիր: յայնժամ եղիցին քեզ  
14 փառք առաջի բարձակցացն քոց: Զի  
ամենայն որ բարձրացուցանէ զանձն՝  
խոնարհեցի: Եւ որ խոնարհեցուցանէ  
զանձն՝ բարձրացի:

12 Ասէ եւ ցկոչնատէրն, Յորժամ առ-  
նիցես ճաշ կամ ընթրիս, մի՛ կոչեր  
զբարեկամս քո, եւ մի՛ զեղբարս քո,  
եւ մի՛ զազգականս քո, եւ մի՛ զղրա-  
ցիս քո եւ մի՛ զմեծամեծս՝. զի մի՛ եւ  
նոքա փոխարէն կոչեսցեն զքեզ, եւ լի-

13 նիցի քեզ հատուցումն: Այլ յորժամ առ-  
նիցես ընդունելութիւն, կոչեա զազ-  
քատս եւ զխեղս, զկաղս եւ զկոյրս:

14 Եւ երանելի լինիցիս: զի ոչ ունին  
փոխարէն հատուցանելոյ քեզ, եւ հա-  
տուցի քեզ փոխարէն ի յարութեան

15 արդարոց: Իբրեւ լուաւ զայս ոմն ի  
բազմականացն, ասէ ցնա, Երանի որ  
կերիցէ ճաշ յարքայութեան Աստուծոյ:

16 Եւ նա ասէ ցնա, Այր ոմն գործեաց

17 ընթրիս եւ հրաւիրեաց զբազումս: Եւ  
առաքեաց զժառայ իւր ի ժամու ընթ-  
րեացն կոչել զհրաւիրեալսն թէ Եկայք,  
զի ահաւասիկ պատրաստ է ամենայն

18 ինչ: Եւ սկսան մի ըստ միովէ ամե-  
նեքեան հրաժարել. առաջինս ասէ, Ա-  
զարակ գնեցի, եւ հարկ է ելանել տե-  
սանել զնա. աղաչեմ զքեզ, կալ զիս

19 հրաժարեալ: Եւ մեւսն ասէ, Լուծս  
հինգ եղանց գնեցի եւ երթամ փորձել  
զնոսա. աղաչեմ զքեզ, կալ զիս հրա-

20 ժարեալ: Եւ մեւսն ասէ, Կին ածի, եւ

21 վասն այնորիկ ոչ կարեմ գալ: Եւ եկեալ  
ժառայն պատմեաց զայն տեսան իւրում:  
Եւ յայնժամ բարկացեալ տանուտէրն՝ ասէ

22 ցձաքս, Եւ վաղվաղակի ի հրա-  
պարակս եւ ի փողոցս քաղաքիդ, եւ  
զաղքատս եւ զխեղս եւ զկաղս եւ

23 զկոյրս մոյծ այսր: Եւ ասէ ժառայն,

24 Տէր, եղև զոր հրամայեցերն եւ կայ

25 եւս տեղի: Եւ ասէ տէրն ցձաքսն,

26 Եւ ի ճանապարհս եւ ի ցանգս, եւ արա

27 այսր մտանել, զի լցցի տունս իմ: Ա-

28 սեմ ձեզ, զի Ոչ ոք յայնց կոչեցելոց

29 ճաշակեաց յընթրեաց իմոց:

30 ԶԿ. Եւ երթային ընդ նմա ժողո-

31 վուրդք բազումք: Դարձաւ եւ ասէ

32 ցնոսա, Եթէ ոք գայ առ իս, եւ ոչ

ատեայ զհայր իւր եւ զմայր եւ զկին  
 եւ զորդիս եւ զեղբարս եւ զքորս, նա-  
 եւ զանձն եւս իւր, ոչ կարէ իմ աշա-  
 27 կերտ լինել: Զի սր ոչ բառնայ զիսաշ  
 իւր եւ զայ զկնի իմ՝ ոչ կարէ իմ ա-  
 28 շակերտ լինել: Ո՛վ ոք ի ձէնջ կամիցի  
 շինել աշտարակ, եւ ոչ նախ նստեալ  
 համարիցի զծախսն, եթէ ունիցի՝ բա-  
 29ւական ի կատարումն: Զի գուցէ իրրեւ  
 արկանիցէ հիմն եւ ոչ կարիցէ կատա-  
 րել, ամենեւին որ տեսանիցեն, սկսա-  
 30նիցին ծաղր ոռնել զնա, եւ ասել թէ  
 Այս այր սկսաւ շինել, եւ ոչ կարաց  
 31կատարել: Կամ ո՞ր թագաւոր երթեալ  
 տայցէ պատերազմ ընդ այլում թագա-  
 ւորի, եւ ոչ նստեալ նախ խորհիցի,  
 եթէ կարող իցէ տասն հազարաւ զդէմ  
 ունել զայնորիկ որ գայցէ ի վերայ նո-  
 32րա քսան հազարաւ: Ապա թէ ոչ,  
 մինչդեռ հեռագոյն իցէ, հրեշտակու-  
 թիւն առաքեալ աղաչեացէ ի խաղա-  
 33ղութիւն: Արդ այսպէս ամենայն ոք  
 ի ձէնջ սր ոչ հրաժարեացէ յամենայն  
 ընչից իւրոց, ոչ կարէ իմ աշակերտ  
 34լինել: Բարեոք է աղ. ապա թէ աղն  
 35անհամուցի, իւ համեմեացի: Ոչ յերկիր  
 եւ ոչ յաղբ է պիտանացու, այլ ընկե-  
 նու զնա արտաքս: Որ ունիցի ականջս  
 լսելոյ՝ լուիցէ:

## ԳԼ. ԺԵ

1 Եւ էին մերձ առ նա ամենայն մար-  
 սաւորք եւ մեղաւորք լսել ի նմանէ:  
 2 Տրանջէին փարիսեցիքն եւ զպիրք եւ  
 ասէին, Ընդէ՛ր սա զմեղաւորս ընդու-  
 նի եւ ուտէ ընդ նոսա:  
 3 Ասաց առ նոսա զառակս զայս.  
 4 Ո՛վ ոք իցէ ի ձէնջ մարդ որոյ իցէ  
 հարեւր ոչխար, եւ կորուսանիցէ զմի  
 ի նոցանէ, ո՛չ թողուցու զինասուն եւ  
 զինն յանապատի, եւ երթալցէ զհետ  
 կորուսելոյն, մինչեւ գտանիցէ զնա:  
 5 Եւ իրրեւ գտանէ, զնէ վնաս ի վերայ  
 6 ուսոց իւրոց խնդալով, եւ երթայ ի  
 տուն, կոչէ զբարեկամս եւ զգրացիս,  
 եւ ասէ ցնոսա, Ուրախ եղերուք ընդ  
 իս, զի գտի զոչխարս իմ զկորուսեալ:  
 7 Ասեմ ձեզ, զի Այսպէս է ուրախու-  
 թիւն յերկինս վասն միոյ մեղաւորի  
 որ ապաշխարիցէ՝ քան վասն իննսուն  
 եւ ինն արդարոց որոց չիցէ պիտոյ ա-

8 պաշխարութիւն: Կամ ո՛վ իցէ կին,  
 որոյ իցին զրամք տասն. եւ եթէ կո-  
 րուսանիցէ զրամ մի, ո՛չ լուցանիցէ  
 ճրագ եւ ածիցէ աւել ի տան, եւ խընդ-  
 9 ըիցէ ստէպ, մինչեւ գտանիցէ: Եւ  
 իրրեւ գտանէ, կոչէ զբարեկամս եւ  
 զգրացիս եւ ասէ, Ուրախ լերուք ընդ  
 իս, զի գտի զգրամս իմ զոր կորուսի:  
 10 Այնպէս, ասեմ ձեզ, ուրախութիւն  
 եղիցի առաջի հրեշտակաց Աստուծոյ  
 ի վերայ միոյ մեղաւորի որ ապաշխա-  
 րիցէ:

11 Եւ ասէ, Առն միով էին երկու որ-  
 12 դիք. Ասէ կրտսերն ի նոցանէ ցնայրն,  
 Հայր, տուր ինձ բաժին, որ անկա-  
 նի յընչիցդ. եւ նա բաժանեաց նոցա  
 13 զկեանսն: Եւ յետ ոչ բազում աւուրց  
 ժողովեալ զամենայն կրտսեր որդւոյն՝  
 գնաց յաշխարհ հեռի. եւ անդ վատ-  
 նեաց զինչս իւր, զի կեայր անառա-  
 14 կութեամբ: Եւ իրրեւ սպառեաց զա-  
 մենայն, եղև սով սաստիկ յաշխարհին  
 յայնմիկ, եւ սկսաւ ինքն չքաւորել:  
 15 Եւ գնացեալ յարեցաւ ի մի ոմն ի քա-  
 ղաքսացւոց աշխարհին այնորիկ. եւ  
 յղեաց զնա յագարակ իւր արածել խոզս:  
 16 Եւ ցանկայր ընու զորովայն իւր յեղ-  
 ջիւրէն զոր խոզքն ուտէին, եւ ոչ ոք  
 17 տայր նմա: Եւ եկեալ ի միտս իւր՝ ասէ,  
 Քանի՜ վարձկանք իցեն ի տան հօր իմոյ  
 հացալիցք, եւ ես աստ սովամահ կո-  
 18 րնչիմ: Յարուցեալ զնացից առ հայր  
 իմ եւ ասացից ցնա, Հայր, մեղայ յեր-  
 19 կինս եւ առաջի քո, Եւ ոչ եւս եմ  
 արժանի կոչել որդի քո, արա զիս իբ-  
 20րեւ զմի ի վարձկանաց քոց: Եւ յա-  
 րուցեալ եկն առ հայր իւր. եւ մինչ-  
 դեռ հեռագոյն էր, ետես զնա հայրն  
 եւ զթացաւ. յարեաւ եւ ընթացաւ  
 ընդ առաջ, անկաւ զպարանոցաւն նո-  
 21րա, եւ համբուրեաց զնա: Եւ ասէ  
 ցնա որդին, Հայր, մեղայ յերկինս եւ  
 առաջի քո, ոչ եւս եմ արժանի կոչել  
 22 որդի քո: Ասէ հայրն ցծառայս իւր,  
 1 Վաղվաղակի հանէք զպատմուճանն  
 առաջին եւ ազուցէք նմա, եւ տուք  
 զմատանին ի ձեռս նորա, եւ կօչիկս  
 23 յոտս նորա: Եւ ածէք զեզն պարարակ,  
 զենէք, կերիցուք եւ ուրախ լիցուք:  
 24 Զի այս որդի իմ մեռեալ էր եւ եկեաց,

կորուսեալ էր եւ գտաւ . եւ սկսան  
 25 ուրախ լինել : Եւ էր երէց որդի նորա  
 յագարակի . եւ մինչդեռ գայր եւ մերձ  
 եղեւ ի տունն , լուաւ զձայն երգոց եւ  
 26 զպարուց . Եւ կոչեցեալ առ ինքն զմի  
 ի ծառայիցն՝ հարցանէր թէ զի՛նչ իցէ  
 27 այն : Եւ նա ասէ ցնա , Զի եղբայր քո  
 եկեալ է , եւ եղեն հայր քո զեզն պա-  
 րարակ , զի ողջամբ ընկալաւ զնա :  
 28 Բարկացաւ եւ ոչ կամէր մտանել , եւ  
 հայրն ելեալ արտաքս՝ աղաչէր զնա :  
 29 Պատասխանի ետ եւ ասէ ցնայրն , Այս-  
 քանի ամբ են , զի ծառայեմ քեզ , եւ  
 երբեք զպատուիրանաւ քով ոչ անցի .  
 ուլ մի երբեք ոչ ետուր ինձ զի ուրախ  
 30 եղէց ընդ բարեկամս իմ : Յորժամ եկն  
 որդիդ քո այդ որ եկեր զկեանս քո ընդ  
 պոռնիկս , զհներ զմա զեզն պարարակ :  
 31 Եւ ասէ ցնա , Որդեակ , դու հանապազ  
 ընդ իս ես , եւ ամենայն որ ինչ իմ է՝  
 32 քո է . Այլ ուրախ լինել եւ խնդալ  
 պարտ էր , զի եղբայր քո այս մեռեալ  
 էր եւ եկեաց , կորուսեալ՝ եւ գտաւ :

## ԳԼ. ԺԶ

1 ԶԲ. Եւ ասէ առ աշակերտսն , Այր մի  
 էր մեծատուն , որոյ էր տնտես . եւ  
 եղեւ զնմանէ ամբաստանութիւն , որ-  
 2 պէս թէ վատնիցէ զինչս նորա : Կոչեաց  
 եւ ասէ ցնա , Զի՛նչ է այս զոր լսեմս  
 զքէն . տուր զհամար տնտեսութեան  
 քո , զի ոչ եւս կարես լինել տնտես :  
 3 Ասէ ընդ միտս իւր տնտեսն , Զի՛նչ  
 գործեցից , զի տէր իմ հանէ զտնտե-  
 սութիւնս . գործել ոչ կարեմ , մուրա-  
 4 նալ ամաչեմ : Գիտեմ զինչ արարից ,  
 զի յորժամ ի բաց լինիցիմ ի տնտեսու-  
 թեանս , ընկալցին զիս ի տունս իւր-  
 5 եանց : Եւ կոչեցեալ առ ինքն մի ըստ  
 միովէ ի պարտապանաց տեառն իւրոյ ,  
 6 ասէ ցառաջինն , Քանի ինչ պարտիս  
 տեառն իմում : Եւ նա ասէ , Հարեւր  
 մար ձիթոյ . ասէ ցնա , Կա զգիր քո ,  
 7 եւ նիստ գրեա վաղվաղակի յիսուն :  
 7 Դարձեալ ասէ ցմեւն , Դու քանի ինչ  
 պարտիս . եւ նա ասէ , Հարեւր քո  
 8 եւ նիստ գրեա ութսուն : Եւ գովեաց  
 տէրն զտնտեսն անիրաւութեան , զի  
 իմաստութեամբ արար . զի որդիք աշ-  
 խարհիս այսորիկ իմաստնագոյն են քան

9 զորդիս լուսոյ յազգս իւրեանց : Եւ ես  
 ձեզ ասեմ , Արարէք ձեզ բարեկամս  
 ի մամոնայէ անիրաւութեան . զի յոր-  
 ժամ պակասիցէ այն , ընկալցին զձեզ  
 10 ի յարկսն յաւիտենականս : Որ ի փո-  
 քուն հաւատարիմ է՝ եւ ի բազմին հա-  
 ւատարիմ է , եւ որ ի փոքուն անիրաւ  
 11 է՝ եւ ի բազմին անիրաւ է : Իսկ արդ  
 եթէ յանիրաւ մամոնային չեղէք հա-  
 ւատարիմք , զճշմարիտն ձեզ ո՞ հաւա-  
 12 տացէ : Եւ եթէ յօտարին չեղէք հա-  
 13 ւատարիմք , զձերն ո՞ տացէ ձեզ : Ոչ  
 ոք ծառայ կարէ երկուց տերանց ծա-  
 ռայել , զի ի՞նքն զմին ատիցէ , եւ  
 զմեւն սիրիցէ . կա՛մ զմին մեծարիցէ ,  
 եւ զմեւն արհամարհիցէ . ոչ կարէք  
 Աստուծոյ ծառայել եւ մամոնայի :  
 14 Իբրեւ լսէին զայս ամենայն փարի-  
 սեցիքն , քանզի արծաթասէրք էին ,  
 15 անզոսնէին զնա : Եւ ասէ ցնոսա , Դուք  
 էք որ արդարացուցանէք զանձինս ա-  
 ռաջի մարդկան , սակայն Աստուած գի-  
 տէ զսիրտս ձեր . զի որ առաջի մարդ-  
 կան բարձր է՝ պիղծ է առաջի Աստու-  
 16 ծոյ : Օրէնքն եւ մարգարէք մինչեւ  
 ցՅովհաննէս . յայնմ հետէ արքայու-  
 թիւն Աստուծոյ աւետարանի , եւ ա-  
 17 մենայն ոք զնա բռնաբարէ : Դիւրին  
 իցէ երկնից եւ երկրի անցանել , քան  
 յօրինացն միոյ նշանախեցի անկանել :  
 18 Ամենայն որ արձակէ զկին իւր եւ առնէ  
 այլ՝ չնայ . եւ որ զարձակեալն առնէ՝  
 չնայ :  
 19 Այր ոմն էր մեծատուն , եւ ագանէր  
 բեհեզս եւ ծիրանիս եւ ուրախ լինէր  
 20 հանապազ առատապէս : Եւ աղքատ ոմն  
 անուն Դաղարոս անկեալ դնէր առ  
 21 դրան նորա վիրաւորեալ , Եւ ցանկայր  
 ընուր զորովայն իւր ի փշրանացն որ  
 անկանէին ի սեղանոյ մեծատանն . այլ  
 եւ չունք եւս գային եւ լիզուին զվէրս  
 22 նորա : Եւ եղեւ մեռանել աղքատին ,  
 եւ տանել հրեշտակաց զնա ի գոգն Աբ-  
 րահամու . մեռաւ եւ մեծատունն եւ  
 23 թաղեցաւ : Եւ ի դժոխսն ամբարձ զաչս  
 իւր մինչ ի տանջանսն էր . ետես զԱբ-  
 րահամ ի հեռաստանէ , եւ զԴաղարոս  
 24 ի գոգ նորա ճանգուցեալ : Եւ նա ա-  
 ղաղակեաց եւ ասէ , Հայր Աբրահամ ,  
 ողորմեաց ինձ , եւ առաքեա զԴաղարոս ,

զի թացցէ զծագ մատին իւրոյ ի ջուր, եւ զովացուցցէ զիւր իմ, զի պապա-  
 25 կիմ ի տապոյ աստի: Եւ ասէ ցնա Աբ-  
 րահամ, Որդեակ, յիշեա զի ընկալար  
 անդէն զբարիս քո ի կեանսն քում, եւ  
 Դազարոս նոյնպէս զշարհարանս: արդ  
 սա աստ միսիթարի, եւ դու այդր պա-  
 26 պակիս: Եւ ի վերայ այսր ամենայնի  
 վիճ մեծ է ընդ մեզ եւ ընդ ձեզ: Եթէ  
 կամիցին աստի առ ձեզ անցանել, ոչ  
 կարեն, եւ ոչ այտի ոք առ մեզ ան-  
 27 ցանել: Եւ ասէ, Արդ աղաչեմ զքեզ,  
 հայր, զի արձակեսցես զգա ի տուն  
 28 հօր իմոյ, Են իմ անդ եղբարք հինգ,  
 որպէս զի տացէ նոցա վկայութիւն, զի  
 մի եւ նոքա գայցին յայս տեղի տան:  
 29 Վանաց, Եւ ասէ Աբրահամ, Ունին  
 զՄովսէս եւ զմարգարէսն, նոցա լուի-  
 30 ցեն: Եւ նա ասէ, Ոչ, հայր Աբրահամ,  
 բայց եթէ ի մեռելոց ոք երթիցէ առ  
 31 նոսա, եւ ապաշխարեսցեն: Եւ ասէ  
 ցնա, Եթէ Մովսիսի եւ մարգարէիցն  
 ոչ լսեն, եւ ոչ եթէ ի մեռելոց ոք յառ-  
 նիցէ, հաւանեսցին:

## ԳԼ. ԺԷ

1 ԶԳ. Ասաց եւ առ աշակերտսն իւր,  
 Ոչ է մարթ չգալ գայթակղութեան,  
 բայց վա՛յ այնմիկ է յոյր ձեռն գայցէ:  
 2 Լաւ էր նմա թէ վէմ երկանաքար կա-  
 խէր զպարանոցէ նորա եւ անկանէր  
 ի ծով, քան թէ գայթակղեցուցանէ զմի  
 3 ոք ի փոքրկանցս յայսցանէ: Զգոյ՛ կա-  
 ցէք անձանց: Եթէ մեղիցէ եղբայր քո,  
 սաստեա նմա: Եւ եթէ սպաշխարիցէ,  
 4 թող նմա: Եւ եթէ եւթն անգամ մե-  
 ղիցէ քեզ, եւ եւթն անգամ դարձցի  
 ի քեզ եւ ասիցէ, Ապաշխարեմ, թող-  
 ցես նմա:  
 5 Եւ ասեն առաքեալքն ցՏէր, Յաւել  
 6 մեզ հաւատս: Եւ ասէ Տէր, Եթէ ու-  
 նիցիք հաւատս քան զհատ մանանիոյ,  
 եւ ասիցէք թթկնուոյս այսմիկ, Խլեաց  
 եւ տնկեաց ի ծովու, եւ հնազանդես-  
 ցի ձեզ:  
 7 Իսկ ո՛վ ոք ի ձէնջ, որ ունիցի ծա-  
 րայ հողագործ կամ հովիւ, որ իրեւ  
 մտանիցէ յաղարակէ, ասիցէ ցնա վաղ-  
 8 վաղակի, թէ Անց բազմեաց: Այլ ո՛չ

Պիլատ, մեղիցէ քեզ

ասիցէ ցնա թէ Պատրաստեա զինչ ընթ-  
 րելոց իցեմ, եւ գօտի ածեալ պաշտեա  
 զիս, մինչեւ կերայց եւ արբից, եւ  
 9 ապա կերիցես եւ արբցես դու: Միթէ  
 չնո՞րն ինչ ունիցի ծառային այնմիկ,  
 10 զի արար զամենայն հրամանսն: Նոյն-  
 պէս եւ դուք յորժամ առնիցէք զամե-  
 նայն հրամայեալսն ձեզ, ասասջիք թէ  
 Ծառայք անպիտանք եմք, զոր պար-  
 տէաքն առնել արարաք:  
 11 Եւ եղեւ մինչ երթայր նա յԵրու-  
 սաղէմ, եւ ինքն անցանէր ընդ մէջ  
 12 Սամարիայ եւ Գալիլեացոց: Եւ մինչ-  
 դեռ մտանէր ի գեղ ուրեմն, պատա-  
 հեցան նմա տասն այր բորոտ որք կա-  
 13 ցին ի հեռաստանէ: Բարձին զձայնս  
 եւ ասեն, Յիսուս վարդապետ, ողոր-  
 14 մեաց մեզ: Եւ իրիւս ետես զնոսա,  
 ասէ ցնոսա, Երթալք, ցուցէք զանձինս  
 քահանայիցն: Եւ եղեւ իրեւ գնացին,  
 15 առժամայն սրբեցան: Մի ոմն ի նո-  
 ցանէ իրեւ ետես թէ բժշկեցաւ, զար-  
 ձաւ անդրէն, ի ձայն մեծ փառաւոր  
 16 առնէր զԱստուած: Անկաւ ի վերայ ե-  
 րեսաց իւրոց առ ոտս նորա, եւ գո-  
 հանայր զնմանէ: Եւ ինքն էր Սամա-  
 17 րացի: Պատասխանի ետ Յիսուս եւ  
 ասէ, Ո՛չ տասն սոքա սրբեցան, իսկ  
 18 արդ ինուներն ո՞ւր են, Զի ոչ գտան  
 դառնալ տալ փառս Աստուծոյ, բայց  
 19 միայն այլազգիս այս: Եւ ասէ ցնա,  
 Արի գնա, զի հաւատք քո կեցուցին  
 զքեզ:

20 ԶԴ. Իրեւ հարցաւ ի փարիսեցոցն  
 թէ Ե՛րբ գայցէ արքայութիւնն Աս-  
 տուծոյ. պատասխանի ետ նոցա եւ  
 ասէ, Ոչ գայ արքայութիւնն Աստու-  
 21 ծոյ խտրանօք: Եւ չասիցեն թէ Ահա-  
 ւասիկ աստ է կամ Անդ, զի ահա ար-  
 քայութիւն Աստուծոյ ի ներքս ի ձեզ է:  
 22 Ասաց եւ առ աշակերտսն, Եկեսցեն  
 աւուրք ցանկանալոյ ձեզ մի յաւուրցն  
 Որդւոյ մարդոյ տեսանել, եւ ոչ տե-  
 23 սանիցէք: Եւ եթէ ասիցեն ձեզ եթէ  
 Ահաւասիկ է կամ Անդ, մի երթայցէք  
 24 զհետ: Զի որպէս փայլակն փայլատա-  
 կեալ ի ներքոյ երկնից ընդ երկնիւք  
 ծաղիցէ, նոյնպէս եւ Որդի մարդոյ  
 25 յաւուրն իւրում: Բայց նախ պարտ է

Պիլատ, յաւուրն, ոչ կարծեմ:  
 Զի Յօւսէփ գլխակ

նմա բազումս չարչարել եւ խոտել յաղ-  
 26 գէս յայսմանէ։ Եւ որպէս եղեւ յա-  
 27ւուրս Որդւոյ մարդոյ։ Ուտէին, ըմ-  
 պէին, կանայս առնէին եւ արանց լի-  
 նէին, մինչեւ յօրն յորում եմուտ Նոյ  
 ի տապանն, եւ եկն ջրհեղեղն եւ կո-  
 28րոյս զամենեանն։ Նոյնպէս եւ որպէս  
 յաւուրսն Ղովտայ եղեւ, ուտէին, ըմ-  
 պէին, գնէին, վաճառէին, տնկէին,  
 29չինէին։ Եւ յորում աւուր ել Ղովտ  
 ի Սողոմայ, տեղաց հուր եւ ծծումբ  
 30յերկնից եւ կորոյս զամենեանն։ Ըստ  
 նմին օրինակի եղիցի եւ յաւուրն յո-  
 31րում Որդի մարդոյ յայտնեցոց է։ Յայնմ  
 աւուր որ կայցէ ի տանիս եւ կարտսի  
 իւր ի տան, մի՛ իջցէ առնուլ զայն։  
 եւ որ յանդի իցէ, նոյնպէս մի՛ դարձցի  
 32յետս։ Յիշեցէք զիկինն Ղովտայ։ (33) Որ  
 խնդրիցէ զանձն իւր ապրեցուցանել  
 կորուսցէ գնա։ եւ որ կորուսցէ՝ ապ-  
 34րեցուցէ գնա։ Ասեմ ձեզ, Յայնմ գի-  
 շերի թէ եղիցին երկու ի մի մահիճս,  
 35մին առցի եւ մեւսն թողցի։ Եւ եթէ  
 եղիցին երկու աղալ ի միասին, մին  
 առցի եւ մեւսն թողցի։ եւ եթէ իցեն  
 երկու յանդի, մին առցի եւ մեւսն  
 36թողցի։ Պատասխանի ետուն եւ ասեն  
 37ցնա, Յո՛, Տէր, Եւ նա ասէ ցնոսա,  
 Ուր մարմին է, անդր եւ արծուիք  
 ժողովեցին։

## ԳԼ ԺԸ

1 ԶԵ. Ասաց եւ առակ մի նոցա առ այն  
 թէ պարտ է յամենայն ժամ կալ նոցա  
 2 յաղօթս եւ մի՛ ձանձրանալ։ Ասէ, Դա-  
 տաւոր մի էր ի քաղաքի ուրեմն, յԱս-  
 տուծոյ ոչ երկնչէր եւ ի մարդկանէ ոչ  
 3 ամաչէր։ Եւ այրի մի էր ի նմին քա-  
 ղաքի, գայր առ նա եւ ասէր, Դատ  
 4 արա ինձ յոսոխէ իմմէ։ Եւ ոչ կամէր  
 ի բազում ժամանակս։ յետ այնորիկ  
 ասէ ի մտի իւրում, Եթէ եւ յԱստու-  
 ծոյ ոչ երկնչիմ, եւ ի մարդկանէ ոչ  
 5 ամաչեմ, Գոնէ վասն աշխատ առնելոյ  
 զիս այրւոյն՝ արարից նմա զատ զի մի՛  
 6 ի սպառ եկեալ թախանձիցէ զիս։ Եւ  
 ասէ Տէր, Լուարուք զինչ դատաւորն  
 7 անիրաւութեան ասէր։ Իսկ Աստուած  
 ոչ առնիցէ վրէժխնդրութիւն ի ծառա-

յից իւրոց որ ազաղակեն առ նա ի տուէ  
 եւ ի գիշերի, եւ երկայնամիտ միայն  
 8 լինիցի առ նոսա։ Այո, ասեմ ձեզ զի  
 արասցէ վրէժխնդրութիւն նոցա վաղ-  
 վաղակի։ Իսկ Որդի մարդոյ եկեալ  
 գտանիցէ՝ արդեւք հաւատս յերկրի։  
 9 Ասաց եւ առ ոմանս պանծացեալս  
 յանձինս թէ արդարք իցեն եւ խոտի-  
 10 ցեն զբազումս, զառակս զայս։ Արք  
 երկու ելին ի տաճարն կալ յաղօթս,  
 մին փարիսեցի եւ մեւսն մաքսաւոր։  
 11 Փարիսեցին կայր զմեկուսի եւ զայս ա-  
 ռանձինն աղօթս մատուցանէր, Աստ-  
 ուած իմ, գոհանամ զքէն, զի ոչ եմ  
 իբրեւ զայս ի մարդկանէ, զյափշտա-  
 կողս եւ զանիրաւս եւ զշուռս կամ իր-  
 12 բեւ զայս մաքսաւոր։ Այլ պահեմ եր-  
 կիցս ի չաքաթու, եւ տամ տասանորդս  
 13 յամենայն ստացուածոց իմոց։ Եւ մաք-  
 սաւորն կայր մեկուսի, եւ ոչ կամէր  
 եւ ոչ զաչսն ընդ երկինս ամբառնալ,  
 այլ կոծէր զկուրծս իւր եւ ասէր, Աստ-  
 14 ուած, քաւեա զիս զմեղաւորս։ Ասեմ  
 ձեզ, Էջ սա արդարացեալ ի տուն իւր  
 քան զնա։ զի ամենայն որ բարձրա-  
 ցուցանէ զանձն իւր՝ խոնարհեցի։ եւ  
 որ խոնարհեցուցանէ զանձն՝ բարձ-  
 րացի։

15 ԶԶ. Մատուցանէին առ նա եւ ման-  
 կրտի զի մերձենայցէ ի նոսա։ Իրբեւ  
 տեսին աչակերտքն, սաստէին նոցա։  
 16 Իսկ Յիսուս կոչեցեալ գնոսա առ ինքն՝  
 ասէ, Թոյլ տուք մանկուոյդ զալ առ  
 իս, եւ մի՛ արգելուք զգոսա, զի այդ-  
 պիսեացդ է արքայութիւն Աստուծոյ։  
 17 Ամէն ասեմ ձեզ, Որ ոչ ընդունիցի  
 զարքայութիւն Աստուծոյ իբրեւ զմա-  
 նուկ, ոչ մտցէ ի նա։  
 18 Եւ եհարց զնա ոմն իշխան եւ ասէ,  
 Վարդապետ բարի, զի՞նչ գործեցից,  
 զի զկեանսն յաւիտեանականս ժառան-  
 19 գեցից։ Ասէ ցնա Յիսուս, Զի՞ ասես  
 զիս բարի։ չիք ոք բարի բայց մի Աս-  
 20 տուած։ Զպատուիրանս գիտես։ Մի՛  
 չնար, Մի՛ սպանաներ, Մի՛ զողանալ,  
 Մի՛ սուտ վկայեր, Պատուեալ՝ զհայր  
 21 քո եւ զմայր։ Եւ նա ասէ, Զայդ ա-  
 մենայն պահեցի ի մանկութենէ իմմէ։  
 22 Իբրեւ լուաւ զայն Յիսուս, ասէ ցնա,  
 Մեւս եւս պակաս է քեզ. զամենայն

ինչ զոր ունիս վաճառեա եւ տուր աղ-  
քատաց, եւ ունիցիս գանձս յերկինս,  
23 եւ եկ զկնի իմ: Նա իրրեւ լուաւ զայս,  
տրտմեցաւ, քանզի էր մեծատուն յոյժ:  
24 Իբրեւ ետես զնա Յիսուս տրտմեալ,  
ասէ, Ո՛րպէս դժուարաւ, որ ինչս ու-  
նիցին, մտանիցեն յարքայութիւն Աս-  
տուծոյ: Դիւրագոյն իցէ մալխոյ ընդ  
ծակ ասղան անցանել, քան մեծատան  
26 յարքայութիւն Աստուծոյ մտանել: Եւ  
որ լուանն՝ ասէին, Եւ ո՞ կարիցէ ապ-  
27 րել: Եւ նա ասէ, Անհնարինք առ ի  
մարդկանէ հնարաւորք են յԱստուծոյ:  
28 Եւ ասէ Պետրոս, Ահաւասիկ մեր թո-  
ղաք զամենայն ինչ զմեր, եւ եկալ  
29 զկնի քո: Եւ նա ասէ ցնոսա, Ամէն ա-  
սեմ ձեզ եթէ Ոչ ոք է որ եթող զտուն,  
կամ զծնողս, կամ զեղբարս, կամ զկին,  
կամ զորդիս վասն արքայութեան Աս-  
30 տուծոյ, եթէ ոչ առնուցու բազմա-  
պատիկ ի ժամանակի յայսմիկ, եւ յաշ-  
խարհին որ գալոցն է՝ զկեանսն յաւի-  
տենականս ժառանգեսցէ:  
31 Եւ առեալ զերկոտասանսն առան-  
ձինն՝ ասէ ցնոսա, Ահաւասիկ երանեմք  
յերուսաղէմ, եւ կատարեսցին ամե-  
նայ գրեալքն մարգարէիւք վասն Որ-  
32 զոյ մարդոյ: Զի մատնեսցին հեթա-  
33 նոսաց, եւ կատակեսցին: Եւ հարկա-  
նիցեն եւ սպանանիցեն զնա, եւ յերի-  
34 աւուր յարիցէ: Եւ նոքա ոչինչ իմա-  
ցան յայնցանէ, այլ էր բանն ծածկեալ  
ի նոցանէ, եւ ոչ զիտէին զաստղեալսն:  
35 Զէ. Եւ եղև ի մօտեմն նորա յերի-  
քով, կոյր ոմն նստէր առ ճանապար-  
36 հաւն մուրացիկ: Իրբեւ լուաւ զան-  
ցանել ժողովրդեանն, հարցանէր թէ  
37 Զինչ իցէ այն: Եւ պատմեցին նմա  
38 թէ Յիսուս նազովրեցի անցանէ: Աղա-  
ղակեաց եւ ասէ, Յիսուս, Որդի Դաւ-  
39 թի, ողորմեաց ինձ: Եւ որ առաջին  
երթային՝ սաստէին նմա զի լուսցէ.  
եւ նա եւս առաւել աղաղակէր, Որդի  
40 Դաւթի, ողորմեաց ինձ: Զտեղի առ  
Յիսուս, եւ հրամայեաց ածել զնա առ  
իւր. եւ իրբեւ մերձ եղև առ նա, եւ  
41 հարց զնա եւ ասէ, Զինչ կամիս դու  
զի արարից քեզ. եւ նա ասէ, Տէր,  
42 զի բացցին աչք իմ եւ տեսից: Եւ Յի-  
սուս ասէ ցնա, Հայեաց, հաւատք քո

43 կեցուցին զքեզ: Եւ առժամայն ետես  
եւ երթայր զնետ նորա եւ փառաւոր  
առնէր զԱստուած. եւ ամենայն ժո-  
ղովրդեանն տեսեալ տայր օրհնութիւն  
Աստուծոյ:

## ԳԼ. ԺԹ

1 Եւ մտեալ չրջէր ընդ Երիքով: (2) Եւ  
ահա այր մի անուն կոչեցեալ Զակ-  
քէոս, եւ նա էր մաքսապետ եւ ինքն  
3 մեծատուն. Եւ խնդրէր տեսանել եթէ  
ով իցէ Յիսուս, եւ ոչ կարէր ի բազ-  
4 մութենէն, զի կարճ էր հասակաւ: Եւ  
ընթացեալ յառաջս՝ ել ի ժանտաթզենին  
զի տեսանիցէ զնա. քանզի ընդ այն  
5 իսկ անցանելոց էր: Իրբեւ եկն ի տե-  
ղին, հայեցաւ ի վեր Յիսուս եւ ասէ  
ցնա, Զակքէ, փութաւ էջ այտի, զի  
այսօր ի տան քում արժան է ինձ ա-  
6 զանել: Փութացաւ եւ էջ եւ ընկալաւ  
7 զնա ուրախութեամբ: Իրբեւ տեսին  
ամենեւին, տրտնջին եւ ասէին թէ  
Առ առն մեղաւորի եմուտ լուծանել:  
8 Եկն եկաց Զակքէոս եւ ասէ ցՏէր,  
Տէր, ահա զկէս ընչից իմոց տաց աղ-  
քատաց, եւ եթէ զոք զրկեցի, հատու-  
9 ցից չորեքկին: Եւ ասէ ցնա Յիսուս,  
Այսօր եղև փրկութիւն տանս այսմիկ:  
10 Քանզի եւ սա որդի Արրահամու է: Զի  
եկն Որդի մարդոյ խնդրել եւ կեցու-  
ցանել զկորուսեալսն:  
11 Եւ մինչդեռ նոքա զայն լսէին, յաւել  
առակ մի եւ ասէ վասն մերձենալոյ  
նորա յերուսաղէմ, եւ համարելոյ նո-  
քա եթէ առժամայն յայտնելոց է ար-  
12 քայութիւն Աստուծոյ: Ասէ, Այր ոմն  
ազնուական զնաց յաշխարհ հեռի առ-  
նու իւր թագաւորութիւն եւ դառնալ  
13 Եւ կոչեցեալ զձառուայս իւր՝ ետ նոցա  
տասն մնաս, եւ ասէ ցնոսա, Յարգե-  
14 ցէք զայդ մինչեւ եկից: Եւ քաղաքա-  
ցիքն նորա ատէին զնա, առաքեցին  
հրեշտակս զկնի նորա, եւ ասեն թէ  
Ոչ կամիմք թագաւորել զմա ի վերայ  
15 մեր: Եւ եղև զառնալ նմա առեալ  
զթագաւորութիւնն, եւ կոչեալ զձա-  
ռայսն որոց տուեալ էր զարծաթն, զի  
16 գիտասցէ թէ ո՞ զինչ չահեցաւ: Եկն  
առաջինն եւ ասէ, Տէր, մնասն քո





գործես դու զայդ, կամ ո՞վ է որ ետ  
 3 քեզ զայդ ի յխանութիւն: Պատասխա-  
 նի ետ եւ ասէ ցնոսա, Հարցից եւ ես  
 4 ցձեզ բան մի, եւ ասացէք ինձ: Մկր-  
 5 տութիւնն Յովհաննու յերկնից էր եթէ  
 6 ի մարդկանէ: Եւ նոքա խորհեցան ի  
 6 միտս իւրեանց եւ ասեն, Եթէ ասեմք,  
 6 Յերկնից, ասէ, Իսկ ընդէ՞ր ոչ հաւա-  
 տացէք նմա: Եւ եթէ ասեմք, ի մարդ-  
 6 կանէ, ամենայն ժողովուրդն քարկոծ  
 7 առնեն զմեզ: զի հաստատեալ է ի միտս  
 7 Յովհաննէ, թէ մարգարէ է: Եւ պա-  
 տասխանի կտուռն չգիտել թէ ուստի  
 8 իցէ: Եւ Յիսուս ասէ ցնոսա, Եւ ոչ  
 8 ես ասեմ ձեզ որով իշխանութեամբ  
 8 առնեմ զայս:  
 9 Է՞. Սկսաւ ասել առ ժողովուրդն  
 9 զառակս զայս: Այր ոմն տնկեաց այգի,  
 9 եւ ետ զնա մշակաց: Եւ ինքն գնաց  
 10 ճանապարհ ժամանակս բազումս: Եւ  
 10 ի ժամու առաքեաց առ մշակսն ծառայ,  
 10 զի ի պտղոյ այգւոյն տացեն նմա: Եւ  
 10 մշակքն գան հարին զնա, եւ արձա-  
 11 կեցին ունայն: Եւ յաւել մեւս եւս  
 11 ծառայ յղել: Նոքա եւ գնա եւս գան  
 11 հարին, անարգեցին եւ առաքեցին ու-  
 12 նայն: Եւ յաւել գերորդն առաքել:  
 12 Նոքա եւ գնա վիրաւորեցին եւ հանին  
 13 արտաքս: Ասէ տէր այգւոյն, Ձի՛նչ  
 13 արարից: առաքեցից զորդի իմ սիրելի,  
 14 թերեւս ի սմանէ պատկառեցեն: Իբ-  
 14 րեւ տեսին զնա մշակքն, խորհեցան  
 14 ընդ միմեանս եւ ասեն, Սա է ժա-  
 14 ոռանգն, սպանցուք զսա, զի մեր լինի:  
 15 Գի ժառանգութիւնն: Եւ հանին զնա  
 15 արտաքս քան զայգին եւ սպանին: արդ  
 15 զի՛նչ արասցէ ընդ նոսա տէր այգւոյն:  
 16 Ո՛չ տպաքէն զայցէ եւ կորուսանիցէ  
 16 զհօկսն զայնոսիկ եւ տացէ զայգին  
 16 աւրաց: Իրեւ լուան՝ ասեն, Քաւ, մի՛  
 17 լիցի: Եւ նա հայեցեալ ընդ նոսա՝ ասէ,  
 17 Իսկ զի՛նչ իցէ այն որ գրեալն է եթէ  
 17 Վէ՛մն զոր անարգեցին չինողքն՝ նա եւ  
 18 հաւ գլուխ անկեան: Ամենայն որ ընդ-  
 18 արցի ընդ վէ՛մն ընդ աքս՝ խորտակեա-  
 18 ցի, եւ յորոյ վերայ անկցի՝ հոսեցէ  
 19 զնա: Եւ ինչորէին զպիւրքն եւ քահա-  
 19 նայապետք արկանել ի նա ձեռս ի նմին  
 19 ժամու, եւ երկեան ի ժողովրդենէն,  
 19 զի գիտացին թէ առ նոսա ասաց զա-  
 19 ռակն զայն:  
 20 Է՞. Եւ ապա սպասեցին, եւ առա-

քեցին դաւաճանս կեղծաւորեալս զան-  
 ձինս առ արդարս ունել, զի ըմբռնեա-  
 ցեն զնա բանիւք, առ ի մատնել զնա  
 պետութեան եւ իշխանութեան դատա-  
 21 ւորին: Հարցին ցնա եւ ասեն, Վար-  
 դապետ, գիտեմք եթէ ուղիղ խօսիս  
 եւ ուսուցանես, եւ ոչ առնուս ակն,  
 22 այլ ճշմարտութեամբ զճանապարհն Աս-  
 22 տուծոյ ուսուցանես: Արժան է մեզ  
 23 կայսեր հարկս տալ թէ ոչ: Եւ նայե-  
 23 ցեալ ընդ խորամանկութիւն նոցա՝  
 24 ասէ՝ Գնոսա, Յուցէք՝ ինձ զդահեկանն:  
 24 Եւ նոքա ցուցին: Եւ ասէ, Ձո՛յր  
 24 պատկեր եւ զգիր ունի: պատասխանի  
 25 ետուն եւ ասեն, Ձկայսեր: Եւ նա  
 25 ասէ ցնոսա, Արդ երթալք տուք զկայ-  
 25 սերն կայսեր, եւ զԱստուծոյն՝ Աստու-  
 26 ծոյ: Եւ ոչ կարացին զնա ըմբռնել բա-  
 26 նիւք առաջի ժողովրդեանն: Եւ զար-  
 26 մացեալ ընդ պատասխանին նորա՝  
 26 լոեցին:  
 27 Է՞. Մատուցեալ ոմանք ի սաղու-  
 27 կեցւոցն, որք հակառակէին չլինել յա-  
 28 րութեան, հարցին ցնա Եւ ասեն,  
 28 Վարդապետ, Մովսէս գրեաց մեզ, Եթէ  
 28 աւրուք եղբայր մեռանիցի, որոյ իցէ  
 28 կին, եւ նա անորդի իցէ, զի առնու-  
 28 ցու եղբայր նորա զկինն, եւ յարուսցէ  
 29 զաւակ եղբոր իւրում: Արդ եւթն եղ-  
 29 բարք էին: Եւ առաջնոյն առեալ կին՝  
 30 մեռաւ անորդի: Առ զնա եւ երկրորդն,  
 31 մեռաւ եւ նա անորդի: Առ զնա եւ  
 31 երրորդն, նոյնպէս եւ եւթանեքին, եւ  
 32 ոչ թողին չորդիս: Մեռաւ՝ եւ կինն:  
 33 Արդ ի յարութեան ո՛ւմ ի նոցանէ լի-  
 34 նիցի կին: զի եւթանեքին կալան զնա  
 34 կին: Պատասխանի ետ նոցա Յիսուս  
 34 եւ ասէ, Որդիք աշխարհիս այսորիկ  
 35 կանայս առնեն եւ արանց լինին: Իսկ  
 35 որ արժանի լինիցին այնմ աշխարհի  
 35 հասանել եւ յարութեանն որ ի մե-  
 35 ռելոց՝ ոչ կանայս առնեն եւ ոչ արանց  
 36 լինին: Քանզի եւ ոչ մեռանել եւս կա-  
 36 րեն, զի հաւասար հրեշտակաց են, եւ  
 36 որդիք Աստուծոյ, քանզի յարութեան  
 37 որդիք են: Այլ զի յառնեն մեռեալք,  
 37 եւ Մովսէս գուշակեաց ի մորենւոյն,

<sup>1</sup> Ունի, ցնոսա, Ձ՞ք քորձէք զիս: ցուցէք

<sup>2</sup> Գնոսա՝ գիտեմք

<sup>3</sup> Ունի, իցէ ի մեռանելի

<sup>4</sup> Բազում, որդիս եւ մեռան: (32) Յետ ամենե-  
 ցուն մեռաւ

որպէս ասէ զՏեառնէ՝ <sup>1</sup>Աստուծոյ Ար-  
բահամու եւ <sup>2</sup>զԱստուծոյ Իսահակայ եւ  
38 <sup>1</sup>զԱստուծոյ Յակովբայ։ Եւ Աստուած  
չէ մեռելոց, այլ կենդանեաց, զի ա-  
39 մենեքին նմա կենդանի են։ Պատաս-  
խանի ետուն ոմանք ի դպրացն եւ ա-  
սեն, Վարդապետ, բարեոք ասացեր։  
40 Եւ ոչ եւս ոք իշխէր հարցանել զնա  
եւ ոչինչ։  
41 Էջ. Ասէ եւ առ նոսա, Զիւրդ ա-  
սեն զՔրիստոսէ թէ որդի է Դաւթի։  
42 Զի ինքն Դաւիթ ասէ ի գիրս Սաղմո-  
սաց, Ասաց Տէր ցՏէր իմ, Նիստ ընդ  
43 աջմէ իմմէ, Մինչեւ եղից զթշնամիս  
44 քո պատուանդան ոտից քոց։ Իսկ արդ  
եթէ Դաւիթ զնա Տէր կոչէ, զիւրդ  
որդի նորա իցէ։  
45 Եւ լու ի լու ամենայն ժողովրդեանն  
46 ասէ ցաշակերտսն, Զգոյշ լերուք ի  
դպրացն, որ կամին պատմուճանօք  
շրջել, եւ սիրեն ողջոյնս ի հրապա-  
րակա, եւ զնախաթոռս ի ժողովուրդս,  
47 եւ զբարձերէցս յընթրիս։ Որ ուտեն  
գտունս այրեաց, եւ պատճառանօք  
յերկարեն զաղօթս. նոքա ընկալցին  
աւելի դատաստանս։

ԳԼ. ԻԱ

1 Եւ հայեցեալ ետես զմեծատունան որ  
արկանէին զտուֆս իւրեանց ի գան-  
2 ձանակն։ Ետես եւ զկին ոմն պրի աղ-  
քատ, որ արկ անդր երկուս լուսայս։  
3 Եւ ասէ, Արդարեւ ասեմ ձեզ, զի այ-  
րին այն աղքատ աւելի արկ քան զա-  
4 մենեսին։ Ամենքին նոքա ի մթերից  
իւրեանց արկին յընծայսն <sup>2</sup>Աստուծոյ,  
բայց նա ի կարօտութենէ իւրմէ զա-  
մենայն զկեանս իւր զոր ունէր՝ արկ։  
5 Էջ. Եւ յասել ոմանց զտաճարէն թէ  
գեղեցիկ վիմօք եւ <sup>3</sup>աշտարակօք զար-  
6 դարեալ է, ասէ, Զայդ ամենայն զոր  
տեսանէք, եկեսցեն աւուրք յորս ոչ  
թողցի այդր քար ի քարի վերայ որ  
7 ոչ քակտեցի։ Հարցին ցնա եւ ասեն,  
Վարդապետ, երբ լինիցի այդ, եւ զի՞նչ  
8 նշան իցէ յորժամ այդ լինելոց իցէ։ Եւ  
նա ասէ, Զգոյշ կացէք, մի՛ խաբիցիք։  
զի բազումք գայցեն յանուն իմ, եւ  
ասիցեն թէ ես եմ, եւ մերձեցաւ ժա-

9 մանակ. մի՛ երթայցէք զկնի նոցա։ Եւ  
յորժամ լսիցէք պատերազմունս եւ  
խոռովութիւնս, մի՛ զարհուրիցիք. զի  
պարտ է նախ այնմ լինել, այլ ոչ առ-  
10 ժամայն կատարած։ Յայնժամ ասէ  
ցնոսա, Յարիցէ ազգ յազգի վերայ եւ  
թագաւորութիւն ի թագաւորութեան  
11 վերայ. եւ շարժուինք <sup>4</sup>մեծամեծք.  
եւ ի տեղիս տեղիս սովք՝ եւ սրածու-  
թիւնք եղիցին. արհաւիրք եւ նշանք  
12 մեծամեծք յերկնից, Բայց յառաջ քան  
զայս ամենայն միեւեցեն զձեռս իւր-  
եանց ի ձեզ եւ հալածեսցեն, մասնեա-  
ցեն ի ժողովուրդս եւ ի բանտս, եւ  
տանիցին առաջի դատաւորաց եւ թա-  
13 գաւորաց վասն անուան իմոյ։ Եւ լի-  
14 նիցի ձեզ այն ի վկայութիւն։ Արդ զիք  
ի սիրտս ձեր, մի՛ յառաջագոյն կրթել  
15 տալոյ պատասխանի։ Զի ես տաց ձեզ  
բերան եւ իմաստութիւն, որում ոչ  
կարիցեն կալ հակառակ կամ տալ պա-  
տասխանի ամենայն հակառակորդն  
16 ձեր։ Մատնեսցիք եւ ի ծնողաց եւ յեղ-  
բարց եւ յազգականաց եւ ի բարեկա-  
17 մաց, եւ սպանանիցեն ի ձէնջ. եւ ե-  
ղիջիք ատեցեալք յամենեցունց վասն  
18 անուան իմոյ. եւ մաղ մի ի գլխոյ ձեր-  
19 մէ ոչ կորիցէ։ Եւ համբերութեամբ  
ձերով ստասցիք զոգիս ձեր։  
20 Այլ յորժամ տեսանիցէք շուրջ պա-  
տեալ զօրօք զերուսաղէմ, յայնժամ  
գիտասցիք թէ մերձ է աւեր նորա։  
21 Յայնժամ որ ի Հրէաստանի իցեն՝ փա-  
խիցեն ի լերինս, եւ որ ի միջի նորա  
իցեն՝ խուսեսցեն, եւ որ ի գաւառսն  
22 իցեն՝ մի՛ մտցեն ի նա։ Զի աւուրք  
վրէժխնդրութեան են այնոքիկ առ ի  
23 կատարելոյ ամենայն գրելոց, Բայց վա՛յ  
իցէ յղեաց եւ ստնտուաց յաւուրսն  
յայնոսիկ. զի եղիցի տագնապ մեծ ի  
վերայ երկրի, եւ բարկութիւն՝ ժողո-  
24 վրդեանն այնմիկ։ Եւ անկցին ի սուր  
սուսերի, եւ գերեսցին յամենայն հե-  
թանոսս. եւ Երուսաղէմ եղիցի կոխան  
ազգաց, մինչեւ կատարեսցին ժամա-  
25 նակք հեթանոսաց։ Եւ եղիցին նշանք  
յարեգակն եւ ի լուսին եւ յաստղս,  
եւ յերկրի տագնապ հեթանոսաց յանդ  
բարբառոյ իբրեւ ծովու եւ ճառովու-

<sup>1</sup> Բ-յն, Աստուած  
<sup>2</sup> Բ-յն, զաւելի

<sup>3</sup> Բ-յն, Զաւելի

<sup>4</sup> Բ-յն, մեծամեծք ի տեղիս տեղիս, և սովք  
<sup>5</sup> Ի Բ-յն, զաւելի

- 26 Թեան, Յեղանելոյ ոգւոց մարդկան յերկիւզէ եւ ի կարծեաց եկելոց ի վերայ տիեզերաց. զի զօրութիւնք երկնից  
27 չարսեացին, եւ յայնժամ տեսցեն զՈրդի մարդոյ եկեալ ամպովք զօրութեամբ  
28 եւ փառօք բազմօք, եւ յորժամ սկսանիցի այս լինել, ամբարձլիք եւ բարձրացուցիք զգլուխս ձեր, զի մերձ է փրկութիւն ձեր։  
29 Եւ ասաց առակ մի նոցա, Տեսէք  
30 զթզենիդ եւ զամենայն ծառ. Յորժամ յցուցանիցեն զպտուղ իւրեանց՝, տեսանէք եւ ի նոցանէ ճանաչէք եթէ  
31 մերձ է ամառն, նոյնպէս եւ դուք յորժամ տեսանիցէք զայս ամենայն եղևալ, զիտասլիք թէ մերձ է արքայ  
32 յուրթիւն Աստուծոյ, Ամէն ասեմ ձեզ թէ Ոչ անցցէ ազգս այս, մինչեւ այս  
33 ամենայն եղիցի, երկինք եւ երկիր անց  
34 ցեն, եւ բանք իմ ոչ անցանիցեն։ Զգոյշ լերուք անձանց, գուցէ ծանրանայցեն սիրտք ձեր շուայտութեամբ եւ արեցութեամբ եւ հոգովք աշխարհականօք, եւ յանկարծակի հասանիցէ ի վերայ ձեր օրն այն. Զի իբրեւ զորոգայթ հասանիցէ ի վերայ ամենեցուն որ բնակեալ են ընդ ամենայն երեսս  
36 երկրի, Արթուր կացէք այսուհետեւ, յամենայն ժամ աղօթս արարէք, զի արժանի լինիլիք զերծանել յայնժամ ամենայնէ որ լինելոց է, եւ կալ առաջի Որդւոյ մարդոյ։  
37 Եւ ի տուէ ի տաճարին ուսուցանէր, եւ զգիշերս ելեալ ագանէր ի լեւ  
38 թինն որ կոչէր Զիթենեաց, եւ ամենայն ժողովուրդն կանխէր ընդ առաւօտս առնա ի տաճարն լսել ի նմանէ։

ՎՋ

## ԳԼ. ԻԲ

- 1 Մերձեցաւ տօն բաղարջակերացն որ 2 կոչէր Պասքա. Եւ խնդրէին քահանայապետքն եւ դպիրք թէ ո՞րպէս սպանանիցեն զնա, բայց երկնչէին ի ժողովրդենէ անտի։  
3 Ապա եմուտ Սատանայ ի Յուդա ի կոչեցեալն Իսկարիոփտացի, որ էր ի թուոյ երկոտասանիցն, Զոգաւ եւ բանս ընդ քահանայապետսն եւ ընդ դպիրս եւ ընդ իշխանս ժողովրդեանն,

1 Բաղարջակ, բաղարջակներ

- 5 զի մատնեացէ զնա նոցա, Եւ խնդացին եւ խոստացան տալ նմա արծաթ։  
6 Եւ յանձն առ եւ խնդրէր պարապ մատնել զնա նոցա՝ մեկուսի յամբոխէն։  
7 Եկն օր բաղարջակերացն, յորում 8 օրէն էր զենուլ զպատեքն, Եւ առաքեաց զՊետրոս եւ զՅովհաննէս եւ ասէ, Երթա՛ք պատրաստեցէք մեզ զպատեքն զի կերիցուք, Եւ նոքա ասեն,  
10 Ո՛ւր կամիս զի պատրաստեսցուք, Եւ ասէ ցնոսա, Ահա իբրեւ մտանիցէք ի քաղաքն, պատահեցէ ձեզ այր մի բարձեալ սափոր ջրոյ. երթի՛ջիք զհետ  
11 նորա ի տունն յոր մտանիցէ. Եւ ասասլիք ցտանուտէր տանն, Վարդապետ ասէ քեզ, Ո՛ւր են վանքն 2 իմ, յորում զպատեքն ուտիցեմ աշակերտօքս հանդերձ, Եւ նա ցուցցէ ձեզ վերնատուն մի մեծ զարդարեալ, 3 եւ  
13 անդ պատրաստեսլիք, Եւ գնացեալ գտին որպէս եւ ասացն նոցա, եւ պատրաստեցին զպատեքն։  
14 Եւ իբրեւ ժամ եղեւ, բազմեցաւ, եւ երկոտասան առաքեալքն ընդ նմա։  
15 Եւ ասէ ցնոսա, Ցանկանալով ցանկացայ զայս պատեք ուտել ընդ ձեզ, մինչ  
16 չեւ չարչարեալ իցեմ, Բայց ասեմ ձեզ թէ ոչ եւս կերայց ի սմանէ, մինչեւ լցցի  
17 յարքայութեան Աստուծոյ, Եւ բնակեալ բաժակ՝ գոհացաւ եւ ասէ, Առէ՛ք  
18 զայդ եւ բաժանեցէք ի ձեզ, Ասեմ ձեզ թէ յայնժամ հետէ ոչ արբից ի բերոյ որթոյ, մինչեւ եկեսցէ արքայութիւն Աստուծոյ։  
19 Եւ առեալ հաց՝ գոհացաւ, երեկ եւ հտ նոցա եւ ասէ, Այս է մարմին իմ, 4 որ վասն բազմաց տուեալ. զայս աս  
20 րասլիք առ իմոյ յիշատակի. նոյնպէս եւ զբաժակն յետ ընթրեացն առ եւ ասէ, Այս բաժակ է նոր ուխտ իմով արեամբ վասն ձեր հեղեղոյ։  
21 Բայց աւասիկ ձեռն մատնչի իմոյ  
22 ընդ իս ի սեղանս, Եւ Որդի մարդոյ ըստ սահմանելոյն երթայ, բայց վա՛յ մարդոյն այնմիկ յոր ձեռն մատնեցի։  
23 Եւ նոքա սկսան խնդրել ընդ միմեանս, թէ ո՞վ է ի նոցանէ որ զայն գործելոց իցէ։

3 Գնացաւ զպատեքն, 4 ի բազմութեան, որ վասն ձեր

3 ի բազմութեան, որ վասն ձեր

24 Եւ եղեւ հակառակութիւն ի մէջ  
նոցա թէ ո՛վ ի նոցանէ համարիցի մեծ:  
25 Եւ նա ասէ ցնոսա, Թագաւորք ազ-  
գաց տիրեն նոցա, եւ որ իշխենն նո-  
26 ցա՝ բարերարք կոչին. Այլ դուք ոչ  
այնպէս, այլ որ մեծն է ի ձեզ՝ եղիցի  
իրեւելիքսերն, եւ առաջնորդն՝ իր-  
27 րեւ զսպասաւորն: Ո՛վ է մեծ, բազ-  
մեալն եթէ սպասաւորն. ո՛չ ապաքէն  
բազմեալն. բայց ես եմ ի միջի ձե-  
28 րում իբրեւ սպասաւոր: Եւ դուք էք  
որ ցանկ կայիք ընդ իս ի փորձութիւնս  
29 իմ. Եւ ես ուխտեմ ձեզ, որպէս եւ  
Հայր իմ ուխտեաց ինձ, զարքայու-  
30 թիւն. Զի ուտիցէք եւ ըմպիցէք ի սե-  
ղան իմ յարքայութեանն իմում, եւ  
նստիցիք յերկոտասան աթոռ՝ դա-  
տել զերկոտասան ազգն Իսրայելի:  
31 Եւ ասէ Տէր, Սիմօն, Սիմօն, ա-  
հա Սատանայ խնդրեաց զձեզ խարբա-  
32 լել իբրեւ զցորեան. Այլ ես աղաչեցի  
վասն քո զի մի՛ պակասեցեն հուստք  
քո. եւ դու երբեմն դարձցիս եւ հաս-  
33 տատեցես զեղբարս քո: Եւ նա ասէ  
ցնա, Տէր, ընդ քեզ պատրաստ եմ ե՛ւ  
34 ի բանտ ե՛ւ ի մահ երթալ. Եւ նա ա-  
սէ ցնա, Ասեմ քեզ, Պետրէ, չիցէ այ-  
սօր հաւու խօսեալ մինչեւ երիցս ու-  
րացիս զիս չգիտել:  
35 Եւ ասէ ցնոսա, Յորժամ առաքեցի  
զձեզ առանց քսակի եւ մախաղի եւ  
կօշկաց, միթէ կարօտացա՞ք իմիք:  
36 Եւ նոքա ասեն, Եւ ոչ իմիք. ապա  
ասէ, Այլ այժմ որ ունիցի քսակ՝  
բարձցէ, նոյնպէս եւ մախաղ. եւ որ  
ոչն ունիցի՝ վաճառեցէ զձորձս իւր  
37 եւ գնեցէ իւր սուսեր: Բայց ասեմ  
ձեզ, զի այս եւս որ գրեալ է՝ պարտ  
է զի կատարեսցի յիս թէ Ընդ անօրէնս  
համարեցաւ. զի որ վասն իմ ինչ է՝  
38 վճարեալ է. Եւ նոքա ասեն, Տէր, ա-  
հաւասիկ են աստ երկու սուրք. եւ  
նա ասէ ցնոսա, Բաւական են:  
39 Եւ ելեալ գնաց ըստ սովորութեանն  
ի լեռն Զիթենեաց. գնացին գնետ նո-  
40 րա եւ աշակերտքն: Իբրեւ եհաս ի  
տեղին, ասէ ցնոսա, Յաղօթս կացէք:  
41 չմտանել ի փորձութիւն. Եւ ինքն մեկ-  
նեցաւ ի նոցանէ իբրեւ քարրնկէց մի,  
42 եղ ծուռ, կայր յաղօթս, Եւ ասէր,

Հայր, եթէ կամիս, անցո զբաժակս  
զայս յինէն. բայց ոչ իմ կամք, այլ  
43 քոյդ լիցին: Եւ երեւեցաւ նմա հրեշ-  
տակ յերկնից եւ զօրացուցանէր գնա-  
եւ էր ի տագնապի, եւ մտադիւրու-  
44 թեամբ եւս կայր յաղօթս: Եւ հոսէին  
ի նմանէ քրտունք իբրեւ զկայրակս  
արեան՝ ոլոռն ոլոռն՝ հեղեալ յերկիր:  
45 Եւ յարուցեալ յաղօթիցն՝ եկն առ ա-  
շակերտսն, եգիտ գնոսա ի քուն ի  
46 տրտմութենէն. Եւ ասէ ցնոսա, Զի՛  
ննջէք. արիք, կացէք յաղօթս՝ զի մի՛  
մտանիցէք ի փորձութիւն:  
47 Եւ մինչդեռ խօսէր, ահաւասիկ ամ-  
բոխ, եւ որ կոչէրն Յուդա, մի յերկո-  
տասանիցն, առաջնորդէր նոցա. Յիւ-  
րեւ մերձեցաւ առ Յիսուս, համբուր-  
եաց գնա՝. քանզի զայն նշան տուեալ  
էր նոցա, թէ Ընդ որում ես համբու-  
48 րեցից, նա է, գնա ունիցիք: Ասէ ցնա  
Յիսուս, Յուդա, համբուրելով մատ-  
49 նես զՈրդի մարդոյ. Իբրեւ տեսին  
որ զնովաւն էին որ ինչ եղեւն, ասեն  
ցնա, Տէր, հարցո՛ւք ցնոսա սրով:  
50 Եւ եհար մի ոմն ի նոցանէ զքահա-  
նայապետին ծառայ, եւ ի բաց եհան  
51 զաջոյ ունկն նորա: Պատասխանի ետ  
Յիսուս եւ ասէ, Թոյլ տուք մինչեւ  
ցայդ վայր. եւ մատուցեալ յունկն՝  
52 բժշկեաց գնա: Եւ ասէ ցեկեալսն ի  
վերայ նորա, ցքահանայապետն եւ  
ցիշխանս տաճարին եւ ցծերսն, Իբրեւ  
ի վերայ աւազակի՝ ելէք սուսերօք  
53 եւ բրօք: Հանապազ ընդ ձեզ էի ի  
տաճարին, եւ ոչ ձգեցէք ձեռս յիս.  
այլ այս է ձեր ժամ եւ իշխանութիւն  
խաւարի:  
54 Եւ կալեալ գնա՝ ածին եւ մուծին  
ի տուն քահանայապետին. եւ Պետ-  
րոս երթայր զկնի նորա հեռագոյն:  
55 Իբրեւ լուցին կրակ ի մէջ գաւթին եւ  
նստան շուրջ, նստաւ եւ Պետրոս ի  
56 մէջ նոցա: Ետես գնա աղախին ոմն  
զի նստէր առ լոյսն, հայեցաւ ընդ նա  
եւ ասէ, Եւ սա ընդ նոսա էր որ ընդ  
57 նմայն էին: Իսկ Պետրոս ուրացաւ եւ  
58 ասէ, Ոչ գիտեմ գնա, կին դու: Եւ  
յետ սակաւ միոյ այլ ոմն ետես գնա  
եւ ասէ, Եւ դու ի նոցանէ ես. եւ

Պետրոս ասէ, Այր դու, չեմ ի նոցա-  
 59 նէ: Եւ իբրեւ ժամ մի անց ի վերայ,  
 այլ ոմն վիճէր եւ ասէր, Ստոյգ եւ  
 սա ընդ նմա էր, քանզի Գալիլեացի է:  
 60 Ասէ Պետրոս, Այր դու, չգիտեմ զինչ  
 խօսիսդ. եւ առժամայն մինչդեռ նա  
 61 զայն ասէր, խօսեցաւ հաւ: Դարձաւ  
 Տէր եւ հայեցաւ ի Պետրոս. եւ յիշեաց  
 Պետրոս զքանն Տեառն զոր ասաց ցնա,  
 Մինչչեւ հաւու խօսեալ իցէ, <sup>1</sup> երիցս  
 62 ուրացիս <sup>2</sup> չգիտել զիս: Եւ ելեալ ար-  
 տաքս՝ ելայ դառնապէս:  
 63 Եւ արքն, որ պահէին զնա, այսպն  
 64 առնէին զնովաւ եւ հարկանէին: Ծած-  
 կէին զերեսս նորա <sup>2</sup> եւ տանջէին, եւ  
 հարցանէին ցնա եւ ասէին, Մարգար-  
 65 եաց, ո՞վ է որ եհարն զքեզ: Եւ այլ  
 բազում ինչ հայհոյութեամբ խօսէին  
 ի նա:  
 66 Եւ իբրեւ այգ եղեւ, ժողովեցաւ  
 ծերակոյտ ժողովրդեանն, քահանայա-  
 պետքն եւ դպիրք, եւ հանին ածին  
 զնա յատեանն իւրեանց եւ ասեն, Եթէ  
 67 դու ես Քրիստոսն, ասա մեզ: Ասէ  
 ցնոսա, Եթէ ասացից ձեզ, սակայն ոչ  
 68 հաւատայք. Եւ եթէ հարցից ինչ զձեզ,  
 չտայք ինձ պատասխանի կամ արձա-  
 69 կիցէք: Բայց յայսմ հետէ նստցի Որդի  
 մարդոյ ընդ աջմէ՝ զօրութեանն Աս-  
 70 տուծոյ: Եւ ասեն ամենեքեան, Ու-  
 բնիմս դու ես Որդին Աստուծոյ. եւ նա  
 ասէ ցնոսա, Դուք ասէք թէ ես եմ:  
 71 Եւ նոքա ասեն, Ձինչ եւս պիտոյ է  
 մեզ վկայութիւն, զի մեզէն իսկ լուաք  
 ի բերանոյ զորա:

## ԳԼ. ԻԳ

<sup>1</sup> Եւ յարուցեալ ամենայն բազմութիւնն  
 2 նոցա, ածին զնա առ Պիղատոս: Եւ  
 սկսան չարախօս լինել զնմանէ եւ ա-  
 սել, Գտաք զսա զի թիւրէր զազգս  
 մեր, եւ արգելոյր ի տալոյ հարկս Կայ-  
 սիւր, եւ ասէր զանձնէ եթէ Քրիստոսն  
 3 իցէ թագաւոր: Իսկ Պիղատոս եհարց  
 զնա եւ ասէ, Դո՞ւ ես թագաւորն  
 Հրէից. նա պատասխանի ետ նմա եւ  
 4 ասէ, Դու ասացիր: Ասէ Պիղատոս  
 ցքահանայապետսն եւ ցժողովուրդսն,  
 Չգտանեմ ինչ վնաս յառնս յայսմիկ:

<sup>1</sup> Ունի, պարս քրիցս<sup>2</sup> Ի բազմա պատե

5 Եւ նոքա պնդէին եւ ասէին եթէ Խռովէ  
 զժողովուրդս, ուսուցանէ ընդ ամե-  
 նայն Հրէաստան՝ սկսեալ ի Գալիլէ  
 6 մինչեւ ցայսր: Իսկ Պիղատոս իբրեւ  
 լուաւ զԳալիլէէ, եհարց եթէ Գալիլ-  
 7 եացի՞ իցէ այրն: Եւ իբրեւ գիտաց թէ  
 յիշխանութենէ Հերովդէ է, ետ տանել  
 զնա առ Հերովդէս. քանզի եւ նա յԵ-  
 8 ռուսաղէմ էր յաւուրսն յայնոսիկ: Եւ  
 Հերովդէս իբրեւ ետես զՅիսուս, ու-  
 րախ եղեւ յոյժ, զի ցանկայր ի բազում  
 ժամանակաց տեսանել զնա. քանզի  
 լւէր բազում անգամ զնմանէ, եւ ակն  
 ունէր նշան ինչ լիեալ տեսանել ի նմա-  
 9 նէ: Հարցանէր զնա բանիւք բազմօք.  
 եւ նա ոչինչ ետ նմա պատասխանի:  
 10 Կային քահանայապետքն եւ դպիրք եւ  
 11 պնդագոյնս չարախօսէին զնմանէ: Ար-  
 համարհեաց զնա եւ Հերովդէս հանդերձ  
 իւրովը զօրականօքն, եւ այսպն արար-  
 եալ արկ զնովաւ հանդերձս սպիտակս,  
 եւ ետ տանել անդրէն առ Պիղատոս:  
 12 Եւ եղեն բարեկամք Պիղատոս եւ Հե-  
 րովդէս յաւուր յայնմիկ, քանզի յա-  
 տաջ թշնամիք էին միմեանց:  
 13 Կոչեաց Պիղատոս զքահանայապետսն  
 14 եւ զիշխանս եւ զժողովուրդն, Եւ ասէ  
 ցնոսա, Ածէք մատուցէք ինձ զայրս  
 զայս իբրեւ զխոտորեցուցիչ ժողովրդ-  
 դեանն. եւ ահաւասիկ առաջի ձեր դա-  
 տեցայ, եւ վնաս ինչ ոչ գտի յառնս յայս-  
 միկ՝ զորոց դուք չարախօսէք զզմա-  
 15 նէ: Այլ եւ ոչ Հերովդէս, քանզի ծնունդ  
 տանել զդա առ նա. եւ արդ ոչինչ մա-  
 16 հու արժանի է գործեալ զորա. Խրա-  
 17 տեցից զդա եւ արձակեցից: Չի հարկ  
 էր մի մի ըստ տօնի արձակել նոցա:  
 18 Եւ նոքա աղաղակէին ամենայն բազ-  
 մութեամբն եւ ասէին, Բարձ զդա եւ  
 19 արձակեա մեզ զԲարաբբա. Որ էր վասն  
 խռովութեան իրիք եղելոյ ի քաղաքին  
 20 եւ սպանութեան մտեալ ի բանտ, Դար-  
 ձեալ Պիղատոս սկսաւ խօսել, քանզի  
 21 կամէր արձակել զՅիսուս: Եւ նոքա  
 անդրէն աղաղակէին եւ ասէին, Դի խաչ  
 22 հան՝ զդա: Եւ նա ծերիցս ասէ ցնոսա,  
 Ձինչ չար արար սա. ոչինչ վնաս  
 մահու գտի ի սմա, խրատեցից զսա

<sup>3</sup> Ունի, առաքեցի զձեզ առ նա, այլ՝ առա-  
քեաց զնա առ մեզ<sup>4</sup> Բազմա, ի խաչ հան, ի խաչ հան<sup>5</sup> Եթէ, երբեք անգամ

23 եւ արձակեցից։ Եւ նոքա ստիպէին մեծածախն եւ խնդրէին զնա ի խաչ հանել, եւ զօրանային բարբառք նոցա եւ 24 քահանայապետիցն։ Եւ Պիղատոս հաւանեցաւ առնել զհայցուածս նոցա։ 25 Արձակեաց նոցա ՚վիարաբբայն՝ զոր վասն խռովութեան եւ սպանութեան արկեալ էր ի բանտ, զոր եւ խնդրէին իսկ, եւ զԹիսուս մատնեաց կամաց նոցա։ 26 Իբրեւ առին զնացին զնա, ըմբռնեցին զոմն Սիմոն կիւրենացի որ զայր յանդէ, եղին ի վերայ նորա զխաչն բեւ 27 իւր զկնի Յիսուսի, եւ երթայր զհետ նորա բազմութիւն ժողովրդեանն եւ կանանց որ կոծէին եւ աշխարէին զնա։ 28 Դարձաւ Յիսուս եւ ասէ ցնոսա, Դստերք Երուսաղեմի, մի՛ լայք ի վերայ իմ, այլ լացէք ի վերայ անձանց 29 եւ ի վերայ որդւոց ձերոց։ Զի եկեսցեն աւուրք, յորս ասիցեն թէ Երանի ամլոց եւ որովայնից որ ոչ ծնան, եւ 30 ստեանց՝ որ ոչ զիեցուցին։ Յայնժամ սկսանիցին ասել լերանց թէ Անկերուք ի վերայ մեր, եւ բլրոց՝ թէ 31 Ծածկեցէք զմեզ։ Զի եթէ ընդ փայտ դալար զայս առնեն, ընդ չորն զմեզ լինիցի։ 32 Ածին եւ այլ երկուս, չարագործս, 33 սպանանել ընդ նմա։ Իբրեւ չողան ի տեղին կոչեցեալ Գաբաթն, անդ հանին զնա ի խաչ, եւ զչարագործան, զոմն ընդ աջմէ եւ զոմն ընդ ձախմէ 34 խաչեցին։ Եւ Յիսուս ասէ, Հայր, Թող դոցա, զի ոչ գիտեն զինչ գործեն։ Եւ ի բաժանել զհանդերձս նորա 35 արկին վիճակս։ Եւ կայր ժողովուրդն հայեցեալ։ անգոսնէին զնա իշխանքն հանդերձ նոքօք եւ ասէին, Զայլս ապրեցոյց, ապրեցուցէ եւ զանձն, եթէ դա է Բրիստոս 2Պրդի Աստուծոյ ընտրեալն։ Այսն առնէին զնա եւ զինուորքն, եկեալ առաջի մատուցա 37 նէին նմա քացախ, եւ ասէին, Եթէ դու ես թագաւորն Հրէից, փրկեա 38 զանձն քո։ Եւ էր գիր գրեալ ի վերայ նորա Յունարէն եւ Դաւումատերէն եւ Եբրայեցերէն գրով թէ Սա է արքայն Հրէից։

39 Իսկ մի ոմն ի կախելոց չարագործացն հայհոյէր զնա եւ ասէր, 40 Եւ զմեզ։ Պատասխանի ետ ընկերն սաստելով նմա եւ ասէ, Զերկնչիս դու յԱստուծոյ, զի ի նմին պատժի 41 կաս։ Եւ մեք յիրաւի, զի արժանի որոց գործեցաք՝ առնումք զհատուցումն։ Եւ սա ապիրատ ինչ ոչ գործեաց։ Եւ ասէ ցԹիսուս, Յիշեա զիս, 42 Տէր, յորժամ զայցես արքայութեամբ 43 քով։ Եւ ասէ ցնա Յիսուս, Ամէն ասեմ քեզ, Այսօր ընդ իս իցես ի դրախտին։ 44 Եւ էր իբրեւ վեցերորդ ժամ, եւ խաւար եղեւ ի վերայ ամենայն երկրի մինչեւ ցիններորդ ժամն։ Խաւարեցաւ արեգակն։ Եւ հերձաւ վարագոյր 45 տաճարին ընդ մէջ։ Եւ կարգաց Յիսուս ի ձայն մեծ եւ ասէ, Հայր, ի ձեռս քո աւանդեմ զհոգի իմ. զայս իբրեւ ասաց, եհան զոգի։ 47 Եւ տեսեալ հարիւրապետին զոր ինչ եղեւն՝ փառաւոր արար զԱստուած եւ ասէ, Արդարեւ այրս այս արդար էր։ 48 Եւ ամենայն ժողովուրդքն որ եկեալ էին, եւ տեսանէին զտեսիլն զայն եւ զգործ, բախէին զկուրծս եւ դառնա 49 յին։ Կային եւ ամենայն ծանօթքն նորա ի հեռաստանէ, եւ կանայք որ եկեալ էին զհետ նորա ի Գալիլէ՝ տեսանէին զայն։ 50 Եւ ահա այր մի անուն Յովսէփ, որ էր նախարար, այր բարեգործ եւ արդար, (Սա չէր միաբանեալ ընդ խորհուրդս եւ ընդ գործս նոցա) յԱրիմաթեայ քաղաքէ Հրէից, որ եւ ինքն իսկ ակն ունէր արքայութեան Աստուծոյ։ Սա մատուցեալ առ Պիղատոս 53 խնդրեաց զմարմինն Յիսուսի։ Եւ իջուցեալ զնա՝ պատեաց պատառակալաւ, եւ եղ ի կռածոյ գերեզմանի ուր 54 չէր բնաւ զոք եղեալ։ Եւ օրն էր ուրբաթ եւ շաբաթ լուսանայր։ 55 Եւ երթային զհետ նորա կանայք որ եկեալ էին ընդ նմա ի Գալիլէ, տեսին զգերեզմանն, եւ որպէս եղաւ մարմինն նորա։ Դարձան եւ պատրաստեցին խուկս եւ եւղս եւ ի շաբաթուն հանդարտեցին վասն պատուիրանին։

1 ի Բաւաւ գաւառի  
2 ի Յաւաթ գաւառի

3 Բաւաւ, ընտրեալն  
Աստուծոյ

4 Յաւաւ, եթէ

## ԳԼ. ԻԴ

1 Բայց ի միաշարժութուն վաղ քաջ ընդ առաւօտն եկին ի գերեզմանն, բերին զխուռնկան զոր պատրաստեցին, եւ այլ  
2 կանայք ընդ նոսա. եւ գտին զվէմն թաւայեցուցեալ ի գերեզմանէ անտի:  
3 Եւ մտեալ ի ներքս ոչ գտին զմարմինն  
4 Տեսուն Յիսուսի: Եւ եղեւ ընդ հիւսնայն նոցա վասն այնորիկ, եւ անա  
արք հրկու հասին առ նոսա ի հան  
5 դերձս լուսաւորս: Եւ իրեւ զահի հարան եւ խոնարհեցուցին զերևոս  
իւրեանց յերկիր, ասենցնոսա, Զի  
6 խնդրէք զկենդանին ընդ մեռեալս. Զէ  
աստ, այլ յարեաւ. յիշեցէք որպէս խո  
սեցաւ ընդ ձեզ մինչ էրն ի Գալիլեա,  
7 եւ ասէր թէ Պարտ է Որդւոյ մարդոյ  
մատնել ի ձեռս մարդոց մեղաւորաց,  
եւ ի խաչ երանել եւ յերրորդ աւուր  
8 յառնել: Եւ յիշեցին զբանսն նորա:  
9 Եւ զարձան պատմեցին զայս ամե  
նայն մատասանիցն եւ այլոցն ամենե  
10 ցուն: Եւ էին Մարիամ Մագդաղե  
նացի եւ Յովհաննա եւ Մարիամ Յա  
կովբայ եւ այլք ընդ նոսա որ պատ  
11 մեցին զայս առաքելոցն: Եւ երեւե  
ցան առաջի նոցա շաղփաղփութիւն  
բանքն նոցա եւ չհաւատային նոցա:  
12 Բայց Պետրոս յարուցեալ ընթացաւ  
ի գերեզմանն, եւ հայեցեալ տեսնէ  
զկտաւան լոկ զի կային, եւ գնաց ընդ  
միտս զարմացեալ թէ զինչ եղեւ:  
13 Եւ անա երկուք ի նոցանէ երթային  
ի նմին աւուր ի գեղ մի որ հեռի էր  
յերուսաղեմէ՝ հարեւր եւ վաթսուն  
ասպարիսաւ, եւ էր անուն նորա Եմ  
14 մաւուս: Եւ նոքա խօսէին ընդ մի  
միմանս վասն ամենայն անցիցն անցե  
15 լոց: Եւ եղեւ ընդ խօսելն նոցա եւ ընդ  
վիճել, եւ ինքն իսկ Յիսուս մերձե  
16 ցաւ եւ երթայր ընդ նոսա: Եւ նոցա  
աչք կալեալ էին առ ի չճանաչելոյ զնա:  
17 Եւ ասէցնոսա, Զինչ են բանքդ վասն  
որոյ վիճիքդ ընդ միմեանս մինչդեռ  
18 գնայրդ, եւ տրամեալ էք: Պատաս  
խանի եւ մի ոմն ի նոցանէ որում ա  
նուն էր Կլէովպաս, եւ ասէցնա,  
Դո՛ւ միայն կաս յերուսաղեմ, որ ոչ

զիտացեր զինչ գործեցաւ ի նմա յա  
19ւուրսս յայտարիկ: Եւ ասէցնոսա, Զինչ  
եւ նոքա ասեն, ԶՅիսուսէ նազով  
րեցւոյ, որ եղեւ այր մարգարէ հօր  
արդեամբք եւ բանիւք առաջի Աստու  
20ծոյ եւ ամենայն ժողովրդեանն: Ո՛ր  
պէս մատնեցին զնա քահանայապետքն  
եւ իշխանքն մեր ի դատաստան մա  
21հու եւ հանին զնա ի խաչ: Մեք ակն  
ուռնէաք թէ նա իցէ որ փրկելոցն էր  
զիսրայէլ. այլ եւ հանդերձ այսու ա  
մենայնիւ այս երրորդ օր է յորմէ հե  
22տէ այն գործեցաւ: Այլ եւ կանայք ո  
մանք ի մէջ զարմացուցին զմեզ, որք  
կանխեալ ընդ առաւօտն չողան ի գե  
23րեզմանն, եւ ոչ գտին զմարմինն նո  
րա. եկին եւ ասեն թէ եւ տեսիլ եւս  
հրեշտակաց տեսին, որք ասէին զնմա  
24նէ թէ կենդանի է: Եւ գնացին ոմանք  
ի մէջ ի գերեզմանն, եւ գտին նոյն  
պէս որպէս եւ կանայքն ասացին. բայց  
25 զնա ոչ տեսին: Եւ նա ասէցնոսա,  
Ո՛վ անմիտք եւ հեղգասիրտք ի հա  
ւատալ ամենայնի զոր խօսեցան մար  
26գարէքն. Ո՛չ զնոյնս պարտ էր չաւ  
շարել Գրիստոսի, եւ մտանել ի փառոս  
27իւր: Եւ սկսեալ ի Մովսիսէ եւ յամե  
նայն մարգարէիցն՝ մեկնէր նոցա որ  
ինչ յամենայն գիրս գրեալ էր զնմանի,  
28 Իբրեւ մերձեցան ի գեղն յոր երթա  
յին, եւ նա պատճառէր հեռագոյն եւս  
29 ուրեք երթալ: Եւ բռնադատեցին զնա  
եւ ասեն, Առ մեզ ագիր, զի ընդ ե  
րեկս է եւ տարածամեալ է օրս. եւ ե  
30 մուտագանել անդ ընդ նոսա: Եւ եղև  
ի բազմելն նորա ընդ նոսա, առեալ  
զհացն՝ օրհնեաց, երեկ եւ ետ նոցա:  
31 Եւ նոցա բացան աչք եւ ծանեան զնա:  
32 Եւ նա եղև ի նոցանէ աներեւոյթ, եւ  
ասենց միմեանս, Ո՛չ իսկ եւ սիրտք մեր  
ճմլէին ի մեզ մինչ խօսէին ընդ մեզ  
զճանապարհայն, եւ ո՛րպէս բանայր  
33 մեզ զգիրս: Եւ յարուցեալ նոյնժա  
մայն՝ զարձան յերուսաղեմ, եւ գտին  
ժողովեալ զմետասանսն եւ զորս ընդ  
34 նոսայն էին: Եւ ասեն թէ Արդարեւ  
յարեաւ Տէր եւ երեւեցաւ: Սիմոնի  
35 Եւ նոքա պատմեցին զայն որ զճանա  
պարհայն, եւ թէ զիարդ ետ ծանօթո  
նոցա ի բեկանել հացին:  
36 Մինչդեռ զայն խօսէին, ինքն իսկ  
Յիսուս եկաց ի մէջ նոցա եւ ասէցնո

1Բ-Ը-Դ, գարձան ի գերեզմանէն  
2Բ-Ը-Դ, վաթսուն

սա, խաղաղութիւն ընդ ձեզ, <sup>1</sup>եւ եմ,  
 37 մի՛ երկնչիք:՝ Եւ զահի հարեալ եր-  
 կնչէին, եւ համարէին ոգի ինչ տե-  
 38 սանել: Եւ ասէ ցնոսա, Ձի՛ խռովեալ  
 էք, եւ ընդէ՛ր խորհուրդք կլանեն ի  
 39 սիրտս ձեր: Տեսէք զձեռս իմ եւ զոտս,  
 զի ես նոյն եմ. չօշափեցէք զիս եւ  
 տեսէք, զի ոգի մարմին եւ ոսկերս ոչ  
 ունի, որպէս զիսս տեսանէք զի ու-  
 40 նիմ: Եւ զայս ասացեալ եցոյց նոցա  
 41 զձեռսն եւ զոտս: Եւ մինչդեռ տա-  
 կաւին չհաւատային ի խնդութենէն եւ  
 զարմացեալ էին, ասէ ցնոսա, Ունի՛ք  
 42 ինչ կերակուր աստ: Եւ նոքա ետուն  
 նմա ձկան խորովելոյ մասն <sup>1</sup>եւ խո-  
 43 րիսխ մեղու՝: Եւ առ եկեր առաջի  
 44 նոցա, <sup>1</sup>եւ զմնացորդսն ետ նոցա:՝ Եւ  
 ասէ ցնոսա, Այս բանք են զոր խո-  
 սեցայ ընդ ձեզ, մինչ առ ձեզն էի թէ  
 Պարտ է լնուլ ամենայն գրելոցն յո-  
 45 րէնսն Մովսիսի եւ ի մարգարէս եւ ի

<sup>1</sup>Ի Բ-Կ-Լ-Ն գ-տ-տ-Բ

46 զմիտս նոցա իմանալ զգիրս: Եւ ասէ  
 ցնոսա թէ <sup>2</sup>Այսպէս պարտ էր չար-  
 չարել Քրիստոսի, եւ յառնել ի մեռե-  
 47 լոց յաւուր երրորդի, Եւ քարոզել  
 յանուն նորա ապաշխարութիւն եւ  
 թողութիւն մեղաց յամենայն ազգս՝  
 48 սկսեալ յԵրուսաղեմէ: Եւ դուք էք  
 49 վկայք այսոցիկ: Եւ ահա ես առաքեմ  
 զաւետիս Հօր իմոյ ի ձեզ. եւ դուք  
 նստարուք ի քաղաքիս յԵրուսաղէմ,  
 մինչեւ զգենուցուք զօրութիւն ի  
 բարձանց:  
 50 Եհան զնոսա մինչեւ ի Բեթանիա,  
 եւ ամբարձեալ զձեռս իւր՝ օրհնեաց  
 51 զնոսա: Եւ եղեւ յօրհնելն նորա զնո-  
 սա, մեկնեցաւ ի նոցանէ եւ վերա-  
 52 նայր յերկինս: Եւ նոցա երկիր պա-  
 զեալ նմա՝ զարձան յԵրուսաղէմ ու-  
 53 թախութեամբ մեծաւ: Եւ էին հանա-  
 պազ ի տաճարին, գովէին եւ օրհնէին  
 զԱստուած:

<sup>2</sup>Թ-Զ, Այսպէս գրեալ է, և այսպէս



# ԳԼՈՒԽՔ ԹՈՎՀԱՆՆՈՒ ԱՒԵՏԱՐԱՆԻՆ

	ԳԼ. ՀՄԲ.		ԳԼ. ՀՄԲ.
Վասն՝ զի անկերպն է Բանն		Վասն օժանելոյն զՏէրն.	ԺԲ. 3
Աստուած.	Ա. 4	Վասն՝ որ ասաց Յուդա զԻւղլոյն.	ԺԲ. 5
Վասն Յովհաննու վկայելոյն Բանին		Վասն յովանակին.	ԺԲ. 14
Աստուծոյ.	Ա. 45	Վասն մատչելոյ հեթանոսացն առ	
Վասն գալոյն առ նա Գառինն Աս-		Տէր.	ԺԲ. 21
տուծոյ.	Ա. 29	Վասն հատին ցորենոյ.	ԺԲ. 24
Վասն աշակերտացն առ Յիսուս ա-		Վասն Յիսուսի լոյս գալոյն յաշխարհ.	ԺԲ. 46
գանելոյն.	Ա. 39	Վասն ընթերացն և լուսնալոյ զոտո	
Վասն գտանելոյն զՄեսիա.	Ա. 41	աշակերտացն.	ԺԳ. 4
Վասն ի կանա հարսանեացն.	Բ. 4	Վասն չարչարանացն Յիսուսի, և	
Վասն արտաքս հանելոյն ի տաճարէն.	Բ. 15	սփոփելոյ զաշակերտան.	ԺԴ. 15
Վասն նիկողոթմոսի.	Գ. 4	Վասն գալոյ շոգւոյն և միկթարելոյ	
Վասն ի յԱլեքսանդր մկրտելոյն	Գ. 23	զաշակերտան.	ԺԴ. 26
Վասն խնդիր լինելոյ վասն սրբու-		Վասն մատնութեանն Յիսուսի.	ԺԸ. 2
թեան.	Գ. 25	Վասն ուրացութեանն Պետրոսի, և	
Վասն կնոջն Սամարացւոյ.	Դ. 7	հաւուն խօսելոյ.	ԺԸ. 25
Վասն թագաւորազինն.	Դ. 46	Վասն ամենայն զՅիսուս ի վանացն	
Վասն երեսունևութամեայ հիւանդին.	Ե. 5	կայրափայ.	ԺԸ. 28
Վասն՝ զի Հայր սիրէ զՈրդի.	Ե. 20	Վասն ամենայն զՅիսուս ի Գողգոթա.	ԺԹ. 47
Վասն հինգ հացին և երկու ձկանն.	Ջ. 9	Վասն աւանդելոյ զհոգին.	ԺԹ. 30
Վասն գնալոյն ի վերայ Ժովու.	Ջ. 49	Վասն խնդրելոյն զՏէրունական	
Վասն մարտնչելոյն ընդ միմեանս		մարմինն.	ԺԹ. 38
Հրէից.	Ջ. 41	Վասն բերելոյն նիկողոթմոսի զմուսու.	ԺԹ. 39
Վասն շրջելոյն Յիսուսի ի Գալիլէ,		Վասն գալոյ կանանցն ի գերեզմանն.	Ի. 4
և խրատու եղբարցն.	Ի. 4	Վասն դոքսն փակելովք մոտանելոյն	
Վասն խնդրելոյն Հրէից ունել զՅի-		Յիսուսի առ աշակերտան.	Ի. 49
սուս.	Ի. 30	Վասն զթովմաո հաստատելոյ Տեառն.	Ի. 27
Վասն ի ծնէ կուրին.	ԻԺ. 4	Վասն ուտելոյն ընդ նոսա, և հարց-	
Վասն գնելոյն Յիսուսի զանձն ի վե-		մանն զՊետրոս.	ԻԱ. 45
րայ ոչխարացն.	Ժ. 45	Վասն սիրելոյ աշակերտին, և գրելոյ	
Վասն նաւակատեացն յերուսաղէմ.	Ժ. 22	զԱւետարանն.	ԻԱ. 24
Վասն Ղազարու յարութեանն.	ԺԱ. 4		



# ԱԻԵՏԱՐԱՆ ԸՍՏ ՅՈՎՀԱՆՆՈՒ

## ԳԼՈՒԽ Ա

1 ԲԳ. Ի ՍՎՋԲԱՆԷ էր Բանն, եւ  
Բանն էր առ Աստուած, եւ Աստուած  
2 էր Բանն. նա էր ի սկզբանէ առ Աս-  
3 տուած. Ամենայն ինչ նովաւ եղեւ,  
եւ առանց նորա եղեւ եւ ոչ ինչ որ  
4 ինչ եղեւ. նովաւ կեանք էր, եւ  
5 կեանքն էր լոյս մարդկան. եւ լոյսն ի  
խաւարի անդ լուսաւորէ, եւ խաւար  
նմա ոչ եղեւ հասու:  
6 Եղեւ այր մի առաքեալ յԱստուծոյ,  
7 անուն նմա Յովհաննէս. Սա եկն ի  
վկայութիւն զի վկայեացէ վասն Լու-  
սոյն, զի ամենեքին հաւատասցեն նո-  
8 վաւ. Ոչ էր նա Լոյսն, այլ զի վկա-  
յեացէ վասն Լուսոյն:  
9 Էր Լոյսն ճշմարիտ, որ լուսաւոր  
առնէ զամենայն մարդ. որ զալոց է՝  
10 յաշխարհ. Յաշխարհի էր, եւ աշխարհ  
նովաւ եղեւ, եւ աշխարհ զնա ոչ ծա-  
11 նեաւ. Յիւրսն եկն, եւ իւրքն զնա ոչ  
12 ընկալան. Իսկ որք ընկալանն զնա՝ ետ  
նոցա իշխանութիւն որդիս Աստուծոյ  
լինել որոց հաւատասցեն յանուն նորա.  
13 Ոչ ոչ յարենէ եւ ոչ ի կամաց մարմնոյ  
եւ ոչ ի կամաց առն, այլ յԱստուծոյ  
14 ծնան. Եւ Բանն մարմին եղեւ եւ  
ընակեաց ի մեզ, եւ տեսաք զփառս նո-  
րա, զփառս իբրեւ զմիածնի առ ի Հօրէ,  
լի շնորհք եւ ճշմարտութեամբ:  
15 Յովհաննէս վկայէ վասն նորա, ա-  
ղաղակեաց եւ ասէ, Սա է զորմէ ա-  
սէի, Որ զկնի իմ գալոցն էր՝ առաջի  
16 իմ եղեւ, զի նախ քան զիս էր. Զի  
ի լրութենէ անտի նորա մեք ամենե-  
քին առաք շնորհս փոխանակ շնորհաց:  
17 Զի օրէնքն ի ձեռն Մովսիսի տուան,  
շնորհքն եւ ճշմարտութիւն ի ձեռն  
Յիսուսի Քրիստոսի եղեն:  
18 ԲԲ. ԶԱստուած ոչ ոք ետես երբեք,  
բայց միածինն Որդի որ է ի ծոց Հօր,

19 նա պատմեաց. Եւ այս է վկայու-  
թիւնն Յովհաննու, յորժամ առաքեցին  
առ նա Հրեայքն յերուսաղեմէ քահա-  
նայս եւ Ղեւտացիս, զի հարցցեն ցնա  
20 թէ Դու ո՞ր ես. Եւ խոստովան եղեւ  
եւ ոչ ուրացաւ. խոստովան եղեւ եթէ  
21 Ես ոչ եմ Քրիստոսն. Եւ հարցին զնա,  
Իսկ ո՞վ ես դու, Եղիա՞ ես. եւ ասէ,  
Ոչ եմ. Իսկ մարգարէ՞ն ես դու. պա-  
22 տասխանի ետ թէ Ոչ. Իսկ ասա մեզ,  
Դու ո՞վ ես, զի պատասխանի տար-  
ցուք որոց առաքեցինն զմեզ. զի՞ ասես  
23 վասն քո. Ասէ, Ես՝ ձայն բարբառոյ  
յանապատի, Ուղիղ արարէք զճանա-  
պարհն Տեսուն, որպէս ասաց Եսայի  
24 մարգարէ. Եւ որք առաքեցանն ի փա-  
25 ռիսեցւոց անտի էին. Հարցին ցնա եւ  
ասեն, Իսկ զի՞ մկրտես, եթէ դու չես  
Քրիստոսն, եւ ոչ Եղիա, եւ ոչ մարգա-  
26 րէն. Պատասխանի ետ նոցա Յովհան-  
նէս եւ ասէ, Ես մկրտեմ զձեզ ջրով.  
Ի միջի ձերում կայ, զոր դուքն ոչ գի-  
27 տէք. Որ զկնի իմ գալոցն է՝, որում  
չեմն արժանի եթէ լուծից զիւրացս  
28 կօշկաց նորա. Այս ի Բեթարրա եղեւ  
յայնկոյս Յորդանանու, ուր էրն Յով-  
հաննէս եւ մկրտէր:  
29 ԲԳ. Ի վաղիւ անդր տեսանէ զՅի-  
սուս զի գայր առ նա. եւ ասէ, Ահա  
ւասիկ Գառն Աստուծոյ որ բառնայ  
30 զմեզս աշխարհի. Սա է վասն որոյ ես  
ասէի, Զկնի իմ գայ այր որ առաջի  
իմ եղեւ, զի յառաջ իսկ էր քան զիս:  
31 Եւ ես ոչ գիտէի զնա, այլ զի յայտնի  
լինիցի Իսրայելի, վասն այնորիկ եկի  
32 ես ջրով մկրտել. Վկայեաց Յովհան-  
նէս եւ ասէ թէ Տեսանէի զՀոգին,  
զի իջանէր իբրեւ զաղաւնի յերկնից,  
33 եւ հանգչէր ի վերայ նորա. Եւ ես ոչ  
գիտէի զնա, այլ որ առաքեացն զիս  
մկրտել ջրով՝ նա ասաց ցիս, Յոյր վե-  
րայ տեսանիցես զՀոգին զի իջանիցէ

34 եւ հանգչիցի ի վերայ նորա, նա է որ  
 մկրտէ Հոգւովն Սրբով: Եւ ես տեսի  
 եւ վկայեցի եթէ Սա է Որդին Աս-  
 տուծոյ:  
 35 ԲԳ. Ի վաղիւ անդր կայր Յովհան-  
 նէս, եւ յաշակերտաց անտի նորա եր-  
 36 կու: Եւ նայեցեալ ընդ Յիսուս զի  
 զգնայր, ասէ, Ահաւասիկ Քրիստոս  
 37 Գառն Աստուծոյ: Լուան ի նմանէ եր-  
 կու աշակերտքն զի խօսէր, եւ գնա-  
 38 ցին զհետ Յիսուսի: Իբրեւ դարձաւ  
 Յիսուս եւ ետես զնոսա զի երթային  
 զհետ նորա, ասէ ցնոսա, Զի՞նչ խընդ-  
 րէք. նոքա ասեն ցնա, Ռաբբի, (որ  
 թարգմանեալ կոչի Վարդապետ,) ո՞ր  
 39 են օթեւմանք քո: Ասէ ցնոսա, Եկայք  
 եւ տեսէք: Եկին եւ տեսին ուր էին  
 օթեւմանք նորա, եւ առ նմա աղան-  
 40 այն օր, զի ժամ էր իբրեւ տասնե-  
 40 րորդ: Էր Անդրէաս եղբայր Սիմովնի  
 Վիմի, մի յերկուց անտի որ լուանն  
 ի Յովհաննէ եւ գնացին զկնի նորա:  
 41 Գտանէ սա նախ զեղբայր իւր զՍիմովն,  
 եւ ասէ ցնա, Գտաք զՄեսիայն (որ  
 42 թարգմանի Քրիստոս): Սա ած գնա  
 առ Յիսուս: Կայեցեալ ընդ նա Յիսու-  
 սի՝ ասէ, Դու ես Սիմովն որդի Յովնա-  
 նու, զու կոչեսցիս Կեփաս (որ թարգ-  
 մանի Պետրոս):  
 43 ԲԵ. Ի վաղիւ անդր կամեցաւ ելա-  
 նել ի Գալիլեա. գտանէ զՓիլիպպոս,  
 եւ ասէ ցնա Յիսուս, Եկ զկնի իմ:  
 44 Եւ էր Փիլիպպոս ի Բեթսայիդայ, ի քա-  
 45 ղաքէ Անդրեայ եւ Պետրոսի: Գտանէ  
 Փիլիպպոս զՆաթանայէլ եւ ասէ ցնա,  
 46 Զորմէ գրեաց Մովսէս յօրէնան՝ եւ  
 մարգարէքն, գտաք զՅիսուս զորդի  
 46 Յովսեփայ ի Նազարեթէ: Ասէ ցնա Նա-  
 թանայէլ, Իսկ ի Նազարեթէ մա՞րթ  
 ինչ իցէ բարւոյ խմբ լինել. ասէ ցնա  
 47 Փիլիպպոս, Եկ եւ տես: Իբրեւ ետես  
 Յիսուս զՆաթանայէլ զի գայր առ նա,  
 ասէ վասն նորա, Ահա արդարեւ Իս-  
 րայելացի յորում նենգութիւն ոչ գոյ:  
 48 Ասէ ցնա Նաթանայէլ, Ուստի՞ ճանա-  
 չես զիս. պատասխանի ետ Յիսուս եւ  
 ասէ ցնա, մինչեւ էր Փիլիպպոսի կո-  
 չեցեալ զքեզ՝ զի էիր ի ներքոյ թղեն-  
 49 ւոյն, տեսի զքեզ: Պատասխանի ետ  
 նմա Նաթանայէլ եւ ասէ, Ռաբբի,

<sup>1</sup> Ի Բեթսայիդայ

49 զու ես Որդի Աստուծոյ, զու ես թա-  
 50 զաւորն Իսրայելի: Պատասխանի ետ  
 նմա Յիսուս եւ ասէ, Փոխանակ զի  
 ասացի քեզ թէ տեսի ի ներքոյ թղեն-  
 ւոյն, հաւատա՞ս. մեծամեծս եւս քան  
 51 զայս տեսցես: Եւ ասէ ցնա, Ամէն  
 ամէն ասեմ ձեզ, Տեսանիցէք զերկինս  
 բացեալ, եւ զհրեշտակս Աստուծոյ զի  
 ելանիցեն եւ իջանիցեն ի վերայ Որդւոյ  
 մարդոյ:

#### ՓԼ. Բ

1 ԲԶ. Եւ յաւուրն երրորդի հարսանիք  
 էին ի Կանա Գալիլեացոց, եւ անդ էր  
 2 մայրն Յիսուսի: Կոչեցաւ եւ Յիսուս  
 եւ աշակերտքն նորա ի հարսանիսն:  
 3 Եւ ի պակասել զինւոյն՝ ասէ մայրն  
 4 յՅիսուս, Գինի ոչ ունին: Եւ ասէ  
 5 ցնա Յիսուս, Զի՞ կայ իմ եւ քո, կին  
 5 զու, չեւ է հասեալ ժամանակ իմ: Ասէ  
 մայրն նորա ցոպասաւորան, Որ զինչ  
 6 ասիցէ ձեզ՝ արասջիք: Անդ էին թա-  
 կոյկք կճեայք վեց ըստ սրբութեանն  
 7 Հրէից, տանէին մի մի ի նոցանէ մարս  
 7 երկուս կամ երիս: Ասէ ցնոսա Յի-  
 սուս, Լցէք զթակոյկսդ ջրով. եւ լցին  
 8 զնոսա մինչեւ ի վեր: Եւ ասէ ցնոսա,  
 Արդ առէք եւ բերէք տաճարապետիդ.  
 9 Եւ նոքա բերին: Եւ իբրեւ ճաշակեաց  
 տաճարապետն զՅուրն գինի եղեալ, եւ  
 ոչ գիտէր ուստի իցէ. բայց սպասա-  
 ւորքն գիտէին որք արկին զՅուրն.  
 10 Խօսի ընդ փեսային տաճարապետն, Եւ  
 ասէ, Ամենայն մարդ զանոյզ գինին  
 յառաջագոյն պաշտէ. եւ յորժամ ար-  
 բենան, յայնժամ զյորին. զու պահե-  
 11 ցեր զանոյզ գինիդ մինչեւ ցայժմ: Զայս  
 արար սկիզբն նշանաց Յիսուս ի Կանա  
 Գալիլեացոց, եւ յայտնեաց զփառս  
 իւր, եւ հաւատացին ի նա աշակերտքն  
 նորա:  
 12 ԲԵ. Յետ այսորիկ էջ ի Կափառնա-  
 յում, ինքն եւ մայր իւր եւ եղբայր  
 իւր<sup>2</sup>. եւ անդ լինէր ոչ բազում ինչ  
 աւուրս:  
 13 Եւ էր մերձ զատիկն Հրէից, եւ ել  
 14 Յիսուս յերուսաղէմ. Եւ եգիտ ի տա-  
 ճարին զի վաճառէին զարջառս եւ զոչ-  
 խարս եւ զաղաւնիս, եւ զլումայա-  
 15 փոխսն որ նստէին: Եւ արար խարա-

<sup>2</sup> Բեթսայիդայ, և աշակերտք իւր

զան չուանեայ, եւ եհան զամենեւորն  
ի տաճարէն՝ զոչխարսն եւ զարջառս,  
եւ զպղինձս հատաւաճառացն ցրուեաց,  
16 եւ զսեղանսն կործանեաց, եւ որ զա-  
ղաւնիսն վաճառէին՝ ասէ ցնոսա, Առէք  
զայդ աստի, եւ մի՛ առնէք զտուէն Հօր  
17 իմոյ տուէն վաճառի, Ապա յիշեցին ա-  
շակերտքն նորա թէ գրեալ է, Նախանձ  
տան քո կերիցէ զիս:  
18 Պատասխանի ետուն Հրեայքն եւ  
ասին ցնա, Զի՞նչ նշան ցուցանես դու  
19 մեզ զի զայդ առնես: Պատասխանի  
ետ Յիսուս եւ ասէ ցնոսա, Քակեցէք  
զտաճարդ զայդ, եւ զերիս աւուրս  
20 կանգնեցից զդա, Ասին ցնա Հրեայքն,  
Զքառասուն եւ զվեց ամ չինեցաւ  
տաճարս այս, եւ դու զերիս աւուրս  
21 կանգնես զսա: Բայց նա ասէր վասն  
22 տաճարի մարմնոյ իւրոյ, Իսկ յորժամ  
յարեալն ի մեռելոց, յիշեցին աշա-  
կերտքն նորա, թէ այս է զոր ասացն,  
եւ հաւատացին զրոյն եւ բանին զոր  
ասաց Յիսուս:  
23 ԳԿ. Եւ իբրեւ էր յԵրուսաղէմ ի  
զատկին ի տօնի, բազումք հաւատացին  
յանուն նորա, զի տեսանէին զնշանսն  
24 զոր առնէր: Բայց ինքն Յիսուս ոչ  
հաւատայր զանձննոցա, քանզի ինքն  
25 գիտէր զամենայն: Եւ զի ոչ էր պիտոյ  
եթէ ոք վկայեսցէ վասն մարդոյ, զի  
ինքն իսկ գիտէր զինչ կրէր ի մարդն:

## ԳԼ. Գ

1 Եւ էր այր մի ի փարիսեցւոց անտի Նի-  
կողեմոս անուն նորա, իշխան Հրէից,  
2 Սա եկն առնա գիշերի եւ ասէ ցնա,  
Ռաբբի, գիտեմք եթէ յԱստուծոյ եկեալ  
ես վարդապետ: զի ոչ ոք կարէ զայդ  
նշանս առնել զոր դուդ առնես, եթէ  
3 ոչ Աստուած իցէ ընդ նմա: Պատաս-  
խանի ետ Յիսուս եւ ասէ ցնա, Ամէն  
ամէն ասեմ քեզ, եթէ ոչ ոք ծնցի  
վերստին, ոչ կարէ տեսանել զարքա-  
4 յութիւն Աստուծոյ: Ասէ ցնա Նիկո-  
ղեմոս, Զի՞մարդ կարէ մարդ ծնանել  
որ ծերն իցէ: միթէ մարթ ինչ իցէ  
անգրէն յորովայն մօր իւրոյ կրկին  
5 մտանել եւ ծնանել: Պատասխանի ետ  
Յիսուս եւ ասէ, Ամէն ամէն ասեմ  
քեզ, եթէ ոչ ոք ծնցի ի ջրոյ եւ ի  
Հոգւոյ, ոչ կարէ մտանել յարքայու-

6 թիւն Աստուծոյ: Զի ծնեալն ի մարմնոյ  
մարմին է, եւ ծնեալն ի Հոգւոյ հոգի  
7 է: Դու մի՛ զարմանար թէ ասացի  
քեզ, Պարտ է ձեզ ծնանել վերստին:  
8 Զի հոգմ ուր կամի չնչէ, եւ զձայն  
նորա լսես, այլ ոչ գիտես ուստի զայ  
կամ յո երթայ: սոյնպէս եւ ամենայն  
9 ծնեալն ի Հոգւոյն: Պատասխանի ետ  
Նիկողեմոս եւ ասէ ցնա, Զի՞մարդ  
10 թի այդմ լինել: Պատասխանի ետ Յի-  
սուս եւ ասէ ցնա, Դու ես վարդա-  
պետ Իսրայելի եւ զայդ ոչ գիտես:  
11 Ամէն ամէն ասեմ քեզ, զի զոր ինչ գի-  
տեմք՝ խօսիմք, եւ զոր տեսաք՝ վկա-  
յեմք, եւ զվկայութիւն մեր ոչ ընդու-  
12 նիք: Իսկ արդ՝ եթէ զերկրաւորս ասա-  
ցի ձեզ եւ ոչ հաւատայք, զի՞մարդ եթէ  
զերկնաւորսն ասացից, հաւատայցէք:  
13 ԳԶ. Եւ ոչ ոք ել յերկինս, եթէ ոչ  
որ էջն յերկնից՝ Որդին մարդոյ, որ էն  
14 յերկինս: Եւ որպէս Մովսէս բարձրա-  
ցոյց զօձն յանապատին, նոյնպէս բարձ-  
15 րանալ պարտ է Որդւոյ մարդոյ: Զի  
ամենայն որ հաւատայ ՚ի նա՝ ընկալցի  
16 զկեանսն յաւիտենականս: Զի այնպէս  
սիրեաց Աստուած զաշխարհ, մինչեւ  
զՈրդին իւր միածին ետ: զի ամենայն  
որ հաւատայ ՚ի նա՝ մի՛ կորիցէ, այլ  
17 ընկալցի զկեանսն յաւիտենականս: Զի  
ոչ առաքեաց Աստուած զՈրդի իւր  
յաշխարհ թէ դատեսցի զաշխարհ, այլ  
18 զի փրկեսցի աշխարհ նովաւ: Որ հա-  
ւատայ ՚ի նա՝ ոչ դատապարտեսցի: եւ  
որ ոչ հաւատայ ՚ի նա՝ արդէն իսկ դա-  
տապարտեալ է, զի ոչ հաւատաց յա-  
19 նուն միածնի Որդւոյն Աստուծոյ: Եւ  
այս իսկ է դատաստան, զի լոյս եկն  
յաշխարհ, եւ սիրեցին մարդիկ զխաւար  
առաւել քան զլոյս, զի էին գործք իւր-  
20 եանց չարութեան: Զի ամենայն որ  
զչար գործէ՝ ատեայ զլոյս, եւ ոչ զիւր  
առ լոյսն, զի մի՛ յանդիմանեսցին գործք  
21 նորա: Իսկ որ առնէ զճշմարտութիւն  
զայ առ լոյսն, զի յայտնի լիցին գործք  
նորա թէ Աստուծով գործեցան:  
22 ԳԳ. Ետ այսորիկ եկն Յիսուս եւ  
աշակերտք նորա յերկիրն Հրէաստա-  
նի, եւ անդ շրջէր նոքօք հանդերձ եւ  
23 մկրտէր: Մկրտէր եւ Յովնանէս ի  
յԱյնիոյն մերձ առ Սաղիմ, զի ջուրք

բազումք էին անդ . եւ գային եւ  
 24 մկրտէին . Զի չեւ եւս էր արկեալ  
 զՅովհաննէս ի բանս .  
 25 եւ եղև խնդիր յաշակերտացն Յով-  
 հաննու . ընդ չորէի վասն սրբութեան .  
 26 եկին առ Յովհաննէս եւ ասին ցնա ,  
 Ռաբբի , որ էրն ընդ քեզ յայնկոյս Յոր-  
 դանանու , որում դուն վկայեցեր , ա-  
 հաւանիկ նա մկրտէ , եւ ամենեքին  
 27 գնն առ նա . Պատասխանի ետ Յով-  
 հաննէս եւ ասէ , Ոչ կարէ մարդ առ-  
 նուլ յանձնէ եւ ոչ ինչ , եթէ ոչ իցէ  
 28 տուեալ յերկնից <sup>2</sup> ի վերուստ . Դուք  
 ձեզէն վկայէք ինձ , զի ասացի ձեզ թէ  
 29 Ձեմ ես Քրիստոսն , այլ թէ առաքեալ  
 է փեսայ . իսկ բարեկամ փեսային որ  
 կայ եւ յէ նմա՝ ուրախութեամբ ու-  
 րախ լինի վասն ձայնի փեսային . արդ  
 այս ուրախութիւն որ իմս է՝ լցեալ է :  
 30 Նմա պարտ է աճել եւ ինձ մեղմանալ .  
 31 Որ ի վերուստն գայ՝ ի վերոյ է քան  
 զամենայն . որ յերկրէ աստի է՝ յերկրէ  
 32 է եւ յերկրէ խօսի . Որ յերկնիցն <sup>3</sup> գայ՝  
 զոր՝ ինչ ետես եւ զոր լուաւ՝ վկայէ ,  
 եւ զվկայութիւն նորա ոչ ոք ընդու-  
 33 նի . Որ ընդունի զվկայութիւն նորա՝  
 34 կնքեաց թէ Աստուած ճշմարիտ է : Զի  
 զոր Աստուածն առաքեաց՝ զրանս Աս-  
 տուծոյ խօսի . զի ոչ եթէ չափով տայ  
 35 Աստուած զՀոգին , Հայր սիրէ զՈրդի ,  
 եւ զամենայն ինչ ետ ի ձեռս նորա :  
 36 Որ հաւատայ յՈրդի՝ ընդունի զկեանսն  
 յաւիտեանականս . եւ որ ոչ հնազանդի  
 Որդւոյ՝ ոչ տեսցէ զկեանս , այլ բար-  
 կութիւն Աստուծոյ մնայ ի վերայ  
 նորա :

## ԳԼ. Դ

1 ԳԳ. Իբրև գիտաց <sup>4</sup> Յիսուս եթէ լուան  
 փարիսեցիքն եթէ Յիսուս բազում ա-  
 շակերտս առնէ եւ մկրտէ քան զՅով-  
 2 հաննէս , (<sup>5</sup> Քանզի ոչ եթէ Յիսուս  
 ինքնին մկրտէր , այլ աշակերտքն նու-  
 3 րա ,) եթող զՀրէաստան երկիր , եւ  
 4 եկն միւսսանդամ ի Գալիլեա : Եւ էր  
 5 նմա անցանել ընդ Սամարիա . Գայ նա

ի քաղաք մի Սամարացւոց որում ա-  
 նուն էր Սիւքար , մերձ ի գեղն զոր ետ  
 Յակովբ որդւոյ իւրում Յովսեփայ :  
 6 Եւ անդ էր աղբււր մի Յակովբայ . եւ  
 Յիսուս վաստակեալ ի ճանապարհէն՝  
 նստէր ի վերայ աղբերն , եւ էր ժամ  
 իբրեւ վեցերորդ :

7 Գայ կին մի ի Սամարիայ հանել ջուր .  
 ասէ ցնա Յիսուս , Տուր ինձ ըմպել :  
 8 Զի աշակերտքն նորա երթեալ էին ի  
 քաղաք անդր զի կերակուրս գնեսցեն :  
 9 Ասէ ցնա կինն Սամարացի , Դու որ  
 Հրեայդ ես , զիմարդ յինէն ըմպել խընդ-  
 րես ի կնոջէ Սամարացւոյ . զի ոչ եր-  
 րեք խառնակին Հրեայք ընդ Սամա-  
 10 րացիս : Պատասխանի ետ նմա Յիսուս  
 եւ ասէ , եթէ գիտէիր դու <sup>6</sup> զպարգեւան  
 Աստուծոյ , եւ ո՛վ է որ ասէդ ցքեզ թէ  
 Տուր ինձ ըմպել , դու արդեւք խընդ-  
 րէիր ի նմանէ , եւ տայր քեզ ջուր  
 11 կենդանի : Ասէ ցնա կինն , Տէր , դու  
 քանզի եւ դոյլ իսկ ոչ ունիս , եւ ջրը-  
 հորս խոր է , իսկ արդ ուստի՝ ունիցիս  
 12 զջուրն կենդանի : Միթէ դու մեծ ինչ  
 ոք իցես քան զհայրն մեր Յակովբ որ  
 զայս ջրհոր ետ մեղ . եւ ինքն աստի  
 արբ եւ որդիք նորա եւ խաչիւք նո-  
 13 րա : Պատասխանի ետ նմա Յիսուս եւ  
 ասէ , Ամենայն որ ըմպէ ի ջրոյ յայդ-  
 մանէ՝ միւսանդամ ծարաւէ , բայց որ  
 ըմպէ ի ջրոյն զոր ես տաց նմա՝ մի՛  
 14 ծարաւեսցէ յաւիտեանս : Այլ ջուրն զոր  
 ես տաց նմա՝ եղիցի նմա աղբււր ջրոյ  
 15 բղիկելոյ ի կեանսն յաւիտեանականս : Ասէ  
 ցնա կինն , Տէր , տուր ինձ զջուրն  
 զայն , զի մի՛ ծարաւեցից , եւ մի՛ եկից  
 16 այսր հանել ջուր : Ասէ ցնա Յիսուս ,  
 17 երթ կոչեա զայր քո եւ եկ այսր : Պա-  
 տասխանի ետ նմա կինն եւ ասէ , Զիք  
 իմ այր . ասէ ցնա Յիսուս , Բարեք  
 18 առացեր թէ Զիք իմ այր . Զի հինգ  
 այր փոխեալ է քո , եւ զոր այժմն ու-  
 նիս՝ չէ քո այր . զայդ արդար ասացեր :  
 19 Ասէ ցնա կինն , Տէր , թուի ինձ թէ  
 20 մարգարէ իցես դու : Հարքս մեր ի լե-  
 րինս յայսմիկ երկիր պագին , եւ դուք  
 ասէք թէ Յերուսաղէմ եւեթ է տեղի ,  
 21 ուր արժան իցէ երկիր պագանիլ : Ասէ  
 ցնա Յիսուս , կին դու , հաւատա ինձ ,  
 զի եկեսցէ ժամանակ , յորժամ ոչ ի լե-

<sup>1</sup> Ո՛րքն , Հրէից<sup>2</sup> Ի բաւական գիտութե<sup>3</sup> Ինչպէս , գայ ի վերոյ է քան զամենայն , և զոր<sup>4</sup> Բաւական , Տէր<sup>5</sup> Յայն , Թեպէտ և<sup>6</sup> Յայն , զպարգեւան

22 րինս յայսմիկ եւ ոչ յերուսաղէմ երկիր պագանիցեն Հօր Դուռ երկիր պագանէք որում ոչն գիտէք, միք երկիր պագանեմ որում գիտեմքն. զի  
 23 փրկութիւն ի Հրէից է. Այլ եկեսցէ ժամանակ եւ այժմ իսկ է, յորժամ ճշմարիտքն երկրպագութեալ երկիր պագանիցեն Հօր հոգւով եւ ճշմարտութեամբ, քանզի եւ Հայր այնպիսի երկրպագուս իւր խնդրէ:  
 24 ԳԵ. Հոգի է Աստուած, եւ երկրպագուացն նորա հոգւով եւ ճշմարտութեամբ պարտ է երկիր պագանել: Ասէ  
 25 ցնա կինն, Գիտեմ զի Մեսիա գայ (անուանեալն Քրիստոս), յորժամ եկեսցէ նա, պատմեսցէ մեզ զամենայն:  
 26 Ասէ ցնա Յիսուս, Ես եմ որ խօսիմս  
 27 ընդ քեզ, եւ յայն բան եկին աշակերտքն նորա, եւ զարմանային զի ընդ կնոջն խօսէր. բայց ոչ ոք ասաց ի նոցանէ թէ Զինչ խնդրես, կամ  
 28 Զինչ խօսիս ընդ դմա: Եթող կինն զսափորն իւր եւ չոգաւ ի քաղաքն,  
 29 եւ ասէ ցմարդիկն, Եկայք տեսէք զայր մի որ ասաց ինձ զամենայն որ ինչ իմ գործեալ է. միթէ նա՞ իցէ  
 30 Քրիստոսն: Ելին ի քաղաքէն եւ գային առ նա:  
 31 Եւ մինչեւ եկեալ էին նոքա, աղաչէին զնա աշակերտքն եւ ասէին, Ռաբբի, հաց կեր: Նա ասէ ցնոսա, Ես կերակուր ունիմ ուտել, զոր դուքն ոչ  
 32 գիտէք: Ասէին աշակերտքն ընդ միմեանս, Միթէ երեւ ինչ ոք դմա ուտեր  
 33 Ասէ ցնոսա Յիսուս, Իմ կերակուր այն է՝ զի արարից զկամս այնորիկ որ առաքեալցն զիս, եւ կատարեցից զգործն  
 34 նորա: Ո՛չ դուք ասէք եթէ Այլ եւս չորք ամիսք են, եւ հունձք գան. ահաւասիկ ես ասեմ ձեզ, Ամբարձէք զաշտ  
 35 ձեր եւ տեսէք զարտորայսն, զի սպիտակացեալ են եւ ի հունձս հասեալ:  
 36 Եւ որ հնձէն՝ վարձս առնու, եւ ժողովէ զպտուղ ի կեանսն յաւիտեանականս. զի որ սերմանէն եւ որ հնձէ՝  
 37 հասարակ ցնծացեն: Յայսմ իսկ է բանն ճշմարիտ, զի Այլ է որ սերմանէ  
 38 եւ այլ է որ հնձէ: Ես առաքեցի զձեզ հնձել զոր ոչ դուք վաստակեցէք. այլք վաստակեցին եւ դուք ի վաստակս նոցա մտէք:  
 39 Եւ ի քաղաքէն յայնմանէ Սամարաց-

40 ւոց բազումք հաւատացին ի նա վասն բանի կնոջն վկայելոյ, եթէ Ասաց ինձ զամենայն որ ինչ իմ գործեալ էր:  
 41 Իսկ իբրեւ եկին առ նա Սամարացիքն, աղաչէին զնա յինել առ նոսա. եւ  
 42 եղեւ անդ առուրս երկուս: Եւ եւս բազումք հաւատացին ի նա վասն բանի  
 43 նորա: Եւ ասէին ցկինն թէ Ոչ այսուհետեւ վասն քո խօսիցդ հաւատամք, զի մեզէն իսկ լուաք ի դմանէ, եւ  
 44 գիտեմք եթէ դա է ճշմարտութեալ Քրիստոսն:  
 45 Եւ յետ երկուց առուրց կ'անտի եւ գնաց ի Գալիլեա: Զի ինքն իսկ Յիսուս վկայեաց եթէ Մարգարէ յիւ  
 46 րում գաւառի պատիւ ոչ ունի: Այլ յորժամ եկն նա ի Գալիլեա, ընկալան  
 47 գնա Գալիլեացիքն. զի տեսեալ լուս էր զամենայն նշանսն զոր արար յերուսաղէմ ի տօնին. քանզի եւ նոքա եկեալ էին ի տօնն:  
 48 Եկն զարձեալ ի Կանա Գալիլեացւոց ուր արար զջուրն գինի. եւ անդ էր  
 49 թագաւորագն մի, որոյ որդի նորա հիւանդ կայր ի Կափառնայում: Նա  
 50 իրեւ լուաւ եթէ Յիսուս եկեալ է ի Հրէաստանէ ի Գալիլեա, եկն առ նա եւ աղաչէր զի իջէ եւ բժշկուցէ զորդի  
 51 նորա, քանզի մերձ էր ի մեռանելու: Ասէ ցնա Յիսուս, Եթէ ոչ նշանս ինչ  
 52 եւ արուեստս տեսանէք, ոչ հաւատայք: Ասէ ցնա թագաւորագն, Տէր, էջ, մինչեւ մեռեալ իցէ մանուկն իմ:  
 53 Ասէ ցնա Յիսուս, Երթ, որդին քո կենդանի է. եւ հաւատաց այրն բանին  
 54 զոր ասաց նմա Յիսուս, եւ գնաց: Եւ մինչդեռ իջանէր, ընդ առաջ կողնն նմա ծառայքն նորա, աւետիս կտուն եւ տսեն թէ մանուկն նորա կենդանի է:  
 55 Հարցանէր ցնոսա վասն ժամուն յորում ապաքինեաց. եւ ասեն ցնա, Երէկ յեթներորդ ժամու եթող զնա  
 56 ջերմն: Գիտաց հայրն նորա եթէ յայնմ ժամու յորում ասացն ցնա Յիսուս թէ Որդին քո կենդանի է. եւ հաւատաց  
 57 ինքն եւ ամենայն տուն իւր: Զայս զարձեալ երկրորդ նշան արար Յիսուս եկեալ ի Հրէաստանէ ի Գալիլեա:

18-22, աշխարհի, 1-2, աշխարհի՝ Քրիստոս  
 23-24, քաղաքէն Յիսուս

## ԳԼ. Ծ

1 ԳԷ. Յետ այսորիկ տուն էր Հրէից, եւ  
2 եւ Յիսուս յերուսաղէմ: Եւ <sup>1</sup>էր յե-  
րուսաղէմ ի Պրորատիկէ <sup>2</sup>աւագանին,  
որ կոչէր Երրայեցերէն Բեթհեզզա,  
3 <sup>3</sup>հինգ սրահ: Յորս անկեալ զնէր բազ-  
մութիւն յոյժ հիւանդաց՝ կուրաց, կա-  
ղաց, գոսացելոց, <sup>4</sup>որ ակն ունէին  
4 ջրոցն յուզելոյ: Եւ հրեշտակ Տեառն  
ըստ ժամանակի իջանէր յաւագանն եւ  
յուզէր զլուրնն եւ որ նախ ի շար-  
ժումն ջրոցն իջանէր, բժշկէր՝ ոչ ու-  
5 նեղով նշան հիւանդութեան: Եւ անդ  
էր այր մի, որոյ երեսուն եւ ութ ամ  
6 էր ի հիւանդութեան իւրում: Զնա  
իրբն ետես Յիսուս զի անկեալ զնէր,  
եւ գիտաց թէ բազում ժամանակք են  
այնուհետեւ, ասէ ցնա, Կամի՞ս ողջ  
7 լինել: Պատասխանի ետ նմա հիւանդն,  
Տէր, ոչ զոք ունիմ, թէ յորժամ ջրոքն  
յուզիցին, արկցէ զիս յաւագանն: Եւ  
8 <sup>8</sup>մինչ ես դանդաղիմ, այլ ոք քան զիս  
8 յառաջագոյն իջանէ: Ասէ ցնա Յիսուս,  
9 Արի առ զմահիճս քո եւ գնա: Եւ <sup>9</sup>ող-  
ջացաւ այրն, եւ յարեաւ առ զմահիճս  
իւր եւ չրջէր: Եւ էր շարաթ յաւուրն  
10 յայնմիկ: Ասեն Հրեայքն ցբժշկեալն,  
Շաբաթ է եւ ոչ է արժան առնուլ քեզ  
11 զմահիճս քո: Պատասխանի ետ նոցա  
եւ ասէ, Որ բժշկեացն զիս, նա ասաց  
12 ցիս, Առ զմահիճս քո եւ գնա: Հարցին  
ցնա եւ ասեն, Ո՞վ է այրն որ ասաց  
13 ցքեզ, Առ զմահիճս քո եւ չրջեաց: Եւ  
բժշկեալն ոչ գիտէր թէ ով իցէ: Քանզի  
14 Յիսուս խոյս ետ վասն ամբոխին ի  
տեղւոջէ անտի: Յետ այսորիկ գտանէ  
գնա Յիսուս ի տաճարին, եւ ասէ ցնա,  
Ահա աղիկ ողջացար, մի՛ եւս մեղան-  
չեր, զի մի՛ շար եւս ինչ լինիցի քեզ:  
15 Կնաց այրն եւ պատմեաց Հրէիցն, եթէ  
Յիսուս էր որ բժշկեացն զիս:  
16 Եւ վասն այնորիկ հալածէին զՅի-

սուս Հրեայք<sup>9</sup>, զի զայն առնէր ի շա-  
17 բաթու: Եւ Յիսուս պատասխանի ետ  
նոցա, Հայր իմ մինչեւ ցայժմ գործէ  
18 եւ ես գործեմ: Վասն այնորիկ առա-  
ւել խնդրէին Հրեայքն սպանանել զնա,  
զի ոչ միայն լուծանէր զշաբաթս, այլ  
եւ Հայր իւր կոչէր զԱստուած, եւ  
հաւասար առնէր զանձն Աստուծոյ:  
19 ԴԵ. Պատասխանի ետ Յիսուս եւ  
ասէ ցնոսա, Ամէն ամէն ասեմ ձեզ,  
Ոչ կարէ Որդի մարդոյ առնել յանձնէ  
եւ ոչ ինչ, եթէ ոչ տեսանիցէ զՀայրն  
զի առնէ: զի զոր նայն առնէ, զնոյն  
20 եւ Որդին նմին նման գործէ: Զի Հայր  
սիրէ զՈրդի, եւ զամենայն ինչ ցու-  
ցանէ նմա զոր ինքն առնէ: Եւ մեծա-  
մեծս եւս քան զսոյնս ցուցանէ նմա  
զգործս, ընդ որ դուք զարմանայք:  
21 Զի որպէս Հայր յարուցանէ զմեռեալս  
եւ կենդանի առնէ, նոյնպէս եւ Որդի  
22 զորս կամի՝ կենդանի առնէ: <sup>9</sup>Եւ ոչ  
եթէ Հայր դատի զոք, այլ զամենայն  
23 դատաստան ետ Որդւոյ <sup>10</sup>իւրոյ: Զի  
ամենեքեան պատուեսցեն զՈրդի, որ-  
պէս պատուեն զՀայրն: որ ոչ պատուէ  
զՈրդին, ոչ պատուէ զՀայր, զառա-  
24 քիչն նորա: Ամէն ամէն ասեմ ձեզ,  
զի Որ դրանն իմ լսէ եւ հաւատայ այնմ  
որ առաքեացն զիս՝ ընդունի զկեանսն  
յաւիտեանականս: Եւ ի դատաստան ոչ  
մտանէ, այլ փոխեցաւ ի մահուանէ ի  
25 կեանս: Ամէն ամէն ասեմ ձեզ, զի Գայ  
ժամանակ եւ արդէն իսկ է, յորժամ  
մեռեալք լսիցեն ձայնի Որդւոյն Աս-  
26 տուծոյ: Եւ որք լսիցենն՝ կեցցեն: Զի  
որպէս Հայր ունի կեանս յանձին իւ-  
րում, նոյնպէս ետ եւ Որդւոյ ունել  
27 կեանս յանձին իւրում: Եւ ի յիսանու-  
թիւնն ետ նմա դատաստան առնել, եւ  
28 զի Որդի մարդոյ է: Ընդ այն <sup>11</sup>զի՞ զար-  
մանայք, զի եկեսցէ ժամանակ յորում  
ամենեքին որ ի գերեզմանս կայցեն  
29 լուիցեն ձայնի նորա, Եւ եկեսցեն ար-  
տաքս: որոց զբարիս գործեալ իցէ՝ ի  
յարութիւն կենաց: Եւ որոց զչար ա-  
րարեալ ի յարութիւն դատաստանաց  
30 Ոչ կարեմ ես յանձնէ առնել եւ ոչ ինչ:

<sup>1</sup> Թ-յն, է<sup>2</sup> Թ-յն, աւագան<sup>3</sup> Թ-յն, որ ունի հինգ<sup>4</sup> Ի Բ-ըւմ-ն է Թ-աւ-ը-ն Եր-ն-ո-յ, որդե-ն է Բ-ը-ւ-ն է Հ-ը-ն-ն յե-ն-ո-յ, զ-ն-ն-ն այ-ն-ո-ւ-ն<sup>5</sup> Թ-յն, մինչեւ ես գամ<sup>6</sup> Ի-ը-ւ-ն, առ-ժամայն ողջացաւ<sup>7</sup> Ի Բ-ըւմ-ն զ-ն-ն-ն<sup>9</sup> Որ-ն-ն, Եւ ինքրէն սպանանել զնա<sup>10</sup> Թ-յն, Զի<sup>11</sup> Ի Բ-ըւմ-ն զ-ն-ն-ն<sup>12</sup> Թ-յն, մի՛

այլ որպէս լսեմ, դատիմ, եւ դատաստանն իմ արդար է. զի ոչ խնդրեմ զկամս իմ, այլ զկամս այնորիկ որ առաքեալսն զիս:

- 31 ԴՅ. Եթէ ես վկայեմ վասն իմ, վկայութիւն իմ չէ ճշմարիտ: Այլ է որ վկայէ վասն իմ. եւ ՚դուք գիտէք՝ եթէ ճշմարիտ է վկայութիւնն զոր վկայեաց 33 վասն իմ: Դուք առաքեցէք առ Յովհաննէս եւ վկայեաց ճշմարտութեանն: 34 Այլ ես ոչ եթէ ի մարդկանէ առնում վկայութիւն, այլ զայս ասեմ զի դուք 35 ապրեսցիք. նա էր ճրագն որ լուցեալ էր եւ ծագէր, եւ դուք կամեցարուք ցնծալ առ ժամանակ մի ի լոյս նորա: 36 Այլ ես ունիմ վկայութիւն մեծ եւս քան զՅովհաննէս. զգործսն զորս ետ ցիս Հայր զի կատարեցից զնոսա, նոքին իսկ գործքն զոր գործեմ՝ վկայեն վասն իմ, եթէ Հայր առաքեալսն զիս: 37 Եւ որ առաքեալսն զիս Հայր՝ նա վկայեաց վասն իմ. դուք ոչ զձայն նորա երբեք լուարուք, եւ ոչ զտեսիլ նորա տեսէք. Եւ ոչ զբան նորա ունիք ի ձեզ բնակեալ, զի զոր նա առաքեաց՝ դուք 39 նմա ոչ հաւատայք: Քննեցէք զգիրս, զի դուք համարիք նոքօք ունել զկեանսն յաւիտեանականս. եւ նոքին իսկ են որ վկայեն վասն իմ, ՚որովք համարիքն 40 ունել կեանս.՝ Եւ դուք ոչ կամիք գալ 41 առ իս զի զկեանսն ունիցիք: Ես փառս 42 ի մարդկանէ ոչ առնում: Այլ զիտեմ զձեզ թէ զսէրն Աստուծոյ ոչ ունիք 43 յանձիրս: Ես եկի յանուն Հօր իմոյ, եւ ոչ ընդունիք զիս. եթէ այլ ոք եկեսցէ յիւր անուն, զնա ընդունիցիք: 44 Զիարդ կարէք դուք հաւատալ, զի փառս ի միմեանց առնուք, եւ զփառս զառ ի միոյն Աստուծոյ ոչ խնդրէք: 45 Մի՛ համարիք եթէ ես չարախօս ինչ իցեմ զձէնջ առ Հօր. գոյ որ չարախօս կայ զձէնջ, Մովսէս, յոր դուքն յուսացեալ էք: 46 Զի եթէ հաւատայիք դուք Մովսէսի, հաւատայիք արդեւք եւ 47 ինձ, զի նա վասն իմ իսկ գրեաց: Զի եթէ նորա գրոցն ոչ հաւատայք, զիարդ իմոց բանիցս հաւատայցէք:

## ԳԼ. 2

- 1 ԴԳ. Յետ այսորիկ գնաց Յիսուս յայնկոյս ծովուն Գալիլեացւոց Տիրերեայ. 2 Եւ զհետ երթայր նորա ժողովուրդ բազում, զի տեսանէին զնշանսն զոր 3 առնէր ի վերայ հիւանդաց: Եւ ի լեառն Յիսուս, եւ անդ նստէր աշակերտօքն 4 հանդերձ. Եւ էր մերձ զաթիկ տօնն Հրէից: 5 Բարձ ի վեր զաշս իւր Յիսուս եւ ետես, զի ժողովուրդ բազում գայր առ նա, ասէ ցՓիլիպպոս, Ուստի՞ գնեսցուք հաց զի կերցեն դոքս: (Զայս ասէր փորձելով զնա, այլ ինքն գիտէր 7 զինչ առնելոցն էր.) Պատասխանի ետ նմա Փիլիպպոս, Երկերիւր զահեկանի հաց չէ դոցա բաւական, թէպէտ եւ իւրաքանչիւր ոք սակաւ ինչ առնուցու: 8 Ասէ ցնա մի յաշակերտացն նորա, Անդրէաս, եղբայր Սիմօնի Վիթի, 9 Է աստ պատանեակ մի, որ ունի հինգ նկանակ գարեղէն եւ երկուս ձկունս, այլ այն զի՞նչ է առ այդչափ մարդիկդ: 10 Ասէ Յիսուս, Բազմեցուցէք զմարդիկդ. եւ էր խոտ յոյժ ի տեղւոյն. եւ բազմեցան մարդիկն թուով իբրեւ հինգ 11 հազար: Եւ առ զհացն Յիսուս, եւ զոհացաւ եւ բաշխեաց Յարդմականացն. նոյնպէս եւ ի ձկանցն որչափ եւ կամեցան: Եւ իբրեւ յագեցան, ասէ ցաշակերտսն, Ժողովեցէք զնշխարեալ կուտորադ, զի մի՞ ինչ կորիցէ: Ժողովցին եւ լցին երկոտասան սակառի զկոտորոցն ի հինգ գարեղէն նկանակէ անտի, 14 որ յաւելաւ ի կերողացն: Իսկ մարդիկն իբրեւ տեսին զնշանսն զոր արար ասէին եթէ Սա է ճշմարիտ մարգարէն, որ գալոց էր յաշխարհ: 15 ԴԴ. Յիսուս իբրեւ գիտաց եթէ գալոց են յափշտակել զնա զի արասցեն զնա թագաւոր, գնաց դարձեալ 16 ի լեառն միայն: Եւ իբրեւ երեկոյ եղեւ, իջին աշակերտքն նորա ի ծով: 17 Եղբն. Եւ մտեալ ի նաւ՝ գային յայնկոյս ծովուն ի կափառնայում. եւ իբրեւ նսեմացաւ, եւ չեւ եւս եկեալ էր 18 առ նոսա Յիսուս, Եւ ծովն ի սաստիկ



49 հողմոյ չնչեւոյ յուզէր : Եւ վարեալ  
 իբրեւ ասպարէզս քսան եւ հինգ կամ  
 երեսուն, տեսանէին զՅիսուս զի գնայր  
 ի վերայ ծովուն եւ մերձ էր ի նաւն :  
 20 զարհուրեցան : Նա ասէ ցնոսա, Ես եմ,  
 21 մի՛ երկնչիք : Եւ կամէին ընդունել  
 զնա ի նաւն : Եւ վազվազակի եհաս  
 նաւն յերկիրն յոր երթային :  
 22 ԴՅ. Ի վաղիւ անդր ժողովուրդն որ  
 կայր յայնկոյս ծովուն, տեսանէր թէ  
 այլ նաւ ոչ գոյր անդ բայց միայն ի  
 միոյն, յոր մօտն աշակերտքն Յիսուսի.  
 Եւ զի չէր մտեալ Յիսուս ընդ աշա-  
 կերտսն իւր ի նաւն, բայց միայն ա-  
 23 չակերտքն նորա գնացին : (՝Իբրեւ այլ  
 նաւք գային՝ ի Տիրեբեայ մօտ յայն տե-  
 24 ղին՝ ուր զհացն <sup>2</sup>կերան.) Իսկ իբրեւ  
 ետես ժողովուրդն եթէ Յիսուս ոչ է  
 անդ եւ ոչ աշակերտքն նորա, առին  
 նոքա գնաւան, եւ եկին ի Կափառնա-  
 25 յում խնդրել զՅիսուս : Եւ իբրեւ գտին  
 զնա յայնկոյս ծովուն, ասին ցնա,  
 26 Ռաբբի, երբ եկիր այսր : Պատասխա-  
 նի ետ նոցա Յիսուս եւ ասէ, Ամէն  
 ամէն ասեմ ձեզ, Խնդրէք զիս, իբր  
 ոչ եթէ զի նշանս ինչ տեսէք, այլ զի  
 կրայք ի հացէ անտի եւ յագեցարուք :  
 27 <sup>3</sup>Երթայք գործեցէք մի՛ զկորստական  
 կերակուրն, այլ զկերակուրն որ մնայ  
 ի կեանոյս յաւիտեանականս, զոր Որդին  
 մարդոյ տալէ ձեզ : Քանզի զնա Հայր  
 28 կնքեաց, Աստուած : Ասեն ցնա, Ձի՛նչ  
 ամենիցեմք զի զգործսն Աստուծոյ գոր-  
 29 ծեցուք : Պատասխանի ետ Յիսուս եւ  
 ասէ ցնոսա, Այս է գործն Աստուծոյ,  
 զի հաւատասցիք յայն զոր առաքեացն  
 30 նա : Ասեն ցնա, Ձի՛նչ նշան առնիցես  
 զի տեսցուք եւ հաւատասցուք : զի՛նչ  
 31 գործիցես : Հարքն մեր կերան զմանա-  
 նայն յանապատի անդ, որպէս եւ գրեալ  
 32 է, Հաց յերկնից ետ նոցա ուտել : Ասէ  
 ցնոսա Յիսուս, Ամէն ամէն ասեմ ձեզ  
 թէ Ոչ Մովսէս ետ ձեզ զհացն յերկնից,  
 այլ Հայրն իմ տայ ձեզ զհացն յերկնից  
 33 զճշմարիտ : Ձի՛ հաց յԱստուծոյ է, որ  
 իջանէն յերկնից եւ կեանս տայ աշ-  
 34 խարհի : Ասեն ցնա, Տէր, յամենայն  
 35 մամ տուր մեզ զհացն զայն : Ասէ ցնո-  
 սա Յիսուս, Ես եմ հացն կենաց : որ

զայ առ իս՝ ոչ քաղցիցէ, եւ որ հաւա-  
 36 տայ յիս՝ ոչ երբեք ծարաւեսցի : Այլ  
 ասացի ձեզ եթէ տեսէք զիս եւ ոչ հա-  
 37 լատայք : Չամենայն զոր տայ ինձ  
 Հայր՝ առ իս եկեսցէ : Եւ որ զայ առ իս՝  
 38 ոչ հանից արտաքս : Ձի իջի ես յերկ-  
 նից, ոչ զի զկամս իմ արարից, այլ  
 զկամս այնորիկ որ առաքեացն զիս :  
 39 ԴՅ. Այս են կամք Հօր իմոյ որ ա-  
 ռաքեացն զիս, զի զամենայն զոր ետ  
 ցիս հայր՝ ոչ կորուսից ի նմանէ, այլ  
 40 յարուցից զնա յաւուրն յետնում : Այս  
 են կամք Հօր իմոյ, զի ամենայն որ  
 տեսանիցէ զՈրդի եւ հաւատայցէ ի նա,  
 ընկալցի զկեանսն յաւիտեանականս, եւ  
 ես յարուցից զնա յաւուրն յետնում :  
 41 Տրտնչէին զնմանէ Հրեայքն, զի տ-  
 սաց թէ Ես եմ հացն իջեալ յերկնից,  
 42 Եւ ասէին, Ո՛չ սա է Յիսուս որդին  
 Յովսեփու, զորոյ մեք գիտեմք զհայրն  
 եւ զմայր : Իսկ արդ զիս՝ ոչ ասէ եթէ  
 43 Ես յերկնից իջի : Պատասխանի ետ Յի-  
 սուս եւ ասէ ցնոսա, Մի՛ քրթմնչէք  
 44 ընդ միմեանս : Ոչ ոք կարէ գալ առ  
 իս, եթէ ոչ Հայրն որ զիս առաքեաց՝  
 ձգեսցէ զնա : Եւ ես յարուցից զնա յա-  
 45 լուրն յետնում : Գրեալ է ի մարգա-  
 րէս, Եւ եղիցին ամենեքեան ուսեալք  
 յԱստուծոյ : ամենայն որ լսէ ի Հօրէ  
 46 եւ ուսանի՝ զայ առ իս : Իբրեւ ոչ եթէ  
 զՀայր ուրուք տեսեալ իցէ, եթէ ոչ  
 որ էն յԱստուծոյ՝ նա ետես զՀայր :  
 47 Ամէն ամէն ասեմ ձեզ զի Որ <sup>4</sup>հաւատայ՝  
 ընդունի զկեանսն յաւիտեանականս :  
 48 Ես եմ հացն կենաց : (49) Հարքն ձեր  
 կերան զմանանայն յանապատին եւ  
 50 մեռան : Այս է հացն որ յերկնիցն իջ-  
 եալ է, զի որ ուտիցէ ոք իսմանէ՝ մի՛  
 51 մեռանիցի : Ես եմ հացն կենդանի, որ  
 52 յերկնից իջեալ : Եթէ ոք ուտիցէ ի  
 հացէ յայսմանէ, կեցցէ ի յաւիտեան :  
 Եւ հացն զոր ես տաց՝ մարմին իմ է,  
 զոր ես տաց վասն կենաց աշխարհի :  
 53 Մարտնչէին ընդ միմեանս Հրեայքն  
 եւ ասէին, Ձիս՝ ոչ կարէ սա տալ մեզ  
 54 զմարմին իւր յուտել : Ասէ ցնոսա Յի-  
 սուս, Ամէն ամէն ասեմ ձեզ, Եթէ ոչ  
 կերիջիք զմարմին Որդւոյ մարդոյ եւ  
 արբջիք զարիւն նորա, ոչ ունիք  
 55 կեանս յանձինս : Որ ուտէ զմարմին իմ

<sup>1</sup> Ուստի, բայց այլ նաւք եկին

<sup>2</sup> Բաւար, կերան յորժամ գոհացաւ Տէր

<sup>3</sup> Ի Եւանջիլիոս

<sup>4</sup> Ուստի, հաւատայ յիս

եւ ըմպէ զարիւն իմ, ունի զկեանս  
 36 յաւիտեանականս, եւ ես յարուցից զնա  
 37 ճշմարիտ յետնում: Զի մարմին իմ  
 ճշմարիտ կերակուր է, եւ արիւն իմ  
 38 ցէ, եւ ես ի նմա: Որպէս առաքեալ  
 զիս կենդանին Հայր, եւ ես կենդանի  
 եմ վասն Հօր: եւ որ ուտէն զիս՝ եւ  
 39 նա կեցցէ վասն իմ: Այս է հացն որ  
 յերկնից իջեալ: ոչ որպէս կերան հարքն  
 ձեր զմանանայն եւ մեռան: որ ուտէ  
 զհացս զայս՝ կեցցէ յաւիտեանս:  
 60 Զայս ասաց ի ժողովրդեանն յուսու  
 61 ցանքն ի կափառնայում: Եւ լազուժ  
 յաշակերտացն իբրեւ լուան, ասեն,  
 62 Իբրեւ գիտաց Յիսուս յանձն իւր եթէ  
 տրտնջին վասն այնորիկ աշակերտքն  
 նորա, ասէ ցնոսա, Այդ գայթակղե  
 63 ցուցանէ՞ զձեզ: Իսկ արդ, եթէ տե  
 անիցեք զՈրդի մարդոյ, զի ելանիցէ  
 64 ուր էր զառաջինն: Հոգին է կենդա  
 նարար, մարմին ինչ ոչ օգնէ: զբանն  
 զոր ես խօսեցայ ընդ ձեզ՝ հոգի է եւ  
 65 կեանք: Այլ են ումանք ի ձէնջ որ ոչ  
 հաւատան: քանզի գիտէր Յիսուս ի  
 սկզբանէ ով են այնորիկ որ ոչն հա  
 66 ւատան, եւ ով այն է որ մատնելոցն  
 է զնա: Եւ ասէր, վասն այնորիկ  
 67 ասացի ձեզ թէ ոչ ոք կարէ դալ առ  
 իս, եթէ ոչ իցէ տուեալ նմա ի Հօրէ  
 իմմէ:  
 68 Եւ զնա չորսն յետս, եւ ոչ եւս չրջէին  
 69 երթալ: Պատասխանի ետ նմա Սիմոն  
 Պետրոս, Տէր, առ ո՞վ երթիցուք,  
 բանս կենաց յաւիտեանականաց ունիս:  
 70 Եւ մեք հաւատացաք եւ ծանեաք եթէ  
 71 Պատասխանի ետ նոցա Յիսուս, Ո՞չ  
 ես զձեզ զերկոտասանսդ ընտրեցի,  
 72 եւ միդ ի ձէնջ սատանայ է: Եւ ասէր  
 զՍիմոնեան Յիսուս իսկարիովտա  
 73 ցոյ՝, զի նա իսկ մատնելոց էր զնա,  
 եւ մի էր յերկոտասանիցն:

ԳԼ. Է

1 ԳԵ. Եւ յետ այսորիկ չրջէր Յիսուս  
 ի Գալիլեա, քանզի ոչ կամէր ի Հրէաս  
 տանի չրջել, զի խնդրէին զնա Հրեայքն  
 սպանանել:  
 2 Եւ էր մերձ տօնն Հրէից տաղաւա  
 3 րահարաց: Ասեն ցնա եղբարքն նորա,  
 Գնա աստի եւ երթ ի Հրէաստան, զի  
 եւ աշակերտքն քո տեսցեն զգործսդ  
 4 քո զոր գործես: Զի ոչ ոք է որ ի  
 ծածուկ ինչ գործէ, եւ խնդրէ ինքն  
 համարձակ լինել: եթէ գայդ գործես,  
 5 յայտնեա զանձն քո աշխարհի: Քանզի  
 եւ եղբարքն իսկ չէին հաւատացեալ  
 6 ի նա: Ասէ ցնոսա Յիսուս, Ժամանակ  
 իմ չեւ է հասեալ, բայց ձեր ժամանակ  
 7 յամենայն ժամու պատրաստ է: Ոչ  
 կարէ աշխարհ ատել զձեզ, բայց զիս  
 8 ատեայ, զի ես վկայեմ վասն նորա  
 եթէ գործքն իւր չարութեան են:  
 9 Դուք երթայք ի տօնն յայն, ես ոչ  
 թամ ի տօնն յայն, զի իմ ժամանակ  
 10 չեւ է լցեալ: Զայս իբրեւ ասաց, ինքն  
 11 մնաց անդէն ի Գալիլեա: Իբրեւ ելին  
 եղբարքն նորա, ապա եւ ինքն ել ի  
 տօնն, ոչ յայտնի այլ իբրեւ ի ծածուկ:  
 12 Եւ Հրեայքն խնդրէին զնա ի տօնի անդ  
 13 Եւ ասէին, Ո՞ւր իցէ նա: Եւ քրթմըն  
 ջիւն էր զնմանէ ի ժողովուրդսն: Կէսքն  
 14 ասէին թէ Բարեոք է: այլքն ասէին,  
 Ոչ, այլ մոլորեցուցանէ զժողովուրդն:  
 15 Եւ ոչ ոք համարձակ խօսէր զնմանէ  
 վասն երկիւղին Հրէից:  
 16 Եւ Երբեք տօնն ընդմիջեցաւ, ել  
 Յիսուս ի տաճարն եւ ուսուցանէր:  
 17 Զարմանային Հրեայքն եւ ասէին,  
 Զիմրդ զգիրս գիտէ սա, զի ուսեալ  
 18 քնաւ չիք: Պատասխանի ետ նոցա Յի  
 սուս եւ ասէ, Իմ վարդապետութիւնս  
 չէ իմ, այլ այնորիկ որ առաքեալսն զիս  
 19 եթէ օք կամի զկտմն նորա առնել,  
 զիտասցէ վասն վարդապետութեանս,  
 յԱստուծոյ իցէ արդեւք եթէ ես ինչ  
 20 յանձնէ իմմէ խօսիմ: Որ յանձնէ իւրմէ  
 խօսի՝ փառս անձին իւրում խնդրէ,  
 իսկ որ խնդրէ զփառս այնորիկ որ ա  
 ռաքեացն զնա՝ նա ճշմարիտ է, եւ

<sup>1</sup> Ունի, Սուրբն Աստուծոյ. այլ՝ Սուրբն Աս  
 տուծոյ կենդանեայ

<sup>2</sup> Օրհնի Գ, Յուդայէ որ ի Կարիովտայ

<sup>3</sup> Ունի, երթամ տակաւին

<sup>4</sup> Բարեոք, քրթմըն բազում

19 անիրաւութիւն ոչ գոյ ի նմա . Ո՛չ Մովսէս ետ ձեզ զօրէնսն , եւ ոչ ոք  
20 ի ձէնջ առնէ զօրէնսն : Զի՛ խնդրէք զիս սպանանել . պատասխանի ետ ժողովուրդն եւ ասէ , Դեւ գոյ ի քեզ , ո՛վ  
21 խնդրէ զքեզ սպանանել : Պատասխանի ետ նոցա Յիսուս եւ ասէ , Գործ մի գործեցի , եւ ամենեքին զարմացեալ  
22 էք . Վասն այնորիկ Մովսէս ետ ձեզ թլիստութիւն , (զի ոչ եթէ ի Մովսէսէ էր , այլ ի հարց անտի) եւ ի շա-  
23 բաթու թլիստէք զմարդ : Իսկ արդ եթէ թլիստութիւն առնու մարդ ի շաբաթու , զի մի՛ օրէնքն Մովսէսի լուծցին , ընդ իս ցատուցեալ էք զի ող-  
24 ջոյն իսկ մարդ բժշկեցի ի շաբաթու : Ե՛ր . Մի՛ ըստ աչս դատիք , այլ ուղիղ դատաստան արարէք :  
25 Ասէին ոմանք յԵրուսաղեմացւոց անտի , Ո՛չ նա է սա զոր խնդրէին սպա-  
26 նանել . Եւ աւասիկ յայտնապէս խօսի , եւ չասեն ինչ ընդ դմա . դուք ար-  
27 իցէ՛ Բրիստոսն : Այլ զսա գիտեմք ուստի է , իսկ Բրիստոսն յորժամ գայցէ ,  
28 ոչ ոք գիտէ ուստի է : Աղաղակեաց Յիսուս ի տաճարին , ուսուցանէր եւ ասէր , Ե՛ւ զիս գիտէք , ե՛ւ ուստի եմն գիտէք . եւ յանձնէ իմմէ ոչ եմ եկեալ , այլ է ճշմարիտ որ առաքեալն զիս զոր  
29 զուքն ոչ գիտէք : Ես գիտեմ զնա , զի ի նմանէ իսկ եմ , եւ նա առաքեաց  
30 զիս : Խնդրէին զնա ունել՝ <sup>2</sup>եւ ել ի ձեռաց նոցա . եւ ոչ ոք արկ ի նա ձեռն :  
31 զի չեւ էր հասեալ ժամ նորա : Եւ բա-  
32 զումք ի ժողովրդեանն հաւատացին ի նա , եւ ասէին , Բրիստոսն յորժամ գայցէ , միթէ աւելի՞ ինչ նշանս առ-  
32 նիցէ քան զոր սայս առնէ : Եւ լուան փարիսեցիքն զտրտունջ ժողովրդեանն գնմանէ . եւ առաքեցին քահանայա-  
33 պետքն եւ փարիսեցիքն սպասաւորս  
33 զի կայցին զնա : Ասէ Յիսուս , Փոքր մեւս եւս ժամանակ ընդ ձեզ եմ , եւ երթամ առ այն որ առաքեալն զիս :  
34 Խնդրիցէք զիս եւ ոչ գտանիցէք , եւ ուր ենն երթամ՝ դուք ոչ կարէք գալ :  
35 Ասեն Հրեայքն ընդ միմեանս , Իսկ յո՛

զդա . միթէ ի օփրոս հեթանոսաց եր-  
թայցէ եւ ուսուցանիցէ զհեթանոսս :  
36 Զի՛ նչ է բանն այն զոր ասաց , Խնդրի-  
ցէք զիս եւ ոչ գտանիցէք . եւ ուր ենն երթամ՝ դուք ոչ կարէք գալ :  
37 Ե՛ր . Ի վերջնում աւուր մեծի տօնին կայր Յիսուս , աղաղակէր եւ ասէր , Եթէ ոք ծարաւի իցէ , եկեսցէ առ իս  
38 եւ արբցէ : Որ հաւատայ յիս՝ որպէս եւ ասեն զիրք , Գետք յորովայնէ նո-  
39 րա բղխեսցեն ջրոց կենդանութեան : Զայս ասէր վասն Հագոյն զոր ընդու-  
նելոց էին որ հաւատային ի նա . զի <sup>3</sup>չեւ էր Հոգի՞ , քանզի Յիսուս չեւ էր  
40 փառաւորեալ : <sup>4</sup>Ոմանք ի ժողովրդեանն իբրեւ լսէին զբանս զայս , ասէին , Սա  
41 է ճշմարիտ մարգարէն : Այլքն ասէին , Սա է Բրիստոսն . իսկ կէսքն ասէին , Միթէ ի Գալիլէ՞ գալոց իցէ Բրիստոսն :  
42 Ո՛չ զիրք ասեն եթէ ի գաւակէ Դաւ-  
թի եւ ի Բեթղեհեմ գեղջէ ուր Դաւիթն  
43 էր՝ գալոց է Բրիստոս : Եւ եղեւ հեր-  
44 ձուած ի մէջ ժողովրդեանն վասն նո-  
44 րա . Եւ ոմանք ի նոցանէ կամեցան ունել զնա , այլ ոչ ոք մխեաց ի նա ձեռն :  
45 Եւ եկին անդրէն սպասաւորքն առ քահանայապետսն եւ փարիսեցիս , եւ ասեն սոքա ցնոսա , Ընդէ՛ր ոչ ածէք  
46 զնա այսր : Պատասխանի ետուն սպա-  
47 սաւորքն եւ ասեն , Ոչ երբեք այնպէս խօսեցաւ մարդ որպէս այրն այն : Պա-  
տասխանի ետուն փարիսեցիքն եւ ասեն , Միթէ եւ դո՛ւք մոլորեցարուք :  
48 Միթէ ոք յիշխանացն հաւատաց ի նա  
49 կամ ի փարիսեցւոցն : Այլ այն խաւա-  
մուժ ամբոյս որ ոչ գիտէ զօրէնս , եւ  
50 նզովեալ են : Ասէ Նիկողեմիոս ցնոսա (որ եկեալն էր առ նա զիշերի յառա-  
51 ջագոյն , եւ մի էր ի նոցանէ) , Միթէ օրէնքն մեր դատի՞ն զմարդ , եթէ ոչ լսեն ինչ նախ ի նմանէ , <sup>5</sup>կամ գիտեն  
52 զինչ գործէ : Պատասխանի ետուն նմա եւ ասեն , Միթէ եւ դո՛ւ եւս ի Գա-  
լիլէէ իցես . քննեա եւ տես , զի մար-  
գարէ ի Գալիլէէ ոչ յառնէ :

<sup>1</sup>Ուստի , ճշմարտեւ Բրիստոսն  
<sup>2</sup>Ի Բաղսա զսուսի

<sup>3</sup>Ուստի , չեւ էր տուեալ Հոգի Յուսէ

<sup>4</sup>Ուստի , Բաղսա

<sup>5</sup>Եւստի , ե

## ՓԼ. Ը

1<sup>1</sup> Եւ գնացին իւրաքանչիւր ոք ի տեղի  
 իւր, իսկ Յիսուս գնաց ի լեւոն Զի-  
 2<sup>2</sup> Թենեաց: Եւ ընդ առաւօտսն դարձեալ  
 եկն ի տաճարն, եւ գայր առ նա ամե-  
 նայն ժողովուրդն, եւ նստեալ ուսու-  
 3<sup>3</sup> ցանէր զնոսա: Ածին առ նա դպիրքն  
 4<sup>4</sup> Եւ քահանայապետքն՝ եւ փարիսեցիք  
 կին մի ըմբռնեալ ի չնութեան. եւ  
 5<sup>5</sup> կացուցեալ զնա առաջի, Ասենցնա,  
 Վարդապետ, կինս այս ըմբռնեալ ինքն  
 6<sup>6</sup> յայտնապէս շնացեալ է: Եւ յօրէնսն  
 Մովսէս մեզ պատուիրեաց զայսպիսիս  
 7<sup>7</sup> քարկոծել. արդ դու զի՞նչ ասես վասն  
 8<sup>8</sup> դորա: Զայս ասէին փորձելով զնա,  
 զի ունիցին ամբաստանութիւն զնմա-  
 9<sup>9</sup> նէ. իսկ Յիսուս ի խոնարհ նայելով  
 10<sup>10</sup> գրէր մատամբն յերկրի. իսկ իբրեւ  
 ստիպեցին հարցանելով զնա, հայեցեալ  
 ի վեր՝ ասէ ցնոսա, Անմեղն ի ձէնդ  
 նախ նա ընկեացէ քար ի վերայ դորա:  
 11<sup>11</sup> Եւ դարձեալ ի խոնարհ նայելով գրէր  
 12<sup>12</sup> յերկրի: Եւ յլուեալ ելանէին՝ մի ըստ  
 միովէ, սկսեալ յառաջնոցն մինչեւ ի  
 վերջինսն. եւ մնաց միայն Յիսուս, եւ  
 13<sup>13</sup> կինն կայր առաջի նորա: Պատասխա-  
 նի ետ Յիսուս եւ՝ ասէ ցնա, Կին դու,  
 14<sup>14</sup> ո՞ւր են. ոչ ոք՝ զքեզ դատապար-  
 15<sup>15</sup> տեաց: Եւ ասէ, Ոչ, Տէր. եւ ասէ Յի-  
 սուս, Եւ ոչ ես դատապարտեմ զքեզ,  
 երթ, յայսմ հետէ մի՛ մեղանչեր:  
 16<sup>16</sup> Եւ. Դարձեալ խօսեցաւ ընդ նոսա  
 Յիսուս եւ ասէ, Ես եմ լոյս աշխարհի.  
 որ զայ զկնի իմ՝ ընդ խաւար մի՛ գնաս-  
 17<sup>17</sup> ցէ, այլ ընկալցի զլոյսն կենաց: Ասեն  
 ցնա փարիսեցիքն, Դու վասն անձին  
 18<sup>18</sup> քո վկայես, եւ վկայութիւն քո չէ  
 19<sup>19</sup> ճշմարիտ: Պատասխանի ետ Յիսուս  
 եւ ասէ ցնոսա, Թէպէտ եւ ես վկայեմ  
 վասն անձին իմոյ, վկայութիւն իմ  
 ճշմարիտ է. զի գիտեմ ուստի եկի եւ  
 20<sup>20</sup> յո երթամ. բայց դուք ոչ գիտէք ուստի

21<sup>21</sup> զամ կամ յո երթամ: Դուք ըստ մարմ-  
 նոյ դատիք, ես ոչ դատիմ եւ ոչ զոք:  
 22<sup>22</sup> Թէպէտ եւ դատիմ եւս զոք, զատառ-  
 տանն իմ ճշմարիտ է. զի չեմ միայն,  
 23<sup>23</sup> այլ ես եւ որ առաքեացն զիս Հայր:  
 24<sup>24</sup> Եւ յօրէնսն իսկ ձեր գրեալ է թէ Եր-  
 կուց մարդոց վկայութիւն ճշմարիտ է:  
 25<sup>25</sup> Ես եմ որ վկայեմ վասն իմ, եւ վկայէ  
 վասն իմ որ առաքեացն զիս Հայր:  
 26<sup>26</sup> Ասէին ցնա, Ո՞ւր է Հայր քո. պա-  
 տասխանի ետ Յիսուս եւ ասէ ցնոսա,  
 27<sup>27</sup> Ոչ զիս գիտէք եւ ոչ զՀայրն իմ. եթէ  
 զիս գիտէիք, եւ զՀայրն իմ թերեւս  
 28<sup>28</sup> գիտէիք:

29<sup>29</sup> Զայս բանս խօսեցաւ ի տան զանձին,  
 յորժամ ուսուցանէր ի տաճարի անդ.  
 եւ ոչ ոք կալաւ զնա, զի չեւ եւս  
 հասեալ էր ժամ նորա:

30<sup>30</sup> Եւ. Ասէ դարձեալ ցնոսա Յիսուս,  
 31<sup>31</sup> Ես երթամ, եւ խնդրիցէք զիս, եւ ի  
 մեղս ձեր մեռանիցիք. զի ուր եմ  
 32<sup>32</sup> երթամ, դուք ոչ կարէք գալ: Ասէին  
 Հրեայքն, Միթէ զիւրովին երթայցէ,  
 զի ասէ թէ Ուր եմ երթամ, դուք  
 33<sup>33</sup> ոչ կարէք գալ: Եւ ասէ ցնոսա, Դուք  
 ի ներքուստ աստի էք, եւ ես ի վե-  
 րուստ անտի եմ. դուք յաշխարհէ  
 34<sup>34</sup> աստի էք, ես չեմ յայսմ աշխարհէ:  
 35<sup>35</sup> Բայց ասացի ձեզ թէ ի մեղս ձեր մե-  
 36<sup>36</sup> ռանիցիք. զի թէ ոչ հաւատայցէք թէ  
 37<sup>37</sup> ես եմ, մեռանիցիք ի մեղս ձեր: Ասեն  
 ցնա, Դու ո՞վ ես. ասէ ցնոսա Յիսուս,  
 38<sup>38</sup> Նախ զի եւ խօսիմս իսկ ընդ ձեզ՝  
 39<sup>39</sup> Բազում ինչ ունիմ վասն ձեր խօսել  
 եւ դատել. այլ որ առաքեացն զիս՝  
 ճշմարիտ է. եւ ես զոր լուայն ի նմանէ՝  
 40<sup>40</sup> զայն խօսիմ յաշխարհի: Եւ ոչ գիտո-  
 41<sup>41</sup> ցին թէ զՀօրէ ասէր ցնոսա:

42<sup>42</sup> Ասէ ցնոսա Յիսուս, Երբժամ բարձ-  
 43<sup>43</sup> րացուցանիցէք զՈրդի մարդոյ, յայն-  
 44<sup>44</sup> ժամ գիտասցիք թէ ես եմ. եւ յանձնէ  
 իմմէ ոչ ինչ առնեմ, այլ որպէս ու-  
 45<sup>45</sup> 29 սոյց զիս Հայրն իմ, զայն խօսիմ: Եւ  
 որ առաքեացն զիս՝ ընդ իս է. ոչ եթող  
 զիս միայն, զի ես զհաճոյս նորա առ-  
 46<sup>46</sup> նեմ հանապազ:

47<sup>47</sup> Իբրեւ զայս խօսեցաւ, բազումք հա-  
 48<sup>48</sup> ւատացին ի նա:

49<sup>49</sup> Եւ. Եւ ասէր Յիսուս առ Հրեայսն  
 հաւատացեալս, Եթէ դուք կացցիք

<sup>1</sup> Այս հոգաւոր հոգիւրդ զոգիւրդ ի Բա-  
 յարէն օրինակոյ, օրդեւ եւ ի Բազումս ի Հոգիւրդ  
 յիւրդոյ:

<sup>2</sup> Ի Բազումս զոգիւրդ

<sup>3</sup> Որպէս, լուեալ եւ յանգիմանեալ ի իշխե-  
 մոաց, ելանէին

<sup>4</sup> Որպէս, Հայեցեալ Յիսուս ի վեր եւ ոչ զոք  
 տեսեալ բաց ի կնովէն,

<sup>5</sup> Որպէս, ո՞ւր են որ չարափօսեմն զքեզ. ոչ զք

<sup>6</sup> Կոյ, Զոր ի սկզբանէ անտի խօսիմ առ ձեզ

ի բանի իմուժ, ճշմարիտ աշակերտք  
 32 իմ էք. Եւ ծանիջիք զճշմարտութիւնն,  
 եւ ճշմարտութիւնն ազատեսցէ զձեզ,  
 33 Պատասխանի ետուն նմա եւ ասեն,  
 Զաւակ Աբրահամու եմք, եւ ոչ ումեք  
 երբեք ծառայեցաք. զիա՞րդ ասես թէ  
 34 Ազատք լինիջիք: Պատասխանի ետ նո-  
 ցա Յիսուս, Ամէն ամէն ասեմ ձեզ թէ  
 Ամենայն որ առնէ զմեզս՝ ծառայ է  
 35 մեղաց: Եւ ծառայն ոչ յաւիտեան կայ  
 ի տան, իսկ որդին յաւիտեան կայ:  
 36 Իսկ արդ եթէ Որդին զձեզ ազատե-  
 ցուցէ, ճշմարիտ ազատք լինիջիք:  
 37 Գիտեմ զի զաւակ Աբրահամու էք, այլ  
 խնդրէք սպանանել զիս, զի բանին  
 38 իմոյ չիք տեղի ի ձեզ: Ես զոր տեսի  
 առ Հօր իմուժ՝ խօսիմ, եւ դուք զոր  
 39 լուարուք ի հօրէն ձերմէ՝ առնէք: Պա-  
 տասխանի ետուն նմա եւ ասեն, Հայր  
 մեր Աբրահամ է. ասէ ցնոսա Յիսուս,  
 Եթէ որդիք Աբրահամու էիք, զգործսն  
 40 Աբրահամու գործէիք: Այլ այժմիկ  
 խնդրէք սպանանել զիս, զայր մի՞ որ  
 ձեզ զճշմարտութիւն խօսեցայ, զոր  
 լուայ ՚ի Հօրէ իմմէ՞. զայդ Աբրահամ  
 41 ոչ արար: Դուք առնէք զգործս հօրն  
 ձերոյ. ասեն ցնա, Մեք ի պոռնկու-  
 թենէ չեմք ծնեալ: մի է Հայր մեր, Աս-  
 42 տուած: Ասէ ցնոսա Յիսուս, Եթէ Աս-  
 տուած էր Հայր ձեր, սիրէիք արդեւք  
 զիս. զի ես յԱստուծոյ ելի եւ եկի,  
 եւ ոչ եթէ յանձնէ ինչ եկի, այլ նա  
 43 առաքեաց զիս: Ընդէ՛ր զիսոս իմ ոչ  
 գիտէք դուք. վասն զի ոչ կարէք լսել  
 44 զբանն իմ, Դուք ի հօրէ ի Սատանայէ  
 էք, եւ զգանկութիւնս հօրն ձերոյ կա-  
 միք առնել. զի նա մարդասպան էր  
 ի սկզբանէ, եւ ի ճշմարտութեան ոչ  
 եկաց, զի ոչ գոյ ճշմարտութիւն ի  
 նմա. յորժամ խօսիցի սուտ, յիւրոց  
 անտի խօսի. զի սուտ է եւ հայր նո-  
 45 րա: Իսկ ես զի զճշմարտութիւն խօ-  
 46 սիմ, ոչ հաւատայք ինձ: Ո՞ր ձէնց  
 յանդիմանէ զիս վասն մեղաց. եթէ  
 զճշմարտութեան ասեմ ձեզ, ընդէ՛ր ոչ հա-  
 47 լատայք ինձ: Որ էն յԱստուծոյ՝ զբանս  
 Աստուծոյ լսէ. եւ դուք վասն այնորիկ  
 48 ոչ լսէք, զի չէք յԱստուծոյ: Պատաս-  
 խանի ետուն Հրեայքն եւ ասեն ցնա,  
 Ո՞չ բարեւոք ասեմք մեք եթէ Սամա-

49 րացի ես դու, եւ դեւ գոյ ի քեզ: Պա-  
 տասխանի ետ Յիսուս եւ ասէ, Յիս  
 դեւ ոչ գոյ, այլ պատուեմ զՀայր իմ,  
 50 եւ դուք անարգէք զիս: Ես ոչ խնդրեմ  
 զփառս իմ, է որ խնդրէն եւ դատի:  
 51 Ամէն ամէն ասեմ ձեզ, Եթէ ոք զբանն  
 իմ պահեսցէ, զմահ մի՛ տեսցէ ի յա-  
 52 լիտեան: Ասեն ցնա Հրեայքն, Արդ  
 զիտացաք թէ դեւ գոյ ի քեզ. Աբրա-  
 համ մեռաւ, եւ մարդարէքն, եւ դու  
 ասես, Եթէ ոք զբանն իմ պահեսցէ,  
 մի՛ ճաշակեսցէ զմահ ի յաւիտեան:  
 53 Միթէ՞ դու մի՛ ծ ինչ ոք իցես քան զհայր  
 մեր Աբրահամ, որ մեռաւ, եւ մար-  
 դարէքն մեռան. արդ դու զո՞ առնես  
 54 զքեզ: Պատասխանի ետ Յիսուս, Եթէ  
 ես փառաւորեմ զանձն իմ, փառքն իմ  
 ոչինչ են. է Հայր որ փառաւորէ զիս,  
 զորմէ՞ դուքն ասէք թէ Աստուած ՚մեր  
 55 է. Եւ ոչ ճանաչէք զնա, բայց ես գի-  
 տեմ զնա. եւ եթէ ասեմ թէ ոչ գիտեմ  
 զնա, ձեզ նման սուտ լինիմ. այլ գի-  
 56 տեմ զնա եւ զբան նորա պահեմ: Աբ-  
 րահամ հայր ձեր ցանկացաւ տեսանել  
 57 զօր իմ, ետես եւ ուրախ եղեւ: Ասեն  
 ցնա Հրեայքն, Յիսուս ամ չեւ եւս է  
 58 քո, եւ զԱբրահամ տեսեր: Ասէ ցնոսա  
 Յիսուս, Ամէն ամէն ասեմ ձեզ, Յա-  
 ուաջ քան զիննն Աբրահամու եմ ես:  
 59 Վէ՛մս առին զի արկցեն ի վերայ նորա,  
 եւ Յիսուս խոյս ետ եւ ել գնաց ի տա-  
 ճարէ անտի:

## ԳԼ Թ

1 Եւ մինչդեռ անցանէր, ետես այր  
 2 մի կոյր ի ծնէ. Եւ հարցին ցնա աշա-  
 կերտքն նորա եւ ասեն, Ռաբբի, ո՞յր  
 միսս է, սորա՞ թէ հօր եւ մօր իւրոյ,  
 3 զի կոյր ծնցի: Պատասխանի ետ Յի-  
 սուս, Ոչ դորա միսս է, եւ ոչ հօր  
 եւ մօր իւրոյ. այլ զի յայտնի լիցին  
 4 գործքն Աստուծոյ ի դմա: Եւ ինձ  
 պարտ է գործել զգործս այնորիկ որ  
 առաքեացն զիս, մինչ աւուր կայ. զայ  
 զիչեր, յորժամ ոչ ոք կարէ գործել:  
 5 Մինչդեռ յաշխարհի եմ, լոյս եմ աշ-  
 6 խարհի: Զայս իբրեւ ասաց, եթուք  
 ի գետին եւ արար կաւ ի թքոյն, եւ  
 ծեփեաց զկաւն ի վերայ աշաց կուրին:

7 Եւ ասէ ցնա, Երթ, լուա յաւազանին Սիլովամայ, (որ թարգմանի Առաքեալ) չոգաւ լուացաւ, եկն եւ տեսանէր:  
 8 Իսկ դրացիքն եւ որոց տեսեալն էր զնա յառաջագոյն թէ՛ մուրացիկ էր ասէին, Ո՛չ սա էր որ նստէրն եւ մու-  
 9 րանայր: Կէսքն ասէին, Նա է. Այլքն ասէին, ՉՈ՛չ, այլ՝ նման է նմա. եւ  
 10 ինքն ասէր թէ, Ես եմ: Ասեն ցնա,  
 11 Իսկ զիարդ բացան աչք քո: Նա ետ պատասխանի, Այր մի որու մ Յիսուսն ասեն՝ կաւ արար եւ ծիփեաց զաչս իմ, եւ ասէ ցիս, Երթ ի Սիլովամ եւ լուա:  
 12 չոգայ, լուացայ եւ տեսանեմ: Ասեն ցնա, Ո՛ւր է նա. ասէ ցնոսա, Ոչ գիտեմ:  
 13 Ածին առ փարիսեցիսն զնա որ եր-  
 14 Բեմն կոյրն էր: Եւ էր չաբաթ, յոր-  
 15 ժամ զկաւն արար Յիսուս, եւ երաց զաչս կուրին: Դարձեալ հարցանէին զնա եւ փարիսեցիքն թէ Զիարդ տեսանես. եւ նա ասէ ցնոսա, Կաւ եղ ի վերայ աչաց իմոց, եւ լուացայ եւ տեսանեմ:  
 16 Ասեն ոմանք ի փարիսեցւոցն, Ոչ է այրն այն յԱստուծոյ, զի զչաբաթս ոչ պահէ. կէսքն ասէին, Իսկ զիարդ կարէ մարդ մեղաւոր այսպիսի նշանս առնել. եւ էին հերձուածք ի մէջ նո-  
 17 ցա: Ասեն դարձեալ ցկոյրն, Դու զի տեսա վասն նորա զի երաց զաչս քո:  
 18 Եւ նա ասէր թէ, Մարգարէ է: Եւ ոչ հաւատային չրեցալն զնմանէ թէ կոյր էր եւ բացաւ, մինչեւ կոչեցին զծնողս  
 19 բացելոյն. Հարցին ցնոսա եւ ասեն, Սա՛ է որդին ձեր, զորմէ դուքն ասէիք եթէ կոյր ծնաւ, արդ զիարդ տեսա-  
 20 նէ: Պատասխանի ետուն նոցա ծնողքն նորա եւ ասեն, Գիտեմք զի սա է որ-  
 21 դին մեր, եւ զի կոյր ծնաւ. Բայց զիարդ այժմդ տեսանէ, ոչ գիտեմք. կամ թէ ո՛վ երաց զաչս դորա, մեք ոչ գիտեմք. ցղա իսկ հարցէք, ինքնին ի չափ հասեալ է, ինքն իսկ խօսեցի  
 22 վասն իւր: Զայս ասացին ծնողքն նո-  
 23 րա, զի երկնչէին ի Հրէիցն. քանզի ուխտ եղեալ էր Հրէից, եթէ ոք խոտովանեցի զնա Բրիստոս, ի բաց կաց-  
 24 ցէ ի Ժողովրդենէն: Վասն այնորիկ ասացին ծնողքն նորա թէ Ինքնին ի չափ հասեալ է, ցնա իսկ հարցէք: Դարձեալ

կրկին անգամ կոչեցին զայրն որ կոյրն էր, եւ ասեն ցնա, Տուր փառս Աստուծոյ. մեք գիտեմք զի այրն այն  
 25 մեղաւոր է: Եւ նա ասէ, Թէ մեղաւոր իցէ, ես ոչ գիտեմ. բայց զայս գիտեմ,  
 26 զի կոյր էի եւ արդ տեսանեմ: Դարձեալ ասեն ցնա, Զի՛նչ արար քեզ,  
 27 զիարդ երաց զաչս քո: Պատասխանի ետ նոցա, Այժմ ասացի ձեզ եւ ոչ լուարուք. զի՛ կամիք միւսանգամ լսել. միթէ եւ դժուար կամիք աչակեր-  
 28 տել նմա: Նոքա հայնոյէին զնա եւ ասէին, Դու լիջիր նորա աչակերտ, մեք  
 29 Մովսիսի աչակերտք եմք: Մեք գիտեմք զի ընդ Մովսիսի խօսեցաւ Աստուծո՛ւ, զսա ոչ գիտեմք ուստի՛ իցէ:  
 30 Պատասխանի ետ այրն եւ ասէ ցնոսա, Այդ իսկ են սքանչելիք, զի դուք ոչ գիտէք ուստի՛ իցէ, եւ զիմ զաչս ե-  
 31 բաց, Գիտեմք զի Աստուծո՛ւ մեղաւորաց ոչ լսէ, բայց եթէ աստուծո՛ւ պաշտ ոք իցէ եւ զկամս նորա առնիցէ,  
 32 նմա լսէ: Ի յաւիտենից ոք ոչ լուաւ եթէ երաց ոք զաչս կուրի ի ծնէ կոյր  
 33 ծնելոյ: Եթէ ոչ յԱստուծոյ էր այրն  
 34 այն, ոչ կարէր առնել ինչ: Պատասխանի ետուն եւ ասեն ցնա, Ի մեղս իսկ ծնեալ ես ամենեւին, եւ դու վարդապետ լինիս մեր. եւ հանին զնա արտաքս:  
 35 Լուաւ Յիսուս եթէ հանին զնա արտաքս, եւ իբրեւ եգիտ զնա, ասէ ցնա,  
 36 Դու հաւատա՛ս յՈրդի Աստուծոյ: Նա պատասխանի ետ եւ ասէ, Տէր, ո՞վ է  
 37 զի հաւատացից ի նա: Ասէ ցնա Յիսուս, Եւ տեսեր զնա, եւ որ խօսիդ  
 38 ընդ քեզ՝ նա է: Եւ նա ասէ, Հաւատա՛մ, Տէր. եւ երկիր եպագ նմա:  
 39 ԶԱ. Եւ ասէ Յիսուս, Ի դատա-  
 40 տան եկի յաշխարհս յայս, զի որ ոչն տեսանեն տեսցեն, եւ որք տեսանեն՝  
 41 կուրացին: Լուան ոմանք ի փարիսեցւոցն որք ընդ նմա էին, եւ ասեն ցնա, Միթէ եւ մեք կոյրք իցեմք:  
 42 Ասէ ցնոսա Յիսուս, Եթէ կոյրք էիք, ոչ էր ձեր մեղ. բայց արդ ասէք եթէ Տեսանեմք, եւ մեղքն ձեր ի ձեզ հա-  
 43 տատեալ են:

ԳԼ. Ժ

ընդ դուռն ի դաւիթ ոչխարացն, այլ  
 ընդ այլ երանէ՝ նա գող է եւ աւազակ:  
 2 Իսկ որ մտանէ ընդ դուռն՝ հովիւ է  
 3 ոչխարաց, նմա դռնապանն բանայ, եւ  
 ոչխարքն ձայնի նորա լսեն, եւ զիւր  
 ոչխարսն կոչէ յանուանէ եւ հանէ  
 4 զնոսա, եւ յորժամ զիւրն զամենայն  
 հանիցէ, առաջի նոցա երթայ, եւ ոչ-  
 խարքն զհետ նորա երթան, զի ճա-  
 5 նաչեն զձայն նորա: Զօտարի զհետ ոչ  
 երթիցեն, այլ փախիցեն ի նմանէ, զի  
 ոչ ճանաչեն զձայն օտարաց:  
 6 Զայս առակ ասաց նոցա Յիսուս,  
 եւ նոքա ոչ գիտէին եթէ զինչ էր որ  
 7 խօսէրն ընդ նոսա: Դարձեալ ասէ ցնո-  
 սա Յիսուս, Ամէն ամէն ասեմ ձեզ զի  
 8 Ես եմ դուռն ոչխարաց: Ամենեքեան  
 որ յառաջ քան զիս եկին՝ գողք էին  
 եւ աւազակք: այլ ոչ լուան նոցա ոչ-  
 9 խարքն: Ես եմ դուռն, ընդ իս եթէ  
 ոք մտանիցէ, կեցցէ: մտցէ եւ ելցէ  
 10 եւ ճարակ գտցէ: Իող ոչ գայ, եթէ  
 ոչ զի գողացի եւ սպանցէ եւ կորուս-  
 ցէ: ես եկի զի զկեանս ունիցին, եւ  
 առաւել եւս ունիցին:  
 11 ԶԲ. Ես եմ հովիւն քաջ. հովիւ քաջ  
 զանձն եւր զնէ ի վերայ ոչխարաց,  
 12 Իսկ վարձկանն որ ոչ է հովիւ, որոյ  
 ոչ իւր են ոչխարքն, իբրեւ տեսանէ  
 զգայն զի գայ, թողու զոչխարսն եւ  
 13 փախի: եւ գայն յափշտակէ զնոսա  
 14 եւ ցրուէ: Բանգի վարձկան է, եւ չէ  
 15 փոյթ նմա վասն ոչխարացն: Ես եմ  
 հովիւն քաջ, եւ ճանաչեմ զիման եւ  
 16 ճանաչիմ յիմոցն: Որպէս գիտէ զիս  
 Հայր, գիտեմ եւ ես զՀայր: եւ զանձն  
 17 իմ զնեմ ի վերայ ոչխարաց, նա եւ  
 այլ եւս ոչխարք են իմ որ ոչ են յայսմ  
 գաւթէ, եւ զայնս եւս պարտ է ինձ  
 18 ածել այսր, եւ ձայնի իմում լուիցեն,  
 19 եւ եղիցին մի հօտ եւ մի հովիւ: Վասն  
 այնորիկ սիրէ զիս Հայր իմ, զի ես  
 20 ղնեմ զանձն իմ, զի միւսանգամ առից  
 21 զնա: Ոչ ոք հանէ զնա յինէն, այլ ես  
 զնեմ զնա անձամբ իմով: Իշխանու-  
 22 թիւն ունիմ զնեւ զնա, եւ իշխանու-  
 23 թիւն ունիմ միւսսանգամ առնուլ զնա:  
 24 Գայս պատուէր առի ի Հօրէ իմմէ:  
 25 Դարձեալ հերձուած լինէր ի մէջ

20 Հրէից վասն բանիցս այսոցիկ: Եւ ա-  
 սէին բազումք ի նոցանէ, Դեւ գոյ ի  
 նմա եւ մոլեգնի, զի բնաւ լսէք նմա:  
 21 Կէսքն ասէին, Այսպիսի բանք ոչ դի-  
 22 ւահարի են: միթէ դեւ կարէ՞ զաչս  
 կուրի բանայ:  
 23 ԶԳ. Եղեն յայնժամ նաւակատիքն  
 24 յերուսաղէմ, եւ ձմեռն էր: Եւ շրջէր  
 Յիսուս ի տաճարին ի սրահին Սողո-  
 25 մոնի: Շուրջ եղեն զնովաւ Հրեայքն  
 եւ ասեն, Մինչեւ յերբ թափես զողբիս  
 մեր: եթէ դու ես Քրիստոսն, ասա  
 26 մեզ համարձակ: Պատասխանի ետ նո-  
 27 ցա Յիսուս եւ ասէ, Ասացի ձեզ եւ  
 ոչ հաւատայք ինձ: զգործսն զոր ես  
 28 գործեմ յանուն Հօր իմոյ՝ նոքին իսկ  
 29 չկային վասն իմ: Այլ դուք ոչ հաւա-  
 տայք, զի չէք յոչխարաց անտի՝ իմոց:  
 30 Ոչխարք իմ ձայնի իմում լսեն, եւ ես  
 ճանաչեմ զնոսա, եւ զկնի իմ գան:  
 31 Եւ ես տամ նոցա զկեանսն յաւիտե-  
 32 նականս: եւ մի՛ կորիցեն յաւիտեան,  
 եւ մի՛ ոք յափշտակեցէ զնոսա ի ձե-  
 33 ոց իմոց: Հայրն իմ որ ետ ինձ զնո-  
 34 սա՝ մեծ է քան զամենայն, եւ ոչ ոք  
 կարէ յափշտակել ի ձեռաց Հօր իմոյ:  
 35 Ես եւ Հայր իմ մի եմք: (31) Վէմս  
 առին Հրեայքն զի քարկոծ արացեն  
 36 զնա: Պատասխանի ետ նոցա Յիսուս,  
 37 Բազում գործս բարիս ցուցի ձեզ ի Հօրէ  
 իմմէ: վասն որոյ գործոյ ի նոցանէ  
 38 քարկոծ առնէք զիս: Պատասխանի  
 ետուն նմա Հրեայքն, Վասն բարւոյ  
 գործոյ ոչ առնեմք զքեզ քարկոծ, այլ  
 վասն հայնոյութեան: եւ զի դու մարդ  
 ես, եւ զանձն քո Աստուած առնես:  
 39 Պատասխանի ետ նոցա Յիսուս, Ոչ  
 յօրէնս ձեր գրեալ է, Ես ասացի թէ  
 40 աստուածք իցէք: Իսկ եթէ զնոսա  
 41 աստուածս ասէ, առ որս բանն Աս-  
 տուծոյ եղեւ, (եւ չէ մարթ եղծանել  
 42 զրոյն,) Իսկ զոր Հայր սրբեաց եւ ա-  
 ռաքեաց յաշխարհ, դուք ասէք թէ  
 43 Հայնոյես, զի ասացի թէ Որդի Աստու-  
 44 ծոյ եմ: Եթէ ոչ գործեմ զգործս Հօր  
 45 իմոյ, մի՛ հաւատայք ինձ: Ապա թէ  
 գործեմ, թէ եւ ինձ ոչ հաւատայք,  
 սակայն գործոցն հաւատացէք: զի դի-

1 Ո՛հ, զիւր ոչխարն

2 Ո՛հ, իսկ վարձկանն փախի, քանզի

3 Ի բարւոյ գործս

4 Ո՛հ, իմոց, որպէս ասացի ձեզ

5 Յօմանս գործս

տասըիք եւ յճանդիք եթէ Հայր յիս, եւ ես ի Հայր։  
 39 Դարձեալ խնդրէին զնա ունել, եւ  
 40 ել ի ձեռաց նոցա։ Եւ զնաց միւսան-  
 դամ յայնկոյս Յորդանանու ի տեղին  
 ուր էր Յովհաննէս զառայինն եւ մկր-  
 41 տէր, եւ անդ լինէր։ Եկին բազումք  
 առ նա եւ ասեն, Զի Յովհաննէս<sup>2</sup> նշան  
 42 ինչ ոչ արար։ Բայց զամենայն զոր  
 ասաց Յովհաննէս վասն նորա, ճշմա-  
 րիտ էր։ Եւ բազումք հաւատացին  
 ի նա անդ։

## ԳԼ. ԺԱ

1 ԶԴ. Եւ էր ոմն հիւանդ Ղազարոս ի  
 Բեթանեայ, ի գեղջէ Մարեմայ եւ Մար-  
 2 թայի քեռ նորա։ Այս այն Մարիամ էր  
 որ օծ զՏէրն իւղով, եւ ջնջեաց զոտս  
 նորա ներով իւրով։ որոյ եղբայրն Ղա-  
 3 զարոս հիւանդ էր։ Առաքեցին առ նա  
 քորքն նորա եւ ասեն, Տէր, ահա ա-  
 սիկ զոր դուն սիրէիր՝ հիւանդացեալ է։  
 4 Իբրեւ լուաւ Յիսուս, ասէ, Այն հի-  
 ւանդութիւն չէ ի մահ, այլ վասն փա-  
 րացն Աստուծոյ։ զի փառաւոր լիցի  
 5 Որդի Աստուծոյ այնուիկ։ Եւ սիրէր  
 Յիսուս զՄարթա եւ զքոյր նորա  
 6 զՄարիամ եւ զՂազար։ Իբրեւ լուաւ  
 թէ հիւանդացեալ է, զտեղի կալաւ  
 7 անդէն ուր էրն աւուրս երկուս։ Ապա  
 յետ այնորիկ ասէ ցնոսա, Եկայք եր-  
 8 թիցուք միւսանդամ ի Հրէաստան։  
 9 Ասեն ցնա աշակերտքն, Ռաբբի, այժմ  
 եւս խնդրէին զքեզ Հրեայքն քարկոծ  
 առնել։ Եւ դարձեալ երթաւ անդդէն։  
 9 Պատասխանի ետ Յիսուս, Ո՛չ երկու-  
 տասան ժամ է աւուր։ Եթէ ոք զնայ  
 ի տուրնջեան, ոչ գայթակղի, զի զլոյս  
 40 աշխարհիս այսորիկ տեսանէ։ Ապա թէ  
 ոք զնայ գիշերի, գայթակղի, զի լոյս  
 41 ոչ գոյ ընդ նմա։ Զայս իբրեւ ասաց,  
 յետ այսորիկ ասէ ցնոսա, Ղազարոս  
 բարեկամ մեր ննջեաց, այլ երթամ զի  
 42 զարթուցից զնա։ Ասեն ցնա աշա-  
 կերտքն, Տէր, եթէ ննջեաց, ապա  
 43 ապրի։ Այլ Յիսուս վասն մահուն նո-  
 րա ասէր։ Նոցա այսպէս թուեցաւ թէ  
 44 վասն ննջելոյ քոյն ասէր։ Յայնժամ  
 ասէ ցնոսա Յիսուս յայտնապէս, Ղա-

15 զարոս մնաւ։ Եւ ես ուրախ եմ վասն  
 ձեր, զի դուք հաւատասցիք ինձ, զի  
 ես չէի անդ։ Բայց արդ եկայք երթի-  
 46 ցուք առ նա։ Ասէ Թովմաս, անուան-  
 եալն Երկուորեակ, ցաշակերտակիցսն,  
 Օն, եկայք եւ մեք զի ընդ նմա մնու-  
 ցուք։  
 47 Եկն Յիսուս, եզիտ զնա չորեքօրեայ  
 48 ի գերեզմանի։ Եւ էր Բեթանիա մերձ  
 յերուսաղէմ իբրեւ ասպարիսօք հնգե-  
 49 տասան։ Բազումք ի Հրէից անտի եկ-  
 եալ էին առ Մարթա եւ Մարիամ, զի  
 մխիթարեսցեն զնոսա վասն եղբօրն։  
 50 Մարթա իբրեւ լուաւ թէ Յիսուս գայ,  
 ընդ առաջ զնաց նորա, բայց Մարիամ  
 51 նստէր անդէն ի տան։ Ասէ Մարթա  
 ցՅիսուս, Տէր, եթէ աստ լեալ էիր,  
 52 եղբայրն իմ չէր մեռեալ։ Այլ եւ արդ  
 գիտեմ եթէ զոր ինչ խնդրեսցես յԱս-  
 53 տուծոյ՝ տացէ քեզ Աստուած։ Ասէ  
 ցնա Յիսուս, Յարիցէ եղբայրն քո։  
 54 Ասէ ցնա Մարթա, Գիտեմ զի յարիցէ  
 55 ի յարութեան՝ յաւուրն յետնում։ Ասէ  
 ցնա Յիսուս, Ես իսկ եմ յարութիւն  
 եւ կեանք։ որ հաւատայ յիս, թէպէտ  
 56 եւ մեռանի, կեցցէ։ Եւ ամենայն որ  
 կենդանի է եւ հաւատայ յիս՝ մի՛ մեռ-  
 57 յի ի յաւիտեան։ հաւատա՛մ այսմիկ։  
 58 Ասէ ցնա, Այո, Տէր, ես հաւատացի  
 եթէ դու ես Քրիստոսն, Որդի Աստու-  
 59 ծոյ, որ յաշխարհ գալոց էիր։ Եւ զայս  
 իբրեւ ասաց, զնաց եւ կոչեաց զՄա-  
 60 թիամ, զքոյր իւր, լոնկայն եւ ասէ,  
 վարդապետն եկեալ է եւ կոչէ զքեզ։  
 61 Նա իբրեւ լուաւ, յարեաւ վաղվաղակի  
 62 եւ եկն առ նա։ Զեւ եւս էր եկեալ  
 Յիսուս ի գեղն, այլ էր անդէն ի տեղ-  
 63 ւոջն ուր ընդ առաջ եղեւ նմա Մար-  
 64 թա։ Իսկ Հրեայքն որ էին ընդ նմա  
 ի տան անդ եւ մխիթարէին զնա, իբ-  
 65 րեւ տեսին զՄարիամ թէ յարեաւ վաղ-  
 վաղակի եւ զնաց, զնացին եւ նոքա  
 զհետ նորա, համարէին թէ ի գիրևզ-  
 66 մանն երթայ զի լացցէ անդ։ Իսկ Մա-  
 67 թիամ իբրեւ եկն ուր էրն Յիսուս եւ  
 ետես զնա, անկաւ առ ոտս նորա եւ  
 68 ասէ, Տէր, եթէ աստ էիր գիպեալ,  
 69 ոչ էր մեռեալ եղբայրն իմ։ Յիսուս  
 իբրեւ ետես զնա զի լայր, եւ որ ընդ  
 նմայն էին Հրեայքն՝ լային, խոռվեցաւ։  
 70 Եւ յոգի իւր իբրեւ զայրացեալ, Եւ ասէ,  
 Ո՛ւր եգիք զնա։ ասեն ցնա, Տէր,

<sup>1</sup> Ունի, հաւատասցիք <sup>2</sup> Ի Յոանն 4-1-ով  
<sup>3</sup> Բաւաւ, յո-իւն, արգարի



44 Է՛. Եւ Յիսուս աղաղակէր եւ ասէր,  
Որ հաւատայ յիս՝ ոչ հաւատայ յիս,  
45 այլ յայն որ առաքեացն զիս։ Եւ որ  
տեսանէ զիս՝ զայն տեսանէ որ առա-  
46 քեացն զիս։ Եւ յոյս յաշխարհ եկի, զի  
ամենայն որ հաւատայ յիս՝ ի խաւարի  
47 մի՛ մնացէ։ Եւ եթէ ոք լուիցէ բանից  
իմոց եւ ոչ պահեսցէ, ես ոչ դատիմ  
զնա։ քանզի ոչ եկի թէ դատեցայց  
զաշխարհ, այլ զի փրկեցից զաշխարհ։  
48 Որ անարգէ զիս եւ ոչ ընդունի զբանս  
իմ, գոյ որ դատի զնա։ բանն զոր ես  
խօսեցայ, նա դատի զնա յաւուրն յետ-  
49 նուա։ Զի ես յանձնէ իմմէ ոչ խօսե-  
ցայ, այլ որ առաքեացն զիս Հայր, նա  
եւ ինձ պատուէր զինչ ասացից եւ  
50 զինչ խօսեցայց։ Եւ գիտեմ եթէ պատ-  
ուէրն այն կեանք են յաւիտենականք.  
արդ զոր են խօսիմ, որպէս ասաց ինձ  
Հայրն, այնպէս խօսիմ։

ԳԼ. ԺԳ

1 Է՛. Եւ առաջագոյն քան զտօնն զատկի  
զիտաց Յիսուս թէ հասեալ է Ժամնո-  
րա զի փոխեացի յաշխարհէ աստի առ  
Հայր, սիրեաց զիւրան որ յաշխարհի  
աստ են, ի սպառ սիրեաց զնոսա։  
2 Եւ ի լինել ընթրեացն (Սատանայի  
իսկ արկեալ էր ի սիրտ, զի մատնեացէ  
զնա, Յուդայ Սիմոնի Իսկարիովտա-  
3 ցւոյ) Գիտաց Յիսուս զի զամենայն ինչ  
ետ Հայր ի ձեռս նորա, եւ թէ յԱս-  
տուծոյ ել եւ առ Աստուած երթայ,  
4 Յառնէ յընթրեաց անտի եւ զնէ զհան-  
դերձան, եւ առեալ զենջակ մի սիւա-  
5 ծաւ, Եւ ապա առեալ ջուր արկ ի  
կոնք, եւ սկսաւ լուանալ զոտս աշա-  
կերտացն, եւ սրբէր զենջակաւն զոր  
6 սփածեալ էր, Գայ առ Սիմոն Պետրոս.  
Եւ նա ասէ ցնա, Տէր, դո՛ւ զիմ զոտս  
7 լուանաս։ Պատասխանի ետ նմա Յի-  
սուս եւ ասէ, Զոր ինչ եսս գործեմ՝  
դու այժմ ոչ գիտես։ բայց ապա զի-  
8 տասիր։ Ասէ ցնա Պետրոս, Ոչ լու-  
ացես զոտս իմ յաւիտեան։ պատաս-  
խանի ետ նմա Յիսուս, Եթէ ոչ լուա-  
ցից զքեզ, ոչ ունիս ընդ իս մասն,  
9 Ասէ ցնա Սիմոն Պետրոս, Տէր, մի՛  
միայն զոտս իմ, այլ եւ զձեռս եւ  
10 զգլուխ։ Ասէ ցնա Յիսուս, Լուացե-  
լոյն չէ ինչ պիտոյ, բայց զի զոտսն

լուանայցէ, քանզի ամենեւին սուրբ է.  
եւ դուք սուրբ էք, այլ ոչ ամենեքին։  
11 Զի գիտէր զայն որ մատնելոցն էր զնա-  
վասն այնորիկ ասաց թէ Ոչ ամենեքին  
12 սուրբ էք։ Եւ յորժամ լուաց զոտս  
նոցա, ա՛ռ զհանդերձան իւր եւ դար-  
ձեալ բազմեցաւ, եւ ասէ ցնոսա, Գի-  
13 տէ՛ք զինչ արարիդ ձեզ. Դուք կոչէք  
զիս Վարդապետ եւ Տէր, եւ բարւոք  
14 ասէք, քանզի եմ իսկ։ Իսկ արդ եթէ  
ես լուացի զոտս ձեր, Տէրս եւ Վար-  
դապետս, եւ դուք պարտիք զմիմեանց  
15 ոտս լուանալ։ Զի օրինակ մի ետու-  
ձեզ, զի որպէս ես ձեզ արարի, եւ  
դուք առնիջիք։  
16 Է՛. Ամէն ամէն ասեմ ձեզ, Ոչ է  
ծառայ մեծ քան զտէր իւր, եւ ոչ ա-  
ռաքեալ՝ մեծ քան զայն որ առաքեացն  
17 զնա։ Եթէ զայս գիտէք, երանելի եւս  
18 էք, եթէ առնիցէք զայս։ Ոչ վասն ա-  
մենեցուն ձեր ասեմ, զի ես գիտեմ  
զորս ընտրեցիդ. այլ զի լցցի գիրն թէ  
Որ ուտէր ընդ իս հաց՝ արար ինձ խա-  
19 բէութիւն։ Եւ այսմեմ իսկ ասեմ ձեզ  
մինչեւ. եղևալ, զի յորժամ լինիցի,  
20 հաւատասցիք թէ ես եմ, Ամէն ամէն  
ասեմ ձեզ, Որ ընդունի զոր ոք ես ա-  
ռաքեցից զիս ընդունի. եւ որ զիս ըն-  
դունի՝ ընդունի զայն որ առաքեացն  
զիս։  
21 Զայս իբրեւ ասաց Յիսուս, խռովե-  
ցաւ յոգի իւր, վկայեաց եւ ասէ, Ա-  
մէն ամէն ասեմ ձեզ զի մի ոմն ի ձէնջ  
22 մատնելոց է զիս։ Հայէին ընդ միմ-  
եանս աշակերտքն տարակուսեալք թէ  
23 զումէ՛ ասիցէ։ Եւ էր մի ոմն յաշա-  
կերտացն բազմեալ առ Յիսուսիւ, զոր  
24 սիրէրն Յիսուս։ Ակնարկէ նմա Սի-  
մոն Պետրոս հարցանել, ո՛վ իցէ վասն  
25 որոյ ասէն։ Եւ նա անկեալ զլանջօքն  
26 Յիսուսի՝ ասէ ցնա, Տէր, ո՛վ է։ Պա-  
տասխանի ետ Յիսուս եւ ասէ, Այն է,  
որում ես թացից զպատառն եւ տաց.  
եւ թացեալ զպատառն տայ Յուդայի  
27 Իսկարիովտացւոյ։ Եւ յետ պատառոյն  
ապա եմուտ ի նա Սատանայ. եւ ասէ  
ցնա Յիսուս, Արդ որ զինչ առնելոց  
28 ես՝ արա վաղվաղակի։ Եւ զայս ոչ ոք  
իմացաւ ի բազմականաց անտի, թէ  
29 առ ինչ ասաց ցնա։ Զի ոմանք հա-

մարէին թէ զի զարկոն ունէր Յուդա, ասաց նմա Յիսուս, Գնեա ինչ որ պիտոյ իցէ մեզ ի տօնիս, եւ կամ, զի 30 աղքատաց ինչ տացէ: Իսկ նորա առեալ զպատառն՝ եւ արտաքս վաղվաղակի, եւ էր գիշեր:

31 Էջ. Եւ իբրեւ ել, ասէ Յիսուս, Այժմ փառաւորեցաւ Որդի մարդոյ, եւ Աստուած փառաւորեցաւ ի նմա:

32 Զի եթէ Աստուած փառաւորեցէ զնա յանձն իւր. եւ վաղվաղակի փառաւորեցէ զնա, Որդեակք իմ, փոքր ինչ ժամանակ ընդ ձեզ եմ. խնդրիցէք զիս. եւ որպէս ասացի ցՀրեայսն եթէ Ուր եսն երթամ, դուք ոչ կարէք գալ, եւ 34 արդ ձեզ ասեմ. Պատուիրաննոր տամ ձեզ, զի սիրիցէք զմիմեանս. որպէս սիրեցի ես զձեզ, զի եւ դուք սիրես:

35 Վիք զմիմեանս. Յայսմ գիտասցեն ամենեքեան եթէ իմ աշակերտք էք, եթէ 36 սիրիցէք զմիմեանս: Ասէ ցնա Սիմոն Պետրոս, Տէր, յո՞վ երթաս: Պատասխանի ետ Յիսուս, Ուր եսն երթամ՝ դու ոչ կարես այժմ գալ զկնի իմ, բայց 37 ապա եկեսցես զկնի իմ: Ասէ ցնա Պետրոս, Տէր, ընդէ՞ր ոչ կարիցեմ գալ այժմ զկնի քո, արդէն զանձն իմ իսկ 38 եղից ի վերայ քո: Պատասխանի ետ Յիսուս, Զանձն քո զիցես ի վերայ իմ. ամէն ամէն ասեմ քեզ, Զեւ իցէ հաւու խօսեալ, մինչ դու երիցս ուրասցիս զիս:

## ԳԼ. ԺԴ

1 Մի՛ խռովեսցին սիրտք ձեր. այլ հաւատացէք յԱստուած եւ յիս հաւատացէք: Ի տան Հօր իմոյ օթեվանք բազում են. ապա թէ ոչ ասացեալ էր իմ ձեզ, 1 Նթէ երթամ, եւ պատրաստեմ ձեզ տեղի: Եւ եթէ երթամ եւ պատրաստեմ ձեզ տեղի, դարձեալ գամ եւ առնում զձեզ առ իս. զի ուր եսն իցեմ, եւ դուք անդ իցէք: Եւ ուր երթամն՝ գիտիցէք, եւ զճանապարհն գիտիցէք:

3 Ասէ ցնա Թովմաս, Տէր, ոչ գիտեմք յո՞ երթաս, եւ զխաբէր զճանապարհն կարասցուք գիտել: Ասէ ցնա

Յիսուս, Ես եմ ճանապարհն եւ ճշմարտութիւն եւ կեանք. ոչ ոք զայ 7 առ Հայր եթէ ոչ ինեւ: Եթէ զիս գիտէիք, ապա եւ զՀայր իմ գիտէիք, եւ այսուհետեւ գիտասցիք զնա եւ տեսէք զնա:

8 Ասէ ցնա Փիլիպպոս, Տէր, ցոյց մեզ զՀայր, եւ շատ է մեզ: Ասէ ցնա Յիսուս, Այսչափ ժամանակս ընդ ձեզ եմ, եւ ոչ ծանեար զիս, Փիլիպպէ. որ ետեսն զիս՝ ետես զՀայրն. եւ դու գիտի՞ր ասես եթէ ցոյց մեզ զՀայր:

10 Ո՞չ հաւատաս եթէ ես ի Հայր եւ Հայր յիս է. դրանս զոր ես խօսիմ ընդ ձեզ, ոչ եթէ յանձնէ ինչ խօսիմ, այլ Հայրն որ յիս բնակեալ է՝ նա գործէ զգործսն:

11 2 Հաւատա՞յք ինձ, եթէ ես ի Հայր եւ Հայր յիս է. ապա թէ ոչ գոնէ վասն 12 գործոցն հաւատացէք ինձ: Ամէն ամէն ասեմ ձեզ թէ որ հաւատայն յիս, զգործսն զոր ես գործեմ, եւ նա գործեցէ, եւ մեծամեծս եւս քան զնոյնս գործեցէ. զի ես առ Հայր երթամ:

13 Եւ զոր ինչ խնդրիցէք յանուն իմ՝ աւարից զայն, զի փառաւորեսցի Հայր յՈրդի: 3

15 ԸՎ. Եթէ սիրէք զիս, զպատուիրանս իմ պահեալիք: Եւ ես աղաչեցից զՀայր, եւ այլ Միսիթարիչ տացէ ձեզ, զի ընդ ձեզ բնակեսցէ ի յաւիտեան. 2 Հոգին ճշմարտութեան զոր աշխարհս ոչ կարէ ընդունել, զի ոչ տեսանէ զնա եւ ոչ ճանաչէ զնա. բայց դուք ճանաչէք զնա, զի առ ձեզ բնակեսցէ եւ ընդ ձեզ եղիցի: Ոչ Թողից 19 զձեզ որքս, գամ առ ձեզ: Փոքր մեւս եւս՝ եւ աշխարհս ոչ եւս տեսանէ զիս, բայց դուք տեսանիցէք զիս, զի ես կենդանի եմ, եւ դուք կենդանի լինեցիցէք: Եսնմ աւուր գիտասցիք դուք, զի ես ի Հօր իմում, եւ դուք յիս, եւ 21 ես ի ձեզ: Որ ունի զպատուիրանս իմ եւ պահէ զնոսա՝ նա է որ սիրէ զիս. եւ որ սիրէն զիս՝ սիրեսցի ի Հօրէ իմմէ. եւ ես սիրեցից զնա, եւ երեւեցուցից նմա զիս:

22 Ասէ ցնա Յուդա (ոչ Իսկարիովտացին), Տէր, զի՞ եղեւ զի մեզ յայտնելոց 23 ես զքեզ եւ ոչ աշխարհի: Պատասխանի

1 ի բազմա՝ Պանդի. յանա գաւառ

2 Գ. Բ. Զ. Հաւատացէք  
3 Բազմա՝ յանա, (14) Եթէ խնդրիցէք ինչ յանուն իմ՝ արարից զայն:

և առ Յիսուս եւ առ էջնա, Եթէ ոք սիրէ  
զիս, զքանն իմ պահեսցէ, եւ Հայր իմ  
սիրեսցէ զնա. եւ առ նա եկեսցուք  
24 եւ օթեմանս առ նմա արասցուք. Եւ  
որ ոչն սիրէ զիս՝ զքանն իմ ոչ պահէ.  
եւ քանն իմ զոր լսէք՝ ոչ է իմ, այլ  
25 Հօրն որ առաքեացն զիս: Զայս խօ-  
սեցայ ընդ ձեզ, մինչ առ ձեզս եմ:  
26 Իսկ Մխիթարիչն, Հոգին Սուրբ, զոր  
առաքեսցէ Հայր յանուն իմ, նա ու-  
սուցէ ձեզ զամենայն, եւ յիշեցուցէ  
27 զամենայն զոր ինչ ասացի ձեզ: Խա-  
ղաղութիւն թողում ձեզ, զխաղաղու-  
թիւն զիմ ասամ ձեզ. ոչ որպէս աշ-  
խարհս ապ, ասամ ես ձեզ. մի՛ խառ-  
վեսցին սիրաք ձեր եւ մի՛ զանգիտես-  
28 ցեն: Լուայք զի ասացի ես ձեզ թէ  
Երթամ եւ գամ առ ձեզ. եթէ սիրէիք  
զիս, ապա ուրախ լիակ էր ձեր եթէ  
ես առ Հայր երթամ, զի Հայր իմ մեծ  
29 է քան զիս: Եւ այժմ ասացի ձեզ  
մինչեւ եղեալ, զի յորժամ լինիցի,  
30 հաւատաւորիք: Ոչ եւս այլ շատ խօսե-  
ցայց ընդ ձեզ. զայ իշխան աշխարհիս  
31 այսորիկ եւ յիս ինչ ոչ գտանէ: Այլ  
զի ծանիցէ աշխարհ եթէ սիրեմ զՀայր.  
եւ որպէս պատուիրեաց ինձ Հայր,  
այնպէս առնեմ. օ՛ն արիք զնապոք  
աստի:

## ԳԼ. ԺԵ

1 Ես եմ որթն էջմարիտ, եւ Հայր իմ  
2 մշակ է: Ամենայն ուս որ յիս է եւ ոչ  
բերէ պտուղ՝ կտրէ զնա. եւ ամենայն  
որ բերէ պտուղ՝ սրբէ զնա, զի առա-  
3 ւել եւս պաղարեւ լիցի: Դուք արգէն  
իսկ սուրբ էք վասն բանին զոր խօսե-  
4 ցայ ընդ ձեզ. կացէք յիս եւ ես ի ձեզ.  
որպէս ուրն ոչ կարէ պտուղ բերել  
յանձնէ իւրմէ, եթէ չիցէ հաստատեալ  
յորթն, նոյնպէս եւ դուք եթէ ոչ յիս  
5 հաստատեալ լիցէք: Ես եմ որթ եւ դուք  
ուր. որ հաստատեալ է յիս եւ ես ի նա,  
նա բերէ պտուղ յոյժ. զի առանց իմ  
6 ոյնչ կարէք առնել: Եթէ ոք ոչ է  
հաստատեալ յիս, ել նա արտաքս իւ-  
րեւ զուռն եւ ցամաքեցաւ, եւ ժողո-  
վեն զնա եւ ի հուր արկանեն, եւ այրի-  
7 Եթէ կայցէք յիս եւ բանք իմ ի ձեզ  
կայցեն, զոր ինչ կամիցիք՝ խնդրե-  
8 լիք, եւ լինիցի ձեզ: Յայսմիկ փառա-

ւորեցաւ Հայր իմ, զի պտուղ յոյժ բե-  
րիցէք, եւ եղիլիք իմ աշակերտք:  
9 Որպէս սիրեաց զիս Հայր, եւ ես  
սիրեցի զձեզ. հաստատուն կացէք ի  
10 սէր իմ: Եթէ պահիցէք զպատուիրանս  
իմ, կացլիք ի սէր իմ. որպէս ես  
զպատուիրանս Հօր իմոյ պահեցի, եւ  
11 կամ ի սէր նորա: Զայս խօսեցայ ընդ  
ձեզ, զի ուրախութիւնն իմ ի ձեզ իցէ,  
եւ ձեր ուրախութիւնն լցեալ եղիցի:  
12 Այս է պատուէր իմ, զի սիրեալիք  
զմիմեանս, որպէս եւ ես սիրեցի զձեզ:  
13 Մեծ եւս քան զայս սէր ոչ ոք ունի,  
եթէ զանձն իւր զիցէ ի վերայ բարե-  
14 կամաց իւրոց: Դուք բարեկամք էք  
իմ, եթէ անիցէք զոր եմս պատուի-  
15 րեմ ձեզ: Ոչ եւս կոչեմ զձեզ ծառայա,  
զի ծառայն ոչ գիտէ զինչ զործէ ատեն  
նորա. այլ զձեզ կոչեցի բարեկամս,  
զի զամենայն զոր լուայ ի Հօրէ իմմէ՝  
16 ծանուցի ձեզ: Ոչ եթէ դուք ընտրե-  
ցէք զիս, այլ ես ընտրեցի զձեզ, եւ եղի  
զձեզ զի դուք երթայցէք եւ պտղա-  
բերք լինիցիք, եւ պտուղն ձեր կաց-  
ցէ, եւ զոր ինչ խնդրիցէք ի Հօրէ իմմէ  
17 յանուն իմ՝ ասցէ ձեզ: Զայս պատ-  
ուիրեմ ձեզ զի սիրեալիք զմիմեանս:  
18 Եթէ աշխարհ զձեզ ատեալ, զիտա-  
19 յիք զի նախ զիս ատեաց: Եթէ յաշ-  
խարհէ աստի էիք, աշխարհ զիւրն սի-  
րէր արդեւք. բայց զի չէք յաշխարհէ,  
այլ ես ընտրեցի զձեզ յաշխարհէ, վասն  
20 այնորիկ ատեալ զձեզ աշխարհ: Յիշե-  
ցէք զքանն զոր ասացի ձեզ, թէ Ոչ է  
ծառայ մեծ քան զտէր իւր. եթէ զիս  
հալածեցին, ապա եւ զձեզ հալածե-  
ցեն. եթէ զքանն իմ պահեցին, ապա  
21 եւ զձերն պահեսցեն: Այլ զնոյնս ա-  
րասցեն ընդ ձեզ վասն անուան իմոյ,  
զի ոչ գիտեն զայն որ առաքեացն զիս:  
22 Իմ եթէ չէր եկեալ եւ խօսեցեալ ընդ  
նոսա, մեզ ինչ ոչ գոյր նոցա. բայց  
արդ չիք ինչ պատահաք վասն մեզաց  
23 իւրեանց: Որ զիս ատեալ, եւ զՀայրն  
24 իմ ատեալ: Եթէ զգործոն չէր գործեալ  
ի նոսա, զոր ոչ այլ ոք գործեաց, մեզ  
ինչ ոչ գոյր նոցա, բայց արդ տեսին  
եւ ատեցին եւ զիս եւ զՀայր իմ:  
25 Այլ զի 189ի բանն որ յօրէնս նոցա  
գրեալ է թէ՛ Ատեցին զիս ասարազոր-  
26 րիչն զոր ես առաքեցիք ձեզ ի Հօրէ,

զՀոգին ճշմարտութեան որ ի Հօրէ  
21 երանէ, նա վկայեցէ վասն իմ. Եւ  
դուք վկայէք, զի ի սկզբանէ ընդ իս  
էք:

## ԳԼ. ԺԶ

1 Զայս խօսեցայ ընդ ձեզ՝ զի մի՛ գայ-  
2 թակղես՛ջիք: Ի ժողովրդոց իւրեանց  
հանիցեն զձեզ. այլ եկեցէ ժամանակ  
զի ամենայն որ սպանանիցէ զձեզ՝ հա-  
մարիցի պաշտօն մատուցանել Աստու-  
3 ծոյ. Եւ զայն արասցեն ընդ ձեզ,  
քանզի ոչ ծանեան զՀայր եւ ոչ զիս:  
4 Այլ եւ զայս խօսեցայ ընդ ձեզ, զի յոր-  
ժամ եկեցէ ժամանակ, յիշիցէք թէ  
ես ասացի ձեզ. զայս ի սկզբանէ ոչ  
ասացի ձեզ, քանզի ընդ ձեզ էի:  
5 Բայց արդ երթամ ես առ առաքիչն  
իմ, եւ ոչ ոք ի ձէնջ հարցանէ ցիս թէ  
6 Յո՞ երթաս: Այլ զի զայս խօսեցայ ընդ  
ձեզ, տրտմութիւն ելից զսիրտս ձեր:  
7 Այլ ես զճշմարիտն ասեմ ձեզ, լաւ է  
ձեզ եթէ ես երթամ. զի եթէ ես ոչ  
երթայց, Միխիթարիչն ոչ եկեցէ առ  
ձեզ. ապա եթէ երթամ, առաքեցից  
8 զնա առ ձեզ: Եւ նա եկեալ՝ յանդի-  
մանեցէ զայսարն՝ վասն մեղաց եւ  
վասն արդարութեան եւ վասն դա-  
9 տաստանի: Վասն մեղաց՝ զի ոչ հա-  
10 ւատան յիս. Վասն արդարութեան՝ զի  
առ Հայր իմ երթամ, եւ ոչ եւս տե-  
11 սանէք զիս. Վասն դատաստանի՝ զի  
իշխան աշխարհիս այսորիկ դատապար-  
12 տեալ է: Եւս բազում ինչ ունիմ ասել  
ձեզ, այլ ոչ կարէք հանդարտել այժ-  
13 միկ. Յորժամ եկեցէ նա, Հոգին ճշ-  
մարտութեան, առաջնորդեցէ ձեզ ա-  
մենայն ճշմարտութեամբ. զի ոչ եթէ  
յանձնէ ինչ խօսիցի, այլ զոր լիցէ  
խօսիցի, եւ զգալոցն պատմեցէ ձեզ:  
14 Նա զիս փառաւորեցէ, զի յիմէ անտի  
15 առնուցու եւ պատմեցէ ձեզ: Զամե-  
նայն ինչ զոր ունի Հայր՝ իմ է. վասն  
այնորիկ ասացի ձեզ թէ յիմէ անտի  
16 առնուցու եւ պատմեցէ ձեզ: Փոքր  
մի՛ եւ ոչ եւս տեսանէք զիս, եւ ապա  
սակաւիկ մի՛ եւ տեսանիցէք զիս, եւ  
ես երթամ առ Հայր:  
17 Ասէին ոմանք յաշակերտաց անտի  
ցմիմեանս, Զինչ է այս զոր ասէս ցմիդ  
թէ Փոքր մի՛ եւ ոչ տեսանէք զիս, եւ

զարձեալ սակաւիկ մի՛ եւ տեսանիցէք  
18 զիս, եւ թէ ես առ Հայր երթամ. Եւ  
ասէին, Զինչ իցէ այն Փոքր մեւ  
19 եւսն. չգիտեմք զի՛նչ խօսի: Գիտաց  
Յիսուս եթէ կամէին ցնա հարցանել,  
եւ ասէ ցնոսա, Վասն այդորիկ խնդրէք  
ընդ միմեանս զի ասացի թէ Փոքր մի՛  
եւ ոչ տեսանէք զիս, եւ զարձեալ սա-  
կաւիկ մեւս եւս՝ եւ տեսանիցէք զիս:  
20 Ամէն ամէն ասեմ ձեզ, զի լաց՛ջիք եւ  
ողբաս՛ջիք դուք, եւ աշխարհ խնդաս-  
ցէ. դուք տրտմեա՛ջիք, այլ տրտմու-  
21 թիւն ձեր յուրախութիւն եղիցի: Կին  
յորժամ ծնանիցի, տրտմութիւն է նմա,  
զի հասեալ է ժամ նորա. այլ յորժամ  
ծնցի զամանուկն, ոչ եւս յիշէ զնեղու-  
թիւնն վասն խնդութեանն, զի ծնաւ  
22 մարդ յաշխարհ: Եւ դուք այժմ տրտ-  
մութիւն ունիք, այլ զարձեալ տեսից  
զձեզ, եւ ուրախ լիցին սիրտք ձեր.  
եւ զուրախութիւնն ձեր ոչ ոք հանիցէ  
23 ի ձէնջ. Եւ յայնմ աւուր զիս ինչ ոչ  
հարցանիցէք: Ամէն ամէն ասեմ ձեզ,  
զի զոր ինչ խնդրիցէք ի Հօրէ իմմէ յա-  
24 նուն իմ՝ տացէ ձեզ: Մինչեւ ցայժմ  
ոչինչ խնդրեցէք յանուն իմ. խնդրե-  
ցէք եւ առնուցուք, զի ուրախու-  
25 թիւնն ձեր լցեալ եղիցի: Զայս առա-  
կօք խօսեցայ ընդ ձեզ. եկեցէ ժա-  
մանակ յորժամ ոչ եւս առակօք խօսե-  
ցայց ընդ ձեզ, այլ յայտնապէս զՀօրէ  
26 պատմեցից ձեզ: Յայնմ աւուր խնդ-  
րես՛ջիք յանուն իմ. եւ ոչ ասեմ ձեզ  
եթէ ես աղաչեցից զՀայր վասն ձեր.  
27 Զի ինքն իսկ Հայր սիրէ զձեզ, զի  
դուք զիս սիրեցէք, եւ հաւատացէք  
28 եթէ ես յԱստուծոյ ելի: Ելի ի Հօրէ  
եւ եկի յաշխարհ, զարձեալ թողում  
զայսարն եւ երթամ առ Հայր:  
29 Ասեն ցնա աշակերտքն, Ահա արդ  
յայտնութեամբ խօսիս, եւ առակ եւ  
30 ոչ մի ինչ ասես: Այժմիկ գիտեմք եթէ  
գիտես զամենայն, եւ ոչինչ պիտոյ է  
եթէ ոք հարցանիցէ զքեզ. յայսմիկ հա-  
31 ւատամք եթէ յԱստուծոյ ելեր: Պա-  
տասխանի ետ նոցա Յիսուս եւ ասէ,  
32 Այժմ հաւատա՛ջք. Ահա եկեցէ ժամ  
եւ եկեալ իսկ է, զի ցրուես՛ջիք յիւ-  
րաքանչիւր տեղիս, եւ զիս միայն թո-  
ղուցուք. եւ չեմ միայն, զի Հայր ընդ  
33 իս է: Զայս խօսեցայ ընդ ձեզ, զի ընդ  
իս խաղաղութիւն ունիցիք. յաշխարհի

աստ նեղութիւն ունիցիք, այլ քաջա-  
լերեցարուք, զի ես յաղթեցի աշխարհի:

## ԳԼ. ԺԷ

- 1 Ձայս իբրեւ խօսեցաւ Յիսուս, ամ-  
բարձ զաչս իւր յերկինս եւ ասէ, Հայր,  
հասեալ է ժամ, փառաւորեա զՈրդի  
քո, զի եւ Որդի քո փառաւորեացէ  
2 զքեզ: Որպէս ետուր նմա իշխանու-  
թիւն ամենայն մարմնոյ, զի ամենայնի  
զոր ետուր նմա՝ տացէ զկեանսն յա-  
3 խտենականս: Այս եւ յաւիտենական  
կեանք, զի ծանիցեն զքեզ միայն ճշ-  
մարիտ Աստուած, եւ զոր առաքեցեր  
4 զՅիսուս Քրիստոս: Ես զքեզ փառա-  
ւորեցի յերկրի. զգործն կատարեցի  
5 զոր ետուր ցիս զի արարից: Եւ այժմ  
փառաւորեա զիս, Հայր, առ ի քէն  
փառօքն զոր ունէի յառաջ քան զլինելն  
6 աշխարհի առ ի քէն: Յայտնեցի զա-  
նուն քո մարդկան զորս ետուր ինձ  
յաշխարհէ. քո էին, եւ ինձ ետուր  
7 զնոսա, եւ զբանն քո պահեցին: Արդ  
զիտացին եթէ զամենայն ինչ զոր ե-  
8 տուր ինձ՝ ետուր նոցա. Եւ՝ նոքա ըն-  
կալան եւ ծանեան ճշմարտութեամբ  
թէ առ ի քէն ելի, եւ հաւատացին  
9 եթէ դու առաքեցեր զիս: Արդ ես վասն  
նոցա աղաչեմ. եւ ոչ վասն աշխարհի  
աղաչեմ, այլ վասն նոցա զորս ետուրն  
10 ինձ, զի քո են: Եւ որ ինչ իմ է՝ ա-  
մենայն քո է. եւ որ ինչ քո է՝ այն  
իմ է, եւ փառաւորեալ եմ ի նոսա:  
11 Եւ ես ոչ եւս եմ յաշխարհի, եւ նոքա  
յաշխարհի են, եւ ես առ քեզ գամ.  
Հայր սուրբ, պահեա զնոսա յանուն  
քո, <sup>2</sup>որով ետուրն ինձ, զի եղիցին  
12 մի, որպէս եւ մեք մի եմք: Մինչ էի  
<sup>3</sup>յաշխարհի ընդ նոսա, ես պահէի զնո-  
սա յանուն քո, <sup>2</sup>որով ետուրն ինձ,  
եւ պահեցի. եւ ոչ ոք ի նոցանէ կոր-  
եաւ, բայց որդին կորստեան, զի զիրն  
13 լցցի: Բայց արդ առ քեզ դամ, եւ զայս  
խօսիմ յաշխարհի, զի ունիցին զուրա-  
խութիւնն իմ լիով յանձնին իւրեանց:  
14 Ես ետուր նոցա զբանն քո, եւ աշ-  
խարհս ատեաց զնոսա. զի չեն յաշ-

- խարհէ, որպէս եւ ես չեմ յաշխարհէ:  
15 Ոչ զայս աղաչեմ զի բարձցես զնոսա  
յաշխարհէ, այլ զի պահեսցես զնոսա  
16 ի չարէ: Յաշխարհէ աստի չեն, որպէս  
17 եւ ես չեմ յաշխարհէ: Սուրբ արա  
զնոսա ճշմարտութեամբ քով, զի քո  
18 բանդ ճշմարտութիւն է: Որպէս զիս  
առաքեցեր յաշխարհ, եւ ես առաքեցի  
19 զնոսա յաշխարհ: Եւ ի վերայ նոցա ես  
սուրբ առնեմ զանձն իմ, զի եղիցին  
եւ նոքա սրբեալք ճշմարտութեամբ:  
20 Այլ ոչ վասն նոցա միայն աղաչեմ, այլ  
եւ վասն ամենայն հաւատացելոց բա-  
21 նիւն նոցա յիս. Ձի ամենեքին մի  
իցեն, որպէս դու, Հայր, յիս, եւ ես  
ի քեզ, զի եւ նոքա ի մեզ իցեն: զի  
եւ աշխարհ հաւատացեց եթէ դու ա-  
22 ռաքեցեր զիս: Եւ ես զփառսն զոր  
ետուր ինձ՝ ետուր նոցա, զի իցեն մի,  
23 որպէս եւ մեք մի եմք: Ես ի նոսա,  
եւ դու յիս, զի եղիցին կատարեալք  
ի մի. եւ զիտացէ աշխարհ եթէ դու  
առաքեցեր զիս. եւ սիրեցի զնոսա,  
24 որպէս դու զիս սիրեցեր: Հայր, զորս  
ետուրն ինձ, կամիմ զի ուր ենն եմ,  
եւ նոքա իցեն ընդ իս, զի տեսանիցեն  
զիառան զիմ զոր ետուրն ցիս. զի սի-  
րեցեր զիս յառաջ քան զլինելն աշ-  
25 խարհի: Հայր արդար, եւ աշխարհ  
զքեզ ոչ ծանեաւ, այլ ես զքեզ ծա-  
նեայ. եւ նոքա ծանեան եթէ դու ա-  
26 ռաքեցեր զիս: Եւ ծանուցի նոցա զա-  
նուն քո եւ ծանուցից. զի սէրն զոր  
սիրեցեր զիս՝ ի նոսա իցէ, եւ ես ի  
նոսա:

## ԳԼ. ԺԸ

- 1 Ձայս իբրեւ ասաց Յիսուս, եւ աշա-  
կերտօքն հանդերձ յայնկոյս ձորոյն  
Կեղրովի, ուր էր պարտէզ, յոր ե-  
2 մուտ ինքն եւ աշակերտքն իւր: Գի-  
տէր եւ Յուդա որ զնայն մատնելոց  
էր՝ զսեղիին, զի բազում անգամ ժո-  
ղովեալ էր անդր Յիսուսի աշակեր-  
3 տօքն հանդերձ: Եւ Յուդայի առեալ  
ընդ իւր զդուռնդ, եւ ի քանանայա-  
պետիցն եւ ի փարիսեցեաց սպասա-  
ւորս, գայ անդր ջահիւք եւ լապտե-  
4 քօք եւ զինուք: Իսկ Յիսուս իբրեւ  
ետեա զառն ամենայն եկեալ ի վերայ  
նորա, ի յաւիտենական զնոսա, զի չեն յաշ-

- 1 Ձայս իբրեւ ասաց Յիսուս, եւ աշա-  
կերտօքն հանդերձ յայնկոյս ձորոյն  
Կեղրովի, ուր էր պարտէզ, յոր ե-  
2 մուտ ինքն եւ աշակերտքն իւր: Գի-  
տէր եւ Յուդա որ զնայն մատնելոց  
էր՝ զսեղիին, զի բազում անգամ ժո-  
ղովեալ էր անդր Յիսուսի աշակեր-  
3 տօքն հանդերձ: Եւ Յուդայի առեալ  
ընդ իւր զդուռնդ, եւ ի քանանայա-  
պետիցն եւ ի փարիսեցեաց սպասա-  
ւորս, գայ անդր ջահիւք եւ լապտե-  
4 քօք եւ զինուք: Իսկ Յիսուս իբրեւ  
ետեա զառն ամենայն եկեալ ի վերայ  
նորա, ի յաւիտենական զնոսա, զի չեն յաշ-

<sup>1</sup> Եւ, ինձ՝ առ ի քէն եմ. (8) Ձի զբանն զորս  
ետուր ինձ՝ ետուր նոցա. եւ

<sup>2</sup> Եւ-լու-ի, զոր, այլ՝ զորս

<sup>3</sup> Ի Եւ-լու-ի, զորս

5 Պատասխանի ետուն նմա, ՁԵԽՈՒԼ  
 Նազովրեցի: Ասէ ցնոսա ՅԻՍՈՒԼ, Ես  
 եմ: Կայր ընդ նոսա եւ ՅՈՒՀԱ որ  
 6 մատնէրն զնա: Իբրեւ ասաց թէ Ես  
 եմ, յետս յետս չոգան եւ զարկան  
 7 զգետնի: Դարձեալ եհարց զնոսա, Ձո՞  
 խնդրէք: Եւ նոքա ասեն, ՁԵԽՈՒԼ  
 8 Նազովրեցի: Պատասխանի ետ նոցա  
 ՅԻՍՈՒԼ, Ասացի ձեզ թէ Ես եմ: արդ  
 եթէ զիս խնդրէք, թոյլ տուք դոցա  
 9 երթալ: Զի լցցի բանն զոր ասաց թէ  
 10 Զորս ետուրն ցիս՝ ոչ կորուսից ի նո-  
 11 ցանէ եւ ոչ զոք: Իսկ Սիմոն Պետ-  
 12 րոս քանզի ունէր սուր, ձգեաց զնա,  
 եհար զքահանայապետին ծառայ, եւ  
 13 ի բաց առ զուսկն նորա զաջոյ: Եւ էր  
 14 անունն ծառային Մաղքոս: Ասէ ՅԻՍՈՒԼ  
 15 ցՊետրոս, Արկ զսուրդ անդրէն ի պա-  
 տեանս իւր: զբաժակն զոր ետ ինձ  
 16 Հայր՝ ոչ ըմպիցեմ զնա:  
 17 Իսկ զուսկն եւ հազարապետն եւ  
 սպասաւորք Հրէիցն կալան զՅԻՍՈՒԼ  
 18 եւ կապեցին: Եւ ածին զնա նախ առ  
 Աննա որ էր աներ Կայիափայի, որ  
 19 քահանայապետն էր տարւոյն այնորիկ:  
 20 Այս այն Կայիափա էր որ խրատն ետ  
 Հրէից եթէ Լաւ է առն միում մեռա-  
 21 նել ի վերայ ժողովրդեանն: Եւ երթա-  
 22 յին զհետ ՅԻՍՈՒԼ Սիմոն Պետրոս  
 եւ մեւս աշակերտն: Եւ աշակերտն  
 այն, քանզի ծանօթ էր քահանայա-  
 23 պետին, եմուտ ընդ ՅԻՍՈՒԼ ի գաւիթ  
 24 քահանայապետին: Եւ Պետրոս կայր  
 առ դրանն արտաքոյ: Եւ մեւս աշա-  
 25 կերտն որ էր ծանօթ քահանայապե-  
 տին, եւ ասաց ցղոնապանն եւ եմոյծ  
 26 ի ներքս զՊետրոս: Ասէ աղջիկն որ  
 զոնապանն էր՝ ցՊետրոս, Միթէ եւ  
 27 դո՞ւ յաշակերտաց առնն այնորիկ իցես:  
 28 Եւ նա ասէ, Ոչ եմ: Կային անդ ծա-  
 29 ռայքն եւ սպասաւորք խարոյկ ար-  
 կեալ, քանզի ցուրտ էր, եւ ջեռնուին:  
 30 Կայր ընդ նոսա եւ Պետրոս եւ ջեռնույր:  
 31 Եւ քահանայապետն հարց զՅԻՍՈՒԼ  
 վասն աշակերտացն եւ վասն վարդա-  
 32 պետութեան նորա: Պատասխանի ետ  
 նմա ՅԻՍՈՒԼ, Ես յայտնապէս խօսե-  
 33 ցայ աշխարհի: Ես յամենայն ժամ ու-  
 սուցի ի ժողովրդեանն, եւ ի տաճարի  
 34 անդ ուր ամենայն Հրեայք ժողովեալ  
 35 էին, եւ ի ծածուկ ինչ ոչ խօսեցայ:  
 36 Զի հարցանես զիս, հարց զայնոսիկ

որ լուանն, թէ զինչ խօսեցայ ընդ նո-  
 սա: անաւասիկ նոքա գիտեն զինչ խօ-  
 22 սեցայ: Իբրեւ նա զայն ասաց, մի ոմն  
 ի սպասաւորացն որ անդ կայր, ած  
 ապտակ ՅԻՍՈՒԼ եւ ասէ, Այդպէս  
 պատասխանի տաս քահանայապետիդ:  
 23 Եւ ՅԻՍՈՒԼ ասէ ցնա, Եթէ չար ինչ  
 խօսեցայ, վկայեա վասն չարին, իսկ  
 24 եթէ բարի, ընդէր հարկանես զիս: Եւ  
 առաքեաց զնա Աննա կապեալ առ Կա-  
 25 յիափա քահանայապետ: Եւ Սիմոն  
 Պետրոս կայր անդ եւ ջեռնույր: ասեն  
 ցնա, Միթէ եւ դո՞ւ յաշակերտաց ան-  
 տի նորա իցես: Նա ուրացաւ եւ ասէ  
 26 թէ Չեմ: Եւ ասէ մի ոմն ի ծառայից  
 քահանայապետին, ազգական այնորիկ  
 զորոյ զուսկն եհատ Պետրոս, Ո՞չ ես  
 իսկ տեսի զքեզ ի պարտիդի անդ ընդ  
 27 նմա: Դարձեալ ուրացաւ Պետրոս, եւ  
 վաղվաղակի հաւ խօսեցաւ:  
 28 Եւ ածին զՅԻՍՈՒԼ ի վանացն Կայիա-  
 փայ յապարանս դատաւորին, եւ էր  
 այգուց: Եւ նոքա ոչ մտին յապա-  
 29 րանսն, զի մի՛ պղծեսցին, այլ զի ու-  
 տիցեն զզատիկն: Եւ առ նոսա Պի-  
 ղատոս արտաքս եւ ասէ, Զինչ չա-  
 րախօսութիւն մատուցանէք զառնէն  
 30 զայնմանէ: Պատասխանի ետուն եւ  
 ասեն ցնա, Եթէ չէր չարագործ այրն  
 այն, ապա ոչ մատնէաք զնա քեզ:  
 31 Ասէ ցնոսա Պիղատոս, Առէք զնա դուք,  
 եւ ըստ ձերոց օրինացն դատեցարուք:  
 Ասեն ցնա Հրեայքն, Միզ ոչ է արժան  
 32 սպանանել զոք: Զի լցցի բանն Յի-  
 սուսի զոր ասաց, Նշանակեալ թէ ու-  
 33 թով մահու մեռանելոյ իցէ: Եմուտ  
 միւսանգամ յապարանսն Պիղատոս,  
 կոչեաց զՅԻՍՈՒԼ եւ ասէ ցնա, Դո՞ւ  
 34 ես Թագաւորն Հրէից: Պատասխանի  
 ետ ՅԻՍՈՒԼ, Ի՞քէն ասես զայդ եթէ  
 35 այլք ասացին քեզ զինչն: Պատասխա-  
 նի ետ Պիղատոս, Միթէ եւ ես Հրեայ  
 իցեմ: ազգն քո եւ քահանայապետք  
 մատնեցին զքեզ ինձ: զինչ գործ գոր-  
 36 ծեալ է քո: Պատասխանի ետ ՅԻՍՈՒԼ,  
 Իմ արքայութիւն չէ յայսմ աշխարհէ:  
 եթէ յաշխարհէ աստի էր արքայու-  
 37 թիւնն իմ, սպասաւորքն իմ մարտըն-  
 չէին արդեւք զի մի՛ մատնեցայ չէից  
 բայց արդ Թագաւորութիւնն իմ չէ  
 աստի: Ասէ ցնա Պիղատոս, Ապա թէ  
 այդպէս իցէ, Թագաւոր ոմն ես դու:

Պատասխանի ետ Յիսուս, Դու ասես  
 թէ թագաւոր իցեմ. բայց ես յայդ իսկ  
 ծնեալ եմ, եւ ի դոյն իսկ եկեալ եմ  
 յաշխարհ, զի վկայեցից ճշմարտու-  
 թեանն. ամենայն որ ի ճշմարտութենէ  
 38 է՝ լսէ բարբառոյ իմոյ. Ասէ ցնա Պի-  
 ղատոս, Զի՞նչ է ճշմարտութիւն. Զայս  
 իրիւ. ասաց, դարձեալ ել առ Հրեայն  
 եւ ասէ ցնոսա, Ես եւ ոչ մի ինչ  
 39 պատճառս գտանեմ ի նմա. Բայց է ձեր  
 սովորութիւն, զի զմի ոք արձակեցից  
 ձեզ ի զատկիս. արդ կամի՞ք զի ար-  
 40 ձակեցից ձեզ զթագաւորն Հրէից. Ա-  
 ղաղակեցին ամենեքեան եւ ասէին,  
 Մի՛ զդա, այլ զԲարաբա. եւ էր Բա-  
 րաբբայն այն աւագակ:

ԳԼ ԺԹ

1 Յայնժամ ա՛ռ Պիղատոս զՅիսուս եւ  
 2 գան նհար. Եւ զինուորացն արարեալ  
 պսակ ի փշոց՝ եղին ի զլուխ նորա,  
 եւ զզեցուցին նմա հանդերձ ծիրանի.  
 3 Եւ գայրին առ նա՝ եւ ասէին, Ողջ  
 եր, արքայ Հրէից. եւ հանէին նմա  
 4 ապսակս. Ել դարձեալ Պիղատոս ար-  
 տաքս եւ ասէ ցնոսա, Ահա ամեմ զնա  
 արտաքս առ ձեզ, զի գիտասցիք թէ  
 5 ես չլսաս ինչ ի նմա ոչ գտանեմ. Ել  
 Յիսուս արտաքս, եւ ունիւր պսակ ի  
 փշոց եւ հանդերձ ծիրանի. եւ ասէ  
 6 ցնոսա, Ահա այդ Զգնեղ, Իբրեւ տե-  
 սին զնա քահանայապետքն եւ սպա-  
 սաւորք, զաղաղակ բարձին եւ ասին,  
 Ի խաչ հան, ի խաչ հան Կղա. ասէ  
 ցնոսա Պիղատոս, Առէք զդա ի ձեզ,  
 եւ ձեզէն հանէք ի խաչ. զի ես ի դմա  
 7 չլսաս ինչ ոչ գտանեմ. Պատասխանի  
 ետուն նմա Հրեայքն, Միք օրէնս ու-  
 նիմք, եւ ըստ օրինաց մերոց պարտի  
 մտանել, զի զանձն իւր Որդի Աստու-  
 8 ծոյ արար. Իբրեւ լուաւ զրանս զայս  
 9 Պիղատոս, ստաւել եւս երկեաւ. Եւ  
 մուտ դարձեալ անդրէն յաղարանն,  
 եւ ասէ ցՅիսուս, Ուստի ես դու. եւ  
 10 Յիսուս ոչ եւս նմա պատասխանի. Ասէ  
 ցնա Պիղատոս, Ընդ իս ո՞չ խօսիս, ո՞չ  
 գիտես եթէ իշխանութիւն ունիմ հա-  
 նել զքեզ ի խաչ, եւ իշխանութիւն  
 11 ունիմ արձակել քեզ. Պատասխանի

ետ Յիսուս, Ոչ ունէիր դու իշխանու-  
 թիւն ի վերայ իմ եւ ոչ մի, եթէ ոչ  
 էր տուեալ քեզ ի վերուստ. վասն այ-  
 նորիկ որ մատնեացն զիս քեզ, նորա  
 12 մեծ մեղք են. Եւ յայնմանէ Պիղատոս  
 խնդրէր արձակել զնա. եւ Հրեայքն  
 աղաղակէին եւ ասէին, Եթէ զդա ար-  
 ձակես, չես բարեկամ Կայսեր. ամե-  
 նայն ոք որ թագաւոր կոչէ զանձն  
 13 իւր, հակառակ է Կայսեր. Իսկ Պիղա-  
 տոս իբրեւ լուաւ զրանս զայսսովկ,  
 ած զՅիսուս արտաքս. եւ նստաւ ի  
 վերայ բեմին ի տեղուջն որ կոչէր  
 Բարայատակ, եւ Եբրայեցիքն Կապ-  
 14 պաթա. (էր ուրբաթն զատկի, եւ  
 էր ժամ իբրեւ վեցերորդ,) եւ ասէ  
 ցՀրեայն, Ահա թագաւորդ ձեր Զգնեղ.  
 15 Եւ նոքա աղաղակէին, Բարձ Ի մէնջ,  
 բարձ Ի մէնջ, եւ հան զդա ի խաչ.  
 Ասէ ցնոսա Պիղատոս, Ես զթագա-  
 ւորդ ձեր ի խաչ հանիցեմ. Պատաս-  
 16 խանի ետուն քահանայապետքն, Զիք  
 մեր թագաւոր բաց ի Կայսերէ. Յայն-  
 ժամ ետ զնա ի ձեռս նոցա, զի ի խաչ  
 ելանիցէ.  
 17 Եւ նոքա առեալ տանէին զնա. եւ  
 բարձեալ էր ինքնին զիսաչափայտն, եւ  
 ելանէր ի տեղին որ անուանեալ էր  
 Գաղաթան, եւ կոչէր Եբրայեցիքն  
 18 Գողգոթա. Ուր եւ ի խաչն իսկ հանին  
 զնա, եւ ընդ նմա երկուս եւս այլս  
 աստի եւ անտի, եւ ի միջի զՅիսուս.  
 19 Գրեաց եւ տախտակ մի Պիղատոս, եւ  
 եղ ի վերայ խաչին. եւ էր գրեալ, ՅԻ-  
 ՍՈՒՍ ՆԱԶՈՎՐԵՑԻ, ԹԱԳԱՒՈՐ ՀՐԷՅՑ.  
 20 Զայն տախտակ ընթերցան բազումք  
 ի Հրէից, զի մօտ էր ի քաղաք անդր  
 տեղին ուր խաչեցաւն Յիսուս. եւ էր  
 գրեալ Եբրայեցիքն, Գաղմատերէն եւ  
 21 Յունարէն. Ասին ցՊիղատոս քահա-  
 նայապետքն Հրէից, Մի՛ գրեր Թա-  
 գաւոր Հրէից, այլ թէ Նա ասաց, Թա-  
 22 գաւոր եմ Հրէից, Պատասխանի ետ  
 Պիղատոս, Զոր ինչ գրեցի՞ գրեցի.  
 23 Իսկ զինուորքն իբրեւ հանին ի խաչ  
 զՅիսուս, ասին զհանդերձս նորա եւ  
 արարին չորս մասունս, իւրաքանչիւր  
 զինուորի մասն. իսկ զպատմուճանն,  
 քանզի էր առանց կարանի ի վերուստ  
 24 փորանկեալ ամենեւին, Ասեն ցմի-  
 մեանս, Մի՛ պատառնացուք զայդ, այլ  
 արկցուք վիճակս ի վերայ դորա ում

- եւ ելցէ . զի լցցի զիրն որ ասէ , Բա-  
ժանեցան զհանդերձս իմ յիւրեանս , եւ  
ի վերայ պատմունճանի իմոյ վիճակ  
արկին : Զինուորքն զայս ինչ գործե-  
ցին :
- 25 Եւ կային առ խաչին Յիսուսի մայրն  
նորա , եւ քոյր մօր նորա , Մարիամ  
կղէովպայ , եւ Մարիամ Մագդաղե-  
26 նացի : Յիսուս իբրեւ ետես զմայրն  
եւ զաշակերտն զոր սիրէր , զի կայր  
մօտ , ասէ ցմայրն , Կին դու , ահա  
27 որդի քո : Ապա ասէ ցաշակերտն , Ահա  
մայր քո . եւ յայնմ ժամանակէ ա՛ռ  
աշակերտն զնա առ իւր :
- 28 Ետ այսորիկ իբրեւ գիտաց Յիսուս  
եթէ ահա ամենայն ինչ կատարեալ է ,  
(զի կատարեսցի զիրն ,) ասէ , Մարաւի  
29 եմ : Եւ անդ կայր աման ինչ լի քա-  
ցախով . եւ նոցա սպունդ լցեալ քացա-  
խով ՝ ընդ լեղւոյն ՝ շուրջ եղեալ զմշտը-  
կաւ զոպայի մատուցին ի բերան նորա :  
30 Իբրեւ ա՛ռ Յիսուս զքացախն ՝ հան-  
դերձ լեղւոյն . ասէ , ՝ Ամենայն ինչ  
կատարեալ է . եւ խոնարհեցուցեալ  
զգլուխն աւանդեաց զոգին :
- 31 Իսկ Հրեայքն , քանզի ուրբաթ էր ,  
զի մի՛ անդէն ի խաչին ազանիցին մար-  
մինքն մինչեւ ցարաթն , (զի էր օր  
մեծ չարաթուն այնորիկ ,) աղաչեցին  
զՊիղատոս զի խորտակեսցեն զբարձս  
32 նոցա եւ բարձցին : Եկին զինուորքն  
եւ զառաջնոյն խորտակեցին զբարձս ,  
նոյնպէս եւ զմիւսոյն որ ընդ նմա ի  
33 խաչն ելեալ էր : Բայց իբրեւ եկին առ  
Թիսուս , եւ տեսին զի այն ինչ մեռ-  
եալ էր , ոչ խորտակեցին զբարձս նո-  
34 րա : Այլ մի ոմն ի զինուորացն տիգաւ  
խոցեաց զկողս նորա , եւ վաղվաղակի  
35 ել արիւն եւ ջուր : Եւ որ ետեսն  
վկայեաց , եւ ճշմարիտ է վկայութիւն  
նորա , եւ նա գիտէ թէ ճշմարիտ ասէ ,  
36 զի եւ դուք հաւատասցիք : Այս եղեւ  
զի լցցի զիրն եթէ Ոսկր նորա մի՛  
37 փշրեսցի : Եւ դարձեալ մեւս զիր ասէ  
եթէ Հայեցին ի նա յոր խոցեցինն :
- 38 Ետ այսորիկ աղաչեաց զՊիղատոս  
Յովսէփ որ յԱրիմաթեայ էր , աշա-  
կերտ Յիսուսի ի ծածուկ վասն ահին  
Հրէից , զի բարձցէ զմարմինն Յիսու-

սի . եւ հրամայեաց Պիղատոս . ՝ Եկին  
39 եւ բարձին զնա : Եկն եւ Նիկողեմոս  
որ եկեալն էր առ Թիսուս ի գիշերի  
զառաջինն , եւ երբ զմուսս խառն  
ընդ հալուէս իբրեւ լտերս հարեւր :  
40 Առին զմարմինն Յիսուսի , եւ պառե-  
ցին կտաւովք խնկովքն հանդերձ , որ-  
41 պէս օրէն էր Հրէից պատել : Եւ էր  
ի տեղւոջն յորում խաչեցաւ պարաէզ-  
եւ ի պարտիզի անդ՝ գերեզման նոր  
42 յորում ոչ ոք երբեք էր եղեալ : Անդ  
վասն ուրբաթուն Հրէից , զի մօտ էր  
գերեզմանն , եղին զԹիսուս :

## ԳԼ Ի

- 1 Եւ ի միաշաբաթւոյն Մարիամ Մագ-  
դաղենացի զայ առաւօտուն ընդ առ-  
շալոյսն ի գերեզման անդր , եւ տեսա-  
նէ զվէմն բարձեալ ՝ ի դրաց գերեզմա-  
2 նին : Ապա ընթանայ եւ զայ առ Սի-  
մոնի Պետրոս եւ առ մեւս աշակերտն  
զոր սիրէր Յիսուս , եւ ասէ ցնոսա ,  
Բարձին զՏէր ի գերեզմանէ անտի , եւ  
3 ոչ գիտեմք ուր եղին զնա : Ել Պե-  
տրոս եւ մեւս աշակերտն եւ զային ի  
4 գերեզմանն : Ընթանային երկուքին ի  
միասին , եւ մեւս աշակերտն յառա-  
ջեաց ընթացաւ վաղագոյն քան զՊե-  
5 տրոս եւ եկն նախ ի գերեզմանն : Եւ  
խոնարհեալ տեսանէ զի կային անդ  
կտաւքն , բայց ի ներքս ոչ եմուտ :  
6 Եկն եւ Սիմոն Պետրոս որ զայրն  
զկնի նորա , եւ եմուտ ի գերեզմանն ,  
եւ տեսանէ զկտաւսն զի կային անդ-  
7 Եւ վարչամակն որ էր ի գլուխ նորա ,  
ոչ ընդ այլ կտաւսն կայր , այլ ուրոյն  
8 ծալեալ ի մի կողմն : Յայնժամ եմուտ  
եւ մեւս աշակերտն , որ եկեալն էր  
յառաջագոյն ի գերեզմանն , ետես եւ  
9 հաւատաց : Զի չեւ եւս գիտէին զգիր-  
թէ պարտ է նմա ի մեռելոց յառնել :  
10 Զոգան դարձեալ առ միմեանս աշա-  
կերտքն :
- 11 Բայց Մարիամ կայր արտաքոյ գե-  
րեզմանին եւ լայր . եւ մինչդեռ լայր ,  
12 խոնարհեցաւ ի գերեզմանն . Եւ տեսա-  
նէ երկուս հրեշտակս ի սպիտակս , զի  
նստէին մի ի մնարից եւ մի յանոտից

1 ի Բաւալս գաւառի

2 ի Յուդի գաւառի

3 Բաւալս , եկն և երբ զմարմինն նորա , ոչէ  
եկն և երբ զմարմինն Յիսուսի

4 Ուրեմ , ի գերեզմանէն



ընդ դուռն ի դաւիթ ոչխարացն, այլ  
 2 իսկ որ մտանէ ընդ դուռն՝ հովիւ է  
 3 ոչխարաց, նմա դռնապանն բանայ, եւ  
 ոչխարքն ձայնի նորա լսեն, եւ զիւր  
 ոչխարսն կոչէ յանուանէ եւ հանէ  
 4 զնոսա, եւ յորժամ զիւրն զամենայն՝  
 հանիցէ, առաջի նոցա երթայ, եւ ոչ-  
 5 նաչեն զձայն նորա, Զօտարի զհետ ոչ  
 երթիցեն, այլ փախիցին ի նմանէ, զի  
 ոչ ճանաչեն զձայն օտարաց։  
 6 Զայս առակ ասաց նոցա Յիսուս,  
 եւ նոքա ոչ զիտէին եթէ զինչ էր որ  
 7 խօսէրն ընդ նոսա, Դարձեալ ասէ ցնո-  
 սա Յիսուս, Ամէն ամէն ասեմ ձեզ զի  
 8 Ես եմ դուռն ոչխարաց, Ամենեքեան  
 որ յառաջ քան զիս եկին՝ գողք էին  
 եւ աւազակք, այլ ոչ լուան նոցա ոչ-  
 9 խարքն, Ես եմ դուռն, ընդ իս եթէ  
 ոք մտանիցէ, կեցցէ. մտցէ եւ ելցէ  
 10 եւ ճարակ գտցէ, Գող ոչ գայ, եթէ  
 ոչ զի գողացի եւ սպանցէ եւ կորուս-  
 ցէ. ես եկի զի զկեանս ունիցին, եւ  
 առաւել եւս ունիցին։  
 11 ԶԲ. Ես եմ հովիւն քաջ. հովիւ քաջ  
 զանձն իւր զնէ ի վերայ ոչխարաց,  
 12 իսկ վարձկանն որ ոչ է հովիւ, որոյ  
 ոչ իւր են ոչխարքն, իբրեւ տեսանէ  
 զգայն զի գայ, թողու գոչխարսն եւ  
 13 եւ ցրուէ. Բանալի վարձկան է, եւ չէ  
 14 փոթ նմա վասն ոչխարացն, Ես եմ  
 հովիւն քաջ, եւ ճանաչեմ զիման եւ  
 15 ճանաչիմ յիմոցն, Որպէս գիտէ զիս  
 Հայր, գիտեմ եւ ես զՀայր. եւ զանձն  
 16 իմ զնեմ ի վերայ ոչխարաց, նա եւ  
 այլ եւս ոչխարք են իմ որ ոչ են յայսմ  
 զաւթէ, եւ զայնս եւս պարտ է ինձ  
 ածել այսր, եւ ձայնի իմում լուիցեն,  
 17 եւ եղիցին մի հօտ եւ մի հովիւ, Վասն  
 այնորիկ սիրէ զիս Հայր իմ, զի ես  
 զնեմ զանձն իմ, զի միւսանգամ առից  
 18 զնա, Ոչ ոք հանէ զնա յինէն, այլ ես  
 զնեմ զնա անձամբ իմով. իշխանու-  
 թիւն ունիմ զնեւ զնա, եւ իշխանու-  
 թիւն ունիմ միւսանգամ առնուլ զնա.  
 զայս պատուէր առի ի Հօրէ իմմէ.  
 19 Դարձեալ հերձուած լինէր ի մէջ

20 Հրէից վասն բանիցս այսոցիկ, եւ ա-  
 սէին բազումք ի նոցանէ, Դեւ գոյ ի  
 նմա եւ մոլեգնի, զի բնաւ լսէք նմա,  
 21 կէսքն ասէին, Այսպիսի բանք ոչ դի-  
 ւանարի են. միթէ դեւ կարէ՞ զաչս  
 կուրի բանալ։  
 22 ԶԳ. Եղեն յայնժամ նաւակաւորքն  
 23 յերուսաղէմ, եւ ձմեռն էր, եւ չրջէր  
 Յիսուս ի տաճարին ի սրահին Սողո-  
 24 մոմի. Եւրջ եղեն զնովաւ Հրեայքն  
 եւ ասեն, Մինչեւ յերթ թափես զոգիս  
 մեր. եթէ դու ես Գրիստոսն, ասա  
 25 մեզ համարձակ, Պատասխանի ետ նո-  
 ցա Յիսուս եւ ասէ, Ասացի ձեզ եւ  
 ոչ հաւատայք Յինձ. զգործսն զոր ես  
 գործեմ յանուն Հօր իմոյ՝ նոքին իսկ  
 26 վկային վասն իմ, Այլ դուք ոչ հաւա-  
 տայք, զի չէք յոչխարաց անտի ճիմոց։  
 27 Ոչխարք իմ ձայնի իմում լսեն, եւ ես  
 ճանաչեմ զնոսա, եւ զկնի իմ գան.  
 28 Եւ ես տամ նոցա զկեանսն յաւիտե-  
 նականս. եւ մի՛ կորիցեն յաւիտեան,  
 եւ մի՛ ոք յափշտակեսցէ զնոսա ի ձե-  
 29 ոց իմոց, Հայրն իմ որ ետ ինձ զնո-  
 սա՝ մեծ է քան զամենայն, եւ ոչ ոք  
 կարէ յափշտակել ի ձեռաց Հօր իմոյ,  
 30 Ես եւ Հայր Յիմ մի եմք. (31) Վէմս  
 առին Հրեայքն զի քարկոծ արասցեն  
 32 զնա, Պատասխանի ետ նոցա Յիսուս,  
 Բազում գործս բարիս ցուցի ձեզ ի Հօրէ  
 իմմէ. վասն որոյ գործոյ ի նոցանէ  
 33 քարկոծ առնէք զիս, Պատասխանի  
 ետուն նմա Հրեայքն, Վասն բարւոյ  
 գործոյ ոչ առնեմք զքեզ քարկոծ, այլ  
 վասն հայնոյութեան. եւ զի դու մարդ  
 ես, եւ զանձն քո Աստուած առնես։  
 34 Պատասխանի ետ նոցա Յիսուս, Ո՛չ  
 յօրէնս ձեր գրեալ է, Ես ասացի թէ  
 35 աստուածք իցէք, իսկ եթէ զնոսա  
 աստուածս ասէ, առ որս բանն Աս-  
 տուծոյ եղեւ, (եւ չէ մարթ եղձանել  
 36 գրոյն,) իսկ զոր Հայր սրբեաց եւ ա-  
 ռաքեաց յաշխարհ, դուք ասէ՞ք թէ  
 Հայնոյես, զի ասացի թէ Որդի Աստու-  
 37 ծոյ եմ, Եթէ ոչ գործեմ զգործս Հօր  
 38 իմոյ, մի՛ հաւատայք ինձ. Ապա թէ  
 գործեմ, թէ եւ ինձ ոչ հաւատայք,  
 սակայն գործոցն հաւատացէք. զի զի-

1 Ո՛ւս, զիւր ոչխարսն

2 Ո՛ւս, իսկ վարձկանն փախի, քանզի

3 ի բազում գաւառ

4 Ո՛ւս, իմոց, որպէս ասացի ձեզ

5 Յինձն գաւառ

տասնից եւ յժանիցիք եթէ Հայր յիս, եւ ես ի Հայր:

- 39 Դարձեալ խնդրէին զնա ունել, եւ  
40 եւ ի ձեռաց նոցա: Եւ զնաց միւսան-  
գամ յայնկոյս Յորդանանու ի տեղին  
ուր էր Յովհաննէս զառաջինն եւ մկր-  
41 տէր, եւ անդ լինէր: Եկին բազումք  
առ նա եւ ասեն, Զի Յովհաննէս<sup>2</sup> նշան  
42 ինչ ոչ արար: Բայց զամենայն զոր  
ասաց Յովհաննէս վասն նորա, ճշմա-  
րիտ էր: Եւ բազումք հաւատացին  
ի նա անդ:

## ԳԼ ԺԱ

- 1 ԶԴ. Եւ էր ոմն հիւանդ Ղազարոս ի  
Բեթանեայ, ի գեղջէ Մարեմայ եւ Մար-  
2 Թայի քեռ նորա: Այս այն Մարիամ էր  
որ օծ զՏէրն իւղով, եւ ջնջեաց զոտս  
նորա հերով իւրով: Որոյ եղբայրն Ղա-  
3 զարոս հիւանդ էր: Առաքեցին առ նա  
քորքն նորա եւ ասեն, Տէր, ահաւա-  
սիկ զոր դուն սիրէիր՝ հիւանդացեալ է:  
4 Իբրեւ լուաւ Յիսուս, ասէ, Այն հի-  
ւանդութիւն չէ ի մահ, այլ վասն փա-  
ռացն Աստուծոյ: զի փառաւոր լիցի  
5 Որդի Աստուծոյ այնուիկ: Եւ սիրէր  
Յիսուս զՄարթա եւ զքոյր նորա  
6 զՄարիամ եւ զՂազար: Իբրեւ լուաւ  
թէ հիւանդացեալ է, զտեղի կալաւ  
7 անդէն ուր էրն աւուրս երկուս: Ապա  
յետ այնորիկ ասէ ցնոսա, Եկայք եր-  
թիցուք միւսանգամ ի Հրէաստան:  
8 Ասեն ցնա աշակերտքն, Ռարբի, այժմ  
եւս խնդրէին զքեզ Հրեայքն քարկոծ  
առնել: Եւ դարձեալ երթաւ անդրէն:  
9 Պատասխանի ետ Յիսուս, Ո՛չ երկու-  
տասան ժամ է աւուր: Եթէ ոք գնայ  
ի տուրնջեան, ոչ գայթակղի, զի զլոյս  
10 աշխարհիս այսորիկ տեսանէ: Ապա թէ  
ոք գնայ գիշերի, գայթակղի, զի լոյս  
11 ոչ գոյ ընդ նմա: Զայս իբրեւ ասաց,  
յետ այսորիկ ասէ ցնոսա, Ղազարոս  
բարեկամ մեր ննջեաց, այլ երթամ զի  
12 զարթուցից զնա: Ասեն ցնա աշա-  
կերտքն, Տէր, եթէ ննջեաց, ապա  
13 ապրի: Այլ Յիսուս վասն մահուն նո-  
րա ասէր: Նոցա այսպէս թուեցաւ թէ  
14 վասն ննջելոյ քնոյն ասէր: Յայնժամ  
ասէ ցնոսա Յիսուս յայտնապէս, Ղա-

- 15 զարոս մեռաւ: Եւ ես ուրախ եմ վասն  
ձեր, զի դուք հաւատասցիք<sup>3</sup> ինձ, զի  
ես չէի անդ: Բայց արդ եկայք երթի-  
16 ցուք առ նա: Ասէ Թովմաս, անուան-  
եալն Երկուորեակ, ցաշակերտակիցսն,  
Օն, եկայք եւ մեք զի ընդ նմա միու-  
ցուք:

- 17 Եկն Յիսուս, եզիտ զնա չորեքօրեայ  
18 ի գերեզմանի: Եւ էր Բեթանիա մերձ  
յերուսաղէմ իբրեւ ասպարիսօք հնդե-  
19 տասան: Բազումք ի Հրէից անտի եկ-  
եալ էին առ Մարթա եւ Մարիամ, զի  
մխիթարեացեն զնոսա վասն եղբօրն:  
20 Մարթա իբրեւ լուաւ թէ Յիսուս գայ,  
ընդ առաջ զնաց նորա, բայց Մարիամ  
21 նստէր անդէն ի տան: Ասէ Մարթա  
ցՅիսուս, Տէր, եթէ աստ լեալ էիր,  
22 եղբայրն իմ չէր մեռեալ: Այլ եւ արդ  
զիտեմ եթէ զոր ինչ խնդրեացես յԱս-  
23 տուծոյ՝ տացէ քեզ Աստուած: Ասէ  
ցնա Յիսուս, Յարիցէ եղբայրն քո,  
24 Ասէ ցնա Մարթա, Գիտեմ զի յարիցէ  
25 ի յարութեան յաւուրն յեանում: Ասէ  
ցնա Յիսուս, Ես իսկ եմ յարութիւն  
եւ կեանք: որ հաւատայ յիս, թէպէտ  
26 եւ մեռանի, կեցցէ: Եւ ամենայն ուր  
կենդանի է եւ հաւատայ յիս՝ մի՛ մեռ-  
ցի ի յաւիտեան: հաւատա՛ս այսմիկ:  
27 Ասէ ցնա, Այո, Տէր, ես հաւատացի  
եթէ դու ես Քրիստոսն, Որդի Աստու-  
28 ծոյ, որ յաշխարհ գալոց էիր: Եւ զայս  
իբրեւ ասաց, զնաց եւ կոչեաց զՄա-  
րիամ, զքոյր իւր, լոբեայն եւ ասէ,  
Վարդապետն եկեալ է եւ կոչէ զքեզ,  
29 նա իբրեւ լուաւ, յարեաւ վաղվաղակի  
30 եւ եկն առ նա: Զեւ եւս էր եկեալ  
Յիսուս ի գեղն, այլ էր անդէն ի տեղ-  
ւոջն ուր ընդ առաջ եղեւ նմա Մար-  
31 Թա: Իսկ Հրեայքն որ էին ընդ նմա  
ի տան անդ եւ մխիթարէին զնա, իբ-  
րեւ տեսին զՄարիամ թէ յարեաւ վաղ-  
վաղակի եւ զնաց, զնացին եւ նոքա  
զհետ նորա, համարէին թէ ի գերեզ-  
32 մանն երթայ զի լացցէ անդ: Իսկ Մա-  
րիամ իբրեւ եկն ուր էրն Յիսուս եւ  
ետես զնա, անկաւ առ ոտս նորա եւ  
ասէ, Տէր, եթէ աստ էիր զիպեալ,  
33 ոչ էր մեռեալ եղբայրն իմ: Յիսուս  
իբրեւ ետես զնա զի լայր, եւ որ ընդ  
նմայն էին Հրեայքն՝ լային, խոռվեցաւ:  
34 յոգի իւր իբրեւ զայրացեալ, Եւ ասէ,  
Ո՛ւր եղիք զնա: ասեն ցնա, Տէր,

<sup>1</sup> Որձեւ, հաւատասցիք<sup>2</sup> Թովմաս, յովսէփ, արգաթե<sup>3</sup> Ի Եսայի գլխի

35 եկ եւ տես : Եւ արաատուեաց Յիսուս :  
 36 Ասէին Հրեայքն , Տեսէք , որչափ սիրէր  
 37 զնա : Կէսքն ի նոցանէ ասէին , Ո՛չ  
 կարէր սա , որ եբաց զաչս կուրին ,  
 38 առնել զի եւ սա մի՛ մեռցի : Յիսուս  
 դարձեալ զայրացեալ ընդ միտս իւր ,  
 գայ ի գերեզմանն . եւ էր այր մի , եւ  
 39 վէժ մի եղեալ ի վերայ նորա : Եւ ասէ  
 Յիսուս , ի բաց արարէք զվէժդ : Ասէ  
 ցնա Մարթա , քոյր մեռելոյն , Տէր ,  
 արդ հոտեալ իցէ , քանզի չորեքօրեայ  
 40 է : Ասէ ցնա Յիսուս , Ո՛չ ասացի քեզ ,  
 եթէ հաւատասցես , տեսցես զփառսն  
 41 Աստուծոյ : Եւ իբրեւ ի վեր առին  
 ՝ զվէժն , Յիսուս ամբարձ զաչս իւր  
 ի վեր եւ ասէ , Հայր , գոհանամ զքէն  
 42 զի լուար ինձ : Եւ ես գիտէի զի յա-  
 մենայն ժամ լսես ինձ . այլ վասն ժո-  
 ղովրդեանս որ շուրջ կան՝ <sup>2</sup>առնեմ ,  
 զի հաւատասցեն թէ դու առաքեցեր  
 43 զիս : Զայս իբրեւ ասաց , ի ձայն մեծ  
 աղաղակեաց եւ ասէ , Ղազարէ , արի  
 44 եկ արտաքս : Եւ ել մեռեալն ոտիւք  
 կապելովք եւ ձեռքն երիզապնդօք եւ  
 երեսօքն վարչամակապատօք . եւ ասէ  
 ցնոսա Յիսուս , Լուծէք զդա եւ թո-  
 ղէք երթալ :  
 45 Բազումք ի Հրէիցն որ եկեալ էին  
 առ <sup>3</sup>Մարեմանս , իբրեւ տեսին զոր <sup>4</sup>ա-  
 46 րարն՝ հաւատացին ի նա : Եւ ոմանք  
 ի նոցանէ գնացին առ փարիսեցիսն ,  
 պատմեցին նոցա զոր արարն Յիսուս :  
 47 ԶԶ . Ժողովիցին քահանայապետքն  
 եւ փարիսեցիքն ատեան , եւ ասեն ,  
 Զի՞նչ արասցուք , զի այրն այն բա-  
 48 ղումնչանս առնէ : Եթէ թողումք զնա  
 այնպէս , ամենեքին հաւատան ի նա .  
 եւ գայցին Հռոմք եւ բառնայցին  
 49 զազգս մեր եւ զտեղի : Մի ոմն ի նո-  
 ցանէ , անուն Կայիափա , որ քահա-  
 նայապետ էր տարւոյն այնորիկ , ասէ  
 50 ցնոսա , Դուք ոչինչ գիտէք , եւ ոչ  
 բնաւ խորհել իսկ , թէ լաւ է մեզ զի  
 այր մի մեռանիցի ի վերայ ժողովր-  
 դեանս , եւ մի՛ ամենայն ազգս կորի-  
 51 ցէ : Զայս ոչ յանձնէ ինչ ամաց , այլ  
 զի քահանայապետ էր տարւոյն այնո-  
 րիկ , մարգարեացաւ եթէ մեռանելոց

<sup>1</sup>Ունի , զվէժն ուր գնէր մեռեալն  
<sup>2</sup>Եւն , ասացի  
<sup>3</sup>Եւն , Մարիամ  
<sup>4</sup>Ունի , արարն Յիսուս

52 էր Յիսուս ի վերայ ազգին . Եւ ոչ ի  
 վերայ ազգին միայն , այլ զի եւ զոր-  
 դիսն Աստուծոյ ղցրուեալսն ժողովեա-  
 ցէ ի մի :  
 53 Ապա յայնմ օրէ խորհուրդ արարին  
 54 զի սպանցեն զնա : Եւ Յիսուս այնու-  
 հետեւ ոչ եթէ համարձակ չըջէր ի մէջ  
 Հրէիցն , այլ գնաց անտի յերկիր մի  
 որ մերձ էր յանապատ , ի քաղաք մի  
 որում անուն էր Եփրայիմ , եւ անդ  
 լինէր աշակերտօքն հանդերձ :  
 55 ԶԵ . Եւ էր մերձ զատիկն Հրէից ,  
 եւ բազումք ելին յերուսաղէմ ի գա-  
 ւառէ անտի յառաջագոյն քան զգա-  
 տիկն , զի սրբեցեն զանձինս իւրեանց :  
 56 Խնդրէին զՅիսուս , եւ ասէին ընդ մի-  
 մեանս մինչ կային ի տաճարին , Զի՞նչ  
 թուի ձեզ , եթէ ոչ գայցէ ի տօն այսր :  
 Պատուէր տուեալ էր քահանայապե-  
 տիցն եւ փարիսեցւոց , զի թէ ոք գի-  
 տասցէ թէ ուր է , գուշակեացէ զնմա-  
 նէ զի կալցին զնա :

ԳԼ ԺԲ

1 Իսկ Յիսուս վեց աւուրք յառաջ քան  
 զգատիկն եկն ի Բեթանիա , ուր էր  
 Ղազար մեռեալն , զոր յարոյցն ի մե-  
 2 ռելոց : Եւ արարին անդ նմա ընթրիս ,  
 եւ ի սպասու կայր Մարթա , եւ Ղա-  
 3 զար մի էր ի բաղմելոց բնոյ նմա : Իսկ  
 Մարեմայ առեալ լիտր մի իւղոյ նար-  
 դեան ազնուի մեծագոյն , օծ զոտսն  
 Յիսուսի , եւ հերով իւրով մաքրէր  
 զոտս նորա . եւ տունն լի եղեւ ի հո-  
 4 տոյ իւղոյն : Ասէ մի ոմն յաշակերտաց  
 անտի , Յուդա Իսկարիովտացի , որ  
 5 մատնելոցն էր զնա , Ընդէ՞ր ոչ եւղդ  
 այդ վաճառեցաւ երեք հարեւր դնա-  
 6 րի եւ տուաւ աղքատաց : Զայս ասաց ,  
 ոչ զի զաղքատաց ինչ փոյթ էր նմա ,  
 այլ զի գող էր եւ զարկղն ինքն ունէր ,  
 7 եւ որ ինչ անկանէրն նա կրէր : Ասէ  
 Յիսուս , Թոյլ տուր դմա , զի յօրն պա-  
 8 տանաց իմոց <sup>5</sup>պահեսցէ զայդ . Զաղ-  
 քատս յամենայն ժամ ընդ ձեզ ունիք ,  
 9 զիս ոչ հանապազ բնոյ ձեզ ունիք :  
 Իբրեւ գիտաց ժողովուրդ քաղում  
 ի Հրէիցն թէ անդ է , եկին , ոչ միայն  
 վասն Յիսուսի , այլ զի եւ զՂազար

<sup>5</sup>Ունի , պահեաց

40 տեսցեն, զոր յարոյցն ի մեռելոց: Խորհուրդ արարին քահանայապետքն, զի  
41 եւ զՂազար՝ սպանցեն: Քանզի բազումք ի Հրէից՝ երթային եւ հաւատային ի Յիսուս:

42 Էջ. Ի վաղիւ անդր ժողովուրդ բազում որ եկեալ էր ի տօնն, իբրեւ լուան

43 եթէ գայ Յիսուս յերուսաղէմ, Առին ոստոս արմաւենեաց եւ ելին ընդ առաջ նորա, աղաղակէին եւ ասէին, Ովաննա, օրհնեալ որ գասդ յանուն Տեառն,

44 Թագաւորդ Իսրայելի: Եւ գտեալ Յիսուսի էչ մի, նստաւ ի վերայ նորա,

45 որպէս եւ գրեալ է, Մի՛ երկնչիր, դուստր Սիրիւի, ահաւասիկ Թագաւոր քո գայ նստեալ ի վերայ յաւանակի

46 իշոյ: Եւ զայն ինչ ոչ գիտացին աշակերտքն նորա զառաջինն, այլ յորժամ փառաւորեցաւ Յիսուս, յայնժամ յիշեցին եթէ այն էր որ գրեալն էր վասն

47 նորա, եւ զայն արարին նմա: Եւ ժողովուրդն վկայէր որ էր ընդ նմա, եթէ զՂազար կոչեաց եւ եթէ ի գերեզմանէն,

48 եւ յարոյց զնա ի մեռելոց: Եւ վասն այնորիկ ընդ առաջ եղեւ նմա ժողովուրդն, զի լուան եթէ զայն նշանս

49 արարեալ էր նորա: Իսկ փարիսեցիքն ասէին ընդ միմեանս, Տեսանէ՞ք զի ոչինչ օգտիք. ահաւասիկ աշխարհ ամենայն զկնի նորա գնաց:

20 Էին անդ ոմանք եւ հեթանոսք յերկրոցն անդր, զի երկիր պազանիցեն

21 ի տօնին: Նոքա մատնան առ Փիլիպպոս որ ի Բեթսայիւայ Գալիլեացւոցն էր, աղաչէին զնա եւ ասէին, Տէր,

22 կամիմք զՅիսուս տեսանել: Գայ Փիլիպպոս եւ ասէ ցԱնդրէաս, Անդրէաս

23 եւ Փիլիպպոս ասեն ցՅիսուս: Եւ Յիսուս պատասխանի ետ նոցա եւ ասէ, Եհաս ժամ զի փառաւորեսցի Որդի մարդոյ:

24 Էբ. Ամէն ամէն ասեմ ձեզ, Եթէ ոչ հատն յորենոյ անկեալ յերկիր մեռանիցի, ինքն միայն կայ. ապա եթէ մեռանիցի, բազում արդիւնս առնէ: Որ սիրէ զանձն իւր՝ 2 արձակէ զնա. եւ որ ատեայ զանձն իւր յաշխարհիս յայսմիկ՝ ի կեանսն յաւիտենականս պահեսցէ

26 զնա: Եթէ ոք զիս պաշտիցէ, զկնի իմ

եկեսցէ. եւ ուր եմն եմ, անդ եւ պաշտօնեայն իմ եղիցի. եթէ ոք զիս պաշտիցէ, պատուեսցէ զնա Հայրն իմ:

27 Էջ. Բայց այժմ անձն իմ խոովեալ է. եւ զի՞նչ ասացից, եթէ, Հայր, ապրեցո զիս ի ժամէ աստի յայսմանէ. այլ

28 վասն այնորիկ եկի ի ժամս յայս, Հայր, փառաւորեա զանուն քո: Եկն բարբառ յերկնից, Եւ փառաւոր արարի, եւ

29 դարձեալ փառաւոր արարից: Եւ ժողովուրդն որ կայր եւ լսէր, ասէին՝ Որոտումն լինել. կէսքն ասէին, Հրեշտակ խօսեցաւ ընդ նմա: Պատասխանի ետ Յիսուս եւ ասէ, Ոչ վասն իմ ինչ եկն բարբառս այս, այլ վասն ձեր:

31 Այժմիկ դատաստան է աշխարհիս այսորիկ, այժմիկ իշխան աշխարհիս այսորիկ ընկեսցի արտաքս: Եւ ես յորժամ բարձրացայց յերկրէ, զամենեկին

32 ձգեցից առ իս: Չայս ասէր նշանակեալ թէ որով մահու մեռանելոց իցէ:

33 Պատասխանի ետ նմա ժողովուրդն, Մեք լուաք յօրինաց եթէ Քրիստոսն յաւիտեան կայ, եւ դու զիսմըդ ասես թէ Պարտ է բարձրանալ Որդւոյ մարդոյ. ո՞վ է այն Որդին մարդոյ: Ասէ ցնոսա Յիսուս, Փոքր մեւս եւս ժամանակ լոյս ընդ ձեզ է. գնացէք մինչդեռ զլոյսն ունիք, զի մի՛ խաւար ձեզ հասցէ. զի որ զնայ ի խաւարի՝ ոչ գիտի:

35 Եւ այնչափ նշանս արարեալ էր առաջի նոցա, եւ նոքա ոչ հաւատային

36 ի նա: Զի լցցի բանն Եսայեայ մարգարէի զոր ասացն, Տէր, ո՞ հաւատաց ի լուր մեր, եւ բազուկ Տեառն ո՞ւմ յայտնեցաւ: Վասն այնորիկ ոչ կարէին հաւատալ, զի միւսանգամ ասէ Եսայի,

40 Թէ Կուրացոյց զաչս նոցա եւ ապշեցոյց զսիրտս նոցա, զի մի՛ խաւարն աչօք եւ իմացին սրտիւք եւ դարձցին, եւ բժշկեցից զնոսա: Չայս ասաց Եսայի, զի ետես զփառս նորա եւ խօսեցաւ վասն նորա: Բայց սակայն եւ իշխանաց անտի բազումք հաւատացին ի նա, այլ վասն փարիսեցւոցն ոչ յայտնէին, զի մի՛ ժողովրդենէն ելանիցեն:

42 Քանզի սիրեցին զփառս մարդկան առաւել քան զփառսն Աստուծոյ:

18-25, Երթային վասն նորա

18-25, Կորուսցէ. Դի. Մատթ. Ժ. 39, ԺԶ. 25

44 Է՛. Եւ Յիսուս աղաղակէր եւ ասէր,  
Որ հաւատայ յիս՝ ոչ հաւատայ յիս,  
43 այլ յայն որ առաքեացն զիս: Եւ որ  
տեսանէ զիս՝ զայն տեսանէ որ առա-  
46 քեացն զիս: Եւ յոյս յաշխարհ եկի, զի  
ամենայն որ հաւատայ յիս՝ ի խաւարի  
47 մի՛ մնասցէ: Եւ եթէ ոք լուիցէ բանից  
իմոց եւ ոչ պահեսցէ, եւ ոչ դատիմ  
զնա: Քանզի ոչ եկի թէ դատեցայց  
զաշխարհ, այլ զի փրկեցից զաշխարհ:  
48 Որ անարգէ զիս եւ ոչ ընդունի զբանս  
իմ, գոյ որ դատի զնա: Բանն զոր եւ  
խօսեցայ, նա դատի զնա յաւուրն յիս-  
49 նում: Զի եւ յանձնէ իմմէ ոչ խօսե-  
ցայ, այլ որ առաքեացն զիս Հայր, նա  
եւ ինձ պատուէր զինչ ասացից եւ  
50 զինչ խօսեցայց: Եւ գիտեմ եթէ պատ-  
ուէրն այն կեանք եւ յաւիտեանականք-  
արդ զոր եան խօսիմ, որպէս ասաց ինձ  
Հայրն, այնպէս խօսիմ:

ԳԼ ԺԳ

1 Է՛. Եւ Յիսուս ասէր զտոնն զատկի  
գիտաց Յիսուս թէ հասեալ է ժամնո-  
րա զի փոխեսցի յաշխարհէ աստի առ  
Հայր, սիրեաց զիւրսն որ յաշխարհի  
աստ եւ, ի սպառ սիրեաց զնոսա:  
2 Եւ ի լինել ընթրեացն (Սատանայի  
իսկ արկեալ էր ի սիրտ, զի մատնեցէ  
զնա, Յուդայ Սիմոնի իսկարիովտա-  
3 ցոյ) Գիտաց Յիսուս զի զամենայն ինչ  
եւ Հայր ի ձեռս նորա, եւ թէ յԱս-  
տուծոյ ել եւ առ Աստուած երթայ,  
4 Յառնէ ընթրեաց անտի եւ զնէ զհան-  
դերձան, եւ առեալ զենջակ մի սփա-  
5 ծաւ: Եւ ապա առեալ ջուր արկ ի  
կոնք, եւ սկսաւ լուանալ զոտս աշա-  
կերտացն, եւ սրբէր զենջակաւն զոր  
6 սփածեալ էր: Գայ առ Սիմոն Պետրոս.  
Եւ նա ասէ ցնա, Տէր, զո՞ւ զիմ զոտս  
7 լուանաս: Պատասխանի եւ նա Յի-  
սուս եւ ասէ, Զոր ինչ եսս գործեմ՝  
զու այժմ ոչ գիտես: Բայց ապա գի-  
8 տասջիր: Ասէ ցնա Պետրոս, Ոչ լու-  
ասցես զոտս իմ յաւիտեան: պատաս-  
խանի եւ նա Յիսուս, Եթէ ոչ լուա-  
ցից զքեզ, ոչ ունիս ընդ իս մասն:  
9 Ասէ ցնա Սիմոն Պետրոս, Տէր, մի՛  
միայն զոտս իմ, այլ եւ զձեռս եւ  
10 զգլուխ: Ասէ ցնա Յիսուս, Լուացե-  
լոյն չէ ինչ պիտոյ, բայց զի զոտսն

լուանայցէ, քանզի ամենեւին սուրբ է.  
եւ զուք սուրբ էք, այլ ոչ ամենեքին:  
11 Զի գիտէր զայն որ մատնելոցն էր զնա.  
վասն այնորիկ սուաց թէ Ոչ ամենեքին  
12 սուրբ էք: Եւ յորժամ լուաց զոտս  
նոցա, ա՛ռ զհանդերձսն իւր եւ դար-  
ձեալ բազմեցաւ, եւ ասէ ցնոսա, Գի-  
13 տէ՛ք զինչ արարիդ ձեզ: Դուք կոչէք  
զիս վարդապետ եւ Տէր, եւ բարւոք  
14 ասէք, քանզի եմ իսկ, իսկ արդ եթէ  
եւ լուացի զոտս ձեր, Տէրս եւ վար-  
դապետս, եւ դուք պարտիք զմիմեանց  
15 ոտս լուանալ: Զի օրինակ մի ետու  
ձեզ, զի որպէս ես ձեզ արարի, եւ  
դուք առնիջիք:

16 Է՛. Ամէն ամէն ասեմ ձեզ, Ոչ է  
ծառայ մեծ քան զտէր իւր, եւ ոչ ա-  
ռաքեալ մեծ քան զայն որ առաքեացն  
17 զնա: Եթէ զայս գիտէք, երանելի եւս  
18 էք, եթէ առնիցէք զայս: Ոչ վասն ա-  
մենեցուն ձեր ասեմ, զի ես գիտեմ  
զորս ընտրեցիդ: այլ զի ցցի գիրն թէ  
Որ ուտէր ընդ իս հաց՝ արար ինձ խա-  
19 բէութիւն: Եւ այսմ հետ իսկ ասեմ ձեզ  
մինչեւ. Լիկեալ, զի յորժամ լինիցի,  
20 հաւատասջիք թէ ես եմ: Ամէն ամէն  
ասեմ ձեզ, Որ ընդունի զոր ոք եւ ա-  
ռաքեցից՝ զիս ընդունի: եւ որ զիս ըն-  
դունի՝ ընդունի զայն որ առաքեացն  
զիս:

21 Զայս իբրեւ ասաց Յիսուս, խռովե-  
ցաւ յոգի իւր, վկայեցաւ եւ ասէ, Ա-  
մէն ամէն ասեմ ձեզ զի մի ոմն ի ձէնջ  
22 մատնելոց է զիս: Հայէին ընդ միմ-  
եանս աշակերտքն տարակուսեալք թէ  
23 զումէ՛ ասիցէ: Եւ էր մի ոմն յաշա-  
կերտացն բազմեալ առ Յիսուսիւ, զոր  
24 սիրէրն Յիսուս: Ակնարկէ նա Սի-  
մոն Պետրոս հարցանել, ո՞վ իցէ վասն  
25 որոյ ասէն: Եւ նա անկեալ զլանջօքն  
26 Յիսուսի՝ ասէ ցնա, Տէր, ո՞վ է: Պա-  
տասխանի եւ Յիսուս եւ ասէ, Այն է,  
որում ես թացից զպատառն եւ տաց.  
եւ թացեալ զպատառն տայ Յուդայի  
27 իսկարիովտացոյ: Եւ յետ պատառոյն  
ապա եմուտ ի նա Սատանայ: եւ ասէ  
ցնա Յիսուս, Արդ որ զինչ առնելոց  
28 ես՝ արա վաղվադակի: Եւ զայս ոչ ոք  
իմացաւ ի բազմականաց անտի, թէ  
29 առ ինչ ասաց ցնա: Զի ոմանք հո-

մարէին թէ զի զարկոն ունէր Յուդա, ասաց նմա Յիսուս, Գնեա ինչ որ պիտոյ իցէ մեզ ի տօնիս, եւ կամ, զի 30 աղքատաց ինչ տացէ: Իսկ նորա առեալ զպատառն՝ եւ արտաքս վաղվաղակի, եւ էր զիշեր:

31 Էջ. Եւ իբրեւ ել, ասէ Յիսուս, Այժմ փառաւորեցաւ Որդի մարդոյ, եւ Աստուած փառաւորեցաւ ի նմա:

32 Զի եթէ Աստուած փառաւորեցաւ ի նմա, եւ Աստուած փառաւորեցէ զնա յանձն իւր. եւ վաղվաղակի փառաւորեցէ զնա: Որդեակք իմ, փոքր ինչ ժամանակ ընդ ձեզ եմ. խնդրիցէք զիս. եւ որպէս ասացի ցՀրեայսն եթէ Ուր եմ երթամ, դուք ոչ կարէք գալ, եւ 34 արդ ձեզ ասեմ. Պատուիրան նոր տամ ձեզ, զի սիրիցէք զմիմեանս. որպէս սիրեցի ես ձեզ, զի եւ դուք սիրես: 35 ջիք զմիմեանս: Յայսմ գիտասցեն ամենեքեան եթէ իմ աշակերտք էք, եթէ 36 սիրիցէք զմիմեանս: Ասէ ցնա Միմոյն Պետրոս, Տէր, յո՞վ երթաս: Պատասխանի ետ Յիսուս, Ուր եմ երթամ՝ դու ոչ կարես այժմ գալ զկնի իմ, բայց 37 ապա եկեսցես զկնի իմ: Ասէ ցնա Պետրոս, Տէր, ընդէ՛ր ոչ կարիցեմ գալ այժմ զկնի քո, արդէն զանձն իմ իսկ 38 եղից ի վերայ քո: Պատասխանի ետ Յիսուս, Զամն քո դիցես ի վերայ իմ. ամէն ամէն ասեմ քեզ, Զեւ իցէ հաւու խօսեալ, մինչ դու երիցս ուրասցիս զիս:

## ԳԼ. ԺԴ

1 Մի՛ խոսիցեսցին սիրտք ձեր. այլ հաւատացէք յԱստուած եւ յիս հաւատացէք: Ի տան Հօր իմոյ օթեվանք բազում են. ապա թէ ոչ՝ ասացեալ էր իմ ձեզ, 1 Նթէ երթամ, եւ պատրաստեմ ձեզ տեղի: Եւ եթէ երթամ եւ պատրաստեմ ձեզ տեղի, դարձեալ գամ եւ առնուամ զձեզ առ իս. զի ուր եմ 1 իցեմ, եւ դուք անդ իցէք: Եւ ուր երթամն՝ գիտիցէք, եւ զճանապարհն գիտիցէք:

3 Ասէ ցնա Թովմաս, Տէր, ոչ գիտեմք յո՞ երթաս, եւ զիմա՞րդ զճանապարհն կարասցուք գիտել: Ասէ ցնա

Յիսուս, Ես եմ ճանապարհն եւ ճշմարտութիւն եւ կեանք. ոչ ոք զայ 7 առ Հայր եթէ ոչ ինեւ: Եթէ զիս գիտէիք, ապա եւ զՀայր իմ գիտէիք, եւ այսուհետեւ գիտասցիք զնա եւ տեսէք զնա:

8 Ասէ ցնա Փիլիպպոս, Տէր, ցոյց մեզ 9 զՀայր, եւ շատ է մեզ: Ասէ ցնա Յիսուս, Այսչափ ժամանակս ընդ ձեզ եմ, եւ ոչ ծանեար զիս, Փիլիպպէ. որ ետեսն զիս՝ ետես զՀայրն. եւ դու զիմարդ ասես եթէ ցոյց մեզ զՀայր: 10 Ո՞չ հաւատաս եթէ ես ի Հայր եւ Հայր յիս է. դրանս զոր ես խօսիմ ընդ ձեզ, ոչ եթէ յանձնէ ինչ խօսիմ, այլ Հայրն որ յիս բնակեալ է՝ նա գործէ զգործսն:

11 2 Հաւատացէ ինձ, եթէ ես ի Հայր եւ Հայր յիս է. ապա թէ ոչ՝ գոնէ վասն 12 գործոցն հաւատացէք ինձ: Ամէն ամէն ասեմ ձեզ թէ որ հաւատայս յիս, զգործսն զոր ես գործեմ, եւ նա գործեցէ, եւ մեծամեծս եւս քան զնոյնս գործեցէ. զի ես առ Հայր երթամ: 13 Եւ զոր ինչ խնդրիցէք յանուն իմ՝ արարից զայն, զի փառաւորեսցի Հայր յՈրդի:

14 Ըվ. Եթէ սիրէք զիս, զպատուիրանս իմ պահեցիք: Եւ ես աղայեցիք զՀայր, եւ այլ Միմոյնս տացէ ձեզ, զի ընդ ձեզ բնակեսցէ ի յաւիտեան. 15 ԶՀոգին ճշմարտութեան զոր աշխարհս ոչ կարէ ընդունել, զի ոչ տեսանէ զնա եւ ոչ ճանաչէ զնա. բայց 16 դուք ճանաչէք զնա, զի առ ձեզ բնակեսցէ եւ ընդ ձեզ եղիցի: Ոչ թողից 17 զձեզ որքս, գամ առ ձեզ: Փոքր մեռս եւս՝ եւ աշխարհս ոչ եւս տեսանէ զիս, բայց դուք տեսանիցէք զիս, զի ես կենդանի եմ, եւ դուք կենդանի լինեցիք: 18 Եւ Ես առնուամ զնա, եւ զիս ի Հօր իմում, եւ դուք յիս, եւ 19 ես ի ձեզ: Որ ունի զպատուիրանս իմ եւ պահէ զնոսա՝ նա է որ սիրէ զիս. եւ որ սիրէն զիս՝ սիրեսցի ի Հօրն իմմէ. եւ ես սիրեցիք զնա, եւ երեւեցուցից նմա զիս:

22 Ասէ ցնա Յուդա (ոչ Իսկարիովացի), Տէր, զի՞ եղեւ զի մեզ յայտնելոց 23 ես զքեզ եւ ոչ աշխարհի: Պատասխանի

23-24, Հաւատացէք

23-24-25, Եւ ինչ, (14) Եթէ խնդրիցէք ինչ յանուն իմ՝ արարից զայն:

1 ի բազմա՝ Պետրոս. յանուն զպատուիրանս

եւ Յիսուս եւ ասէ ցնա, եթէ ոք սիրէ  
զիս, զբանն իմ պահեսցէ, եւ Հայր իմ  
սիրեսցէ զնա. եւ առ նա եկեսցուք  
24 եւ օթեմանս առ նմա արասցուք. եւ  
որ ոչն սիրէ զիս՝ զբանն իմ ոչ պահէ.  
եւ բանն իմ զոր լսէք՝ ոչ է իմ, այլ  
25 Հօրն որ առաքեացն զիս: Զայս խօ-  
սեցայ ընդ ձեզ, մինչ առ ձեզս եմ:  
26 Իսկ Մխիթարիչն, Հոգին Սուրբ, զոր  
առաքեսցէ Հայր յանուն իմ, նա ու-  
սուցէ ձեզ զամենայն, եւ յիշեցուցէ  
27 զամենայն զոր ինչ ասացի ձեզ: Խա-  
ղաղութիւն թողում ձեզ, զխաղաղու-  
թիւն զիմ տամ ձեզ. ոչ որպէս աշ-  
խարհս տայ, տամ ես ձեզ. մի՛ խռո-  
վեսցին սիրտք ձեր եւ մի՛ զանգիտես-  
28 ցեն: Լուայք զի ասացի ես ձեզ թէ  
երթամ եւ գամ առ ձեզ. եթէ սիրէիք  
զիս, ապա ուրախ լեալ էր ձեր եթէ  
եւ առ Հայր երթամ, զի Հայր իմ մեծ  
29 է քան զիս: Եւ այժմ ասացի ձեզ  
մինչև եւ եղեալ, զի յորժամ լինիցի,  
30 հաւատասցիք: Ոչ եւս այլ շատ խօսե-  
ցայց ընդ ձեզ. գայ իշխան աշխարհիս  
31 այսորիկ եւ յիս ինչ ոչ գտանէ: Այլ  
զի ծանիցէ աշխարհ եթէ սիրեմ զՀայր,  
եւ որպէս պատուիրեաց ինձ Հայր,  
այնպէս առնեմ. օ՛ն արիք գնասցուք  
աստի:

## ԳԼ. ԺԵ

1 Եւ եւմ որթն ճշմարիտ, եւ Հայր իմ  
2 մշակ է: Ամենայն ուռ որ յիս է եւ ոչ  
բերէ պտուղ՝ կտրէ զնա. եւ ամենայն  
որ բերէ պտուղ՝ սրբէ զնա, զի առա-  
3ւել եւս պտղարեր լիցի: Դուք արդէն  
իսկ սուրբ էք վասն բանին զոր խօսե-  
4ցայ ընդ ձեզ. կացէք յիս եւ ես ի ձեզ.  
որպէս ուռն ոչ կարէ պտուղ բերել  
յանձնէ իւրմէ, եթէ չիցէ հաստատեալ  
յորթն, նոյնպէս եւ դուք եթէ ոչ յիս  
5 հաստատեալ լիցէք: Եւ եւմ որթ եւ դուք  
ուռ. որ հաստատեալ է յիս եւ ես ի նա,  
նա բերէ պտուղ յոյժ. զի առանց իմ  
6 ոչ ինչ կարէք առնել: Եթէ ոք ոչ է  
հաստատեալ յիս, եւ նա արտաքս իւ-  
րեւ զուռն եւ ցամաքեցաւ. եւ ժողո-  
վն զնա եւ ի հուր արկանեն, եւ այրի:  
7 Եթէ կայցէք յիս եւ բանք իմ ի ձեզ  
կայցեն, զոր ինչ կամիցիք խնդրես-  
8 չիք, եւ լինիցի ձեզ: Յայսմիկ փառա-

ւորեցաւ Հայր իմ, զի պտուղ յոյժ բե-  
րիցէք, եւ եղիջիք իմ աշակերտք:  
9 Որպէս սիրեաց զիս Հայր, եւ ես  
սիրեցի զձեզ. հաստատուն կացէք ի  
10 սէր իմ: Եթէ պահիցէք զպատուիրանս  
իմ, կացիք ի սէր իմ. որպէս ես  
զպատուիրանս Հօր իմոյ պահեցի, եւ  
11 կամ ի սէր նորա: Զայս խօսեցայ ընդ  
ձեզ, զի ուրախութիւնն իմ ի ձեզ իցէ,  
եւ ձեր ուրախութիւնն լցեալ եղիցի:  
12 Այս է պատուէր իմ, զի սիրեսցիք  
զմիմեանս, որպէս եւ ես սիրեցի զձեզ:  
13 Մեծ եւս քան զայս սէր ոչ ոք ունի,  
եթէ զանձն իւր զիցէ ի վերայ բարեւ,  
14 կամաց իւրոց: Դուք բարեկամք էք  
իմ, եթէ առնիցէք զոր եսն պատուի-  
15 բեմ ձեզ: Ոչ եւս կոչեմ զձեզ ծառայս,  
զի ծառայն ոչ գիտէ զինչ գործէ տէրն  
նորա. այլ զձեզ կոչեցի բարեկամս,  
զի զամենայն զոր լուայ ի Հօրէ իմմէ՝  
16 ծանուցի ձեզ: Ոչ եթէ դուք ընտրե-  
ցէք զիս, այլ ես ընտրեցի զձեզ, եւ եղի  
զձեզ զի դուք երթայցէք եւ պողա-  
բերք լինիցիք, եւ պտուղն ձեր կաց-  
ցէ, եւ զոր ինչ խնդրիցէք ի Հօրէ իմմէ  
17 յանուն իմ՝ տացէ ձեզ: Զայս պառ-  
ուիրեմ ձեզ զի սիրեսցիք զմիմեանս:  
18 Եթէ աշխարհ զձեզ ատեայ, գիտա-  
19 չիք զի նախ զիս ատեաց: Եթէ յաշ-  
խարհէ աստի էիք, աշխարհ զիւրն սի-  
րէր արդեւ. բայց զի չէք յաշխարհէ,  
այլ ես ընտրեցի զձեզ յաշխարհէ, վասն  
20 այնորիկ ատեայ զձեզ աշխարհ: Յիշե-  
ցէք զբանն զոր ասացի ձեզ, թէ Ոչ է  
ծառայ մեծ քան զտէր իւր. եթէ զիս  
հալածեցին, ապա եւ զձեզ հալածե-  
ցեն. եթէ զբանն իմ պահեցին, ապա  
21 եւ զձերն պահեսցեն: Այլ զնոյնս ա-  
րասցեն ընդ ձեզ վասն անուան իմոյ,  
զի ոչ գիտեն զայն որ առաքեացն զիս:  
22 Իմ եթէ չէր եկեալ եւ խօսեցեալ ընդ  
նոսա, մեզ ինչ ոչ գոյր նոցա. բայց  
արդ չիք ինչ պատճառք վասն մեղաց  
23 իւրեանց: Որ զիս ատեայ, եւ զՀայրն  
24 իմ ատեայ: Եթէ զգործսն չէր գործեալ  
ի նոսա, զոր ոչ այլ ոք գործեաց, մեզ  
ինչ ոչ գոյր նոցա, լայց արդ տեսին  
եւ ատեցին եւ զիս եւ զՀայր իմ:  
25 Այլ զի լցցի բանն որ յօրէնս նոցա  
գրեալ է թէ՛ Ատեցին զիս տարապար-  
26 տուց: Բայց յորժամ եկեսցէ Մխիթա-  
րիչն զոր ես առաքեցիք ձեզ ի Հօրէ,

զՀոգին ճշմարտութեան որ ի Հօրէ  
21 ելանէ, նա վկայեցէ վասն իմ. Եւ  
դուք վկայէք, զի ի սկզբանէ ընդ իս  
էք:

## ԳԼ. ԺԶ

1 Ջայս խօսեցայ ընդ ձեզ՝ զի մի՛ գայ-  
2 թակղեսլիք. ի ժողովրդոց իւրեանց  
հանիցեն զձեզ. այլ եկեցէ ժամանակ  
զի ամենայն որ սպանանիցէ զձեզ՝ հա-  
մարիցի պաշտօն մատուցանել Աստու-  
3 ծոյ. Եւ զայն արասցեն ընդ ձեզ,  
քանզի ոչ ծանեան զՀայր եւ ոչ զիս:  
4 Այլ եւ զայս խօսեցայ ընդ ձեզ, զի յոր-  
ժամ եկեցէ ժամանակ, յիշիցէք թէ  
ես ասացի ձեզ. զայս ի սկզբանէ ոչ  
ասացի ձեզ, քանզի ընդ ձեզ էի:  
5 Բայց արդ երթամ ես առ առաքիչն  
իմ, եւ ոչ ոք ի ձէնջ հարցանէ ցիս թէ  
6 Յո՞ երթաս: Այլ զի զայս խօսեցայ ընդ  
ձեզ, տրտմութիւն ելից զսիրտս ձեր:  
7 Այլ ես զճշմարտոն ասեմ ձեզ, լաւ է  
ձեզ եթէ ես երթամ. զի եթէ ես ոչ  
երթայմ, Միսիթարիչն ոչ եկեցէ առ  
ձեզ. ապա եթէ երթամ, առաքեցից  
8 զնա առ ձեզ. Եւ նա եկեալ՝ յանդի-  
մանեցէ զայսարհ վասն մեղաց եւ  
վասն արդարութեան եւ վասն դա-  
9 տաստանի: Վասն մեղաց՝ զի ոչ հա-  
10 լատան յիս. Վասն արդարութեան՝ զի  
առ Հայր իմ երթամ, եւ ոչ եւս տե-  
11 սանէք զիս. Վասն դատաստանի՝ զի  
իշխան աշխարհիս այսորիկ դատապար-  
12 տեալ է. Եւս բազում ինչ ունիմ ասել  
ձեզ, այլ ոչ կարէք հանդարտել այժ-  
13 միկ. Յորժամ եկեցէ նա, Հոգին ճշ-  
մարտութեան, առաջնորդեցէ ձեզ ա-  
մենայն ճշմարտութեամբ. զի ոչ եթէ  
յանձնէ ինչ խօսիցի, այլ զոր լսիցէ  
խօսիցի, եւ զգալոցն պատմեցէ ձեզ,  
14 նա զիս փառաւորեցէ, զի յիմէ անտի  
15 առնուցու եւ պատմեցէ ձեզ. Չամե-  
նայն ինչ զոր ունի Հայր՝ իմ է. վասն  
այնորիկ ասացի ձեզ թէ յիմէ անտի  
16 առնուցու եւ պատմեցէ ձեզ: Փոքր  
մի՛ եւ ոչ եւս տեսանէք զիս, եւ ասպ  
սակաւիկ մի՛ եւ տեսանիցէք զիս, եւ  
ես երթամ առ Հայր:  
17 Ասէին ունք յաշակերտաց անտի  
ցմիմեանս, Չի՛նչ է այս զոր ասէս ցմեզ  
թէ Փոքր մի՛ եւ ոչ տեսանէք զիս, եւ

դարձեալ սակաւիկ մի՛ եւ տեսանիցէք  
18 զիս, եւ թէ Ես առ Հայր երթամ. Եւ  
ասէին, Չի՛նչ իցէ այն Փոքր մեւս  
19 եւսն. չգիտեմք զի՛նչ խօսի: Գիտաց  
Յիսուս եթէ կամէին ցնա հարցանել,  
եւ ասէ ցնոսա, Վասն այդորիկ խնդրէք  
ընդ միմեանս զի ասացի թէ Փոքր մի՛  
եւ ոչ տեսանէք զիս, եւ դարձեալ սա-  
կաւիկ մեւս եւս՝ եւ տեսանիցէք զիս:  
20 Ամէն ամէն ասեմ ձեզ, զի լացլիք եւ  
ողբասլիք դուք, եւ աշխարհ խնդաս-  
ցէ. դուք տրտմեցլիք, այլ տրտմու-  
21 թիւն ձեր յուրախութիւն եղիցի. Կին  
յորժամ ծնանիցի, տրտմութիւն է նմա,  
զի հասեալ է ժամ նորա. այլ յորժամ  
ծնցի զմանուկն, ոչ եւս յիշէ զնեղու-  
թիւնն վասն խնդութեանն, զի ծնաւ  
22 մարդ յաշխարհ: Եւ դուք այժմ տրտ-  
մութիւն ունիք, այլ դարձեալ տեսից  
զձեզ, եւ ուրախ լիցին սիրտք ձեր.  
Եւ զուրախութիւնն ձեր ոչ ոք հանիցէ  
23 ի ձէնջ. Եւ յայնմ աւուր զիս ինչ ոչ  
հարցանիցէք. Ամէն ամէն ասեմ ձեզ,  
զի զոր ինչ խնդրիցէք ի Հօրէ իմի՛ց յա-  
24 նուն իմ՝ տացէ ձեզ. Մինչեւ ցայժմ  
ոչինչ խնդրեցէք յանուն իմ. խնդրե-  
ցէք եւ առնուցուք, զի ուրախու-  
25 թիւնն ձեր լցեալ եղիցի: Ջայս առա-  
կօք խօսեցայ ընդ ձեզ. եկեցէ ժա-  
մանակ յորժամ ոչ եւս առակօք խօսե-  
ցայց ընդ ձեզ, այլ յայտնապէս զՀօրէ  
26 պատմեցից ձեզ. Յայնմ աւուր խնդ-  
րեցլիք յանուն իմ. եւ ոչ ասեմ ձեզ  
եթէ ես աղաչեցից զՀայր վասն ձեր.  
27 Չի՛նք իսկ Հայր սիրէ զձեզ, զի  
դուք զիս սիրեցէք, եւ հաւատացէք  
28 եթէ ես յԱստուծոյ ելի. Ելի ի Հօրէ  
եւ եկի յաշխարհ, դարձեալ թողում  
զաշխարհ եւ երթամ առ Հայր:  
29 Ասեն ցնա աշակերտքն, Ահա արդ  
յայտնութեամբ խօսիս, եւ առակ եւ  
30 ոչ մի ինչ ասես: Այժմիկ գիտեմք եթէ  
գիտես զամենայն, եւ ոչինչ պիտոյ է  
եթէ ոք հարցանիցէ զքեզ. յայսմիկ հա-  
31 լատամք եթէ յԱստուծոյ ելեր. Պա-  
տասխանի ետ նոցա Յիսուս եւ ասէ,  
32 Այժմ հաւատա՞յք. Ահա եկեցէ ժամ  
եւ եկեալ իսկ է, զի ցրուեսլիք յիւ-  
րաքանչիւր տեղիս, եւ զիս միայն թո-  
ղուցուք. եւ չեմ միայն, զի Հայր ընդ  
33 իս է: Ջայս խօսեցայ ընդ ձեզ, զի ընդ  
իս խաղաղութիւն ունիցիք. յաշխարհի



աստ նեղութիւն ունիցիք, այլ քաջա-  
բերեցարուք, զի ես յաղթեցի աշխարհի:

ԳԼ. ԺԷ

1 Ձայս իբրեւ խօսեցաւ Յիսուս, ամ-  
բարձ զաչս իւր յերկիրս եւ ասէ, Հայր,  
հասեալ է ժամ, փառաւորեա զՈրդի  
քո, զի եւ Որդի քո փառաւորեացէ  
2 զքեզ: Որպէս ետուր նմա իշխանու-  
թիւն ամենայն մարմնոյ, զի ամենայնի  
զոր ետուր նմա՝ տացէ զկեանսն յա-  
3 խտենականս: Այս են յաւիտենական  
կեանք, զի ծանիցեն զքեզ միայն ճշ-  
մարիտ Աստուած, եւ զոր առաքեցեր  
4 զՅիսուս Քրիստոս: Ես զքեզ փառա-  
ւորեցի յերկրի: զգործն կատարեցի  
5 զոր ետուր ցիս զի արարից: Եւ այժմ  
փառաւորեա զիս, Հայր, առ ի քէն  
փառօքն զոր ունէի յառաջ քան զյիսնին  
6 աշխարհի առ ի քէն: Յայտնեցի զա-  
նուն քո մարդկան զորս ետուր ինձ  
յաշխարհէ: քո էին, եւ ինձ ետուր  
7 զնոսա, եւ զքանն քո պահեցին: Արդ  
զիտացին եթէ զամենայն ինչ զոր ե-  
8 տուր ինձ՝ ետուր նոցա: Եւ նոքա ըն-  
կալան եւ ծանեան ճշմարտութեամբ  
թէ առ ի քէն ելի, եւ հաւատացին  
9 եթէ դու առաքեցեր զիս: Արդ ես վասն  
նոցա աղաչեմ. եւ ոչ վասն աշխարհի  
աղաչեմ, այլ վասն նոցա զորս ետուրն  
10 ինձ, զի քո են: Եւ որ ինչ իմ է՝ ա-  
մենայն քո է: եւ որ ինչ քո է՝ այն  
իմ է, եւ փառաւորեալ եմ ի նոսա:  
11 Եւ ես ոչ եւս եմ յաշխարհի, եւ նոքա  
յաշխարհի են, եւ ես առ քեզ գամ:  
Հայր սուրբ, պահեա զնոսա յանուն  
քո, զորով ետուրն ինձ, զի եղիցին  
12 մի, որպէս եւ մեք մի եմք: Մինչ էի  
յաշխարհի ընդ նոսա, ես պահէի զի-  
նս յանուն քո, զորով ետուրն ինձ,  
եւ պահեցի: եւ ոչ ոք ի նոցանէ կոր-  
եաւ, բայց որդին կորստեան, զի զիրն  
13 լցցի: Բայց արդ առ քեզ գամ, եւ զայս  
խօսիմ յաշխարհի, զի ունիցին զուրա-  
խտութիւնն իմ լիով յանձնիս իւրեանց:  
14 Ես ետուր նոցա զքանն քո, եւ աշ-  
խարհս ատեաց զնոսա: զի չեն յաշ-

խարհէ, որպէս եւ ես չեմ յաշխարհէ:  
15 Ոչ զայս աղաչեմ զի բարձցես զնոսա  
յաշխարհէ, այլ զի պահեսցես զնոսա  
16 ի չարէ: Յաշխարհէ աստի չեն, որպէս  
17 եւ ես չեմ յաշխարհէ: Սուրբ արա  
զնոսա ճշմարտութեամբ քով, զի քո  
18 բանդ ճշմարտութիւն է: Որպէս զիս  
առաքեցեր յաշխարհ, եւ ես առաքեցի  
19 զնոսա յաշխարհ: Եւ ի վերայ նոցա ես  
սուրբ առնեմ զանձն իմ, զի եղիցին  
եւ նոքա սրբեալք ճշմարտութեամբ:  
20 Այլ ոչ վասն նոցա միայն աղաչեմ, այլ  
եւ վասն ամենայն հաւատացելոց բա-  
21 նիւն նոցա յիս: Զի ամենեքին մի  
իցեն, որպէս դու, Հայր, յիս, եւ ես  
ի քեզ, զի եւ նոքա ի մեզ իցեն: զի  
եւ աշխարհ հաւատասցէ եթէ դու ա-  
22 ռաքեցեր զիս: Եւ ես զփառսն զոր  
ետուր ինձ՝ ետուր նոցա, զի իցեն մի,  
23 որպէս եւ մեք մի եմք: Ես ի նոսա,  
եւ դու յիս, զի եղիցին կատարեալք  
ի մի: եւ զիտասցէ աշխարհ եթէ դու  
առաքեցեր զիս: եւ սիրեցի զնոսա,  
24 որպէս դու զիս սիրեցեր: Հայր, զորս  
ետուրն ինձ, կամիմ զի ուր ենն եմ,  
եւ նոքա իցեն ընդ իս, զի տեսանիցեն  
զփառսն զիմ զոր ետուրն ցիս: զի սի-  
րեցեր զիս յառաջ քան զյիսնին աշ-  
25 խարհի: Հայր արդար, եւ աշխարհ  
զքեզ ոչ ծանեաւ, այլ ես զքեզ ծա-  
նեայ: եւ նոքա ծանեան եթէ դու ա-  
26 ռաքեցեր զիս: Եւ ծանուցի նոցա զա-  
նուն քո եւ ծանուցից: զի սէրն զոր  
սիրեցեր զիս՝ ի նոսա իցէ, եւ ես ի  
նոսա:

ԳԼ. ԺԸ

1 Ձայս իբրեւ ասաց Յիսուս, եւ աչա-  
կերտօքն հանդերձ յայնկոյս ձորոյն  
Կեղերովի, ուր էր պարտէզ, յոր ե-  
2 մուտ ինքն եւ աշակերտքն իւր: Գի-  
տէր եւ Յուդա որ զնայն մատնելոց  
էր՝ զտեղին, զի բազում անգամ ժո-  
զովեալ էր անդր Յիսուսի աշակեր-  
3 տօքն հանդերձ: Եւ Յուդայի առեալ  
ընդ իւր զգունդն, եւ ի քանանայա-  
պետիցն եւ ի փարիսեցւոց սպասա-  
ւորս, գոյ անդր ջահիւք եւ լապտե-  
4 րօք եւ զկնուք, իսկ Յիսուս իբրեւ  
ետեա զան ամենայն եկեալ ի վերայ  
նորա, իլ եւ ասէ ցնոսա, Զ՞ ինդրէք:

18-22, ինչ՝ առ ի քէն են. (8) Զի զքանն զորս  
ետուր ինձ՝ ետուր նոցա: և  
23-24-25, զոր, այլ՝ զորս  
26 ի քեզ-էս զիս-էս

5 Պատասխանի ետուն նմա, Ձերսուս  
 նազովրեցի: Ասէ ցնոսա Յիսուս, ես  
 եմ. կայր ընդ նոսա եւ Յուդա որ  
 6 մատնէրն զնա: Իբրեւ ասաց թէ ես  
 եմ, յետս յետս չոգան եւ զարկան  
 7 զգետնի: Դարձեալ եհարց զնոսա, Ձո՞  
 խնդրէք: Եւ նոքա ասեն, Ձերսուս  
 8 նազովրեցի: Պատասխանի ետ նոցա  
 Յիսուս, Ասացի ձեզ թէ ես եմ. արդ  
 եթէ զիս խնդրէք, թոյլ տուք դոցա  
 9 երթալ: Զի լցցի բանն զոր ասաց թէ  
 10 Ձորս ետուն ցիս՝ ոչ կորուսից ի նո-  
 րոս քանզի ունէր սուր, ձգեաց զնա,  
 եհար զքահանայապետին ծառայ, եւ  
 ի բաց առ զուսկն նորա զաջոյ. եւ էր  
 11 անուն ծառային Մաղքոս: Ասէ Յիսուս  
 ցՊետրոս, Արկ զսուրդ անդրէն ի պա-  
 տեանս իւր. զբաժակն զոր ետ ինձ  
 Հայր՝ ոչ ըմպիցեմ զնա:  
 12 Իսկ զուսկն եւ հազարապետն եւ  
 սպասաւորք Հրէիցն կալան զՅիսուս  
 13 եւ կապեցին. Եւ ածին զնա նախ առ  
 Աննա որ էր աներ կայիափայի, որ  
 քահանայապետն էր տարւոյն այնորիկ:  
 14 Այս այն կայիափա էր որ խրատն ետ  
 Հրէից եթէ Լաւ է առն միում մեռա-  
 15 նել ի վերայ ժողովրդեանն: Եւ երթա-  
 յին զհետ Յիսուսի Սիմովն Պետրոս  
 եւ մեւս աշակերտն. եւ աշակերտն  
 այն, զքանզի ծանօթ էր քահանայա-  
 պետին, եմուտ ընդ Յիսուսի ի վաւիթ  
 16 քահանայապետին. Եւ Պետրոս կայր  
 առ դրանն արտաքոյ. եւ մեւս աշա-  
 կերտն որ էր ծանօթ քահանայապե-  
 տին, եւ ասաց ցզոնապանն եւ եմոյծ  
 17 ի ներքս զՊետրոս: Ասէ աղջիկն որ  
 զոնապանն էր՝ ցՊետրոս, Միթէ եւ  
 զո՞ւ յաշակերտաց անն այնորիկ իցես:  
 18 Եւ նա ասէ, Ոչ եմ. կային անդ ծա-  
 ռայքն եւ սպասաւորք խարոյկ ար-  
 կեալ, քանզի ցուրտ էր, եւ ջեռնուին.  
 կայր ընդ նոսա եւ Պետրոս եւ ջեռնոյր:  
 19 Եւ քահանայապետն եհարց զՅիսուս  
 վասն աշակերտացն եւ վասն վարդա-  
 20 պետութեան նորա: Պատասխանի ետ  
 նմա Յիսուս, Ես յայտնապէս խօսե-  
 ցայ աշխարհի. ես յամենայն ժամ ու-  
 սուցի ի ժողովրդեանն, եւ ի տաճարի  
 անդ ուր ամենայն Հրեայք ժողովեալ  
 էին, եւ ի ծածուկ ինչ ոչ խօսեցայ:  
 21 Զի հարցանես զիս, հարց զայնոսիկ

որ լուանն, թէ զինչ խօսեցայ ընդ նո-  
 սա. ահաւասիկ նոքա գիտեն զինչ խօ-  
 22 սեցայ: Իբրեւ նա զայն ասաց, մի ոմն  
 ի սպասաւորացն որ անդ կայր, ած  
 ապտակ Յիսուսի եւ ասէ, Այդպէս  
 պատասխանի տաս քահանայապետիդ:  
 23 Եւ Յիսուս ասէ ցնա, Եթէ չար ինչ  
 խօսեցայ, վկայեա վասն չարին, իսկ  
 24 եթէ բարի, ընդէ՛ր հարկանես զիս. Եւ  
 առաքեաց զնա Աննա կապեալ առ Կա-  
 25 յիափա քահանայապետ. Եւ Սիմովն  
 Պետրոս կայր անդ եւ ջեռնոյր. ասեն  
 ցնա, Միթէ եւ զո՞ւ յաշակերտաց ան-  
 տի նորա իցես: Նա ուրացաւ եւ ասէ  
 26 թէ Չեմ. Եւ ասէ մի ոմն ի ծառայից  
 քահանայապետին, ազդական այնորիկ  
 զորոյ զուսկն եհատ Պետրոս, Ո՞չ ես  
 իսկ տեսի զքեզ ի պարտիդի անդ ընդ  
 27 նմա: Դարձեալ ուրացաւ Պետրոս, եւ  
 վաղվաղակի հաւ խօսեցաւ:  
 28 Եւ ածին զՅիսուս ի վանացն կայիա-  
 փայ յապարանս դատաւորին, եւ էր  
 այգուց. եւ նոքա ոչ մտին յապա-  
 29 րանն, զի մի՛ պղծեսցին, այլ զի ու-  
 տիցեն զզատիկն: Եւ առ նոսա Պի-  
 ղատոս արտաքս եւ ասէ, Զինչ չա-  
 30 րախօսութիւն մատուցանէք զանէն  
 զայնմանէ: Պատասխանի ետուն եւ  
 ասեն ցնա, Եթէ չէր չարագործ այրն  
 այն, ապա ոչ մատնէաք զնա քեզ:  
 31 Ասէ ցնոսա Պիղատոս, Առէք զնա դուք,  
 եւ ըստ ձերոց օրինացն դատեցարուք:  
 Ասեն ցնա Հրեայքն, Մեզ ոչ արժան  
 32 սպանանել զոք: Զի լցցի բանն Յի-  
 սուսի զոր ասաց, նշանակեալ թէ ո-  
 33 րով մահու մեռանելոյ իցէ: Եմուտ  
 միւսանգամ յապարանս Պիղատոս,  
 կոչեաց զՅիսուս եւ ասէ ցնա, Դո՞ւ  
 34 ես Թագաւորն Հրէից: Պատասխանի  
 ետ Յիսուս, Ի՞քէ՞ն ասես զայդ եթէ  
 35 այլք ասացին քեզ զինէն: Պատասխա-  
 նի ետ Պիղատոս, Միթէ եւ եւ Հրեայ  
 իցեմ. ազգն քո եւ քահանայապետք  
 մատնեցին զքեզ ինձ. զինչ գործ գոր-  
 36 ծեալ է քո: Պատասխանի ետ Յիսուս,  
 Իմ արքայութիւն չէ յայսմ աշխարհէ.  
 եթէ յաշխարհէ աստի էր արքայու-  
 թիւնն իմ, սպասաւորքն իմ մարտըն-  
 չէին արդեւք զի մի՛ մատնեցայք Հրէից,  
 բայց արդ Թագաւորութիւնն իմ չէ  
 37 աստի: Ասէ ցնա Պիղատոս, Ապա թէ  
 այդպէս իցէ, Թագաւոր ոմն ես դու:

Պատասխանի ետ Յիսուս, Դու ասես թէ թագաւոր իցեմ. բայց ես յայդ իսկ ծնեալ եմ, եւ ի դոյն իսկ եկեալ եմ յաշխարհ, զի վկայեցից ճշմարտութեանն. ամենայն որ ի ճշմարտութենէ 38 է՝ լսէ բարբառոյ իմոյ: Ասէ ցնա Պիղատոս, Զի՞նչ է ճշմարտութիւն: Զայս իբրեւ ասաց, դարձեալ ել առ Հրեայսն եւ ասէ ցնոսա, Ես եւ ոչ մի ինչ 39 պատճառս գտանեմ ի նմա: Բայց է ձեր սովորութիւն, զի զմի ոք արձակեցից ձեզ ի գատկիս. արդ կամի՞ք զի ար- 40 ձակեցից ձեզ ղ թագաւորն Հրէից: Աղաղակեցին ամենեքեան եւ ասէին, Մի՛ զդա, այլ զԲարարբա. եւ էր Բարբառայն այն աւաղակ:

ԳԼ. ԺԹ

1 Յայնժամ ա'ռ Պիղատոս զՅիսուս եւ 2 գան հնար: Եւ զինուորացն արարեալ պսակ ի փշոց՝ եղին ի զլուխ նորա, եւ զգեցուցին նմա հանդերձ ծիրանի: 3 <sup>1</sup>Եւ գային առ նա՝ եւ ասէին, Ողջ եր, արքայ Հրէից. եւ հանէին նմա 4 ապտակս: Ել դարձեալ Պիղատոս արտաքս եւ ասէ ցնոսա, Ահա ածեմ զնա արտաքս առ ձեզ, զի գիտասցիք թէ 5 ես չլսա ինչ ի նմա ոչ գտանեմ: Ել Յիսուս արտաքս, եւ ունէր պսակ ի փշոց եւ հանդերձ ծիրանի. եւ ասէ 6 ցնոսա, Ահա այդք <sup>2</sup>ցձեզ, իբրեւ տեսին զնա քահանայապետքն եւ սպա- սաւորք, զաղաղակ բարձին եւ ասին, ի խաչ հան, ի խաչ հան <sup>1</sup>զդա. ասէ ցնոսա Պիղատոս, Առէք զդա ի ձեզ, եւ ձեզէն հանէք ի խաչ. զի ես ի դմա 7 չլսա ինչ ոչ գտանեմ: Պատասխանի ետուն նմա Հրեայքն, Մեք օրէնս ու- նիմք, եւ ըստ օրինաց մերոց պարտի մեռանել, զի զանձն իւր Որդի Աստու- 8 ծոյ արար: Իբրեւ լուաւ զբանս զայս 9 Պիղատոս, առաւել եւս երկեաւ: Եւ մուտ դարձեալ անդրէն յապարանսն, եւ ասէ ցՅիսուս, Ուստի՞ ես դու. եւ 40 Յիսուս ոչ ետ նմա պատասխանի: Ասէ ցնա Պիղատոս, Ընդ իս ո՞չ խօսիս, ո՞չ գիտես եթէ իշխանութիւն ունիմ հա- նել զքեզ ի խաչ, եւ իշխանութիւն 41 ունիմ արձակել զքեզ: Պատասխանի

ետ Յիսուս, Ոչ ունէիք դու իշխանու- թիւն ի վերայ իմ եւ ոչ մի, եթէ ոչ էր տուեալ քեզ ի վերուստ. վասն այ- նորիկ որ մատնեացն զիս քեզ, նորա 12 մեծ մեղք են: Եւ յայնմանէ Պիղատոս խնդրէր արձակել զնա. եւ Հրեայքն աղաղակէին եւ ասէին, Եթէ զդա ար- ձակես, չես բարեկամ կայսեր. ամե- նայն ոք որ թագաւոր կոչէ զանձն 13 իւր, հակառակ է կայսեր: Իսկ Պիղա- տոս իբրեւ լուաւ զբանս զայսոսիկ, ած զՅիսուս արտաքս. եւ նստաւ ի վերայ բեմին ի տեղւոջն որ կոչէր Բարայետակ, եւ Եբրայեցերէն կապ- 14 պաթա: (Էր ուրբաթն գատկի, եւ էր ժամ իբրեւ վեցերորդ,) եւ ասէ ցՀրեայսն, Ահա թագաւորդ ձեր <sup>2</sup>ցձեզ: 15 Եւ նոքա աղաղակէին, Բարձ <sup>2</sup>ի մէնջ, բարձ <sup>2</sup>ի մէնջ, եւ հան զդա ի խաչ: Ասէ ցնոսա Պիղատոս, Ես զթագա-ւորդ ձեր ի խաչ հանիցեմ: Պատաս- խանի ետուն քահանայապետքն, Զիք 16 մեր թագաւոր բաց ի կայսերէ: Յայն- ժամ ետ զնա ի ձեռս նոցա, զի ի խաչ ելանիցէ: 17 Եւ նոքա առեալ տանէին զնա. եւ բարձեալ էր ինքնին զխաչափայտն, եւ ելանէր ի տեղին որ անուանեալ էր Գաղաթան, եւ կոչէր Եբրայեցերէն 18 Գոդգոթա. Ուր եւ ի խաչն իսկ հանին զնա, եւ ընդ նմա երկուս եւս այլս աստի եւ անտի, եւ ի միջի զՅիսուս, եւ 19 Դրեաց եւ տախտակ մի Պիղատոս, եւ եդ ի վերայ խաչին. եւ էր գրեալ, ՅԻՍՈՒՍ ՆԱԶՈՎԱՐԵՑԻ, ԹԱԳԱՒՈՐ ՀՐԷՒՑԻ: 20 Զայն տախտակ ընթերցան բազումք ի Հրէից, զի մօտ էր ի քաղաք անդր տեղին ուր խաչեցաւն Յիսուս. եւ էր գրեալ Եբրայեցերէն, Դադմատերէն եւ 21 Յունարէն, Ասին ցՊիղատոս քահա- նայապետքն Հրէից, Մի՛ գրեր Թա- գաւոր Հրէից, այլ թէ նա ասաց, Թա- 22 գաւոր եմ Հրէից: Պատասխանի ետ Պիղատոս, Զոր ինչ գրեցի՞ գրեցի: 23 Իսկ զինուորքն իբրեւ հանին ի խաչ զՅիսուս, ասին զհանդերձս նորա եւ արարին չորս մասունս, իւրաքանչիւր զինուորի մասն. իսկ զպատմութեանն, քանզի էր առանց կարանի ի վերուստ 24 փորանկեալ ամենեւին, Ասեն ցմի- մեանս, Մի՛ պատառեսցուք զայդ, այլ արկցուք վիճակս ի վերայ դորա ում

<sup>1</sup> Յուդէա գ-լ-տ-տ

<sup>2</sup> ի Յուդէա գ-լ-տ-տ

- եւ ելցէ . զի լցցի գիրն որ ասէ , Բա-  
ժանեցան զհանդերձս իմ յիւրեանս , եւ  
ի վերայ պատմութեանս իմոյ վիճակ  
արկին : Զինուորքն զայս ինչ գործե-  
ցին :
- 25 Եւ կային առ խաչին Յիսուսի մայրն  
նորա , եւ քոյր մօր նորա , Մարիամ  
կղէովպայ , եւ Մարիամ Մագդաղե-  
26 նացի : Յիսուս իբրեւ ետես զմայրն  
եւ զաշակերտն զոր սիրէր , զի կայր  
մօտ , ասէ ցմայրն , Կին դու , ահա  
27 որդի քո : Ապա ասէ ցաշակերտն , Ահա  
մայր քո . եւ յայնմ ժամանակէ ա՛ռ  
աշակերտն զնա առ իւր :
- 28 Ետ այսորիկ իբրեւ գիտաց Յիսուս  
եթէ ահա ամենայն ինչ կատարեալ է ,  
( զի կատարեսցի գիրն . ) ասէ , Մարաւի  
29 եմ : Եւ անդ կայր աման ինչ լի քա-  
ցախով . եւ նոցա սպունգ լցեալ քացա-  
խով ՝ ընդ լեղւոյ՝ շուրջ եղեալ զմշտը-  
կաւ զոպայի մատուցին ի բերան նորա :  
30 Իբրեւ ա՛ռ Յիսուս զքացախն ՝ հան-  
դերձ լեղւոյն՝ ասէ , ՝ Ամենայն ինչ՝  
կատարեալ է . եւ խոնարհեցուցեալ  
զգլուին՝ աւանդեաց զոգին :
- 31 Իսկ Հրեայքն , քանզի ուրբաթ էր ,  
զի մի՛ անդէն ի խաչին ագանիցին մար-  
մինքն մինչեւ ցարաթն , ( զի էր օր  
մեծ շարաթուն այնորիկ . ) աղաչեցին  
զՊիղատոս զի խորտակեցեն զբարձս  
32 նոցա եւ բարձցին : Եկին զինուորքն  
եւ զառաջնոցն խորտակեցին զբարձս ,  
նոյնպէս եւ զմիւսոցն որ ընդ նմա ի  
33 խաչն եղեալ էր : Բայց իբրեւ եկին առ  
Յիսուս , եւ տեսին զի այն ինչ մեռ-  
եալ էր , ոչ խորտակեցին զբարձս նո-  
34 րա : Այլ մի ոմն ի զինուորացն տիգաւ  
խոցեաց զկողս նորա , եւ վաղվաղակի  
35 եւ արիւն եւ ջուր : Եւ որ ետեսն՝  
վկայեաց , եւ ճշմարիտ է վկայութիւն  
նորա , եւ նա գիտէ թէ ճշմարիտ ասէ ,  
36 զի եւ դուք հաւատասցիք : Այս եղեւ  
զի լցցի գիրն եթէ Ոսկր նորա մի՛  
37 փշրեսցի : Եւ դարձեալ մեւս գիր ասէ  
եթէ Հայեսցին ի նա յոր խոցեցինն :
- 38 Ետ այսորիկ աղաչեաց զՊիղատոս  
Յովսէփ որ յԱրիմաթեայ էր , աշա-  
կերտ Յիսուսի ի ծածուկ վասն ահին  
Հրէից , զի բարձցէ զմարմինն Յիսու-

սի . եւ հրամայեաց Պիղատոս . ՝ Եկին  
39 եւ բարձին զնա՝ : Եկն եւ Նիկողեմոս  
որ եկեալն էր առ Յիսուս ի գիշերի  
զառաջինն , եւ երբ զմուսս խառն  
ընդ հալուէս իբրեւ լտերս հարեւր :  
40 Առին զմարմինն Յիսուսի , եւ պառե-  
ցին կտաւովք խնկովքն հանդերձ , որ-  
41 պէս օրէն էր Հրէից պատել : Եւ էր  
ի տեղւոջն յորում խաչեցաւ պարտէզ-  
եւ ի պարտիգի անդ՝ գերեզման նոր  
42 յորում ոչ ոք երբեք էր եղեալ : Անդ  
վասն ուրբաթուն Հրէից , զի մօտ էր  
գերեզմանն , եղին զՅիսուս :

## ԳԼ Ի

- 1 Եւ ի միաշաբաթւոյն Մարիամ Մագ-  
դաղենացի զայ առաւօտուն ընդ ար-  
շալոյսն ի գերեզման անդր , եւ տեսա-  
նէ զվէմն բարձեալ ՝ ի դրաց գերեզմա-  
2 նին՝ : Ապա ընթանայ եւ զայ առ Սի-  
մօնն Պետրոս եւ առ մեւս աշակերտն  
զոր սիրէր Յիսուս , եւ ասէ ցնոսա ,  
Բարձին զՏէր ի գերեզմանէ անտի , եւ  
3 ոչ գիտեմք ուր եղին զնա : Եւ Պե-  
տրոս եւ մեւս աշակերտն եւ զային ի  
4 գերեզմանն : Ընթանային երկօրին ի  
միասին , եւ մեւս աշակերտն յառա-  
ջեաց ընթացաւ վաղագոյն քան զՊե-  
5 տրոս եւ եկն նախ ի գերեզմանն : Եւ  
խոնարհեալ տեսանէ զի կային անդ  
կտաւքն , բայց ի ներքս ոչ եմուտ :  
6 Եկն եւ Սիմօնն Պետրոս որ զայրն  
զկնի նորա , եւ եմուտ ի գերեզմանն ,  
եւ տեսանէ զկտաւսն զի կային անդ-  
7 Եւ վարչամակն որ էր ի գլուխ նորա ,  
ոչ ընդ այլ կտաւսն կայր , այլ ուրոյն  
8 ծալեալ ի մի կողմն : Յայնժամ եմուտ  
եւ մեւս աշակերտն , որ եկեալն էր  
յառաջագոյն ի գերեզմանն , ետես եւ  
9 հաւատաց : Զի չեւ եւս գիտէին զգիր  
թէ պարտ է նմա ի մեռելոց յառնել :  
10 Զոգան դարձեալ առ միմեանս աշա-  
կերտքն :
- 11 Բայց Մարիամ կայր արտաքոյ գե-  
րեզմանին եւ լայր . եւ մինչդեռ լայր ,  
12 խոնարհեցաւ ի գերեզմանն . Եւ տեսա-  
նէ երկուս հրեշտակս ի սպիտակս , զի  
նստէին մի ի անարից եւ մի յանոթից

<sup>1</sup> Ի Բաղդադ գաւառի

<sup>2</sup> Ի Յուդէ գաւառի

<sup>3</sup> Բաղդադ , եկն և եւրաք զմարմինն նորա , ոչէ՝

եկն և եւրաք զմարմինն Յիսուսի

<sup>4</sup> Ուրաք , ի գերեզմանէն

- 13 ուր կայր մարմինն Յիսուսի: Եւ նոքա  
ասենցնա, Կին դու, զի՞ լաս: Ասէ  
ցնոսա, Զի բարձին զՏէրն իմ՝ ի գե-  
րեզմանէ աստի՞, եւ ոչ գիտեմ ուր  
14 եղին զնա: Զայս իբրեւ ասաց, դար-  
ձաւ ի թիկունս կոյս, եւ տեսանէ զՅի-  
սուս զի կայր: Եւ ոչ գիտէր թէ Յի-  
սուս իցէ: Ասէ ցնա Յիսուս, Կին դու,  
զի՞ լաս, զո՞ խնդրես: Նմա այսպէս  
թուեցաւ թէ պարտիզպանն իցէ, ասէ  
ցնա, Տէր, եթէ դու բարձեր զնա,  
ասա ինձ ուր եղիր զնա, զի ես առից  
16 զնա: Ասէ ցնա Յիսուս, Մարիամ: Եւ  
նա դարձաւ եւ ասէ ցնա՝ Եբրայեցե-  
րէն, Բարբուռնի, որ թարգմանի Վար-  
17 դապետ: Ասէ ցնա Յիսուս, Մի՛ մեր-  
ձենայր յիս, զի չեւ եւս ելեալ եմ առ  
Հայր իմ: Եւ ասա ցնոսա, Ելանեմ ես առ  
Հայրն իմ եւ առ Հայր ձեր, եւ Աս-  
18 տուածն իմ եւ Աստուած ձեր: Գայ  
Մարիամ Մաղդաղենացի եւ պատմէ  
աշակերտացն եթէ ետեսնա զՏէր, եւ  
զայս ինչ ասաց ցնա:  
19 Եւ էր երեկոյ ի միաշաբաթուոյ ա-  
ւուրն, եւ զրօք փակելովք ուր էին  
աշակերտքն ժողովալ վասն ահին  
Հրէից, եկն Յիսուս եւ եկաց ի միջի  
նոցա, եւ ասէ ցնոսա, Ողջոյն ընդ  
20 ձեզ: Իբրեւ զայս ասաց, եցոյց նոցա  
զձեռս եւ զկողմն իւր: Եւ խնդացին  
21 աշակերտքն իբրեւ տեսին զՏէր: Ասէ  
ցնոսա դարձեալ, Ողջոյն ընդ ձեզ, որ-  
պէս առաքեաց զիս Հայր իմ, եւ ես  
22 առաքեմ զձեզ: Եւ զայս իբրեւ ասաց,  
փչեաց ի նոսա եւ ասէ, Առէ՛ք Հոգի  
23 Սուրբ: Եթէ ումեք թողուցուք զմեղս,  
թողեալ լիցի նոցա: Եթէ զուրուք ու-  
նիցիք, կալեալ լիցի:  
24 Իսկ թովմաս, մի յերկոտասանիցն,  
անուանեալն Երկուորեակ, ոչ էր ընդ  
25 նոսա յորժամ եկն Յիսուս: Ասէին ցնա  
այլ աշակերտքն, եթէ Տեսաք զՏէր,  
եւ նա ասէ ցնոսա, Եթէ ոչ տեսից ի  
ձեռս նորա զնշան բեւեռացն, եւ ար-  
կից զմատունս իմ ի աեղիս բեւեռացն,  
եւ միսեցից զձեռս իմ ի կողս նորա,  
ոչ հաւատամ:  
26 Եւ յետ ութ աւուր դարձեալ էին  
ի ներքս աշակերտքն, եւ թովմաս ընդ

- նոսա: Գայ Յիսուս զրօքն փակելովք  
եւ եկաց ի մէջ, եւ ասէ, Ողջոյն ընդ  
27 ձեզ: Ապա ասէ ցթովմաս, Բեր զմա-  
տունս քո եւ արկ այսր եւ տես զձեռս  
իմ, եւ բեր զձեռն քո եւ միսեա ի կողս  
իմ, եւ մի՛ լինիր անհաւատ, այլ հա-  
28 լատացեալ: Պատասխանի ետ թովմաս  
եւ ասէ ցնա, Տէր իմ եւ Աստուած իմ:  
29 Ասէ ցնա Յիսուս, Այդ զի տեսերդ  
զիս եւ հաւատացեր: Երանի որոց ոչ  
իցէ տեսեալ եւ հաւատացեն:  
30 Բազում եւ այլ նշանս արար Յիսուս  
առաջի աշակերտաց իւրոց, որ ոչ է  
31 գրեալ ի գիրս յայսմիկ: Այլ այս այն-  
չափ ինչ գրեցաւ, զի հաւատայցէք եթէ  
Յիսուս՝ Քրիստոս է, Որդի Աստուծոյ:  
Եւ զի հաւատայցէք եւ զկեսանս յաւի-  
տենականս ընդունիցիք յանուն նորա:

## ԳԼ. ԽԱ

- 1 Եւ ետ այսորիկ դարձեալ յայտնեաց  
զանձն իւր Յիսուս աշակերտացն իւ-  
րոց առ ծովեզերքն Տիրեբեայ, եւ  
2 յայտնեաց այսպէս: Էին ի միասին Սի-  
մոնը Պետրոս, եւ թովմաս անուանե-  
ալն Երկուորեակ, եւ Նաթանայէլ որ  
ի կանայ Գալիլեացոց, եւ որդիքն Զե-  
բեդեայ, եւ այլք յաշակերտաց անտի  
3 երկու: Ասէ ցնոսա Սիմոնը Պետրոս,  
Երթամ ձուկն որսալ: Ասին ցնա,  
Գամք եւ մեք ընդ քեզ: Գնացին եւ  
մտին ի նաւ, եւ յայնմ զիշերի կայան  
4 եւ ոչինչ: Իբրեւ այդ եղեւ, կայր Յի-  
սուս յեզր ծովուն, բայց ոչ ծանեան  
5 աշակերտքն թէ Յիսուս իցէ: Ասէ  
ցնոսա Յիսուս, Մանկունք, միթէ ու-  
նի՞ք ինչ ուտելոյ: Պատասխանի ետուն  
6 եւ ասեն ցնա, Ոչ: Ասէ ցնոսա, Ար-  
կէ՛ք յաջակողմն նաւին զուռկանդ եւ  
գտանիցէք: Արկին, եւ ոչ կարէին  
ձգել ի բազմութենէ անտի ձկանցն:  
7 Ասէ աշակերտն այն զոր սիրէրն Յի-  
սուս՝ ցՊետրոս, Տէր է այն: Սիմոնը  
Պետրոս իբրեւ լուաւ թէ Տէր է, ար-  
կաւ զիւրեւ զսիածանելին, քանզի  
8 մերկ էր, եւ ընկէց զինքն ի ծովն: Եւ  
այլ աշակերտքն նաւաւն իսկ զային,  
քանզի չէին հեռի ի ցամաքէն, այլ  
իբրեւ երկերիւր կանդաւաւ, քարէին  
9 զգործին հանդերձ ձկամքն: Իբրեւ  
եկին ի ցամաք, տեսանեն կրակետդ

կայծականց եւ ձուկն մի ի վերայ եւ  
 10 հաց։ Ասէ ցնոսա Յիսուս, Բերէք ի  
 ձկանց այտի զոր դուքդ կալարուք  
 11 այժմիկ։ Եմուտ Սիմոն Պետրոս, եւ  
 ձգէր զգործին ի ցամաք լի մեծամեծ  
 ձկամք հարեւր յիսուսն եւ երիւք, եւ  
 այնչափ ինչ կայր եւ ոչ պատահեցաւ  
 12 գործին։ Ասէ ցնոսա Յիսուս, Եկայք  
 ճաշեցէք։ եւ ոչ ոք յաշակերտացն իշ-  
 խէր հարցանել թէ Դու ո՞վ ես, զի զի-  
 13 տէին թէ Տէրն է։ Դայ Յիսուս եւ առ-  
 նու զհացն եւ տայ նոցա, նոյնպէս եւ  
 14 զձուկնն։ Զայս երիցս անգամ երեւե-  
 ցաւ Յիսուս աշակերտացն՝ յարուցեալ  
 ի մեռելոց։  
 15 Եւ իբրեւ ճաշեցին, ասէ ցՍիմոն  
 Պետրոս Յիսուս, Սիմոն Եսայիսն, սիրե՞ս  
 զիս առաւել քան զգոսա։ Ասէ  
 ցնա, Այո, Տէր, եւ դու գիտես զի սի-  
 րեմ զքեզ։ Ասէ ցնա, Արածեա զգա-  
 16 ռինս իմ։ Դարձեալ ասէ ցնա, Սիմոն  
 Եսայիսն, սիրե՞ս զիս։ Ասէ ցնա,  
 Այո, Տէր, եւ դու գիտես զի սիրեմ  
 զքեզ։ Ասէ ցնա, Արածեա զոչխարս  
 17 իմ։ Ասէ ցնա երիցս անգամ, Սիմոն  
 Եսայիսն, սիրե՞ս զիս։ Տրտմեցաւ  
 Պետրոս, զի ասացն ցնա երիցս թէ  
 Սիրե՞ս զիս։ եւ ասէ ցնա, Տէր, դու  
 զամենայն գիտես, եւ զդու իսկ զամե-  
 նայն ճանաչես եւ եթէ՞ սիրեմ զքեզ։  
 Ասէ ցնա Յիսուս, Արածեա զոչխարս

<sup>18</sup> յն, դու ճանաչես եթէ

18 իմ։ Ամէն ամէն ասեմ քեզ, զի մինչ  
 մանուկն էիր, անձամբ անձին գօտի  
 անէիր եւ երթայիր յո եւ կամէիր։ եւ  
 յորժամ ծերացես, ձեռս ի վեր կալ-  
 ցես, եւ այլք անցեն քեզ գօտի, եւ  
 19 տարցին ուր ոչն կամիցիս։ Զայս ա-  
 սաց նշանակեալ թէ որով մահու փա-  
 ռաւոր առնիցէ զԱստուած։ եւ զայս  
 իբրեւ ասաց, ասէ ցնա, Եկ զկնի իմ։  
 20 Դարձաւ Պետրոս եւ տեսանէ զաշա-  
 կերտն զոր սիրէր Յիսուս, զի երթայր  
 զկնի, (որ եւ անկաւ զլանջօքն նորա  
 եւ ասէ, Տէր, ո՞վ է որ մատնելոցն է  
 21 զքեզ։) Զնա տեսեալ Պետրոսի, ասէ  
 22 ցՅիսուս, Տէր, իսկ սա զի։ Ասէ ցնա  
 Յիսուս, Եթէ կամիմ, զի կացցէ դա  
 մինչեւ ես գամ։ քեզ զի փոյթ է, դու  
 23 եկ զկնի իմ։ Եւ եյ բանս այս յեղբարս,  
 եւ համարեցան թէ աշակերտն այն ոչ  
 մեռանիցի։ եւ ոչ ասաց նմա Յիսուս  
 եթէ Ոչ մեռանիցի, այլ <sup>2</sup>թէ կամիմ  
 ես թէ կացցէ դա մինչեւ ես գամ<sup>3</sup>։  
 24 Այս աշակերտ է որ վկայէ վասն  
 այսոցիկ, որ եւ գրեացն իսկ զայսո-  
 սիկ։ եւ գիտեմք եթէ ճշմարիտ է  
 25 վկայութիւն նորա։ Բայց է եւ այլ ինչ  
 բազում զոր արար Յիսուս, զոր եթէ  
 գրեալ էր մի ըստ միովէ, կարծեմ թէ  
 եւ ոչ աշխարհս բաւական էր տանել  
 զգիրսն որ թէ գրեալ էին։

<sup>28</sup> յն, եթէ

<sup>3</sup> Բողոքի յոյսն, քեզ զի փոյթ է

# ԳՈՐԾՔ ԱՌԱՔԵԼՈՑ

## 'ՂՈՒԿԱՅ ԱԻԵՏԱՐԱՆՁԻ'

### ԳԼՈՒԽ Ա

1 **ԶԱՆՆ** առաջին զոր արարի վասն  
ամենայնի, ո' թէոփիլէ, զոր սկսաւ  
2 Յիսուս առնել եւ ուսուցանել, Մինչեւ  
յօրն պատուիրելոյ առաքելոցն ի ձեռն  
Հոգւոյն Սրբոյ՝ զորս ընտրեացն, եւ  
3 վերացաւ. Որոց յանդիման կացոյց  
զինքն կենդանի յետ չարչարանացն  
իւրոց ի բազում արուեստս յաւուրս  
քառասուն երեւել նոցա, եւ ասել վասն  
4 արքայութեանն Աստուծոյ. եւ ի հա-  
ղորդել ընդ նոսա հացիւ՝ պատուէր  
տայր նոցա յերուսաղէմ մի՝ մեկնել,  
այլ սպասել աւետեացն Հօր զոր լուա-  
5 րուքն յինէն. Զի Յովնանէս մկրտեաց  
ի ջուր, այլ դուք մկրտիցիք ի Հոգին  
Սուրբ, ոչ յետ բազում ինչ աւուրցս  
6 այսոցիկ. եւ նոքա մատուցեալ հար-  
ցանէին զնա եւ ասէին, Տէր, եթէ  
ի ժամանակի աստ յայսմիկ հասուցա-  
նելոց իցես զարքայութիւն Իսրայելի,  
7 Ասէ ցնոսա, Ոչ է ձեզ գիտել զժամս  
եւ զժամանակս, զոր Հայր եղ յիւ-  
8 րում իշխանութեան. Այլ առջիք զօ-  
րութիւն ի հասանել Հոգւոյն Սրբոյ  
ի վերայ ձեր. եւ եղիջիք ինձ վկայք  
յերուսաղէմ եւ յամենայն Հրէաստա-  
նի եւ ի Սամարիա եւ մինչեւ ի ծագս  
9 երկրի. եւ զայս իբրեւ ասաց, մինչ-  
դեռ հայէին նոքա, վերացաւ. եւ ամպն  
10 կալաւ զնա յաչաց նոցա. եւ մինչդեռ  
պուրցեալ հայէին ընդ երկինս երթա-  
լոյ նորա, եւ ահաւասիկ արք երկու  
երեւեցան նոցա ի հանդերձս սպիտակս,  
11 Որք եւ ասացին, Արք Գալիլեացիք,  
զի՞ կայք հայեցեալ ընդ երկինս. այս  
Յիսուս որ վերացաւն ի ձէնջ յերկինս՝  
սոյնպէս եկեսցէ զոր օրինակ տեսէք  
12 զնա երթեալ յերկինս. Ապա դարձան

յերուսաղէմ յանուանեալ լեռնէն Զի-  
թենեաց, որ է մերձ յերուսաղէմ ըստ  
13 չարաթուն ճանապարհի. եւ իբրեւ  
մտին, ելին ի վերնատունն ուր վանքն  
իսկ էին, Պետրոս եւ Յակովբոս, Յով-  
հաննէս եւ Անդրէաս, Փիլիպպոս եւ  
Թովմաս, Բարթողոմէոս եւ Մատ-  
թէոս, Յակովբոս Ալփեան եւ Շմաւոն  
Նախանձայոյզ եւ Յուդա Յակովբեան.  
14 Սոքա ամենեքեան էին հանապազոր-  
դեալ միաբան յաղօթս հանդերձ կա-  
նաւորք եւ Մարեմաւ մարքն Յիսուսի  
եւ եղբարքք նորա.

15 **Ա.** եւ յաւուրսն յայնսմիկ յարու-  
ցեալ Պետրոս ի մէջ յեղբարցն՝ ասէ,  
(եւ էր անդ բազմութիւն անուանց  
16 իբրեւ հարեւր եւ քսանից.) Արք եղ-  
բարք, պարտ էր կատարել զրոյն, զոր  
յառաջագոյն ասաց Հոգին Սուրբ ի բե-  
րանոյ Դաւթի վասն Յուդայի, որ ե-  
ղեւ առաջնորդ ունեւեացն Յիսուսի.  
17 Զի ի թիւս մեր էր ընդ մեզ, եւ հաս-  
եալ էր նմա վիճակ պաշտամանս այ-  
18 սորիկ. Սա ստացաւ գեղ ի վարձուց  
անիրաւութեան, եւ զուրկեցաւ հեր-  
ձաւ ընդ մէջ եւ հեղաւ ամենայն փոր  
19 նորա. եւ յայտնի եղեւ ամենեցուն  
որ բնակեալ են յերուսաղէմ մինչեւ  
կոչել զեղջն այնմիկ բարբառովն իւր-  
եանց Ակեղղամա, այսինքն է՝ Գեղ  
20 արեան. Զի գրեալ է ի գիրս Սաղմո-  
սաց, Եղիցի բնակութիւն նորա աւե-  
րակ, եւ մի՞ ոք իցէ որ բնակիցէ ի  
նմա. եւ, Զկարգ նորա առցէ այլ.  
21 Արդ պարտ է յարանցս յայսցանէ եկե-  
լոցս ընդ մեզ յամենայն ժամանակի  
յորում մուտ եւ ել առ մեզ Տէր Յի-  
22 սուս, Սկսեալ ի մկրտութենէն Յով-  
հաննու մինչեւ յօրն յորում վերացաւ

1 ի Յովնի գովոստ

2 Որք, ժողովեալ

3 Որք, աշակերտաց

4 Յովն, անկեալ զիսկէս

ի մէջ, վկայ յարութեան նորա ընդ  
23 մեզ լինել միում ի սոցանէ: Եւ կա-  
ցուցին երկուս, զՅովսէփ որում Բար-  
սարայն կոչէին, որ անուանեցաւն  
24 Յուստոս, եւ զՄատաթիա: Եւ կաց-  
եալ յաղօթս ասեն, Դու, Տէր, սրտա-  
գէտ ամենայնի, յայտնեա զմի ոք զոր  
25 ընտրեցեր ի սոցանէ յերկոցունց, Առ-  
նուլ զվիճակ պաշտամանս այսորիկ եւ  
զառաքելութեան, յորմէ անկաւ Յու-  
26 ճակս նոցա, եւ երանէր վիճակն Մա-  
տաթիայ, եւ համարեցաւ ընդ մետա-  
սան առաքելան:

ՎՋ

## ԳԼ. Բ

1 Եւ ի կատարել աւուրցն Պենտակոս-  
տէից՝ էին ամենեքեան միաբան ի մի-  
2 սոսին: Եւ եղեւ յանկարծակի հնչիւն  
յերկնից՝ եկեալ իբրեւ սաստիկ հողմոյ,  
եւ ելից զամենայն տունն յորում նոս-  
3 տէին: Եւ երեւեցան նոցա բաժանեալ  
լեզուք իբրեւ ի հողոյ, եւ նստաւ իւ-  
4 բաքանչիւր ի վերայ նոցա: Եւ լցան  
ամենեքեան Հոգւով Սրբով, եւ սկսան  
խօսել յայլ լեզուս որպէս եւ Հոգին  
5 տայր բարբառել նոցա: Եւ էին յերու-  
սաղէմ բնակեալ Հրեայք, արք երկիւ-  
ղաձք, յամենայն ազգաց որ ի ներքոյ  
6 երկնից: Եւ իբրեւ եղեւ բարբառոս այս,  
եկն միաբան բազմութիւնն եւ խոնե-  
ցաւ, զի լսէին յիւրաքանչիւր լեզուս  
7 խօսել նոցա: Սքանչանային ամենե-  
քեան եւ զարմանային եւ ասէին ընդ  
միմեանս, Ո՛չ աւասիկ ամենեքեան  
սոքա որք խօսինս՝ Գալիլեացիք են:  
8 Եւ զիմորդ լսեմք մեք յիւրաքանչիւր  
9 բարբառոս մեր յորում ծնեալ եմք. Պար-  
թեւք եւ Մարք եւ Իղամացիք եւ որ  
բնակեալ են ի Միջագետս, ի Հրէաս-  
տանի եւ ի Գամբիւս, ի Պոնտոս եւ  
10 յԱսիա, ի Փոփուգիա եւ ի Պամփիլիա,  
յնգիպտոս եւ ի կողմանս Լիբեացւոց  
որ ընդ Կիւրենացիս եւ որ եկք Հոռով-  
11 մայիցիք, Հրեայք եւ եկք նոցուն,  
Կրետացիք եւ Արաբացիք, լսեմք խօ-  
սից նոցա ի մեր լեզուս զմեծամեծս  
12 Աստուծոյ: Սքանչանային ամենեքեան  
զարմացեալք, եւ ասէին ցմիմեանս,

13 Ձի՛նչ կամիցի այս լինել: Եւ կիսոցն  
ընդ խաղ արկեալ ասէին թէ Քաղ-  
ցուալից իցեն:

14 Յարուցեալ Պետրոս հանդերձ մե-  
տասանիւքն՝ ամբարձ զձայն իւր եւ  
խօսեցաւ ընդ նոսա, Արք Հրէաստա-  
նեայք եւ որ բնակեալ էք յերուսաղէմ,  
ամենեքին, այս ձեզ յայտնի լիցի, եւ

15 ունկն դիք լսանից իմոց: Ոչ որպէս  
զուքդ կարծէք թէ սոքա արեւալ իցեն,

16 զի զեռ երեք ժամք են աւուրս: Այլ  
այս է որ ասացաւ ի ձեռն մարգարէին

17 Յովիայ. Եւ եղիցի յիս այսորիկ յա-  
ւուրս յիտինս, ասէ Աստուած, հեղից  
յՈգւոյ իմմէ ի վերայ ամենայն մարմ-  
նոյ, եւ մարգարէացին ուստերք ձեր  
եւ զստերք ձեր, եւ երիտասարդք ձեր  
տեսիլս տեսին, եւ ծերք ձեր երա-

18 զովք յերազիսցին: Եւ ի վերայ ծառա-  
յից իմոց եւ ի վերայ աղախնանց իմոց  
յաւուրսն յայնոսիկ հեղից յՈգւոյ իմմէ,

19 եւ մարգարէացին: Եւ տաց նշանս  
յերկինս ի վեր, եւ նշանս յերկիր ի  
խոնարհ՝ արիւն եւ հուր եւ մրրիկ

20 ծխոյ: Արեգակն դարձցի ի խաւար,  
եւ լուսին՝ յարիւն, մինչեւ եկեալ

21 իցէ օր Տեառն մեծ եւ երեւելի: Եւ  
եղիցի ամենայն որ կարգացէ զանուն  
Տեառն՝ կեցցէ:

22 Բ. Արք Իսրայելացիք, լուարուք  
զբանս զայսոսիկ. զՅիսուս հաղովորե-  
ցի, զայր ցուցեալ յԱստուծոյ ի ձեզ  
զօրութեամբ եւ նշանօք եւ արուես-  
տիւք, զոր արար նովաւ Աստուած  
ի միջի ձերում, որպէս եւ զուք իսկ

23 գիտէք, Չնա, նկատեալ խորհրդով  
եւ կանխագիտութեամբն Աստուծոյ  
ձմատնեալ, ի ձեռս՝ անօրինաց բեւեռ-

24 եալ ի փայտի սպանէք. Չոր Աստուած  
յարոյց՝ լուծեալ զերկունս մահու,  
քանզի ոչ էր հնար ըմբռնել նմա ի

25 նմանէ: Դաւիթ իսկ ասէ զնմանէ, Յա-  
ռաջագոյն տեսանէի զՏէր առաջի իմ  
յամենայն ժամ, զի է ընդ աջմէ իմմէ,

26 զի մի՛ սասանեցայց. Վասն այսորիկ  
ուրախ եղեւ սիրտ իմ, եւ ցնծացաւ  
լեզու իմ, եւս եւ մարմին իմ բնա-

27 կեսցէ յուսով: Ձի ոչ թողցես զանձն  
իմ ի դժոխս, եւ ոչ տացես Սրբոյ  
քում տեսանել զապականութիւն:



28 Ծանուցեր ինձ զճանապարհս կենաց լցուցեր զիս ուրախութեամբ երեսաց  
29 քոց ՚ի քաղցրութենէ։ Արք եղբարք, պարտ է համարձակութեամբ ասել վասն նահապետին Դաւթի, զի եւ մեռաւ եւ թաղեցաւ, եւ գերեզման նորա կայ ի միջի մերում մինչեւ ցայսօր։  
30 Զի մարգարէ էր, եւ գիտէր եթէ երդմամբ երդուաւ նմա Աստուած ի պտղոյ որովայնի շնորա նստուցանել՝ յաթոռ  
31 նորա, Յառաջագոյն ծանուցեալ խօսեցաւ վասն յարութեանն Քրիստոսի, զի ոչ թողաւ ոգի նորա ի դժոխս, եւ ոչ մարմին նորա ետես զապականու  
32 թիւն։ Զայս Յիսուս յարոյց Աստուած, որում ամենեքին մեք վկայ եմք։ Աջովն Աստուծոյ բարձրացեալ, զաւետիս Հոգւոյն Սրբոյ ընկալեալ ի Հօրէ՝ սփռեաց զայս, զոր դուք իսկ տեսա  
34 նէք եւ լսէք։ Զի ոչ եթէ Դաւիթ ել յերկիրնս, ասէ իսկ ինքն, Ասաց Տէր  
35 ցՏէր իմ, Նիստ ընդ աջմէ իմմէ՝ Մինչեւ եղից զԹշնամիս քո պատուանդան  
36 ոտից քոց։ Արդ ճշմարտիւ գիտացէ ամենայն տունդ Իսրայելի, զի եւ Տէր զնա եւ Օծեալ՝ Աստուած արար, զայն Յիսուս զոր դուքն խաչեցէք։  
37 Եւ լուեալ զայս՝ զղացան ի սիրտս իւրեանց, եւ ասեն զՊետրոս եւ ցայ առաքեալսն, Զինչ գործեսցուք, արք  
38 եղբարք։ Ասէ ցնոսա Պետրոս, Ապաւանեցէք եւ նկրտեսցի իւրաքանչիւր ոք ի ձէնջ յանուն Տեառն Յիսուսի Քրիստոսի ի թողութիւն մեղաց, եւ ընկալի՞ք զաւետիս Հոգւոյն Սրբոյ։  
39 Զի ձեզ են աւետիքս եւ որդւոց ձերոց, եւ ամենայն հեռաւորաց զորս կոչես  
40 ցէ Տէր Աստուած մեր։ Եւ այլովք բանիւք բազմօր վկայութիւն դնէր, եւ մխիթարէր զնոսա եւ ասէր, Ապրեցարուք յազգէ աստի խոտորեկոյ յայս  
41 մանէ։ Ոմանք յօժարութեամբ ընկալեալ զբան նորա մկրտեցան, եւ յաւելան յաւուր յայնմիկ ոգիք իբրեւ երեք հազարք։  
42 Գ. Եւ ի ին հանապազորդեալք վարդապետութեան առաքելոցն եւ հաղորդութեան եւ բեկանելոյ հացին եւ ա-

43 զօթից։ Եւ լինէր ամենայն անձին ահ եւ երկեւղ, եւ բազում նշանք եւ արուեստք ի ձեռս առաքելոցն գործէին։  
44 Ամենայն հաւատացեալքն էին ի միասին, եւ ունէին զամենայն ինչ հասարակաց։ Եւ զստացուածս եւ զինչս վաճառէին, եւ բաշխէին զայն ամենեւ  
46 ցուն ում զիարդ պիտոյ ինչ լինէր։ Հանապազօր կանխեալ միաբանութեամբ ի տաճարն, եւ առտնին բեկանէին զհացն, եւ առնուին կերակուր ուրախութեամբ եւ միամտութեամբ սրտի։  
47 Օրհնէին զԱստուած եւ ունէին չքնորհս առ ամենայն ժողովուրդն. եւ Տէր յաւելոյր ՚ի փրկեալսն հանապազօր ի նոյն։

## ԳԼ Գ

1 Պետրոս եւ Յովնաննէս ելանէին ի տաճար անդր յիններորդ ժամու աղօթիցն։ Եւ էր այր մի կաղ յորովայնէ մօր իւրոյ զոր բարձեալ դնէին հանապազ առ դրան տաճարին, որ կոչէր Գեղեցիկ, խնդրել ողորմութիւն յայն  
3 ցանէ որ մտանէին ի տաճարն։ Որոյ տեսեալ զՊետրոս եւ զՅովնաննէս զի մտանէին ի տաճարն, աղաչէր ողորմութիւն առնուլ։ Հայեցաւ ի նա Պետրոս Յովնաննու հանդերձ եւ ասէ,  
5 Հայեաց ի մեզ։ Նա դարձաւ ի նոսա եւ ակն ունէր առնուլ ինչ ի նոցանէ։  
6 Եւ ասէ Պետրոս, Արժաթ եւ ոսկի ոչ ունիմ, բայց զոր ունիմս՝ զայս տաց քեզ. յանուն Յիսուսի Քրիստոսի Նա  
7 զովրեցւոյ արի եւ զնա։ Եւ կալեալ զաջոյ ձեռանէ նորա՝ յարոյց զնա. եւ անդէն հաստատեցան ծարձք նորա  
8 եւ սրունք՝ ի վեր վազեաց եւ սկսաւ գնալ, եւ եմուտ ընդ նոսա ի տաճարն, գնայր եւ վազվազէր եւ օրհնէր զԱստուած։ Եւ ետես ամենայն ժողովուրդն զնա, զի գնայր եւ օրհնէր զԱստուած։ Եւ գիտէին զնա զի սա էր որ նստէր վասն ողորմութեան առ Գեղեցիկ դրան տաճարին, եւ լցան զարմանալեօք ի վերայ նշանին որ եղեւ։  
14 Եւ մինչ նա ունէր զՊետրոս եւ զՅովնաննէս, ընթացաւ ամենայն ժո-

<sup>1</sup> Ի Եւանգելիոս Գլ Գ

<sup>2</sup> Ուրեմ, նորա ըստ մարմնոյ յարուցանել զՔրիստոս նստել

<sup>3</sup> Եւանգելիոս Գլ Գ

<sup>1</sup> Ուրեմ, զփրկեալսն հանապազօր յեկեղեցին

<sup>2</sup> Եւանգելիոս Գլ Գ

դովորդն առնոսա ի սրահն որ կոչէր  
 12 Սողոմոնի՝ զարմացեալք։ Իբրեւ եւ-  
 տես Պետրոս, պատասխանի ետ ժո-  
 դովորդեանն, Արք Իսրայելացիք, զի՞  
 զարմացեալ էք ի վերայ այսորիկ, կամ  
 ընդ մեզ զի՞ էք պշուցեալ, իբրեւ թէ  
 անձին զօրութեամբ ինչ կամ՝ քաջու-  
 թեամբ արարեալ իցէ զգնայդ զմա։  
 13 Աստուած Արքահամու եւ Աստուած  
 Իսահակայ եւ Աստուած Յակովբայ,  
 Աստուած հարցն մերոց, փառաւորեաց  
 զՈրդի իւր զԵփրայիմ, զոր դուքն մատ-  
 նեցէք եւ ուրացարուք առաջի Պիղա-  
 14 տոսի ի դատել նորա արձակել։ Եւ  
 դուք զՍուրբն եւ զԱրդարն ուրացա-  
 րուք եւ խնդրեցէք այր մի մահապարտ  
 15 չնորհել ձեզ, եւ զԱռաջնորդ կենացն  
 սպանէք, զոր Աստուած յարոյց ի մե-  
 16 ռելոց, որում մեք իսկ վկայ եմք։ Եւ  
 հաւատովք անուան նորա զսա զոր  
 տեսանէք եւ զիտէք՝ հաստատեաց ա-  
 նուն նորա. եւ հաւատքն որ նովաւ՝  
 ետուն զմա զառողջութիւնս զայս յան-  
 17 զիման ձեր ամենեցուն։ Եւ արդ, եղ-  
 բարք, զիտեմ զի անգիտութեամբ ա-  
 18 րարէք, որպէս եւ իշխանքն ձեր։ Այլ  
 Աստուած որպէս յառաջագոյն պատ-  
 մեաց ի բերանոյ ամենայն մարգարէից  
 զչարչարելն Քրիստոսի իւրոյ, նոյնպէս  
 19 եւ կատարեաց։ Արդ ապաշաւեցէք եւ  
 20 զարձարուք ի ջնջիլ զմեզս ձեր. որպէս  
 զի եկեսցեն ժամանակք հանգստեան  
 յերեսաց Տեառն, եւ առաքեացէ պա-  
 տաջագոյն նկատեալն ձեզ, զԵփրայի-  
 21 միստոս։ Զոր պարտ է երկնից ըն-  
 դունել մինչեւ ի ժամանակս ամենե-  
 ցուն հաստատելոյ. զորոց խօսեցաւ  
 Աստուած ի բերանոյ սրբոց իւրոց  
 մարգարէից՝  
 22 Դ. Մովսէս ասաց Յօնարսն մեր՝, թէ  
 Մարգարէ յարուցէ ձեզ Տէր Աս-  
 տուած ձեր յեղբարց ձերոց իբրեւ զիս,  
 նմա լուիջիք ըստ ամենայնի, որ զինչ  
 23 եւ խօսեցի առ ձեզ։ Եւ եղիցի ամե-  
 նայն անձն որ ոչ լուիցէ մարգարէին  
 այնմիկ՝ սատակեցի ի ժողովրդեանն։  
 24 Եւ ամենայն մարգարէք որ ի Սամուել-  
 լէ եւ այսր՝ խօսեցան եւ պատմեցին  
 25 զաւուրսս զայսոսիկ։ Դուք էք որդիք

<sup>1</sup>Յոնն, բարեպաշտութեամբ  
<sup>2</sup>Յոնն յաւելւո, ի յաւիտեանից  
<sup>3</sup>Յոնն, պաշտօն

մարգարէիցն եւ ուխտին զոր ուխ-  
 տեաց Աստուած ընդ հարսն մեր, եւ  
 26 ասէ ցԱրքահամ, ի զաւակի քում օրհ-  
 նեսցին ամենայն ազգք երկրի։ Զեզ  
 նախ յարոյց Աստուած զՈրդի իւր եւ  
 առաքեաց զնա օրհնել զձեզ՝ ի դառնալ  
 ձեզ իւրաքանչիւր ի չարեաց ձերոց։

## ԳԼ. Դ

1 Եւ մինչդեռ խօսէին նոքա ընդ ժողո-  
 վրդեանն, հասին ի վերայ նոցա քա-  
 հանայքն եւ իշխանք տաճարին եւ  
 2 սաղուկեցիքն, Զայրագնեալք վասն  
 ուսուցանելոյ նոցա զժողովուրդն եւ  
 պատմելոյ Յիսուսիւ զյարութիւն մե-  
 3 ռելոց։ Միեկին ի նոսա զձեռս իւր-  
 եանց, եւ եղին զնոսա ի բանտի մին-  
 4 չեւ ի վաղիւն, զի էր ընդ երեկս։ Իսկ  
 բազումք ի յողաց բանին հաւատացին,  
 եւ եղեւ թիւ մարդկանն իբրեւ հա-  
 զարաց հնգից։  
 5 Եւ եղեւ ի վաղիւ անդր ժողովել  
 նոցա զիշխանսն եւ զերիցունս եւ  
 6 զգլխիւսն յերուսաղէմ, Եւ զԱննա քա-  
 հանայապետ եւ զԿայիափա եւ զԵփ-  
 հաննէս եւ զԱղեքսանդրոս, եւ որք  
 միանգամ էին յազգէ Պահաւայու-  
 7 թեանն։ Եւ կացուցեալ զնոսա ի մէջ՝  
 հարցանէին, Որով զօրութեամբ կամ  
 որով անուամբ արարէք դուք զայս։  
 8 Յայնժամ Պետրոս լցեալ Հոգւով Սրբով  
 ասէ ցնոսա, Իշխանք ժողովրդեան եւ  
 9 երիցունք Իսրայելի, Յեթէ արժան  
 ինչ իցէ դատել զմեզ՝ այսօր վասն ե-  
 րախտեաց առն միոյ տկարի որով սա  
 10 բշկեցաւ, Յայտնի լիցի ամենեցուն  
 ձեզ եւ ամենայն ժողովրդեանդ Իսրա-  
 յելի, զի յանուն Յիսուսի Քրիստոսի  
 նաղովրեցւոյ զոր դուքն խաչեցէք,  
 զոր Աստուած յարոյց ի մեռելոց, նո-  
 վաւ սա կայ աւափիկ առաջի ձեր ող-  
 11 ջացեալ։ Նա է վէմն անարդեալ ի ձէնջ  
 չինողաց, որ եղեւ զլուխ անկեան։  
 12 Եւ չիք այլով իւրք փրկութիւն, զի  
 եւ ոչ անուն այլ գոյ ի ներքոյ երկնից  
 տուեալ ի մարդիկ, որով արժան իցէ  
 կեալ մեզ։  
 13 Եւ Հայեցեալ ի համարձակութիւնն

<sup>4</sup>Ուստի, քահանայապետք  
<sup>5</sup>Ուստի, քահանայապետութեանն  
<sup>6</sup>Յոնն, եթէ դատիցիմք

Պետրոսի եւ Յովնանու, եւ ի վերայ հասեալ թէ արք տգէտք եւ առանց դպրութեան են, զարմանային, զի ճանաչէին զնոսա թէ ընդ Յիսուսի էին:

14 Եւ զայրն եւս տեսանէին զբժշկեալն զի կայր ընդ նոսա, եւ ոչինչ կարէին:

15 տալ պատասխանի: Եւ հրամայեալ նոցա արտաքս քան զատեանն ելանել,

16 խորհեցան ընդ միմեանս, Եւ ասեն, Ձի՛նչ արասցուք արանցս այսոցիկ, զի երեւելի նշան եղեւ ի ձեռն սոցա. ամենայն իսկ բնակչաց Երուսաղեմի:

17 յայտ է եւ ոչ կարեմք ուրանալ: Այլ զի մի՛ առաւել ճարակեսցի ի ժողովուրդն, սպառնացուք նոցա մի՛ եւս խօսել յանունն յայն մի՛ ումեք ի մարդ:

18 Կանէ: Եւ կոչեցեալ զնոսա պատուիրեցին ամենեւին մի՛ խօսել եւ մի՛ ուսուցանել յանունն Յիսուսի: Իսկ Պետրոս եւ Յովնանէս պատասխանի եւ տուն եւ ասեն ցնոսա, Եթէ արժան իցէ առաջի Աստուծոյ ձեզ լսել առաւել քան Աստուծոյ, ընտրեցէք: Այլ մեք ոչ կարեմք զոր տեսաքն եւ լուաք:

21 չխօսել: Նոքա սպառնացեալ արձակեցին զնոսա, եւ ոչինչ գտեալ թէ որպէս պատուհասեցան զնոսա վասն ժողովրդեանն, զի ամենեքեան փառաւոր առնէին զԱստուած վասն իւրացն եղելոց: Ձի ամաց էր այրն աւելի քան զքառասուն, յորոյ վերայ եղեւ նշանս այս բժշկութեան:

23 Եւ անտի արձակեալ եկին առ իւրեանցսն, եւ պատմեցին որչափ ինչ ասացին ցնոսա քահանայապետքն եւ երիցունքն: Եւ նոցա լուեալ Պաւլոսի ձի զձայնս իւրեանց առ Աստուած եւ ասեն, Դու, Տէր Պաւլոս, որ արարեր զերկինս եւ զերկիր եւ զծով:

25 Եւ զամենայն որ ի նոսա, Որ ի բերանոյ ՚հօր մերոյ՝ Դաւթի ծառայի քո՝ ՚ի ձեռն Հոգւոյն Սրբոյ՝ ասացեր, Ձմե՞ խոովեցան հեթանոսք, եւ ժողովուրդք:

26 խորհեցան ի սնոտիս. Յանդիման եղին թագաւորք երկրի եւ իշխանք ժողովեցան ի միասին վասն Տեառն եւ վասն Սո՞ճեւոյ նորա: Ժողովեցան արդարեւ ի քաղաքս յայսմիկ ի վերայ սրբոյ Որդւոյ քո Յիսուսի զոր օծերն Հե-

<sup>1</sup> Եւս, ամբարձին միաբան

<sup>2</sup> Եւս, արարեալ

րովդէս եւ Պոնտիոս Պիղատոս ազգօք

28 եւ ժողովրդովք Իսրայելի, Առնել որչափ ձեռն քո եւ կամք յառաջագոյն

29 սահմանեցին լինել: Եւ արդ, Տէր, հայեաց ի սպառնալիս նոցա, եւ տուր ծառայից քոց ամենայն համարձակու-

30 թեամբ խօսել զքանն քո: Ի ձգել զձեռն քո ի բժշկութիւն, եւ նշանս եւ արուեստս լինել անուամբն սրբոյ Որդւոյ

31 քո Յիսուսի: Եւ մինչ կային նոքա յաղօթս, շարժեցաւ տեղին յորում էին ժողովեալ, եւ լցան ամենեքին Հոգւով Սրբով, եւ խօսէին զքանն Աստուծոյ համարձակութեամբ:

32 Զ. Եւ բազմութեան հաւատացելոցն էր սիրտ եւ անձն մի. եւ ոչ ոք ի նոցանէ ասէր զընչից իւրոց թէ իւր իցէ, այլ էր նոցա ամենայն ինչ հասարա-

33 կաց: Եւ զօրութեամբ բազմաւ տալին վկայութիւն առաքեալքն զյարութեանն Տեառն Յիսուսի Քրիստոսի. եւ չնորհք մեծամեծք էին ի վերայ ա-

34 մենեցուն նոցա: Եւ ոչ ոք կարօտէր ի նոսա, զի որ միանգամ տեսաք էին զեղից կամ ապարանից՝ վաճառէին եւ

35 բերէին զգինս վաճառելոցն, Դնէին առ ոտս առաքելոցն. եւ բաշխէին իւրաքանչիւր որպէս ումեք պիտոյ ինչ

36 լինէր: Յովսէփ որ կոչեցաւն Բառնաբաս յառաքելոց անտի, (որ թարգմանի որդի մխիթարութեան,) Դեւ-

37 տացի, յազգէ Կիպրացի, էր նորա գեղ, վաճառեաց եւ երեր զգինսն, եղ առ ոտս առաքելոցն:

## ԳԼ. Ե

1 Իսկ այր ոմն Անանիա անուն հանդերձ կնաւ իւրով Սափիրաւ վաճառեաց ազարակ. Եւ խորեաց ի գնոց անտի՝ գիտելով եւ կնոջն, եւ երեր մասն ինչ եղ առ ոտս առաքելոցն:

3 Ասէ Պետրոս, Անանիա, ընդէ՛ր ելից Սատանայ զսիրտ քո ստել քեզ Հոգւոյն Սրբոյ, եւ խորել ի գնոց զեղջն:

4 Ո՛չ ապաքէն մինչ կայրն քո էր, եւ ի վաճառելն՝ ընդ քո իշխանութեամբ էր. զի՞ է զի եղիր ի սրտի քու՞մ զիրս զայս. ոչ ստեցեր մարդկան, այլ Աստուծոյ: Եւ լուեալ Անանիա զքանն

<sup>3</sup> Որդւոյ, Եւսէս

զայսոսիկ՝ անկաւ եւ եհան զոգի . եւ  
 եղեւ ահ մեծ ի վերայ ամենեցուն որ  
 6 լուանն զայն . Յոտն կացին երիտա-  
 սարդքն եւ ամփոփեցին զնա , եւ տա-  
 7 րան թաղեցին : Եւ եղեւ իբրեւ ժամք  
 երեք անցին , եւ կին նորա ոչ գիտէր  
 8 զինչ եղեալն էր , եմուտ ի ներքս : Պա-  
 տասխանի ետ նմա Պետրոս եւ ասէ ,  
 Ասա դու ինձ թէ ա՛յնչափ գնոց զգեղն  
 վաճառեցէք : Եւ նա ասէ , Այո , այն-  
 9 չափ : Եւ ասէ ցնա Պետրոս , Զի՞ է զի  
 միաբանեցէք դուք փորձել զՀոգին  
 Տեառն . ահա ոտքն որ թաղեցին զայրն  
 10 քո ի դրանն՝ հանցեն եւ զքեզ , Եւ  
 անկաւ անդէն առ ոտս նորա եւ եհան  
 զոգի , մտին երիտասարդքն , զտին զնա  
 մոռեալ եւ հանին թաղեցին առ առն  
 11 իւրում : Եւ եղեւ երկեւղ մեծ ի վերայ  
 ամենայն եկեղեցւոյն , եւ ի վերայ ա-  
 մենեցուն որ լուանն զայն :  
 12 Է . Եւ ի ձեռս առաքելոցն լինէին  
 նշանք եւ արուեստք բազումք ի ժո-  
 ղովորդեանն . եւ էին միաբան ամենե-  
 13 քեան ի սրահին Սողոմոնի : Եւ յայլոց  
 անտի ոչ ոք իշխէր մերձեալ առ նոսա ,  
 14 այլ յարգէր զնոսա ժողովուրդն : Եւ  
 առաւել եւս յաւելուին հաւատացեալքն  
 ի Տէր , բազմութիւն արանց եւ կա-  
 15 նաց : Մինչեւ ի հրապարակսն հանել  
 զհիւանդս , եւ զնեղ պատգարակօք եւ  
 մահօք իւրեանց , զի ընդ անցանին  
 Պետրոսի՝ գոնէ հովանի նորա հասցէ  
 16 ումեք ի նոցանէ : Եւ ժողովէր բազ-  
 մութիւնն շուրջ ի քաղաքաց անտի  
 յերուսաղէմ , բերէին զհիւանդս եւ  
 զնեղեալս յայսոց պղծոց , որք եւ բժշ-  
 17 կէին ամենեքեան :  
 17 Թարուցեալ քահանայապետն եւ ա-  
 մենեքին որ ընդ նմա , աղանդ սաղու-  
 18 կեցւոց , լցան նախանձու : Եւ արկին  
 զձեռս յառաքեալսն եւ եղին զնոսա  
 19 ի հրապարակաւ ի բանտի՝ : Ապա հրեշ-  
 տակ Տեառն գիշերի երաց զդուրս բան-  
 20 տին , եւ հանեալ զնոսա՝ ասէ , Գնացէք  
 կացէք ի տաճարին , եւ խօսեցարուք  
 ընդ ժողովրդեանն զամենայն պատ-  
 21 զամս կինացս այսոցիկ : Եւ իբրեւ  
 լուան , մտին ընդ առաւօտն ի տաճարն  
 եւ ուսուցանէին : Եկն քահանայա-  
 պետն եւ որ ընդ նմա , կոչեցին մի-

աբան զատեանն եւ զամենայն ծերա-  
 կոյտ որդւոցն իսրայելի , եւ առաքե-  
 22 ցին ի բանտն ածել զնոսա : Եւ իբրեւ  
 եկին սպասաւորքն , ոչ գտին զնոսա  
 ի բանտին . դարձեալ անդէն պատմե-  
 23 ցին , Եւ ասեն թէ Զբանտն դուք  
 փակեալ ամենայն զգուշութեամբ , եւ  
 զպահապանսն՝ զի կային առ դրանն ,  
 բացաք եւ ի ներքս զոք ոչ գտաք :  
 24 Իբրեւ լուան զբանս զայս՝ իշխանք  
 տաճարին եւ քահանայապետքն՝ , հիւ-  
 նային վասն նոցա , թէ զինչ արդեւք  
 25 լինիցի այն : Եւ եկն ոմն պատմեաց  
 նոցա թէ Ահա արքն զորս եղիք ի  
 բանտին՝ կան ի տաճարին , եւ ուսու-  
 26 ցանն զժողովուրդն : Յայնժամ եր-  
 թեալ իշխանն սպասաւորօքն հանդերձ՝  
 ած զնոսա ոչ բռնութեամբ , քանզի  
 երկնչէին ի ժողովրդեանէն զի մի՞ քար-  
 27 կոծեցին : Եւ ածեալ զնոսա՝ կացու-  
 ցին յատենի . եհարց զնոսա քահանա-  
 28 յապետն Եւ ասէ , Ո՞չ պատուիրելով  
 պատուիրեցաք ձեզ մի՞ ուսուցանել  
 յանունն յայն . եւ արդ ահաւասիկ լցէք  
 զերուսաղէմ ուսմամբդ ձերով , եւ  
 կամիք ածել ի վերայ մեր զարիւն  
 զառնն զայնորիկ :  
 29 Պատասխանի ետ Պետրոս եւ առա-  
 քեալքն եւ ասեն , Հնազանդել պարտ  
 է Աստուծոյ առաւել քան մարդկան :  
 30 Աստուած հարցն մերոց յարոց զՅի-  
 սուս զոր դուքն սպանէք կախեալ  
 31 զփայտէ : Զնա Աստուած Առաջնորդ  
 եւ Փրկիչ բարձրացոյց աջովն իւրով  
 տալ ապաշխարութիւն իսրայելի եւ  
 32 թողութիւն մեղաց : Եւ մեք հով նորա  
 վկայք բանիցս այսոցիկ , եւ Հոգին  
 Սուրբ զոր ետ Աստուած հնազանդե-  
 33 րոց իւրոց : Եւ նոքա իբրեւ լուան ,  
 առատանային եւ խորհէին սպանանել  
 զնոսա :  
 34 ԲԱ . Թարուցեալ ոմն ի մէջ ատենին ,  
 փարիսեցի , որում անուն էր Գամա-  
 ղիէլ , օրէնսուսոյց , պատուական ամե-  
 նայն ժողովրդեանն , հրամայեաց սա-  
 կաւիկ մի՞ զարսն արտաքս տանել :  
 35 Եւ ասէ ցնոսա , Արք իսրայելացիք ,  
 հայեցարուք ի ձեզ վասն արանցս այ-  
 36 սոցիկ զինչ արժան իցէ գործել : Եւ առաջ

20 Դմա , քահանայն եւ իշխան տաճարին եւ քա-  
 հանայապետքն

30 Դմա , զառաքեալն

18 Դմա , ի հասարակաց բանտի

քան զաւուրս զայսոսիկ յարեալ Թեւ-  
դաս ասել զանձնէ թէ իցէ ոմն . յոր  
անկան արք թուով իբրեւ չորեք-  
հարեւր , որ սպանաւ , եւ ամենեքեան  
որ միարանեալ էին ընդ նմա՝ քակտե-  
37 ցան եւ եղեն յոչինչ : Յետ նորա յա-  
րեալ Յուդաս Գալիլեացի յաւուրս աշ-  
խարհագրին , եւ ապստամբեցոյց ժո-  
ղովուրդ բազում զկնի իւր . եւ նա  
կորեալ , եւ ամենեքեան որ նմայն  
38 հաւանեալ էին՝ ցրուեցան : Եւ զարդիս  
ասեմ ձեզ , ի բաց կացէք յարանցդ  
յայդցանէ եւ թոյլ տուք դոցա , զի թէ  
ի մարդկանէ իցէ խորհուրդդ այդ կամ  
39 գործդ , քակտեսցի . Ապա թէ յԱստու-  
ծոյ է , ոչ կարէք քակտել զդոսա ,  
գուցէ եւ աստուածամարտք գտանի-  
40 ցիք : Հաւանեցան նմա , եւ կոչեցեալ  
զառաքեալսն՝ զան հարին , եւ պատ-  
ուիրեցին մի՝ եւս խօսել յանուն Յի-  
41 սուսի , եւ արձակեցին զնոսա : Եւ նո-  
քա գնացին խնդալով յերեսաց ատենին ,  
զի վասն շանուանն արժանի եղեն ա-  
42 նարգելոյ : Եւ զամենայն օր ի տաճա-  
րին եւ առտնին ոչ դադարէին ու-  
սուցանել եւ աւետարանել զՅիսուս  
Քրիստոս :

## ԳԼ. Զ

1 Եւ յաւուրսն յայնոսիկ ի բազմանալ  
աշակերտացն եղեւ տրտունջ Յունացն  
առ Հերրայեցիսն , զի արհամարհեալ  
լինէին ի պաշտամանն հանապազորդի  
2 այրիք նոցա , կոչեցին երկոտասանքն  
զբազմութիւն աշակերտացն եւ ասեն ,  
Ոչ է հաճոյ մեզ թողուլ զբանն Աս-  
3 տուծոյ եւ պաշտել զսեղանս : Ընտրե-  
ցէք , եղբարք , վկայեալս ի ձէնջ արս  
4 եւթն , զորս կացուցուք ի վերայ պի-  
5 տոյիցս այսոցիկ . Եւ մեք աղօթից եւ  
պաշտաման բանին հպատակ լիցուք :  
6 Եւ հաճոյ թուեցաւ բանն առաջի ա-  
մենայն բազմութեանն . եւ ընտրեցին  
զՍտեփանոս , այր լի հաւատով եւ  
Հոգւով Սրբով , եւ զՓիլիպպոս եւ  
զՊրոքորոն եւ զՆիկանուրա եւ զՏի-  
մոփեսա եւ զՊարմենա եւ զՆիկողայոս ,  
6 զեկն Անտիոքացի . Զորս կացուցին

առաջի առաքելոցն , եւ աղօթս արար-  
7 եալ՝ եղին ի վերայ նոցա զձեռոս : Եւ  
բանն Աստուծոյ աճէր , եւ բազմանալ  
թիւ աշակերտացն յոյժ յԵրուսաղէմ .  
եւ բազում ժողովք ի քահանայիցն ան-  
սային հաւատոցն :

8 ԲԲ. Ստեփանոս , այր լի Յնորօք  
եւ զօրութեամբ , առնէր արուեստս  
եւ նշանս մեծամեծս ի ժողովրդեանն :  
9 Յարեան ոմանք ի ժողովրդենէն , որ  
կոչէր <sup>1</sup>Լիբէացւոց եւ <sup>2</sup>Կիւրենացւոց  
եւ Աղեքսանդրացւոց եւ որ ի Կիլի-  
կեցւոց եւ յԱսիա , վիճել ընդ Ստեփա-  
10 նոսի . Եւ ոչ կարէին զդէմ ունել զի-  
մաստութեանն եւ զհոգւոյն որով խօ-  
11 սէր : Յայնժամ հրապուրեցին արս ո-  
մանս ասել թէ Լուաք զդորա խօսել  
բանս հայնոյութեան ի Մովսէս եւ յԱս-  
12 տուած : Եւ խռովեցին զժողովուրդն  
եւ զերիցունսն եւ զզպիրսն . եւ հաս-  
եալ ի վերայ՝ յափշտակեցին զնա եւ  
13 ածին յատենան , Եւ կացուցին վկայս  
սուստ որ ասէին , Այրս այս ոչ դադա-  
րէ խօսել բանս հայնոյութեան զտեղ-  
14 ւոյն սրբոյ եւ զօրինացն : Լուաք ի  
դմանէ զի ասէր թէ Յիսուս Նազով-  
րեցի , նա քակեսցէ զտեղիս զայս , եւ  
փոխեսցէ զօրէնս զոր ետ մեզ Մովսէս :  
15 Եւ հայեցեալ ի նա ամենեցուն որ նը-  
տէին յատենին , տեսին զերեսս նորա  
իրբեւ զերեսս հրեշտակի :

## ԳԼ. Է

1 Ասէ քահանայապետն՝ եթէ Արդարեւ  
2 այդ աշդպէս իցէ : Եւ նա ասէ , Արք  
եղբարք եւ հարք , լուարուք ինձ . Աս-  
տուած փառաց երեւեցաւ հօր մերում  
Աքրահամու մինչդեռ ի Միջագետս էր ,  
մինչեւ <sup>3</sup>բնակեցուցեալ էր զնա ի Պա-  
3 ոան . եւ ասէ ցնա , Ել յերկրէ քումմէ  
եւ յազգէ քումմէ , եւ եկ յերկիր զոր  
4 ցուցից քեզ : Յայնժամ ելեալ յերկրէն  
Քաղդէացւոց բնակեցաւ ի Պառան , եւ  
անտի յետ մեռանելոյ հօր նորա՝ փոխ-  
եաց պանդխտեցոյց զնա յերկրիս յայս-  
միկ , յորում դուք այժմ բնակեալ էք :  
5 Եւ ոչ ետ նմա ժառանգութիւն ի սմա  
եւ ոչ քայլ մի ոտին . եւ խոտառցաւ

<sup>1</sup>Ուրտ , անուան Տեառն , այլ՝ անուան Նորա  
<sup>2</sup>Բաւալ , եւթն , լի Հոգւով Սրբով եւ իմաս-  
տութեամբ

<sup>3</sup>Ուրտ , հաւատով  
<sup>4</sup>Յաւա , Լիբերտիացւոց  
<sup>5</sup>Բաւա , բնակեալ էր Նորա

- տալ նմա զսա-ի բնակութիւն, եւ զա-  
 6 նորա որդի. Խօսեցաւ Աստուած այս-  
 պէս, թէ եղիցի զաւակ նորա պան-  
 դուխտ յօտար երկրի, եւ ծառայե-  
 7 չորեքնարեւր: Եւ զաղգն որում ծա-  
 ռայեցին՝ դատեցայց եւ, ասէ Աս-  
 տուած, եւ յետ այսորիկ ելցեն եւ  
 8 յաշտեցեն զիս ի տեղւոջս յայսմիկ:  
 9 Եւ ետ նմա ուխտ իրիատութեան.  
 եւ ապա ծնաւ զիսահակ, եւ թրիատ-  
 եաց զնա յաւուր ութերորդի. եւ ի-  
 սահակ՝ զՅակովբ, եւ Յակովբ՝ զԵր-  
 10 կոտասան նահապետն: Եւ նահա-  
 պետքն նախանձեալ ընդ Յովսեփայ  
 վաճառեցին յԵգիպտոս. եւ էր Աս-  
 11 տուած ընդ նմա, Եւ փրկեաց զնա  
 յամենայն նեղութեանց նորա, եւ ետ  
 նմա չնորսն եւ իմաստութիւն առաջի  
 Փարաւոնի արքային Եգիպտացոց.  
 եւ կացոյց զնա իշխան Եգիպտացոցն:  
 12 Եւ ամենայն տան նորա, Եւ եկն սով  
 յամենայն երկիրն Եգիպտոսի եւ ի Գա-  
 նան, եւ էր նեղութիւն մեծ, եւ ոչ  
 13 գտանէին կերակուր հարքն մեր: Եւ  
 լուեալ Յակովբայ թէ գտանի կերա-  
 14 կուր յԵգիպտոս, առաքեաց զհարսն  
 15 մեր յառաջագոյն: Եւ յերկրորդումն  
 ետ ծանօթս Յովսեփի եղբարց իւրոց.  
 եւ յայտնի եղեւ Փարաւոնի աղգն՝ Նո-  
 16 րա: Առաքեաց Յովսեփի եւ կոչեաց  
 զՅակովբ զհայր իւր եւ զամենայն ազ-  
 17 գատունն, ոգիս եւթանասուն եւ հինգ:  
 18 Եւ էջ Յակովբ յԵգիպտոս, եւ վախ-  
 19 ճանեցաւ ինքն եւ հարքն մեր: Եւ  
 փոխեցան ի Սիւքեմ եւ եղան յայրին  
 զոր ստացաւ Աբրահամ գնոց արծա-  
 թոյ յորդոցն: Եւ յովբայ ի Սիւքեմ  
 20 իբրեւ մերձեցաւ ժամանակի աւետարտեց  
 իր խոտացաւ Աստուած Աբրահա-  
 մու, անեաց ժողովուրդն եւ բազմու-  
 21 ցաւ յԵգիպտոս: Մինչեւ յարեաւ այլ  
 թագաւոր յԵգիպտոս որ ոչ ճանաչէր  
 22 զՅովսեփի: Նա հնարեցաւ ազգին մե-  
 23 րում, եւ չարչարեաց զհարսն մեր առ-  
 նել բնկեցիկ զմանկունս նոցա զի մի՛  
 24 ապրեցին: Յորում ժամանակի ծնաւ  
 եւ Մովսէս, եւ էր կայտառ առաջի  
 Աստուծոյ, որ եւ սնաւ ի տան հօր  
 25 իւրոյ ամիսն երիս: Եւ շնկեցիկն առ-  
 նել զնա՝ երարձ զնա դուստրն Փտրա-  
 26 ւոնի, եւ սնոյց զնա իւր յորդոցիւր:  
 27 Եւ վարժեցաւ Մովսէս ամենայն իմաս-  
 տութեամբ Եգիպտացոցն, եւ էր զօ-  
 28 րաւոր բանիւք եւ գործովք իւրովք:  
 29 Իբրեւ լցաւ նորա քառասնամեայ ժա-  
 մանակ, անկաւ ի սիրտ նորա չրջել  
 30 զեղբարք իւրովք, զորդովքն իսրաւ-  
 31 յելի: Եւ տեսեալ զմեծ գրկեալ՝ զչարե-  
 32 ցաւ, եւ խնդրեաց զվրէժ գրկելոյն՝  
 33 սպանեալ զԵգիպտացոյն: Զմաստ ածէր  
 թէ իմացին եղբարք նորա, զի Աս-  
 տուած ի ձեռն նորա տալոց էր զՓր-  
 34 կութիւն նոցա, եւ նոքա ոչ իմացան:  
 35 Եւ ի վաղիւ անդր երեւեցաւ նոցա  
 մինչդեռ մարտնչէին, եւ վարեաց  
 զնոսա ի խաղաղութիւն, ասէ, Աբք,  
 36 եղբարք էք, ընդէր զրկէր զմիմեանս:  
 37 Իսկ որ զրկէր զընկերն՝ մերժեաց զնա  
 եւ ասէ, Ո՞ր կացոյց զքեզ իշխան եւ  
 38 դատաւոր ի վերայ մեր: Միթէ սպա-  
 նանք լկամիցիս զիս զոր օրինակ սպա-  
 39 ներ երէկ զԵգիպտացոյն: Եւ փախեաւ  
 Մովսէս ի բանիցս յայսցանէ, եւ եղեւ  
 40 պանդուխտ յերկիրն Մադիամու, ուր  
 ծնաւ երկուս որդիս:  
 41 ԲՅ. Եւ ի կատարել ամացս քառաս-  
 նից՝ երեւեցաւ նմա յանապատի լերինն  
 Սինայ հրեշտակ Տեառն իւրոց հօր մո-  
 42 լինուոյն: Եւ Մովսիսի տեսեալ՝ զար-  
 մացաւ ընդ տեսիլն, եւ ի մատչին  
 43 նորա նշմարել՝ եղեւ ձայն Տեառն, եւ  
 եմ Աստուած հարց քոց, Աստուած  
 Աբրահամու եւ Իսահակայ եւ Յա-  
 44 կովբայ. եւ զահի հարեալ Մովսէս՝  
 45 ոչ իշխէր հայել: Եւ ասէ ցնա Տէր,  
 46 Լոյծ զկօշիկս ոտից քոց, զի տեղիդ  
 յորում դուդ կացիր՝ երկիր սուրբ է:  
 47 Տեսանելով տեսի զչարչարանս ժողո-  
 վրդեան իմոյ որ յԵգիպտոս, եւ լուայ  
 հեծութեան նոցա եւ իջի փրկել զնո-  
 48 սա. եւ արդ եկ առաքեցից զքեզ յԵ-  
 49 գիպտոս: Զայն Մովսէս զոր ուրացան  
 եւ ասէին, Ո՞ր կացոյց զքեզ իշխան եւ  
 50 դատաւոր ի վերայ մեր, զնա Աստուած  
 իշխան եւ փրկիչ տաւրեացի ի ձեռն  
 հրեշտակին որ երեւեցաւ նմա ի մո-  
 51 լինումս: Նա եհան զնոսա՝ արարեալ

նշանս եւ արուեստս յերկրին Եգիպտացւոց եւ ի Կարմիր ծովուն եւ յա-  
 37 նապատին ամս քառասուն: Այս Մովսէս է որ ասաց ցորդիսն Իսրայելի, Մարգարէ յարուցէ ձեզ Տէր Աստուած ձեր յեղբարց ձերոց իբրեւ զիս, նմա  
 38 լուիջիք: Սա է որ եղև յեկեղեցւոյն յանապատին ընդ հրեշտակին, որ խօսեցաւ ընդ նմա ի լերինն Սինայ եւ ընդ հարսն մեր, որ ընկալաւ զպատ-  
 39 զամս կենդանիս տալ մեզ: Որում ոչ կամեցան հնազանդ լինել հարքն մեր, այլ մերժեցին եւ դարձան սրտիւք իւր-  
 40 եանց յեգիպտոս: Եւ ասին ց(հարովն, Արա մեզ աստուածս, որ երթայցին առաջի մեր. զի Մովսէսն այն որ ե-  
 41 հան զմեզ յերկրէն Եգիպտացւոց՝ ոչ զիսեմք զի՝ եղև նմա: Եւ արարին յա-  
 42 ռուրսն յայնոսիկ որթ, եւ մատուցին զոնս կոող, եւ ուրախ լինէին ի զործս  
 43 ձեռաց իւրեանց: Դարձոյց Աստուած եւ մատնեաց զնոսա ի պաշտօն զօրու-  
 44 թեան երկնից, որպէս եւ գրեալ է ի գիրս մարգարէից, Միթէ զոնս եւ պա-  
 45 տարա՞ զս մատուցէք ինձ զամս քառասուն յանապատին, տունդ Իսրայելի:  
 46 Եւ ասէք զլրանն Մողոքայ եւ զաստղն՝ ի աստուածոյն Հոեմիայ, զպատկերան՝ զոր արարէք երկիր պագանել նոցա. եւ փոխեցից զձեզ յայն կողմն Բարե-  
 47 լացւոց: Խորանն վկայութեան էր ընդ հարսն մեր յանապատին. որպէս հրա-  
 48 ման ետ որ խօսէին ընդ Մովսիսի, տոնել զայն րստ օրինակին զոր ետես:  
 49 Զոր եւ ընկալեալ բերէին հարքն մեր հանդերձ Յեսուաւ ի վիճակ ազգացն, զորս մերժեաց Աստուած յերեսաց հարցն մերոց մինչեւ յաւուրս Դաւթի,  
 50 որ եղև զորսն առաջի Աստուծոյ, եւ խնդրեալ զտանել զյարկս Աստու-  
 51 ծոյ Յակովբայ: Նա եւ Մողոմոյն չին-  
 52 եաց նմա տուն: Այլ ոչ եթէ Բարձրեալն ի ձեռագործ տաճարս բնակէ. այլ որ-  
 53 պէս մարգարէն ասէ, Երկինք աթոռ իմ են, եւ երկիր՝ պատուանդան ոտից իմոց. որպիսի՞ տուն չինեցէք ինձ, ասէ Տէր. կամ զինչ տեղի հանգըս-  
 54 տեան իմոյ: Ո՛չ ձեռն իմ արար զայս  
 55 իրիստք սրտիւք եւ ականջօք, դուք

107-11, աստուածոյն ձերց

28-35, շինեցէք

հանապաղ Հոգւոյն Սրբոյ հակառակ  
 52 կայք, որպէս հարքն ձեր՝ եւ դուք: Զո՞  
 ի մարգարէիցն ոչ հալածեցին հարքն ձեր, եւ սպանին զայնոսիկ որ յառա-  
 53 ջագոյն պատմեցին վասն զայստեան Արդարոյն, որոյ դուք այժմ մատնիչք  
 54 եւ սպանողք եղերուք: Ոյք ասէք զօ-  
 55 բէնս ի հրամանս հրեշտակաց, եւ ոչ պահեցէք:  
 56 Եւ լուեալ զայս զայրանային ի սիրտս իւրեանց, եւ կրճէին զատամուռս ի  
 57 վերայ նորա: Եւ նա էր լի Հոգւով Սրբով, հայեցաւ յերկինս եւ ետես զփառս Աստուծոյ եւ զՅիսուս զի կայր  
 58 ընդ աջմէ Աստուծոյ, եւ ասէ, Ահա տեսանեմ զերկինս բացեալ, եւ զՈրդի  
 59 մարդոյ զի կայ ընդ աջմէ Աստուծոյ:  
 60 Ազաղակեալ ի ձայն մեծ՝ խցին զա-  
 61 կանջս իւրեանց, եւ զիմեցին առ հա-  
 62 սարակ ի վերայ նորա: Եւ հանեալ արտաքոյ քաղաքին՝ քարկոծէին. եւ  
 63 վկայքն դնէին զձորձս իւրեանց առ ոտս երիտասարդի միոջ որ կոչէր Սա-  
 64 լուզ: Եւ քարկոծ առնէին զՍտեփա-  
 65 նոս, որ կարդայր եւ ասէր, Տէր Յի-  
 66 սուս, ընկալ զողի իմ: Եղ ծունր, աղաղակեաց ի ձայն բարձր, Տէր, մի՛  
 67 համարիր դոցա զայս մեղս: Եւ զայս իբրեւ ասաց, ննջեաց. եւ Սաւղոս էր  
 68 կամակից սպանման նորա:

## ԳԼ Ը

1 Եւ եղև յաւուր յայնմիկ հալածումն մեծ ի վերայ եկեղեցւոյն յերուսաղէմ. եւ ամենեքեան ցրուեցան ի գեղս Հրէ-  
 2 աստանի եւ Սամարիայ բաց յառաքե-  
 3 լոյն: Եւ բարձին զՍտեփանոս արք երկիւղածք, եւ արարին կոծ մեծ ի  
 4 վերայ նորա:  
 5 ԲԳ. Բայց Սաւղոս մնասակար էր ե-  
 6 կեղեցւոյն, ի տունս տունս մտանէր, քարչեալ զարս եւ զկանայս՝ մատնէր ի բանտ:  
 7 Եւ սփոռալքն չրջէին, աւետարա-  
 8 նէին զբանն: Իսկ Փիլիպպոս իջեալ ի քաղաքն Սամարացւոց՝ քարոզէր նո-  
 9 ցա զՔրիստոս: Ունկն դնէին ժողո-  
 10 վուրդքն բանիցն Փիլիպպոսի միաբան ի լսել նոցա եւ ի տեսանել զնշանն  
 11 զոր առնէր: Բանդի բազումք որ ու-  
 12 նէին զայսս պիղծս՝ աղաղակէին ի ձայն

8 մեծ եւ երանէին : Եւ բազում անդա-  
9 մալոյձք եւ կաղք բժշկէին . եւ եղեւ  
ուրախութիւն մեծ ի քաղաքին յայն-  
միկ : Այր ոմն Սիմովն անուոն յառա-  
ջագոյն էր ի քաղաքին , մողէր եւ ապ-  
շեցուցանէր զազգն Սամարացոց , ա-  
10 սել զանձնէ թէ իցէ մեծ ոմն . Յոր  
հայէին ամենեքեան ի փոքուէ մինչեւ  
ի մեծամեծս , եւ ասէին , Սա է զօրու-  
11 թիւն Աստուծոյ որ կոչի մեծ : Հայէին  
ի նա վասն բազում ժամանակաց մո-  
գութեամբն ապշեցուցանելոյ զնոսաւ  
12 Բայց յորժամ հաւատացին Փիլիպպոսի  
որ աւետարանէր վասն արքայութեանն  
Աստուծոյ եւ անուանն Յիսուսի Քրիս-  
տոսի , մկրտէին ամենեքեան արք եւ  
13 կանայք : Այլ եւ ինքն Սիմովն հա-  
ւատաց , եւ մկրտեալ կանխէր առ Փի-  
լիպպոս . տեսեալ զնշանն եւ զմեծա-  
մեծ զօրութիւնն որք լինէին՝ զար-  
14 մանայր , իբրեւ լուան որ յերուսաղէմ  
առաքեալքն էին թէ եւ ի Սամարիա  
ընկալան զքանն Աստուծոյ , առաքե-  
լին առ նոսա զՊետրոս եւ զՅովհան-  
15 նէս . Որք իջեալ կացին յաղօթս ի վե-  
րայ նոցա , որպէս զի առցին զՀոգին  
16 Սուրբ . Զի ցայնժամ չեւ եւս էր եւ  
ոչ ի վերայ միոյ նոցա հասեալ , բայց  
միայն մկրտեալք էին յանուն Տեառն  
17 Յիսուսի . Յայնժամ եղին զձեռս ի վե-  
րայ նոցա , եւ առնուին Հոգի Սուրբ :  
18 Տեսեալ Սիմովնի թէ ձեռս ի վերայ  
դնելով առաքելոցն տուեալ լինի Հո-  
գին Սուրբ , մատոյց նոցա ինչս եւ  
19 ասէ , Տուք եւ ինձ զիխանութիւնս  
զայս , զի յոյր վերայ դնիցեմ զձեռս  
20 առցէ Հոգի Սուրբ : Եւ Պետրոս ասէ  
ցնա , Արծաթ քո ընդ քեզ լիցի ի կո-  
րուստ , զի զպարզեւն Աստուծոյ հա-  
21 մարեցար ընչիւք ստանալ : Ոչ գոյ քեզ  
մասն եւ վիճակ ի բանիդ յայդմիկ ,  
քանզի սիրտ քո ոչ է ուղիղ առաջի  
22 Աստուծոյ : Ապաշաւեա դու ի չարեացդ  
քոց յայդցանէ , եւ աղաչեա զՏէր ,  
Երեւն թողութիւն լիցի քեզ ի մեղ  
23 մեկ խորհրդոց սրտի քո : Քանզի ի  
դառնութիւն մաղձի եւ ի կնճիռն ա-  
24 նիրաւութեան տեսանեմ զքեզ : Պա-  
տասխանի ետ Սիմովն եւ ասէ , Աղա-  
չեցէք դուք վասն իմ զՏէր , զի մի՛ ինչ  
եկեացէ ի վերայ իմ յորոց դուքդ ա-  
25 սացէք : Եւ նոցա եղեալ վկայութիւն

խօսեցան զքանն Աստուծոյ , եւ զար-  
ձան յերուսաղէմ . եւ ի բազում գեղս  
Սամարացոցն աւետարանէին :  
26 ԲԵ . Հրեշտակ Տեառն խօսեցաւ առ  
Փիլիպպոս եւ ասէ , Արի եւ գնա դու  
ի կողմն հարաւոյ ընդ ճանապարհ որ  
իջանէ յերուսաղէմէ ի Գազա , զի այս  
27 է անապատ : Եւ յարեաւ գնաց . եւ  
անաւասիկ այր մի եթէովպացի , ներ-  
քինի հզօր Կանդակայ տիկնոջ Եթէով-  
պացոց , որ էր ի վերայ ամենայն զան-  
ձուց նորա . որ եկեալ էր երկիր պա-  
28 զանել յերուսաղէմ . Եւ անդէն զար-  
ձեալ եւ նստեալ ի կառս իւրում՝ ըն-  
29 թեոնոյր զմարգարէն զՆսայի : Ասէ  
Հոգին ցՓիլիպպոս , Մատիւր եւ յարեաց  
30 ի կառս յայդոսիկ : Եւ ընթացեալ Փի-  
լիպպոս լսէր զի ընթեոնոյր զՆսայի  
մարգարէ . եւ ասէ , Գիտիցես արդեւք  
31 զոր ընթեոնուցուսդ : Եւ նա ասէ ,  
Զիա՛րդ կարիցեմ , եթէ ոչ ոք առաջ-  
նորդեսցէ ինձ . եւ աղաչեաց զՓիլիպ-  
32 պոս երանել նստիլ ընդ նմա : Եւ գլուխ  
գորոցն զոր ընթեոնոյր էր այս . իբրեւ  
զոչխար ի սպանդ վարեցաւ , եւ իբրեւ  
զորոջ առաջի կտրչի իւրոյ անմուռնչ՝  
33 այնպէս ոչ բանայ զըրբան իւր : Ի խո-  
նարհութեան նորա դատաստան նորա  
բարձաւ , եւ զազգատոհմ նորա ո՛ւ պատ-  
մեսցէ , զի բառնան յերկրէ կեանք նո-  
34 րա : Պատասխանի ետ ներքինին Փի-  
լիպպոսի եւ ասէ , Աղաչեմ զքեզ , վասն  
ո՛յր ասէ մարգարէն զայս , վասն իւր  
35 եթէ վասն այլոյ ուրուք : Եբաց Փիլիպ-  
պոս զըրբան իւր , եւ սկսեալ ի գրոցս  
յայցանէ՝ աւետարանեաց նմա զՅի-  
36 սուս : Իբրեւ երթային զճանապարհայն ,  
եկին ի ջուր ինչ , եւ ասէ ներքինին ,  
Ահաւասիկ ջուր , զի՛նչ արգելու զիս  
37 ի մկրտելոյ : Եւ ասէ ցնա , Եթէ հա-  
ւատաս բոլորով սրտիւ քով , մարթ է :  
Պատասխանի ետ եւ ասէ , Հաւատամ  
եթէ Յիսուս Քրիստոս է Որդի Աս-  
38 տուծոյ : Եւ հրամայեաց կացուցանել  
զկառսն . եւ իջին երկոքեան ի ջուրն ,  
Փիլիպպոս եւ ներքինին , եւ մկրտեաց  
39 գնա : Եւ իբրեւ ելին ի ջրոյ անտի ,<sup>2</sup> Հո-  
գին Սուրբ եկն ի վերայ ներքինւոյն ,  
եւ հրեշտակ Տեառն յափշտակեաց՝

<sup>1</sup> Այս հոմար գլխիւն է բազմա

<sup>2</sup> Բազմա , Հոգի Տեառն յափշտակեաց



զՓիլիպպոս, եւ ոչ եւս ետես զնա ներ-  
քինին, եւ զնայր զճանապարհ իւր ու-  
40 րախուժեամբ: Բայց Փիլիպպոս գտաւ  
յԱզովտոս. եւ չրջեալ աւետարանէր  
ամենայն քաղաքացն՝ մինչեւ ի գալ  
նորա ի Կեսարիա:

## ԳԼ. Թ

1 ԲՁ. Իսկ Սաւղոս տակաւին լցեալ  
սպառնալիօք եւ սպանմամբ աշակեր-  
տացն Տեստն՝, մատուցեալ առ քահա-  
2 նայապետն՝ Խնդրեաց ի նմանէ թուղթս  
ի Դամասկոս առ Ժողովուրդսն. որպէս  
թէ՝ զոք զոցէ զայնր ճանապարհաւ,  
արս կամ կանայս, կապեալս ածցէ յն-  
3 թուսաղէմ: Եւ ընդ երթալն նորա՝ եւ  
զեւ մորձեանայ ի Դամասկոս. յանկար-  
ծակի շուրջ զնովաւ. փայլատակեաց  
4 լոյս յերկնից: Եւ անկեալ յերկիր՝ լուաւ  
բարբառ որ ասէր ցնա, Սաւուղ, Սա-  
5ւուղ, զի հալածես զիս: Եւ ասէ, Ո՛վ  
ես, Տէր, եւ նա ասէ, Ես եմ Յիսուս  
6 զոր դուն հալածես.<sup>1</sup> Այլ յոտն կաց  
եւ մուտ ի քաղաքդ, եւ պատմեսցի  
7 քեզ զինչ պարտ իցէ առնել, իսկ արքն  
որ ընդ նմայն երթային, կային ան-  
չշուանջ, զձայնն միայն լսէին, բայց  
8 տեսանէին եւ ոչ ինչ, Յարեաւ Սաւ-  
ղոս յերկրէ անտի, եւ աչօք բացօք  
ոչ զոք տեսանէր. զձեռանէ ատեալ նո-  
9 րա՝ մուծին ի Դամասկոս: Եւ էր անդ  
աւուրս երիս եւ ոչ տեսանէր. եւ ոչ  
եկեր եւ ոչ արք:  
10 Եւ էր ոմն աշակերտ ի Դամասկոս  
Անանիա անուն. ասէ ցնա Տէր ի տես-  
րեան, Անանիա, Եւ նա ասէ, Ահաւա-  
11 սիկ եմ, Տէր: Եւ ասէ ցնա Տէր,  
Յոտն կաց եւ զնա ընդ փողոցն որ  
կոչի Ուղիղ, եւ խնդրեսցես յապա-  
րանան Յուդայ Սաւղոս անուն զՏար-  
12 ոտնացի. զի կայ զեռ յաղօթս: Եւ եւ  
տես ի տեսարեան այր մի Անանիա ա-  
նուն, մտեալ եւ եղեալ ի վերայ նորա  
13 զձեռն, որպէս զի տեսցէ: Պատասխա-  
նի եւ Անանիա, Տէր, լուայ ի բազ-

մաց վասն առնն այնորիկ, որչափ ա-  
րար չարիս սրբոց քոց յնրուսաղէմ.  
14 Եւ աստ ունի իշխանութիւն ի քահա-  
նայապետիցն, կապել զամենեանս որ  
15 կարդան զանուն քո: Ասէ ցնա Տէր,  
Երթ դու, զի անօթ ընտրութեան է  
ինձ նա, կրել զանուն իմ առաջի հե-  
թանոսաց եւ թագաւորաց եւ որդւոցն  
16 Իսրայելի: Քանզի ես իսկ ցուցից նմա  
որչափ պարտ իցէ նմա չարչարել վասն  
17 անուան իմոյ, եւ զնաց Անանիա եւ  
եմուտ յապարանսն, եւ եղեալ ի վե-  
րայ նորա ձեռս՝ ասէ, Սաւուղ եղբայր,  
3 ի վեր հայեաց, Տէր առաքեաց զիս,  
Յիսուս որ երեւեցաւն քեզ ի ճանա-  
պարհին յորում գայիրն, որպէս զի  
18 տեսցես եւ լցցիս Հոգւով Սրբով: Եւ  
վաղվաղակի անկան յաչաց նորա իր-  
րեւ կեղեւանք.<sup>2</sup> Ետես եւ յարեաւ  
19 մկրտեցաւ: Եւ առեալ կերակուր՝ զօ-  
րացաւ. եւ եղեւ ի Դամասկոս ընդ  
աշակերտսն աւուրս ինչ:  
20 Եւ վաղվաղակի ի Ժողովուրդսն քա-  
րողեաց զՅիսուս, թէ սա է Որդին  
21 Աստուծոյ, Չարմացեալ էին ամենեւ-  
քեան որ լսէինն, եւ ասէին, Ո՛չ սա էր  
որ աւար հարկանէր յնրուսաղէմ զաչ-  
նոսիկ, որ կարգային զանունն Յի-  
սուսի. եւ այսր նմին իրի եկեալ է,  
զի կապեալս զսոսա տարցի առ քահա-  
22 նայապետսն: Այլ Սաւղոս առաւել եւս  
զօրանայր եւ յաղթահարէր զՀրեայսն  
որ ընակեալ էին ի Դամասկոս. եւ  
խելամտեցուցանէր թէ սա է Քրիս-  
23 տոսն: Իբրեւ կատարէին աւուրք բա-  
ղումք, խորհեցան Հրեայքն սպանանել  
24 զնա: Յայտնեցաւ Սաւղոսի նենգու-  
թիւնն նոցա, քանզի պահէին զորոնան  
ի տուէ եւ ի զիշերի որպէս զի սպան-  
25 ցեն զնա: Եւ առեալ զնա աշակեր-  
տացն ի զիշերի՝ ընդ պարիսպն կախ-  
եալ ի ջուղին վանդակաւ:  
26 Իբրեւ եկն Սաւղոս յնրուսաղէմ,  
ընդկանէր յարել յաշակերտսն. եւ ա-  
մենեքեան երկնչէին ի նմանէ, չհաւա-  
27 տային թէ իցէ աշակերտ: Բայց Բառ-  
նարոյ առեալ զնա՝ ած տո առաքեալսն,  
եւ պատմեաց նոցա որպէս ի ճանա-  
պարհին ետես զՏէր, եւ զի խօսեցաւ

<sup>1</sup> ԲՁ, չնչեայ սպառնալիս եւ սպանուի յա-  
շակերտսն Տեստն

<sup>2</sup> Ունի, յաւելան, խիտ է քեզ բնդդէմ խթանի  
աքացել: (6) Եւ զարհուրեալ եւ անշուշտ լեալ  
տասայ, Տէր, զի՞նչ կամիս առնել ինձ: Եւ ասէ  
ցնա Տէր,

<sup>3</sup> Ի քաղաքի զօրոք

<sup>4</sup> Ունի, ետես առժամայն

<sup>5</sup> ԲՁ, զանունս զայս

ընդ նմա, եւ զի ի Դամասկոս համար-  
 28 ձակեցաւ յանուն Յիսուսի: Եւ էր ընդ  
 նոսա ի մտանել եւ ելանել յերուսա-  
 զէմ, համարձակեալ յանուն Սեռոն:  
 29 Խօսէր եւ վիճէր ընդ Յոյնս: Եւ նոքա  
 30 խոկային սպանանել զնա: Եւ իմացեալ  
 եղբարց՝ իջուցին զնա ի Կեսարիա, եւ  
 առաքեցին զնա ի Տարսոս:  
 31 Բայց եկեղեցին ընդ ամենայն Հրէ-  
 աստան եւ ի Սամարիա եւ ի Գալիլեա  
 ունէր խաղաղութիւն, չինեալ եւ եր-  
 թեալ զհետ երկրիւղի Տեառն եւ միւ-  
 թարուքեամբ Հոգւոյն Սրբոյ բազ-  
 մանայր:  
 32 Բէ. Եւ եղեւ ի շրջելն Պետրոսի առ  
 ամենեքումբ, իջանել նմա եւ առ  
 սուրբան որ բնակեալ էին ի Լիւզղա:  
 33 Եւ եղիտ անդ այր մի, որում անունն  
 էր Ենեա, ութեմեան զնէր ի մահիճս  
 34 անդամալոյծ: Եւ ասէ ցնա Պետրոս,  
 Ենեա, բռնէ զքեզ Տէր Յիսուս Բրիս-  
 տոս, արի եւ քեզէն թօթափեա զան-  
 կողինս քո: Եւ վաղվաղակի յարեաւ:  
 35 Եւ տեսին զնա ամենեքեան որ բնա-  
 կեալ էին ի Լիւզղա եւ ի Սարմիւն,  
 36 որք եւ զարձան իսկ ի Տէր: Եւ ի Յոպ-  
 պէ էր կին ոմն աշակերտեալ անուն  
 Տարիթա, (որ թարգմանեալ կոչի Այ-  
 ծեմիկ.) սա էր լի գործովք բարեօք  
 37 եւ ողորմութեամբք զոր առնէր: Եւ  
 եղեւ յաւուրս յայնոսիկ հիւանդանալ  
 նմա եւ մեռանել: Եւ անցին զնա եւ  
 38 եղին ի դատիկոնի անդ: Եւ մերձ էր  
 Լիւզղա ի Յոպպէ. աշակերտացն լու-  
 եալ եթէ Պետրոս անդ է, առաքեցին  
 երկուս արս առ նա աղաչել զի մի՛  
 39 զանդաղեսցի զալ առ նոսա: Եւ յա-  
 րուցեալ Պետրոս եկն ընդ նոսա, զոր  
 իբրեւ եկն՝ հանին ի վերնատունն: Եւ  
 կացին շուրջ զնովաւ այրիքն ամենայն,  
 լային եւ ցուցանէին զձորձս եւ զհան-  
 դերձս, որչափ առնէր նոցա Այծեմ-  
 40 նիկն: Եւ հանեալ արտաքս զամենե-  
 սեան Պետրոսի՝ եղ ծունր, եկաց յա-  
 ղօթս, եւ զարձաւ ի մարմինն եւ ասէ,  
 Տարիթա, արի կաց յանուն Տեառն  
 Յիսուսի Բրիստոսի: Եւ նա երաց  
 զաչս իւր, եւ տեսեալ զՊետրոս նստաւ

41 կանգուն: Զեռն ետ նմա եւ յարոյց  
 զնա. կոչեաց զսուրբան եւ զայրիսն,  
 42 առաջի կացոյց զնա կենդանի: Եւ յայտ-  
 նի եղեւ ընդ ամենայն Յոպպէ, եւ հա-  
 43 լատացին բազումք ի Տէր: Եւ եղեւ  
 աւուրս բազումս լինել նմա ի Յոպպէ  
 առ ումնմն Սիմոնի խաղախորդի:

## ԳԼ. Ժ

4 ԳԱ. Այր մի էր ի Կեսարիա անուն  
 Կռնելիոս, հարիւրապետ ի գնդէ որ  
 2 կոչէր Բտալացի. Բարեպաշտն եւ եր-  
 կիւղած յԱստուծոյ ամենայն տամբ իւ-  
 րով, առնէր ողորմութիւնս բազումս  
 ի ժողովրդեանն, եւ յաղօթս կայր առ  
 3 Աստուած յամենայն ժամ: Ետես ի  
 տեսեալն յայտնապէս զիններորդ ժա-  
 մու աւուրն զհրեշտակ Աստուծոյ, զի  
 մտանէր առնա եւ ասէր ցնա, Կռն-  
 4 նելիէ. Եւ նա հայեցեալ ընդ նա՝ զար-  
 հուրեցաւ եւ ասէ, Զի է, Տէր: Եւ  
 ասէ ցնա, Աղօթք քո եւ ողորմու-  
 թիւնք քո ելին յիշատակաւ առաջի  
 5 Աստուծոյ: Եւ արդ յղեա արս ի Յոպ-  
 պէ եւ կոչեա զՍիմոն զոմն որ կոչի  
 6 Պետրոս. նա մտեալ է առ Սիմոնի  
 ումնմն խաղախորդի, որոյ է տունն  
 7 մերձ ի ծով: Եւ իբրեւ գնաց հրեշ-  
 տակն որ խօսէր ընդ նմա, կոչեաց  
 երկուս ի ծառայիցն եւ զինուոր մի  
 բարեպաշտն ի սպասաւորացն իւրոց,  
 8 եւ պատմեալ նոցա զամենայն՝ առա-  
 քեաց զնոսա ի Յոպպէ:  
 9 Եւ ի վաղիւ անդր ի ճանապարհ ան-  
 կանել նոցա եւ մօտ ի քաղաքն լինել,  
 ել Պետրոս ի տանիսն կալ յաղօթս  
 10 զվնցերորդ ժամուն: Քաղցեաւ եւ կա-  
 մէր ճաշակել. եւ ի պատրաստելն նո-  
 ցա՝ եղեւ ի վերայ նորա զարմացումն:  
 11 Եւ տեսանէր զերկինս բացեալ, եւ զչո-  
 րեցունց տանոց կապեալ անօթ ինչ  
 իբրեւ զկտաւոյ մեծի, իջեալ նստեալ  
 12 ի վերայ երկրի. Ետում էին ամենայն  
 յորքոտանիք եւ սողունք երկրի՝ եւ  
 13 թռչունք երկնից: Եւ եղեւ ձայն առ  
 14 նա, Արի, Պետրոս, զեն եւ կեր: Եւ  
 Պետրոս ասէ, Քաւ լիցի, Տէր, զի ոչ

<sup>1</sup> Ուրտ, Տեառն Յիսուսի

<sup>2</sup> Եւ ուրտաց անտ, Տէր Յիսուս, այլ, Յի-  
 սուս Բրիստոս

<sup>3</sup> Ի Յոպպէ արտաք

<sup>4</sup> Ուրտ, յաւուրն, նա խօսեցի քեզ զինչ պարտ-  
 իցէ քեզ առնել

<sup>5</sup> Ուրտ, չորքոտանիք երկրի եւ գաղաքս եւ սո-  
 զունք

երբեք կերայ խառնակ ինչ եւ անսուրբ:  
 15 Զայն եղեւ կրկին անգամ առ նա, Զոր  
 Աստուած սրբեաց՝ դու մի՛ պղծեր:  
 16 Այս եղեւ երկուս, եւ վերացաւ անօթն  
 17 յերկինս: Եւ մինչդեռ զարմացեալ էր  
 ընդ միտս Պետրոս թէ զի՛նչ իցէ տե-  
 սին զոր ետես, ահա արքն առաքեալք  
 ի Կոռնելեայ հարցին զապարանիցն Սի-  
 18 մովնի, կացին առ դրանն: Կոչեցին  
 եւ հարցանէին, եթէ Սիմովն որ կոչի  
 19 Պետրոս աստ մտեալ իցէ: Եւ մինչ-  
 դեռ Պետրոս զմտաւ ամէր վասն տես-  
 լեանն, ասէ Հոգին ցնա, Ահաւասիկ  
 20 ի արք ոմանք՝ խնդրեն զքեզ: Այլ արի-  
 էջ եւ երթ ընդ նոսա առանց իրիք:  
 21 Խղճելոյ, զի ես առաքելի գնոսա: Եւ  
 իբրեւ էջ Պետրոս առ նոսա, ասէ,  
 Ահաւասիկ ես եմ զոր խնդրէքն: Ղի՛նչ  
 22 իրք են վասն որոյ եկիք: Եւ նոքա  
 ասեն, Կոռնելիոս հարիւրապետ, այր  
 արդար եւ երկիւղած յԱստուծոյ, վկայ-  
 եալ յամենայն ազգէն Հրէից, հրաման  
 առ ի հրեշտակէ սրբոյ կոչել զքեզ ի  
 23 տուն իւր եւ լսել բանս ի քէն: Կոչ-  
 եաց զնոսա ի ներքս եւ առ իւր ազոյց:  
 Եւ ի վաղիւ անդր յարուցեալ Պետ-  
 րոս գնաց ընդ նոսա, եւ ոմանք յեղ-  
 բարց անտի որ ի Յոպպէ էին՝ եկին  
 24 ընդ նմա: Եւ ի վաղիւ անդր մտին  
 ի Կեսարիա: Եւ Կոռնելիոս մնայր նո-  
 ցա, կոչեցեալ զազգատունի իւր եւ  
 զկարեւոր բարեկաման:  
 25 Ք.Բ. Եւ եղեւ ի մատնեյն Պետրոսի՝  
 ընդ առաջ եղեւ նմա Կոռնելիոս, ան-  
 26 կեալ առ ոտնն երկիր պազանէր: Եւ  
 Պետրոս կանգնեաց զնա եւ ասէ, Յոտն  
 27 կաց, եւ ես ինքն մարդ եմ: Եւ խո-  
 սելով ընդ նմա եմուտ ի ներքս: Եւ  
 գտանէր անդ ժողովեալ զբազումս:  
 28 Եւ ասէ ցնոսա, Դուք ինքնին զիտէր  
 ո՛րպէս ամմարթ է առն Հրէի հոյե-  
 կամ մերձենալ առ սյարդի: Եւ ինչ  
 Աստուած եղբայ մի՛ զոր խառնակ կամ  
 29 անսուրբ ասել ի մարդկանէ: Վասն  
 այսորիկ եւ ասանց ընդ բանս ինչ ա-  
 ծելոյ եկի կոչեցեալ: Բայց արդ հար-  
 ցանեմ, Յի՛նչ պէտս կոչեցէք զիս:  
 30 Եւ Կոռնելիոս ասէ, Յառաջ քան զչորս  
 առ ուրս մինչ ցայս ժամ կայի յաղօթն

յինն ժամն ի տան իմում: Եւ ահա այր  
 մի եկն եկաց առաջի իմ ի հանդերձս  
 31 սպիտակս, եւ ասէ, Կոռնելիէ, լսելի  
 եղեն աղօթք քո, եւ ողորմութիւնք  
 32 քո յիշեցան առաջի Աստուծոյ: Եւ արդ  
 յղեա ի Յոպպէ եւ կոչեա զՍիմովն որ  
 կոչեցեալն է Պետրոս: Սա մտեալ է  
 ի տուն Սիմովնի ուրումն խաղախոր-  
 դի մերձ ի ծովն: Յոր եկեսցէ եւ խո-  
 33 սեացի ընդ քեզ: Եւ ես իսկ եւ իսկ  
 յղեցի առ քեզ, դու բարեւոք արարեր  
 զի եկիր: արդ ամենեքին մեք առաջի  
 Աստուծոյ կամք լսել զամենայն, որ  
 հրամայեալ է քեզ ի Տեառնէ:  
 34 Երաց Պետրոս զգերան իւր եւ ասէ,  
 Ծշմարտութեամբ հասեալ եմ, զի ոչ  
 գոյ ակնառութիւն առ ի յԱստուծոյ:  
 35 Այլ յամենայն ազգս որ երկնչին ի նմա-  
 նէ եւ գործէ զարդարութիւն, ընդու-  
 36 նելի է նմա: Զբանն առաքեաց որդ-  
 ւոցն Իսրայելի աւետարանել զխաղա-  
 ղութիւն ի ձեռն Յիսուսի Քրիստոսի:  
 37 (սա է ամենայնի Տէր:) Դուք ինքնին  
 զիտէր զբանն որ եղեւ ընդ ամենայն  
 Հրէաստան սկսեալ ի Գալիլէէ, յետ  
 միրտութեանն զոր քարոզեաց Յով-  
 38 հաննէս: ԶՅիսուս որ ի նազարեթէ,  
 զոր օծն Աստուած Հոգւով Սրբով եւ  
 զօրութեամբ, որ չրջեցաւ բարի առ-  
 նել եւ բժշկել զամենայն ըմբռնեալսն  
 ի Ստտանայէ, զի Աստուած էր ընդ  
 39 նմա: Եւ մեք վկայ եմք ամենայնի զոր  
 արար յերկրին Հրէաստանի եւ յերու-  
 սաղէմ: զոր եւ սպանին կախեալ զփայ-  
 40 տէ: Զնա Աստուած յարոյց յերրորդ  
 41 աւուր, եւ ետ նմա յայտնի լինել, Ոչ  
 ամենայն ժողովրդեանն, այլ մեզ վկա-  
 յիցս յառաջագոյն ընտրելոցս յԱստու-  
 ծոյ, որք եւ կերպք եւ արքաք ընդ  
 նմա յետ յարութեան նորա ի մեռե-  
 42 լոց: Եւ պատուիրեաց մեզ քարոզել  
 ժողովրդեանն եւ վկայութիւն գնել,  
 թէ նա է սահմանեալսն յԱստուծոյ դա-  
 43 տա: որ կենդանեաց եւ մեռելոց, նմա  
 ամենայն մարգարէք վկայեն, թողու-  
 թիւն մեղաց ամուրլ անուամբ նորա  
 ամենայն հաւատացելոյ ի նա:  
 44 Եւ մինչդեռ խօսէր Պետրոս զբանս  
 զայս, հանգեաւ Հոգին Սուրբ ի վերայ

<sup>1</sup>Բաղ-Կ, արք երեք

<sup>2</sup>Ուն, ժամ պահէի ե

<sup>3</sup>Բաղ-Կ, Գալիլէ

<sup>4</sup>Ուն, Զբանն զոր

45 ամենեցունք որ լսէին զբանն : Զարմացան որք ի թրիատուքենէ անտի հաւատացեալք եկեալ էին ընդ Պետրոսի, զի եւ ի հեթանոսս պարգեւք Հոգւոյն :  
 46 Սրբոյ զեղուին : Քանզի լսէին ի նոցանէ խօսել լեզուս եւ մեծացուցանել :  
 47 զԱստուած : Յայնժամ պատասխանի ետ Պետրոս, Միթէ զՂուրն ոք արգելուլ կարէ՞ առ ի չմկրտելոյ զսոսա, որք եւ զՀոգին Սուրբ ընկալան որպէս  
 48 եւ մեք : Եւ հրամայեաց նոցա մկրտել յանուն Յիսուսի Քրիստոսի : Եւ յայնժամ աղաչեցին զնա լինել անդ աւուրս ինչ :

## ԳԼ ԺԱ

1 ԳԳ. Լուան առաքեալքն եւ եղբարք որ էին ի կողմանս Հրէաստանի, զի եւ ի հեթանոսս ընկալան զբանն Աստուծոյ : Բայց յորժամ ել Պետրոս յերուսաղէմ, խղճէին ի նմանէ որ ի թրիատուքենէ անտի շահատացեալքն էին : Եւ ասէին եթէ Յովուտ առարս անթրիատս եւ եկեր՝ ընդ նոսա : Եւ սկսաւ Պետրոս պատմել նոցա կարգաւ եւ ասէ, Ես էի ի քաղաքին ի Յոպպէ յաղօթս, եւ տեսանէի ի զարմացման տեսիլ, իջանել անօթ ինչ իբրեւ կտաւոյ մեծի զչորեցունց տանոց կախեալ յերկնից, եւ եհաս մինչեւ առ իս : Յոր պուցեալ հայէի, եւ տեսի զչորքոտանիս երկրի եւ զգազանս եւ զսողունս եւ զթռչունս երկնից : Եւ լուայ բարբառ որ ասէր ցիս, Արի, Պետրոս, զին եւ կեր : Եւ ասեմ, Քու լիցի, Տէր, զի խառնակ ինչ եւ անսուրբ ոչ երբեք եմուտ ի բերան իմ : Պատասխանի ետ ինձ երկիցս անգամ բարեաց՝ դու մի՛ խառնակ համարիր : 40 Այս եղեւ երկցս, եւ վերացաւ ամենայն զարձեալ յերկինս : Եւ ահա անդէն երևք արք եկին կացին առ սուրանիցն ուր իսն էի, առաքեալք ի Կեսարիայ առ իս : Եւ ասէ ցիս Հոգին երթալ ընդ նոսա եւ մի՛ ինչ խղճել : Եկին ընդ իս եւ սոքա վեցեօրն եղբարքս, եւ մտաք ի տունն առնն այն

13 Նորիկ : Եւ պատմեաց մեզ ո՛րպէս ետես զհրեշտակն ի տան իւրում զի կայր եւ ասէր ցնա, Առաքեալ թոպպէ, եւ կոչեա զՍիմոն զկոչեցեալն Պետրոս : Որ խօսեացի բանս ընդ քեզ, որովք կեցցես դու եւ ամենայն տուն : Եւ իբրեւ սկսայ խօսել, եկն Հոգին Սուրբ ի վերայ նոցա, որպէս եւ ի վերայ մեր ի սկզբանն : Յիշեցի զբանն Տեառն զոր ասէրն, Յովաննէս մկրտեաց ի ջուր, բայց դուք մկրտիցիք ի Հոգին Սուրբ : Իսկ արդ եթէ զհասարակաց պարգեւն ետ Աստուած եւ նոցա որպէս եւ մեզ՝ ի հաւատալն ի Տէր Յիսուս Քրիստոս, ես զի՛նչ կարող էի : 48 արգելուլ զԱստուած : Եւ լուեալ զայս լոեցին, եւ փառաւոր առնէին զԱստուած եւ ասէին, Ուրեմն եւ ի հեթանոսս ետ Աստուած զապալխարուս թիւն կենաց :

49 Եւ ցրուեալքն ի նեղութիւնէն որ եւ զեւ ի վերայ Ստեփանոսի՝ հասին մինչեւ ի Փիլենիկէ եւ ի Կիպրոս եւ յԱնտիոք : Ոչ ումեք խօսէին զբանն, բայց միայն Հրէից : Եւ էին ոմանք ի նոցանէ արք Կիպրացիք եւ Կիւրուսացիք, որք մտեալ յԱնտիոք խօսէին ընդ Յոննան աւետարանեալ զՏէր Յիսուս : Եւ էր ձեռն Տեառն ընդ նոսա, եւ բազմութիւն հաւատացելոց դարձաւ ի Տէր : Լու եղեւ բանս այս յականջս եկեղեցւոյն որ էր յերուսաղէմ վասն նոցա, եւ առաքեցին զՏեառն : 23 Բաս մինչեւ յԱնտիոք : Որ իբրեւ եկն եւ ետես զչնորհան Աստուծոյ, ուրախ եղեւ, եւ միսթարէր զամենեւեան յօժարութեամբ սրտի կալ նոցա ի Տէր : 24 Զի էր այր զուարթամիտ եւ լի Հոգւով Սրբով եւ հաւատովք : Եւ յաւելաւ 25 ժողովուրդ բազում Տեառն : Եւ ել ի Տարսոն խնդրել զՍաւղոս, եւ գտեալ 26 զնա ամ յԱնտիոք : Եւ եղեւ նոցա զամն ողջոյն ժողովել յեկեղեցին եւ ուսուցանել ժողովուրդ բազում, եւ անուանել նախ յԱնտիոք զաշակերտեալն Քրիստոսեայս :

27 ԳԳ. Ընդ աւուրան ընդ այնոսիկ իջին յերուսաղէմէ մարգարէք յԱնտիոք : 28 Յարուցեալ մի ոմն ի նոցանէ անուն Ագաբոս՝ նշանակեաց Հոգւովն ստի մեծ

1ՈՂԵՎ, ՏԵԱՐՆ

2Ի ՅԵՆԻՆ ԿԵՐԵՎ

3ԲԵՂԵՎ, ՄԵՐԵ ԱՌԱ ԿԵՐԵՎ Ե ԿԵՐԵՎ

4ԵՆՆ, զԱՇԿԵՐՏՈՆ

լինել ընդ ամենայն աշխարհ, որ եղև  
29 առ կղաւղեաւ : Բայց յաշակերտաց  
անտի, որպէս զիարդ կարող ոք էր՝ իւ-  
րաքանչիւր ոք ի նոցանէ որոշեցին ա-  
ռաքել ի պէտս եղբարցն որ բնակեալ  
30 էին ի Հրէաստանի : Զոր եւ արարին  
իսկ առաքեալ առ երկրունան ի ձեռն  
Բառնարայ եւ Սաւղոսի :

## ԳԼ. ԺԲ

1 ԳԵ. Ընդ ժամանակսն ընդ այնոսիկ  
արկ Հերովդէս արքայ ձեռն չարչարել  
2 զդմանս յեկեղեցւոյն : Եւ սպան զՅա-  
կովբոս, զեղբայր Յովհաննու, սրով :  
3 Ետես եթէ հաճոյ է Հրէիցն, յաւել եւս  
ունել զՊետրոս : Եւ էին աւուրքն բա-  
4 ղարջակերաց : Զոր իբրեւ կալաւ, եղ  
ի բանտի, եւ մասնեաց չորից չորրոր-  
դաց զինուորաց պահել զնա : Եւ կա-  
մէր յետ զատկին ածել զնա ժողովրդ-  
5 ղեանն : Եւ Պետրոս ի պահեստի էր ի  
բանտին, եւ աղօթք ստէպ լինէին յե-  
կեղեցւոյն վասն նորա առ Աստուած :  
6 Իբրեւ կամեցաւ գնա ածել Հերովդէս,  
ի գիշերին յայնմիկ էր Պետրոս ի քուն  
ի մէջ երկուց զինուորաց՝ կապեալ  
կրկին շղթայիւք, եւ պահապանքն ա-  
7 ռաջի զբանն պահէին զբանան : Եւ  
անա հրեշտակ Տեառն եկն եկուց ի վե-  
րայ, եւ լոյս ծագեաց ի տանն, եւ  
խթեաց զկողմն Պետրոսի, յարոյց զնա  
եւ ասէ, Արի վաղարկուի : Եւ անկան  
8 շղթայքն ի ձեռաց նորա : Եւ ասէ ցնա  
հրեշտակն, Ած զգոտի քո, եւ արկ  
զհողաթափս յոտս քո : Եւ արար այն-  
պէս : Եւ ասէ ցնա, Արկ զձորձս քո  
9 եւ եկ զկնի իմ : Եւ ելեալ երթայր  
զհետ, եւ ոչ գիտէր եթէ ճշմարիտ իցէ  
որ ինչ եղևն ի հրեշտակէն : Գի հա-  
10 մարէր երազ տեսանել : Եւ իբրեւ ան-  
ցին նոքա քստ մի պահ եւ քստ եր-  
կուս, եկին մինչեւ ի դուռնն երկաթի՝  
որ հանէր ի քաղաքն : Եւ ինքնին բա-  
ցաւ նոցա, եւ մտեալ անցին ընդ փո-  
ղոց մի : Եւ վաղվաղովի ի բաց եկաց  
11 ի նման Նրեշտակն : Եւ Պետրոս իբրեւ  
ի միտս ելիւ, ասէ, Արդ գիտեմ ճշ-  
մարիտ եթէ, աստաքեաց Տէր զհրեշտակ  
իւր, եւ փրկեաց զիս ի ձեռաց Հե-  
րովդի : Եւ յամենայն ակնկալութիւնէ  
12 ժողովրդեանն Հրէից : Եւ լեալ ի միտս

եկն ի տուն Մարեմու մօր Յովհաննու,  
որ կոչեցաւն Մարկոս : Եւ էին բա-  
զումք ժողովեալ եւ աղօթիս առնէին :  
13 Եւ ի բախել զգուրս տանն, մատեաւ  
աղախին մի, ունին զնէր, որում ա-  
14 նուն էր Հոովղէ : Եւ ծանուցեալ  
զձայնն Պետրոսի՝ ի խնդալոյն ոչ եբաց  
զգուռնն, ի ներքս ընթացեալ պատ-  
մեաց թէ Պետրոս առ զբանն կայ :  
15 Նոքա ասեն ցնա, Մոյիս : Եւ նա եւս  
պնդէր թէ այսպէս է : Եւ նոքա ասէին,  
16 Հրեշտակ նորա իցէ : Եւ Պետրոս ստէպ  
բախէր : Իբրեւ բացին, տեսին զնա  
17 եւ զարմացան : Եւ նա ձեռամբ ցու-  
ցանէր նոցա լոկ, եւ պատմեաց որ-  
պէս եւ Տէր եհան զնա ի բանտէն, եւ  
ասէ, Պատմեցէք Յակովբայ եւ եղբարց  
18 զայս : Եւ ելեալ գնաց յայլ տեղի : Եւ  
իբրեւ այդ եղև, էր խռովութիւն մեծ  
ի մէջ զինուորացն, զի արդեւք Պե-  
19 տրոս եղև : Իսկ Հերովդէս իբրեւ  
խնդրեաց զնա եւ ոչ եգլտ, հարցեալ  
զպահապանսն՝ հրամայեաց սպանանել-  
եւ իջեալ ի Հրէաստանէ ի Կեսարիա  
եւ անդ լինէր :

20 Եւ էր Հերովդէս ցամամբ ընդ Տիւ-  
րացիս եւ ընդ Սիրոփիւացիս : Եւ նոքա  
առ հասարակ եկին առ նա, եւ ի բանի  
արարեալ զհրատոս սնեկապետ ար-  
քայի, խնդրէին զխաղաղութիւն, վասն  
կերակրելոյ երկրին նոցա յարքու-  
21 նուստ : Յաւուր միում յերեւելոջ  
Հերովդէս զգեցեալ էր զհանդերձ թա-  
ղաւորութեան եւ նստէր յատենի, եւ  
22 խօսէր ընդ նոսա հրապարակաւ : Եւ  
ամբոխն աղաղակէր թէ Աստուծոյ  
23 բարբառ է, եւ ոչ մարդոյ : Եւ անդէն  
եհար զնա հրեշտակ Տեառն, փոխա-  
նակ զի ոչ կտ փառս Աստուծոյ : Եւ  
եղևալ որոշալից՝ սատակեցաւ :

24 Եւ բանն Աստուծոյ աճէր եւ բազ-  
մանայր :

25 ԳԶ. Բառնարաս եւ Սաւղոս զար-  
ձան յերուսաղեմէ, իբրեւ կատարեցին  
զպաշտօնն : Եւ ելալ էր ընդ իւրեանս եւ  
զՅովհաննէս որ կոչեցեալն էր Մարկոս :

## ԳԼ. ԺԳ

1 Էին ոմանք յԱնտիոք ըստ եկեղեցւոյն

մարգարէք եւ վարդապետք, Բառնա-  
բաս եւ Շմաւոն կոչեցեալն նիւզէր,  
եւ Ղուկիոս կիւրենացի եւ Մանայեն  
դայեկորդի Հերովիլի չորրորդապետի,  
2 եւ Սաւղոս: Մինչդեռ ի պաշտաման  
Տեառն կային եւ պահէին, ասէ Հոգին  
Սուրբ, Որոշեցէք ինձ զԲառնաբաս եւ  
զՍաւղոս ի գործ յոր կոչեցեալ է իմ  
3 զդոսս: Յայնժամ պահեալ եւ աղօթիս  
արարեալ եղին զձեռս ի վերայ նոցա  
եւ արձակեցին:  
4 Եւ նոքա առաքեալք ի Հոգւոյն Սըր-  
բոյ՝ իջին ի Սելեւկիա, եւ անտի նա-  
5 լեցին ի Կիպրոս: Եւ հասեալ ի Սա-  
ղամիրա պատմէին զբանն Աստուծոյ  
ի ժողովուրդս Հրէիցն. ունէին եւ  
6 զՅովնաննէս պաշտօնեայ, Շրջեալ ընդ  
առնեայն կղզին մինչեւ ի Պափոս, գտին  
անդ այր զովմի մոգ սուտ մարգարէ  
Հրեայ, որում անուն էր Բարեյեսու:  
7 Որ էր ընդ փոխանակի բղէյսին Սերգ-  
եայ Պաւղոսի, առն իմաստնոյ. նորա  
աղաչեալ զԲառնաբաս եւ զՍաւղոս  
8 խնդրէր լսել զբանն Աստուծոյ: Ընդդէմ  
եկաց նոցա Եղիմաս մոգ, քանզի այս-  
պէս թարգմանի անուն նորա. խնդրէր  
9 չըջել զփոխանակ բղէյսին ի հաւա-  
տոց: Իսկ Սաւղոս որ եւ Պաւղոսն  
լցեալ Հոգւով Սրբով հայեցաւ ի նա,  
10 եւ ասէ, Ով լի ամենայն նենդութեամբ  
եւ խորամանկութեամբ, որդի Սա-  
տանայի, թշնամի ամենայն արդարու-  
թեան, ո՞չ լռես ի թիւրերոյ զճանա-  
11 պարհս Տեառն զուղիղս: Եւ արդ՝ անա  
ձեռն Տեառն ի վերայ քո, եւ եղիցիս  
կոյր՝ չտեսանել զարեւ մինչեւ ի ժա-  
մանակ մի. եւ անդէն անկաւ ի վե-  
րայ նորա մէջ եւ խաւար, եւ չըջեալ  
12 խնդրէր առաջնորդս: Եայնժամ տես-  
եալ փոխանակի բղէյսին զիրան որ եւ  
ղեն՝ հաւատաց, զարմացեալ ընդ վար-  
դապետութիւնն Տեառն:  
13 Եւ ամբարձեալ ի Պափոսայ Պաւղոս-  
եանց՝ եկին ի Պերդէ Պամփիւլեայ.  
Յովնաննէս մեկնեալ ի նոցանէ՝ դար-  
14 ձաւ յերուսաղէմ: Եւ նոքա գնացեալ  
ի Պերդեայ՝ եկին յԱնտիոք Պիսիդեայ.  
Եւ մտեալ ի ժողովուրդն յառուր չա-  
15 բաթու՝ նստան: Եւ յետ բնութեանոյ  
զօրէնսն եւ զմարգարէս, առաքեցին առ  
նոսա ժողովրդապետքն եւ ասեն, Արք  
եղբարք, եթէ իցեն ի ձեզ բանք միւի-

թարութեան առ ժողովուրդդ, խօսե-  
ցարուք:

16 ԳԷ. Յոտն եկաց Պաւղոս չարժեաց  
զձեռն եւ ասէ, Արք Իսրայելացիք եւ  
ոյք երկնչիք յԱստուծոյ, լուարուք:  
17 Աստուած ժողովրդեանս այսորիկ Իս-  
րայելի ընտրեաց զհարսն մեր, եւ զժո-  
ղովուրդն բարձրացոյց ի պանդխտու-  
թեան յերկրին Եգիպտացոց, եւ ի բա-  
18 զուկ բարձր եհան զնոսա անսի: Եւ  
իրեւ քառասնամեայ ժամանակ կիւ-  
19 բակրեաց զնոսա յանապատի: Եւ քակ-  
եալ ազգս եւթն յերկրին Քանանու՝  
ժառանգեցոյց նոցա զերկիր Կնոցա իբ-  
20 բեւ ամս չորեքհարիւր եւ յիսուս: Եւ  
յետ այսորիկ՝ ետ նոցա դատաւորս  
21 մինչեւ ի Սամուէլ մարգարէ: Եւ ան-  
տի յառաջ խնդրեցին թագաւոր, եւ  
ետ նոցա Աստուած զՍաւուղ որդի  
Կիսեայ՝ այր յազգէ Բենիամինի ամս  
22 քառասուն: Եւ իբրեւ փոխեայ զնա,  
յարոյց նոցա զԴաւիթ թագաւոր, ո-  
րում եւ ասաց վկայութեամբ, Գտի  
զԴաւիթ որդի Յեսսեայ այր ըստ սրտի  
իմում, որ արասցէ զամենայն զկամս  
23 իմ, ի սորա զաւակէ Աստուած ըստ  
աւետեացն յարոյց Իսրայելի զՓրկիչն  
24 Յիսուս: Ըստ յառաջագոյն քարոզու-  
թեանն Յովնաննու առաջի երեսաց  
մտի նորա մկրտութիւն ապաշխա-  
րութեան ամենայն ժողովրդեանն Իս-  
25 րայելի: Եւ իբրեւ յայր Յովնաննէս  
զրնթացսն, ասէր, Զո՞ ոք կարծէք զի-  
նէն թէ իցեմ. չեմ ես այն, այլ անա  
գայ զկնի իմ, որում չեմ արժանի զկօ-  
26 չիկս ոտիցն լուծանել: Արք եղբարք,  
որդիք Արքանամեան տոհմին, եւ որ  
ի ձեզ երկիւղածք իցեն յԱստուծոյ,  
ձեզ բանս այս փրկութեան առաքե-  
27 ցաւ: Բայց որ բնակեալ են յերուսա-  
ղէմ, եւ իշխանք նոցա անձանօթ եղեն  
ի նմանէ, եւ զստ բարբառոյ՝ մարգա-  
րէիցն, որ զամենայն չարաթան ըն-  
28 թեռնուին, դատեալ կատարեցին: Եւ  
ոչ մի ինչ պատճառս մահու գտեալ  
խնդրեցին ի Պիղատոսէ սպանանիլ զնա:  
29 Եւ իբրեւ կատարեցին զամենայն որ  
վասն նորա դրեալ էր՝ իջուցեալ ի փայ-  
30 տէն եղին ի դերեզմանի: Այլ Աստուած

1) Առաջ, նոցա (20) Եւ յետ այսորիկ իբրեւ  
ամս չորեքհարիւր եւ յիսուս  
2) Եւ, ի բարբառոյ

յարոյց զնա ի մեռելոց . որ երեւեցաւ  
 31 աւուրբք բազմօք այնոցիկ Որ ելեալ  
 էին ընդ նմա ի Գալիլէէ յերուսաղէմ .  
 որք եւ արդ իսկ վկայք են նորա առ  
 32 ժողովուրդն : Եւ միք ձեզ աւետարա-  
 նեմք զխոստումն որ առ հարսն եղեալ  
 33 էր : Զի զնոյն Աստուած կատարեաց  
 առ մեզ որդիս նոցա՝ յարուցեալ զՅի-  
 սուս , որպէս եւ ի Սաղմոսին գրեալ է  
 յերկրորդում , Որդի իմ ես դու , եւ ես  
 34 այսօր ծնայ զքեզ : Եւ զի յարոյց զնա  
 ի մեռելոց , եւ ոչ եւս դառնալոց է յա-  
 պականութիւն , այսպէս ասէ թէ Տաց  
 ձեզ զսրբութիւնսն Դաւթի զհաւա-  
 35 տարիսն : Քանզի եւ ի միւսումն ասէ ,  
 Ոչ տացես Սրբոյ քում տեսանել զա-  
 36 պականութիւն : Այլ Դաւիթ յազգի  
 անդ իւրում պաշտեաց եւ ի կամս Աս-  
 տուծոյ ննջեաց , եւ յաւելաւ առ հարս  
 37 իւր եւ ետես զապականութիւն : Բայց  
 զոր Աստուածն յարոյց՝ ոչ ետես զա-  
 38 պականութիւն : Յայտնի լիցի ձեզ ,  
 արք եղբարք , զի սովաւ ձեզ թողու-  
 39 թիւն մեղաց աւետարանի : Եւ յամե-  
 նայնէ յորմէ ոչ կարացէք օրինօքն  
 Մովսիսի արդարանալ՝ սովաւ ամե-  
 40 նայն որ հաւատայ արդարանայ : Զորոյ  
 կացէր , գուցէ եկեացէ ի վերայ ձեր որ  
 41 ասացեալն է ի մարդարէս . Տեսէք , ար-  
 համարհոտք , եւ զարմացարոտք եւ  
 եղծարուք , զի գործ մի գործեմ ես  
 յաւուրս ձեր , գործ՝ որում ոչ հաւա-  
 տայցէք , եթէ ոք պատմեցէ ձեզ :  
 42 Եւ իբրեւ ելին անտի , աղաչէին ի  
 միւսում չաքաթու խօսել նոցա զնոյն  
 43 բանս : Իբրեւ արձակեցաւ ժողո-  
 վուրդն , զնկտ երթային բազումք ի  
 Հրէից անտի եւ ի պաշտօնէիցն եկա-  
 մտից զՊաւղոսի եւ զԲառնարայ . որք  
 խօսէին ընդ նոսա , եւ հաւանեցու-  
 ցանէին զնոսա կալ մնալ ի Հնորհնս  
 Աստուծոյ :  
 44 ԴԱ . Եւ ի գալ միւսոց շարաթուն ,  
 զրեթէ ամենայն քաղաքն ժողովեցաւ :  
 45 Եւ զբանն Աստուծոյ : Իբրեւ տեսին  
 Հրեայքն զամբոխն՝ յցան նախանձու ,  
 եւ ընդդէմ դարձեալ ասացելոցն ի Պաւ-  
 46 ղոսէ՝ հայնոյէին : Համարձակեալ Պաւ-  
 ղոսի եւ Բառնարայ՝ ասէին , Առ ձեզ  
 նախ պարտ էր խօսել զբանն Աստու-  
 ծոյ . եւ քանզի դուք մերժէք զնա ,  
 եւ ոչ արժանիս համարիք զձեզ կենացն

յաւիտենականաց , ահաւասիկ գտա-  
 47 նամք ի հեթանոսս : Զի այսպէս պատ-  
 ուիրեաց մեզ Տէր . Եղի զքեզ ի լոյս  
 հեթանոսաց՝ լինել քեզ ի փրկութիւն  
 48 մինչեւ ի ծագս երկրի : Զայս լուեալ  
 հեթանոսացն ուրախ լինէին , եւ փա-  
 տաւոր առնէին զբանն Տեառն . եւ հա-  
 49 լատացին որք էին կարգեալ ի կեանսն  
 յաւիտենականս : Եւ շրջէր բանն Աս-  
 50 տուծոյ ընդ ամենայն զաւառն : Բայց  
 Հրեայքն գրգռեցին զպաշտօնեայ կա-  
 նայս զգաստս , եւ զգլխաւորս քաղա-  
 քին , եւ յարուցեալ հալածանս ի վերայ  
 Պաւղոսի եւ Բառնարայ՝ հանին զնոսա  
 51 ի սահմանացն իւրեանց : Եւ նոցա թո-  
 թափեալ զփոշի ոտից ի վերայ նոցա՝  
 52 եկին յիկոնիոն : Եւ աշակերտքն ինուէն  
 խնդութեամբ եւ Հոգւով Սրբով :

## ԳԼ. ԺԴ

1 Եւ եղեւ յիկոնիոն ի միասին մտանել  
 նոցա ի ժողովուրդ Հրէիցն եւ խօսել  
 նոյնպէս , մինչեւ հաւատալ Հրէից եւ  
 2 Յունաց բազմաց յոյժ : Բայց անհաւան  
 Հրեայքն յարուցին եւ չարացուցին  
 զանձինս հեթանոսացն ի վերայ եղբարցի  
 3 Բազում ժամանակս շրջէին , համար-  
 ձակեալք՝ Տեառն վկայութեամբ , բա-  
 նի չնորհաց իւրոց , եւ տալ՝ նշանս  
 եւ արուեստս լինելոյ ի ձեռս նոցա :  
 4 Եւ եղևն հերձուածք բազմութեան քա-  
 ղաքին , ոմանք էին ի Հրեայսն , եւ  
 5 ոմանք յառաքեալսն : Իբրեւ եղեւ զի-  
 մու հեթանոսացն եւ Հրէից ի խանութն  
 իւրեանց ի թշնամանել եւ ի քարկոծել  
 6 զնոսա , Ազգ եղեալ նոցա՝ փախեան ի  
 քաղաքսն Լիկայոնացւոց ի Լիւստրա  
 եւ ի Դերբէ եւ շուրջ զգաւառաւն ,  
 եւ անդ աւետարանէին :  
 7 ԴԱ . Եւ այր մի Լիւստրացի տկար  
 յոտից նստէր՝ կաղ յորովայնէ մօր իւ-  
 8 ռոյ , որոյ երբեք չէր գնացեալ : Սա  
 լուաւ զխօսան Պաւղոսի , որոյ հայե-  
 ցեալ ի նա եւ տեսեալ թէ ունի հա-  
 9 լատս փրկութեան , Ասէ մեծաձայն ,  
 2Քեզ ասեմ յանուն Տեառն մերոյ Յի-  
 սուսի Քրիստոսի : Յոտն կաց ի վերայ  
 ոտից քոց ուղիղ . եւ վազկազէր եւ

1 ԲԱ . Ի Տէր որ վկայէր բանի շնորհաց իւրոց ,  
 տուեալ 2 ի Բառնարայ զգլխով

10 գնայր: Եւ ժողովրդոցն տեսեալ զոր  
արարն Պաւղոս՝ բարձին զձայնս իւր-  
եանց Լիկայոնարէն եւ ասեն, Աս-  
տուածք նմանեալք մարդկան իջին առ  
11 մեզ: Եւ կոչէին զԲառնարաս Դիոս,  
եւ զՊաւղոս՝ Հերմէս, քանզի նա էր  
12 առաջնորդ բանին: Իսկ քուրմն Դիայ  
որ կայր առաջի քաղաքին, ցուլս եւ  
պսակս հասուցեալ ի դուռնն՝ հանդերձ  
13 բազմութեամբն կամէր զոհել: Եւ  
լուեալ առաքելոցն Բառնարայ եւ Պաւ-  
ղոսի, պատահեալ զհանդերձս իւրեանց՝  
արտաքս վազեցին յամբոխէն: աղա-  
14 զակէին Եւ ասէին, Արք, զի՞նչ գոր-  
ծէք զայդ: մեք ձեզ նմանողք կարեօք  
մարդիկ եմք, աւետարանել ձեզ յայդ-  
պիսի ունայնութեանց զառնալ յԱս-  
տուած կենդանի, որ արար զերկինս  
եւ զերկիր եւ զծով եւ զամենայն որ  
15 ի նոսա: Որ յանցեալ ազգսն թոյլ ետ  
ամենայն հեթանոսաց գնալ ի ճանա-  
16 պարհս իւրեանց: Եւ սակայն ոչ եթէ  
առանց վկայութեան զինքն եթող՝ բա-  
րերարութեամբն տալ յերկնից ձեզ  
անձրեւս եւ ժամանակս պտղաբերս,  
լնուլ կերակրովք եւ ուրախութեամբ  
17 զսիրտս ձեր: Եւ զայս ասացեալ՝ հազիւ  
լոնցուցանէին զժողովուրդսն ի չգոհե-  
լոյ նոցա: 3 այլ գնալ յիւրաքանչիւր  
տեղիս:՝

18 ԴԳ. Եւ ի չրջինն նոցա եւ յուսու-  
ցանել, եկին հասին յԱնտիոքէ եւ յի-  
կոնիոնէ Հրեայք: 2 եւ ի վիճել նոցա  
համարձակութեամբ,՝ պատրեցին զժո-  
ղովուրդսն 3 ի բաց կալ ի նոցանէ, եւ  
ասէին թէ Ոչինչ ճշմարտութիւն ա-  
սեն, այլ զամենայն ստին: Եւ քա-  
կոծեալ զՊաւղոս՝ քարչեցին արտաքս  
քան զքաղաքն, եւ համարէին գնա  
19 մեռեալ: Եւ ի պատել զնովաւ աշա-  
կերտացն՝ յարեաւ եմուտ ի քաղաքն,  
եւ ի վաղիւ անդր ել Բառնարաս հան-  
20 դերձ ի Դերբէ: Աւետարանեալ ի քա-  
ղաքին յայնմիկ եւ աշակերտեալ զրա-  
զումս՝ դարձան ի Լիւստրա եւ յիկո-  
21 նիոն եւ յԱնտիոքիա, Հաստատել զան-  
ձինս աշակերտելոցն եւ մխիթարել կալ  
հաստատուն ի հաւատսն: Եւ թէ՛ Բա-  
զումնեղութեամբք պարտ է մեզ մտա-  
22 նել յարքայութիւնն Աստուծոյ: 2 եւ

նադրեցին նոցա ըստ եկեղեցւոյ՝ երի-  
ցունս, աղօթս արարեալ հանդերձ  
պահովք՝ յանձն արարին զնոսա Տեառն  
23 յոր հաւատացեալ էին: Եւ չրջեալ ընդ  
24 Պիսիդիա եկին ի Պամփիլիա: Եւ խօ-  
սեցեալ ի Պերգէ զբանն Տեառն՝ իջին  
25 յԱտտալիա: Եւ անտի նաւարկեալ  
գնացին յԱնտիոք, ուստի էին յանձն  
արարեալ շնորհացն Աստուծոյ ի գործն  
26 զոր կատարեցին: Եկեալ եւ ժողովեալ  
զեկեղեցին՝ պատմեցին որչափ արար  
Աստուած ընդ նոսա: Եւ զի երաց հե-  
27 թանոսաց դուռն հաւատոց: Շրջէին  
ժամանակս ոչ սակաւս ընդ աշա-  
կերտսն:

## ԳԼ. ԺԵ

1 ԴԳ. Եւ ոմանք իջեալ ի Հրէաստանէ  
ուսուցանէին զեղբարս, Եթէ ոչ թրիա-  
տիք ըստ օրինացն Մովսիսի՝ ոչ կարէք  
2 ապրել: Եւ ի լինել ոչ սակաւ հակա-  
ռակութեան եւ խնդրոյ Պաւղոսի եւ  
Բառնարայ ընդ նոսա, եղին ելանել  
Պաւղոսի եւ Բառնարայ եւ ոմանց ի  
նոցանէ առ առաքեալսն եւ երիցունս  
յերուսաղէմ վասն խնդրոյն այնորիկ:  
3 Նոքա յուղարկեալք յեկեղեցւոյն՝ չրջե-  
ցան ընդ Փիւնիկէ եւ ընդ Սամարիա:  
պատմէին զգարձն հեթանոսաց, եւ  
առնէին ուրախութիւն մեծ ամենայն  
4 եղբարց: Եւ հասեալ յերուսաղէմ, ըն-  
կալեալք յեկեղեցւոյն եւ յառաքելոցն  
եւ յերիցանց՝ պատմեցին որչափ ինչ  
5 արար ընդ նոսա Աստուած: Յարեան  
ոմանք ի հերձուածոյն փարիսեցւոց հա-  
ւատացեալք, եւ ասեն թէ Պարտ է  
թրիատել զդոսա, եւ պատուիրել պա-  
հել զօրէնսն Մովսիսի:  
6 Եւ ժողովեցան առաքեալքն եւ ե-  
րիցունք տեսանել վասն բանիս այսո-  
7 յիկ: Եւ յետ բազում խնդիր լինելոյ  
յոտն եկաց Պետրոս եւ ասէ ցնոսա,  
Արք եղբարք, դուք ինքնին գիտէք,  
զի յաւուրցն առաջնոց ի միջի ձերում  
ընտրեաց Աստուած բերանով իմով լսել  
հեթանոսաց բանին աւետարանի եւ  
8 հաւատալ: Եւ սրտագէտն Աստուած  
վկայեաց նոցա, տալով նոցա զՀոգին  
9 Սուրբ որպէս եւ մեզ: Եւ ոչինչ ընտ-  
րութիւն արար ի մէջ նոցա եւ մեր,  
հաւատովք սրբեալ զսիրտս նոցա:



- 40 Արդ ընդէ՛ր փորձէ՛ք զԱստուած, զնեւ լուծ ի վերայ պարանոցի աշակերտացն, զոր ոչ հարքն մեր եւ ոչ մեք կարա-
- 41 ցաք բաժնալ: Այլ շնորհօքն Տեառն Յիսուսի Բրիստոսի հաւատամք ապրել, զոր օրինակ եւ նոքա:
- 42 Լուեաց ամենայն ժողովուրդն եւ լսէին Բառնաբայ եւ Պաւղոսի պատմելոյն, որչափ արար Աստուած նշանս եւ արուեստս ի հեթանոսս ի ձեռն նոցա:
- 43 Դե. եւ յետ լսելոյն նոցա պատասխանի եւ Յակովբոս եւ ասէ, Արք եղ-
- 44 բարք, լուարուք ինձ. Շմաւոն պատմաց որպէս յառաջագոյն Աստուած այց արար առնուլ ժողովուրդ ի հե-
- 45 թանոսաց անուան իւրոյ, եւ այնմ միաբանին բանք մարգարէիցն որպէս
- 46 եւ գրեալ է, Յետ այսորիկ դարձայց եւ շինեցից զյարկն Դաւթի զանկեան, եւ զկործանեալսն նորա վերստին շի-
- 47 նեցից, եւ կանգնեցից զնա. Որպէս զի խնդրեցին մնացորդք մարդկան զՏէր, եւ ամենայն հեթանոսք յորոց վերայ կոչեցեալ է անուն իմ, ասէ Տէր,
- 48 որ առնէ զայս ամենայն, Յայտնի է
- 49 ի յաւիտեանցն՝ Վասն որոյ եւ եւս իրաւունս համարիմ մի՛ նեղել զայնուսիկ ոչք ի հեթանոսացն դառնան առ
- 20 Աստուած. Այլ տալ թուղթս առ նոսա խորշիկ ի կերակրոց կոող եւ ի պոռնրկութենէ եւ ի մեղսութեան եւ յարենէ:
- 21 Զի Մովսէս յազգայն առաջնոց ըստ քաղաքաց զբարոյիչան իւր ունի՝ ի ժողովն ըստ ամենայն չաբաթուց ընթերցեալ:
- 22 Յայնժամ հաճոյ թուեցաւ առաքելոցն եւ երիցանցն ամենայն եկեղեցեաւն, արս ընտրեալս ի նոցանէ առաքել յԱնտիոք ընդ Պաւղոսի եւ ընդ Բառնաբայ, զՅուդա զկոչեցեալն Բարսաբա եւ զՇիղա՝ 2 արս գլխաւորս:
- 23 Գրեալ առ եղբարս՝ ի ձեռն նոցա զայս ինչ.
- Առաքեալք եւ երիցունք եւ եղբարք, յԱնտիոք եւ ի Սիւրիա եւ ի Կիլիկիա եղբարցդ որ ի հեթանոսացդ էք, ող-
- 24 ջոյն. Քանզի լուաք թէ ոմանք իրեւ

- ի մէջ խռովեցուցին զձեզ բանբւ՛ք խախտել զանձինս ձեր, ասեն թրքա-տել եւ պահել զօրէնսն, որոց ոչ հրա-
- 25 մայեցաք, Հաճոյ թուեցաւ մեզ միաբան ժողովելոցս, արս ընտրեալս յղել առ ձեզ ընդ սիրելիս մեր, ընդ Բառ-
- 26 նաբայ եւ ընդ Պաւղոսի, Արք՝ որք մասնեցին զանձինս իւրեանց վասն անուան Տեառն մերոյ Յիսուսի Բրիս-
- 27 տոսի: Արդ առաքեցաք զՅուդա եւ զՇիղա, եւ նոցա ի բանից զնոյն պատ-
- 28 մել: Զի հաճոյ թուեցաւ Հոգւոյն Սրբոց եւ մեզ մի՛ ինչ աւելի բերն զնեւ ձեզ, բայց միայն ի կարեւորացս յայ-
- 29 սոցիկ. Ի բաց կալ ի գոհելոյ կոող եւ յարենէ եւ ի հեղձուցելոյ եւ ի պոռնրկութենէ. յորոց պահեալ զանձինս բարւոք գործէք. ողջ լերուք:
- 30 Եւ նոքա արձակեալք իջին յԱնտիոք, եւ ժողովեալ զժողովուրդն՝ ե-
- 31 տուն զթուղթն: Եւ ընթերցեալ ուրախ եղեն ի վերայ միութարութեանն:
- 32 Յուդա եւ Շիղա, զի եւ նոքա մարգարէք էին, բանիւք բազմօք միութա-
- 33 րեցին զեղբարս եւ հաստատեցին: Եւ եղեալ անդ ժամանակս՝ արձակեցան խաղաղութեամբ յեղբարց 3 առ առա-
- 34 քեալսն: 4 Եւ հաճոյ թուեցաւ Շիղայի մնալ անդէն: 5 Բայց Պաւղոս եւ Բառնաբաս չըջէին յԱնտիոք, ուսուցանել եւ աւետարանել եւ այլովք բազմօք զբանն Տեառն:
- 36 ԴՁ. Իսկ յետ աւուրց ինչ ասէ Պաւղոս ցԲառնաբաս, Դարձողք եւ չըջեսցուք զեղբարքք ըստ ամենայն քաղաքաց յորս քարոզեցաք զբանն Տեառն
- 37 թէ որպէս ունիցին, Բառնաբաս կամէր առնուլ եւ զՅովհաննէս զկոչե-
- 38 ցեալն Մարկոս. Բայց Պաւղոս աղաչէր թէ զմեկնեալն ի նոցանէ ի Պամփիլիայ եւ զԷկեղեալն ընդ նոսա ի գործն
- 39 մի՛ առնուլ ընդ ինքեանս: Եւ եղեւ գծաութիւն՝ մինչեւ մեկնել նոցա ի միմեանց, Բառնաբայ առնուլ զՄար-
- 40 կոս նաւել ի Կիպրոս: Եւ Պաւղոսի ընտրեալ զՇիղա եւ յանձն արարեալ շնորհացն Աստուծոյ յեղբարց անտի:
- 41 Եւ չըջէր ի կողմանս Աստուծոյ եւ Կիլիկիացոց, եւ հաստատէր զեկեղեցիսն:

1Ուստի, եւ ի յաւիտեանցն Տեառն ամենայն գործք իւր

2Յուդա, արս գլխաւորս ի մէջ եղբարց. (23) Գրեալ

3Ուստի, առ որս առաքեցին զնոսա

4Յովհաննէս զկոչեալ

## ԳԼ. ԺԶ

1 Եկն հնաւ ի Դերբէ եւ ի Լիւստրա . եւ ահա աշակերտ ոմն էր անդ անուն Տիմոթէոս , որդի կնոջ Հրէի հաւա-  
 2 տացիւոյ եւ հօր հեթանոսի . Որ վկայ-  
 3 ւոյ հղորայ , Զսա կամեցաւ Պաւղոս  
 4 ընդ իւր տանել , եւ առեալ թրիատեաց  
 5 զնա վասն Հրէիցն որ էին ի տեղին  
 6 յայնոսիկ , քանզի գիտէին ամենեքին  
 7 զայր նորա թէ հեթանոս էր : Իբրեւ  
 8 անցանէին ընդ քաղաքսն , աւանդէին  
 9 նոցա պահել զհրամանսն պատուիրեալս  
 10 յառաքելոցն եւ յերիցանցն որք յերու-  
 11 սաղէմ : Եւ եկեղեցիքն հաստատէին  
 12 ի հաւատս , եւ յաւելուին ի թիւն հա-  
 13 նապազօր :  
 14 Դէ . Եւ շրջեցան ընդ Փոլսգիւս եւ  
 15 ընդ կողմանս Գաղատացւոց , արգել-  
 16 ւալք ի Հոգւոյն Սրբոյ խօսել զբանն  
 17 յիսիա : Բայց եկեալ առ Միւսեաւ .  
 18 թեւակոխէին երթալ ի Բիւթանիա , եւ  
 19 ոչ համարձակեաց նոցա Հոգին Յիսու-  
 20 սի : Եւ անցեալ ըստ Միւսիա՝ ի ջին  
 21 ի Տրովադա : Եւ տեսիլ երեւեցաւ ի  
 22 գիշերի Պաւղոսի . այր ոմն Մակեդո-  
 23 նացի կայր , աղաչէր զնա եւ ասէր ,  
 24 Անցեալ ի Մակեդոնիա օգնեսցես մեզ :  
 25 Եւ իբրեւ զտեսիլն ետես , վաղվաղակի  
 26 խնդրեցաք թէնել ի Մակեդոնիա , տե-  
 27 ղեկացեալք իւն հրաւիրեաց զմեզ Տէր  
 28 աւետարանել նոցա :  
 29 Եւ եկեալ ի Տրովադայ դէպ ուղիղ  
 30 զնացաք ի Սամոթրակէ , եւ ի վաղիւ  
 31 անդր ի Նոր քաղաք . Եւ անտի ի Փի-  
 32 լիպպուս , որ է առաջին վիճակ Մա-  
 33 կեդոնացւոց՝ քաղաք կոչուիւնիա . եւ  
 34 անդ ի քաղաքին զաղաբեալ մեր ա-  
 35 լուրս ինչ , Յաւուր շարաթու ելաք  
 36 արտաքոյ քաղաքին առ գետափնն ուր  
 37 համարէին աղօթս մատուցանել , եւ  
 38 նստեալ խօսեալք ընդ ժողովեալ կա-  
 39 40 նայսն : Եւ կին ոմն անուն Լիդիա ,  
 41 ծիրանավաճառ ի Թիւատիր քաղաքէ ,  
 42 երկիւղած յիստուծոյ , լուաւ , զորոյ  
 43 Տէր իսկ երայ գսիրտն անսալ խօսիցն  
 44 Պաւղոսի : Եւ իբրեւ մկրտեցաւ ինքն  
 45 եւ տուն իւր , աղաչէր եւ ասէր , Եթէ  
 46 համարիք զիս հաւատացեալ Տեառն ,  
 47 մտեալ ի տուն իմ ագերուք . եւ բռնա-

դատեաց տարաւ զմեզ :

16 Եւ եղիւ մինչ երթալաք մեր յա-  
 17 ղօթս , պատահեաց մեզ աղախին ոմն  
 18 զուստ տայր տերանց իւրոց մոլիւրովն :  
 19 Եւ զհետ եղեալ Պաւղոսի եւ մեր՝ ա-  
 20 ղաղակէր եւ ասէր , Արքս այս ծառայր  
 21 Աստուծոյ Բարձրելոյ են , որ պատմին  
 22 ձեզ զճանապարհս փրկութեան : Եւ  
 23 զայս առնէր ի բազում աւուրս . զայ-  
 24 րացեալ Պաւղոս՝ դարձաւ եւ ասէ  
 25 ցայսն , Պատուիրեմ քեզ յանուն Յի-  
 26 սուսի Քրիստոսի ելանել ի դամնէ :  
 27 Եւ ել ի նմին ժամու : Իբրեւ տեսին  
 28 տեսաք նորա եթէ հասաւ յոյս շահի  
 29 նոցա , առեալ զՊաւղոս եւ զՆիդա՝  
 30 ձգեցին ի հրապարակ առ իշխանսն :  
 31 Եւ ածեալ զնոսա առ զօրագլուխսն՝  
 32 ասեն , Արքս այս խռովեցուցանեն զքա-  
 33 ղաքս մեր : Ինքեանք Հրեայք են , եւ  
 34 պատմին մեզ օրէնս զոր չէ արժան  
 35 մեզ ընդունել եւ ոչ առնել , զի Հոռվ-  
 36 մայեցիք եմք : Եւ կուտեցաւ ամբօխն  
 37 ի վերայ նոցա . եւ զօրագլուխքն պա-  
 38 տուեցին զհանդերձս իւրեանց , հրա-  
 39 մայեցին դան հարկանել : Եւ բազում  
 40 վէրս եղեալ ի վերայ նոցա՝ արկին ի  
 41 բանտ , պատուիրեցին բանտապետին  
 42 զգուշութեամբ պահել զնոսա : Որոյ  
 43 առեալ զայսպիսի պատուէր՝ արկ զնո-  
 44 սա ի ներքին բանտն , եւ զոտոս նոցա  
 45 անդեաց ի կոճեղ :  
 46 Եւ ի մէջ գիշերոյն Պաւղոս եւ Նի-  
 47 ղա կային յաղօթս եւ օրհնէին զԱս-  
 48 տուած . ունկն դնէին նոցա կալանա-  
 49 ւորքն : Եւ եղիւ յանկարծակի շար-  
 50 ժումն մեծ մինչեւ շարժել հիւանդ բան-  
 51 տին , եւ բացան անդէն դրուքն ամե-  
 52 նայն , եւ ամենեցուն կապանք լուծան :  
 53 Իբրեւ զարթեաւ բանտապետն եւ ե-  
 54 տես բացեալ զդուրս բանտին , ձգեաց  
 55 զսուսեր եւ կամէր երթալ զիւրովին ,  
 56 կարծէր փախուցեալ զկապաւախս : Եւ  
 57 կոչեաց ի ձայն մեծ Պաւղոս եւ ասէ ,  
 58 Մի՛ ինչ գործեր ընդ անձն քո շար ,  
 59 քանզի ամենեքին աստ եմք : Խնդրեաց  
 60 լոյս եւ դիմեաց ի ներքս , եւ զահի  
 61 հարեալ անկաւ առաջի Պաւղոսի եւ  
 62 Շիդայի : Եւ ածեալ զնոսա արտաքս՝  
 63 ասէ , Տեսաք , զի՛նչ պարտ է ինձ առ-

- 31 նել զի ապրեցայց: Եւ նոքա ասեն,  
Հաւատա ի Տէր Յիսուս Քրիստոս, եւ  
ապրեցիս դու եւ Լամենայն տուն քո:  
32 Եւ խօսեցան նմա դրանն Տեառն՝ եւ  
33 ամենեցուն որ էին ի տան նորա: Եւ  
առեալ զնոսա ի նմին ժամու գիշե-  
րոյն լուաց ի վիրաց անտի, եւ մկրտե-  
ցաւ ինքն եւ իւրքն ամենեքեան ան-  
34 ղէն վաղվաղակի: Եւ ածեալ զնոսա  
ի տուն իւր՝ եղ առաջի նոցա սեղան:  
եւ ուրախ եղեւ ամենայն տամբն հա-  
35ւատացեալ յԱստուած: Եւ իբրեւ այդ  
եղեւ, առաքելն զօրագլուխքն զնու-  
րակն եւ ասեն, Արձակեա զարտդ  
36 զայդոսիկ: Եւ պատմեաց բանտապետն  
զբանն՝ Պաւղոսի, եթէ Առաքելն  
զօրագլուխքն զի արձակիցիք: արդ եւ  
37 լէք եւ երթայք խաղաղութեամբ: Իսկ  
Պաւղոս ասէ ցնոսա, Գան հարեալ  
զմեզ հրապարակաւ, արա անմեղս  
Հռովմայեցիս, արկին ի բանտ, եւ արդ  
լռեցան հանեն զմեզ: ոչ այդպէս,  
այլ եկեցեն ինքեանք իսկ հանցին  
38 զմեզ: Եւ պատմեցին զօրաղխացն  
նուիրակքն զբանն: զահի հարան իր-  
րեւ լուան թէ Հռովմայեցիք են, եւ  
39 եկեալ աղաչեցին զնոսա: Եւ իբրեւ  
հանին, աղաչէին գնալ ի քաղաքէն:  
40 Եւ ելեալ ի բանտէն մտին առ Լիդիա,  
եւ տեսեալ զեղբարս՝ մխիթարեցին  
զնոսա եւ քնացին:

## ԳԼ ԺԷ

- 1 Եւ շրջեալ ընդ Ամիքիպոլիս եւ  
ընդ Ապոդոնիա՝ եկին ի Թեսաղոնիկէ,  
2 ուր էր ժողովուրդ Հրէիցն: Եւ ըստ  
սովորութեանն Պաւղոս եմուտ առ  
նոսա, եւ ի շաբաթս երիս խօսեցաւ  
3 ընդ նոսա ի գրոց: Բանայր եւ զնէր  
առաջի եթէ պարտ էր Քրիստոսի չար-  
չարել եւ յառնել ի մեռելոց, եւ թէ  
եւ է Քրիստոսն Յիսուս զոր ես պատ-  
4 մեմ ձեզ: Եւ ոմանք ի նոցանէ հաւա-  
նեցան, եւ փիճակեցան Պաւղոսի եւ  
Շիդայի, բայց պաշտօնէիցն հեթանո-  
սաց էր բաղմութիւն յոյժ, եւ ի կա-  
5 նանց զյիսուսորաց ոչ սակաւք: Եւ նա-  
խանձեցան 2 Հրեայքն, եւ առեալ արս

- ոմանս գոհիկս անօրէնս, ամբոխ ա-  
րարեալ խռովեցին զքաղաքն: Եւ կու-  
տեալ յապարանսն Յասովլի, խնդրէին  
6 զնոսա ածել ի հրապարակ: Եւ իբրեւ  
ոչ գտին զնոսա, քարշէին զՅասովլ եւ  
զոմանս եղբարս առ քաղաքապետն,  
բողոք բարձեալ թէ Որք զաշխարհս  
7 խռովեցին սոքա եւ այսր հասին: Զորս  
ընկալեալ է Յասովլի: Եւ սոքա ամե-  
նեքեան հակառակ հրամանացն Կայսեր  
գործեն, թաղաւոր զոմն ասեն զԹի-  
8 սուս: Եւ խռովեցուցին զժողովուրդն  
եւ զքաղաքապետն որ լսէին զայս:  
9 Եւ առեալ երաշխաւորութիւն առ ի  
Յասովլայ եւ յայրոցն՝ արձակեցին զնո-  
10 սա: Բայց եղբարք վաղվաղակի գիշե-  
րայն յուղարկեցին զՊաւղոս եւ զՇիդո  
ի Բերիա: որք իբրեւ հասին անդր,  
11 ի ժողովուրդն Հրէից գնացին: Զի սո-  
քա էին ազնուագոյնք քան որ ի Թե-  
սաղոնիկն էին: որք ընկալան զբանն  
ամենայն յօժարութեամբ, հանապազ  
քննէին զԳիորս եթէ իցէ այս այսպէս:  
12 Եւ բազումք ի նոցանէ հաւատացին  
եւ ի Յունաց կանանց զպատիւր եւ յա-  
13 րանց ոչ սակաւք: Բայց իբրեւ գիտա-  
ցին որ ի Թեսաղոնիկէ Հրեայքն էին  
եթէ եւ ի Բերիա պատմեցաւ ի Պաւ-  
ղոսէ բանն Աստուծոյ, եկին եւ անգր  
չարժել եւ խռովեցուցանել զժողո-  
14 վուրդսն: Յայնժամ զՊաւղոս վաղվա-  
ղակի առաքելն եղբարք գնալ մինչեւ  
ի ծովեզր: Եւ մնացին Շիդա եւ Տիմո-  
15 թէոս անդէն: Եւ որք տանէին զՊաւ-  
ղոս՝ ածին զնա մինչեւ յԱթէնս: Եւ  
առեալ պատու էր առ Շիդա եւ Տիմո-  
թէոս զի վաղվաղակի եկեցեան առ նա,  
եւ գնացին:  
16 Եւ յԱթէնս ի մնան նոցա Պաւ-  
ղոսի՝ զայրանայր հոգի նորա ի նմա,  
զի տեսանէր ի կռապաշտութեան զքա-  
17 ղաքն: Եւ խօսէր ի ժողովրդեանն ընդ  
Հրեայս եւ ընդ պաշտօնեանսն, եւ ի  
հրապարակսն զամենայն օր որոց եւ  
18 պատահէին: Ոմանք յեպիկուրեանցն  
եւ ի Ստոյիկեանց փիլիսոփայից հակա-  
ռակէին ընդ նմա: Եւ ոմանք ասէին  
Զինչ կամիցի սերմանաքաղս այս խօ-  
սել: Իսկ այլք՝ թէ Օտարոտի իմն դից  
թուի պատմիչ լինելոյ: քանզի զԹի-  
սուս եւ զյարութիւնն աւետարանէր:  
19 Եւ առեալ զնա ածին յԱրիստագլոսն:

եւ ասէին, Կարասցո՞ւք իմանալ թէ՞<sup>34</sup> զի նշ է նոր վարդապետութիւնոյ որ  
20 ի քէն պատմի։ Օտարացուցիչս իմն  
բերես ի յսկիս մեր, կամ իմք գիտել  
21 թէ զի նշ կամիցի այս լինել։ (Ջի Ա.  
թննացիք ամենեքին եւ եկքն օտարք  
ոչ յայլ ինչ պարապէին, բայց ասել  
22 ինչ կամ լսել նորագոյնս) Եկաց Պաւ-  
ղոս ի մէջ Արիսպագին եւ ասէ, Արք  
Աթենացիք, ըստ ամենայնի իբրեւ  
23 պաշտօնասէրս տեսանեմ զձեզ։ Քանզի  
չըջիալ եւ տեսեալ զպաշտամունս ձեր,  
գտի բազին մի յորում գրեալ էր Ան-  
ծանօթի Աստուծոյ. զոր դուքն յան-  
ծանօթս պաշտէք՝ եւ զնոյն պատմեմ  
24 ձեզ։ Աստուած որ արար զաշխարհս  
եւ զամենայն որ ի նմա, նա երկնից  
եւ երկրի է Տէր. ոչ ի ձեռագործ տա-  
25 ճարս բնակէ, Եւ ոչ ի ձեռաց մարդ-  
կան պաշտի իբրեւ կարօտ իմիք. նա  
տայ ամենայնի կեանս եւ շունչ եւ  
26 զամենայն ինչ։ Արար ի միոջէ արեւն  
զամենայն ազգս մարդկան՝ բնակել ի  
վերայ ամենայն երեսաց երկրի, հաս-  
տատեաց կարգեալ ժամանակս եւ սահ-  
մանադրութիւնս բնակութեան նոցա՝  
27 ինչպիսի զԱստուած. Ջի թերեւս զնիւ-  
ցեն զնա եւ գտանիցեն. նա՝ եւ ոչ  
հետի իսկ է յիւրաքանչիւր ումեքէ ի  
28 մէջ։ Ջի նովաւ կեամք եւ շարժիմք  
եւ եմք, որպէս եւ ոմանք ի ձերոց  
ճարտարաց ասացին, Թէ նորա եւ ազգ  
29 իսկ եմք. Եւ արդ՝ որովհետեւ ազգ  
եմք Աստուծոյ, ոչ պարտիմք համա-  
րել ոսկւոյ կամ արծաթոյ կամ քարի  
որ ի ճարտարութենէ եւ ի մտաց մար-  
դոյ քանդակեալ իցէ, զԱստուածա-  
30 կանն լինել նմանող։ Բայց զժամա-  
նակս անգիտութեանն անտես արար-  
եալ Աստուծոյ, արդ զայս պատուիրէ  
՝ մարդկան՝ ամենայն ումեք՝ ապաշ-  
31 խարել։ Քանզի հաստատեաց օր յո-  
րում պարտ է դատել զաշխարհս ար-  
դարութեամբ ի ձեռն անոն որով սահ-  
մանեաց տալ հաւատս ամենեցուն՝ յա-  
րուցեալ զնա ի մեռելոց։  
32 Իբրեւ լուան զյարութիւն մեռելոց,  
ոմանք ծաղր առնէին, կէսքն ասէին,  
Լուիցուք ի քէն վասն այդորիկ մեւս  
33 անգամ։ Եւ ապա Պաւղոս ել զնաց

ի միջոյ նոցա։ Եւ ոմանք արք ան-  
կեայք ի նա՝ հաւատացին, ընդ որս էր  
եւ Դիոնիսիոս Արիսպագացի եւ կին մի  
անուն Դամարիս եւ այլք ընդ նոսա։

ԳԼ. ԺԸ

1 ԵՊ. Յետ այսորիկ մեկնեալ Պաւղոսի  
յԱթենացւոց անտի՝ եկն ի Կորնթոս.  
2 Եւ եգիտ զոմն Հրեայ, անուն Ակիւ-  
ղաս, յազգէ Պոնտացի, այն ինչ եկեալ  
յիտալիայ, եւ զՊրիսկիլա կին նորա,  
վասն հրամանին Կղաւղեայ՝ որոշել  
զամենայն Հրեայս ի Հռովմայ, եւ յա-  
3 ռեցաւ ի նոսա։ Եւ վասն զի համա-  
րուեստ էր, եղեւ առ նոսա եւ գործէր,  
քանզի էին խորանակարք արուեստիւ։  
4 Եւ խօսէր ի ժողովրդեանն ըստ ամե-  
նայն շաբաթուց, եւ հաւանեցուցանէր  
5 զՀրեայս եւ զհեթանոսս։ Իբրեւ իջին  
ի Մակեդոնիայ Շիղա եւ Տիմոթէոս,  
ստիպէր հոգւովն Պաւղոս զնել վկայու-  
թիւն Հրէիցն թէ Յիսուս է Քրիստոսն  
6 Եւ յընդդէմ դառնալ նոցա եւ ի հայհո-  
յել, թօթափեաց զձորձս եւ ասէ ցնո-  
սա, Արիւն ձեր ի գլուխ ձեր, քաւեալ  
եմ ես, յայսմ հետէ ի հեթանոսս եր-  
7 թամ։ Եւ զնացեալ անտի՝ եմուտ ի  
տուն ուրումն, որոյ անուն էր Պի-  
տոս Յուստոս, պաշտօնեայ Աստուծոյ.  
որոյ ապարանքն էին մերձ ի ժողո-  
8 վետոն։ Կրիսպոս ժողովրդապետ հա-  
ւատաց ի Տէր ամենայն տամբ իւրով.  
եւ բազմաց ի Կորնթացւոցն լուեալ  
9 հաւատացին եւ մկրտեցան։ Եւ ասէ  
Տէր ի գիշերի տեսլեամբ զՊաւղոս,  
Մի՛ երկնչիր, այլ խօսեաց եւ մի՛ լռեր,  
10 Քանզի ես ընդ քեզ եմ, եւ ոչ ոք ընդ-  
դէմ դարձցի քո՝ ի չարչարել զքեզ.  
քանզի ժողովուրդ է իմ բազում ի քա-  
11 ղաքիս յայսմիկ։ Եւ նստաւ անդ տարի  
մի եւ ամիսս վեց՝ ուսուցանել նոցա  
զբանն Աստուծոյ։  
12 ԵՊ. Առ Գաղիոյնաւ փոխանակաւ  
բղենյիսին Աքայեցւոց յարեան միաբան  
Հրեայքն ի վերայ Պաւղոսի, եւ ածին  
13 զնա յատեան. Եւ ասէին եթէ Արտա-  
քոյ օրինաց պատրէ սա զմարդիկ՝ պաշ-  
14 տել զԱստուած։ Եւ իբրեւ մերձ էր  
Պաւղոս բանալ զբերան իւր, ասէ

18-Ն, ամենայն մարդկան ամենայն ուրեք

18-Ն, ամենայն մարդկան ամենայն ուրեք

Գաղիովն ցՀրեայսն, եթէ էր ինչ տ-  
նիրաւութիւն կամ խարդախութիւն  
չարեաց, ով Հրեայք, ի դէպ էր ինձ  
15 անսալ ձեզ, Ապա եթէ խնդիրք ինչ  
են վասն բանի եւ անուանց եւ օրի-  
նաց ձերոց՝ տեսէք ձեզէն, քանզի դա-  
տաւոր այդպիսի իրաց չկամիմ լինել:  
16 Եւ մերժեաց զնոսա յատենէ անտի:  
17 Եւ առեալ ամենեկուն Յունացն զՍոս-  
թենէս ժողովրդապետն՝ հարկանէին  
առաջի ատենին, եւ ոչինչ զայնմանէ  
Գաղիովնի փոյթ լինէր:  
18 Բայց Պաւղոսի տակաւին մնացեալ  
աւուրս բազումս, յեղբարց հրաժար-  
եալ՝ նաւէր յԱսորիս, եւ ընդ նմա  
Պրիսկիլայ եւ Ակիլղաս, փոքրել զգը-  
լուիս ի կենքրա, քանզի ուխտադիր  
19 էր: Եւ հասեալ յԵփեսոս՝ զնոսա եթող  
անդ, եւ ինքն մտեալ ի ժողովուրդն  
20 խօսէր ընդ Հրեայսն: Եւ աղաչեցին  
զնա բազում ժամանակս լինել անդ,  
21 եւ ոչ առ յանձն. Այլ հրաժարեաց ի  
նոցանէ եւ ասէ, Դարձեալ չըջեցայց  
22 Աստուծոյ կամօքն առ ձեզ. Ամբար-  
ձաւ յԵփեսեայ, եւ իջեալ ի Կեսարիա՝  
եւ ետ ողջոյն եկեղեցւոյն, էջ յԱն-  
23 տիոք: Եւ եղեալ անդ ժամանակ ինչ՝  
եւ չըջել կարգաւ. ընդ Գաղատացւոց  
աշխարհն եւ ընդ Փոփւգիա, հաստա-  
տել զամենայն աշակերտեալսն:  
24 Հրեայ ոմն Ապեղէս անուն Աղեք-  
սանդրացի յազգէ, այր ճարտարարան,  
եկն եհաս յԵփեսոս, զօրաւոր էր  
25 զրովք: Սա էր տեղեկացեալ ճանա-  
պարհին Տեառն, եւ եռայր հոգւով,  
խօսէր եւ ուսուցանէր ճշմարտու-  
թեամբ վասն Յիսուսի. զիտէր մի-  
26 այն զմկրտութիւնն Յովնանու: Սա  
սկսաւ համարձակել ի ժողովրդեանն.  
եւ լուեալ ի նմանէ Ակիլղայ եւ Պրիս-  
կիլայ՝ առին զնա առ իւրեանս, եւ  
ճշմարտաբանս պատմեցին նմա զճա-  
27 նապարհն Աստուծոյ: Իրբեւ կամեցաւ  
նա գնալ յԱքայիա, Գլոթարեայ եղ-  
բարց՝ զրեցին առ աշակերտսն ընդու-  
նել զնա. որ իրբեւ եհաս անդր, բա-  
զում նպաստ լինէր հաւատացելոցն

28 ի ձեռն շնորհացն: Քանզի պնդագոյն  
զՀրեայսն յանդիմանէր հրապարակա-  
ցուցանել զրովք՝ եթէ Քրիստոսն է  
Յիսուս:

## ԳԼ. ԺԲ

1 Եւ եղեւ մինչդեռ Ապողոսն ի  
Կորնթոս էր, Պաւղոսի չըջեալ զվերին  
կողմամբքն եւ իջանել յԵփեսոս, եւ  
2 գտանել զմանս զաշակերտս, Աս-  
ցնոսա, եթէ Հոգի Սուրբ բնկալարո՞ք  
ի հաւատարն. նոքա ասին ցնա, Այլ  
եւ ոչ թէ Հոգի Սուրբ գուցէ՝ լուեալ  
3 է մեր: Եւ ասէ, Իսկ յի՞նչ մկրտե-  
ցարուք. նոքա ասին, Ի Յովնանու:  
4 մկրտութիւնն: Եւ ասէ Պաւղոս, Յով-  
նանէս մկրտեաց մկրտութիւնս ապաշ-  
խարութեան՝ Կամենայն ժողովրդեանն  
եւ ասէր՝ զի որ զայոցն է յետ նորա՝  
ի նա հաւատացեն, այսինքն է ի Յի-  
5 սուս Քրիստոս: Եւ իրբեւ լուան,  
մկրտեցան յանուն Տեառն Յիսուսի:  
6 Եւ ի դնել ի վերայ նոցա Պաւղոսի  
զձեռն՝ եկն Հոգին Սուրբ ի վերայնո-  
ցա, խօսէին լեզուս եւ մարգարէա-  
7 նային: Եւ էին ամենեկեան արք իբ-  
8 րեւ երկոտասան: Եւ մտեալ ի ժողո-  
վուրդն՝ համարձակէր ամիսս երիս,  
խօսէր եւ հաւանեցուցանէր վասն ար-  
9 քայութեանն Աստուծոյ: Իրբեւ ո-  
մանք խստանային եւ ընդդէմ դա-  
նային բամբասել զճանապարհն առաջի  
բազմութեանն, մեկնեալ ի նոցանէ՝ ո-  
րոշեաց զաշակերտսն, հանապազօր խօ-  
սէր ի դիւանին Տիրանեայ ուրումն:  
10 Եւ այս եղեւ զերկեամ մի, մինչեւ  
ամենայն ընակչացն Ասիացւոց լսել  
զբանն Տեառն, Հրէից եւ հեթանոսաց:  
11 Եւ զօրութիւնս ոչ սակաւս առնէր Աս-  
12 տուած ի ձեռն Պաւղոսի: Մինչեւ ի  
հիւանդս տանել ի քրտանէ նորա  
թաշկինակս կամ վարչամակս, եւ մեր-  
ժել ի նոցանէ ախտիցն, եւ այսոց չա-  
13 րաց ելանել, Բանդալեցան ոմանք եւ  
ի չըջալ Հրէիցն, որ երզնիեցոյցի՞քն  
էին, անուանել ի վերայ այնոցիկ որք  
ուռէին այսս չարս՝ զանուն Տեառն  
Յիսուսի, եւ ասէին, Երզնիեցուցանեմ

<sup>1</sup> Ուստի, Պաւղոս է ինձ ազարէն զառաջիկայ  
տունն կատարել յԵրուսաղէմ, բայց դարձեալ

<sup>2</sup> Բաւալ, Ապողոս

<sup>3</sup> Ուստի, Տեառն

<sup>4</sup> Եւստի, քաջալերեցին եղբարքն

<sup>5</sup> Եւստի, եւ ասէր ժողովրդեանն

<sup>6</sup> Եւստի, ի մարմնոյ

զձեզ ի Յիսուս զոր Պաւղոսն քարոզէ :  
 14 Էին ուրումն Սկեւեայ Հրէի քահա-  
 նայապետի եւթն որդի , որ զայս առ-  
 15 նէին : Պատասխանի ետ այսն չար եւ  
 ասէ ցնոսա , ՉՅիսուս գիտեմ եւ զՊաւ-  
 16 ղոս ճանաչեմ , բայց դուք ո՞վ էք : Եւ  
 վազեաց այրն յորում էր այսն չար  
 Բարոնեալ Վերկոսեան յաղթահարեաց  
 զնոսա , մինչեւ մերկս եւ վիրաւորս  
 17 փախչել ի տանէ անտի : Եւ այս յայտնի  
 եղեւ ամենայն Հրէից եւ հեթանոսաց  
 որ բնակեալ էին յԵփեսոս . եւ անկաւ  
 երկեւզ յամենեւեան ի նոսա , եւ մե-  
 18 ծանայր անուն Տեառն Յիսուսի : Եւ  
 բազումք ի հաւատացելոցն զային , եւ  
 խոստովան լինէին եւ պատմէին զգործս  
 19 իւրեանց : Եւ բազումք ի կախարդա-  
 ուրացն բերէին զգիրսն , այրէին առա-  
 չի ամենեցուն . եւ համարեցան զգիրնս  
 նոցա եւ գտանէին արծաթոյ բերս  
 հինգ :  
 20 Եւ . Եւ այսպէս բանն Աստուծոյ ա-  
 ճէր եւ զօրանայր :  
 21 Եւ իբրեւ կատարեցաւ այս , եղ Պաւ-  
 ղոս ի մտի չըջել ընդ Մակեդոնիա եւ  
 ընդ Աքայիա եւ զալ յերուսաղէմ . ա-  
 սէր եթէ Յիսուս երթալոյն իմ անդր՝  
 22 պարտ է ինձ եւ զՀռովմ տեսանել , Ա-  
 ռաքեաց ի Մակեդոնիա երկուս ի պաշ-  
 տօնիցն իւրոց , զՏիմոթէոս եւ զԵ-  
 րաստոս , եւ ինքն մնաց ժամանակս  
 ինչ յԱսիա :  
 23 Եւ եղեւ ի ժամանակին յայնմիկ խոռ-  
 վութիւն ոչ սակաւ վասն ճանապար-  
 24 հին , իսկ Դեմետրիոս ոմն անուն ար-  
 ծաթագործ գործէր մեհեանս արծաթիս  
 Արտեմիս դից , եւ տայր ճարտարացն  
 25 լինել ոչ սակաւ շահ . Որ ժողովեաց  
 իսկ եւ զձեռագէտս արուեստին եւ  
 ասէ , Արք , դուք ձեզէն իսկ գիտէք ,  
 26 զի յայսմ գործոյ է շահ մեզ : Եւ տե-  
 սանէք եւ լսէք եթէ ոչ միայն զԵփե-  
 սացոց , այլ զբնիկէ զամենայն իսկ Ա-  
 սիացոց , Պաւղոսն այս հաւանեցու-  
 ցեալ չըջեաց բազում ժողովս ասել թէ  
 27 Ոչ են աստուածք ձեռագործք : Եւ ոչ  
 միայն այս ճգնէ զմեր կողմնս դալ ի  
 յանդիմանութիւն , այլ եւ զմեծին աս-  
 տուածոյ Արտեմեայ զմեհեանն յոչինչ  
 համարել . նա եւ քակելոց եւս իցէ

մեծութիւն նորա , զոր ամենայն Ասիա  
 28 եւ տիեզերք պաշտեն : Եւ զայս իբրեւ  
 լուան , լի եղեն բարկութեամբ . աղա-  
 զակէին եւ ասէին , Մեծ է Արտեմիս  
 29 Եփեսացոց , Եւ լցաւ քաղաքն խոռ-  
 վութեամբ , զիմեցին առ հասարակ ի  
 թէատրոնն , յափշտակեցին զԿայսոս  
 եւ զԱրիստարքոս Մակեդոնացի , զու-  
 30 զեկիցսն Պաւղոսի : Բայց Պաւղոս իբ-  
 րեւ կամեցաւ մտանել յամբոխն , ոչ  
 31 թողին զնա աշակերտքն : Ոմանք եւ  
 յԱսիապետացն որ էին նորա բարե-  
 կամք՝ յղէին առնա եւ աղաչէին , մի՛  
 32 տալ զանձն ի թէատրոնն : Այլք այլ  
 իմն աղաղակէին , զի էր ժողովն նոցա  
 խռովեալ . եւ բազումք ի նոցանէ ոչ  
 զիտէին թէ վասն ոյր ժողովեալ լիցին :  
 33 Եւ յամբոխէն բազմութենէ յառաջ կա-  
 լան զԱղեքսանդրոս . եւ իբրեւ . ածին  
 զնա յառաջ Հրեայքն , Աղեքսանդրոս  
 չարժեաց զձեռն եւ կամէր պատաս-  
 34 խանի առնել ամբոխին : Իբրեւ զիտա-  
 ցին թէ այրն Հրեայ է , միարարառ  
 եղեալ յամենեցունց՝ իբրեւ ժամս եր-  
 կուս աղաղակել թէ Մեծ է Արտեմիս  
 35 Եփեսացոց , Լուցոյց զպրապեան զամ-  
 բոխն եւ ասէ , Արք Եփեսացիք , իսկ  
 ո՞վ է ի մարդկանէ որ ոչ գիտէ զԵփե-  
 սացոց քաղաքս մեհեանագարդ մեծին  
 36 Արտեմեայ դիցն եւ Դիոպեատեայ : Եւ  
 զի այդ այդպէս է անուշտ , ձեզ պարտ  
 է հանդարտել եւ մի՛ ինչ յանդիմու-  
 37 թեամբ գործել : Ածէք զարսդ զայդո-  
 սիկ այսր , ոչ մեհեանակապուստս եւ ոչ  
 38 հայնոյիչս աստուածոյն մերոյ : Զի եթէ  
 Դեմետրիոս եւ որք ընդ նմա ճարտարք  
 ունիցին ինչ ընդ ումեք բանս , յատ-  
 եան երթիցեն , եւ դատաւորք գոն ,  
 39 եւ ամբաստան լիցին զմիմեանց , Ապա  
 եթէ վասն այլ իրիք խնդիր իցէ , յո-  
 40 րինաւոր ժողովն վճարեսցի : Քանզի  
 եւ մեզ վիշտ վտանգի է ընդ կոռուոյս  
 այսր աւուր՝ առանց իրիք յանդիմաց  
 լինելոյ , զորմէ ոչ կարացուք պա-  
 տասխանի տալ վասն ժողովոյս այսո-  
 րիկ : Եւ զայս ասացեալ՝ արձակեաց  
 զժողովսն :

ԳԼ Ի

կոչեաց Պաւղոս զաշակերտան, <sup>1</sup> եւ մխիթարեաց. ողջոյն ետ եւ ել զնաց  
 2 ի Մակեդոնիա. եւ չրջեալ ընդ կողմանսն ընդ այնոսիկ, եւ մխիթարեալ զնոսա բանիւք բազմօք՝ եկն յԵւլադա.  
 3 Իբրեւ արար անդ ամիսս երիս, եղեւ նմա դաւ ի Հրէիցն, մինչդեռ կամէր ելանել յԱսորիս. խորհուրդ կալաւ  
 4 դռնաւ ընդ Մակեդոնիա. եւ երթայր ընդ նմա մինչեւ յԱսիա Սուրբատրոս  
<sup>1</sup> Պիւռեայ Բերիացի, եւ ի Թեսաղոնիկեցւոց Արիստարքոս եւ Սեկունդոս, եւ Փայիոս Դերբացի եւ Տրոփիմոս, եւ Ասիացիք՝ Տիւքիկոս եւ Տրոփիմոս.  
 5 Սոքա յառաջ երթեալ մնային մեզ ի  
 6 Տրովադա. եւ մեք նաւեցաք յետ աւուրցն բաղարջակերաց ի Փիլիպպեայ, եւ եկաք առ նոսա ի Տրովադա մինչեւ յաւուրս հինգ. անդ զաղարեցաք աւուրս եւթն.  
 7 Եւ յաւուրն շաբաթուց՝ մինչդեռ ժողովեալ էաք ընկանել զհացն, Պաւղոս խօսէր ընդ նոսա զի գնալոց էր ի վաղիւ անդ. եւ երկայնեաց զբանն  
 8 մինչեւ ի մէջ գիշերոյն. էին լապտերք բազումք ի վերնատանն ուր էաք ժողովեալ. եւ նստէր ոմն երիտասարդ անուն Եւտիքոս ի վերայ պատուհանին, նիրհէր ի քուն թանձրութեան. ի խօսեցն Պաւղոսի յաճախ, ընկզմեալ ի քնոյ անտի՝ անկաւ յերրորդ դատիկոնէն ի վայր, եւ բարձաւ մեռեալ.  
 10 Եւ իջեալ Պաւղոսի անկանէր զնովաւ, առնոր զնա ընդ գիրկս եւ ասէր. Մի՛ խռովիք, քանզի հոգի սորա ի սիրն է.  
 11 Եւ ել երեկ զհացն եւ ճաշակեաց. եւ բազում եւս խօսեցաւ մինչեւ յառաւ  
 12 ւտն, եւ սպա ել զնաց. եւ ածին զպատանին կենդանի, եւ մխիթարեւ  
 13 ցան ոչ սակաւ. եւ մեք մտեալ ի նաւն՝ ամբարձաք յԱսոն, անտի ակն ունէար միւսսնդամ առնուլ զՊաւղոս, զի արնպէս պատուիրեալ էր, մինչ ինքն  
 14 զգաւաքաւն երթալոց էր. եւ իբրեւ դիպեցաւ մեզ ի յԱսոն, առեալ զնա  
 15 եկաք ի Միտիլինէ. եւ անտի նաւեալ ի վաղիւ անդր հասաք հանդէպ Բիայ, եւ ի մեւս օրն հասաք ի Սամոս, եւ

16 ի վաղիւ անդր եկաք ի Միլետոն. Զի ի մտի եղեալ էր Պաւղոսի նաւել առ Եփեսեաւ, որպէս զի մի՛ լիցի նմա ժամանակ ինչ յամել յԱսիա. քանզի փութայր, եթէ հնար ինչ իցէ նմա, զօրն Պենտակոստէից երթալ յԵրուսաղէմ.  
 17 ԶԱ. Եւ ի Միլետեայ յղեալ յԵփեսոս  
 18 կոչեաց զերիցունս եկեղեցւոյն. եւ իբրեւ եկին առ նա, ասէ ցնոսա, Դուք ձեզէն գիտէք յօրէ յառաջնմէ յորմէ եկի յԱսիա, որպէս ընդ ձեզ զամենայն  
 19 ժամանակսն եղէ. Մառայել Տեառն ամենայն խոնարհութեամբ, եւ բազում արտասուօք եւ փորձութեամբք որ դիպեցան ինձ ի նենգութեանց Հրէից.  
 20 Ո՛րպէս ոչինչ զանգիտեցի յօգտակարացն չպատմել ձեզ եւ ուսուցանել  
 21 զձեզ հրապարակաւ եւ առնին. Տալ վկայութիւն Հրէից եւ հեթանոսաց զապաշխարութեանն որ առ Աստուած, եւ զհաւատոցն որ ի Տէր մեր Յիսուս  
 22 Քրիստոս. եւ արդ ահաւասիկ ես կապեալ հոգւով երթամ յԵրուսաղէմ, եւ որ ինչ անդ ընդ իս անցանելոց իցէ՝ չգիտեմ.  
 23 Բայց զի Հոգին Սուրբ ըստ քաղաքաց քաղաքաց վկայէ ինձ, եւ ասէ եթէ կապանք եւ նեղութիւնք մնան  
 24 քեզ, Այլ եւ ոչ՝ իւրիւ համարիմ զանձն իմ պատուական որպէս զկատարել զնսթացս իմ ուրախութեամբ, եւ զպատօնն զոր առ ի Տեառնէ Յիսուս վկայ լինել աւետարանի շնորհացն Աստուծոյ.  
 25 Եւ արդ ահաւասիկ գիտեմ ես, թէ ոչ եւս տեսանելոց էք զերեսս իմ դուք ամենեքեան յորս չրջեայ քարոզել զարքայութիւնն Աստուծոյ.  
 26 Վասն որոյ վկայութիւն գնեմ ձեզ յաւուր յայսմիկ զի սուրբ եմ յարենէ առ  
 27 մենեցուն. Քանզի ոչ խորչեցայ ի չպատմելոյ ձեզ զամենայն կամս Աստուծոյ.  
 28 Զգոյշ կացէք անձանց եւս ամենայն հօտիդ, յորում եղ զձեզ Հոգին Սուրբ տեսուչս՝ հովուել զժողովուրդ  
 29 ըստ Բանգի գիտեմ ես եթէ յետ իմոյ մկնելոյ դայցեն գայլք յափշտակողք  
 30 ի ձեզ, որ ոչ խնայեցեն հօտին. եւ ի ձէնջ յարիցեն արք որք խօսիցին

<sup>1</sup> Գաւա. Գաւա

<sup>2</sup> Գաւա, ի միջաբանութեամբ

<sup>3</sup> Գաւա, հեռի

<sup>4</sup> Գաւա, քանզի ի Տրովադայ ի վաղիւ

<sup>5</sup> Գաւա, ոչ ինչ փոքր է ինձ, եւ ոչ

<sup>6</sup> Գաւա, Աստուծոյ

<sup>7</sup> Գաւա, ասացաւ

Թեւոս՝ ձգել զաշակերտան զկնի իւր-  
 31 եանց։ Վասն այսորիկ արթուն կացէք  
 եւ յիշեցէք զի ՚Պերեամ մի զցայգ եւ  
 զցերեկ ոչ դադարեցի արտասուօք  
 32 խրատել զմի մի իւրաքանչիւր։ Եւ  
 արդ յանձն առնեմ զձեզ Աստուծոյ եւ  
 բանի շնորհաց նորա, որ կարողն է  
 շինել եւ տալ ձեզ ժառանգութիւն ընդ  
 33 սուրբան ամենեւեան։ Արծաթոյ կամ  
 ոսկւոյ կամ հանդերձից ոչ ուրուք ի  
 34 ձէնջ ցանկացայ։ Դուք ինքնին գիտէք  
 զի զպէտան իմ եւ որոց ընդ իսն էին՝  
 35 պաշտէին ձեռքս այս։ Եւ զամենայն  
 ինչ ցուցի ձեզ, զի այսպէս պարտ է  
 վաստակել եւ դարմանել զհիւանդս,  
 եւ յիշել զբանն Տեառն Յիսուսի, զոր  
 ինքն իսկ ասաց, Տերանիլ է մանաւանդ  
 36 տանք քան առնուլն։ Եւ զայս իրրեւ  
 ասաց, եղեալ ծուր ամենեւեամբք  
 37 եկաց յաղօթս։ Բազում լալիւն եղև  
 ամենեցուն, եւ անկեալ զպարանոցաւն  
 38 Պաւղոսի՝ համբուրէին զնա։ Մորմո-  
 քէին մանաւանդ ի վերայ բանին զոր  
 ասէր թէ ոչ եւս տեսանելոց են զե-  
 րեսս նորա։ Եւ յուղարկեցին զնա ի  
 նաւ անդր։

## ԳԼ ԻԱ

1 ԶԲ. Եւ իբրեւ եղև ելանել մեզ եւ  
 մեկնել ի նոցանէ, հանդէպ գնացեալ  
 եկաք ի Կով, եւ ի վաղիւ անդր ի Հոռ-  
 2 դոն եւ անտի ի Պատարա։ Եւ գտեալ  
 նաւ մի զի երթայր ի Փիւնիկէ, ելալ  
 3 ի նա գնացաք։ Եւ յայտ եղեալ Կիպ-  
 րեայ՝ թողաք զնա ի ձախակողմն, նա-  
 ւեցաք յԱսորիս եւ իջաք ի Տիւրոս,  
 քանզի անդ էր նաւն թափելոց զբե-  
 4 ոինսն։ Եւ գտեալ զաշակերտան՝ կա-  
 ցաք անդ աւուրս եւթն։ որք ասէին  
 5 յԵրուսաղէմ։ Եւ իբրեւ եղև մեզ կա-  
 տարել զաւուրսն՝ ելեալ գնացաք, յու-  
 ղարկեալ զմեզ ամենեցուն հանդերձ  
 կանամբք եւ որդուովք մինչեւ արտա-  
 քոյ քաղաքին։ Եւ եղեալ ծուր առ  
 6 ծովեզերին՝ կացաք յաղօթս։ Եւ հրա-  
 ժարեցաք ի միմեանց եւ ելաք ի նաւն,  
 եւ նոքա դարձան յիւրեանց տեղիս։

7 Եւ մեր գնաւն առխթեալ ի Տիւրոսէ՝  
 հասաք ի Պտղեմայիդա, եւ ողջոյն  
 տուեալ եղբարց՝ եղեաք օր մի առ նո-  
 8 սա։ Եւ ի վաղիւ անդր ելեալ անտի՝  
 եկաք ի Կեսարիա, եւ մտեալ յապա-  
 րանսն Փիլիպպոսի աւետարանչի որ  
 էր յեւթանց անտի, ագաք առ նմա։  
 9 Նորա էին դստերք չորք Կոյսք՝ մար-  
 10 գարէք։ Եւ ի լինելն մեր անդ աւուրս  
 բազումս, էջ ոմն ի Հրէաստանէ մար-  
 11 գարէ՝ անուն Ագաբոս։ Եւ եկեալ առ  
 մեզ, առեալ զգօտին Պաւղոսի՝ կապ-  
 եաց զոտս եւ զձեռս իւր, եւ ասէ,  
 Այսպէս ասէ Հոգին Սուրբ, Զայրն  
 որոյ գօտիս այս է՝ այսպէս կապեացին  
 յԵրուսաղէմ Հրեայք եւ մասնեցեան  
 12 ի ձեռս հեթանոսաց։ Եւ իբրեւ լուաք  
 զայն, աղաչէաք մեք եւ որ ի տեղուջն  
 13 էին՝ չեղանել նմա յԵրուսաղէմ։ Յայն-  
 ժամ պատասխանի ետ Պաւղոս, Զի՞նչ  
 գործէք զի լայքդ եւ ճմլեցուցանէք  
 զսիրտ իմ։ քանզի ես ոչ միայն կա-  
 պելոյ, այլ եւ մեռանելոյ յԵրուսաղէմ  
 պատրաստ եմ վասն անուանն Տեառն  
 14 Յիսուսի Քրիստոսի։ Եւ ի չանասն  
 նորա՝ լոեցաք, ասեմք, Տեառն կամք  
 լիցին։  
 15 ԶԳ. Եւ յետ աւուրցն այնոցիկ հան-  
 16 դերձեալ ելանէաք յԵրուսաղէմ։ Եկին  
 ընդ մեզ եւ յաշակերտաց անտի Կեսա-  
 րացւոց, եւ տանէին ՚Վմեզ առ որում  
 վասն ունելոց էաք՝ Մնաստիլի ումնմն  
 17 Կիպրացւոյ առաջին աշակերտի։ Եւ  
 ի մտանելն մեր յԵրուսաղէմ, խնդու-  
 18 թեամք ընկալան զմեզ եղբարք։ Ի վա-  
 ղիւ անդր եմուտ Պաւղոս ընդ մեզ  
 առ Յակովբոս, եւ եկին ամենայն եւ  
 19 բիցունքն։ Եւ ողջոյն տուեալ նոցա՝  
 պատմէր մի ըստ միովէ՝ զոր արար Աս-  
 տուած ի հեթանոսս ի ձեռն պաշտա-  
 20 ման նորա։ Եւ նոցա լուեալ փառա-  
 ւոր առնէին զԱստուած, եւ ասեն ցնա,  
 Տեսանե՞ս, եղբայր, քանի բեւրք են  
 հաւատացելոցն Հրէից, եւ ամենեքեան  
 21 նախանձաւոր օրինացն են։ Բայց ի-  
 րազեկ եղին վասն քո թէ ապստամ-  
 բութիւն ուսուցանես ի Մովսիսէ որոց  
 ի հեթանոսս ամենայն Հրեայք են.  
 ասես, մի՞ թրիատել նոցա զորդիս,  
 22 եւ մի՞ ըստ կրօնիցն գնալ։ Արդ զի՞նչ



լինիցի. 1 ապաքէն լսեն՝ եթէ եկեալ  
 23 ես. Արդ զայս արա զոր ասեմք քեզ.  
 Են ի մեզ արք չորք ուխտադիրք յան-  
 24 ձինս իւրեանց. Զնոսա առեալ սրբե-  
 ցիս ընդ նոսա. եւ ծախեա ինչ ի նոսա  
 զի գերծցեն զլլուխս. եւ գիտասցեն  
 ամենեքին թէ զորոց իրազեկն եղեն  
 զքէն՝ ոչինչ է, այլ միաբանիս եւ դու  
 25 պահել զօրէնսն. Բայց վասն հաւատա-  
 ցորոցն հեթանոսաց՝ մեք առաքեցաք  
 որպէս ընտրեցաք, մի՛ ինչ այնպիսի  
 պահել նոցա. բայց միայն զգուշանալ  
 նոցա ի կոոց զոհելոյ եւ յարենէ եւ ի  
 26 հեղձուցելոյ եւ ի պոռնկութենէ. Յայն-  
 ժամ Պաւղոսի առեալ զարսն՝ ի վաղիւ  
 անդր ընդ նոսա սրբեալ եմուտ ի տա-  
 ճարն. յայտ առնել զկատարումն ա-  
 ւուրցն սրբութեան, մինչեւ մատեաւ  
 ի վերայ իւրաքանչիւր ուրուք ի նո-  
 ջանէ պատարագ:  
 27 ԶԳ. Եւ իբրեւ մերձ էին եւթն ա-  
 ւուրքն ի կատարել, տեսեալ զնա ի  
 տաճարին Ասիացւոց Հրէիցն՝ զեղուին  
 զնովաւ զամենայն զամբոխն. եւ ար-  
 28 կեալ ի նա ձեռս՝ աղաղակէին, Արք  
 իսրայելացիք, օգնեղէք. այս այր է որ  
 հակառակ ժողովրդեանն եւ օրինացն  
 եւ տեղւոյս այսորիկ ամենեցուն ա-  
 մենայն ուրեք ուսուցանէ, մինչեւ հե-  
 թանոսս եւս եմոյծ ի տաճարն եւ պղղ-  
 29 ծեաց զսուրբ տեղին. (Քանզի էր յա-  
 ռաջադոյն տեսեալ զՏրոփիմոս զԵփե-  
 սացի ի քաղաքին ընդ նմա. զոր կար-  
 ծէին եթէ ի տաճար անդր եմոյծ Պաւ-  
 30 ղոս.) Շարժեցաւ քաղաքն ամենայն,  
 եւ կուտեցաւ ժողովուրդն, եւ առեալ  
 զՊաւղոս՝ ձգէին արտաքոյ տաճարին.  
 եւ վաղվաղակի փակեցան դուռքն:  
 31 Եւ խնդրէին զնա սպանանել. եհաս  
 զրոյց ի հաղարապետ գնդին, եթէ խը-  
 32 ռովիալ է ամենայն Երուսաղէմ. Որոյ  
 անդէն առեալ զօրականս եւ հարիւ-  
 րապետս՝ դիմեաց ի վերայ նոցա. եւ  
 նոցա տեսեալ զհաղարապետն եւ զզօ-  
 րականսն, դադարեցին ի հարկանելոյ  
 33 զՊաւղոս. Յայնժամ մատուցեալ հա-  
 յարապետն կալաւ զնա, եւ հրամայ-  
 եաց կապել կրկին չղթայիւք, եւ հար-  
 ցանէր թէ ո՞ր իցէ, եւ զմինչ իցէ ա-  
 34 րարեալ. Այլք այլ իմն աղաղակէին

զնմանէ յամբոխին. իբրեւ ոչ կարաց  
 գիտել զստոյգն վասն ամբոխին, հրա-  
 35 մայեաց ածել զնա ի բանակն. Եւ իբ-  
 րեւ եհաս յաստիճանսն, դէպ եղեւ  
 բառնալ բերել զնա ի զօրականացն  
 36 վասն բռնութեան ամբոխին. Քանզի  
 զհետ երթայր բազմութիւն ժողովրդ-  
 37 դեանն եւ ասէին, Բարձ զդա. Մինչ-  
 դեռ մտանելոց էր Պաւղոս ի բանակն,  
 ասէ ցհաղարապետն, Եթէ արժանի  
 ինձ խօսել ընդ քեզ. եւ նա ասէ,  
 38 Յուշարէն գիտես. Մի՛ արդեւք դու  
 իցես Եգիպտացին, որ յառաջ քան  
 զայս աւուրս ապստամբեցուցեր եւ  
 հաներ յանապատ չորս հազարս արս  
 39 սիկարեանս. Եւ ասէ Պաւղոս, Ես եմ  
 այր Հրեայ ի Տարսոնէ Կիլիկեցւոց, ոչ  
 աննշան քաղաքի քաղաքացի. աղաչեմ  
 զքեզ հրամայեա ինձ խօսել առ ժողո-  
 վուրդդ:  
 40 Եւ ի հրամայելն նորա, Պաւղոս կա-  
 ցեալ ի վերայ աստիճանացն՝ շարժեաց  
 զձեռն ժողովրդեանն. իբրեւ բազմ  
 լութիւն լինէր, սկսաւ բարբառել  
 Հերբայեցւոց բարբառովն եւ ասէ,

## ԳԼ. ԻԲ

1 Արք եղբարք եւ հարք, լուարուք ինձ  
 այժմ առ ձեզ պատասխանատուու-  
 2 թեանս. (Իբրեւ լուան եթէ Հերբա-  
 յեցւոց լեզուաւն բարբառեցաւ նոցա՝  
 առաւել եւս դադարեցին ի լուութիւն.  
 3 Եւ նա ասէ,) Ես եմ այր Հրեայ ծնեալ  
 ի Տարսոն Կիլիկեցւոց՝ անեալ ի քաղա-  
 քիս յայսմիկ առ ոսոս Գամաղիելի,  
 խրատեալ ըստ ճշմարտութեան հայ-  
 րենի օրինացն, նախանձայոյզ էի Աս-  
 տուծոյ որպէս ամենեքեան դուք այս-  
 4 օր. Որ զսոյն ճանապարհ վարեցի  
 մինչեւ ի մահ, կապել եւ մատնել ի  
 5 բանտս արս եւ կանայս. Որպէս եւ  
 քանանայապետդ վկայէ ինձ եւ ամե-  
 նայն ծերակոյտդ, յորոց եւ թուղթս  
 առեալ առ եղբարս ի Դամասկոս եր-  
 6 թայի, ածել եւ անտի կապեալս յն-  
 6 բուսաղէմ, զի պատժեսցին. Եւ եղեւ  
 ինձ ի գնալն եւ ի մերձեանալ ի Դամաս-  
 կոս, զմիջաւուրն յանկարծակի յերկ-  
 նից փայտատակեալ լոյս սաստիկ գինեւ.  
 7 Եւ անկայ յերկիր, եւ լուայ բարբառ  
 որ ասէր ցիս, Սաւուզ, Սաւուզ, զի՛

8 հալածես զիս : Եւ ես ետու պատաս-  
խանի թէ Ո՛վ ես, Տէր . եւ ասէ ցիս,  
Ես եմ Յիսուս Նազուրեցի զոր դուն  
9 հալածես : Բայց որ ընդ իսն էին՝ զլոյսն  
տեսանէին<sup>1</sup>, այլ զձայնն ոչ լսէին որ  
10 խօսէր ընդ իս : Եւ ասեմ, Ձի՛նչ արա-  
րից, Տէր . եւ ասէ ցիս Տէր, Յարու-  
ցեալ երթիցես ի Դամասկոս, եւ անդ  
պատմեսցի քեզ վասն ամենայնի որ  
11 հրաման է քեզ առնել : Իբրեւ ոչ տե-  
սանէի ի փառաց լուսոյն այնորիկ, զձե-  
ռանէ ձգեալ ի նոցանէ որ ընդ իսն էին,  
12 մօր ի Դամասկոս : Անանիա ոմն այր  
երկիւղած ըստ օրինացն, վկայեալ  
յամենայն բնակչաց որ ի Դամասկոս  
13 Հրեայքն էին, եկն եկաց առ իս եւ  
ասէ, Սաւուղ եղբայր, ի վեր հայեաց :  
14 Եւ ես նոյնժամայն ի վեր հայեցայ ի նա .  
եւ նա ասէ ցիս, Աստուած հարցն մե-  
րոց յառաջագոյն բնորեաց զքեզ ճա-  
նաչել զկամս նորա, եւ տեսանել զԱր-  
դարն եւ լսել բարբառ ի բերանոյ նո-  
15 րա : Ձի եղիցես վկայ նորա առ ամե-  
նայն մարդիկ որոց տեսերն եւ լուար :  
16 Եւ արդ զի՞ հեղգաս, արի, մկրտեաց  
եւ լուա զմեղս քո ի կարդալ զանուն  
17 նորա : Եւ եղեւ ինձ ի դառնալն յե-  
րուսաղէմ եւ կալ յաղօթս ի տաճարին,  
18 իննել ի զարմացման, եւ տեսանել զնա  
զի ասէր ցիս, Փութա ել յերուսա-  
ղէմէ վաղվաղակի, քանզի չեն ընդու-  
19 նելոց զքո վկայութիւնդ վասն իմ : Եւ  
ես ասեմ, Տէր, ինքեանք իսկ գիտեն  
զի ես էի որ ի բանտն տայի եւ զան  
հարկանէի ըստ ժողովրդոցն զհաւա-  
20 տացեալս ի քեզ : Եւ յորժամ հեղոյր  
արիւնն Ստեփանոսի վկայի քո, ես  
ինքն էի որ ի վերայ կայի, եւ կամա-  
կից ինէի սպանման նորա, եւ պահէի  
21 զհանդերձս սպանողացն նորա : Եւ ասէ  
ցիս, Գնա, զի ես ի հեթանոսս հե-  
ռաւորս առաքեցից զքեզ :  
22 Եւ ունկն զնէին նմա մինչեւ ցայս  
բան, ապա բարձին զձայնս իւրեանց  
եւ ասեն, Բարձ յերկրէ զայդպիսիդ,  
23 զի չէ պարտ այդպիսւոյդ կեալ : Եւ  
յաղաղակեն նոցա եւ ընկննուլ զհան-  
24 դերձս եւ զփոշին ցանել յօդսն, Հրա-  
մայեաց հազարապետն մուծանել զնա  
ի բանակն, ասէր, զանիւ հարցանել

զնա, զի գիտացից վասն որոյ յանց-  
25 ման այնպէս աղաղակէին զնմանէ : Եւ  
իբրեւ պրկեցին զնա փոկովք, ասէ  
Պաւղոս ցհարիւրապետն որ ի վերայ  
կայր, Եթէ զայր Հռովմայեցի եւ ան-  
արատ պարտ իցէ ձեզ զան հարկանել :  
26 Իբրեւ լուաւ հարիւրապետն, մատու-  
ցեալ առ հազարապետն պատմեաց եւ  
ասէ, Ձի՛նչ կամիս առնել, քանզի այրս  
27 այս Հռովմայեցի է : Եւ մատուցեալ  
հազարապետն՝ ասէ ցնա, Ասա դու  
ցիս, Հռովմայեցի՛ ես . եւ նա ասէ,  
28 Այո : Պատասխանի ետ հազարապետն,  
Ես բազում գլխոց զգինուորութիւնս  
զայս ստացայ . ասէ Պաւղոս, Ես ծնեալ  
29 իսկ ի դմին եմ : Եւ վաղվաղակի ի բաց  
կացին ի նմանէ՝ որ հարկանելոցն էին  
զնա . եւ հազարապետն իսկ երկեաւ,  
իբրեւ գիտաց եթէ Հռովմայեցի է, եւ  
զի կապեալ եւս էր զնա :  
30 ԶԶ. Եւ ի վաղիւ անդր կամէր գիտել  
զճշմարիտն, թէ զի՛նչ չարախօսութիւն  
իցէ Հրէիցն, արձակեաց զնա, եւ հրա-  
մայեաց կոչել զքահանայապետսն եւ  
զամենայն ատեանն . եւ իջուցեալ ըզ-  
Պաւղոս՝ կացոյց ի մէջ նոցա :

## ԳԼ. ԻԳ

1 Եւ հայեցեալ Պաւղոսի յատեանն՝ ասէ,  
Արք եղբարք, ես ամենայն ուղիղ մտօք  
զնացեալ եմ առաջի Աստուծոյ մինչեւ  
2 ցայսօր : Եւ քահանայապետն Անանիա  
հրամայեաց սպասաւորացն հարկանել  
3 զբերան նորա : Յայնժամ Պաւղոս ասէ  
ցնա, Հարկանելոց է զքեզ Աստուած,  
որմ բռեալ, եւ դու նստիս դատել զիս  
ըստ օրինաց, եւ առանց օրինաց հրա-  
4 մայես զիս հարկանել : Եւ որ չուրջն  
կային ասեն, Ձքահանայապետ Աս-  
5 տուծոյ հայհոյես : Եւ ասէ Պաւղոս,  
Ոչ գիտէի, եղբարք, եթէ իցէ քահա-  
նայապետ . գրեալ իսկ է, Ձիչխան ժո-  
6 ղովրդեան քո ոչ հայհոյեսցես : Իբրեւ  
գիտաց Պաւղոս եթէ մի կողմն սա-  
ղուկեցուց է եւ մեւսն փարիսեցուց,  
աղաղակէր ի մէջ ատենին, Արք եղ-  
բարք, ես փարիսեցի եմ, որդի փարի-  
սեցւոյ . վասն յուսոյ եւ յարութեան  
7 մեռելոց ես աւասիկ դատիմ : Եւ զայս

<sup>1</sup> Որովհետեւ յատեանն, եւ զահի հարան<sup>2</sup> Եւ, հարցանելոցն

իբրեւ ասաց, եղեն հերձուածք փարիսեցւոցն եւ սաղուկեցւոց, եւ պատա-  
 8 ռեցաւ բազմութիւնն: Քանզի սաղուկեցիքն ասին, Ձիք յարութիւն եւ ոչ հրեշտակ եւ ոչ հոգի, բայց փարիսե-  
 9 ցիքն խոստովանին զերկոսեան: Եւ եղեւ աղաղակ մեծ. յոտն կացին ումանք ի դպրաց անտի ի կողմանէ փարիսեցւոց, հակառակէին եւ ասէին, Ոչինչ չարութիւն գտանեմք յառնս յայսմիկ, բայց եթէ հոգի խօսեցաւ ի  
 10 դմա կամ հրեշտակ, Եւ ի բազմանալ ամբոխին՝ երկուցեալ հաղարապետն թէ գուցէ ճեղքիցի Պաւղոս ի նոցանէ, հրամայեաց զօրականին իջանել յափը-  
 11 տակել զնա ի միջոյ նոցա, եւ տծել  
 12 ի բանակն: Եւ ի վաղուեան գիշերին կաց առ նմա Տէր եւ ասէ, Քաջա-  
 13 լերեաց, Պաւղէ, զի որպէս վկայեցեր վասն իմ յերուսաղէմ, սոյնպէս պարտ է քեզ եւ ի Հռովմ վկայել:  
 14 Զէ. Եւ իբրեւ այդ եղեւ, արարեալ ժողով Հրէիցն՝ նշովեցին զանձինս, ոչ ուտել եւ ոչ ըմպել մինչեւ սպանցին  
 15 զՊաւղոս: Եւ էին աւելի քան զքառասուն որոց զայս ընդ միմեանս երդ-  
 16 մունս արարեալ էր: Որք մատենս տըքանայապետան եւ երիցունս եւ ասին, Նշովիք նշովեցաք զանձինս ոչ ինչ ճաշակել մինչեւ սպանցուք զՊաւ-  
 17 լոս: Բայց զուրք զգացուցէր հաղարապետին հանգերձ տունիւն, զի իջուցէ զնա առ ձեզ, որպէս թէ կամիցիք ճշմարտագոյնս ինչ զիտել զնմանէ: Եւ մեք յառաջ քան զմտել նորա՝ պտու-  
 18 բաստ եմք ի սպանանել զնա: Եւ լուեալ քեռորդւոյն Պաւղոսի զդաւաճանութիւնն՝ եկն եմուտ ի բանակ  
 19 անդր, պատմեաց Պաւղոսի: Եւ կուցեցեալ Պաւղոսի առ իւր գմի ի հարիւրապետաց անտի՝ ասէ, Զպատանիս զայս տար առ հաղարապետն, զի ունի  
 20 ինչ պատմել նմա: Եւ նորա տեսալ զնա տարաւ առ հաղարապետն եւ ասէ, Կապիաքն Պաւղոս կոչեաց զիս, եւ աշտակեաց զպատանին զայս ամել առ քեզ:  
 21 Ունի ինչ խօսել ընդ քեզ: Առեալ զձեռանէ նորա հաղարապետին՝ զնաց մեկուսի, հարցանէր թէ Զինչ ունիս

խօսել ընդ իս: Եւ նա ասէ, Հրեայք միարանեցին աղաչել զքեզ, զի ի վաղիւ զՊաւղոս իջուցես յատեան, իբրեւ թէ կամիցին ինչ ճշմարտագոյնս  
 22 հարցանել վասն նորա: Արդ դու միանայցես նոցա, քանզի դարան գործեալ է նմա ի նոցանէ արանց աւելի քան զքառասուն, որ նշովեցին զանձինս ոչ ուտել եւ ոչ ըմպել մինչեւ սպանցեն զնա: արդ պատրաստ են եւ  
 23 սպասեն քում հրամանի: Ապա հազարապետն արձակեաց զպատանին՝ պատուիրեալ մի՛ ումեք ասել թէ զայս զգացուցեր ինձ:  
 24 Եւ կոչեաց երկուս ի հարիւրապետացն եւ ասէ, Պատրաստեցէք զօրականս երկերիւր, որպէս զի երթիցեն մինչեւ ի Կեսարիա, եւ հեծեալս եւ թանասուն եւ տիգաւորս երկերիւր:  
 25 յերից ժամուց գիշերոյն, Եւ գրաստս պատրաստական՝ որպէս զի իջուցեալ զՊաւղոս ապրեցուցեն առ Փեղիքս  
 26 զատաւոր: Գրեալ թուղթ որ ունէր օրինակ զայս: Կղաւղիոս Լիւսիաս, առ քաջ զատաւորդ Փելիքս, ողջոյն:  
 27 Զայլա զայս կաեալ ի Հրէից եւ մերձ ի սպանանել ի նոցանէ, հասեալ ի վերայ զօրականաւ ապրեցուցի, իմա-  
 28 ցեալ թէ Հռովմայեցի է: Կամեցալ գիտել զՊաւղոսի վասն որոյ ամբաստանէին զգմանէ, իջուցի զգա յատեան նոցա:  
 29 Զոր գտի ամբաստանեալ վասն խնդրոյ իրիք իւրեանց օրինաց: Եւ ոչ ինչ արժանի մահու կամ կապանաց ունէր  
 30 զնա: Իբրեւ ազգ եղեւ ինձ նենգութեան յայրդ լինելոյ ի նոցանէ՝ յղեցի՝ առ քեզ: հրաման տուեալ եւ չարախօսացն խօսել զգմանէ առաջի քո՝ ողջ լեր:  
 31 Եւ զօրականացն ըստ հրամանի նորա տուեալ զՊաւղոս՝ ամին գիշերոյն  
 32 յանտիպատրիս: Եւ ի վաղիւ անդր արձակեալ զհեծեալսն ընդ նմա երթալ  
 33 զարձան ի բանակն: Նոքա մտին ի Կեսարիա, եւ տուեալ ցղատաւորն զթուղթն՝ առաջի կացուցին նորա եւ  
 34 զՊաւղոս, իբրեւ ընթերցաւ, եհարց թէ յորմէ նահանգէ իցէ: Եւ ստու-  
 35 գեալ եթէ ի Կիլիկեայ է, Լուսայց քեզ, ասէ, յորժամ եւ չարախօսքն քո եւ

<sup>1</sup> Ունի, յաւելան, մի մարտիցուք ընդ Աստուծոյ  
<sup>2</sup> Ունի, միաբանեալ ոմանց ի Հրէից

<sup>3</sup> Ունի, ի Հրէից՝ իւղղն յղեցի

կեսցեն. եւ հրամայեաց յապարանսն  
Հերովդի պահել զնա:

## ԳԼ. ԻԳ

- 1 ԷԱ. Եւ յետ հինգ աւուր էջ քահա-  
նայապետն Անանիա հանդերձ ծերովք  
ովամբք, եւ ճարտարախօսաւ Տեր-  
տիւղեաւ ոմամբ, որք եւ զզացուցին  
2 զատաւորին վասն Պաւղոսի: Եւ ի կո-  
չեն զնա՝ սկսաւ Տերտիւղոսն ամբաս-  
տան լինել եւ ասել, Բազում խաղա-  
ղութիւն գտեալ է ի քէն եւ իրաց ուղ-  
ղութիւն ազգիս այսորիկ քով խնամով:  
3 Ամենայնիւ եւ ամենայն ուրեք չնոր-  
հակալ եմք, քաջդ Փելիքս, ամենայն  
4 գոհութեամբ: Բայց զի մի՛ աւելի եւս  
աշխատ արարից զքեզ, աղաչեմ լսել  
մեզ կարճ ի կարճոյ քոյին հեզու-  
5 թեամբդ: Քանզի դտաք զայրս զայս  
ապականիչ եւ խռովիչ ամենայն Հրէից  
որք են ընդ տիեզերս, եւ առաջնորդ  
6 նազովրացւոց հերձուածոյն: Որ եւ  
զտաճարն իսկ կամեցաւ պղծել. զոր  
եւ կայաք, եւ ըստ մերոց օրինաց  
7 դատել կամեցաք: Եկեալ Լիւսիաս հա-  
զարապետ՝ մեծաւ բռնութեամբ ի ձե-  
8 ռաց մերոց հնան: Հրամայեաց եւ չա-  
րախօսացն նորա գալ առ քեզ.՝ յորմէ  
դու իսկ բաւական լինիցիս վերստին  
դատեալ, ամենայնի հասու լինել զորոց  
9 մեքս ամբաստանեմք զգմանէ: Միա-  
բանեցին եւ Հրեայքն, ասեն, Այդ-  
պէս է:  
10 Պատասխանի ետ Պաւղոս, յակնար-  
կել նմա զատաւորին խօսել, ի բա-  
զում ամաց լինել քեզ զատաւոր ազ-  
գիս այսորիկ գիտեմ, յօժարութեամբ  
վասն իմոց իրաց պատասխանի առնեմ:  
11 Քանզի կարող ես գիտել, զի ոչինչ  
աւելի է իմ քան զաւուրս երկոտասան  
յորմէ հետէ ելի երկիր պաղանել յե-  
12 րուսաղէմ: Եւ ոչ ի տաճարի անդ գտին  
զիս ընդ ումեք խօսեցեալ, եւ կամ  
ժողովս արարեալ բազմաց, ոչ ի ժո-  
13 ղովուրդս, եւ ոչ ի քաղաքի: Եւ ոչ  
յանդիման առնել կարեն քեզ վասն որոյ  
14 այժմս չարախօսեն զինէն: Բայց զայս  
խոստանամ քեզ, եթէ ըստ ճանապար-  
հին զոր ասեն հերձուած, այնպէս պաշ-

- տեմ զհայրենի Աստուածն. հաւատա-  
ցեալ ամենայնի որ ինչ յօրէնսն եւ ի  
15 մարգարէս գրեալ է: Ունիմ յոյս առ  
Աստուած, որում եւ դոքա իսկ ակն  
ունին թէ յարութիւն լինելոց է՝ ար-  
16 դարոց եւ մեղաւորաց: Յորում եւ  
ես իսկ ճգնիմ, անխիղճ միտս ունել  
առ Աստուած եւ առ մարդիկ յամե-  
17 նայն ժամ: Ի բազում ամաց ողորմու-  
թիւնս եկի առնել յազգիդ խնում, եւ  
18 ետու պատարագիս: Որովք գտին զիս  
սրբեալ ի տաճարին, ոչ բազմօք եւ ոչ  
19 ամբոխիւ, Ոմանք յԱսիացւոց անտի  
Հրեայք, որոց պարտ էր գալ առաջի  
քո եւ ամբաստան լինել, եթէ ունիցին  
20 ինչ զինէն. եւ կամ ինքեանք սոքա  
ասացեն, զինչ գտին յիս անիրաւու-  
21 թիւն մինչդեռ կայի յատենին: Բայց  
միայն վասն միոյ բարրաւորոյս այսորիկ  
զոր աղաղակեցի մինչ կային ի մէջ նո-  
ցա, եթէ վասն յարութեան մեռելոց  
22 դատիմ ես այսօր ի ձէնջ, եւ յապաղ-  
եաց զնոսա Փելիքս, զի ստուգագոյնս  
գիտէր վասն ճանապարհին, ասէ, Յոր-  
ժամ Լիւսիաս հազարապետ իջցէ այսր՝  
23 տեղեկացայց վասն ձեր: Հրամայեաց  
հարիւրապետին պահել զնա եւ ունել  
յընդարձակի, եւ մի՛ զոք յիւրոց անտի  
արգելուլ ի պաշտելոյ զնա:  
24 ԷԲ. Եւ յետ աւուրց ինչ եկն Փելիքս  
հանդերձ Դրուսիդաւ կնաւ իւրով, որ  
էր Հրեայ, կոչեաց զՊաւղոս եւ լուաւ  
ի նմանէ վասն որ ի Յիսուս Բրիտոս  
25 հաւատոցն: Եւ ի խօսելն նորա վասն  
արդարութեան եւ ժուժկալութեան  
եւ հանդերձեալ զատաստանին, զահի  
հարեալ Փելիքս՝ ետ պատասխանի,  
Դու առ այժմ երթ, եւ յորժամ ժամ  
26 լիցի, կոչեցից քեզ: Միանգամայն եւ  
ակն ունէր թէ տացի ինչ նմա ի Պաւ-  
ղոսէ, վասն որոյ եւ ստէպ կոչեցեալ  
27 զնա խօսէր ընդ նմա: Եւ ի կատարել  
երկուց ամաց՝ եկն փոխանակ Փելիք-  
սի Փետտոս Պորկիոս. իբրեւ կամեցաւ  
չնորսն առնել Հրէիցն Փելիքս, եթող  
զՊաւղոս կապեալ:

## ԳԼ. ԻԾ

- 1 Փետտոս իբրեւ հնա յիշխանութիւնն,

յետ երկից աւուրց ել յերուսաղէմ ի  
 2 կեսարիայ : Եւ զգագուցին նմա յաւ-  
 հանայապետքն եւ գլխաւորք Հրէիցն  
 3 զՊաւղոսէ : Եւ աղաչէին խնդրեալ  
 չնորհա ի նմանէ : զի կոչեացէ զնա յե-  
 4 րուսաղէմ : զարան գործեալ սպանա-  
 5 նել զնա ի ճանապարհի : Իսկ Փետտոս  
 արար պատասխանի պահել զնա ի կե-  
 6 սարիա , թէ ինքն իսկ ընդ հուպ անդր  
 7 իցին , ասէ , ընդ իս իջցին , եւ եթէ  
 8 իցէ ինչ յառնն վնաս , ամբաստան լի-  
 9 ցին զնմանէ : Եւ լեալ անդ աւուրս ոչ  
 10 աւելի քան զութ կամ զտասն , եկն էջ  
 ի կեսարիա : Եւ ի վաղիւ անդր նստեալ  
 11 յատենի՝ հրամայեաց ածել զՊաւղոս :  
 12 Եւ իբրեւ եկն , կացին շուրջ զնովաւ  
 որ յերուսաղէմէ իջեալ էին Հրեայքն ,  
 13 բազում եւ ծանր վնասս զնէին զորս ոչ  
 14 կարէին ցուցանել : Քանզի առնէր պա-  
 15 տասխանի Պաւղոս եթէ Ոչ յորէնս Հը-  
 16 րէից եւ ոչ ի տաճարն եւ ոչ ի կայսր  
 17 ինչ վնասակար եմ : Բայց Փետտոս կա-  
 18 մեցեալ Հրէիցն չնորհա առնել՝ պատաս-  
 19 խանի ետ Պաւղոսի եւ ասէ , Կամբն  
 յերուսաղէմ ելանել , եւ անդ վասն զո-  
 20 ցին իրաց դատել առաջի իմ : Եւ ասէ  
 Պաւղոս , Յատենի Կայսեր հասեալ կամ  
 21 ուր պարտ է ինձ դատել : Հրէից ինչ  
 22 չեմ վնասակար , որպէս եւ զու իսկ  
 23 քաջ գրեալս : Ապա եթէ վնասակար ի-  
 24 ցնա եւ արժանի ինչ մահու գործեցի ,  
 ոչ զանգիտեմ ի մեռանելոյ : Իսկ եթէ ոչ  
 25 ինչ իցէ զորոց սոքա ամբաստան լինին  
 զինէն , ոչ ոք կարէ զիս դոցա չնորհել :  
 26 Ի կայսր բողոքեմ , Յայնժամ Փետտոսի  
 խօսեցեալ ընդ խորհրդակցին՝ արար  
 պատասխանի , ի կայսր բողոքեցեր ,  
 27 սո կայսր երթիջիր :  
 28 Էջ . Իբրեւ անցին աւուրք ինչ , Ագ-  
 29 րիպպաս արքայ եւ Բերինիկէ եկին  
 30 ի կեսարիա յողջոյն Փետտոսի : Եւ իբ-  
 31 րեւ աւուրս բազումս հանէին անդ ,  
 Փետտոս զեկողք արքայի զՊաւղոսէ եւ  
 32 սոսէ , Այր մի է աստ մնացեալ կապեալ  
 33 ի փելիքս : Վասն որոյ իբրեւ չողայ  
 34 յերասաղէմ , զգագուցին ինձ քահա-  
 35 նայապետքն եւ գլխաւորք Հրէիցն ,  
 խնդրէին յինէն առնել նմա պատու-  
 36 հաս : Որոց ետու պատասխանի եթէ

Յիւն , քահանայապետն

37 Զէ օրէն Հռովմայեցեաց չնորհել ումեք  
 38 զորք , մինչչեւ ամբաստանեալն յան-  
 39 դիման ունիցի զդատախազսն , եւ տեղի  
 պատասխանեոյ առնուցու վասն սո-  
 40 բաստանութեանն : Եւ իբրեւ եկին  
 41 այսր , ոչինչ յապաղեցի , այլ ի վաղիւն  
 նստեալ յատենի՝ հրամայեցի ածել  
 42 զայրն : Վասն որոյ մատուցեալ ամբաս-  
 43 տանքն եւ ոչ մի ինչ վնաս չարութեան  
 ի մէջ բերէին զորոց եսն կարծէի :  
 44 Բայց խնդիրս ինչ որ վասն իւրեանց  
 պաշտաման ունէին ընդ նմա , եւ վասն  
 45 Յիսուսի ուրումն մեռելոյ , զորմէ ա-  
 46 սէր Պաւղոս թէ կենդանի է : Իբրեւ  
 47 յաննարս մտի վասն այսպիսի իրաց  
 քննութեան , ասեմ եթէ կամիցի՝ եր-  
 48 թալ յերուսաղէմ , եւ անդ դատել վասն  
 49 նոցին իրաց : Բայց ի Պաւղոսի բողո-  
 50 քին զի պահեցի ի Քաջի արանցն  
 յանդիմանութիւն , հրամայեցի պահել  
 51 զնա մինչեւ տաց տանել առ Կայսր :  
 52 Ագրիպպաս ցփեստոս ասէ , Կամէի եւ  
 ես լսել առնն : Եւ նա ասէ , Ի վաղիւ  
 53 լուիցես :  
 54 Եւ ի վաղիւ անդր իբրեւ եկն Ագ-  
 55 րիպպաս եւ Բերինիկէ բազում երե-  
 56ւելի սպասուք , եւ մտին յատեանն  
 հանդերձ հաղարպետքն եւ արամբք  
 պատուականօք քաղաքին : Եւ հրա-  
 57 մայեալ Փետտոսի՝ ածին զՊաւղոս : Եւ  
 58 ասէ Փետտոս , Արքայ Ագրիպպա , եւ  
 59 ամենայն արք որք ընդ մեզ էք , տե-  
 60 սանէք զսա : Վասն սորա ամենայն ժո-  
 61ղովք Հրէից ամբաստան եղեն ինձ յե-  
 62րուսաղէմ եւ սոստ , աղաղակէին թէ  
 63 Զէ պարտ դմա կեալ , Բայց ես ի վե-  
 64րայ հասի թէ ոչինչ է դորա արժանի  
 մահու գործեալ , եւ դորա ինքնին  
 65 բողոք կալեալ առ Քաջ արանցն , խոր-  
 66 հեցայ յղել : Վասն որոյ ստուգութեամբ  
 ինչ գրել տեառն իմում ոչ ունիմ :  
 67 Վասն այնորիկ ամի զդա առաջի ձեր ,  
 եւ մանաւանդ առաջի քո , արքայ Ագ-  
 68րիպպա , որպէս զի վերստին քննեալ  
 69 մարթացից ինչ գրել : Քանզի անպատեհ  
 իմն թուի ինձ տալ տանել կապեալ  
 մի , եւ ոչինչ վնաս զնմանէ նշանա-  
 70 կել :

Յիւն , զք ի սատակութեմ

## ԳԼ. ԻԶ

1 Եւ Ագրիպպաս ասէ ցՊաւղոս, Հրամայեալ է քեզ վասն քո խօսելու, Յայնժամ Պաւղոսի ձգեալ զձեռն առնէր 2 պատասխանի. վասն ամենայն ամբաստանութեան Հրէիցդ զինէն, արքայ Ագրիպպա, համարիմ զանձն երանելի, զի քո առաջի այսօր տալոց եմ պատահանի. Մանաւանդ զի գիտակ իսկ ես ամենայն կրօնից եւ խնդրոց Հրէից վասն որոյ աղաչեմ երկայնմտութեամբ 4 լսել ինձ. Քանզի կենաց իմոց որ ի մանկութիւնէ, ի սկզբանէ լեալ յազգի անդ իմում յերուսաղէմ, տեղեակ են 5 ամենայն Հրեայք. Յառաջագոյն գիտեն ի վաղուց հետէ, եթէ կամիցին վկայել, զի ըստ ճշմարտագոյն կրօնից օրինացն մերոց կեցեալ եմ փարիսեցի. 6 Եւ արդ վասն յուսոյն առ հարսն եւ զելոյ աւետեացն յԱստուծոյ՝ դատեալ 7 կամ յատենի. Յոր երկոտասան ազգատոհմին մերոյ անպակաս զցայգ եւ զյերեկ պաշտեալ ակն ունին հասանել. վասն որոյ յուսոյ ամբաստանիմ, 8 արքայ, ի Հրէիցդ. Զինչ անհաւատ թուի ձեզ եթէ Աստուած զմոեալս 9 յարուցանէ. Ես իսկ ինքնին պատշաճ համարէի զբազում ինչ հակառակ անուանն Յիսուսի Նազովրեցւոյ գործել. 10 Զոր եւ արարի իսկ յերուսաղէմ. եւ զբազումս ի սրբոցն եւ ընտարգել առնէի, ի քահանայապետիցն առեալ ի խանութիւն. եւ զսպանելոցն նոցա 11 բերէի համար. Եւ ըստ ամենայն ժողովրդոցն բազում անգամ պատժեալ զնոսա՝ բռնադատէի հայնոյն. առաւել եւս մոլեալ ի վերայ նոցա՝ հալածէի մինչեւ յարտաքին քաղաքս. 12 Եւ. Որովք զնացեալ ի Դամասկոս՝ ի խանութիւնս եւ հրամանօք քահանայապետիցն, Զմիջաւորքն ի ճանապարհի տեսի, արքայ, յերկնից առաւել քան զյուսաւորութիւն արեական ծագեալ զինեւ լոյս, եւ զնորօք որ 14 ընդ ինն երթային. Եւ յամենեցուն մեր անկանին յերկիր, լուայ ձայն որ ասէր ցիս Հերբայեցւոց բարբառովն, Սաւուղ, Սաւուղ, զի՛ հալածես զիս.

խիստ է քեզ ընդդէմ խթանի արքայի. 15 Եւ ես ասեմ, Ո՛ր ես, Տէր. եւ Տէր ասէ, Ես եմ Յիսուս զոր դուն հալածես. 16 Ժես. Այլ արի եւ կաց ի վերայ ոտիդ քոց, զի վասն այսորիկ երեւեցայ քեզ առնուլ զքեզ ի ձեռն պաշտօնեայ եւ վկայ որոց տեսերդ զիս, եւ որոց եւ 17 բեւեցայց քեզ. Փրկել զքեզ ի ժողովրդէնէդ եւ ի հեթանոսաց, յորս ես 18 առաքելից զքեզ. Բանալ զայս նոցա, զարձուցանել ի խաւարէ ի լոյս, եւ յիշխանութիւն Սատանայի՝ յԱստուած. առնուլ նոցա զթողութիւն մեղաց, եւ վիճակ ընդ սուրբս հաւատովքն որ 19 յիս. Ուստի, արքայ Ագրիպպա, ոչ եղէ անհաւան երկնաւոր տեսիւանն. 20 Այլ նախ որոց ի Դամասկոս եւ յերուսաղէմ էին, եւ ընդ ամենայն գաւառսն Հրէաստանի եւ ի հեթանոսս, պատմեցի զղջանալ եւ դառնալ յԱստուած 21 կենդանի, արժանի ապաշխարութեան 22 գործս գործել. վասն այսորիկ Հրէից կալեալ զիս ի տաճարին՝ կամէին սպառնանել. Օգնութիւն հասեալ առ յԱստուծոյ՝ մինչեւ ցայսօր կացի վկայեալ փոքու եւ մեծի, ոչ ինչ արտաքոյ ասել քան զոր մարգարէքն եւ Մովսէս 23 խօսեցան զհանդերձելոցն լինելոյ. Եթէ չարչարելոց է Քրիստոսն, եթէ առաջին ի յարութենէ մեռելոյ՝ լոյս պատմելոց է ժողովրդեանն եւ հեթանոսաց. 24 Եւ նորա զայս պատասխանի տուեալ, Փեստոս ի ձայն մեծ ասէ, Մովսէս, Պաւղէ, բազում դպրութիւնք զքեզ 25 ի մոլութիւն զարձուցանեն. Իսկ Պաւղոս ասէ, Ոչ մովսէմ, քաջդ Փեստոս, այլ զցածութեան եւ զճշմարտութեան 26 բանս բարբառիմ. Գիտակ իսկ է այսոցիկ արքայ, ընդ որում եւ համարձակեալք խօսիմ. քանզի ծածկել ի քէն իմիք ի սոցանէ չառնում յանձն. զի ոչ եթէ յանկեան ուրեք գործեալ լցէ 27 այս. Հաւատամ, արքայ Ագրիպպա, 28 մարգարէից. գիտեմ զի հաւատաս. Եւ ասէ Ագրիպպաս ցՊաւղոս, Փոքու իմն հաւանեցուցանես զիս լինել քրիստոնեայ. Եւ Պաւղոս ասէ, Խնդրէի յԱստուծոյ եւ փոքու եւ մեծաւ ոչ միայն զքեզ, այլ զամենեանն որ լսեն ինձ

18-Յն, ի սպանանել նոցա տալի հաւանութիւն

28-Դմա գովառ

այսօր՝ լինել այսպիսի որպէս եւ եսս եմ,  
բաց ի կապանաց աստի:

- 30 Յոտն եկաց արքայն եւ դստաւորն  
եւ Բերինիկէ, եւ որ ընդ նոսայն նրս-  
31 տէին: Եւ իբրեւ գնացին, խօսէին ընդ  
միմեանս եւ ասէին թէ Ոչ ինչ արժա-  
նի մահու կամ կապանաց գործէ այրս  
32 այս: Իսկ Ագրիպպաս ցփեստոս ասէ,  
Արձակել մարթ էր զայրս զայս, եթէ  
ոչ էր բողոքեալ ի Կայսր:

## ԳԼ ԻԷ

- 1 ԷՅ. Իբրեւ հրամայեցաւ մեզ նաւել  
յիտալիա, տային զՊաւղոս եւ զայլս  
ոմանս կապեալս ցհարիւրապետ մի,  
որում անուն էր Յուլիոս, Սեբաստեան  
2 գնդին: Եւ ելեալ ի նաւ մի Ադրամին-  
տացի, որ երթալոց էր ի կողմանս Ա-  
սիացոց, գնացաք: Էր ընդ մեզ եւ  
Արիստարքոս Մակեդոն Թեսաղոնի-  
3 կեցի: Եւ ի վաղիւ անդր իջաք ի Սի-  
դոն: Եւ մարդասիրութիւն ցուցեալ  
Յուլեայ առ Պաւղոս, հրամայեաց առ  
բարեկամն երթալ եւ դարման գտա-  
4 նել: Եւ անտի ելեալ խոնարհագոյն  
նաւեցաք ի Կիպրոս վասն հողմոյն ընդ-  
5 դէմ լինելոյ: Յայնժամ ընդ մէջ ծովուն  
Կիլիկեայ եւ Պամփիլեայ նաւեալ իջաք  
6 ի Միւսա Լիկիացոց: Եւ անդ գտեալ  
հարիւրապետին նաւ մի Աղիքսանդ-  
րացի որ երթայր յիտալիա՝ եմոյծ զմեզ  
7 անդր: Եւ ի բազում աւուրս ծանրա-  
նաւեալք՝ հազիւ հասաք առ Կնիդեաւ:  
Եւ ի չթողացողանել մեզ հողմոյն,  
նաւեցաք խոնարհագոյն ի Կրետէ առ  
8 Սաղմոնեաւ: Հազիւ անցեալ առ նո-  
վաւ՝ եկաք ի տեղի ինչ որ կոչէր Գե-  
ղեցիկ նաւահանգիստ, յոր հուպ էր  
9 քաղաքն Ղասեա: Եւ իբրեւ բազում  
ժամանակք անցանէին, եւ սխալ եւս  
լինէր նաւելոյն: Եւ վասն այն ինչ եւս  
պահոցն անցանելոյ, տայր խրատ Պաւ-  
10 լոս, Եւ ասէր ցնոսա, Արք, տեսա-  
նեմ զի թշնամաւորք եւ բազում վնասու-  
ոչ միայն բերինք եւ նաւիդ, այլ եւ  
անձանց մերոց լինելոց է նաւարկու-  
11 թիւնս: Իսկ հարիւրապետն նաւապե-  
տին եւ նաւավարին առաւել անսայր  
12 քան բանիցն Պաւղոսի: Իբրեւ դժպա-  
տեհ իմն թուէր նաւահանգիստն առ  
ի ձմերել, բազումք խորհեցան գնալ

- անտի: Թերեւս կարասցեն հասանել  
ի Փիւնիկէ՝ ձմերել ի նաւահանգստին  
Կրետացոց որ հայէր ընդ հարաւա-  
13 կողմն եւ ընդ ալխարհն: Եւ ի չնչել  
հարաւոյն, համարեցան ուր դիմեալն  
էին՝ հասանել: Եւ արկեալ մօտ ան-  
14 ցանէին առ Կրետեաւ: Եւ ոչ յետ բա-  
զում ժամուց անկաւ գնովաւ հողմ  
15 ուռուցիկ, որ կոչի Եւրակիկլոմէ: Ընդ  
յափշտակել նաւին եւ ի չհանդուրժել  
ընդդէմ հողմոյն, թոյլ տուեալ երթա-  
16 յաք եւ գայաք: Ի կղզի ինչ դիմեալ  
որ կոչէր Կղաւղա, հազիւ կարացաք  
17 ըմբռնել զմակոյկն: 1 Ջոր առեալ յօգ-  
նականութիւն կապէին ընդ նաւն:  
Երկուցեալք թէ գուցէ ի յորձանուան  
անկանիցին, իջուցեալ զառաքառաւ  
18 այնպէս երթային եւ գային: Եւ ի  
սաստկագոյն վշտանալոյն մերոյ ի վա-  
ղիւ անդր զկարասին ընկեցիկ առնէին:  
19 Եւ յերիւ աւուր ընդ 3 իւրեանց ձեռն  
20 զգործին նաւին 3 ընկեցին: Իբրեւ ոչ  
արեւ եւ ոչ աստեղք երեւէին ի բա-  
զում աւուրս, եւ ձմեռն ոչ ասկաւ  
կայր ի վերայ, ապա բառնայր ամենայն  
21 յոյս փրկութեան մերոյ: Եւ զի բա-  
զում աւուրս նօթի էին, յայնժամ  
Պաւղոս կացեալ ի մէջ նոցա՝ ասէ,  
Պարտ էր ձեզ, ովարք, անսալ ինձ եւ  
ոչ ելանել ի Կրետեայ եւ չահել զվիշտ  
22 զայս եւ զվնաս: Եւ արդ խրատեմ  
զձեզ քաջալերել, զի վնաս անձին եւ  
ոչ միում ի ձէնջ լինիցի բաց ի նաւէդ:  
23 Քանզի երեւեցաւ ինձ յայսմ գիշերի  
հրեշտակ Աստուծոյ որոյ եսն եմ եւ  
24 պաշտեմ զնա, Եւ ասէ, Մի՛ երկնչիր,  
Պաւղէ, Կայսեր եւս պարտ է քեզ յան-  
դիման լինել: Եւ ահա շնորհեալ է քեզ  
Աստուծոյ զամենեսեան որ են ընդ քեզ  
25 ի նաւիդ: Վասն այսորիկ քաջալերեա  
ցարուք, արք, զի հաւատամ յԱս-  
տուած եթէ այսպէս լինի զոր օրինակ  
26 խօսեցաւ ընդ իս: Բայց ի կղզի ինչ  
հասանէ մեզ անկանել:
- 27 ԷՅ. Իբրեւ չորեքտասաներորդ գիշեր  
լինէր, մինչդեռ ծփեաք ի Հանգրին  
անդունդս, ի մէջ գիշերին կարծէին  
նաւավարքն եթէ հասեալ իցեն յաշ-

18-22, Ջոր առն, և օգնութիւնս ի կեր առ-  
կեալ ածին պարան զնաւած

20-24, մեր

20-24, ընկեցաք

28 խարհ ուրեք, Եւ ընկեցեալ զգունդան՝  
գտին գիրկս քսան, եւ սակաւ ինչ  
29 դադարեալ՝ դարձեալ ընկեցին եւ գտին  
գուցէ ի խիստ ինչ տեղիս անկանիցին,  
յետուստ կողմանէ ընկեցին խարիսխս  
30 չորս, ըզձանային այգուն լինելոյ, Բայց  
նաւավարքն խնդրէին փախչել ի նաւէ  
անտի, եւ իջուցեալ զկուրն ի ծով  
անդր՝ պատճառանօք որպէս թէ յառա-  
ջոյ կողմանէ խարիսխս ձգելոց իցեն,  
31 Ասէ Պաւղոս ցհարիւրապետն եւ ցգո-  
րականսն, Եթէ ոչ դոքա մնան ի նա-  
32ւիս, դուք ապրել ոչ կարէք: Յայն-  
ժամ զօրականքն հատին զլարս կրին  
33 եւ ի բաց ընկեցին, Եւ մինչդեռ այգն  
կամէր լինել, աղաչէր Պաւղոս զամե-  
նեսեան առնուլ կերակուր, ասէ, Այս  
չորեքտասաներորդ օր է որում ակն  
ունիք նօթիս կատարել, եւ չէ ինչ ճա-  
34շակեալ, Վասն որոյ աղաչեմ զձեզ ճա-  
շակել կերակուր, զի այն իսկ վասն  
ձերոյ փրկութեան է. զի ոչ ուրուք  
35 ի ձէնջ մազ մի ի գլխոյ կորիցէ: Եւ  
իրբեւ ասաց զայս, առեալ հաց՝ գո-  
հացաւ զԱստուծոյ առաջի ամենեցուն,  
36 երեկ եւ սկսաւ ուտել: Եւ քաջալի-  
րեցան ամենեքին, եւ նոքա առին կե-  
37րակուր: Եւ էաք ամենայն հոգիք ի  
նաւին երկերիւր եւ թանասուն եւ վեց,  
38 Իրբեւ յազեցան կերակրովն, թեթե-  
ւացուցին զնաւն՝ թափեալ զցորեանն  
ի ծովն:  
39 Եւ իրբեւ այդ եղեւ, զերկիրն ոչ ճա-  
նաչէին, բայց զգոգ մի նշմարէին թէ  
ափն ծովուն իցէ: յոր խորհէին, թէ  
40 հնար ինչ իցէ, զերծուցանել զնաւն: Եւ  
զխարիսխսն հատեալ՝ ընկեցին ի ծովն,  
թողացուցին զխառնելիս թեւոցն, եւ  
41 ի բաց ասին՝ զառազագոտն, եւ ետուն  
42 հողմոյն յափն կոյս ծովուն: Անկեալ  
ի տեղի մի երկծով՝ թիւրեցին զնաւն.  
եւ առաջին կողմն նաւին խրեալ ան-  
չարժ մնայր, եւ յետին կողմն քակէր  
42 ի բռնութենէն: Եւ զօրականացն  
խորհուրդ արարեալ զի զկապիալսն  
սպանցեն, եւ զի մի՛ ոք լուղիցի եւ  
43 փախիցէ: Եւ հարիւրապետն քանզի  
կամեցաւ ապրեցուցանել զՊաւղոս՝

արգել զնոսա ի խորհրդոյն. հրամայ-  
եաց զի որ կարողն իցեն լուղել՝ ան-  
կանիցին նախ եւ ի ցամաքն ելանի-  
44 ցեն. Եւ զայլսն՝ զո՛րս ի տախտակս,  
եւ զո՛րս յայլ ինչ կահ ի նաւէ անտի.  
եւ այսպէս եղեւ ամենեցուն փրծանել  
յերկիր:

## ԳԼ. ԻԸ

1 Եւ ապրեալք՝ յայնժամ գիտացաք թէ  
Պեղիտինէ էր անուն կղզւոյն. բայց  
բարբարոսքն չնորհեցին ոչ սակաւ  
2 մարդասիրութիւն մեզ. Գանդի լուցին  
խարոյկ, եւ ընկալան զամենեսեան  
զմեզ վասն անձրեւին որ ստիպէր եւ  
3 վասն ցրտոյն: Եւ ի ժողովել Պաւղոսի  
խորհ ինչ բազում եւ զնել ի վերայ  
խարուկին, իժ մի ի ջերմութենէն ել-  
4 եալ՝ կալաւ զձեռանէ նորա: Եւ իրբեւ  
տեսին բարբարոսքն կախեալ զգազանն  
զձեռանէ նորա, ասէին ցմբմեանս,  
Ուրեմն սպանող է այսս այս, որ թէ-  
պէտեւ ապրեցաւ ի ծովէն, իրաւունքն  
5 չետուն կեալ: Եւ նորա թօթափեալ  
զգազանն ի հուրն, եղեւ նմա չար եւ  
6 ոչինչ: Եւ նոքա ակն ունէին նմա  
այտնոյ կամ անկանելոյ եւ յանկար-  
ժակի մեռանելոյ. իրբեւ չատ ակն կար-  
եալ եւ տեսանէին թէ ոչինչ շնաս եղեւ  
նմա, դարձեալ դարձուցին զբանսն եւ  
7 ասէին թէ աստուած ոմն է: Եւ չուրջ  
զտեղեաւն զայնուիկ էին զեղք զխա-  
ւորի կղզւոյն որում անուն էր Պոպ-  
ղիոս. որ առ զմեզ յերաշխի զերիս  
8 աւուրս եւ սիրով ընկալաւ: Եւ եղեւ  
հօրն Պոպղեայ ի ջերմն եւ յախտ թան-  
չից հիւանդանալ զնել. առ որ մտեալ  
Պաւղոս եւ կացեալ յաղօթն՝ եղ զձեռն  
9 եւ բժշկեաց զնա: Եւ իրբեւ այս եղեւ,  
այլ հիւանդք որ էին ի կղզւոյն՝ զային  
10 եւ բժշկէին, Որք եւ բազում պա-  
տուովք պատուեցին զմեզ. եւ իրբեւ  
զնացաք, ետուն որ ինչ պէտք էին:  
11 Է՛. Եւ յետ երից ամսոց ելաք ի նաւ  
մի Աղեքսանդրացի որ ձմերեալ էր ի  
կղզւոյն նշանաւորաւ Դիոսկուրա-  
12 ցւոց: Եւ իջեալ ի Սիրակուսա եղեաք  
13 աւուրս երիս: Ուստի գնացեալ հա-  
սաք ի Հռեգիովն. եւ յետ աւուր միոյ

18-ՆՆ, բաքի

19-ՆՆ, ի բռնութենէ ալեաց

18-ՆՆ, Մելիտե



- ի չնչել հարաւոյն, երկօրեայք եկաք  
 14 ի Պատիողոս, Ուր եւ գտաք եղբարս,  
 աղաչեցեալք ի նոցանէ լինել աւուրս  
 15 եւթն. եւ ապա ելաք ի Հոռով, եւ  
 անտի լուեալ եղբարց զմէնջ՝ ելին ընդ  
 առաջ մեր մինչեւ յՈրգոստայն Ապփեայ  
 եւ Երիցն Կրպակաց. զորս տեսեալ  
 Պաւղոսի գոհացաւ զԱստուծոյ եւ քա-  
 ջայերեցաւ :  
 16 Եւ իբրեւ մտաք ի Հոռով, ՚հրամա-  
 յեցաւ Պաւղոսի լինել առանձինն հան-  
 դերձ զինուորական պահպանաւ իւրով :  
 17 Եւ եղեւ յետ երից աւուրց կոչել նմա  
 զՀրէիցն զխաւորս. եւ իբրեւ եկին,  
 ասէ զնոսա, Ես, արք եղբարք, ոչինչ  
 հակառակ գործեալ ժողովրդեանն կամ  
 կրօնիցն հայրենեաց, կապեալ յերու-  
 սաղիմէ մատնեցայ ի ձեռս Հոռովայեւ-  
 18 ցւոց : Որք իբրեւ դատեցան զիս, կա-  
 մեցան արձակել, վասն եւ ոչ մի ինչ  
 19 քննաւ մահու գտանելոյ յիս : Ի հակա-  
 ռակել Հրէիցն՝ հարկ եղեւ բողոքել ի  
 Կայսր, իբր ոչ եթէ զազգէն իմմէ ու-  
 20 նէի ինչ չարախօսել : Վասն այսր պատ-  
 ճառանաց աղաչեցի զձեզ՝ տեսանել եւ  
 խօսել. քանզի վասն յուսոյն Իսրայելի  
 21 կամ ի չղթայս յայսոսիկ : Եւ նոքա  
 ասենցնա, Մեք ո՛չ թուղթս ինչ վասն  
 քո ընկալաք ի Հրէաստանէ, եւ ո՛չ եկ-  
 եալ ոք յեղբարց պատմեաց կամ խօսե-  
 22 ցաւ ինչ վասն քո չարութիւն : Բայց  
 աղաչեմք ի քէն լսել թէ զինչ խորհի-  
 ցիս. զի վասն հերձուածոյդ այգորիկ  
 յայտ իսկ է մեզ, զի ամենայն ուրեք  
 23 հակառակութիւն կրէ : Ժամ եղեալ  
 նմա օր մի, եկին ի վանսն առ նա բա-  
 զումք, որոց պատմէր վկայութեամբ  
 զարքայութիւն Աստուծոյ. եւ հաւա-  
 նեցուցանէր զնոսա վասն Թիսուսի յօ-  
 24 րինացն Մովսիսի եւ ի մարգարէից  
 յալգուէ մինչեւ ցերեկոյ : Եւ ոմանք  
 հաւանէին բանիցն, եւ կէսք չհաւա-  
 25 տային : Եւ անմիաբանք լիեալ ի մի-  
 մեանց՝ արձակէին, յասեն Պաւղոսի  
 բան մի թէ Բարուք խօսեցաւ Հոգին  
 Սուրբ ի ձեռն Եսայեայ մարգարէի առ  
 26 հարսն մեր, Եւ ասէ, Երթ առ Ժողո-  
 վուրդն, եւ ասացես, Լսելով լուիջիք  
 եւ մի՛ իմասջիք, եւ տեսանելով տես-  
 27 ջիք եւ մի՛ տեսջիք. Զի թանձրացաւ  
 սիրտ ժողովրդեանն այնորիկ, եւ ա-  
 կանջօք իւրեանց ծանր լուան, եւ զաչս  
 իւրեանց կափուցին, զի մի՛ երբեք  
 տեսցեն աչօք, եւ ականջօք լուիցեն, եւ  
 սրտիւք իմասցին եւ դարձցին, եւ բժշ-  
 28 կեցից զնոսա : Եւ արդ յայտնի լիցի ձեզ,  
 զի հեթանոսաց առաքեցաւ փրկու-  
 թիւնս Աստուծոյ, նոքին եւ լուի-  
 29 ցեն : Եւ իբրեւ զայս ասաց, արտաքս  
 գնացին ի նմանէ Հրեայքն, որք ունէ-  
 30 ին ի մէջ ինքեանց զբազում խնդիրս :  
 Եւ եղեւ զերկեամ մի բովանդակ  
 31 իւրով վարձու : Եւ ընդունէր զամե-  
 32 նեսեան որ մտանէին առ նա : Քարո-  
 զէր զարքայութիւնն Աստուծոյ, եւ ու-  
 սուցանէր վասն Տեառն Թիսուսի Քրիս-  
 տոսի անխափան ամենայն համարձա-  
 կութեամբ :

19Դ-ն, յանձն արար հարիւրապետն զկապ-  
 եալն զօրապետին, եւ հրամայեցաւ

23Այս համար գալտսի յոված

# ՊԱՒՂՈՍԻ ԱՌԱՔԵԼՈՅ

## ԱՌ ՀՌՈՎՄԱՅԵՑԻՍ

ԹՈՒՂԹ

### ՔԼՈՒԻ Ա

1 ԱՌ. ՊԱՒՂՈՍ, ծառայ Յիսուսի Քրիստոսի, կոչեցեալ առաքեալ, որոշեալ  
2 յաւետարանն Աստուծոյ. Որ յառաջ  
3 խոստացաւ ի ձեռն մարգարէից իւրոց  
4 զրովք սրբովք, Վասն Որդւոյ իւրոյ  
5 եղելոյ ի զաւակէ Դաւթի ըստ մարմնոյ,  
6 Սահմանելոյ Որդւոյն Աստուծոյ զօրութեամբ  
7 ըստ Հոգւոյն սրբութեան. ի յարութենէ  
8 մեռելոց Յիսուսի Քրիստոսի Տեառն  
9 մերոյ. Որով ընկալաք շնորհս եւ  
10 առաքելութիւն ի հնազանդութիւն  
11 հաւատոց յամենայն հեթանոսս վասն  
12 անուան նորա. Յորս եւ զուրք էք  
13 կոչեցեալ Յիսուսի Քրիստոսի. Ամենեցուն  
14 որոց էք ի Հռովմ, սիրելեաց  
15 Աստուծոյ՝ կոչեցելոց սրբոց, շնորհք  
16 ընդ ձեզ եւ խաղաղութիւն յԱստուծոյ  
17 Հօրէ մերմէ եւ ի Տեառնէ Յիսուսէ  
18 Քրիստոսէ:  
19 Նախ գոհանամ զԱստուծոյ իմոյ ի  
20 ձեռն Յիսուսի Քրիստոսի վասն ձեր  
21 ամենեցուն. զի հաւատք ձեր պատմեալ  
22 են ընդ ամենայն աշխարհ. Վկայ է  
23 ինձ Աստուած, զոր պաշտեմն հոգւով  
24 իմով յաւետարանի Որդւոյ նորա, թէ  
25 որպէս զյիշատակս ձեր՝ առնեմ:  
26 Իմով յաւետարանս իմ աղաչելով  
27 զի թերեւս երբեք յաջողեցի ինձ կա-  
28 մօքն Աստուծոյ գալ առ ձեզ. Քանզի  
29 անձկացեալ եմ տեսանել զձեզ, զի փոխեցի  
30 ի ձեզ շնորհս ինչ հոգեւորս առ ի հաստատել  
31 զձեզ. Այսինքն է միւր թարակից ինեղ  
32 ձեզ վասն ընդ միմեանս իմոյ եւ ձերդ  
33 հաւատոց. Ոչ կամիմ եթէ տգէտք  
34 իղէք, եղբարք, զի բազում անգամ  
35 յօժարեցի գալ առ ձեզ,

եւ արգելայ մինչեւ ցայժմ. զի եւ ի  
36 ձեզ գտից պտուղ ինչ որպէս եւ յայլ  
37 հեթանոսս. Քանզի Յունաց եւ Բարբարոսաց,  
38 իմաստնոց եւ անմտից պարտապան  
39 եմ. Այնպէս՝ որչափ իմովսանն  
40 յօժարութեամբ, եւ ձեզ որ ի Հռովմ  
41 էք՝ աւետարանել:  
42 Զի ոչ եթէ ամօթ ինչ համարիմ  
43 զաւետարանն, քանզի զօրութիւն  
44 Աստուծոյ է ի փրկութիւն ամենայն  
45 հաւատացելոց. նախ Հրէի եւ ապա հեթանոսի:  
46 Զի արգարութիւնն Աստուծոյ  
47 նովաւ յայտնի հաւատոց ի հաւատս  
48 որպէս եւ գրեալ է թէ Արդարն  
49 ի հաւատոց կեցցէ:  
50 ԱՊ. Քանզի յայտնելոց է բարկութիւն  
51 Աստուծոյ յերկնից ի վերայ ամենայն  
52 ամբարշտութեան եւ անիրաւութեան  
53 մարդկան, որք զճշմարտութիւնն  
54 անիրաւութեամբ ունին. Վասն զի  
55 զիտութիւնն Աստուծոյ յայտնի է ի նոսա.  
56 Քանզի Աստուած իսկ յայտնեաց  
57 նոցա. Զի աներեւոյթք նորա ի սկզբանէ  
58 աշխարհի արարածովքս իմացեալ  
59 տեսանին, այսինքն է՝ մշտնջենաւորութիւն  
60 եւ զօրութիւն. նորա. զի ոչ գտանիցեն  
61 ամենեւին տալ պատասխանի:  
62 Զի ծանեան զԱստուած, եւ ոչ իբրեւ  
63 զԱստուած փառաւորեցին կամ գոհացան.  
64 Եւ նանրացան ի խորհուրդս իւրեանց,  
65 եւ խաւարեցան անմտութեամբ սիրտք  
66 նոցա. Զանձինս առ իմաստունս  
67 ունէին, յիմարեցան. Եւ փոխեցին  
68 զփառս անեղծին Աստուծոյ ի նմանութիւն  
69 պատկերի եղծանելի մարդոյ եւ  
70 թոչնոց եւ չորքոտանեաց  
71 եւ սողնոց. Վասն որոյ մատնեաց զնո-

սա Աստուած ի ցանկութիւն սրտից նոցա ի պղծութիւն, անարգել զմար-  
 25 մինս իւրեանց յանձինս իւրեանց. Որք  
 փոխանակեցին զճշմարտութիւնն Աս-  
 տուծոյ ընդ ստութեան. <sup>1</sup>հնազանդե-  
 ցան եւ պաշտեցին զարարածս եւ ոչ  
 զԱրարիչն, որ է օրհնեալ յաւիտեանս:  
 26 Ամէն. Վասն այնորիկ մատնեաց զնո-  
 սա Աստուած ի կարիս անարգութեան,  
 զի էգբ նոցա փոխանակեցին զպէտս  
 27 բնականս ի պէտս անբնականս: Նոյն-  
 պէս եւ արուացն թողեալ զբնական  
 պէտս ի գութեանն, բորբոքեցան ցան-  
 կութեամբք իւրեանց ի միմեանս, ա-  
 րուք ընդ արուս զխայտառակութիւն  
 գործէին, եւ զդարձ փոխարինին որ  
 պարտ էր մոլորութեանն նոցա՝ յան-  
 28 ձինս իւրեանց ընդունէին: Եւ որպէս  
 զի ոչ ընտրեցին զԱստուած ունել ի  
 գիտութեան, մատնեաց զնոսա Աս-  
 տուած ի միտս անարգութեան՝ գոր-  
 29 ծել զանարժանս. Զլցեալսն ամենայն  
 անիրաւութեամբ, պոռնկութեամբ,  
 անզգամութեամբ, ազանութեամբ, չա-  
 րութեամբ, լի նախանձու, սպանու-  
 թեամբ, հեռիւ, նենգութեամբ, չա-  
 30 րաբարութեամբ. չոգմոգք, Զարա-  
 խօսք, աստուածատեացք, թշնամա-  
 նողք, ամբարտաւանք, ամբարհաւածք,  
 գտիւք չարեաց, զծնողս անարգուք,  
 31 Անմիտք, ուխտադրութք, անագո-  
 32 ռոյնք, <sup>2</sup>աննուէրք, անողորմք. Որք  
 հասեալ էին յԱստուծոյ իրաւանցն վե-  
 րայ եթէ ոյք զայսպիսիսն գործեն ար-  
 ժանի են մահու. եւ ոչ միայն որ զայն  
 առնեն, այլ եւ որ կամակիցն լինին  
 գործելեացն:

## ԳԼ. Բ

1 Վասն որոյ առանց պատասխանի տա-  
 լոյ ես, ով մարդ, որ դատիսդ. զի  
 որով դատիս զընկերն՝ զանձն քո դա-  
 տապարտես, զի դու զնոյն գործես՝  
 որով դատիս:  
 2 Ահ. Բանգի գիտեմք, եթէ Աստուծոյ  
 դատաստանն ճշմարտութեամբ է ի վե-  
 րայ այնոցիկ որ զայնպիսիսն գործեն:  
 3 Իսկ արդ խորհիցին զայս, ով մարդ,  
 որ դատիս զայնոսիկ որ զայնպիսիսն

գործեն, եւ դու զնոյն գործես, եթէ  
 դու ապրելոց իցես ի դատաստանացն  
 4 Աստուծոյ. եթէ զմեծութեամբ քաղ-  
 ցրութեան նորա եւ զներելովն եւ զեր-  
 կայնմտութեամբն արհամարհիցես, չգի-  
 տիցես զի քաղցրութիւնն Աստուծոյ  
 5 զքեզ յապաշխարութիւն ածէ. Այլ  
 ըստ խստութեան քում եւ ըստ ան-  
 զեղջ սրտի գանձես անձին քում բար-  
 կութիւն յաւուր բարկութեան եւ  
 յայտնութեան արդար դատաւորու-  
 6 թեանն Աստուծոյ. Որ հատուցանէ իւ-  
 7 րաքանչիւր ըստ գործս իւրեանց. Որ  
 համբերութեամբ են ի գործս բարու-  
 թեան՝ զփառս եւ զպատիւ եւ զանեղ-  
 ծութիւն խնդրեն, զկեանսն յաւի-  
 8 տենից, իսկ որ ի հակառակութենէ  
 անտի են եւ ապստամբք ի ճշմարտու-  
 թենէն եւ զհետ երթեալ զանիրաւու-  
 թեան՝ բարկութիւն եւ սրտմտութիւն,  
 9 Նեղութիւն եւ անձկութիւն ի վերայ  
 ամենայն մարդոյ որ գործէ զչար, նախ  
 10 Հրէի եւ ապա հեթանոսի: Փառք, պա-  
 տիւ եւ խաղաղութիւն ամենայնի որ  
 գործէ զբարի, նախ Հրէի եւ ապա  
 11 հեթանոսի: Զի ոչ է ակնառութիւն  
 առաջի Աստուծոյ:  
 12 ԱԵ. Որք միանգամ արտաքոյ օրի-  
 նացն մեղան՝ արտաքոյ օրինացն եւ  
 կորնչին. եւ որք ընդ օրինօքն մեղան՝  
 13 օրինօքն եւ դատեցին. (Զի ոչ եթէ  
 որ լսելիք օրինացն են՝ արդարացեալ  
 են առաջի Աստուծոյ, այլ առնելիք օ-  
 14 րինացն արդարացին: Այլ յորժամ  
 հեթանոսք որ զօրէնս ոչ ունին բնու-  
 թեամբ զօրինացն գործիցեն, նոքա որ  
 զօրէնս ոչ ունին՝ անձանց իւրեանց  
 15 իսկ են օրէնք. Որք ցուցանեն զգործս  
 օրինացն գրեալ ի սիրտս իւրեանց՝ վկա-  
 յութեամբ մտաց իւրեանց, եւ յանդի-  
 մանել զմիմեանս ի խորհրդոց իւր-  
 եանց, կամ թէ պատասխանի իսկ տալ.)  
 16 Յաւուրն յորում դատիցի Աստուած  
 զզաղտնիս մարդկան ըստ աւետարա-  
 նիս իմում ի ձեռն Յիսուսի Քրիստոսի:  
 17 Ապա եթէ դու Հրեայ անուանեալ  
 ես, եւ յեցեալ ես յօրէնսն, եւ պարծիս  
 18 յԱստուած, Եւ գիտես զկամս նորա,  
 եւ ընտրես զլաւն, եւ խրատեալ ես յօ-  
 19 րինացն. Վստահ ես յանձն քո առաջ-  
 նորդ լինել կուրաց, լոյս խաւարե-  
 20 լոց, Խրատիչ անզգամաց, վարդապետ

ողայոց, ունեւ զկերպարանս գիտութեան եւ ճշմարտութեան յօրինացն։  
 21 Իսկ արդ որ ուսուցանես զընկերն՝ զանձն քո ոչ ուսուցանես։ որ քարո-  
 22 զես չգողանալ՝ գողանաւ։ Որ ասես չչնալ չնաւ։ որ գարշիս ի մեհենաց՝  
 23 զսեղանս կողոպտես։ Որ օրինօքն պարծիս՝ յանցանել ըստ օրէնսն զԱս-  
 24 տուած անարգես։ Զի անուան Աստուծոյ վասն ձեր հայհոյի ի մէջ հեթանոսաց, որպէս եւ գրեալ է։  
 25 Աք. Թլփատութիւն օգնէ, եթէ զօրէնսն պահիցես։ ապա եթէ յանցաւոր օրինացն իցես, թլփատութիւն քո  
 26 անթլփատութիւն եղես։ Իսկ եթէ անթլփատութիւնն զիրաւունս օրինացն պահիցէ, ոչ ապաքէն անթլփատութիւն նորա ի թլփատութիւն հա-  
 27 մարեացի։ Եւ զատիցի որ ի բնէ անթլփատութիւնն է, զօրէնսն կատարելով, զքեզ որ գրովն եւ թլփատու-  
 28 թեամբն յանցաւոր օրինացն իցես։ Զի ոչ եթէ որ յայտնի Հրեայն է, եւ ոչ որ յայտնի մարմնով թլփատութիւնն,  
 29 Այլ որ ի ծածուկ Հրեայն է, եւ թլփատութիւն արտի, հոգևով եւ ոչ գրով։ որոյ գովութիւնն ոչ ի մարդկանէ է, այլ յԱստուծոյ։

ԴԼ. Գ

1 Իսկ արդ զի՞նչ աւելի է Հրէին, կամ զի՞նչ օգուտ ի թլփատութենէ անտի։  
 2 Բազում ինչ ամենայն իրօք. նախ այն իսկ՝ զի հաւատարիմ եղին պատգամքն  
 3 Աստուծոյ։ Իսկ արդ եթէ չէր հաւատացեալ ոմանց, միթէ անհաւատութիւն նոցա զԱստուծոյ հաւատսն խա-  
 4 փանէր։ քաւ լիցի։ Արդ եղիցի Աստուած ճշմարիտ, եւ ամենայն մարդ սուտ, որպէս եւ գրեալ է, Որպէս արգար եղիցես ի բանս քո, եւ յաղթես։  
 5 ցես ի դատել քեզ, Իսկ արդ եթէ ապիրատութիւն մեր զԱստուծոյ արգարութիւնն յանդիման կացուցանէ, զի՞նչ ասեմք։ միթէ անիրաւ ինչ է  
 6 Աստուած որ ածէ զարկութիւն։ Ըստ մարդկութեան ասեմք. քաւ լիցի։ ապա  
 7 թէ ոչ զիմարդ դատի Աստուած զայ-  
 8 տուծոյ յիմում ստութեանն առաւելաւ ի փառս նորա, զի՞ եւս ես իբրեւ

8 զմեղաւոր դատիմ։ Եւ կամ թէ որպէս հայհոյիմքն, եւ որպէս ասեն ոմանք զմէնջ ասել թէ Արասցուք զչար զի եկեսցէ բարի։ որոյ դատաստանքն յիրաւի են։  
 9 Եւ արդ ի՞նչ իւրիք առաւել իցեմք. ապաքէն եւ ոչ իւրիք. քանզի յառաջագոյն իսկ մեղադիր եղեաք Հրէից եւ հեթանոսաց, ամենեցուն ընդ մե-  
 10 զօք լինելոյ։ Որպէս եւ գրեալ է թէ  
 11 Ոչ ոք է արդար եւ ոչ մի։ Եւ ոչ գոյ որ իմանայ, եւ ոչ ոք է որ խնդրէ զԱս-  
 12 տուած։ Ամենեքեան խոտորեցան ի միասին եւ անպիտանացան։ ոչ ոք է որ առնէ զքաղցրութիւն, ոչ ոք է  
 13 մինչեւ ի մի։ Գերեզման բաց է կոկորդնոցա։ լեղուօք իւրեանց նենգաւորք եղեն։ Թոյնք իժից ի ներքոյ չրթանց  
 14 նոցա։ Որոց բերանք անիծիւք եւ զառ-  
 15 նութեամբ լի են։ Երազ են ոռք նոցա  
 16 հեղուլ զարիւն։ Բեկումն եւ թշուա-  
 17 ռութիւն ի ճանապարհս նոցա։ Եւ զճանապարհն խաղաղութեան ոչ ծա-  
 18 նեան։ Ոչ է երկեւղ Աստուծոյ առաջի աչաց նոցա։  
 19 ԲԳ. Բայց գիտեմք, որ ինչ միանգամ օրէնքն ասեն՝ այնոցիկ որ ընդ օրինօքն են, ասեն. զի ամենայն բերան խցի, եւ դատապարտ լիցի ամենայն  
 20 աշխարհ՝ Աստուծոյ։ Զի ի գործոց օրինաց ոչ արգարացի ամենայն մարմին առաջի նորա, քանզի օրինօքն է գիտութիւն մեղաց։  
 21 Բայց արդ առանց օրինացն իսկ արգարութիւնն Աստուծոյ յայտնեալ է՝ վկայեալ յօրինաց անտի եւ ի մարգատութիւնն Գանգի արգարութիւնն Աստուծոյ ի հաւատոց անտի Յիսուսի Քրիստոսի յամենայն հաւատացեալս։ եւ  
 23 ոչինչ է խտիր։ Քանզի ամենեքեան մեղան, եւ նուազեալ են ի փառաց անտի  
 24 Աստուծոյ։ Եւ արգարանան ճրի նորին չնորհօք ի ձեռն փրկութեանն որ ի  
 25 Քրիստոս Յիսուս։ Զոր յառաջն եզ Աստուած ի քաւութիւն ի ձեռն հաւատոցն արեամբն նորա, ի հանգէս արգարութեան նորա՝ վասն թողութեան յառաջագոյն մեղացն գործելոց ի ներքն  
 26 Աստուծոյ, ի հանգէս արգարութեան

111-24, յամենայն հի վերայ ամենեցուն որ հաւատան

նորա ի ժամանակի յայսմիկ . զի եղիցի նա արդար , եւ արդարացուցէ զայն 27 որ ի հաւատոցն Յիսուսի : Իսկ արդ ղէր կն պարծանքն . արդկան . յորոց օրինաց , ի գործոց անտի . ոչ , այլ ի 28 հաւատոցն օրինաց : Քանզի համարիմք հաւատովք արդարանալ մարդոյ ա- 29 ռանց գործոց օրինաց : Եթէ Հրէից միայն իցէ Աստուած եւ հեթանոսաց 30 ոչ . այո , եւ հեթանոսաց : Ձի եթէ մի է Աստուած որ արդարացուցանէ զթրփատութիւնն ի հաւատոց , ապա 31 տովք : Արդ զօրէնսն ինչ խափանեմք հաւատովքս . քաւ լիցի . այլ զօրէնսն հաստատեմք :

## ԳԼ. Դ

1 ԲԶ. Իսկ արդ զի՞նչ ասիցեմք զգտա- նելն Արրահամու նահապետին մերոյ 2 ըստ մարմնոյ : Ձի եթէ Արրահամու գործովք էր արդարացեալ , ունել ու- նէր պարծանս , այլ ոչ առ Աստուած : 3 Իսկ զի՞նչ ասիցէ գիր . Հաւատաց Ար- րահամ յԱստուած եւ համարեցաւ նմա 4 յարդարութիւն : Բայց այնմ որ գոր- ծիցէն , ոչ համարին վարձքն ըստ շնոր- 5 հաց՝ այլ ըստ պարտեաց , Իսկ այնմ որ ոչն գործիցէ , բայց հաւատացէ յայն որ արդարացուցանէ զամպարիշտս , հա- մարին հաւատք նորա յարդարութիւն : 6 Որպէս եւ Դաւիթ ասէ զերանութիւն մարդոյ որում Աստուած համարի ար- 7 դարութիւն առանց գործոց : Երանի որոց թողան անօրէնութիւնք , եւ ո- 8 րոց ծածկեցան մեղք իւրեանց , Երան- եալ է այր որում ոչ համարեցի Տէր 9 զմեղս նորա : Արդ երանութիւնս այս ի վերայ թրփատութեան է եթէ ի վերայ անթրփատութեան . քանզի ասեմք ե- թէ Համարեցան Արրահամու հաւատքն 10 յարդարութիւն : Արդ զի՞նչ համա- րեցան . մինչդեռ ի թրփատութեան էր եթէ յանթրփատութեան . ոչ ի թրփա- տութեանն , այլ յանթրփատութեան : 11 Եւ նշանակ առ զթրփատութիւնն , կնիք արդարութեան հաւատոցն որ յանթրփատութեանէ անտի . զի եղիցի նա հայր ամենայն հաւատացելոց որ յանթրփատութեանէ անտի իցեն , առ ի համարելոյ եւ նոցա յարդարութիւն :

12 Եւ հայր թրփատութեան՝ որոց ոչ ի թրփատութեանէ անտի եւեթ , այլ եւ որոց երթայցեն ընդ հետս անթրփա- տութեան հաւատոց հօր մերոյ Արրա- համու :

13 ԳԴ. Ձի ոչ եթէ օրինօքն են աւե- տիքն Արրահամու եւ զաւակի նորա ժառանգ լինել աշխարհի , այլ ի հաւա- 14 տոցն արդարութեանէ : Ձի եթէ որք յօ- րինացն են՝ ժառանգք իցեն , ապա ընդ- ունայն են հաւատքն , եւ դատարկ 15 աւետիքն : Քանզի օրէնքն զբարկու- թիւն գործեն . բայց ուր ոչ են օրէնք , 16 եւ ոչ յանցանք ինչ : Վասն այնորիկ ի հաւատոց անտի , զի ըստ շնորհացն իցէ , առ ի լինելոյ հաստատուն աւետ- եացն ամենայն զաւակին , ոչ այնմ միայն որ յօրինաց անտի , այլ եւ այնմ որ ի հաւատոցն Արրահամու , որ է հայր 17 մեր ամենեցուն . Որպէս եւ գրեալ է եթէ Հայր ազգաց բազմաց արարի զքեզ , առաջի Աստուծոյ որում հաւա- տաց 18 եթէ կենդանի առնէ զմեռեալս , 18 եւ կոչէ զչգոյն իբրեւ զգոյ . Որ յան- յոյսն յուսով հաւատաց լինել նմա հայր ազգաց բազմաց . որպէս եւ ասացան 19 թէ Այնպէս եղիցի զաւակ յո . Եւ նա ոչ երկմտեաց ի հաւատոցն 20 թէպէտ եւ հայեցաւ՝ ի մարմին իւր այնուհե- տեւ իբրեւ ի մեռեալ , քանզի զհա- րիւրամենիւք ուրեմն էր , եւ ի մեռե- 21 լութիւն արդանդին Սառայի : Բայց յաւետեացն Աստուծոյ ոչ երկմտեաց անհաւատութեամբ , այլ զօրացաւ հա- 22 տուովք , ետ փառս Աստուծոյ , Եւ հաստատեցաւ ի միտս իւր եթէ որ 23 իոստացաւն՝ կարող է առնել : Վասն որոյ համարեցաւ նմա յարդարութիւն 24 Արդ զի գրեցաւն ոչ թէ վասն նորա 25 միայն թէ համարեցաւ նմա . Այլ եւ վասն 3 մերոց համարելոց է , որք հա- ւատամք յայն որ յարոյցն զՅիսուս , 26 զՏէր մեր , ի մեռելոց . Որ մատնեցաւ վասն յանցանաց մերոց , եւ յարեաւ վասն զմեզ արդարացուցանելոյ :

## ԳԼ. Ե

1 Այսուհետեւ արդարացեալք ի հաւա-

տոյց անտի , խաղաղութիւն կալցու-  
առ Աստուած ի ձեռն Տեառն մերոյ  
2 Յիսուսի Քրիստոսի . Որով եւ զընծա-  
յութիւնն իսկ ընկալաք հաւատովք ի  
չնորհս յայսոսիկ յորում կամք եւ պար-  
3 ծիմք յուսով փառացն Աստուծոյ : Եւ  
ոչ այսչափ միայն , այլ եւ պարծիմք  
եւս ի նեղութիւնս մեր . քանզի գի-  
տեմք եթէ նեղութիւնք զհամբերու-  
4 թիւն գործին , Համբերութիւն զհան-  
5 դէս , հանդէս զոյս . Յոյս ոչ երբեք  
ամաչեցուցանէ . զի աէրն Աստուծոյ  
սփռեալ է ի սիրտս մեր ի ձեռն Հոգ-  
6 ւոյն Սրբոյ որ տուաւ մեզ , Ձի մինչ-  
դեռ տկարքն էաք , Քրիստոս վասն  
մեր ի ժամանակի ի վերայ ամպարը-  
7 տաց մեռաւ : Ձի վասն արգարոյ հա-  
զիւ ոք թէ մեռանիցի , այլ վասն բար-  
ւոյ թրեւս համարձակիցի ոք մեռա-  
8 նել , Յայտնեաց Աստուած զաէրն իւր  
ի մեզ , զի մինչդեռ մեղաւորքն էաք ,  
9 Քրիստոս վասն մեր մեռաւ . ո՛րչափ  
եւս առաւել յարգարանալս մերում  
այժմիկ արեամբն նորա՝ ապրեսցուք  
10 նովա ի բարկութենէ անտի : Ձի եթէ  
մինչ թշնամիքն էաք , հաշտեցաք ընդ  
Աստուծոյ մահուամբ Որդւոյ նորա ,  
ո՛րչափ եւս առաւել ի հաշտելս մերում  
11 ապրեսցուք կենօքն նորա : Եւ ոչ այս-  
չափ միայն , այլ եւ պարծիմք եւս յԱս-  
տուած ի ձեռն Տեառն մերոյ Յիսուսի  
Քրիստոսի , որով եւ զհաշտութիւնն  
իսկ ընկալաք :  
12 ԳՁ . Ձի որպէս ի միոջէ մարդոյ մեղք  
յայխարհ մտին եւ ի մեղաց անտի՝ մահ,  
եւ այնպէս յամենայն մարդիկ տարա-  
ծեցաւ մահ՝ որով ամենեքին մեղան :  
13 Քանզի մինչեւ յօրէնսն մեղք էին յաշ-  
խարհի , բայց մեղք ոչ համարին , ուր  
14 օրէնք ոչ իցեն : Այլ թագաւորեաց մահ  
յԱդամայ մինչեւ ի Մովսէս եւ ի վերայ  
չյանցուցելոցն ըստ նմանութեան յան-  
ցուածոցն Ադամայ , որ է օրինակ հան-  
15 դերձելոցն : Այլ ոչ որպէս յանցանքն  
նոյնպէս եւ չնորհն . զի եթէ միոյն  
յանցանօք բազումք մեռան , ո՛րչափ  
եւս առաւել չնորհն Աստուծոյ եւ  
պարգեւք , չնորհօք միոյն մարդոյ Յի-  
սուսի Քրիստոսի , ի բազումս առա-

ւելան : Եւ ոչ որպէս ի միոջէ յանցու-  
ցելոյն պարգեւք . զի դատաստանն՝  
ի միոջէ յանցուածոյ անտի՝ ի դատա-  
պարտութիւն , այլ չնորհն ի բազմաց  
17 յանցուածոցն յարգարութիւն : Ձի եթէ  
ի միոյն յանցանաց մահ թագաւորեաց  
միովն , ո՛րչափ եւս առաւել , որք զա-  
ռաւելութիւն չնորհաց եւ զպարգեւաց  
արդարութեանն առնուցուն , կենօք  
թագաւորեսցեն ի ձեռն միոյն Յիսու-  
18 սի Քրիստոսի : Ապա ուրեմն որպէս  
միոյն յանցանօք յամենայն մարդիկ  
դատապարտութիւն , նոյնպէս եւ միոյն  
արդարութեամբն յամենայն մարդիկ  
19 արդարութիւն կենաց : Ձի որպէս ան-  
հնազանդութեամբ միոյն մարդոյ մե-  
ղաւորք բազումք եղեն , նոյնպէս եւ  
հնազանդութեամբ միոյն արդարք բա-  
20 զումք եղիցին : Բայց օրէնք ի ներքս  
անկան , զի յանցանքն բազմացին .  
զի ուր առաւել եղեն մեղքն , առաւել  
21 եւս յաւելան չնորհն : Ձի որպէս թա-  
գաւորեցին մեղքն ի մահու անդ , նոյն-  
պէս եւ չնորհն թագաւորեսցեն ար-  
դարութեամբ ի կեանսն յաւիտենից ի  
ձեռն Յիսուսի Քրիստոսի Տեառն մե-  
րոյ :

ՎՁ

## ԳԼ. Զ

1 Իսկ արդ զի՞նչ ասիցեմք . յաճախես-  
ցուք ի մեղսն զի չնորհն բազմաս-  
2 ցին : Քաւ լիցի . որք մեռաք մեղացն՝  
զի՞մրդ տակաւին ի նմին կեցցեմք :  
3 Եթէ ո՛չ գիտէք զի որ միանգամ մկր-  
տեցաք ի Քրիստոս Յիսուս՝ ի մահ  
4 անդր նորա մկրտեցաք , թաղեցաք ընդ  
նմին մկրտութեամբն ի մահ , զի որ-  
պէս յարեաւ Քրիստոս ի մեռելոց փա-  
ռօքն Հօր , նոյնպէս եւ մեք ի նորո-  
5 գումն կենաց շրջեսցուք : Ձի եթէ  
տնկալից եղեաք նմանութեան մահու  
նորա , այլ եւ յարութեան նորա լինի-  
6 ցիմք : Ձայս գիտասցիք զի հին մարդն  
մեր խաչակից եղեւ նորա , զի խափա-  
նեսցի մարմին մեղացն , մի՞ եւս ծա-  
7 ռայիլ մեղ մեղացն : Ձի որ մեռանին՝  
8 արդարացեալ է ի մեղաց անտի . Իսկ  
եթէ մեռաք ընդ Քրիստոսի , հաւա-  
տամք թէ եւ կեցցուք ընդ նմա :

1 ի բազումս գոթսի

2 Յոյն , Բայց յայտնեաց

3 Կամ , զի

4 ի Յուդէ գոթսի

9 Գիտեմք եթէ Քրիստոս յարուցեալ է  
ի մեռելոց, այսուհետեւ ոչ մեռանի,  
10 եւ մահ նմա ոչ եւս տիրէ: Զի որ մե-  
ռան՝ մեղացն մեռաւ մի անգամ, եւ  
որ կենդանին է՝ կենդանի է Աստուծոյ:  
11 Նոյնպէս եւ դուք համարես՝ իբրեւ  
ձինս մեռեալս մեղացն, եւ կենդանիս  
Աստուծոյ ի Քրիստոս Յիսուս ի Տէր  
մեր:

12 Դպ. Մի՛ այսուհետեւ թագաւորես-  
ցեն մեղք ի մահկանացու մարմինս ձեր՝  
13 հնազանդել ցանկութեանց նորա. եւ  
մի՛ պատրաստէք զանդամս ձեր զէն-  
անիրաւութեան՝ մեղացն, այլ պատ-  
րաստեցէք զանձինս ձեր Աստուծոյ,  
որպէս ի մեռելոց ի կենդանիս, եւ  
զանդամս ձեր՝ զէն արդարութեանն  
14 Աստուծոյ. Զի մեղք ձեզ ոչ տիրե-  
ցին. քանզի ոչ էք ընդ օրինօք, այլ  
ընդ շնորհօք:

15 Իսկ արդ զիս՝ մեղիցո՞ւք զի  
չեմք ընդ օրինօք, այլ՝ ընդ շնորհօք:

16 քաւ լիցի. Ո՛չ գիտէք թէ որում  
պատրաստէք զանձինս ձեր ծառայս ի  
հնազանդութիւն՝ ծառայ էք որում  
հնազանդիքն. եթէ մեղաց՝ մահու, եւ  
եթէ ի հնազանդութիւն՝ արդարու-  
17 թեան. Այլ շնորհք Աստուծոյ. զի էիք  
ծառայք մեղաց, հնազանդեցարուք ի  
սրտէ որում աւանդեցայք յառակ վար-  
18 դպաւնութեան. Արդ ազատեալք ի  
մեղաց՝ ծառայեցէք արդարութեան:

19 Մարդկօրէն ասեմ վասն տկարութեան  
մարմնոյ ձերոյ. զի որպէս պատրաս-  
տեցէք զանդամս ձեր ծառայս պղծու-  
թեան եւ անօրէնութեան յանօրէնու-  
թիւն, նոյնպէս եւ այժմ պատրաստե-  
ցէք զանդամս ձեր ծառայս արդարու-  
20 թեան ի սրբութիւն. Զի մինչ ծա-  
ռայքն էիք մեղաց, ազատացեալք էիք  
21 յարդարութենէն. Իսկ արդ զի՛նչ  
պտուղ ունէիք յայնժամ, որովք այժմդ  
զամօթի հարեալ էք. զի վախճան նո-  
22 ցա մահ է. Բայց արդ ազատացեալք  
ի մեղացն եւ ծառայեալք Աստուծոյ,  
ունիք զպտուղ ձեր ի սրբութիւն, եւ  
23 վախճան նորա կեանք յաւիտենից. Զի  
թողակն մեղաց մահ է, այլ շնորհքն  
Աստուծոյ կեանք յաւիտենից ի Քրիս-  
տոս Յիսուս ի Տէր մեր:

## ԳԼ. Ե

1 Դպ. Եթէ ո՛չ գիտէք, եղբարք, (զի  
ընդ գիտունս օրինացն խօսիմ,) զի օ-  
րէնք տիրեն մարդոյ որչափ ժամանակս  
2 կենդանի իցէ. Քանզի կին առնակին  
ի կենդանի այր իւր կապեալ կայ օրի-  
նօք. Իսկ եթէ մեռանիցի այրն, ար-  
3 ձակեալ է յօրինաց առնն. Ապա ու-  
րեմն մինչ կենդանի է այրն, չուն կո-  
չի, եթէ լինիցի առն այլում. եւ եթէ  
մեռանիցի այրն, ազատ է յօրինացն,  
չհամարեալ չուն՝ եթէ լինիցի առն այ-  
4 լում. Այսուհետեւ եւ դուք, եղբարք,  
մեռարուք օրինացն մարմնովն Քրիս-  
տոսի, լինել այլում որ ի մեռելոցն յա-  
րուցեալ է, զի պտղաբերք լիցուք Աս-  
5 տուծոյ. Քանզի մինչ էաքն մարմնով,  
կարիք մեղաց որ օրինօքն էին՝ զօրա-  
նային յանդամս մեր, առ ի պտղաբերս  
6 առնելոյ զմեզ մահու. Բայց այժմ դա-  
տարկացաք յօրինաց անտի. քանզի  
մեռաք այնմիկ որով ըմբռնեալն էաք՝  
առ ի ծառայել մեզ նորոգութեամբ  
Հոգւոյն եւ ոչ հնութեամբ գրոյն:

7 Իսկ արդ զի՛նչ ասեմք. օրէնքն  
մեղք իցեն. քաւ լիցի. այլ զմեզս ոչ  
գիտէի, եթէ ոչ օրինօքն. եւ զցան-  
կութիւնն ոչ ճանաչէի, եթէ ոչ օրի-  
նացն էր ասացեալ, Մի՛ ցանկանայ-  
8 ցես. Պատճառս առին մեղքն պատ-  
ուիրանաւն, եւ գործեցին յիս զամե-  
նայն ցանկութիւն. զի առանց օրի-  
9 նաց մեղքն մեռեալ էին. եւ ես առանց  
օրինացն երբեմն էի կենդանի, այլ  
իրեւ եհաս յիս պատուիրանն, մեղքն  
10 կենդանացան, եւ ես մեռայ. եւ գտաւ  
ինձ պատուիրանն որ ի կեանսն էր,  
11 նոյն ի մահ. Զի մեղացն պատճառս առ-  
եալ պատուիրանաւն խաբեցին զիս,  
եւ նովին սպանին:

12 Դք. Այսուհետեւ օրէնքն սուրբ են,  
եւ պատուիրանն սուրբ եւ արդար  
եւ քարերար:

13 Իսկ արդ ինձ բարի՛ն մահ եղեւ.  
քաւ լիցի. այլ մեղքն, զի երեւեցին  
մեղքն բարեաւն գործել ինձ զմահ, զի  
եղիցին ըստ առաւելութեան մեղքն  
14 մեղաւոր ի ձեռն պատուիրանին. Գի-  
տեմք զի օրէնքն հոգեւոր են, այլ ես  
մարմնաւոր եմ՝ ընդ մեղօք վաճառեալ:

15 Զի զոր գործեմն ոչ գիտեմ, ոչ եթէ  
զոր կամիմն զայն առնեմ, այլ զոր  
16 ատեամն՝ զայն գործեմ, Ապա թէ զոր  
ոչն կամիմ՝ զայն առնեմ, վկայեմ օ-  
17 րինացն եթէ բարեոք են: Այլ արդ՝  
ոչ եթէ ես գործեմ զայն, այլ բնական  
18 յիս մեղքն: Իհտեմ զի ոչ բնական է  
յիս, այսինքն է ի մարմնի իմում, բարի  
ինչ: զի կամքն առաջի կան ինձ, եւ  
19 առնել զբարին՝ ոչ: Զի ոչ եթէ զոր  
կամիմ զբարին առնեմ, այլ զոր ոչն  
20 կամիմ զչարս՝ զայն գործեմ: Ապա եթէ  
զոր ոչն կամիմ՝ զայն առնեմ, ոչ եւս ես  
առնեմ զայն՝ այլ բնական յիս մեղքն:  
21 Եւ արդ՝ գտանեմ զօրէնս այնորիկ՝  
որ կամիցին առնել յիս զբարին: եւ  
22 ինձ՝ չարն առաջի կայ: Հաճեալ եմ  
բնդ օրէնսն Աստուծոյ ըստ ներքին  
23 մարդոյն: Բայց տեսանեմ այլ օրէնս  
յանդամս իմ, զինեալ հակառակ օրի-  
նաց մտաց իմոց, եւ գերեալ զիս օրի-  
24 նօքն մեղաց՝ որ են յանդամս իմ: Այր  
մի տառապեալ եմ ես. ո՞վ ապրեցուս-  
25 ցէ զիս ի մարմնոյ աստի մահու: Այլ  
չնո՛ր՝ք Աստուծոյ ի ձեռն Յիսուսի  
Քրիստոսի Տեսուն մերոյ:  
Եւ. Ապա ուրեմն ես ինքնին մտօք  
իմովք ծառայեմ օրինացն Աստուծոյ,  
եւ մարմնով օրինացն մեղաց:

ԳԼ Ը

1 Թէ այդպէս իցէ, ոչինչ դատապար-  
տութիւն է այնոցիկ որ ի Քրիստոս  
2 Յիսուս: Զի օրէնք հոգւոյն կենաց  
ի Քրիստոս Յիսուս ազատեցին զիս  
3 յօրինաց մեղացն եւ մահու: Զի որ  
անհնարինն էր օրինացն յորով տկա-  
րանայրն՝ մարմնով, Աստուած զՈրդին  
իւր առաքեաց ինմանութիւն մարմնոյ  
մեղաց, եւ վասն մեղաց, եւ դատա-  
4 պարտեաց զմեղս ի մարմնի անդ: Զի  
արդարութիւն օրինացն կատարեցի  
ի մեզ, որք ոչ ըստ մարմնոյ գնայցեմք,  
5 այլ ըստ հոգւոյն: Զի որք ըստ մարմ-  
նոյն են՝ զմարմնոյն խորհին, եւ որք  
6 ըստ հոգւոյն՝ զհոգւոյն: Զի խորհուրդ

մարմնոյ մահ է, եւ խորհուրդ հոգւոյն՝  
7 կեանք եւ խաղաղութիւն: Քանզի  
խորհուրդ մարմնոյ թշնամութիւն է  
յԱստուած, զի օրինացն Աստուծոյ ոչ  
8 հնազանդի: նա եւ կարէ իսկ ոչ: Զի  
որ մարմնովն են՝ Աստուծոյ հաճոյ լինել  
9 ոչ կարեն: Բայց դուք ոչ էք մարմնով,  
այլ՝ հոգւով, եթէ իցէ Հոգին Աստու-  
ծոյ ի ձեզ բնական: ապա եթէ որ  
զՀոգին Քրիստոսի ոչ ունի, սա չէ  
10 նորա: Իսկ եթէ Քրիստոս ի ձեզ է,  
ապա մարմին մեռեալ է վասն մեղաց.  
եւ հոգին կենդանի է վասն արդարու-  
11 թեան: Եթէ Հոգի այնորիկ որ յարոյց  
զՅիսուս ի մեռելոց՝ բնական է ի ձեզ,  
ապա եւ որ յարոյցն զՔրիստոս ի մե-  
ռելոց՝ կենդանացուցէ զմահկանացու  
մարմինս ձեր բնական Հոգւովն իւ-  
րով ի ձեզ: Վ. Զ.  
12 Այսուհետեւ, եղբարք, պարտապան  
եմք ոչ մարմնոյ ըստ մարմնոյ կեալ:  
13 Զի թէ ըստ մարմնոյ՝ կեցէք, մեռա-  
նելոց էք: Իսկ եթէ Հոգւով զգործս  
14 մարմնոյ սպանանիցէք, կեցջիք: Զի  
որ Հոգւովն Աստուծոյ վարին, նոքա  
15 են որդիք Աստուծոյ: Զի ոչ առէք  
զհոգին ծառայութեան միւսանդամ  
յերկեւղ, այլ առէք զհոգին որդեգրու-  
թեան, որով աղաղակեմք Արքա Հայր:  
16 Նոյն ինքն Հոգին վկայէ հոգւոյս մե-  
17 րում, եթէ եմք որդիք Աստուծոյ: եւ  
եթէ որդիք, ապա եւ ժառանգք: Ժա-  
ռանգք Աստուծոյ, եւ ժառանգակիցք  
Քրիստոսի: եթէ չարչարանացն կցորդ  
լինիմք, եւ փառացն հաղորդ լինելոց  
եմք:

18 Ինձ այսպէս թուի եթէ ոչ են ար-  
ժանի չարչարանք ժամանակիս հան-  
դերձելոց փառացն որ յայտնելոց են  
19 ի մեզ: Զի ակնկալութիւն արարա-  
ծոց յայտնութեան սրգւոյն Աստուծոյ  
20 սպասէ: Զի ընդունայնութեան արա-  
բածքն հնադանդեցան, ոչ իւրեանց  
կամաւ, այլ վասն այնորիկ որ հնա-  
21 զանդեցոյցն յուսով, Զի եւ ինքեանք  
իսկ արարածքն ազատեցին ի ծառա-  
յութենէ ապականութեան յաղատու-  
թիւն փառաց որդւոյն Աստուծոյ:  
22 Քանզի գիտեմք եթէ ամենայն արա-  
բածք հեծեն եւ երկնեն մինչեւ ցայժմ:

1 Յ. 12, Եւ արդ գտանեմ զօրէնս, զի յորժամ  
կամիմ առնել զբարին, ինձ:

2 Ո՛րք, Յիսուս, որ ոչ գնան ըստ մարմնոյ,  
այլ ըստ հոգւոյ

3 Եւ. Զի ազատեցի

1 Յ. 12, կեայք



23 Եւ ոչ այսչափ միայն, այլ եւ մեք իսկ որ զպտուղ Հոգւոյն ունիմք՝ անձամբ յանձինս մեր հեծեմք, որդեգրութեանն ակն կալեալ՝ փրկութեան մարմնոյ մե-  
 24 րոյ: Ձի յուսով ապրեցաք: այլ յոյս տեսանելի չէ յոյս: զի զոր տեսանէ  
 25 ոք՝ զի՞ եւս յուսայ: Ապա եթէ զոր ոչն տեսանեմք՝ յուսամք, համբերու-  
 26 թեամք ակն ունիմք: Նոյնպէս եւ Հոգին ի թիկունս հասանէ տկարու-  
 թեանս մերում: զի զոր կամքն յա-  
 զօթս՝ որպէս արժան իցէ ոչ գիտեմք: այլ ինքնին Հոգին բարեխօս լինի ի  
 27 հեծութիւնս անմոռնչս: Բայց որ քննէն զսիրտս՝ գիտէ զինչ խորհուրդ է Հոգւոյն, զի ըստ Աստուծոյ բարե-  
 խօսէ վասն սրբոց:  
 28 Բայց զիտեմք եթէ որոց սիրենն զԱս-  
 տուած՝ չյամենայնի զործակից լինի ի բարիս՝ որք հրաւիրանաւն կոչեցան:  
 29 Ձի զորս յառաջն ճանաչէր՝ յառաջա-  
 գոյն եւ հրաւիրեաց կերպարանակից լինել  
 պատկերի Որդւոյն իւրոյ: զի եղիցի նա անդրանիկ ի մէջ եղբարց  
 30 բաղմաց: Եւ զորս յառաջագոյնն հրա-  
 խրեաց՝ զնոսին եւ կոչեաց: Եւ զորս կոչեացն՝ զնոսին եւ արդարացոյց: Եւ  
 զորս արդարացոյցն՝ զնոսին եւ փա-  
 31 ռաւորս արար: Իսկ արդ զինչ ասեմք առ այս: Եթէ Աստուած ի մեր կոյս  
 32 է, ո՞վ իցէ մեր հակառակ: Որ յիւր Որդին ոչ խնայեաց, այլ վասն մեր ա-  
 մենեցուն մատնեաց վնաս, զիւրոյ ոչ նուազ հանդերձ զամենայն չնորհիցէ  
 33 մեզ: Ո՞վ իցէ որ մեղադիր լինիցի ընտ-  
 րելոց Աստուծոյ: Աստուած է որ ար-  
 34 դարացուցանէ: Իսկ արդ ո՞վ է որ դատապարտ առնիցէ: Քրիստոս Յի-  
 սուս՝ որ մեռաւն, մանաւանդ թէ յա-  
 րուցեալ իսկ է, եւ է ընդ աջմէ Աս-  
 տուծոյ, որ եւ բարեխօս իսկ է վասն  
 35 մեր: Արդ ո՞վ մեկնեցէ զմեզ ի սի-  
 րոյն Քրիստոսի: Նեղութիւն, թէ անձկութիւն, թէ հալածանք, թէ սով,  
 թէ մերկութիւն, թէ վիշտք, թէ  
 36 սո՞ւր: Որպէս եւ զրեալ է, վասն քո մեռանիմք զօրհանապաղ, համարեցաք  
 37 իրեւ զոչխար ի սպանդ: Այլ յայտ  
 ամենայնի տառել յաղթեմք նուազ:  
 38 որ սիրեացն զմեզ: Քանզի հաստատեալ

եմ եթէ ոչ մահ եւ ոչ կեանք եւ ոչ հրեշտակք եւ ոչ իշխանութիւնք, եւ ոչ որ կանս եւ ոչ հանդերձեալքն, եւ  
 39 ոչ զօրութիւնք, Եւ ոչ բարձրութիւն եւ ոչ խորութիւն, եւ ոչ այլ ինչ արա-  
 րած կարէ մեկնել զմեզ ի սիրոյ անտի Աստուծոյ, որ ի Քրիստոս Յիսուս ի Տէր մեր:

## ԳԼ. Թ

1 ԵՂ. Ստուգութեամբ ասեմ ի Քրիս-  
 տոս եւ ոչ ստեմ, վկայեն ինձ միտք  
 2 իմ ի Հոգի Սուրբ, Ձի արտմութիւն  
 է ինձ յոյժ եւ անպակաս ցաւք սրտի  
 3 իմոյ: Ձի ուխտիւք խնդրէի ես իսկ  
 ինքնին նզով լինել ի Քրիստոսէ վասն  
 եղբարց իմոց եւ ազգականաց ըստ  
 4 մարմնոյ, Որ նն իսրայելացիք: որոց  
 որդեգրութիւնն եւ փառքն եւ կտա-  
 կարանքն եւ օրէնսդրութիւնն եւ պաշ-  
 5 տօնն եւ աւետիքն: Որոց հարքն, յո-  
 րոց եւ Քրիստոս ըստ մարմնոյ, որ է  
 ի վերայ ամենեցուն Աստուած օրհնեալ  
 6 յաւիտեանս: Ամէն: Ոչինչ է մարթ  
 եթէ անկաժ լինիցի բանն Աստուծոյ:  
 զի ոչ ամենեքեան որ յիսրայելէն են,  
 7 նոքա իսրայելեանք իցեն: Եւ ոչ որ  
 զաւակն Արրահամու են՝ ամենեքեան  
 որդիք իցեն: այլ իսահակաւ կոչեացի  
 8 քեզ զաւակ: Այսինքն թէ ոչ որ որդիք  
 մարմնոյն են՝ են որդիք Աստուծոյ, այլ  
 9 որդիք աւետեացն համարին ի զաւակ:  
 Քանզի աւետեաց իսկ է բանս այս, թէ  
 ի ժամանակի յայսմիկ եկից, եւ եղիցի  
 10 որդի Սառայի: Եւ ոչ այնչափ միայն  
 այլ ի Հոնքեկայ, ի միողէ անկողնոյ ի-  
 11 սահակայ հօր մերոյ: Ձի մինչչեւ ծնեալ  
 էին, եւ մինչչեւ բարի ինչ կամ չար  
 զործեալ էր, (զի ըստ ընտրութեանն  
 յառաջադրութիւնն Աստուծոյ հաստա-  
 12 տեացի, Ոչ ի գործոց, այլ յայնմանէ որ  
 13 կոչեացն,) ասացաւ նմա թէ, Երէցն  
 կրտսերոյն ծառայեացէ: որպէս եւ  
 զրեալ է թէ, Ձեակովք սիրեցի, եւ  
 զնսաւ ատեցի:  
 14 Իսկ արդ զինչ ասեմք: միթէ անի-  
 րաւութիւն իցէ յԱստուծոյ: քաւ լիցի  
 15 Ձի Մովսիսի ասէ, Ողորմեցայց որում  
 ողորմեցայցն, եւ զթացայց յոր գթա-  
 16 ցայցն: Ապա ոչ ըստ այնմ ինչ է որ  
 կամիցին, եւ ոչ ըստ այնմ՝ որ ընթա-

նայցէ, այլ ըստ Աստուծոյ որ ողորմի։  
 17 ԵՁ. Քանզի ասէ գիր ցՓարաւոն թէ, վասն այնորիկ գրգռեցի զքեզ, զի ի քեզ ցուցից զզօրութիւն իմ, եւ պատմեսցի անուն իմ ընդ ամենայն երկիր։  
 18 Ապա ուրեմն ում կամի ողորմի, եւ  
 19 իւմ կամի խտանայ։ Իսկ արդ ասիցես թէ, Մեղ եւս զի՞ զնէ, զի կամաց նորա՞ ոչ ոք կայ՝ հակառակ։ Իսկ արդ դու ռժեշ, մարդ, որ ՚պատասխանի տաս Աստուծոյ. միթէ ասիցէ ստեղծուածն ցատեղծիչն թէ Լնդէր  
 21 այդպէս արարեր զիս։ Եթէ ոչ ունիցի իշխանութիւն բրուան կաւոյն, ի նմին զանգուածոյ առնել անօթ՝ զոմն  
 22 ի պատիւ եւ զոմն յանարդանս։ Ապա եթէ կամէր Աստուած ցուցանել զբարկութիւն, եւ յայտնի առնել զզօրութիւն իւր, ՚զոր համբերն՝ բազում երկայնմտութեամբ անօթոցն բարկութեան՝ պատրաստելոցն ի կորուստ։ Ձի յայտնի արասցէ զմեծութիւն փառաց իւրոց ի վերայ անօթոցն ողորմութեան, զոր ՚պատրաստեաց ի փառս։  
 21 Ձորս եւ կոչեաց զմեզ, ոչ միայն ի  
 25 Հրէից, այլ եւ ի հեթանոսաց։ Որպէս եւ յիմաւէ ասէ, կոչեցից զոր ոչ ժողովուրդն իմ՝ ժողովուրդ ինձ, եւ  
 26 զչսիրեցեալն՝ սիրեցեալ։ Եւ եղիցի ի տիւղոջ յորում ասացաւ նոցա թէ, Ոչ ժողովուրդ իմ զուգ, անդ կոչեացին նոքա որդիք Աստուծոյ կենդանւոյ։  
 27 Եսայի աղաղակէ վասն Իսրայելի, եթէ իցէ թիւ որդւոցն Իսրայելի իբրեւ զաւազ ծովու՝ ճակաւ ինչ մնացորդք  
 28 մնացնն։ Ձի բան մի հակիրճ եւ համառօտ արդարութեամբ, զբանն հակիրճ արասցէ Տէր ի վերայ երկրի։  
 29 Եւ որպէս ասէ Եսայի, եթէ ոչ Տեառն զօրութեանց թողեալ էր մեզ զաւակ, իբրեւ զՍողոմ լինէաք եւ Գոմորոյ նմանէաք։  
 30 ԶԿ. Իսկ արդ զի՞նչ ասիցեմք. զի հեթանոսք որ ոչ երթային զհետ արդարութեան՝ հասին արդարութեան, այնմ արդարութեան՝ որ ի հաւատոց անտի։

31 Այլ Իսրայել երթայր զհետ օրինացն արդարութեան, եւ յօրէնս արդարութեանն ոչ ժամանեաց։ Լնդէր. զի ոչ ի հաւատոց այլ իբրեւ ի գործոց օրինաց. քանզի գիթեցին նոքա առ վիմին  
 33 գայթակղութեան. Որպէս եւ զրեալ է, Ահաւասիկ զնեմ ի Սիովն քար գայթակղութեան եւ վէմ զլորման, եւ ամենայն որ հաւատասցէ ի նա մի՛ ամաչեսցէ։

ԳԼ. Ժ

1 Եղբարք, իմ կամք սրտի եւ աղօթք առ Աստուած վասն նոցա են ի փրկութեան։ Քանզի վկայեմ նոցա՝ թէ զնախանձ Աստուծոյ ունին, այլ՝ ոչ զիտութեամբ։ Ձի տգէտ են Աստուծոյ արդարութեանն, եւ զիւրեանցն խնդրեն կացուցանել, զի արդարութեանն  
 4 Աստուծոյ ոչ հնազանդեցան։ Քանզի կատարած օրինացն Քրիստոս է յարդարութիւն ամենայն հաւատացելոց։  
 5 ԶԿ. Մովսէս զրէ զարդարութիւնն որ յօրինաց անտի է, եթէ արասցէ  
 6 զայն մարդ, կեցցէ նովին։ Իսկ զհաւատոցն արդարութեանէ այսպէս ասէ, Մի՛ ասիցես ի սրտի քում, Ո՛վ եւանիցէ յերկինս, այսինքն է զՔրիստոս  
 7 իջուցանել. կամ, Ո՛վ իջանիցէ յանդուռնդս, այսինքն է զՔրիստոս հանել  
 8 ի մոռելոց։ Այլ զի՞նչ ասէ Պիլ. Մերձ է քանն, ի բերան քո եւ ի սրտի քում է, այսինքն է բանն հաւատոց զոր քարոզեմք։ Ձի եթէ խոստովանեցես րեւանով քով Տէր զՅիսուս, եւ հաւատասցես ի սրտի քում թէ Աստուած  
 10 յարոյց զնա ի մոռելոց, կեցցես։ Ձի սրտիւ հաւատայք յարդարութիւն, եւ բերանով խոստովանիք ի փրկութիւն։  
 11 Քանզի ասէ գիր, Ամենայն որ հաւատասցէ ի նա՝ մի՛ ամաչեսցէ։ Ձի ոչ գոյ խտրի Հրէի եւ հեթանոսի. քանզի նոյն Տէր է ամենեցուն, բաւական յամենայն որ կարդասցէ զանուն Տեառն՝ կեցցէ։  
 14 Իսկ զիմրդ կարդասցին յոր ոչն հաւատացին. կամ զիմրդ հաւատասցեն

<sup>1</sup>Եւն, զոր կամի խտանուցանէ

<sup>2</sup>Եւն, ՚ եկաց

<sup>3</sup>Եւն, հակառակ պատասխանի

<sup>4</sup>Եւն, համբեր

<sup>5</sup>Եւն, յաւաքագոյն պատրաստեաց

<sup>6</sup>Եւն, քանզի զիմրդ

<sup>7</sup>Ուն, Իսրայելի

<sup>8</sup>Ուն, բանն առ քեզ

<sup>9</sup>Եւն, զիմրդ

որում ոչն լուան. կամ զիա՞րդ լսւի-  
 15 ցին առանց ուրուք քարոզելոյ. կամ  
 զիա՞րդ քարոզեսցին, եթէ ոչ առաքեա-  
 ցին. որպէս եւ գրեալ է, Իբրեւ զի՝  
 գեղեցիկ են ոտք աւետարանչացն խա-  
 զաղութեան եւ աւետարանչացն բա-  
 16 րութեան. Այլ ոչ ամենեւեմ հնա-  
 զանդ եղեն աւետարանին. Եսայի ա-  
 զաղակէ, Տէր, ո՞ հաւատաց լրոյ մե-  
 17 րում. Ապա ուրեմն հաւատք ի լսելոյ  
 են, եւ լուր ի բանէն <sup>1</sup>Քրիստոսի. ՎՋ.  
 18 Այլ ասեմ, Միթէ ոչ լուան. մա-  
 նաւանդ զի Ընդ ամենայն երկիր ել  
 բարբառ նոցա, եւ ընդ ծագս տիեզե-  
 19 րաց խօսք նոցա. Այլ ասեմ, Միթէ  
 Իսրայէլ ոչ գիտաց. նախ Մովսէս ասէ,  
 Ես նախանձեցուցից զձեզ ոչինչ ժո-  
 ղովորեալմբ, եւ աղգաւ անմտաւ զկծե-  
 20 ցուցից զձեզ. Բայց Եսայի համարձակի  
 իսկ եւ ասէ, Գտայ այնոցիկ որ զիս  
 ոչ ինդրէին, յայտնի եղէ այնոցիկ որ  
 21 զինէն ոչ հարցանէին. Այլ առ Իսրա-  
 յէլ ասէ, Չոր ամենայն ձգեցի զձեռս  
 իմ առ ժողովուրդ անհաւան եւ հա-  
 կառակող:

## ԳԼ. ԺԱ

1 ԶԶ. Իսկ արդ ասեմ, Միթէ մերժեա՞ց  
 Աստուած զժողովուրդ իւր. քաւ լիցի.  
 քանի զի եւ ես Իսրայելացի եմ, ի դա-  
 ւանէ Աբրահամ, յաղգէ Բենիամինի.  
 2 Ոչ մերժեաց Աստուած զժողովուրդ  
 իւր զոր յառաջն ծանեաւ. Թէ ոչ գի-  
 տէք յեղիա զինչ ասէ գիր, ո՞րպէս  
 ամբաստան լինի Աստուծոյ զԻսրայելէ,  
 3 Տէր, զմարգարէս քո կոտորեցին եւ  
 զսեղանս քո կործանեցին. ես մնացի  
 4 միայն, եւ խնդրեն զանձն իմ. Այլ  
 զինչ ասէ նմա պատասխանին. Թողի  
 ինձ, ասէ, եւթն հազար այր, որ ոչ  
 5 կրկնեցին ծուր Բահաղու. Նոյնպէս  
 եւ յայտ ժամանակի մնացորդք ըստ  
 6 ընտրութեան չնորհայն եղեն. Իսկ  
 եթէ չնորհօք, ոչ եւս ի դործոյ. ապա  
 Թէ ոչ՝ չնորհն ոչ եւս չնորհք լինին.<sup>2</sup>  
 7 Իսկ արդ զոր խնդրէին Իսրայէլ, այնմ  
 ոչ եհաս. բայց ընտրութիւնն եհաս,

8 եւ այլքն կուրացան, (Որպէս գրեալ է,  
 Ես նոցա Աստուած հոգի յիմարու-  
 թեան, աչս՝ որովք ոչ տեսանիցեն, եւ  
 ականջս՝ որովք ոչ լսիցեն.) մինչեւ  
 9 ցայսօր ժամանակի. Եւ Դաւիթ ասէ,  
 Եղիցին սեղանք նոցա յորոգայթ եւ  
 յորս եւ ի գայթակղութիւն եւ ի հա-  
 10 տուցումն նոցին. Խաւարեացին աչք  
 նոցա զի մի՛ տեսցին, եւ զթիկունս  
 11 նոցա հանապաղ կորացոյ. Իսկ արդ  
 ասեմ, Միթէ վասն այնորի՞կ յանցեալ  
 զի կործանեցին. քաւ լիցի. այլ նոցա  
 յանցանօքն փրկութիւն հեթանոսաց,  
 12 զի նախանձ արկցէ նոցա. Իսկ եթէ  
 յանցանքն նոցա մեծութիւն աշխարհի,  
 եւ պարտութիւն նոցա մեծութիւն հե-  
 թանոսաց, ո՞րչափ եւս առաւել լրու-  
 թիւն նոցա.  
 13 ԷԿ. Այլ ձեզ ասեմ հեթանոսաց, ցոր-  
 քան ժամանակս իցեմ հեթանոսաց ա-  
 ռաքեալ, զպաշտօնն իմ փառաւոր առ-  
 14 նեմ, Զի թերեւս նախանձ արկից  
 նոցա մարմնով իմով՝ եւ ապրեցուցից  
 15 զոմանս ի նոցանէ. Զի եթէ մերժումն  
 նոցա հաշտութիւն աշխարհի է, իսկ  
 ընդունելութիւնն զինչ իցէ, եթէ ոչ  
 16 կենդանութիւնն ի մեռելոց. Իսկ եթէ  
 սկիզբն սուրբ է, եւ զանգուածն. եւ  
 17 եթէ արմատն՝ ապա եւ ոստքն. Եթէ  
 յոստոց անտի ոմանք փչրեցան, եւ դու  
 որ ձիթնիւզ վայրենի էիր՝ պատուաս-  
 տեցար ի նոսա, եւ բաժանորդ եղեր  
 արմատոյն եւ պարարտութեան ձի-  
 18 թնւոյն, Մի՛ պարծիր առ ոստովքն.  
 ապա եթէ պարծիցիս, ոչ եթէ դու  
 զարմատն ի վեր ունիս, այլ՝ արմատն  
 19 զքեզ. Իսկ արդ ասիցես, Ոստքն փըշ-  
 20 րեցան, զի ես պատուաստեցայց, Բար-  
 ւոք է, անհաւատութեամբն փչրեցան,  
 եւ դու հաւատովք հաստատեցար. մի՛  
 21 հպարտանար, այլ երկիր. Զի եթէ Աս-  
 տուած ի բուն ոստն ոչ խնայեաց,  
 զուցէ երբեք եւ ի քեզ ոչ խնայեացէ.  
 22 Արդ տես զքաղցրութիւն եւ զսասա-  
 կութիւնն Աստուծոյ. ի վերայ կործա-  
 նելոցն սաստկութիւն, եւ ի վերայ քո՝  
 քաղցրութիւն <sup>4</sup>Աստուծոյ, եթէ կայ-  
 ցես ի նմին քաղցրութեան. ապա Թէ  
 23 ոչ՝ եւ դու կոճոպեցիս. Եւ նոքա

<sup>1</sup>Ուստ, Աստուծոյ<sup>2</sup>Ուստ, յաւելան, Իսկ եթէ ի գործոց, ոչ եւս  
 եւ չնորհք. ապա Թէ ոչ գործն ոչ եւս գործ  
 լինի.<sup>3</sup>ՅԵԿԵ, նախանձեցուցից զմարմնն իմ  
<sup>4</sup>ՅԵԿԵ, պաշտ

եթէ ոչ ի նմին անհաւատութեանն  
կայցեն, պատուաստեսցին. զի կարող է  
Աստուած միւսանգամ պատուաստել  
24 զնոսա. Զի եթէ դու ի բուն ի վայրենի  
ձիթինուոյ անտի հատար, եւ յանրուն  
քո ի բարի ձիթինուոյն պատուաստե-  
ցար, որչափ եւս առաւել նոքա որ  
լուսնքն իսկ են՝ պատուաստեսցին յիւր-  
եանց ձիթինուոյն.   
25 Է՛Ք. Ոչ կամիմ, եղբարք, եթէ տգէտք  
իցէք խորհրդոյս այսմիկ, զի մի՛ յան-  
ձինս ձեր իցէք իմաստունք. զի կու-  
րութիւն փոքր ի շատէ եղեւ Իսրա-  
յելի, մինչեւ լրումն հեթանոսաց մտցէ,  
26 եւ ապա ամենայն Իսրայէլ կեցցէ.  
որպէս եւ գրեալ է, Եկեսցէ ի Սիոնէ  
Փրկիչ, եւ դարձուցէ զամպարչտու-  
27 թիւնսն ի Յակովքայ. եւ այս նոցա  
որ յինէն ուխտ, յորժամ բարձից զմեզս  
28 նոցա. Ըստ աւետարանիս թշնամիք  
են վասն ձեր, ըստ ընտրութեանն՝ սի-  
29 լեյիք վասն հարցն. Քանզի անգեղջ  
են շնորհքն եւ կոչումն Աստուծոյ.  
30 Զի որպէս եւ դուք երբեմն ապստամբք  
էիք յԱստուծոյ, եւ արդ ողորմութիւն  
գտէք առ նոցա ապստամբութեամբն,  
31 նոյնպէս եւ նոքա այժմ ապստամբք  
եղին առ ձերով ողորմութեամբ, զի  
32 եւ՝ նոքա ողորմութիւն գտցեն. Քան-  
զի արգել Աստուած զամենեսին յան-  
հաւանութիւն, զի ամենեցուն ողոր-  
մեսցի.   
33 Ո՛վ խորք մեծութեան եւ իմաստու-  
թեան եւ գիտութեանն Աստուծոյ,  
որպէս առանց քննելոյ են դատա-  
տանք նորա, եւ առանց զննելոյ են  
34 ճանապարհք նորա. Զի ո՛վ գիտաց  
զմիտս Տեառն, կամ ո՛վ խորհրդակից  
35 եղեւ նմա. կամ ո՛վ ետ նմա փոխ,  
36 եւ առնուցու փոխարէն ի նմանէ. Զի  
ի նմանէ եւ նովաւ եւ ի նոյն ամենայն.  
Նմա փառք յաւիտեանս. Ամէն.

ԳԼ ԺԲ

1 Աղայեմ զձեզ, եղբարք, գթու-  
թեամբն Աստուծոյ՝ պատրաստել  
զմարմինս ձեր պատարագ կենդանի,  
սուրբ, հաճոյ Աստուծոյ, զխօսուն  
2 պաշտօնդ ձեր. եւ մի՛ կերպարանիք

կերպարանօք աշխարհիս այսորիկ, այլ  
նորոգեցարուք ի նորոգութիւն մտաց  
ձերոց, առ ի քննել ձեզ զլաւն, եւ՝  
եթէ զինչ են կամքն Աստուծոյ՝ բարին  
եւ հաճոյն եւ կատարեալն.   
3 Զայս ասեմ շնորհօքն Աստուծոյ որ  
տուեալ են ինձ, ամենայնի որ է ի ձեզ,  
մի՛ առաւել ինչ խորհել քան զարժանն  
խորհելոյ, այլ խորհել ի զգաստանալ  
իւրաքանչիւր՝ որպէս եւ բաժանեաց  
4 Աստուած չափ հաւատոց. Որպէս ի  
միում մարմնի անդամս բազումս ու-  
նիմք, եւ անդամքն ամենայն ոչ զնոյն  
5 գործ ունին. նոյնպէս եւ բազումքս  
մի մարմն եմք ի Քրիստոս, այլ իւ-  
րաքանչիւր միմեանց անդամք եմք.   
6 Բայց ունիմք մեք շնորհս ըստ շնոր-  
հացն, որ տուեալ են մեզ ազգս ազգս.  
եթէ մարգարէութիւն՝ ըստ չափոյն  
7 հաւատոց, եթէ պաշտօն՝ ըստ պաշ-  
տամանն, եթէ որ ուսուցանէն՝ ըստ  
8 վարդապետութեանն, եթէ որ միսի-  
թարէն՝ ըստ միսիթարութեանն. որ  
առատն է՝ զուարթութեամբ, որ վե-  
րակացուն է՝ փութով, որ ողորմին՝  
9 լրջմտութեամբ. Սէր առանց կեղծա-  
ւորութեան, ատեալ զչար, զհետ եւ-  
10 թալ բարեաց. Յեղբայրսիրութեան  
առ միմեանս գթածք. ի պատիւ զմի-  
14 մեամբք ելանել. ի փոյթ՝ մի՛ վհնհ-  
րոտք. հոգւով եռացէք. Տեառն ծա-  
12 ռայեցէք. Յուսով խնդացէք. նեղու-  
թեան համբերեցէք. աղօթից ստէպ  
13 կացէք. ի պէտս սրբոց հաղորդեցա-  
րուք. զհիւրասիրութեան զհետ եւ-  
14 թայք. Օրհնեցէք զհալածիչս ձեր, օրհ-  
15 նեցէք եւ մի՛ անիծանէք. Խնդալ ընդ  
16 խնդացողս, լալ ընդ լացողս. Զնոյն  
միմեանց խորհիջիք. մի՛ ամբարտա-  
ւանէք, այլ ընդ խոնարհս զիջանիցիք.  
մի՛ լինիք իմաստունք յանձինս ձեր.   
17 Մի՛ ումեք չարի չար հատուցանէք.  
խորհեցարուք զբարիս առաջի ամե-  
18 նայն մարդկան. Եթէ հնար ինչ իցէ  
ձեզ, ընդ ամենայն մարդկան զխաղա-  
19 ղութիւն կալջիք. Մի՛ զանձանց վրէժ  
խնդրէք, սիրելիք, այլ տուք տեղի  
բարկութեան. քանզի գրեալ է, Իմ է  
վրէժխնդրութիւն, եւ ես հատուցից,  
20 ասէ Տէր. Այլ եթէ քաղցեալ իցէ

18-Յն, եղեն, զի առ ձերով ողորմութեամբք եւ

2ի բազմա գութութի

Թշնամին քո, հաց տուր նմա, եւ եթէ ծարաւի՝ ջուր տուր նմա. զայս արարեալ կայծակունա հրոյ կուտեսցես 21 Ի գլուխ նորա. Մի՛ յաղթիր ի չարէ, այլ յաղթեա բարեաւն չարին:

## ԳԼ. ԺԳ

1 Ամենայն անձն որ ընդ իշխանութեամբ իցէ՝ ի հնազանդութեան կացցէ. քանզի ոչ ուստեք է իշխանութիւն, եթէ ոչ յԱստուծոյ. եւ որ ենն՝ 2 յԱստուծոյ կարգեալ են: Այսուհետեւ որ հակառակ կայ իշխանութեանն՝ Աստուծոյ հրամանին հակառակ կայ, եւ որք հակառակն կան՝ անձանց դատաստանս ընդունին: 2 Ա իշխանքն ոչ են յերկեւզ բարեաց գործոց, այլ չարաց. կամիս չերկնչել յիշխանութենէ անտի. գրարիս գործեա, եւ ընկալցիս գովու: 4 Թիւն ի նմանէ. 2 ի Աստուծոյ պաշտօնեայ է քեզ ի բարիս. ապա եթէ չար գործիցես, երկիր. զի ոչ եթէ վայրապար ածեալ է սուսեր ընդ մէջ. Աստուծոյ սպասաւոր է վրէժխնդիր ի բարկութիւն այնմ՝ որ զչարն գործիցէ. Վասն որոյ հարկ է հնազանդ լինել՝ ոչ միայն վասն բարկութեանն, 6 այլ եւ վասն խղճի մտացն: Վասն այնորիկ եւ հարկա հարկանէք, զի Աստուծոյ սպասաւորք են՝ ի նոյն կան: 7 Խեալք, Արդ հատուցէք իւրաքանչիւր զպարտոս. որում զհարկ՝ զհարկն, որում զմաքս՝ զմաքսն, որում զերկեւզ՝ զերկեւզն, որում զպատիւ՝ զպատիւն: 8 Եւ մի՛ ումեք պարտապան գտանիցիք, բայց զմիմեանս սիրելոյ. զի որ 9 սիրէ զընկերն՝ զօրէնսն կատարէ. 2 Մի՛ չնայցես, եւ Մի՛ սպանանիցես, եւ Մի՛ գողանայցես, եւ Մի՛ սուտ վկայիցես, եւ Մի՛ ցանկանայցես, եւ եթէ այլ ինչ պատուիրան է՝ յայն բան բովանդակի, եթէ Սիրեսցես զընկեր քո 10 Իրեւ. զանձն քո: Սէր ընկերի իւրում չար ոչ առնէ. լրումն օրինացն սէր է: 11 Եւ զայս գիտասցիք վասն ժամանակիս, զի արդ ժամ իսկ է մեզ ի քնոյ զարթնուլ. զի այժմ մերձ է մեզ փրկուելիւն քան յորժամ հաւատագաքն: 12 Գիշերն մերժեցաւ եւ տիւն մերձեցաւ. ի բաց արասցուք այսուհետեւ զգործսն խաւարի, եւ զգեցցուք զգէնն լուսոյ:

13 Իբրեւ ի տուրնջեան զգաստացեալք շրջեսցուք, մի՛ անառակութեամբք եւ արքեցութեամբք, եւ մի՛ խառն անկողնովք եւ պղծութեամբք, եւ մի՛ նու: 14 Խանձու եւ հակառակութեամբ. Այլ զգեցարուք զՏէր Յիսուս Քրիստոս, եւ մարմնոյ խնամ մի՛ տանիք ի ցանկութիւնս:

## ԳԼ. ԺԵ

1 Այլ զտկարացեալն ի հաւատո ընկալարուք՝ մի՛ խղճիւ երկմտութեանց. 2 Ոմն հաւատայ ուստել զամենայն, եւ 3 որ հիւանդն է՝ բանջար կերիցէ. Որ ուտէն, զայն որ ոչն ուտէ՝ մի՛ անգոսնացէ, եւ որ ոչն ուտէ, զայն որ ուտէն՝ մի՛ դատեսցի. քանզի Աստուած 4 զնա ընկալաւ. Դու ո՞վ ես որ դատիս զայլոյ ծառայ. իւրում Տեառն կայ կամ անկանի. բայց կացցէ, զի կարող 5 է՝ Տէրն հաստատել զնա: Ոմն պահէ 6 օր ըստ օրէ եւ ոմն պահէ զօրհանապազ. իւրաքանչիւր ոք զիւր միտ: 7 Հաճեսցէ. Որ խորհի զօրն՝ Տեառն խորհի, եւ որ ոչն խորհի զօրն՝ Տեառն չխորհի. եւ որ ուտէ՝ Տեառն ուտէ, եւ գոհանայ զԱստուծոյ. եւ որ ոչն ուտէ՝ Տեառն չուտէ, եւ գոհանայ զԱստուծոյ. 2 Ա ի մէջ անձամբ 8 կեայ, եւ ոչ անձամբ մեռանի. Եթէ կեամք, Տեառն կեամք, եւ եթէ մեռանիմք, Տեառն մեռանիմք. եւ արդ եթէ՝ կեամք եւ եթէ՝ մեռանիմք, 9 Տեառն եմք: Քանզի ի նոյն իսկ եւ Քրիստոս մեռաւ եւ եկեաց, զի մեռելոց եւ կենդանեաց առ հասարակ տիրեսցէ. Դու զի՞ դատիս զեղբայր քո, կամ ընդէ՞ր անգոսնես զեղբայր քո, քանզի ամենեքին կալոց եմք առաջի 11 ատենին Քրիստոսի. 2 Ա զբեալ է, կենդանի եմ ես, ասէ Տէր, զի ինձ կրկնեսցի ամենայն ծունր, եւ ամենայն 12 լեզու խոստովան լիցի Աստուծոյ. Ապա ուրեմն իւրաքանչիւր ոք ի մէջ ընդ 13 անձին համարս տացէ Աստուծոյ. Այսուհետեւ մի՛ զմիմեանս դատեսցուք, այլ առաւել զայս զի՞ք ի մտի՝ չդնել 14 զայթակղութիւն եղբօրն. 2 Այս զի՞-

1 Ոմն, Աստուած

2 Յիւ, գաթի

3 Բաւ, իսկ եւ զայթակղութիւն

տեմ եւ հաստատեալ եմ ի Քրիստոս  
Թիսուս, զի ոչինչ է պիղծ նովաւ,  
բայց այնմ որ համարիցի ոք ինչ պիղծ՝  
15 նմա է պիղծ։ Զի եթէ վասն կերակրոյ  
եղբայրն քո տրտմի, ոչ եւս սիրով  
գնացեր։ մի՛ կերակրովն քով գնա կո-  
րուսաներ, վասն որոյ Քրիստոսն մե-  
16 ռաւ։ Մի՛ հայհոյեսցի բարին ձեր։  
17 Զի ոչ է արքայութիւնն Աստուծոյ կե-  
րակուր եւ ըմպելի, այլ՝ արդարու-  
թիւն եւ խաղաղութիւն եւ խնդու-  
18 թիւն ի Հոգին Սուրբ։ Զի որ յայսմ  
ծառայէ Քրիստոսի, հաճոյ է Աստու-  
19 ծոյ, եւ ընտիր՝ մարդկան։ Ապա այ-  
սուհետեւ գնետ երթիցուք զխաղա-  
ղութեան եւ զշինութեան որ առ մի-  
20 մեանս։ Մի՛ վասն կերակրոյ քակեր  
զգործ Աստուծոյ. ամենայն ինչ սուրբ  
է, այլ չար այնմ մարդոյ է որ խղճիւն  
21 ուտիցէ։ Լաւ է ոչ ուտել միս եւ ոչ  
ըմպել գինի, եւ ոչ որով եղբայրն քո  
գայթակղի կամ զթէ կամ տկարանայ։  
22 Դու ապաքէն հաւատոս ունիս, կալ  
առանձինն առաջի Աստուծոյ. երանի  
որ ոչ դատիցի զանձն որով զընկերն  
23 փորձիցէ։ Բայց որ խղճէն, թէպէտ  
եւ ուտիցէ, դատապարտեալ է, զի ոչ  
ըստ հաւատոց է, զի ամենայն ինչ որ  
24 ոչ ի հաւատոց է՝ մեղք են։ Ս. Այլ այնմ  
որ կարողն է հաստատել զձեզ ըստ ա-  
ւետարանիս իմում եւ ըստ քարոզու-  
թեանն Թիսուսի Քրիստոսի, ըստ յայտ-  
նութեան խորհրդոյն ժամանակօքն յա-  
25 լիսենից լռեցելոյ, եւ յայտնելոյ այժ-  
միկ ի ձեռն գրոց մարգարէականաց  
ըստ հրամանի մշտնջենաւորին Աս-  
տուծոյ ի հնազանդութիւն հաւատոց,  
26 յամենայն հեթանոսս ծանուցելոյ, Մի-  
այնոյ իմաստնոյն Աստուծոյ, ի ձեռն  
Թիսուսի Քրիստոսի, որում փառք յա-  
ւիտեանս։ Ամէն։

ԳԼ. ԺԵ

1 Է. Պարտ է մեզ որ կարողս եմք՝  
զտկարութիւն տկարացն բաժնալ, եւ  
2 մի՛ անձանց եւեթ հաճոյ լինել, Այլ

<sup>1</sup> Ե. Եւ, ի գայթակղութիւն

<sup>2</sup> Ի Եւսիս գլխի

<sup>3</sup> Զայս հարստութեան անձն ուր Գլխի, Բաւար-  
ի Կարողութիւն ԺԶ Գլխի եւեթ. Իւս Կարող, Իւս  
Կարող, եւ ուր եւ Կարող։

իւրաքանչիւր ոք ի մէջ ընկերին հա-  
ճոյ լիցի ի բարիս վասն շինութեան։  
3 Քանզի եւ Քրիստոս ոչ եթէ անձին  
հաճոյ եղեւ, այլ որպէս եւ գրեալ է,  
Նախատինք նախատչաց քոց անկան ի  
4 վերայ իմ։ Բայց որ ինչ գրեցաւ՝ ի  
մեր վարդապետութիւն գրեցաւ, զի  
համբերութեամբ եւ մխիթարութեամբ  
5 գրոց զյոյսն ընկալցուք։ Այլ Աստուած  
համբերութեան եւ զամենայն մխիթա-  
րութեան՝ տացէ ձեզ զնոյն խորհել  
ընդ միմեանս ըստ Թիսուսի Քրիստո-  
6 սի։ Զի միաբանութեամբ ի մի բերան  
փառաւոր առնիցէք զԱստուած եւ  
զՀայր Տեառն մերոյ Թիսուսի Քրիս-  
7 տոսի։ Վասն որոյ ընկալարուք զմի-  
մեանս, որպէս եւ Քրիստոս ընկալաւ  
ձեզ ի փառս Աստուծոյ։  
8 Այլ ասեմ թէ Քրիստոսի սպասաւոր  
թլիփատութեանն լինել վասն ճշմար-  
տութեանն Աստուծոյ էր, առ ի հա-  
տատուն առնելոյ զաւետիս հարցն։  
9 Այլ հեթանոսք վասն ողորմութեան  
փառաւոր առնեն զԱստուած. որպէս  
եւ գրեալ է, Վասն այսորիկ գոհացայց  
զքէն ի հեթանոսս, եւ անուան քում  
10 սաղմոս ասացից։ Եւ դարձեալ ասէ թէ՝  
Ուրախ լերուք, հեթանոսք, ընդ ժո-  
11 ղովրդեան նորա։ Եւ դարձեալ թէ՝ Օրհ-  
նեցէք, ամենայն հեթանոսք, զՏէր, եւ  
գովեցէք զնա, ամենայն ժողովուրդք։  
12 Եւ դարձեալ Եսայի ասէ, Եղիցի ար-  
մատն Յեսսեայ, եւ որ կանգնելոցն է  
ի իշխան հեթանոսաց, ի նա հեթանոսք  
13 յուսասցին։ Այլ Աստուած յուսոյ լի  
արասցէ զձեզ ամենայն խնդութեամբ  
եւ խաղաղութեամբ, առաւելուլ ձեզ  
յուսով զօրութեամբ Հոգւոյն Սրբոյ։  
14 Է. Հաստատեալ եմ եւ ես ինքնին,  
եղբարք իմ, վասն ձեր, զի եւ դուք  
լի էք բարութեամբ, լի էք ամենայն  
գիտութեամբ, կարող էք եւ զմիմեանս  
15 խրատել։ Այլ համարձակագոյնս գրեցի  
առ ձեզ, <sup>6</sup> եղբարք, փոքր ի շատէ,  
իրեւ յիշեցուցանելով ձեզ վասն շնոր-  
հացն որ տուեալ են ինձ յԱստուծոյ։  
16 Լինել ինձ սպասաւոր Թիսուսի Քրիս-  
տոսի ի հեթանոսս, ըղձակերտս առնել  
զաւետարանն Աստուծոյ, զի եղիցի

<sup>4</sup> Ուրախ, զմեզ

<sup>5</sup> Ուրախ, Թիսուսի Քրիստոսի

<sup>6</sup> Ի Բաւարս գլխի

պատարադն հեթանոսաց ընդունելի  
 47 սրբեալ Հոգւոյն Սրբով, Ունիմ այս  
 սուհետեւ պարծանա ի Քրիստոս Յիւ  
 48 սուս առ Աստուած: Քանզի ոչ իշխեմ  
 խօսել ինչ զոր ոչ գործեաց Քրիստոս  
 ինեւ ի հնազանդութիւն հեթանոսաց  
 49 բանիւք եւ արդեամբք, Զօրութեամբ  
 նշանաց եւ արուեստից, զօրութեամբ  
 Հոգւոյն Սրբոյ, որպէս ինձ յերուսա-  
 ղեմէ եւ շուրջ մինչեւ ի կողմանս Լիւ-  
 50 րիկացւոց լնուլ զաւետարանն Քրիս-  
 տոսի: Այնպէս առատացեալ յաւետա-  
 րանել, ոչ ուր անուանեցաւ Քրիստոս,  
 զի մի՛ իբրեւ յայլոյ հիման վերայ չի-  
 նիցեմ, այլ որպէս եւ գրեալ է թէ,  
 24 Որոք ոչ պատմեցաւ վասն նորա՝ տեւ-  
 ցեն, եւ որոք ոչ իցէ լուեալ՝ ի միտ  
 22 առցեն: Վասն որոյ շատ խափանեցայ  
 23 զայ առ ձեզ: Բայց արդ ոչ եւս գոյ  
 ինձ տեղի ի կողմանս յայտոսիկ, եւ  
 անձուկ յոյժ ունիմ ի բազում ամաց  
 24 զայ առ ձեզ, Յորժամ անցանիցեմ ի  
 Սպանիա, ակն ունիմ յանցանիսն առ  
 նոսա՝ տեսանել զձեզ, եւ ի ձէնջ յու-  
 ղարկել անդր, եթէ նախ իսկ փոքր  
 25 ի շատէ ձեւք լցայց, Բայց այժմ եր-  
 թամ յերուսաղէմ պաշտել զսուրբան:  
 26 Քանզի հաճոյ թուեցաւ Մակեդոնա-  
 ցւոցն եւ Աքայեցւոցն հաղորդութիւն  
 ինչ առնել ընդ աղքատս սրբոցն որ  
 27 ենն յերուսաղէմ: Հաճոյ թուեցաւ,  
 քանզի եւ պարտապան իսկ են նոցա:  
 զի եթէ հոգեւորացն նոցա հաղորդ ե-  
 ղեն հեթանոսք, պարտին եւ մարմնա-  
 28ւորացն կցորդ լինել: Արդ զայս կա-  
 տարեալ եւ կնքեալ զպտուղ նոցա,  
 29 անցից առ ձեւք ի Սպանիա: Զայս զի-  
 տեմ, զի ի զալն իմում առ ձեզ՝ լրու-  
 թեամբ օրհնութեան Զաւետարանին  
 Քրիստոսի եկից:  
 30 Էւ. Աղաչեմ զձեզ, եղբարք, ի ձեռն  
 Տեառն մերոյ Յիսուսի Քրիստոսի  
 եւ սիրով Հոգւոյն, պատերազմակից  
 լինել ինձ յաղօթս վասն իմ առ Աս-  
 31 տուած: Զի ապրեցայց յապտում-  
 բացն որ ի Հրէաստանի են: Եւ պաշ-  
 տմն իմ որ յերուսաղէմ՝ ընդունելի  
 32 լիցի սրբոցն: Զի խնդութեամբ եկեալ  
 առ ձեզ ի կամս Աստուծոյ, հանգեայց

33 ընդ ձեզ, Եւ Աստուած խաղաղու-  
 թեան եղիցի ընդ ձեզ ամենեւեմն,  
 Ամէն:

## ԳԼ. ԺԶ

1 Յանձն առնեմ ձեզ զՓիբէ զբոյր  
 մեր, որ է սպասաւոր եկեղեցւոյն  
 2 Կենքրացւոց: Զի զնա ընկալիք ի  
 Տէր արժանի սրբոց, եւ վերակացու  
 լինիջիք նմա յոր պէտս իրաց եւ կո-  
 չեսցէ զձեզ: Քանզի եւ նա վերա-  
 կացու եղեւ բազմաց, եւ ինձ իսկ ի  
 զլիտովին:  
 3 Ողջոյն տաջիք Պրիսկեայ եւ Ակիւ-  
 ղայ՝ գործակցաց իմոց ի Քրիստոս Յի-  
 4 սուս: Որք ընդ անձին իմոյ զիւրեանց  
 պարանոցս մատուցին: զորոց ոչ ես  
 միայն գոհանամ, այլ եւ ամենայն ե-  
 5 կեղեցիք հեթանոսաց: Եւ առտնին  
 եկեղեցւոյն նոցա: Ողջոյն տաջիք Ն-  
 պենտեայ սիրելւոյ իմոյ՝ որ է պտուղ  
 6 Սախացւոց ի Քրիստոս: Ողջոյն տաջիք  
 Մարեայ՝ որ բազում վաստակս վա-  
 7 տակեաց ի ձեզ: Ողջոյն տաջիք Անդ-  
 րոնիկեայ եւ Յունեայ ազգականաց  
 իմոց եւ գերեկցաց, որք երեւելիքն  
 իսկ են յառաքեալս, որք եւ յառաջ  
 8 իսկ քան զիս եղեն ի Քրիստոս: Ողջոյն  
 տաջիք Ամպղեայ սիրելւոյ իմոյ ի Տէր:  
 9 Ողջոյն տաջիք Ուրբանեայ գործակցի  
 իմոյ ի Տէր, եւ Ստաքեայ սիրելւոյ  
 10 իմոյ: Ողջոյն տաջիք Ապեղեայ՝ որ ըն-  
 11 տիրն է ի Տէր: Ողջոյն տաջիք նոցա  
 որ յԱրիստաբուղեայ տանէ անտի են:  
 Ողջոյն տաջիք Հերովդիոնեայ ազգա-  
 կանի իմոյ: Ողջոյն տաջիք այնոցիկ  
 որք ի Նարկիսեայ տանէն իցեն ի Տէր:  
 12 Ողջոյն տաջիք Տրիփոսեայ եւ Տրիփո-  
 նեայ վաստակաւորաց ի Տէր: Ողջոյն  
 տաջիք Պերսիդեայ սիրելւոյ, որ բա-  
 զում վաստակս վաստակեաց ի Տէր:  
 13 Ողջոյն տաջիք Ռուփայ ընտրելոյ ի  
 14 Տէր, եւ մօր նորա եւ իմոյ: Ողջոյն  
 տաջիք Ասիւնկրիտեայ, Փղեգոնտեայ,  
 Երմայ, Պատրոբայ, Երմեայ, եւ որ  
 15 ընդ նոսա եղբարք իցեն: Ողջոյն տա-  
 ջիք Փիղոզոգեայ, եւ Յուդեայ, Ներ-  
 կայ եւ քեռ նորա, եւ Ողիմպեայ, եւ  
 որ ընդ նոսա սուրբք ամենեքին իցեն:

16 Ողջոյն տալիք միմեանց ի համբոյր  
սրբութեան. ողջոյն տան ձեզ <sup>1</sup>ամե-  
նայն եկեղեցիք՝ Քրիստոսի:  
17 Էջ. Աղաչեմ զձեզ, եղբարք, զիտել  
զայնպիսին որ հերձուածս եւ գայ-  
թակղութիւնս ատնիցեն արտաքոյ  
վարդապետութեանն զոր դուքն ու-  
սարուք. եւ խորշեցարուք ի նոցանէ:  
18 Զի այնպիսիքն Տեառն մերում <sup>2</sup>Քրիս-  
տոսի ոչ ծառայեն, այլ իւրեանց որո-  
վային. եւ քաղցրաբանութեամբ եւ  
օրհնութեամբ պատրին զսիրտս անմե-  
19 ղաց. Զի ձեր հնազանդութիւնդ առ  
ամենեւեան հասեալ է. եւ արդ ի ձեզ  
ուրախ եմ. բայց կամիմ զձեզ իմաս-  
տունս լինել ի բարիս, եւ անմեղս՝ ի  
20 չարիս. եւ Աստուած խաղաղութեան  
խորտակեցէ զՍատանայ ընդ ոտիւք  
ձերովք մերձ ընդ մերձ. Շնորհք Տեառն  
մերոյ Յիսուսի Քրիստոսի ընդ ձեզ:  
21 Ողջոյն տալ ձեզ Տիմոթէոս <sup>3</sup>եղբայր  
եւ՝ գործակից իմ եւ Ղուկիոս եւ Յա-

սոֆն եւ Սոսիպատրոս՝ աղգականք իմ.  
22 (Ողջոյն տամ ձեզ եւ ես Տերտիոս, որ  
23 զթուղթս գրեցի, ի Տէր.) Ողջոյն տալ  
ձեզ Գայիոս ասպնջական իմ եւ ամե-  
նայն եկեղեցւոյն. Ողջոյն տալ ձեզ Ե-  
րաստոս շահապ քաղաքիս եւ Կուար-  
տոս եղբայր:  
24 Այլ այնմ, որ կարողն է հաստատել  
զձեզ ըստ աւետարանիս իմում, եւ  
ըստ քարոզութեանն Յիսուսի Քրիս-  
տոսի, ըստ յայտնութեան խորհրդոյն  
25 ժամանակօքն յաւիտենից լոեցելոյ, Եւ  
յայտնելոյ այժմիկ ի ձեռն գրոց մար-  
գարէականաց ըստ հրամանի մշտնջե-  
նաւորին Աստուծոյ, ի հնազանդութիւն  
հաւատոց, յամենայն հեթանոսս ծա-  
26 նուցելոյ, Միայնոյ իմաստնոյն Աստու-  
ծոյ ի ձեռն Յիսուսի Քրիստոսի, նմա  
27 փառք յաւիտեանս. Ամէն. <sup>3</sup>Շնորհք  
Տեառն մերոյ Յիսուսի Քրիստոսի ընդ  
ձեզ ամենեւեան.  
Աւ Համմայեցի- Էրեցաւ է Կորնէլի- է յեռն  
Փիլեթ, օգնականքի:

<sup>1</sup> Յուդայացիք

<sup>2</sup> Ողբ, Յիսուսի Քրիստոսի

<sup>3</sup> Ի Յուդայացիք

<sup>4</sup> Ողբ, յաւիտեան, Շնորհք Տեառն մերոյ Յիսուսի  
Քրիստոսի ընդ ձեզ ընդ ամենեւեան. Ամէն.



# ԱՌ ԿՈՐՆԹԱՑԻՍ

## ԱՌԱՋԻՆ ԹՈՒՂԹ

### ՎՆՈՒԻ Ա

1 ԱՎ. ՊԱՒԼՈՍ, կոչեցեալ առաքեալ  
Յիսուսի Քրիստոսի կամօքն Աստու-  
2 ծոյ, եւ Սոսթենէս եղբայր. Եկեղեց-  
ւոյդ Աստուծոյ որ է ի Կորնթոս, նուի-  
րելոց ի Քրիստոս Յիսուս, կոչեցելոց  
սրբոց, ամենեքումք հանդերձ որք  
կարդան զանուն Տեառն մերոյ Յիսու-  
սի Քրիստոսի յամենայն տեղիս՝ նոցա  
3 եւ մեր. Ենորհք ընդ ձեզ եւ խաղա-  
ղութիւն յԱստուծոյ Հօրէ մերմէ եւ  
ի Տեառնէ Յիսուսէ Քրիստոսէ:  
4 Գոհանամ զԱստուծոյ իմոյ յամե-  
նայն ժամ վասն ձեր ի վերայ շնոր-  
հացն Աստուծոյ որ տուեալ են ձեզ  
5 ի Քրիստոս Յիսուս. Զի յամենայնի  
մեծացարուք դուք նովաւ ամենայն  
6 բանիւ եւ ամենայն գիտութեամբ. Որ-  
պէս վկայութիւնն իսկ Աստուծոյ հաս-  
7 տատեցաւ ի ձեզ. Զի դուք մի՛ նուա-  
զիցիք եւ մի՛ իւրիշ շնորհօք, ակնկա-  
լեալ յայտնութեանն Տեառն մերոյ Յի-  
8 սուսի Քրիստոսի. Որ եւ հաստա-  
տեսցէ զձեզ մինչեւ ի կատարած ա-  
նարատս յօրն Տեառն մերոյ Յիսուսի  
9 Քրիստոսի. Հաւատարիմ է Աստուած,  
որով կոչեցարուք ի հաղորդութիւն  
Որդւոյ նորա Յիսուսի Քրիստոսի  
Տեառն մերոյ:  
10 ԱՋ. Աղայեմ զձեզ, եղբարք, ան-  
ուամբն Տեառն մերոյ Յիսուսի Քրիս-  
տոսի. զի զնոյն բանն ունիցիք ամե-  
նեքումն, եւ մի՛ իցեն ի ձեզ հեր-  
ձուածք. 'բանդի էիք'՝ հաստատեալք  
11 ի նոյն միտս եւ ի նոյն հանճար. Ազդ  
եղիւ ինձ վասն ձեր, եղբարք, ի  
Քղուացւոց անտի, թէ հակառակու-

12 Թիւնք են ի ձեզ. Եւ արդ տեսմ իող,  
եթէ իւրաքանչիւր ոք ի ձէնջ առէ,  
եւ Պաւղոսեան եմ, եւ մեւան՝ եթէ  
եւ Ապոլոսեան եւ մեւան՝ եթէ եւ  
Կեփայեան. եւ մեւան՝ եթէ եւ Քրիս-  
13 տոսեան. Իսկ արդ բաժանեալ ինչ  
իցէ Քրիստոս. միթէ Պաւղոս ի խաչ  
ելեալ իցէ վասն ձեր, կամ յանուն  
14 Պաւղոսի՝ մկրտեցարուք. 'Գոհանամ  
զԱստուծոյ իմոյ զի'՝ ոչ զոք ի ձէնջ  
մկրտեցի բայց միայն զԿրիստոս եւ  
15 զԳայիոս, զի մի՛ ոք ասիցէ, Թէ յիմ  
16 անուն մկրտեցարուք. Տալ ետաւ կնիք  
եւ տանն Ստեփանեայ. զայլ ոք ոչ գի-  
տեմ ամենեւին թէ մկրտեցի:  
17 Զի ոչ առաքեաց զիս Քրիստոս մկր-  
տել, այլ աւետարանել. ոչ ճարտարու-  
թեամբ բանից, զի մի՛ ընդունայն լիցի  
18 խաչն Քրիստոսի. Զի ճառ խաչին կո-  
րուսելոցն յիմարութիւն է, այլ փրկե-  
19 լոցս մեզ՝ զօրութիւն Աստուծոյ. Զի  
գրեալ է, Կորուսից զիմաստութիւն ի-  
մաստնոց, եւ զխորհուրդս խորհրդա-  
20 կանաց արհամարհեցից. Ո՛ւր իմաս-  
տուն, ո՛ւր դպիր, ո՛ւր քննիչ աշխար-  
հիս այսորիկ. ո՛չ ապաքէն յիմարեցոյց  
Աստուած զիմաստութիւն աշխարհիս  
21 այսորիկ. Քանզի իմաստութեամբն Աս-  
տուծոյ ոչ ծանեաւ աշխարհ իմա-  
տութեամբն զԱստուած, հաճեցաւ  
Աստուած յիմարութեամբ քարոզու-  
թեանն ապրեցուցանել զհաւատացեալս  
22 ԲՎ. Իսկ որովհետեւ Հրեայք նշան  
հայցեն, եւ հեթանոսք իմաստութիւն  
23 խնդրեն, Մեք քարոզեցուք զխաչի-  
եայն Քրիստոս, Հրէից գայթակղու-

2 ի Յուդէոս գալուստ

2 ի Յուդէոս, Գոհանամ զի. այլ՝ Գոհանամ զԱս-  
տուծոյ զի. Գոհանամ զի, Գոհանամ զի, Գո-  
հանամ զԱստուծոյ իմոյ զի

թիւն եւ հեթանոսաց յիմարութիւն .  
 24 Բայց նոցին իսկ կոչելոյն Հրէից եւ  
 հեթանոսաց, զԲրիստոս Աստուծոյ  
 զօրութիւն եւ Աստուծոյ իմաստու-  
 25 թիւն : Զի յիմարն Աստուծոյ իմաստ-  
 նադոյն է քան զմարդիկ, եւ տկարն  
 Աստուծոյ զօրագոյն է քան զմարդիկ .  
 26 Թէպէտ եւ զձեր իսկ կոչումնդ տեսէք,  
 եղբարք, զի ոչ բազում իմաստունք  
 ըստ մարմնոյ, եւ ոչ բազում հզօրք, եւ  
 27 ոչ բազում ազնուականք . Այլ զյիմարս  
 աշխարհիս ընտրեաց Աստուած, զի յա-  
 մօթ արասցէ զիմաստունս . եւ զտկարս  
 աշխարհիս ընտրեաց Աստուած, զի յա-  
 28 մօթ արասցէ զհզօրս . Եւ զանտոհմս  
 աշխարհի եւ զարհամարհեալս ընտրեաց  
 Աստուած եւ զոչինչն, զի զէսն իմն  
 29 խափանեցէ . Որպէս զի մի՝ պարծեսցի  
 ամենայն մարմին առաջի Աստուծոյ .  
 30 Զի ի նմանէ դուք էք ի Բրիստոս Յի-  
 սուս, որ եղեւ մեզ իմաստութիւն յԱս-  
 տուծոյ, արդարութիւն եւ սրբութիւն  
 31 եւ փրկութիւն . Զի որպէս եւ գրեալ  
 է, Որ պարծին՝ ի Տէր պարծեսցի :

ԳԼ Բ

1 Եւ ես <sup>1</sup>Թէպէտ եւ եկի առ ձեզ, եղ-  
 բարք, ոչ՝ ըստ առաւելութեան ինչ  
 բանից <sup>2</sup>իմաստութեան պատմել ձեզ  
 2 զվկայութիւնն Աստուծոյ : Զի ոչ եթէ  
 ի մօտի եղի գիտել ինչ ի ձեզ, բայց  
 միայն զՅիսուս Բրիստոս, եւ զնոյն  
 3 ի խաչ ելեալ : Եւ ես տկարութեամբ  
 եւ երկրւղիւ եւ զողութեամբ բազմաւ  
 4 եղէ առ ձեզ . Եւ բանն իմ եւ քարո-  
 զութիւն ոչ պատիր բանիւք <sup>3</sup>իմաս-  
 տութեան, այլ՝ արդեամբք Հոգւոյն  
 5 եւ զօրութեամբ . Զի հաւատք ձեր  
 մի՝ իցեն իմաստութեամբ մարդկան,  
 այլ՝ զօրութեամբ Աստուծոյ : ՎՋ  
 6 Զիմաստութիւն խօսիմք ընդ կա-  
 տարեալս, զիմաստութիւն, ոչ զաշ-  
 խարհիս այսորիկ եւ ոչ զիշխանաց աշ-  
 7 խարհիս այսորիկ զխափանելեացս, Այլ  
 խօսիմք զԱստուծոյ իմաստութիւնն  
 ծածուկ խորրդով, զոր յառաջ քան  
 զյաւիտեանս սոսմանեաց Աստուած  
 8 ի փառս մեր . Զոր ոչ ոք յիշխանաց

<sup>1</sup>Թէպէ, որ եկի առ ձեզ, եղբարք, եկի ոչ  
<sup>2</sup>Թէպէ, կամ իմաստութեան  
<sup>3</sup>Որպէս, մարդկեղէն իմաստութեան

աշխարհիս այսորիկ ծանեաւ . զի եթէ  
 էր ծանուցեալ, ոչ արդեւք զՏէրն փա-  
 9 ռաց ի խաչ հանէին : Այլ որպէս եւ  
 գրեալ է, Զոր ակն ոչ ետես եւ ունին  
 ոչ լուաւ եւ ի սիրտ մարդոյ ոչ ան-  
 կաւ, պատրաստեաց Աստուած սիրել-  
 եաց իւրոց :  
 10 ԲԳ. Այլ մեզ յայտնեաց Աստուած  
 Հոգւովն իւրով . զի Հոգին զամենայն  
 11 քննէ եւ զխորս Աստուծոյ : Զի ո՞ք  
 ի մարդկանէ գիտէ ինչ զմարդոյն, եթէ  
 ոչ հոգի մարդոյն որ ի նմա . նոյնպէս  
 եւ ոչ զԱստուծոյն ոք գիտէ, եթէ  
 12 ոչ Հոգին Աստուծոյ : Այլ մեք ոչ եթէ  
 զհոգի աշխարհիս այսորիկ առաք, այլ  
 զՀոգին որ յԱստուծոյ . զի ծանիցուք  
 զայն որ յԱստուծոյն շնորհեցաւ մեզ,  
 13 Եւ զոր խօսիմքս՝ ոչ եթէ մարդկեղէն  
 ուսմամբ ճարտարութեան բանից, այլ  
 վարդապետութեամբ <sup>4</sup>Հոգւոյն, ընդ  
 հոգեւորս զհոգեւորան համեմատեմք :  
 14 Քանզի շնչաւոր մարդ ոչ ընդունի  
 զՀոգւոյն Աստուծոյ, զի յիմարութիւն  
 է նմա . եւ ոչ կարէ գիտել, եթէ հո-  
 15 գեպէս քննիցի՝ իսկ հոգեւորն քննէ  
 զամենայն, եւ ինքն յումեքէ ոչ քննի :  
 16 Իսկ արդ ո՞վ գիտաց զմիտս Տեառն,  
 որ եւ խրատտու լինիցի նմա . այլ մեք  
 զմիտս Բրիստոսի ունիմք :

ԳԼ Գ

1 Եւ ես, եղբարք, ոչ կարացի խօսել  
 ընդ ձեզ իբրեւ ընդ հոգեւորս, այլ իբ-  
 2 րեւ ընդ մարմնաւորս : Իբրեւ տղայոց  
 ի Բրիստոս կաթն ջամբեցի ձեզ եւ ոչ  
 կերակուր, զի ոչ եւս կարէիք . նա  
 եւ արդ իսկ ոչ կարէք, քանզի դեռ  
 3 մարմնաւոր էք : Ուր եւ արդ են իսկ  
 ի ձեզ հեռ եւ նախանձ, ոչ ապաքէն  
 մարմնաւոր էք եւ ըստ մարդկան գնայք :  
 4 Յորժամ ասէ ոք ՚ի ձէնջ, Ես Պաւ-  
 լոսեան եմ, եւ մեան՝ եթէ Ես Ապո-  
 լոսեան, ոչ <sup>5</sup>մարդիկ էք . իսկ արդ  
 ո՞վ է Պաւլոսն կամ ո՞վ է Ապոլոս .  
 5 Պաշտօնեայք՝ որովք հաւատացէքն,  
 եւ իւրաքանչիւր որպէս եւ Տէր ետ :

<sup>4</sup>Որպէս, Հոգւոյն Որբայ  
<sup>5</sup>Թէպէ, զի հոգեպէս քննի  
<sup>6</sup>Որպէս, նախանձ եւ հերձուած  
<sup>7</sup>Ի Բարձր պատիւ  
<sup>8</sup>Որպէս, մարմնաւոր

6 Ես տնկեցի, Ապողոս ջուր ետ, այլ  
7 Աստուած անեցոյց: Այսուհետեւ ոչ  
այն ինչ ոք է որ տնկեացն, եւ ոչ այն  
որ զջուրն ետ, այլ որ անեցոյցն՝ Աս-  
8 տուած: Որ տնկեացն եւ որ զջուրն  
ետ՝ մի են: Բայց իւրաքանչիւր ոք  
զիւր վարձս առնուցու ըստ իւրում  
9 վաստակոց: Զի Աստուծոյ գործակից  
եմք, Աստուծոյ խորհրդն էք, Աստու-  
10 ծոյ շինած էք: Ըստ շնորհացն Աստու-  
ծոյ որ տուեալ են ինձ, իբրեւ իմաս-  
տուն ճարտարապետ հիմն եղի, բայց  
այլ է որ շինէն: այլ իւրաքանչիւր ոք  
11 զգոյշ լիցի թէ որպէս շինիցէ: Զի հիմն  
այլ ոք ոչ կարէ դնել քան զեղեալն,  
որ է Յիսուս Քրիստոս: ՎՋ  
12 Եթէ ոք շինէ ի վերայ հիմանս այ-  
սորիկ ոսկի, արծաթ, ականս պատ-  
13 ուականս, փայտ, խոտ, եղէգն, իւ-  
րաքանչիւր գործն յայտնելոց է: զի  
օրն ընտրեսցէ: զի հրով յայտնելոց է:  
եւ զիւրաքանչիւր գործն զիարդ եւ  
14 իցէ, հուրն փորձեսցէ: Եթէ ուրուք  
գործն զոր շինեաց՝ կացցէ, վարձս  
15 առցէ: Եւ եթէ ուրուք գործն այրես-  
ցի՝ տուժեսցի, բայց ինքն կեցցէ, այլ  
16 այնպէս՝ որպէս թէ ՚ի հուր: Ո՛չ գի-  
տեք եթէ տաճար էք Աստուծոյ, եւ  
17 Հոգի Աստուծոյ բնակեալ է ի ձեզ: Եթէ  
ոք զտաճար Աստուծոյ ապականէ, ա-  
պականեսցէ զնա Աստուած: զի տա-  
ճար Աստուծոյ սուրբ է, որ էք դուք:  
18 Մի՛ ոք զանձն խաբեսցէ: Եթէ ոք  
կամիցի ի ձէնջ իմաստուն լինել յաշ-  
խարհիս յայսմիկ, յիմար լիցի, զի եւ  
19 զիցի իմաստուն: Զի իմաստութիւն  
աշխարհիս այսորիկ յիմարութիւն է  
առաջի Աստուծոյ, քանզի գրեալ է  
թէ, Որ րմբունէ զիմաստունս ի խո-  
20 րագիտութեան իւրեանց: Եւ դարձեալ  
թէ, Տէր ճանաչէ զխորհուրդս իմաստ-  
21 նոց զի են ընդունայն: Այսուհետեւ  
22 մի՛ ոք պարծեսցի ՚ի մարդկանէ: Զի  
ամենայն ինչ ձեր է, եթէ Պաւղոս,  
եթէ Ապողոս, եթէ Կեփաս, եթէ աշ-  
խարհ, եթէ կեանք, եթէ մահ, եթէ  
որ կանս, եթէ հանդերձեալքն, ամեւ  
23 նայն ինչ ձեր է: Դուք Քրիստոսի,  
Քրիստոս Աստուծոյ:

1 Կ-ժ, արա

2 Ե-ձ, բնգ հուր

3 Ե-ձ, ի մարդիկ

1 Այսպէս համարեսցին զմեզ մարդիկ,  
իբրեւ զպաշտօնեայս Քրիստոսի եւ  
հաղարապետս խորհրդոցն Աստուծոյ:  
2 Արդ խնդիր է ի մէջ հաղարապետաց  
3 եթէ ոք հաւատարիմ գտցի: Այլ ինձ  
եւ այս «անարգանք են», եթէ ի ձէնջ  
դատեցայց կամ «բնաւ իսկ ի մարդկա-  
4 նէ». նաեւ զանձն իմ ոչ քննեմ: Զի  
ոչինչ գիտեմ զանձին իմոյ: այլ ոչ  
եթէ այսու արդարանամ, զի որ քննէն  
5 զիս՝ Տէր է: Այսուհետեւ մի՛ յառաջ  
քան զժամանակն դատիք, մինչեւ ե-  
կեսցէ Տէր, որ յուսաւոր առնիցէ  
զգաղտնիս խաւարի, եւ յայտնիցէ  
զխորհուրդս սրտից: Եւ ապա իւրա-  
քանչիւր գովութիւն եղիցի յԱստուծոյ:  
6 Զայս, եղբարք, առականցի յանձն իմ  
եւ յԱպողոս վասն ձեր: զի ի մէջ ուս-  
ջիք մի՛ ինչ առաւել քան զգրեալսն ի-  
մանալ, զի մի՛ այլ քան զընկերսն հպար-  
7 տանայցէք ի վերայ ընկերին: Իսկ արդ  
ո՛վ է «որ քննիցէ» զքեզ: զի՛նչ ունիս  
զոր ոչ իցէ առեալ: Եւ եթէ առեր,  
զի՛ պարծիս իբրեւ զչառեալ:  
8 Արդէն իսկ յագեալ իցէք եւ արդէն  
մեծացարուք, առանց մեր թագաւո-  
րեցէք, եւ երանի թէ թագաւորէիք:  
զի եւ մեք ընդ ձեզ թագաւորէաք:  
9 Ինձ այսպէս թուի թէ զմեզ զառաք-  
եալս յետնորդս արար Աստուած իբրեւ  
զմահապարտս: զի տեսիլ եղեաք աշ-  
խարհի եւ հրեշտակաց եւ մարդկան:  
10 Մեք յիմարք վասն Քրիստոսի, եւ դուք  
իմաստունք ի Քրիստոս: մեք տկարք  
եւ դուք հզօրք: դուք փառաւորեալք:  
11 Եւ մեք անարգք: Մինչեւ ցայսօր ժա-  
մանակի եւ քաղցեաք եւ ծարաւե-  
ցաք եւ մերկ գնացաք եւ կոփառա-  
12 րեցաք եւ անհանգիստ եղեաք, Եւ  
աշխատեցաք ձեռօք մերովք: բամբա-  
սէին զմեզ, օրհնէաք: հալածէին,  
13 յանձն առնուաք: Հայրոյէին, աղա-  
չէաք: իբրեւ առակ նշաւակի եղեաք  
ամենայն աշխարհի, ամենեցուն փա-  
14 րելի լինել մինչեւ ցայժմ: Ոչ եթէ

1 Ե-ձ, գոյգն ինչ է

2 Ե-ձ, ի մարդիկեցէն օրէ (չառաւորեալք)

3 Ե-ձ, որ խորհն

4 Ի Ե-ձին գովութի

յամօթ ինչ առնելով զձեզ գրեմ զայս, այլ իբրեւ զորդիս սիրելիս խրատեմ:  
 15 Թէպէտ եւ բեր դաստիարակս ունիցիք ի Քրիստոս, այլ ոչ եթէ ըստ ձեր հարս, զի ի Քրիստոս Յիսուս աւել-  
 16 տարանաւն ես ծնայ զձեզ: Արդ ա-  
 զայնմ զձեզ, նմանողք ինձ ի եղիջիք:  
 17 Վասն այնորիկ առաքեցի առ ձեզ զՏի-  
 մոթէոս, որ է իմ որդի սիրելի եւ հա-  
 ւատարիմ ի Տէր. որ յիշեցուցէ ձեզ  
 զճանապարհս իմ որ ի Քրիստոս Յի-  
 սուս. որպէս եւ ամենայն ուրեք յա-  
 18 մենայն եկեղեցիս ուսուցանեմ: Որպէս  
 թէ ես չիցեմ գալոց առ ձեզ, ոմանք  
 19 հպարտացան: Այլ եկից հուպ ընդ  
 հուպ, եթէ Տէր կամուսի: Եւ ի միտ  
 առից ոչ զբանս հպարտացիլոցն, այլ  
 20 զգորութիւնս: Զի ոչ եթէ բանիւք է  
 արքայութիւնն Աստուծոյ, այլ զօրու-  
 21 թեամբ: Արդ, ո՞րպէս կամիք, գաւա-  
 զանաւ եկից առ ձեզ, եթէ սիրով  
 հողոյն հեղութեան եւ արդարութեան  
 եւ խոնարհութեան:

ԳԼ. Ե

1 Բնաւ եւ անուանի իսկ ի ձեզ շնորհէր  
 պոռնկութիւն, եւ այնպիսի պոռնկու-  
 թիւն՝ որ ոչ եւ ի հեթանոսս, որպէս  
 2 թէ զկին հօր իւրոյ ունել: Եւ դուք  
 հպարտացեալ էք, եւ ոչ առաւել սգա-  
 ցարութ, զի բարձցի ի միջոյ ձերմէ որ  
 3 զգործն զայն գործեաց: Զի ես թէպէտ  
 եւ մարմնով մեկուսի եմ, սակայն հոգ-  
 ւով մերձ եմ. բայց արդէն իսկ իբրեւ  
 ի մօտոյ ընտրեցի, զայն որ այնպէսն  
 4 գործեաց, Յանուն Տեառն մերոյ Յի-  
 սուսի Քրիստոսի ժողովել ձեզ ի մի-  
 ասին եւ իմոյ հոգւոյս՝ զօրութեամբն  
 հանդերձ Տեառն մերոյ Յիսուսի Քրիս-  
 5 տոսի, Մատնել զայնպիսին Սատա-  
 նայի ի սատակումն մարմնոյ, զի ոգին  
 ապրկացի յաւուրն Տեառն մերոյ Յի-  
 6 սուսի Քրիստոսի: Ոչ բարւոք են պար-  
 ծանքդ ձեր. ոչ գիտէք եթէ փոքր մի  
 խմոր զամենայն զանգուածն խմորէ:  
 7 Սրբեցէք ի բաց զհին խմորն, զի եղի-  
 ջիք նոր զանգուած, որպէս էքդ ան-  
 խմորք. քանզի զատիկ մեր զենաւ

8 Քրիստոս: Այսուհետեւ արասցուք  
 տօնա՝ մի՛ ի խմորն հին եւ մի՛ ի խմորն  
 չարութեան եւ անդամութեան, այլ  
 յանխմոր ստուգութեան եւ ճշմար-  
 տութեան:  
 9 ԲՁ. Գրեցի ձեզ ի թղթի այդր չխառ-  
 10 նակել ընդ պոռնիկս: Եւ ոչ եթէ ընդ  
 պոռնիկս աշխարհիս այսորիկ կամ ընդ  
 ազանս կամ ընդ յափշտակողս կամ  
 ընդ կռապարիշտս. ապա թէ ոչ պար-  
 11 տէիք եւ յաշխարհէ իսկ ելանել: Բայց  
 արդ գրեցի ձեզ չխառնակել, եթէ ոք  
 եղբայր անուանեալ կամ պոռնիկ իցէ  
 կամ կռապարիշտ կամ ազան կամ բամ-  
 բասող կամ արբեցող կամ յափշտա-  
 կող, ընդ այնպիսուսն եւ հաց մի՛  
 12 ուտել: Զի՞ կայ իմ եւ զարտաքինսն  
 դատելոյ. ոչ ապաքէն դուք զներ-  
 13 քինսն դատիցիք: Եւ զարտաքինսն  
 Աստուած՝ դատիցի. բարձէք զչարն  
 ի միջոյ ձերմէ:

ԳԼ. Զ

1 Իշխէ՞ ոք ի ձէնջ, եթէ իրք ինչ իցեն  
 ընդ ընկերի իւրում, դատել առաջի  
 2 անիրաւաց, եւ ոչ առաջի սրբոց: Եթէ  
 ոչ գիտէք զի սուրբ զաշխարհ դա-  
 տին եւ եթէ ձեւք դատի աշխարհ, ա-  
 պա՞ ոչ էք արժանի անարգ ատենից՝  
 3 Ո՞չ գիտէք եթէ զհրեշտակս դատիմք,  
 4 թող թէ գերկրաւորս: Զգերկրաւոր  
 ատեանս եթէ յանձն առնուցուք, զա-  
 նարգս եկեղեցւոյ դատաւորս նստու-  
 5 ցանէք: Առ ամօթոյ ձերոյ ասեմ.  
 այնչափ ոչ գոյ ոք իմաստուն ի ձեզ,  
 որ կարիցէ իրաւունս ընտրել ի մէջ  
 6 եղբոր իւրոյ: Այլ եղբայր ընդ եղբոր  
 դատի, եւ զայն՝ ի մէջ անհաւատից:  
 7 Եւ արդ ամենեւին իսկ վատթարու-  
 թիւն է ի ձեզ, զի դատաստանք իսկ  
 դոն ի միջի ձերում. ընդէր ոչ դուք  
 զրկիք, եւ ոչ դուք առաւել նեղիք:  
 8 Այլ դուք զրկէք եւ նեղէք. եւ այդ՝  
 9 զեղբարս եւս: Եթէ ոչ գիտէք զի ա-  
 նիրաւք զարքայութիւն Աստուծոյ ոչ  
 ժառանգեն. մի՛ խաբիք, ոչ պոռնիկք,  
 10 ոչ կռապարիշտք, ոչ շուռք, Ոչ իգա-  
 ցեալք, ոչ արուագէտք, ոչ գողք, ոչ  
 ազանք, ոչ արբեցողք, ոչ բամբասողք

<sup>1</sup> Ուստի, եղիջիք, որպէս եւ ես Քրիստոսի  
<sup>2</sup> Յիսուս, որով եւ հօգուով հեղութեան  
<sup>3</sup> ի Յիսուսի պատիւ

<sup>4</sup> Յիսուս, ոչ էք արժանի զանարգ ատենից  
<sup>5</sup> Յիսուս, զանարգս յեկեղեցւոյ, զնոսմ նստու-  
 ցանէք, իւր, զնոսմ նստուցէք

- եւ ոչ յափշտակողք զարքայութիւնս  
 11 Աստուծոյ ոչ ժառանգեն: Եւ դուք  
 այնպիսիք ոմանք էիք. այլ լուացա-  
 րուք, այլ սրբեցարուք, այլ արդարա-  
 ցարուք յանուն Տեառն մերոյ Յիսու-  
 սի Քրիստոսի եւ ի Հոգին Աստուծոյ  
 մերոյ:  
 12 ԳԵ. Ամենայն ինչ ինձ մարթ է, այլ  
 ոչ ամենայն ինչ օգուտ է. ամենայն  
 ինչ ինձ մարթ է, այլ ոչ եթէ ես ընդ  
 13 իշխանութեամբ ուրուք լինիցիմ, կե-  
 րակուր՝ որովայնի, եւ որովայն՝ կե-  
 րակրոյ. այլ Աստուած զսա եւ զնոսա  
 խափանեցէ. բայց մարմին ոչ պոռնը-  
 կութեան, այլ՝ Տեառն, եւ Տէր՝ մարմ-  
 14 նոյ. Այլ Աստուած որ եւ զՏէրն յա-  
 րոյց՝ եւ ի զձեզ յարուցէ զօրութեամբ  
 15 իւրով. Ո՛չ գիտէք եթէ մարմինք ձեր  
 անդամք են Քրիստոսի. արդ առեալ  
 զանդամս Քրիստոսի՝ առնիցեմք ան-  
 16 դամս պոռնկի՞. քաւ լիցի. եթէ ո՛չ  
 գիտէք, զի որ մերձենայ ի պոռնիկ՝  
 մի մարմին է. եղիցին, ասէ, երկոքին  
 17 ի մարմին մի. Եւ որ մերձենայ ի Տէր՝  
 18 մի հոգի է. Փախերուք ի պոռնկու-  
 թենէ. զամենայն մեղս զոր եւ զործէ  
 մարդ, արտաքոյ մարմնոյ իւրոյ է. իսկ  
 որ պոռնկին՝ յիւր մարմինն մեղանչէ:  
 19 Եթէ ո՛չ գիտէք, զի մարմինք ձեր  
 տաճար են՝ Հոգւոյն որ է ի ձեզ, զոր  
 ունիքն յԱստուծոյ, եւ չէք անձանց  
 20 տէր: Քանզի գնոց գնեցայք. փառաւոր  
 արարէք զԱստուած ի մարմինս ձեր՝:

## ԳԼ. Է

- 1 Այլ վասն որոյ գրեցէքն առ իս, բար-  
 ւոք է մարդոյ ի կին մարդ չմերձենալ:  
 2 Բայց վասն պոռնկութեան իւրաքան-  
 չիւր ոք զիւր կին կայցի, եւ իւրա-  
 քանչիւր ոք կին զիւր այր կայցի:  
 3 Կնոջ այր իւր զպարտոսն հատուցէ,  
 4 նոյնպէս եւ կինն՝ առն իւրում: Զի  
 կին մարմնոյ իւրում ոչ իշխէ, այլ  
 այրն. նոյնպէս եւ այրն իւրում մարմ-  
 5 նոյ ոչ իշխէ, այլ կինն: Մի՛ զրկէք  
 զմիմեանս, բայց եթէ ինչ ի միարա-  
 նութենէ առ ժամանակ մի, զի՝

տիցն պարապիցէք, եւ դարձեալ ի նոյն  
 դարձիք, զի մի՛ փորձեցէ զձեզ Սա-  
 տանայ վասն անխառնութեան ձերոյ:  
 6 Զայս ասեմ ներելով եւ ոչ հրաման  
 7 տալով. Քանզի կամիմ եթէ ամենայն  
 մարդ լինէր իբրեւ զիս. այլ իւրա-  
 քանչիւր ոք զիւր շնորհս ունի յԱս-  
 տուծոյ, ոմն այսպէս՝ եւ ոմն այնպէս:  
 8 Բայց ամուրեացն եւ այրեացն ասեմ,  
 Լաւ է նոցա եթէ կայցեն իբրեւ զիս:  
 9 Ապա թէ ոչ ունիցին ժոյժ, ամուս-  
 նացին, զի լաւ է ամուսնանալ քան  
 10 զլեռնուլ: Այլ կանամբեացն պատ-  
 ուիրեմ ոչ ես, այլ Տէր, Կնոջ յառնէ  
 11 մի՛ մեկնել. Ապա եթէ մեկնեցի, ան-  
 այր մնացէ կամ անդրէն ընդ առն  
 իւրում հաշտեցի, եւ առն զկին իւր  
 մի՛ թողուլ:

ՎՋ.

- 12 Բայց այլոց ես պատուիրեմ, ոչ եթէ  
 Տէր. եթէ ոք եղբայր կին ունիցի ան-  
 հաւատ, եւ նմա հաճոյ իցէ բնակել  
 13 ընդ նմա, մի՛ թողցէ զնա. Եւ կին  
 որ ունիցի այր անհաւատ, եւ նմա  
 կամ իցէ բնակել ընդ նմա, մի՛ թողցէ  
 14 զայրն. Զի սուրբ է այրն անհաւատ՝  
 կնաւն, եւ սուրբ է կինն անհաւատ՝  
 արամբն. ապա թէ ոչ՝ որդիքն ձեր  
 15 պիղծ են, բայց այժմ սուրբ են. Ապա  
 եթէ անհաւատն մեկնիցի, մեկնեցի.  
 զի ոչինչ հարկ ի վերայ կայ եղբորն  
 կամ քեռն յայնպիսի իրս, քանզի ի խա-  
 ղաղութիւն կոչեաց զմեզ Աստուած:  
 16 Զի՞ գիտես, կին դու, եթէ զայր քո  
 ապրեցուցես. կամ զի՞ գիտես, այր  
 դու, եթէ զկին քո ապրեցուցես.  
 17 Եթէ ոչ՝ իւրաքանչիւր ումեք որպէս  
 եւ բաժանեաց Տէր, զիւրաքանչիւր ոք  
 որպէս եւ կոչեաց Աստուած՝ այնպէս  
 գնացէ. եւ այսպէս ընդ ամենայն ե-  
 կեղեցիս պատուէր տամ:  
 18 Թրիատեալ ոք կոչեցաւ, մի՛ ցան-  
 կացի անթրիատութեան. յանթրիա-  
 տութենէ՝ ոք կոչեցաւ, մի՛ թրիա-  
 19 տեցի. Զի թրիատութիւն ոչինչ է,  
 եւ անթրիատութիւն՝ ոչինչ, այլ՝ պաշ-  
 պանութիւն Աստուծոյ պատուիրա-  
 20 նացն: Բայց իւրաքանչիւր ոք յոր կո-  
 21 չումն կոչեցաւ ի նմին կացցէ. Ծառայ  
 կոչեցար, մի՛ փոյթ լիցի քեզ. այլ թէ  
 կարիցես եւս ազատ լինել, քեզ այնպէս  
 22 լաւ իցէ. Զի որ ի Տէր կոչեցեալ իցէ  
 ծառայն՝ ազատ Տեառն է. նոյնպէս եւ

1 Բ-Գ-Դ, զմեզ

2 Գ-Դ, Հոգւոյն մերոյ

3 Ունի, յիւրում, եւ յոգիս ձեր որ են Աստուծոյ

4 Գ-Դ, աղօթից. մեկ, աղօթից եւ պահոց

որ ազատն կոչեցեալ է՝ ծառայ Քրիս-  
 23 տոսի է, Գնոց գնեցայք, մի՛ լինիք  
 24 ծառայք մարդկան, իւրաքանչիւր յոր  
 կոչումն կոչեցաւ, եղբարք, ի նմին  
 կացցէ առաջի Աստուծոյ:  
 25 ԳԳ. Այլ վասն կուսանաց հրաման  
 ինչ ի Տեառնէ ոչ ունիմ, բայց խրատ  
 տամ՝ որպէս ողորմելոյ ուրուք՝ ի  
 26 Տեառնէ հաւատարիմ լինել, Համա-  
 րիմ թէ այնպէս չլաւ իցէ, բայց վասն  
 վտանգին՝ որ ի վերայ կայ, Յարուք է  
 27 մարդոյ թէ այնպէս իցէ, Կապեալ ես  
 ի կին, մի՛ խնդրեմ արձակել. արձա-  
 կեալ ես ի կնոջէ, մի՛ խնդրեմ կին:  
 28 Զի եթէ ամուսնանայցես, ոչ մեղար-  
 եւ եթէ ամուսնանայցէ կոյսն, ոչ մե-  
 ղաւ, բայց նեղութիւն մարմնոյ ունի-  
 29 ճեզ, Բայց զայս ասեմ, եղբարք, եթէ  
 ժամանակս կարճեալ է այսուհետեւ.  
 զի՝ որ ունիցին կանայս՝ որպէս թէ  
 30 չունիցին, Եւ որ լայցենն՝ որպէս թէ  
 ոչ լայցեն, եւ որ խնդանն՝ որպէս թէ  
 ոչ խնդայցեն, եւ որ գնենն՝ որպէս թէ  
 31 չունիցին, Եւ որ վարենն զաշխարհս՝  
 որպէս թէ չվայելիցին. զի անցեալ է  
 վայելչութիւն աշխարհիս այսորիկ:  
 32 Այլ կամիմ զձեզ անհոգս լինել. զի որ  
 անկինն է՝ հոգայ զՏեառն, թէ որպէս  
 33 հաճոյ լիցի Տեառն. Եւ որ կանամբին  
 է, հոգայ զաշխարհիս, թէ որպէս հա-  
 34 ճոյ լիցի կնոջ իւրում. Եւ ահա մեկ-  
 նեցան ի միմեանց առնակինն եւ կոյսն.  
 զի կոյսն հոգայ զՏեառն, զի իցէ սուրբ  
 մարմնով եւ հոգւով, եւ առնակինն  
 հոգայ զաշխարհիս, թէ որպէս հաճոյ  
 35 լիցի առն իւրում. Այլ զայս վասն  
 ձերոյ օգտի ասեմ. ոչ եթէ խեղդ ինչ  
 արկանեմ ձեզ, այլ վասն պարկեշտու-  
 թեան եւ հպատակութեան Տեառն ա-  
 ռանց զբաղանայ:  
 36 ԳԶ. Ապա թէ ոք ամօթ համարեսցի  
 վասն կուսին իւրոյ, եթէ իցէ ելեալ  
 ըստ չափ, եւ այնպէս ինչ պարտ իցէ  
 լինել. զոր կամի արասցէ, ոչ մեղան-  
 37 չէ, Յամուսնացի. Իսկ որ հաստատ-  
 եալ է ի սրտի իւրում, եւ վտանգ ինչ

ոչ իցէ նմա, իշխանութիւն ունի ի վե-  
 րայ կամաց իւրոց. եւ զայն ընտրեաց  
 ի սրտի իւրում՝ պահել զկոյսն իւր.  
 38 Բարւոք առնէ, Եւ որ ամուսնացու-  
 ցանէ զկոյսն իւր՝ բարւոք առնէ. եւ  
 որ ոչն ամուսնացուցանէ՝ լաւ. եւս  
 39 առնէ, Կին Կապեալ է՝, զորքան ժա-  
 մանակս կենդանի է այր նորա. ապա  
 եթէ ննջիցէ այր նորա, ազատ է, ում  
 կամիցի ամուսնանալ, բայց միայն Տե-  
 40 րամբ. Բայց երանելի եւս է թէ այն-  
 պէս կացցէ ըստ իմում խրատու. ես  
 այնպէս համարիմ թէ եւ յիս իցէ Հոգի  
 Աստուծոյ:

ԳԼ. Ը

1 Այլ վասն զոհից կոոցն, գիտեմք եթէ  
 ամենեքին գիտութիւն ունիմք. գի-  
 տութիւն հպարտացուցանէ. այլ սէր  
 2 չինէ. Եթէ ոք Կամիցի գիտել ինչ,  
 չեւ եւս գիտաց որպէս արժան է գի-  
 3 տել, Բայց սր սիրէ զԱստուած, նա է  
 4 տեղեկացեալ ի նմանէ. Այլ վասն կե-  
 րակոցն զոհելոց գիտեմք եթէ ոչինչ  
 իսկ կուռքդ են յաշխարհի, զի չիք ոք  
 5 Աստուած բաց ի միոյն. Զի թէպէտ  
 եւ իցին անուանեալ աստուածք եթէ  
 յերկինս եւ եթէ յերկրի, որպէս եւ են  
 6 աստուածք բազումք եւ տեարք բա-  
 7 զումք. Այլ մեզ մի է Աստուած, Հայր,  
 յորմէ ամենայն, եւ մեք ի նա. եւ մի  
 Տէր Յիսուս Քրիստոս՝ որով ամենայն,  
 եւ մեք նովաւ. ՎԶ  
 7 Այլ ոչ յամենեւեան գիտութիւն է.  
 ոմանք առ խղճի մտաց մինչեւ ցայժմ  
 զկոոցն իրրեւ զգոհեալ ուտեն. եւ  
 խիղճ մտաց նոցա, քանզի տկար է,  
 8 պղծի. Այլ կերակուր զմեզ առաջի  
 Աստուծոյ ոչ կացուցանէ. ոչ եթէ չու-  
 տեմք, պակասեմք ինչ, եւ ոչ եթէ  
 9 ուտեմք, առաւելումք ինչ. Բայց զգոյշ  
 լերուք, գուցէ իշխանութիւնդ ձեր այդ  
 գայիակղութիւն լինիցի տկարացն.  
 10 Եթէ ոք տեսանիցէ զքեզ որ զգիտու-  
 թիւնդ ունիս՝ բաղմեալ ի մեհենի, ոչ  
 ապաքէն խիղճ մտաց նորա որ տկա-  
 րութեամբն զգածեալ է՝ անդրէն չի-  
 11 նիցի ուտել զգոհեալն. Եւ կորնչիցի

18-ն, որպէս ողորմեալ ոք  
 18-ն, լաւ իցէ վասն վտանգին  
 18-ն, զի բարւոք  
 18-ն, կարճեալ է. այսուհետեւ  
 18-ն, ամուսնացին

18-ն, պակասեմք  
 18-ն, կապեալ է օրինոք  
 18-ն, համարեցին

տկար եղբայրն ի քում գիտութեանն,  
 12 վասն որոյ Քրիստոսն մեռաւ. եւ այն-  
 պէս յանցուցեալ յեղբարս, եւ զխիղճ  
 մտաց տկարացն զայրացուցեալ, ի  
 13 Քրիստոս մեղանչէ. վասն որոյ եթէ  
 կերակուր գայթակղեցուցանէ զեղ-  
 բայրն իմ, ոչ կերայց միս յաւիտեան,  
 զի մի՛ զեղբայրն իմ գայթակղեցուցից:

## ԳԼ. Թ

1 Ո՛չ ապաքէն ազատ եմ, ո՛չ ապաքէն  
 առաքեալ եմ, ո՛չ ապաքէն զՏէր մեր  
 Յիսուս Քրիստոս աշօք իմովք՝ տեսի,  
 ո՛չ ապաքէն գործ իմ դուք էք ի Տէր,  
 2 Թէպէտ եւ այլոց չիցեմ առաքեալ, այլ  
 դէպ ձեզ եմ. զի կնիք իսկ առաքե-  
 3 լութեան իմոյ դուք էք ի Տէր. իմ  
 պատասխանի, ուր զիս հարցանիցեն,  
 4 այս է. Միթէ ո՛չ ունիցիմք իշխանու-  
 5 թիւն ուտել եւ ըմպել. Միթէ ո՛չ ու-  
 նիցիմք իշխանութիւն զքորս կանայս՝  
 չըջեցուցանել ՚ընդ մեզ՝. որպէս եւ  
 6 այլ առաքեալքն եւ եղբարքն Տեառն  
 եւ կեպիսս. եթէ միայն ես եւ Բառ-  
 7 նաբան ոչ ունիցիմք իշխանութիւն  
 չգործել ինչ, Ո՞ք հրեք զինուորիցի  
 իւրովք թոշակօք. ո՞ք տնկիցէ այգի,  
 եւ ի պտղոյ նորա ոչ ուտիցէ. ո՞ք  
 8 աւարտիցէ խաչն, եւ ի կաթանէ խա-  
 չինն ոչ ուտիցէ. Միթէ ըստ մարդ-  
 կութեան խօսիցիմ զայս. կամ թէ եւ  
 9 օրէնքն զսոյն ո՛չ ասիցեն. Ի Մովսիսի  
 իսկ յօրէնսն գրեալ է, Ոչ կապեցես  
 զցուռկ եզին կալուուոյ. միթէ զե-  
 10 զանց ինչ փոյթ էր Աստուծոյ. Ո՛չ ա-  
 պաքէն վասն մեր ասէ, քանզի վասն  
 մեր գրեցաւ. զի յուսով պարտի որ  
 սերմանէն՝ սերմանել, եւ որ կասուն՝  
 11 յուսով վայելի. եթէ մեք ի ձեզ զհո-  
 գեւորսն սերմանեցաք, մեծ ինչ է եթէ  
 12 ի ձէնջ զմարմնաւորսդ հնձիցիմք, եթէ  
 այլք ձերով իշխանութեամբդ վայելին,  
 ո՛չ առաւել եւս մեք. այլ ոչ ի գործ  
 ինչ արկաք զիշխանութիւնս զայս.  
 բայց ամենայնի համբերեմք, զի մի՛  
 խափան ինչ լինիցիմք ճաւատարանին.  
 13 Ո՛չ զիտէք, եթէ որ ի տաճարին գոր-  
 ծեն՝ ի տաճարէ անտի ուտեն. եւ որ

սեղանոյն պաշտօնեայք են՝ ի սեղանոյ  
 14 անտի վայելեն. Նոյնպէս եւ Տէր հրե-  
 ման ետ որոց զաւետարանն աւետա-  
 րանեն՝ յաւետարանէ անտի կեալ.  
 15 Բայց ես եւ ոչ զմի ինչ յայսցանէ արկի  
 ի գործ, եւ ոչ գրեցի զայդ զի ինձ  
 այսպէս ինչ լինիցի. լաւ է ինձ մա-  
 նաւանդ մեռանել, եւ ոչ զի զպար-  
 ծանս իմ ոք ընդունայն համարիցի.  
 16 Զի եթէ աւետարանեմ, ոչինչ են ինձ  
 պարծանք, քանզի հարկ ի վերայ կայ-  
 բայց վայ՛ է ինձ՝ եթէ ոչ աւետարանեմ.  
 17 Եթէ կամաւ զայն առնեմ, վարձք են  
 ինձ. եւ եթէ ակամայ՝ տնտեսութիւն  
 18 յանձն է ինձ. Եւ արդ զինչ վարձք  
 իցեն ինձ. ՝եթէ յաւետարանին ձրի  
 տաց ՝զաւետարանն՝ զի մի՛ զեղծիցիմ  
 ինչ իշխանութեամբս իմով յաւետա-  
 19 րանի անդ. Քանզի ազատ էի յամե-  
 նայնէ, եւ ամենեցուն զանձն ի ծա-  
 ոյութեան կացուցի, զի զբազումս  
 20 շահեցայց. Եղէ ընդ Հրեայսն իբրեւ  
 21 զՀրեայ, զի զՀրեայսն շահեցայց. Եղէ  
 ընդ օրինօք իբրեւ զայնոսիկ որ ընդ  
 օրինօքն էին, ՝իբր ոչ եթէ ընդ օրի-  
 նօքն էի, այլ՝ զի որ ընդ օրինօքն  
 իցեն՝ եւ զնոսա շահեցայց. ընդ անօ-  
 րէնս եղէ իբրեւ զանօրէն, իբր ոչ եթէ  
 անօրէն ինչ էի Աստուծոյ, այլ ընդ օ-  
 րինօքն Քրիստոսի, զի շահեցայց զանօ-  
 22 րէնսն. Եղէ ընդ տկարս իբրեւ զտկար,  
 զի զտկարսն շահեցայց. ընդ ամենայնի  
 ամենայն եղէ, զի թերեւս ապրեցուցից  
 23 զումանս. Զայս ամենայն առնեմ վասն  
 աւետարանին, զի կցորդ եղէց նմա.  
 24 Դպ. Ո՛չ գիտէք եթէ որ յասպարիսն  
 ընթանան, ընթանալ ամենեւին ըն-  
 թանան, բայց մի ոք առնու զյաղ-  
 թութեանն. այնպէս ընթացարօք զի  
 25 հասանիցէք. Ամենայն որ պատերազմի՝  
 ամենայնի ժուժկալ լինի. նոքա զի  
 զեղծանելի պսակն առնուցուն, եւ  
 26 մեք զանեղծութեանն. Արդ ես իսկ  
 այնպէս ընթանամ, ոչ որպէս յանե-  
 րեւոյթս. այնպէս մրցիմ, որպէս ոչ  
 27 թէ զհոգմս ինչ կոծելով. Այլ ճշեմ  
 զմարմինս իմ եւ հնազանդեցուցանեմ,  
 զի գուցէ որ այլոցն քարոզեցի՝ ես  
 ինքն անպիտան գտանիցիմ:

<sup>1</sup> Ի Թ-ՆԻՆ զ-Ի-Ե

<sup>2</sup> Ո՛ւՆ, քոր կն

<sup>3</sup> ԵՆՆ, աւետարանի Քրիստոսի

<sup>4</sup> Կ-Ե, այն՝ զի

<sup>5</sup> Ո՛ւՆ, զաւետարանի Քրիստոսի

<sup>6</sup> Թ-ՆԻՆ զ-Ի-Ե

ԳԼ. Ժ

1 Ոչ կամիմ եթէ տգէտք իցէք, եղբարք,  
զի հարքն մեր ամենեքին ընդ ամպոյն  
էին, եւ ամենեքին ընդ ծովն անցին.  
2 Եւ ամենեքեան ի Մովսէս մկրտեցան  
3 յամպն եւ ի ծովն. եւ ամենեքին զնոյն  
4 զհոգեւոր զկերակուրն կերան. եւ  
ամենեքին զնոյն զհոգեւոր ըմպելին  
արբին, զի ըմպէին ի հոգեւոր վիմէն  
որ երթայր զհետ նոցա. եւ վէմն էր  
5 ինքն Քրիստոս: Այլ ոչ եթէ ընդ բա-  
զուս ի նոցանէ հաճեցաւ Աստուած,  
քանզի տապաստ անկան յանապատի  
6 անդ: Եւ այն՝ օրինակաւ լինէր վասն  
մեր, զի մի՛ լիցուք ցանկացողք չար-  
7 եաց, որպէս նոքայն ցանկացան: Եւ  
մի՛ կռապարիշտք լինել որպէս ոմանք  
ի նոցանէ, որպէս եւ գրեալ է, Նստաւ  
ժողովուրդն ուտել եւ ըմպել եւ յար-  
8 եան ի խաղալ, եւ մի՛ պոռնկեցուք,  
որպէս ոմանք պոռնկեցան ի նոցանէ,  
եւ անկան ի միւսում աւուր քսան եւ  
9 չորք հազարք: Եւ մի՛ փորձեցուք  
ձձէր, որպէս ոմանք ի նոցանէ փոր-  
ձեցին, եւ յօձից անտի սատակեցան:  
10 Եւ մի՛ տրտնջեցուք, որպէս ոմանք  
ի նոցանէ տրտնջեցին, եւ կորեան ի  
11 սատակչէ անտի: Այլ այն ամենայն  
օրինակաւ անցանէր ընդ նոսա. բայց  
գրեցաւ վասն մերոյ խրատու, յորս  
վախճան յաւիտեանցն եհաս:  
12 Դ՛ր. Այսուհետեւ որ համարիցի հաս-  
տատուն կալ զգոյշ լիցի, գուցէ ան-  
13 կանիցի: Փորձութիւն ի ձեր վերայ  
ոչ է եկեալ բայց Յի մարդկանէ. այլ  
հաւատարիմ է Աստուած որ ոչ արկցէ  
զձեզ ի փորձութիւն առաւել քան զկար  
ձեր, այլ արասցէ ընդ փորձութեանն  
եւ գելան, զի համբերել կարասջիք:  
14 Վասն որոյ, սիրելիք իմ, փախերուք  
15 ի կռապաշտութենէ, իբրեւ ընդ իմաս-  
տունս խօսիմ. ընտրեցէք ձեզէն զոր  
16 ասեմս: Բաժակն օրհնութեան զոր  
օրհնեմք՝ ոչ ապաքէն հաղորդութիւն  
է արեանն Քրիստոսի. հացն զոր բե-  
կանեմք՝ ոչ ապաքէն հաղորդութիւն  
17 է մարմնոյն Քրիստոսի: Զի մի հաց,

1 Բազմութիւն, երեք  
2 Պատմ, զՔրիստոս  
3 Յայն, մարգկեղէն

մի մարմին եմք բազումքս, զի ամե-  
նեքին ի միոջէ հացէ անտի վայելեմք:  
18 Տեսէք զԽարայէլն ըստ մարմնոյ. ոչ  
ապաքէն որ ուտեն ի զոհիցն հաղորդք  
19 են սեղանոյն: Իսկ արդ զի՞նչ ասեմ,  
թէ զոհեալն իցէ ինչ. եւ կամ կուռքն  
20 իսկ իցեն ինչ: Այլ զոր զոհենն հե-  
թանոսք, զիւաց եւ ոչ Աստուծոյ զու-  
հեն. ոչ կամիմ զձեզ հաղորդս զիւաց  
լինել. քանզի ոչ կարէք զբաժակն  
Տեառն ըմպել եւ զբաժակն զիւաց.  
21 Եւ ոչ կարէք ի սեղանոյ Տեառն վա-  
22 յելել եւ ի սեղանոյ զիւաց: Եթէ նա-  
խանձ ինչ արկանիցեմք Տեառն, միթէ  
զօրագոյնք իցեմք քան զնա:  
23 Ամենայն ինչ ինձ մարթ է, այլ ոչ  
ամենայն ինչ օգուտ է. ամենայն ինչ  
ինձ մարթ է, այլ ոչ ամենայն ինչ շինէ:  
24 Մի՛ ոք զանձին եւեթ խնդրիցէ, այլ եւ  
25 զընկերին: Ամենայն ինչ որ ի սպան-  
դանոցի վաճառի՝ կերայք, եւ մի՛ խրտ-  
26 րէք վասն խղճի մտաց: Զի Տեառն է  
երկիր լրիւ իւրով: Վձ  
27 Եթէ ոք կոչեսցէ զձեզ յանհաւատից  
եւ կամիցիք երթալ, զամենայն ինչ որ  
առաջի զնիցի, կերայք եւ մի՛ խորէք  
28 վասն խղճի մտաց: Ապա եթէ ոք ա-  
սացէ ձեզ թէ Այդ զոհեալ է, մի՛ ու-  
տիցէք վասն նորա որ գուշակն եղեւ,  
29 եւ վասն խղճի մտացն: Այլ զխիղճ  
մտացն ասեմ՝ ոչ զիւրն, այլ զընկե-  
րին. իսկ ընդէր բնաւ սգաւորութիւնս  
30 իմ դատիցի յայլոյ խղճէ մտաց: Եթէ  
ես շնորհօք վայելիմ, ընդէր հայոցի-  
31 ցիմ, վասն որոյ եսն զոհանամ: Արդ  
եթէ ուտիցէք, եթէ ըմպիցէք, եթէ  
զինչ եւ զործիցէք, զամենայն ինչ ի  
32 փառս Աստուծոյ արսուջիք: Առանց  
գայթակղութիւն զնիւոյ Հրէից եւ հե-  
թանոսաց լինիցիք եւ եկեղեցւոյն Աս-  
33 տուծոյ: Որպէս եւ ես ամենեւին ու-  
մենեցուն հաճոյ լինիմ, ոչ խնդրեմ  
զանձին օգուտ, այլ զբազմաց՝ զի ապ-  
րեսցին:

ԳԼ. ԺԱ

1 Մամնողք ինձ եղերուք, որպէս եւ  
ես Քրիստոսի:

1 Պատմ, մտացն, զի Տեառն է երկիր լրիւ իւրով  
2 Կամ, շնորհակալութեամբ



- 2 ԴՁ. Գովեմ <sup>1</sup>զձեզ զի զամենայն ինչ զիմ յիշէք, եւ որպէս աւանդեցի ձեզ, 3 զաւանդութիւնսն ունիցիք: Կամիմ զի զիտիցէք դուք, եթէ առն ամուսնայնի զլուխ Քրիստոս է, եւ զլուխ կնոջ՝ այր, եւ զլուխ Քրիստոսի՝ Աստուած: Ամենայն այր յորժամ յաղօթս կայցէ կամ մարգարէանայցէ եւ զգլուխն ծածկեալ ունիցի, յամօթ առնէ զգլուխն իւր: Եւ ամենայն կին յորժամ յաղօթս կայցէ կամ մարգարէանայցէ բացաւ գլխով, յամօթ առնէ զգլուխն իւր, զի այնպէս համարէ թէ 4 գերծեալ իցէ: Զի եթէ ոչ սքողեսցի կին, փոքրեսցէ զհերս իւր. ապա եթէ անպատեհ է կնոջ փոքրել կամ գերծուել, սքողեսցի: Առն մարդոյ չէ պարտ ծածկել զգլուխ իւր, զի պատկեր եւ փառք Աստուծոյ է. իսկ կին փառք 8 առն իւրոյ է: Զի ոչ եթէ այր ի կնոջէ 9 է, այլ կին՝ յառնէ: Քանզի ոչ իսկ հաստատեցաւ այր վասն կնոջ, այլ՝ կին 10 վասն առն: Վասն այնորիկ պարտի կինն շուք զնել գլխոյն վասն հրեշ- 11 տակաց: Բայց ոչ կին՝ առանց առն: 12 Եւ ոչ այր՝ առանց կնոջ ի Տէր: Զի որպէս կին յառնէ, նոյնպէս եւ այր ի կնոջէ, բայց ամենայն՝ յԱստուծոյ: 13 Այլ դուք ձեզէն տուք զիրաւդ. արժան է կնոջ մարդոյ հոլանի յաղօթս 14 կալ առաջի Աստուծոյ: Եւ ոչ բնուութիւնն իսկ ուսուցանէ զձեզ, զի այր, եթէ գիտաւոր է, անարգանք են նմա: 15 Բայց կին, եթէ գիտաւոր է, փառք են նմա. զի զէսք փոխանակ զգետու: 16 Եւ տուեալ են նմա: Ապա թէ ոք կամի հակառակող լինել, մեք չունիմք այնպիսի սովորութիւն, եւ ոչ եկեղեցիքն Աստուծոյ: ՎՋ
- 17 Այլ զայս պատուիրեմ, ոչ որպէս թէ գովիցեմ, զի ոչ ի լաւ սնդր՝ այլ 18 ի վատթարն Զնկրտիք: Նախ՝ յորժամ ի մի վայր ժողովիցիք յեկեղեցին, լսեմ եթէ հերձուածք գոն ի ձեզ, եւ սակաւ 19 ինչ հաւատացի: Բայց եւ հերձուածք լինելոց են ի ձեզ, զի որ ընտիրքն ի 20 ցեղն ի ձեզ՝ երեւեսցին: Եւ արդ ի ժողովին ձեզ ի միասին՝ <sup>4</sup> ոչ է տու
- 21 Տեառն ձեզ տեղի հաց ուտելոյ: Զի իւրաքանչիւր ոք զիւր ընթրիս յառաջանայ ուտել: Եւ ոմն քաղցեալ՝ եւ 22 ոմն արբեալ: Միթէ տունս ոչ ունիցիք ուտելոյ եւ ըմպելոյ. եթէ զեկեղեցեալն Աստուծոյ արհամարհիցէք, եւ յամօթ առնէք զչքաւորսն. զինչ <sup>5</sup> ատուցից. զովեցից <sup>6</sup> զձեզ յայդմ. ոչ 23 գովեմ: Զի ես ընկալայ ի Տեառնէ, զոր եւ ձեզն աւանդեցի, եթէ Տէր Յիսուս ի գիշերին յորում մատնէր, առ 24 հաց. Գոհացաւ, երեկ եւ յասէ, Այս է իմ մարմին, որ վասն <sup>8</sup> ձեր. զայս 25 արարէք առ իմոյ յիշատակի: Նոյնպէս եւ զբաժակն յետ ընթրեացն <sup>9</sup> առ եւ՝ ասէ, Այս բաժակ նոր ուխտ է իմով արեամբ. զայս արարէք քանիցս անգամ թէ ըմպիցէք, առ իմոյ յիշատակի: 26 Քանիցս անգամ թէ ուտիցէք զհացս զայս եւ զբաժակս ըմպիցէք, զմահն Տեառն պատմիցէք, մինչեւ եկեսցէ 27 նա: Այսուհետեւ որ ուտիցէ զհացս, կամ ըմպիցէ զբաժակս Տեառն անտր- ժանութեամբ, պարտական եղիցի 28 մարմնոյ եւ արեանն Տեառն: Փորձուսցէ մարդ զանձն իւր, եւ ապա ի հացէ անտի կերիցէ եւ ի բաժակէն արբցէ: 29 Զի որ ուտէ եւ ըմպէ <sup>10</sup> անարժանու- թեամբ՝ դատաստանս անձին իւրում ուտէ եւ ըմպէ, զի ոչ խտրէ զմար- 30 մինն <sup>10</sup> Տեառն: Վասն այնորիկ իսկ են ի ձեզ բազում հիւանդք եւ ախտա- ժէտք, եւ շատ եւս այն են որ եւ 31 ննջեցեալքն իսկ իցեն: Զի եթէ զան- ձինս քննէաք, ապա ոչ դատապար- 32 տէաք: Եւ եթէ դատիմք, ի Տեառնէ խրատիմք. զի մի՛ ընդ աշխարհի դա- 33 տապարտեսցուք: Այսուհետեւ, եղբարք, յորժամ ի մի վայր ժողովիցիք 34 ուտել, միմեանց միասցիք: Ապա թէ ոք քաղցեալ իցէ, ի տան իւրում կերիցէ, զի մի՛ ի դատապարտութիւն ժողովիցիք: Բայց զայլ ինչ, յորժամ եկից, յայնժամ պատուիրեցից:

<sup>1</sup> Ո՛հ, զձեզ, եղբարք,<sup>2</sup> Ո՛հ, իշխանութիւն<sup>3</sup> Ո՛հ, ժողովք<sup>4</sup> Ո՛հ, ոչ է զՏէրութեան ընթրիսն ուտել<sup>5</sup> Ո՛հ, ատուցից ձեզ<sup>6</sup> Ո՛հ, զձեզ յայդմ ոչ<sup>7</sup> Ո՛հ, առն, Առէք կերպք, այս<sup>8</sup> Ո՛հ, ձեր բեկանի<sup>9</sup> Ո՛հ, զմեզ պատմ<sup>10</sup> Ո՛հ, զմեզ

ԳԼ. ԺԲ

1 ԵՎ. Այլ վասն հոգեւորացն, եղբարք,  
2 ոչ կամիմ եթէ տգէտք իցէք: Գիտէք  
իսկ զի մինչ հեթանոսքն էիք, առ  
կուսան անմոռնչա որպէս երթայիք,  
3 եւ գայիք: Վասն որոյ ցուցանեմ ձեզ,  
զի ոչ ոք Հոգւով Աստուծոյ խօսի՝ եւ  
ասիցէ թէ նշուակալ Յիսուս. եւ ոչ ոք  
կարէ ասել Տէր զԵրեսուս, եթէ ոչ  
Հոգւով Սրբով:  
4 Թէպէտ եւ բաժինք չնորհաց են,  
5 այլ Հոգի նոյն է, եթէ բաժինք պաշ-  
6 տամանց են, այլ Տէր նոյն է: Եթէ  
բաժինք յաջողութեանց են, այլ Աս-  
տուած նոյն է որ յաջողէ զամենայն  
7 յամենայնի: Բայց իւրաքանչիւր ունի  
տուեալ է յայտնութիւն Հոգւոյն՝ առ  
8 իւրաքանչիւր օգուտ՝: Ումեմն ի Հոգ-  
ւոյն տուեալ է բան իմաստութեան.  
այլում՝ բան գիտութեան ըստ նմին  
9 Հոգւոյ. Միւսումն հաւատք՝ նովին  
Հոգւով. այլում չնորհք բժշկութեանց՝  
10 նովին Հոգւով. Այլում՝ յաջողու-  
թիւնք զօրութեանց, այլում՝ մարդա-  
րէութիւն, այլում՝ ընտրութիւն հոգ-  
ւոց, այլում՝ ազգք լեզուաց, այլում՝  
11 թարգմանութիւն լեզուաց: Այլ զայս  
ամենայն յաջողէ մի եւ նոյն Հոգի, եւ  
բաժանէ իւրաքանչիւր որպէս եւ կամի:  
12 ԵՎ. Որպէս մարմին մի է եւ անդամս  
բազումս ունի, եւ ամենայն բազում  
անդամք մարմնոյ մի մարմին է, նոյն  
13 պէս եւ Քրիստոս: Քանզի միով Հոգ-  
ւով մեք ամենեքեան ի մի մարմին  
մկրտեցաք, եթէ Հրեայք, եթէ հեթա-  
նոսք, եթէ ծառայք, եթէ ազատք,  
14 ամենեքին զմի Հոգի արքաք: Քանզի  
մարմին ոչ մի անդամ է, այլ բազում:  
15 Եթէ ասիցէ ոտն, Զի չեմ ձեռն, չեմ  
ի մարմնոյ անտի, ոչ այնու չիցէ ի  
16 մարմնոյ անտի: Եւ եթէ ասիցէ ունկն,  
Վասն զի չեմ ական, չեմ ի մարմնոյ  
անտի, ոչ այնու չիցէ ի մարմնոյ ան-  
17 տի: Եթէ ամենայն մարմինն ական էր,  
ո՞ր էր ունկն. եւ եթէ ամենայն թեւ  
18 լիք էին, ո՞ր էին հոտոտիլք: Բայց  
արդ Աստուած եղ զանդամսն, զմի  
մի իւրաքանչիւր ի նոցանէ ի մարմին,

19 որպէս եւ կամեցաւ: Ապա թէ էր ա-  
մենայն մի անդամ, ո՞ր էր մարմին:  
20 Բայց արդ անդամք բազումք են, եւ  
21 մարմին մի: Ոչ կարէ ական ասել ցձեռն,  
թէ Չես ինձ պիտոյ, եւ կամ դարձեալ  
22 զլուսն ցոտսն թէ Չէք ինձ պիտոյ: Այլ  
առաւել որ թուին անդամք մարմնոյն  
թէ տկարագոյնք իցեն, կարեւորք են.  
23 Եւ որ թուին թէ անարդագոյնք իցեն  
մարմնոյն, այնք առաւելագոյն պատիւ  
առնեմք. եւ ամօթոյքն մեր առաւել  
24 եւս պարկեշտութիւն ունին: Եւ պար-  
կեշտիցն մերոց չէ ինչ պիտոյ. քանզի  
Աստուած խառնեաց զմարմինն. եւ  
25 նուազին առաւել եւս պատիւ ետ: Զի  
մի՛ իցեն հերձուածք ի մարմնի անդ,  
այլ զի նոյնք զմիմեանց հոգայցեն ան-  
26 դամն: Եւ եթէ վշտանայ ինչ մի ան-  
դամն, վշտանան ամենայն անդամքն  
ընդ նմա. եւ եթէ փառաւորի մի ան-  
դամն, խնդան ամենայն անդամքն ընդ  
27 նմա: Այլ դուք մարմին Քրիստոսի էք  
եւ անդամք Զյանդամոց նորա՝: ՎՋ  
28 Եւ զորս եղն Աստուած յեկեղեցւոյ՝  
այս են. նախ զառաքեալս, երկրորդ  
զմարդարէս, երրորդ զվարդապետս,  
ապա զօրութիւնս, ապա շնորհս բժշ-  
կութեանց, օգնութիւնս, վարիչս,  
ազգս լեզուաց, թարգմանութիւնս  
29 լեզուաց: Միթէ ամենեքին առա-  
քեալք իցեն. միթէ ամենեքին մար-  
դարէք իցեն. միթէ ամենեքին վար-  
դապետք իցեն. միթէ ամենեքին զօ-  
30 րութիւնք իցեն: Միթէ ամենեքին  
շնորհս բժշկութեան ունիցին. միթէ  
ամենեքին ի լեզուս խօսիցին. միթէ  
ամենեքին թարգմանիցեն:  
31 Բայց նախանձաւոր լիրուք չնորհացն  
որ լաւն են. այլ եւ առաւել եւս ճա-  
նապարհ ցուցանեմ ձեզ:

ԳԼ. ԺԳ

1 ԵԶ. Եթէ զլեզուս մարդկան խօսիցիմ  
եւ զհրեշտակաց, եւ սէր ոչ ունիցիմ,  
իզէ ես իբրեւ զպղինձ որ հնչէ, կամ  
2 իբրեւ զծնծղայս. որ զօղանջն, եւ  
եթէ ունիցիմ զմարդարէութիւն, եւ  
զիտիցեմ զխորհուրդս ամենայն եւ

զամենայն գիտութիւն, եւ եթէ ունիցիմ զամենայն հաւատս մինչեւ զլսինս փոփոխելոյ, եւ սէր ոչ ունիցիմ, 3 ոչ ինչ եմ: Եւ եթէ ջամբիցեմ զամենայն ինչս իմ աղքատաց, եւ մատնիցեմ զմարմինս իմ յայրուսն, եւ սէր 4 ոչ ունիցիմ, ոչ ինչ օգտիմ: Սէր երկայնամիտ է, քաղցրամայ: սէր ոչ նախանձի, ոչ ամբարհաւածէ, ոչ հպարտանայ: Ոչ յանդգնի, ոչ խնդրէ զիւրն, 6 ոչ գրգռի, ոչ խորհի զշար: Ոչ խնդայ ընդ անիրաւութիւն, այլ խնդայ ընդ 7 ստուգութիւն: Ամենայնի տեւէ, ամենայնի հաւատայ, ամենեւին յուսայ, ամենայնի համբերէ: Սէր ոչ երբեք անկանի: Եթէ մարգարէութիւնք 8 եմ, խափանեցիմ, եթէ լեզուք լռեսցեն, եթէ գիտութիւն՝ խափանեցի: 9 Քանզի փոքր ի շատէ գիտեմք, եւ 10 փոքր ի շատէ մարգարէանամք: Այլ յորժամ եկեացէ կատարումն, փոքր ի շատէս խափանեցի: 11 Զս. Մինչ տղայն էի, իբրեւ զտղայ խօսէի, իբրեւ զտղայ խորհէի, իբրեւ զտղայ համարէի: այլ յորժամ եղէ այր, զտղայութեանն ի բաց խափանեցի: 12 Այժմ տեսանեմք իբրեւ ընդ հայելի օրինակաւ, այլ յայնժամ՝ զէմ յանդիման: այժմ խելամուտ եմ փոքր ի շատէ, այլ յայնժամ գիտացից, որպէս եւ 13 նայն ծանեալ զիս: Բայց արդ մնա հաւատք, յոյս, սէր, սոքա երեքեան, եւ մեծ քան զսոսս սէր է:

## ԴԼ. ԺԴ

1 Զնետ երթայք սիրոյ, եւ նախանձաւոր լերուք հոգեւորացն առաւել զի 2 եւ դուք մարգարէանայցէք: Զի որ խօսի ի լեզուս՝ ոչ ընդ մարդկան խօսի, այլ՝ ընդ Աստուծոյ: զի ոչ սք է որ լսէ: 3 Բայց հոգւով խօսի խորհուրդս: Իսկ որ մարգարէանայն՝ մարդկան խօսի չիտութիւն եւ միտթարութիւն եւ սփոփութիւն: Որ խօսի ի լեզուս՝ զանձն իւր չինէ: եւ որ մարգարէանայն՝ 5 զեկեղեցին չիւնէ: Կոմիմ զի ամենեւին դուք ի լիցուս խօսիցիք, առաւել զի մարգարէանայցէք, զի լաւ է որ մարգարէանայն՝ քան զայն որ ի լեզուս խօսիցի: Բայց եթէ թարգմա-

նեսցէ, զի եկեղեցին չիտութիւն առնուցու:

## ՎԶ

6 Բայց այժմ, եղբարք, եթէ եկից առ ձեզ ի լեզուս խօսելով, զինչ օգուտ լինիցիմ ձեզ եթէ ոչ խօսիցիմ կամ յայտնութեամբ կամ գիտութեամբ կամ մարգարէութեամբ կամ վարդապետութեամբ: Այնպէս որպէս անշունչքն ձայն տայցեն, եթէ՝ փող եւ եթէ՝ քնար, զի եթէ ընտրութիւն ինչ բարբառոյն չառնիցեն, զիարդ ճանաչիցի փողոյն 8 հարկանել կամ քնարին հնչել: Քանզի եթէ խառնաձայն արձակիցէ փողն, ո՞վ 9 պատրաստեցի ի պատերազմ: Նոյնպէս եւ դուք եթէ լեզուք ոչ նշանակիցէք զբանն, զիարդ ճանաչիցին խօսքն: զի լինիցիք այնուհետեւ իբրեւ 10 ընդ օդս խօսեցեալք: Զի այնչափ ազգք ձայնից են յաշխարհի, եւ ոչ ինչ է ան- 11 ձայն: Իսկ արդ՝ եթէ ոչ գիտիցեմ զգորութիւն ձայնին, լինիցիմ այնմ որ խօսիցին ընդ իս՝ դուժ, եւ նա որ խօ- 12 սիցին ընդ իս՝ դուժ: Նոյնպէս եւ դուք քանզի նախանձորդք էք հոգեւորացն: վասն չինածոյ եկեղեցւոյն՝ ինչդէք 13 զի առաւել եւս իցէք: Վասն որոյ որ խօսին ի լեզուս՝ աղօթս արասցէ զի եւ 14 թարգմանիցէ: Եթէ կամ յաղօթս լեզուաւ, հոգին իմ կայ յաղօթս, այլ միտք 15 իմ անպտուղ են: Իսկ արդ՝ զինչ իցէ: կացից յաղօթս հոգւով, կացից յաղօթս եւ մտօք: սաղմոս սասցից հոգւով, 16 սաղմոս սասցից եւ մտօք: Ապա թէ ոչ՝ եթէ օրհնեսցես հոգւով, որ կայցէ ի տեղւոյ տգիտին, զիարդ ասիցէ ի քում զովութեանն զԱմէնն: քանզի 17 զոր ասեսն՝ նա ոչ գիտէ: Զի դու բարեւոք զոհանաս, այլ ընկերն ոչ չինի: 18 ԶԲ. Գոհանամ զԱստուծոյ ձևսն ամենեցուն ձեր՝ առաւել լեզուաւ խօ- 19 սիմ: Այլ ի մէջ եկեղեցւոյն կամիմ բանս հինգ մտօք խօսել զի եւ զայլս խրատիցեմ, քան զբազում բանս՝ լեզ- 20 ուաւ: Եղբարք, մի՛ լինիք տղայք մտօք, այլ ի շարեաց տղայացարուք, 21 եւ մտօք կատարեալք լինիջիք: Քանզի եւ յօրէնսն զրեալ է եթէ Յօտար լեզուս եւ ի շրթոնս օտարոտիս խօսեցայց ընդ ժողովրդեանդ ընդ այդմիկ, սակայն

22 եւ ոչ այնպէս լուրջեն ինձ: Ապա  
 ուրեմն լեզուք նշանակի վասն են, ոչ  
 հաւատացելոց, այլ՝ անհաւատից: Իսկ  
 մարգարէութիւն՝ ոչ անհաւատից, այլ՝  
 23 հաւատացելոց: Ապա եթէ դայցէ եկե-  
 ղեցին ամենայն ի մի վայր, եւ ամենե-  
 քին ի լեզուս խօսիցին, եւ մտանիցեն  
 անդր տգէտք կամ անհաւատք, ո՛չ ա-  
 24 սիցեն եթէ զի մոլիքդ: Իսկ եթէ ամե-  
 նեքին մարգարէանայցեն, եւ մտանիցէ  
 ոք անդր անհաւատ կամ տգէտ, յան-  
 դիմանի յամենեցունց, եւ քննի յամե-  
 25 նեցունց, եւ գաղտնիք սրտի նորա  
 յայտնի լինին: Եւ ապա անկեալ ի  
 վերայ երեսաց՝ երկիր պազանիցէ Աս-  
 տուծոյ, եւ խոստովան լինիցի թէ ար-  
 դարեւ Աստուած է ի ձեզ:  
 26 ԶԳ. Եւ արդ զինչ իցէ, եղբարք,  
 յորժամ ի մի վայր ժողովիցիք, իւրա-  
 քանչիւր ոք ի ձէնջ եթէ սաղմոս ու-  
 նիցի, եթէ վարդապետութիւն ունիցի,  
 եթէ յայտնութիւն ունիցի, եթէ լե-  
 զուս ունիցի, եթէ թարգմանութիւն  
 ունիցի, ամենայն ի շինած լինիցի:  
 27 Եթէ ի լեզուս ոք խօսիցի՝ երկուք, եւ  
 եթէ եւս աւելի՝ երեք, եւ ապա մի  
 ըստ միովէ, եւ մինն թարգմանեսցէ:  
 28 Ապա եթէ չիցէ ոք որ թարգմանիցէ,  
 լուռ լիցի յեկեղեցւոյն, ընդ միտս իւր  
 29 եւ ընդ Աստուծոյ խօսեսցի: Բայց  
 մարգարէք երկու կամ երեք խօսեա-  
 30 ցին, եւ այլքն քննեսցեն: Ապա եթէ  
 այլ ումեք որ նստիցին՝ յայտնեսցի,  
 31 առաջինն լուսցէ: Քանզի կարող էք  
 ամենեքեան մի ըստ միովէ մարգարէ-  
 անալ, զի ամենեքեան ուսանիցին եւ  
 32 ամենեքեան մխիթարեսցին: Քանզի  
 եւ ոգիք իսկ մարգարէից՝ մարգարէից  
 33 հնազանդին: Զի ոչ եթէ խռովութեան  
 է Աստուած, այլ խաղաղութեան, որ-  
 պէս յամենայն եկեղեցիս սրբոց:  
 34 Յկանայք յամենայն եկեղեցիս՝ լուռ  
 լիցին, զի ոչ հրամայի նոցա խօսել,  
 այլ հնազանդ լինել, որպէս եւ օրէնքն  
 35 իսկ ասեն: Ապա եթէ ուսանել ինչ  
 կամիցին, ի տան դարս իւրեանց հար-  
 ցանիցին: քանով անպատեհ է կնոջ  
 36 մարդոյ յեկեղեցւոյ խօսել: Եթէ ի  
 ձէնջ բանն Աստուծոյ ել, եւ կամ թէ

37 առ ձեզ միայն եհաս: Իսկ եթէ ոք հա-  
 մարիցի մարգարէ լինել կամ հոգեւոր,  
 38 ճեառն պատուիրանք են: Ապա թէ ոք  
 39 տգիտանայցէ, տգիտասցի: Այսուհե-  
 տեւ, եղբարք, նախանձեցարուք մար-  
 գարէանալ, եւ զխօսեն լեզուօք մի՛  
 40 արգելուք: Եւ ամենայն ինչ՝ ձեր պար-  
 կեշտութեամբ եւ ըստ կարգի լինիցի:  
 ՎՁ

ԳԼ. ԺԵ

1 Յուցանեմ ձեզ, եղբարք, զաւետա-  
 րանն ծիմ, զոր աւետարանեցի ձեզ,  
 զոր եւ ընկալարուք, յոր եւ հաստատ-  
 2 եալդ էք: Որով ապրեցէքն, որով բա-  
 նիւ աւետարանեցի ձեզ թէ ունիցիք.  
 բայց եթէ ի զուր ինչ հաւատացէք,  
 3 Զի ես ձեզ դայն նախ աւանդեցի՝ զոր  
 եւ եսն ընկալայ, եթէ՝ Քրիստոս մե-  
 ռաւ վասն մեղաց մերոց ըստ գրոց,  
 4 Եւ զի թաղեցաւ, թէ՛ եւ յարեաւ յա-  
 5 լուր երրորդի ըստ գրոց: Եւ թէ՛ ե-  
 րեւեցաւ Կեփայի, եւ ապա երկոտա-  
 6 սանիցն: Ապա երեւեցաւ աւելի եւս  
 քան զինք հարեւր եղբարց միանգա-  
 մայն: յորոց բազումք կան մինչեւ  
 7 ցայժմ, եւ ոմանք ննջեցին: Եւ ապա  
 երեւեցաւ Յակովբայ, ապա առաքե-  
 8 լոցն ամենեցուն: Հուսկ յետոյ քան  
 զամենեսին իբրեւ անարգի միով՝ երե-  
 9ւեցաւ եւ ինձ: Զի ես իսկ եմ տրուան  
 առաքելոց, որ չեմ իսկ արժանի թէ  
 կոչեցայց առաքեալ, զի հալածեցի զե-  
 10 կեղեցին Աստուծոյ: Այլ շնորհօքն Աս-  
 տուծոյ եմ զինչ եւ իցեմ: Եւ շնորհք  
 նորա որ յիս՝ ընդունայն ինչ ոչ եղեն:  
 այլ առաւել քան զնոսա ամենեսին  
 վաստակեցի, եւ ոչ եթէ ես՝ այլ  
 11 շնորհքն Աստուծոյ որ ընդ իս: Արդ  
 եթէ՛ ես եւ եթէ՛ նոքա այսպէս քարո-  
 ղեցաք, եւ դուք այսպէս հաւատացէք:  
 12 Ապա եթէ Քրիստոս քարոզի թէ ի  
 մեռելոց յարուցեալ է, զիարդ ասեն  
 ոմանք ի ձէնջ եթէ Յարութիւն մե-  
 13ռելոց չիք: Եթէ յարութիւն մեռելոց  
 չիք, ապա եւ Քրիստոս չէ յարուցեալ:  
 14 Եւ եթէ Քրիստոս չիցէ յարուցեալ,  
 ընդունայն է քարոզութիւնն մեր, ըն-  
 15դունայն են եւ հաւատքն ձեր: Եւ գտա-  
 նիցիմք սուտ վկայք Աստուծոյ: զի

1 Բ-ձ, ինձ, աւէ Տէր  
 2 Բ-ձ, Կանայք ձեր  
 3 Բ-ձ, յեկեղեցիս

վկայեցաք զԱստուծոյ թէ Յարոյց զՔրիստոս . զոր ոչն արդեւք յարոյց .  
 16 եթէ մեռեալք ոչ յառնիցեն : Իսկ եթէ մեռեալք ոչ յառնեն , ապա եւ Քրիստոս  
 17 չէ յարուցեալ , եւ եթէ Քրիստոս չիցէ յարուցեալ , ընդունայն եւն հաւատքն ձեր . եւ տակաւին <sup>1</sup>ի նմին մեղս՝ կայ-  
 18 ցէք : <sup>2</sup>Իսկ արդ որ ննջեցին ի Քրիստոս ,  
 19 կորեան արդեւք՝ եթէ այսու կենօքս միայն յուսացեալ եմք ի Քրիստոս , ո-  
 20 ղորմակի եմք քան զամենայն մարդիկ է ի մեռելոց , առաջին պտուղ ննջեցելոց .  
 21 Քանզի մարդով եղեւ մահ , եւ մարդով  
 22 յարութիւն մեռելոց : Որպէս Ադա-  
 ման ամենեքին մեռանին , նոյնպէս եւ Քրիստոսիւ ամենեքին կենդանաս-  
 23 ցին : Իւրաքանչիւր յիւրում կարգի-  
 24 ի գալատեան նորա : Եւ ապա կատա-  
 րած , յորժամ տացէ ի ձեռս զթաղա-  
 ւորութիւնն Աստուծոյ եւ Հօր , յոր-  
 ժամ խափանեցէ զամենայն իշխանու-  
 25 թիւնս եւ զամենայն պետութիւն եւ  
 զգորութիւն : Զի պարտ է նմա թա-  
 26 նա միայն ի ներքոյ ոտից իւրոց : Յետին  
 թշնամին խափանի՝ մահ . եւ զամե-  
 27 յայն ինչ հնազանդ տրար ի ներքոյ ո-  
 28 նա զամենայն : Այլ յորժամ հնազան-  
 ղեացի նմա ամենայն յայնժամ եւ ինքն  
 Որդի հնազանդեցի այնմ , որ հնա-  
 զանդեցոյց նմա զամենայն . զի եղիցի  
 29 Աստուած ամենայն յամենայնի : Ապա  
 թէ ոչ՝ զինչ զործիցեն որ մկրտի-  
 ցինն վասն մեռելոց , եթէ արդարեւ  
 30 բնաւ մկրտին վասն նոցա : Ընդէր եւ  
 31 մեք ճշմարիտ յամենայն ժամ . <sup>3</sup>Եւ հա-  
 նապապ մուսանիմք՝ , ի պարծանս ձեր  
 32 ասո Յիսուս ի Տէր մեր : Եթէ <sup>4</sup>վասն  
 մարդոյ ի գաղանամարտի լիկայ է ի յե-  
 33 փնտս , զինչ օգուտ էր թինձ , եթէ  
 մեռեալք ոչ յառնեն . կերիցուք՝ արդ-  
 33 ցուք . քանզի վաղիւ մեռանիմք : Մի՛

խարիք . ապականեն զբարս քաղցունս  
 բանք չարք :

34 ԶԵ . Սթափեցարուք արդարութեամբ  
 եւ մի՛ մեղանչէք , զի զգիտութիւն  
 Աստուծոյ ոչ ունին ոմանք . առ ա-  
 մօթոյ ձերոյ ասեմ :  
 35 Այլ ասիցէ ոք , Զիարդ յառնեն մեռ-  
 եալք , կամ որո՞վ մարմնով գայցեն :  
 36 Անմիտ , դու զոր սերմանեսն՝ ոչ կեն-  
 37 դանանայ , եթէ ոչ մեռանիցի : Եւ զոր  
 սերմանեսն , ոչ զնոյն մարմին որ ծնա-  
 նելոցն իցէ սերմանես , այլ հաս մերկ ,  
 եթէ՛ ցորենոյ իցէ եւ եթէ՛ այլոց սեր-  
 38 մանեաց : Եւ Աստուած տայ նմա մար-  
 մին որպէս եւ կամի , եւ իւրաքանչիւր  
 39 սերմանեացն՝ զիւր մարմին : Ոչ ամե-  
 նայն մարմին նոյն մարմին է , այլ այլ  
 մարմին է մարդկան եւ այլ մարմին  
 40 անասնոց , այլ մարմին թռչնոց եւ այլ  
 մարմին ձկանց : Եւ՝ մարմինք երկնա-  
 ւորք , եւ՝ մարմինք երկրաւորք . այլ  
 41 այլ փառք երկնաւորաց են , եւ այլ  
 փառք՝ երկրաւորաց : Այլ փառք արե-  
 42 փառքն եւ այլ փառք՝ լուսնի , եւ այլ  
 փառք աստեղաց . եւ աստղ քան զաստղ  
 42 առաւել է փառք : Նոյնպէս եւ յա-  
 րութիւն մեռելոց . սերմանի ապակա-  
 նութեամբ եւ յառնէ առանց ապակա-  
 43 նութեան . Սերմանի անարգութեամբ  
 եւ յառնէ փառք . սերմանի տկարու-  
 44 թեամբ եւ յառնէ զօրութեամբ . Սեր-  
 մանի մարմին չնչաւոր եւ յառնէ մար-  
 մին հոգեւոր . եթէ գոյ մարմին չնչա-  
 45ւոր , գոյ եւ հոգեւոր : Այսպէս եւ  
 զրեալ է , Եղեւ մարդն առաջին Ագամ  
 ի չունչ կենդանի , երկրորդ Ագամ՝ ի  
 46 հոգի կենդանարար : Բայց ոչ նախ հո-  
 գեւորն . այլ չնչաւորն , եւ ապա հո-  
 47 գեւորն : Առաջին մարդն յերկրէ հոգե-  
 48 յին : Որպէս հողեղէնն , նոյնպէս եւ  
 հողեղէնքս . եւ որպէս երկնաւորն ,  
 49 նոյնպէս եւ երկնաւորքն : Եւ որպէս  
 զգեցաք զպատկեր հողելիւնն , զգեց-  
 50 ցուք եւ զպատկեր երկնաւորին :  
 ԶԶ . Բայց զայս ասեմ , եղբարք , եթէ  
 մարմին եւ արեւն զարեցյութիւնն  
 Աստուծոյ ժառանգել ոչ կարեն . եւ ոչ  
 ապականութիւն զանապականութիւն

<sup>1</sup> Բ-ՆՆ , ի մեղս ձեր

<sup>2</sup> Բ-ՆՆ . Նոյնպէս եւ որ ննջեցին ի Քրիստոս ,  
 կորեան

<sup>3</sup> Բ-ԼԼ-Է , Եւ հնապապ մեռանիմք

<sup>4</sup> Բ-ԼԼ-Է . Գ-Լ-Է . Եթէ մեռեալք ոչ  
 կեն , ըստ յառնեն , կերեցաք , եւն .

51 Ժառանգէ։ Արդ խորհուրդ մի ասեմ  
 52 ձեզ, <sup>1</sup>Ամենեքեան ննջեսցուք, այլ ոչ  
 եթէ ամենեքեան։ Նորոգեսցուք յան-  
 կարծակի՝ յական թօթափել ի փող յե-  
 տին, քանզի փող հարկանի, եւ մեռ-  
 եալք յարիցեն առանց ապականու-  
 53 թեան, եւ մեք նորոգեսցուք։ Ձի-  
 պարտ է ապականութեանս այսմիկ  
 զգնուլ զանապականութիւն, եւ մահ-  
 54 կանացուիս այսմիկ՝ զգնուլ զանմա-  
 հւութիւն։ Այլ յորժամ մահկանացուս  
 այս զգեցցի զանմահութիւն, եւ ա-  
 պականութիւնս զանապականութիւն,  
 յայնժամ եղիցի բանն որ գրեցաւ եթէ  
 55 Ընկաւ մահ ի յաղթութիւն։ Ո՛ւր է,  
 մահ, յաղթութիւն քո։ Դժոխք,  
 56 խայթոց քո։ Խայթոց մահու մեղք են,  
 57 եւ զօրութիւն մեղաց՝ օրէնք։ Այլ  
 չնորձ Աստուծոյ, որ ետ մեզ զյաղ-  
 թութիւն ի ձեռն Տեառն մերոյ Յի-  
 սուսի Բրիստոսի։  
 58 Ա՛յ. Այսուհետեւ, եղբարք իմ սի-  
 րելիք, հաստատուն եղերուք, անշարժ  
 կացէք, առաւել լերուք ի գործ Տեառն  
 յամենայն ժամ։ զիտասլիք զի վաս-  
 տակքն ձեր ոչ են ընդունայն առաջի  
 Տեառն։

ԳԼ. ԺԶ

4 Այլ վասն հաշուին որ ի սուրբսն է,  
 որպէս պատուէր ետու եկեղեցեացն  
 Գաղատացւոց, նոյնպէս եւ դուք առ-  
 2 նիշիք։ Ըստ իւրաքանչիւր միաշարա-  
 թուցն իւրաքանչիւր ոք ի ձէնջ <sup>3</sup>անձին  
 իւրում զանձեացէ՝ որ ինչ՝ եւ յաջո-  
 3 շեացի։ Ձի մի՛ յորժամ գայցեմ, յայն-  
 ժամ հաշիւք լինիցին։ այլ յորժամ եկից,  
 զոր միանգամ <sup>4</sup>ընտրեցէք՝ թղթովք  
 զնոսա՝ առաքելից տանել զչնորհսն  
 4 ձեր յերուսաղէմ։ Ապա թէ արժան  
 իցէ եւ ինձ երթալ, ընդ իս երթիցեն,  
 5 Այլ եկից առ ձեզ յորժամ ի Մակեդո-  
 նիա անցանիցեմ, <sup>6</sup>բայց իբրեւ շրջե-  
 6 ցայց ընդ Մակեդոնիա՝, թէ գէպ լիցի,  
 առ ձեզ մնացից եւ կամ ձմերկից, զի  
 7 դուք յուղարկիցէք զիս ուր եւ եր-  
 7 թալոցն եմ։ Ձի ոչ կամիմ զձեզ այժմ

ի հարեւանցի տեսանել։ ակն ունիմ  
 ժամանակ ինչ առնել առ ձեզ, եթէ  
 8 Տէր հրամայեացէ։ Բայց այժմ լինիմ  
 9 յԵփեսոս մինչեւ ցՊենտակոստէ։ Ձի  
 դուռն բացեալ է ինձ մեծ եւ կարեւոր,  
 եւ հակառակորդք բազում են։  
 10 Արդ եթէ եկեսցէ Տիմոթէոս, տես-  
 ջիք զիարդ աներկեւղ լինիցի առ ձեզ.  
 զի զգործ Տեառն գործէ, որպէս եւ  
 11 ես։ Մի՛ ոք զնա անգոսնեացէ, եւ  
 յուղարկեսլիք զնա խաղաղութեամբ  
 զի եկեսցէ առ իս։ քանզի ակն ունիմ  
 նմա եղբարք հանգերձ։  
 12 Ա՛ջ. Այլ վասն Ապողոսի եղբօր՝ յոյժ  
 աղաչեցի զնա զի եկեսցէ առ ձեզ եղ-  
 բարք հանգերձ։ եւ արդեւք ոչ էին  
 կամք զի այժմ եկեսցէ, այլ եկեսցէ  
 յորժամ եւ պարապեսցէ։  
 13 Հսկեցէք, հաստատուն կացէք ի հա-  
 ւատս, ժրացարուք, զօրացարուք։  
 14 Ամենայն ինչ ձեր սիրով լիցի։  
 15 Աղաչեմ զձեզ, եղբարք, զիտէք  
 զտունն <sup>6</sup>Ստեփանեայ եւ Փորտու-  
 նատեայ որ են՝ պտուղ Աքայեցւոց.  
 եւ ի պաշտօն սրբոցն կարգեցին զան-  
 16 ձինս։ Ձի եւ դուք հնազանդ լինիցիք  
 այնպիսեացն, եւ ամենայնի որ գոր-  
 17 ծակից իցէ եւ վաստակակից։ Ուրախ  
 եղէ ի գալ Ստեփանեայ եւ Փորտու-  
 նատեայ եւ Աքայիկոսի, զի զձեր պա-  
 18 կասութիւն նոքա լցին։ Քանզի հան-  
 գուցին զհոգի իմ եւ զձեր։ արդ ծա-  
 նիշիք զայնպիսիսն։  
 19 Ողջոյն տան ձեզ եկեղեցիքն Ասիա-  
 ցւոց, Ողջոյն շատ տան ձեզ ի Տէր Ա-  
 կիւղաս եւ <sup>7</sup>Պրիսկա հանդերձ առանին  
 20 եկեղեցեաւն իւրեանց։ Ողջոյն տան  
 ձեզ եղբարք ամենեքեան։ Ողջոյն տուք  
 միմեանց ի համարոյր սրբութեան։  
 21 Ողջոյնդ այդ իմոյ ձեռին Պաւղոսի  
 22 է։ Եթէ ոք ոչ սիրէ <sup>8</sup>զՏէր Յիսուս,  
 23 եղիցի նզովեալ։ Մարան աթա։ Շնորհք  
 Տեառն մերոյ Յիսուսի Բրիստոսի ընդ  
 24 ձեզ։ Եւ սէրն իմ ընդ ամենեսին ձեզ  
 ի Բրիստոս Յիսուս։ Ամէն։

Առ Կորնթացիս առաջն Բռնոյն իրեցա-  
 յԵփեսոս է յեւն Ստեփանեայ եւ Փորտու-  
 նատեայ եւ Ասիականք։

<sup>1</sup>Բռնոյն, Այլ ամենեքեան ննջեսցուք, այլ ա-  
 մենեքեան նորոգեսցուք։ (52) Յանկարծակի  
<sup>2</sup>Բռնոյն, մահ  
<sup>3</sup>Յռնոյն, զիցէ առ իւր՝ զանձեալ որ ինչ  
<sup>4</sup>Կ-մ, ընտրեցէք թղթովք՝ զնոսա

<sup>5</sup>Յռնոյն, քանզի անցից ընդ Մակեդոնիա  
<sup>6</sup>Բռնոյն, Ստեփանեայ որ է առաջին  
<sup>7</sup>Որնոյն, Պրիսկա  
<sup>8</sup>Որնոյն, զՏէր. այլ՝ զՏէր Յիսուս Քրիստոս

# ԱՌ ԿՈՐՆԹԱՑԻՍ

## ԵՐԿՐՈՐԴ ԹՈՒՂԹ

### ՔԼՈՒԽ Ա

- 1 ԲԿ. ՊԱՒՂՈՍ, առաքել Յիսուսի Քրիստոսի կամօքն Աստուծոյ, եւ Տիմոթէոս եղբայր. եկեղեցւոյդ Աստուծոյ որ է ի Կորնթոս, սրբովքդ ամենեքումք որ են յամենայն կողմանս 2 Աքայեցւոց. Շնորհք ընդ ձեզ եւ խաղաղութիւն յԱստուծոյ Հօրէ մերմէ եւ ի Տեառնէ Յիսուսէ Քրիստոսէ. 3 Օրհնեալ է Աստուած եւ Հայր Տեառն մերոյ Յիսուսի Քրիստոսի, Հայր գթութեանց եւ Աստուած ամենայն մխիթարութեան. Որ մխիթարէն զմեզ յամենայն նեղութիւնս մեր, առ ի կարող լինելոյ մեզ մխիթարել զայնոսիկ որ յամենայն նեղութիւնսն իցին, մխիթարութեամբն որով մեք մխիթարիմք 3 յԱստուծոյ. Զի որպէս առաւելան չարչարանքն Քրիստոսի ի մեզ, նոյնպէս եւ ի ձեռն Քրիստոսի առաւել լիցի եւ 6 մխիթարութիւնն մեր. Զի եթէ նեղիմք, վասն ձերոյ մխիթարութեան եւ փրկութեան. եւ եթէ մխիթարիմք, վասն ձերոյ մխիթարութեան որ յաջողեալն է համբերութեամբն ողորմելի չարչարանաց զոր եւ մեքն չարչարիմք. 7 Եւ յոյսն մեր հաստատուն է վասն ձեր. քանզի գիտեմք եթէ որպէս կցորդ եմք չարչարանացն, նոյնպէս եւ մխիթաւ 8 բութեանն. Քանզի ոչ կամիմ սղէտ լինել ձեզ, եղբարք, վասն նեղութեան մերոյ եզելոյ յԱսիա. զի առաւել քան զկար մեր ծանրացաք, մինչեւ անյոյս 9 լինելոյ մեզ եւ ի կենաց. Այլ անձամբ յանձինս զվճիռ մահու րնկալաք, զի մի՛ յանձինս ապաստանիցեմք, այլ յԱստուած որ յարուցանէ զմեռեալս. Որ

- յայնպիսի մահուանէ փրկեաց զմեզ եւ 11 փրկեսցէ. Քանզի յուսացեալ եմք, եթէ տակաւին փրկեսցէ օգնականութեամբ աղօթից ձերոց վասն մեր. զի ի բազմադէմ չնորհացն որ ի մեզ, բազմօք յաճախեսցեն գոհութիւնքն վասն մեր. 12 ԲԿ. Քանզի պարծանք մեր այս են, վկայութիւն մտաց մերոց, զի սրբութեամբ եւ ստուգութեամբ Աստուծոյ, եւ ոչ մարմնեղէն իմաստութեամբ, այլ չնորհօքն Աստուծոյ չրջեցաք յաշխարհի, բայց առաւել եւս առ ձեզ. 13 Քանզի ոչ եթէ այլ ազգ ինչ դրեմք առ ձեզ, այլ զոր ընթեռնուցուքն եւ գիտակ լինիցիք. քանզի յուսամ եթէ 14 մինչեւ ի վախճան գիտիցէք. Որպէս եւ խելամուտ եղէք մեզ փոքր ի շատէ, զի պարծանք ձեր եմք, որպէս եւ դուք մեր՝ յաւուրն Տեառն Յիսուսի Քրիստոսի. 15 Եւ յայս ապաստան կամէի նախ առ ձեզ գալ, զի դուք կրկին չնորհա ընդ 16 դունիջիք. Եւ ի ձէնջ երթալ ի Մակեդոնիա. եւ դարձեալ ի Մակեդոնիայ գալ առ ձեզ, եւ ի ձէնջ յուղարկել ի 17 Հրէաստան. Իսկ եթէ զայս խորհեցայ, միթէ թեթեւութեամբ ինչ գնացի. եւ կամ զոր խորհիմս՝ ըստ մարմնոյ ինչ խորհիցիմ, այլ զի եղիցի ինչն կողմանէ այոն՝ այո, եւ ոչն՝ ոչ. Հաւատարիմ է Աստուած զի բանն մեր որ 19 առ ձեզ չեհաս՝ ոչ է այո եւ ոչ. Քանզի Որդին Աստուծոյ Յիսուս Քրիստոս, որ ի ձեզ մեք քարոզեցաւ, ինեւ եւ Սիղուանոսիւ եւ Տիմոթէիւ, ոչ եղեւ այո՝ եւ ոչ, այլ այոն ի նմին եզեւ. 20 Զի որչափ աւետիքն Աստուծոյ են

38-22, 8-բ

38-22, 9-բ

38-22, 9-բ

1 Ուրիշ, մխիթարութեան եւ փրկութեան

ի նմա Այոն, վասն որոյ եւ նովին Ա-  
21 մէնն մեւք ի փառս Աստուծոյ: Այլ որ  
հաստատեացն զմեզ ձեւք հանդերձ ի  
Քրիստոս, եւ օծ զմեզ՝ Աստուած է:  
22 Որ եւ կնքեացն զմեզ, եւ ետ զառ-  
հաւատչեայ Հոգւոյն ի սիրտս մեր:  
23 ԲԶ. Այլ ես վկայ զԱստուած կոչեմ  
անձին իմոյ, զի վասն խնայելոյ ի ձեզ  
ոչ եւս եկի ի Կորնթոս. զի ոչ եթէ  
տիրեմք ձեզ հաւատովքս՝ այլ գործա-  
կից եմք՝ չնորհացդ ձերոց. քանզի հա-  
ւատովք հաստատեալ կայք:

ԳԼ. Բ

1 Բայց զայս «եւեթ ընտրեցի», զի մի՛  
միւսանգամ տրտմութեամբ եկից առ  
2 ձեզ. Զի եթէ ես տրտմեցուցանեմ  
զձեզ, եւ ո՞վ է որ ուրախ առնիցէ զիս,  
3 եթէ ոչ՝ որ տրտմիցին յինէն. եւ զայս  
զի գրեցի՝ զի մի՛ յորժամ զայցեմ,  
տրտմութիւն ինչ կրիցեմ, ուստի ար-  
ժանդ իցէ ինձ ուրախ լինել. յուսա-  
ցեալ եմ ի ձեզ ամենեսին, զի իմ ու-  
4 թախութիւնս ձեր ամենեցուն է. Զի  
ի բազում վշտաց եւ ի նեղութենէ սրտի  
գրեցի առ ձեզ բազում արտասուօք.  
ոչ զի տրտմիցիք, այլ զի զսէրն իմ  
գիտասցիք զոր ունիմ առաւելապէս  
5 առ ձեզ. Ապա թէ ոք տրտմեցոյց, ոչ  
եթէ զիս տրտմեցոյց, այլ փոքր ի շատէ,  
զի մի՛ ծանրացայց ամենեցուն ձեզ,  
6 Շատ է այնպիսւոյն պատուհասն այն  
7 որ ի բազմաց անտի է. Այսուհետեւ  
նմին հակառակ՝ մանաւանդ չնորհել  
ձեզ նմա եւ միսիթարել. զի մի՛ յա-  
ռաւել տրտմութենէն ընկղմեացի այն-  
8 պիսին. Վասն որոյ աղաչեմ զձեզ հաս-  
9 տատել ի նա զսէրն. Վասն այնորիկ  
իսկ եւ գրեցի, զի զչափ առից զձեր  
10 եթէ յամենայնի հպատակ իցէք. Զի  
եթէ ումեք չնորհիցէք, եւ ես. քանզի  
եւ ես եթէ չնորհիցեմ, զոր ինչ չնոր-  
հիցեմն՝ վասն ձեր ի դէմս Քրիստոսի.  
11 Զի մի՛ զրկիցիմք ի Սատանայէ. քանզի  
չեմք ինչ անտեղեակ խորհրդոցն նորա:  
12 ԳԿ. Այլ իբրեւ հասի ես ի Տրովադա  
յաւեատարանն Քրիստոսի, եւ դուռն  
13 բաց էր ինձ ի Տէր, Ոչ ետու հանգիստ

հոգւոյ իմում. քանզի ոչ գտի ես անդ  
զՏիտոս զեղբայր իմ. այլ հրաժարեալ  
ի նոցանէ՝ գնացի ի Մակեդոնիա.  
14 Այլ Աստուծոյ չնորհքն ուր յամե-  
նայնի հոչակ հարկանէ զմէնջ ի Քրիս-  
տոս Յիսուս, եւ զհոտ գիտութեանն  
իւրոյ յայտնի առնէ մեւք յամենայն  
15 տեղիս. Զի հոտ անոյշ եմք Քրիստոսի  
առ Աստուած ի մէջ փրկելոցն եւ ի մէջ  
16 կորուսելոցն. Ոմանց հոտ՝ մահուանէ  
ի մահ, եւ ոմանց հոտ՝ կենդանութենէ  
ի կեանս. եւ առ այս ո՞ր բաւական իցէ.  
17 Քանզի ոչ եմք իբրեւ զայլսն որ վա-  
ճառական լինին բանին Աստուծոյ. այլ  
իբրեւ ի հաստատութենէ, այլ իբրեւ  
յԱստուծոյ առաջի Աստուծոյ ի Քրիս-  
տոս խօսիմք:

ԳԼ. Գ

1 <sup>4</sup>Ականխիմք այսուհետեւ վերստին  
զանձինս ընծայեցուցանել. <sup>5</sup>Թէպէտ  
եւ ոչ պիտոյ իցեն մեզ, որպէս ոմանց՝  
թուղթք ընծայութեան առ ձեզ կամ  
2 ի մէնջ. Այլ թուղթք մեր դուք էք՝  
գրեալ ի սիրտս մեր, ծանուցեալ եւ ըն-  
3 թերցեալ յամենայն մարդկանէ. Յայտ-  
նեալք՝ զի էք թուղթք Քրիստոսի,  
պաշտեցեալ ի մէնջ. եւ գրեալ՝ ոչ  
մրով, այլ Հոգւոյն Աստուծոյ կեն-  
դանւոյ. ոչ ի տախտակս քարեղէնս,  
այլ ի տախտակս սրտի մարմնեղէնս.  
4 ԳԴ. Յոյս մի այսպիսի ունիմք ի ձեռն  
5 Քրիստոսի առ Աստուած. Իբր ոչ եթէ  
անձամբ բաւական եմք խորհել ինչ  
իբրեւ ի մէնջ. այլ բաւականութիւնն  
6 մեր յԱստուծոյ է. Որ եւ բաւականս  
արար զմեզ, պաշտօնեայս նորոց կտա-  
կարանացս, ոչ գրով, այլ հոգւով. զի  
գիրն սպանանէ, այլ հոգին կեցուցանէ.  
7 Զի եթէ պաշտօն մահու գրով գրուեալ  
ի տախտակսն քարեղէնս եղև փառօք,  
զի մի՛ կարասցեն հայել որդիքն իս-  
րայելի յերեսն Մովսիսի վասն փառաց  
երեսաց նորա որ խափանելոցն էր,  
8 Ո՛րչափ եւս առաւել պաշտօն հոգւոյն  
9 եղիցի փառօք. Զի եթէ պաշտօն դա-  
տապարտութեանն փառօք էր, ո՞րչափ  
եւս առաւել պաշտօն արդարութեանն

<sup>1</sup>Կ-Բ, ուրախութեանդ ձերում  
<sup>2</sup>Ե-Դ, ընտրեցի ինձ

<sup>3</sup>Ի բազում գովոսի  
<sup>4</sup>Ե-Դ, Ականխիմք  
<sup>5</sup>Ե-Դ, կամ թէ իցեն պիտոյ մեզ



- 10 փառօք : Քանզի ոչ եթէ փառաւորի  
փառաւորեալն յայսմ մասին՝ վասն ա-  
11 ռաւելութեան փառացն : Զի եթէ որ  
խափանելոցն էր՝ այն փառօք էր, ո՞ր-  
չափ եւս առաւել որ գալոցն է՝ փառօք  
12 իցէ : Եւ արդ՝ զի ունիմք այսպիսի-  
յոյս, բազում համարձակութեամբ վա-  
13 րենցուք. եւ ոչ որպէս Մովսէս ար-  
կանէր քող ի վերայ երեսաց իւրոց՝  
վասն չհայելոյ որդւոցն Իսրայելի ի  
14 վախճան խափանելոցն : Այլ կուրացան  
միտք նոցա. քանզի մինչեւ ցայսօր  
ժամանակի նոյն քող ձգեալ կայ ի վե-  
րայ ընթերցուածոց հին կտակարա-  
նացն. եւ ոչ վերանայ, զի Քրիստոսիւ  
15 խափանելոց է : Այլ մինչեւ ցայսօր՝  
յորժամ ընթեռնուն զՄովսէս, նոյն  
առագաստ կայ ի վերայ սրտից նոցա :  
16 Այլ յորժամ դարձցին առ Տէր, ապա  
վերացի առագաստն : ՎՋ  
17 Զի Տէր Հոգին է. ուր Հոգի Տեառն  
18 է, անդ ազատութիւն է : Բայց մեր  
ամենեցուն բացաւ երեսօք զփառան  
Տեառն իբրեւ ընդ հայելի տեսեալ՝ ի  
նոյն պատկեր նորոգիմք փառաց ի  
փառս, որպէս եւ ի Տեառն Հոգւոյ :

## ԳԼ. Դ

- 1 Վասն այսորիկ՝ ունիմք զպաշտօնս  
զայս, որպէս եւ գտաք զողորմութիւն.  
2 եւ ոչ ձանձրանամք. Այլ հրաժարե-  
ցաք ի զաղտնեաց ամօթոյն, զի ՚մի՛  
գնացուք՝ խորամանկութեամբ, եւ  
՚մի՛ նենգեացուք՝ զքանն Աստուծոյ.  
այլ յայտնութեամբ ճշմարտութեանն  
Յընծայեցուցուք զանձինս մեր առ ա-  
մենայն միտս մարդկան առաջի Աս-  
3 տուծոյ : Ապա թէ իցէ եւս ծածկեալ  
աւետարանն մեր, ի մէջ կորուսելոցն  
4 է ծածկեալ. Որոց աստուած աշխար-  
հիս այսորիկ կուրացոյց զմիտս ան-  
հաւատիցն, զի մի՛ ծագեացէ ի նոսա  
լուսաւորութիւն աւետարանի փա-  
ռացն Քրիստոսի. որ է պատկեր անու-  
5 րեւութին Աստուծոյ : Զի ոչ եթէ զան-  
ձինս քարոզեմք, այլ զՅիսուս Քրիս-  
տոս զՏէր, եւ զմեզ ծառայս ձեզ վասն  
6 Քրիստոսի : Զի Աստուած որ ասաց

- ի խաւարէ լոյս ծագել, ՚որ եւ՝ ծագ-  
եաց իսկ ի սիրտս մեր ի լուսաւորու-  
թիւն զիտութեան փառացն Աստուծոյ  
7 ի դէմս Յիսուսի Քրիստոսի : Այսու-  
հետեւ ունիմք զգանձս զայս յամանս  
խնցեղէնս, զի առաւելութիւն զօրու-  
թեանն իցէ յԱստուծոյ. եւ ոչ ի մէնջ :  
8 Յամենայնի նեղեալք՝ այլ ոչ նուազ-  
եալք. կարօտեալք՝ այլ ոչ տարակուս-  
9 եալք. Հալածեալք՝ այլ ոչ լքեալք.  
10 Հարչարեալք՝ այլ ոչ սատակեալք. Յա-  
մենայն ժամ զմա՜ն Յիսուսի ի մար-  
մինս մեր ՚կրենցուք, զի եւ կեանքն  
Յիսուսի ի մարմինս մեր յայտնեցին :  
11 Քանզի միշտ մեք որ կենդանիքս եմք՝  
ի մա՜ն մասնիմք վասն Յիսուսի, զի  
եւ կեանքն Յիսուսի յայսնի լիցին ի  
12 մահկանացու մարմինս մեր : Այսու-  
հետեւ մա՜ն ի մեզ զօրանայ, եւ կեանք՝  
13 ի ձեզ : Արդ ունիմք զնոյն հոգի հա-  
ւատոց, որպէս եւ զրեալ է, Հաւա-  
տացի, վասն որոյ եւ խօսեցայ. եւ մեք  
հաւատամք, վասն որոյ եւ խօսիմք  
14 իսկ : Զայս զիտեմք եթէ որ յարոյցն  
՚զՅիսուս՝ եւ զմեզ ընդ Յիսուսի յա-  
րուսցէ եւ յանդիման կացուցէ ձեւք  
15 հանդերձ. Քանզի ամենայն ինչ վասն  
ձեր է, զի շնորհքն յաճախեալք ի բազ-  
մաց գոհութենէ անտի՝ առաւելեցին  
ի փառս Աստուծոյ :  
16 Վասն որոյ եւ ոչ ձանձրանամք. այլ  
թէպէտ եւ արտաքին մարդս մեր ա-  
պականի, այլ ներքին մարդն մեր նո-  
17 րոգի օր ըստ օրէ : Զի առժամայն յա-  
ճախութիւն թեթեւ նեղութեանս մե-  
րոյ ի յաւիտենական առաւելութիւն  
զմեծութիւն փառացն զործէ ի մեզ :  
18 Քանզի ոչ զիտեմք զերեւելիսս, այլ՝  
զաներեւոյթսն. զի երեւելիքս առ ժա-  
մանակ մի են, եւ աներեւոյթքն՝ յա-  
ւիտենականք :

## ԳԼ. Ե

- 1 Քանզի զիտեմք զի եթէ երկրաւոր  
տաճար չինուածոյս մերոյ քակտեցի,  
չինած յԱստուծոյ ունիմք՝ տաճար ա-  
ռանց ձեռագործի յաւիտենական, յեր-  
2 կինս : Եւ ընդ այս տաղտկամք, քանզի

<sup>1</sup> Բ-ն, ոչ գնամք <sup>3</sup> Բ-ն, ընծայեցուցանեմք  
<sup>2</sup> Բ-ն, ոչ նենգեմք <sup>4</sup> Ի Բ-ն-ն զ-ն-ն

<sup>5</sup> Բ-ն, զ-ն-ն  
<sup>6</sup> Բ-ն, կրեմք

<sup>7</sup> Բ-ն, գՏէր Յիսուս

զմանակութիւնն երկնից փափաքեմք  
3 զգեհնուլ։ Միայն թէ յորժամ զգեհնու-  
4 ցումքն՝ ոչ մերկ գտանիցիմք։ Քանզի  
որ եմք ընդ յարկաւս ընդ այսուիկ  
տաղտկամք ծանրացեալք։ զի ոչ կա-  
միմք մերկանալ, այլ զայն ի վերայ  
այսր զգեհնուլ, զի ընկզմեսցի մահկա-  
5 նապետս ի կենաց անտի։ Այլ որ յա-  
ջողէն մեզ ի սոյն՝ Աստուած է, որ ետ  
մեզ զառնաւատչեայ Հոգւոյն։  
6 ԳՁ. Արդ համարձակիմք յամենայն  
ժամ, եւ գիտեմք եթէ որչափ յամեմք  
ի մարմնի աստ, օտարանամք ի Տեառնէ։  
7 (Զի հաւատովք զնամք եւ ոչ կար-  
8 ծեօք։) Այլ համարձակիմք, եւ առա-  
ւել եւս հաճեալ եմք ելանել ի մարմ-  
նոյ աստի եւ մտանել առ <sup>1</sup>Աստուած։  
9 Վասն որոյ եւ առատանամք, զի եթէ՝  
յամիցեմք եւ եթէ՝ ելանիցեմք, հաճոյ  
10 եւ եթէ իցեմք նմա։ Քանզի ամենեցուն  
մեզ յանդիման լինել կայ առաջի ա-  
տենին Քրիստոսի, զի ընկալցի <sup>2</sup>իւրա-  
քանչիւր իւրով մարմնով զոր ինչ գոր-  
ծեաց յառաջ՝ եթէ՝ բարի եւ եթէ՝ չար։  
11 Իսկ արդ զան Տեառն գիտելով չափ՝  
զմարդկան ինչ զմիտս հաճեմք։ սա-  
կայն առաջի Աստուծոյ <sup>3</sup>յայտնելոց եմք։  
բայց ես յուսամ եւ ի ձեր միտս յայտ-  
12 նի լինել։ Իբր որ ոչ եթէ միւսանգամ  
զանձինս ինչ ընծայեցուցանեմք ձեզ,  
այլ պատճառս տամք ձեզ պարծանաց  
վասն մեր։ զի ունիցիք առ այնոսիկ  
որ առ աչսն պարծիցին եւ ոչ սրտիւք։  
13 Զի եթէ առանցաք ինչ՝ այն Աստու-  
ծոյ է։ եւ եթէ զգաստանամք՝ այն  
14 ձեր է։ Զի սէրն Քրիստոսի ստիպէ  
զմեզ։ <sup>4</sup>Քննել զայս, զի եթէ մին փո-  
խանակ ամենեցուն մեռաւ, ապա ու-  
15 բեմն ամենեքեան մեռեալ էին։ Եւ ի  
վերայ ամենեցուն մեռաւ, զի որ կեն-  
դանիքն իցին՝ մի՛ անձանց իցին կեն-  
դանիք, այլ այնմ որ ի վերայ նոցայն  
16 մեռաւ եւ յարեաւ։ Այսուհետեւ մեք  
ոչ գորք գիտեմք մարմնով։ զի թէպէտ  
եւ զիտէաք մարմնով զՔրիստոս, այլ  
17 արդ ոչ եւս նոյնպէս գիտեմք։ Բայց  
եթէ <sup>5</sup>ինչ ի Քրիստոս, նոր արարած

իցէ։ զի հինն անց, եւ տրդ նոր եղեւ  
18 <sup>6</sup>ամենայն։ Այլ ամենայն ինչ յիստու-  
ծոյ որ հաշտեցոյցն զմեզ ընդ իւր ի  
ձեռն <sup>7</sup>Քրիստոսի, եւ ետ մեզ զպաշ-  
տօնն հաշտութեան։  
19 Եւ քանզի Աստուած էր <sup>8</sup>Քրիստոսիւ  
զաշխարհս հաշտեցուցանել ընդ իւր,  
եւ չհամարել՝ նոցա զմեզս իւրեանց,  
20 եւ եղ ի մեզ զքանն հաշտութեան։ Արդ  
վասն Քրիստոսի պատգամաւորիմք,  
որպէս եւ Աստուծոյ բարեխօսութեամբ  
մեւք։ աղաչեմք վասն Քրիստոսի հաշ-  
21 տեցարուք ընդ Աստուծոյ։ Զի զայն  
որ ոչն գիտէր զմեզս՝ վասն մեր մեղս  
արար, զի մեք եղիցուք նովաւ ար-  
դարութիւն Աստուծոյ։

ԳԼ. Զ

1 Գործակից եմք ձեր եւ աղաչեմք, մի՛  
ընդունայն զչնորհան Աստուծոյ ընդու-  
2 նել ձեզ։ Զի ի ժամանակի ընդունե-  
լութեան, ասէ, լուայ քեզ, եւ յաւուր  
փրկութեան օգնեցի քեզ։ ահաւասիկ  
ժամանակ ընդունելի, ահա օր փրկու-  
3 թեան։ <sup>9</sup>Մի՛ եւ մի՛ իւրեք տայցէք  
պատճառս, զի մի՛ արատեսցի պաշ-  
4 տօնն։ Այլ յամենայն <sup>10</sup>ընծայեցուցէք  
զանձինս ձեր՝ իբրեւ զպաշտօնեայս  
Աստուծոյ համբարութեամբ բազմաւ  
ի նեղութիւնս, ի վիշտս, ի չարչա-  
5 րանս, ի գանս, ի բանտս, ի խռովու-  
թիւնս, յաշխատութիւնս, ի հսկմունս,  
6 ի պահս, ի սրբութեան, ի գիտու-  
թեան, յերկայնմտութեան, ի քաղց-  
րութեան, ի Հոգի Սուրբ, ի սէր ա-  
7 ռանց կեղծաւորութեան, ի բանս ճշ-  
մարտութեան, ի զօրութեան Աստու-  
ծոյ։ <sup>11</sup>Վասն զինուն արդարութեան  
8 որ ընդ աջմէն եւ ընդ ահեկէն է։ Փա-  
ռօք եւ անարգութեամբ, զովութեամբ  
եւ պարսաւանօք։ իբրեւ մոլորք եւ  
9 ճշմարիտք։ իբրեւ անձանօթք եւ ծա-  
նուցեալք։ իբրեւ մահկանացուք եւ  
ահաւասիկ կենդանի եմք։ իբրեւ խրա-  
10 տեալք եւ ոչ մահապարտեալք։ իբրեւ

<sup>1</sup>Բազմա, Տէր

<sup>2</sup>Եւն, իւրաքանչիւր ըստ որոց գործեացն իւ-  
րով մարմնով

<sup>3</sup>Եւն, յայտնի

<sup>4</sup>Եւն, պատիւք

<sup>5</sup>Եւն, ք

<sup>6</sup>Եւն, ապա

<sup>7</sup>Ուն, Երեսօր Գրիգորի

<sup>8</sup>Եւն, որ Քրիստոսիւ զաշխարհս հաշտեցոյց  
ընդ իւր, եւ չհամարեցաւ

<sup>9</sup>Եւն, Ոչինչ իւրեք տամք պատճառս

<sup>10</sup>Եւն, ընծայեցուցանեմք զանձինս մեք

<sup>11</sup>Եւն, ի ձեռն

տրտմեալք եւ հանապազ ուրախ եմք . իբրեւ տնանկք եւ զքաղուս մեծացուցանեմք . իբրեւ ոչինչ ունիցիմք ,  
 41 եւ զամենայն ինչ ունիմք : Բերանք մեր բացեալ են առ ձեզ , Կորնթացիք ,  
 42 եւ սիրտք մեր ընդարձակեալք : Ոչինչ նեղիք ի մէնջ բայց եթէ ի գութս ձեր  
 43 նեղիցիք . Արդ զնոյն հատուցումն , ( իբրեւ ընդ որդեակս Կորնթիմ , ) ընդարձակեցարուք եւ դուք :  
 44 Եւ մի՛ լինիք թափեցք անհաւատից . քանզի զի՞նչ հաղորդութիւն է արդարութեան ընդ անօրէնութեան . եւ կամ զի՞նչ հաւասարութիւն է լուսոյ  
 45 ընդ խաւարի . Եւ կամ զի՞նչ միաբանութիւն է Քրիստոսի ընդ Բեյիարայ .  
 46 կամ զի՞նչ բաժին կայ հաւատացեղոյն ընդ անհաւատին . կամ զի՞նչ նմանութիւն է տաճարի Աստուծոյ՝ մեհնաց . պապքէն դուք տաճար Աստուծոյ կենդանւոյ էք , որպէս ասաք Աստուած թէ Բնակեցայց ի նոսա եւ գնացից ի նոսա , եւ եղէց նոցա Աստուած եւ  
 47 նոքա եղիցին իմ ժողովուրդք : Վասն որոյ ելէք ի միջոյ նոցա եւ մեկնեցարուք , ասէ Տէր , եւ ի պիղծս մի՛ մեր  
 48 ձեռնայք . Եւ ես ընկալայց զձեզ , եւ ես եղէց ձեզ ի Հայր , եւ դուք եղիցիք ինձ յուստերս եւ ի դստերս , ասէ Տէր Ամենակալ :

ԳԼ. Է

1 Իսկ որովհետեւ զայս աւետիս ունիմք , սիրելիք , սրբեսցուք զանձինս մեր յամենայն պղծութենէ մարմնոյ եւ հոգւոյ , կատարեսցուք զսրբութիւն  
 2 անիւն Աստուծոյ , Տարայք մեզ , զի ոչ ումեք մեղաք , եւ ոչ զոք եղծաք ,  
 3 եւ ոչ զոք զրկեցաք : Ոչ եթէ ի դատապարտութիւն ինչ ասեմ , քանզի յառաջ իսկ ասացի եթէ ի սրտի մարում կայք՝ ի կեալ եւ ի մեռանել ընդ ձեզ ,  
 4 ԳԵ. Բազում համարձակութիւն է ինձ առ ձեզ . բազում պարծանք են ինձ վասն ձեր . լի եմ միսթարութեամբ , առաւելեալ եմ ուրախութեամբ յամենայն նեղութիւնս մեր :  
 5 Քանզի յորժամ հասաք մեք ի Մակե-

դոնիս , եւ ոչ միով իւրեք հանգիստ գտաւ մարմնոյ մերում , այլ յամենայն նեղեալք . քանզի արտաքոյ մարտք եւ  
 6 ի ներքոյ արհաւիրք : Այլ որ միսթարէն զխոնարհս՝ միսթարեաց զմեզ Աստուած ի գալստեանն Տիտոսի : Ոչ միայն ի գալստեան նորա , այլ եւ ի միսթարութեանն զոր միսթարեցանա ի ձեզ , ի պատմել մեզ զանձուկն ձեր , զոգրումն ձեր , զնախանձն ձեր վասն իմ , մինչ առաւել ուրախ լինել  
 8 ինձ : Զի թէ եւ տրտմեցուցի զձեզ թղթով , ոչ զղջանամ , թէպէտ եւ զղջացեալ էի . քանզի տեսանեմ զի թուղթն այն թէ եւ առ ժամանակ մի  
 9 տրտմեցոյց զձեզ . Արդ ուրախ եմ , ոչ զի տրտմիցիք , այլ զի յապաշխարութիւն տրտմեցարուք . քանզի տրտմեցայք դուք ըստ Աստուծոյ , զի մի՛  
 10 իւրեք զրկիցիք ի մէնջ : Զի որ ըստ Աստուծոյն տրտմութիւն է՝ ապաշխարութիւն ի փրկութիւն առանց զղջանալոյ գործէ , իսկ աշխարհի տրտմութիւն մահ գործէ : Արդ նոյն իսկ որ ըստ Աստուծոյն տրտմեցարուք , ո՛րչափ ինչ փոյթ գործեաց ի ձեզ , կամ աղերս , կամ սաստ , կամ երկեւղ , կամ անձուկ , կամ նախանձ , կամ վրէժխնդրութիւն . քանզի յամենայն ընծայեցուցէք զանձինս ձեր՝ սուրբս լինել  
 12 յիրիդ յայդմիկ : Ապա ուրեմն թէ եւ զրեցի ես առ ձեզ , ոչ վասն այնորիկ որ զրկեցան , այլ վասն յայտնի լինելոյ փութոյն՝ ձերոյ որ վասն մեր առ  
 13 ձեզ առաջի Աստուծոյ , Վասն այնորիկ միսթարեալ եմք ի վերայ միսթարութեանն մերոյ . առաւել եւս խնդացաք ի վերայ խնդութեանն Տիտոսի . քանզի հանդուցեալ էր հոգի նորա ի ձէնջ  
 14 մեհեցունց : Զի զինչ եւ պարծեցայ առ նմա վասն ձեր՝ ոչ ամաչեցի , այլ որպէս զամենայն ճշմարտութեամբ խօսեցաք ընդ ձեզ , նոյնպէս եւ պարծանքն մեր առ Տիտոս ճշմարիտ եղեն :  
 15 Եւ եւ զուրիք նորա առաւել եւս են ի ձեզ , քանզի յիշեցուցանէր մեզ՝ զամենեկուն զձեր հնազանդութիւն , թէ ո՛րպէս անիւ եւ զողութեամբ

16 ընկալարուք զնա : Եւ արդ ուրախ եմ , զի յամենայնի համարձակ եմ առ ձեզ :

ԳԼ . Ը

1 ԴԲ. Յուշանեմ ձեզ , եղբարք , զչը-  
նորհան Աստուծոյ որ տուեալ են եկե-  
2 ղեցեացն Մակեդոնացւոց . Ձի մեծաւ  
հանդիսիւ նեղութեան՝ առաւելութիւն  
խնդութեանն նոցա , եւ ծանր աղքա-  
տութիւնն նոցա առաւել եղեւ ի մե-  
3 ծութիւն առատութեան նոցա : Ձի  
ըստ կարի նոցա , վկայեմ , եւ աւելի  
4 քան զկար ինքնակամ , Բազում աղա-  
չանօք յաղաչէին զչնորհան եւ զհաղոր-  
դութիւն պաշտամանն որ ի սուրբան՝  
5 տալ ցովեց . Ոչ որչափ ակն ունէաք ,  
այլ եւ զանձինս եւս ետուն , նախ  
Տեառն եւ ապա մեզ՝ կամօքն Աս-  
6 տուծոյ , ՅԱղայել զՏիտոս զի որպէս  
սկսաւն յառաջագոյն , նոյնպէս եւ կա-  
տարեսցէ ի ձեզ եւ զայդ եւս չնորհս :  
7 Այլ որպէս յամենայնի առաւել էք հա-  
ւատովք եւ բանիւ եւ գիտութեամբ  
եւ ամենայն փութով , եւ որ զի մէնջ  
ի ձեզ՝ սէրն է , զի եւ յայդմ եւս չնորհի  
8 առաւել լինիցիք : Ոչ որպէս հրաման  
տալով ասեմ , այլ վասն այլոց փութոյ ,  
եւ վասն ձերոյ սիրոյ զմտերմութիւնդ  
9 փորձեմ : Քանզի գիտէք զչնորհան  
Տեառն մերոյ Յիսուսի Քրիստոսի , զի  
վասն ձեր աղքատացաւ որ մեծատունն  
էր , զի դուք նորա աղքատութեամբն  
10 մեծասցիք : Եւ խրատ մի յայսմիկ  
տամ . զի այն իսկ օգտի է ձեզ , որք  
ոչ միայն զառնելն՝ այլ եւ զկամելն  
յառաջագոյն սկսայք ի հերուն հետէ :  
11 Բայց արդ եւ զառնելն իսկ կատարե-  
ցէք . զի որպէս յօժարութիւնն ի կա-  
մաց է , նոյնպէս եւ առնելն ըստ գոյին :  
12 Ձի եթէ յօժարութիւնն առաջի կայ ,  
ըստ գոյին ընդունիլի է՝ եւ ոչ եթէ  
13 ըստ չգոյին : Ձի ոչ եթէ այլոց հան-  
գիստ յկամիցիք , եւ ձեզ նեղութիւն .  
14 Այլ հաւասարութեամբ , յայժմու ժա-  
մանակիս ձեր առաւելութիւնդ ի նոցա  
պակասութեանն , զի եւ նոցա առա-  
ւելութիւնն եղիցի ի ձերում պակա-  
սութեանդ . զի եղիցի հաւասարու-

15 թիւն , որպէս եւ գրեալ է , Թէ Որ բա-  
զումն Տառ՝ ոչ առաւելաւ , եւ որ սա-  
կաւն՝ ոչ նուազեցաւ :

16 ԴԳ. Բայց չնորհք Աստուծոյ , որ արկ  
զնոյն փոյթ վասն ձեր ի սիրտ Տի-  
17 տոսի . Ձի զաղաչանսն ընկալաւ , եւ  
փութացաւ յօժարագոյնս շղիմեաց զալ  
18 առ ձեզ : Եւ առաքեցաք ընդ նմա զեղ-  
բայրն , որոյ գովութիւնն յաւետարա-  
նի անդ է ընդ ամենայն եկեղեցիս :  
19 Եւ ոչ այսչափ միայն , այլ եւ ձեռ-  
նադրեալ յեկեղեցեաց անտի՝ նշգհա-  
կից մեր եղեւ ի չնորհս յայստիկ , որ  
պաշտին ի մէնջ ի փառս Տեառն եւ ի  
20 մեր յօժարութիւն : Բայց զայս խղճե-  
աք իսկ թէ գուցէ արատ ոք ինչ զնի-  
ցէ ՚ի հաստատութեանս յայսմիկ որ  
21 պաշտեցաւ ի մէնջ : Քանզի խորհիմք  
զբարիս ոչ միայն առաջի Տեառն , այլ  
22 եւ առաջի մարդկան : Եւ առաքեցաք  
ընդ նոսա զեղբայրն մեր զոր ընտրե-  
ցաք ի բազում իրս՝ բազում անգամ  
պինդ գտեալ , եւ առաւել եւս այժմ  
23 պնդագոյն՝ յուսով մեծաւ ի ձեզ , Բայց  
եթէ վասն Տիտոսի ինչ բանք են , իմ  
հաւասար է եւ ձեր գործակից . եւ  
եթէ եղբարք մեր , առաքեալքն եկե-  
24 ղեցւոյ եւ փառք Քրիստոսի : Եւ արդ  
զհանդէս սիրոյ ձերոյ եւ զմերոյ պար-  
ծանաց վասն ձեր՝ ի դոսա ցուցցիք  
յանդիման ամենայն եկեղեցեաց :

ԳԼ . Թ

1 ԴԴ. Այլ վասն պաշտամանն որ ի  
սուրբան է , աւելի է ինձ եւ գրել առ  
2 ձեզ : Ձի գիտեմ զյօժարութիւն ձեր ,  
զոր վասն ձեր պարծեցեալ եմ ի մէջ  
Մակեդոնացւոցն , թէ Աքայեցիքն ի  
հերուն հետէ պատրաստ են , եւ ձեր  
3 նախանձն զբազումս յորդորեաց : Եւ  
առաքեցաք զեղբարսն , զի մի՛ պար-  
ծանքն մեր որ վասն ձեր ընդունալն  
լինիցին ի մասինդ յայդմիկ , այլ որպէս  
ասէի իսկ , պատրաստագոյնք գտա-  
4 նիցիք . Գուցէ յորժամ գայցեն ընդ  
մեզ Մակեդոնացիքն , եւ գտանիցեն  
զձեզ անպատրաստ , եւ ամաչեցուք  
մեք , (զի մի՛ ասասցուք թէ դուք )

18-ՅԱ, աղաչէին զմեզ

19-Տեառն զսուրբ . յայլ

20-ՅԱ, Յաղայել մեր

Բազումքն մեզ

Որձա , ի ձեզ ի մեզ

21 ՅԱ, զսուրբ

Որձա , ձեր

23-ՅԱ, յառատութեամբ

5<sup>1</sup> Ի մասինդ յայդմիկ պարծանաց. Արդ  
կարեւոր համարեցայ աղաչել զեղբարս,  
զի յառաջագոյն եկեացեն առ ձեզ, եւ  
յառաջագոյն պատրաստեսցեն զյառա-  
ջագոյն խոստացեալ օրհնութիւնն ձեր  
ի պատրաստի ունել, այնպէս իբրեւ  
զօրհնութիւն, եւ մի՛ իբրեւ զազա-  
6 նութիւն. Քանզի զայդ որ սերմանէ  
ճշդելով ճշդելով եւ հնձեսցէ, եւ որ  
սերմանէ առատութեամբ՝ առատու-  
7 թեամբ եւ հնձեսցէ. Իւրաքանչիւր  
որպէս եւ յօժարեսցի ոք սրտիւ, մի՛  
առ հարկի եւ տրտմութեան, քանզի  
զտուրս զուարթառատս սիրէ Աս-  
8 տուած. Այլ կարող է Աստուած զա-  
մանայն շնորհս առաւելուլ ի ձեզ, զի  
յամենայն յամենայն ժամ զամենայն  
բաւականութիւն ընկալեալ՝ առաւե-  
լուցուք յամենայն գործս բարութեան,  
9 Որպէս եւ գրեալ է, Սփռեաց եւ ետ  
անանկաց, արդարութիւն նորա մնայ  
յաւիտեանս.  
10 Դե. Այլ այն որ պարգեւէ սերմն  
սերմանաւանաց, եւ հաց ի կերակուր՝  
պարգեւեսցէ եւ բազմացուցէ զսեր-  
մանիս ձեր, եւ անեցուցէ զարդիւնս  
11 արդարութեան ձերոյ. Յամենայնի մե-  
ծացեալք ամենայն առատութեամբ՝ որ  
յօրինէն մեւք գոհութիւն Աստուծոյ,  
12 Ձի պաշտօն հարկիս այսորիկ ոչ միայն  
առ ի ընդ զպակասութիւն սրտցն է,  
այլ եւ առաւելուլ բազմօք գոհութիւն  
13 Աստուծոյ. Հանդիսիւ պաշտամանս  
այսորիկ փառաւորել զԱստուած ի վե-  
րայ հնազանդութեան խոստովանու-  
թեան ձերոյ յաւետարանն Քրիստոսի,  
եւ առատութեամբ հաղորդութեանն  
14 Ի նոսա եւ յամենեսին. Եւ նոցա ա-  
զօթք վասն ձեր, քանզի անձկացեալ  
են առ ձեզ վասն առաւել շնորհացն  
15 Աստուծոյ որ ի ձեզ. Այլ շնորհք Աս-  
տուծոյ ի վերայ անպատում պարգե-  
ւացն նորա.

ԳԼ Ժ

1 Այլ ես իսկ Պաւղոս աղաչեմ զձեզ  
հեղութեամբն եւ հանդարտութեամբ  
Քրիստոսի, որ յանդիման ձեզ իբրեւ

տառապեալ մի եմ ի միջի ձերում.  
բայց ի հեռուստ համարձակիմ առ ձեզ.  
2 Աղաչեմ զի մի՛ ի մօտոյ եւեթ համար-  
ձակիցիմ վստահութեամբ, ՚կամ հա-  
մարիցիմ յանդգնել ի վերայ ոմանց որ  
կարծեն զմէնջ եթէ ըստ մարմնոյ գնայ-  
3 ցեմք. Ձի թէպէտ եւ մարմնով գնամք,  
այլ ոչ եթէ ըստ մարմնոյ զինուորիմք.  
4 (Ձի զէն զինուորութեան մերոյ ոչ է  
մարմնաւոր, այլ զօրաւոր յԱստուծոյ  
5 առ ի քակելոյ զամուրս.) Ձխորհուրդս  
քակեմք, զամենայն բարձրութիւն  
հպարտացեալ ի վերայ գիտութեանն  
Աստուծոյ, եւ զերեմք զամենայն միտս  
6 Ի հնազանդութիւն Քրիստոսի. Եւ ի  
պատրաստի ունիմք խնդրել զվրէժ ա-  
մենայն անհնազանդութեան, յորժամ  
ձեր եւս հնազանդութիւնդ կատա-  
րեսցի.  
7 ԴՁ. Ըստ իւրաքանչիւր Յերեսաց  
դիտեսցիք. եթէ ոք վստահ յանձն իցէ  
Քրիստոսի լինել, զայս խորհեսցի  
զարձեալ ի միտս իւր, թէ որպէս նայն  
8 Քրիստոսի է, նոյնպէս եւ մեք. Ձի  
թէ առաւել եւս պարծեսցայ վասն իշ-  
խանութեանս մերոյ, զոր ետ մեզ Տէր  
ի չինել եւ ոչ ի քակել զձեզ, ոչինչ ա-  
9 մաչեցից. Ձի մի՛ թուեցայց իբրեւ ահ  
10 ինչ արկանել ձեզ թղթովքս. Սակիցն,  
թուղթքս ծանուցը են եւ սաստիկք,  
բայց տեսիլ մարմնոյ՝ տկար, եւ բանն  
11 արհամարհեալ. Ձայս խորհեսցի այն-  
պիսին, զի որպիսիք եմք բանիւք  
թղթոցդ ի հեռուստ, նոյնպիսիք եւ ի  
12 մօտոյ արդեամբք. Քանզի ոչ իշխեմք  
կշռել եւ հաւասարել զանձինս մեր ո-  
մանց, որ զանձինս իւրեանց ձեզ ըն-  
ծայեցուցանեն, այլ անձամբ յանձինս՝  
զանձինս չափեն, եւ ի կշռել անձամբ  
13 զանձինս՝ ոչ առնուռն ի միտ. Այլ մեք  
ոչ եթէ յանչափս ինչ պարծեսցուք,  
այլ ըստ չափոյ կանոնին զոր բաժան-  
եաց մեզ Աստուած չափով հաստնել  
14 մինչեւ առ ձեզ. Իբր ոչ եթէ հասու  
ինչ չիցեմք ի ձեզ, եւ ձկանեցուցանի-  
ցեմք զանձինս, քանզի մինչեւ առ ձեզ  
հասաք աւետարանաւն Քրիստոսի.  
15 Եւ ոչ յանչափս ինչ պարծիմք օտար

<sup>1</sup> Թշն, ի վստահութեանդ  
<sup>2</sup> Թշն, որպէս

<sup>3</sup> Ի Բաւթ գոհութիւն  
<sup>4</sup> Թշն, որպէս

<sup>5</sup> Թշն, երեսաց գիտէք  
<sup>6</sup> Թշն, Քրիստոսի ծառայ լինել  
<sup>7</sup> Թշն, մեք Քրիստոսի  
<sup>8</sup> Ի Բաւթ, տեսն, այլ մեք

վաստակօք, բայց յոյս մի ունիմք զած-  
մանն հաւատոց ձերոց այդրէն ի ձեզ  
մեծանալոյ՝ ըստ կանոնիս մերոյ յա-  
16 ուսելութիւնս. ի վեր եւս քան զձեզ  
աւետարանել, ոչ օտար կանոնաւ ի  
17 պատրաստականս ինչ պարծել: Ձի որ  
պարծիցին՝ ի Տէր պարծեցի:  
18 ԲԿ. Ձի ոչ եթէ որ զանձն իւր ըն-  
ծայեցուցանէ՝ նա է ընտրեալ, այլ զոր  
Տէրն ընծայեցուցանէ:

ԳԼ. ԺԱ

1 Աւ էր եթէ ներէիք փոքր մի եւ ի-  
մում անզգամութեանս. այլ եւ ան-  
2 սացէք իսկ, նախանձեցուցանեմ զձեզ  
ի նախանձն Աստուծոյ. զի խօսեցայ  
զձեզ առն միում, իբրեւ զկոյս մի  
սուրբ յանդիման կացուցանել Գրիստո-  
3 սի: Բայց երկնչիմ, դուցէ որպէս օձն  
խաբեաց զԵւա խորամանկութեամբ  
իւրով, պակասեցին միտք ձեր ի  
4 միաստութեանն որ ի Գրիստոս: Ձի  
եթէ ՚որ գալոցն իցէ՝ այլ ՚Գրիստոս  
քարոզիցէ զոր մեքն ոչ քարոզեցաք,  
կամ ոգի օտար առնուցուք զոր ոչ  
առէք, կամ աւետարան օտար զոր ոչ  
ընկալարուք, բարւոք անսայիք շնոցա:  
5 Բայց ես այսպէս համարիմ, թէ ոչինչ  
իւրք պակաս իցեմ քան զլաւ առա-  
6 քեալսն: Թէպէտ եւ տգէտ եւս իցեմ  
բանիւ, այլ ոչ եթէ գիտութեամբ.  
սակայն յամենայն յայտնեցաք զան-  
7 ձինս ամենեւին առ ձեզ: Եւ եթէ  
մնա՞ս ինչ գործեցի զի զանձն խոնար-  
հեցուցի, եւ այն՝ զի դուք բարձրա-  
8 քիք, զի ձրի զաւետարանն Աստուծոյ  
կողողպտեցի, առեալ թռչակ ի ձեր  
9 սպասաւորութիւն: Եւ յորժամ եկի  
առ ձեզ, թէպէտ եւ պակասեաց ինչ,  
ոչ զոք ի ձէնջ ձանձրացուցի, զի զպա-  
կասութիւնն իմ լցին եղբարքն եկեալք  
ի Մակեդոնացուոց. եւ յամենայնի ա-  
ռանց ծանրանալոյ ձեզ զանձն իմ պա-  
10 հեցի եւ պահեցի: Ձի գոյ յիս ճշմար-  
տութիւնն Գրիստոսի:

ԲԴ. Ձի պարծանքս այս՝ ոչ արգելին  
11 յինէն ի կողմանս Աքայեցւոց: Ընդէ՛ր.

իբրու թէ ոչ սիրիցեմ զձեզ. զայն Աս-  
12 տուած գիտէ. Ձոր առնեմն, եւ արա-  
րից, զի հատից զպատճառս այնոցիկ  
որ զպատճառս կամիցին. զի որով  
պարծինն, եւ նոքա իբրեւ զմեզ գտա-  
13 նիցին: Ձի այնպիսիքն սուտ առա-  
քեալք, մշակք նենգաւորք, կերպա-  
րանին ի կերպարանս առաքելոց Գրիս-  
14 տոսի: Եւ չեն ինչ զարմանք, քանզի  
եւ ինքն Սատանայ կերպարանի ի  
15 հրեշտակ լուսոյ: Եւ ոչինչ է մեծ թէ  
եւ պաշտօնեայք նորա կերպարանին  
իբրեւ պաշտօնեայք արդարութեան.  
որոց կատարածն եղիցի ըստ գործոց  
16 իւրեանց: Դարձեալ ասեմ, մի՛ ոք հա-  
մարեցի զիս անզգամ, ապա թէ ոչ՝  
զոնէ իբրեւ զանզգամ ընկալարուք զիս,  
զի եւ ես փոքր մի ինչ պարծեցայ:  
17 Եւ զոր խօսիմս՝ ոչ եթէ ըստ Տեառն  
ինչ խօսիմ, այլ իբրեւ անզգամու-  
թեամբ՝ ըստ կարգի այդց պարծանաց:  
18 Եւ քանզի բազումք պարծին ըստ  
19 մարմնոյ, եւ ես պարծեցայց. Մտա-  
դեւր իմն անսայիք անմտացն ձերովդ  
20 իմաստութեամբ: Քանզի անսայք ՚եթէ  
ոք խաբէ զձեզ,՝ եթէ ոք ՚ծառայե-  
ցուցանէ, եթէ ոք ուտէ զձեր, եթէ  
ոք առնու ինչ, եթէ ոք հպարտանայ,  
եթէ ոք զձեզ յանդիման հարկանէ:  
21 Ըստ անարգանացդ ասեմ, իբրեւ թէ  
մեք տկարացաք արդեւք. յոր ինչ ոք  
համարձակիցի, (անզգամութեամբ ա-  
22 սեմ,) համարձակիմ եւ ես: Երբայե-  
ցի՞ք իցեն, եւ ես. Իսրայելացի՞ք իցեն,  
եւ ես. զաւակ Արահամո՞ւ իցեն, եւ  
23 ես. Պաշտօնեայք Գրիստոսի՞ իցեն,  
(յանդգնագոյնս ասացից թէ) առաւել  
եւս ես. եթէ վաստակօք, առաւել. եթէ  
զանիւք, եւս առաւել. եթէ բանիւ,  
աւելի քան զնոսա. եթէ մահուամբ՝  
24 բազում անգամ. Ի Հրէից հնգիցս քա-  
25 ռասուն միով պակաս արբի. Երիցս  
ձաղկեցայ. մի անգամ քարկոծ եղէ.  
երիցս նաւակոծ եղէ. զտիւ եւ զգի-  
26 չեր յանդուներս տառապեցայ. Ի ճա-  
նապարհս՝ բազում անգամ. վիշտս՝ ի  
զետոց, վիշտս՝ յաւազակաց, վիշտս՝  
յազգէ, վիշտս՝ ի հեթանոսաց, վիշտս՝  
ի քաղաքի, վիշտս՝ յանապատի, վիշտս՝  
ի ծովու, վիշտս՝ ի սուտ եղբարց:

18-ձն, որ գայն  
19-պաւս, Յիսուս

21 Եւ քանզի պաւս

18-ձն, ծառայեցուցանէ զձեզ

27 Ի ջանս եւ ի վաստակս, ի տքնութիւնս՝  
բազում անգամ, ի քաղց եւ ի ծարաւ,  
ի պահս՝ բազում անգամ, ի ցուրտ եւ  
28 ի մերկութեան։<sup>1</sup> Թող զայլ նեղու-  
թիւնսն, եւ զի հանապազ խուժանն  
ի վերայ իմ կուտէր, եւ հոգք ամե-  
29 նայն եկեղեցեացն։ Ո՞ հիւանդանայ,  
եւ ոչ ես հիւանդանամ։<sup>2</sup> Դայթակղի,  
եւ ոչ ես տապանամ։  
30 ԲՁ. Եթէ պարծել ինչ պարտ իցէ,  
31 զտկարութեանն պարծեցայց։ Աս-  
տուած եւ Հայր Տեառն մերոյ Յիսուսի  
զիտէ, որ է օրհնեալ յաւիտեանս, զի  
32 ոչ ստեմ։ Ի Դամասկոս ազգապետն  
Արեւոյ աբքայի պահէր զքաղաքն Դա-  
33 մասկացւոց ունել զիս։ Եւ ընդ պա-  
տուհանն վանդակաւ կախեցայ ընդ  
պարիսպն, եւ փախեայ ի ձեռաց նորա։

## ԳԼ. ԺԲ

1 Արդ պարծել ինչ պարտ իցէ, այլ  
օգնէ ինչ ոչ։ Բայց եկից ի տեսիլս եւ  
2 ի յայտնութիւնս Տեառն։ Գիտեմ այր  
մի ի Քրիստոս յառաջ քան զյորեք-  
տասան ամ։ (Եթէ մարմնով, ոչ զի-  
տեմ, եւ եթէ առանց մարմնոյ, ոչ  
զիտեմ, Աստուած գիտէ։) յափշտա-  
կեալ զայնպիսին մինչեւ յերրորդ երկ-  
3 նից, եւ զիտեմ զայնպիսի այր։ (Եթէ  
մարմնով եւ եթէ առանց մարմնոյ՝ ոչ  
4 զիտեմ, Աստուած գիտէ։) Զի յափշտա-  
կեցաւ ի դրախտն, եւ լուաւ բանս  
անճառս, զոր ոչ է պարտ մարդոյ խո-  
5 սել, վասն այնպիսւոյն պարծեցայց։  
այլ վասն անձին ինչ ոչ պարծեցայց։  
6 Բայց եթէ ի տկարութիւնս։ Զի եթէ  
եւ կամիցիմ պարծել, ոչ եղէց անզգամ,  
քանզի զարդարն ասեմ։ այլ անխայեմ,  
գուցէ ոք համարիցի ինչ յիս աւելի  
քան զոր տեսանիցէ յիս կամ լսիցէ  
7 յինէն։ Եւ զի մի՝ առաւելութեամբ  
յայտնութեանն հպարտացայց, տուաւ  
ինձ խայթ մարմնոյ, հրկշտակ Սատան,  
8 կոփել զիս, զի մի՝ հպարտացայց։ Եւ  
վասն այնորիկ երիցս անգամ աղաչեցի  
9 զՏէր զի ի բաց արասցէ յինէն։ Եւ  
ասէ ցիս, Շատ են քեզ չնորհք իմ, զի  
զօրութիւն իմ ի տկարութեան կա-  
տարի։ Եւ արդ լաւ եւս լիցի ինձ

պարծել ի տկարութիւնս, զի բնական-  
ցէ յիս զօրութիւնն Քրիստոսի։

10 ԳԴ. Վասն որոյ հաճեալ եմ ընդ  
տկարութիւնս, ընդ թշնամանս, ընդ  
վիշտս, ընդ հալածանս եւ ընդ նեղու-  
թիւնս վասն Քրիստոսի։ զի յորժամ  
11 տկարանամ, յայնժամ զօրանամ։ Եղէ  
անզգամ, քանզի դուք<sup>3</sup> ստիպեցէք։  
զի ինձ պարտ էր ի ձէնջ վկայութիւն  
առնուլ թէ ոչինչ պակաս գտայ քան  
զլաւ առաքեալսն,<sup>4</sup> զի թէպէտ եւ ես  
12 ոչինչ եմ։ Սակայն նշանք առաքելոյ  
զործեցան ի ձեզ ամենայն համբերու-  
թեամբ, նշանօք եւ արուեստիւք եւ  
13 զօրութեամբք։ Եւ արդ զի՞նչ իցէ ո-  
րով պակաս գտայք քան զայլ եկեղե-  
ցիս, բայց եթէ այնու զի ես զձեզ ոչ  
ձանձրացուցի։ չնորհեցէք ինձ զՔրիստոս  
զայդ։

14 Ահաւասիկ այս երիցս անգամ պա-  
րաստեալ եմ զայ առ ձեզ, եւ ձեզ բռն  
ինչ ոչ եղէց, զի ոչ խնդրեմ ինչ զձեր,  
այլ զձեզ։ քանզի ոչ պարտին որդիք  
15 հարց գանձել, այլ հարք՝ որդւոց։ Բայց  
ես մտադիւրութեամբ ծախեցից, եւ  
ծախեցայց վասն անձանց ձերոց, զի  
թէպէտ եւ յառաւել սիրոյն զձեզ՝ սա-  
կաւ սիրիցիմ։

16 Այլ գրեթէ ես ոչինչ ծանրացայ ձեզ,  
այլ քանզի խորագէտ էի, խելօք կալալ  
17 զձեզ։ Միթէ որովք առաքեցին առ ձեզ  
18 նոքօք ինչ ազահեցի՞ ի ձէնջ։ Աղաչեցի  
զՏիտոս եւ առաքեցի ընդ նմա զեզ-  
բայրն, միթէ ազահեաց ինչ զձեր Տի-  
տոս։ ոչ նովին ոգւով գնացաք։ ոչ  
նովին շաւղօք<sup>5</sup> չըջեցաք։

19 ԳՁ. Դարձեալ համարիցիք եթէ յողոք  
անկեալ ինչ ձեզ աղերսիցեմք։ առա-  
ջի Աստուծոյ ի Քրիստոս խօսիմք, զի  
ամենայն ինչ, սիրելիք, վասն ձերոյ  
20 չիտութեան է։ Այլ երկնչիմ, գուցէ  
եկեալ, ոչ որպէս ես կամիմն գտա-  
նիցեմ զձեզ։ Եւ ես գտանիցիմ ձեզ՝  
որպէս եւ դուք ոչ կամիցիք։ գուցէ  
4 դարձեալ հեռ, նախանձ, սրտմտու-  
թիւնք, զրգոութիւնք, չարախօսու-  
թիւնք, քսութիւնք,<sup>6</sup> հպարտու-  
թիւնք, ամբարտաւանութիւնք, խռո-  
21 վութիւնք։ Գուցէ դարձեալ, յորժամ

<sup>1</sup> Թող, թող զորս առաքելքն են, որ ձեզէն  
զիս հանապազ է հոգ ամենայն եկեղեցեացն

<sup>2</sup> Ունէ, անզգամ, զի պարծեցայ

<sup>3</sup> Թող, ստիպեցէք զիս

<sup>4</sup> Ի Յռաֆն զօրօք

<sup>6</sup> Զյն, առնիցէք գուք չար



# ԱՌ ԳԱՂԱՏԱՑԻՍ

## ԹՈՒՂԹ

### ԳԼՈՒԽ Ա

1 ԳԴ. ՊԱՒՂԱՍՍ, առաքեալ ոչ ի մարդկանէ եւ ոչ ի ձեռն մարդոյ, այլ ի ձեռն Յիսուսի Քրիստոսի եւ Աստուծոյ Հօր որ յարոյց զնա ի մեռելոց,  
2 Եւ որ ընդ իս են եղբարք ամենեքին,  
3 եկեղեցեացդ Գաղատացւոց. Շնորհք ընդ ձեզ եւ խաղաղութիւն յԱստուծոյ ի Հօրէ եւ ի Տեառնէ մերմէ Յիսուսէ Քրիստոսէ,  
4 Որ ետ զանձն իւր վասն մեզաց մերոց, զի զմեզ փրկեացէ յաշխարհէ աստի չարէ ըստ կամացն Աստուծոյ եւ Հօր մերոյ. Որում փառք յաւիտեանս յաւիտենից. Ամէն.  
6 Զարմանամ զի այդպէս վաղվաղակի փոփոխիք յայնմանէ որ կոչեացն զձեզ ի շնորհան Քրիստոսի յայլ աւետարան.  
7 Որ ոչ գոյ այլ, բայց եթէ իցեն ոմանք որ խռովեցուցանիցեն զձեզ, եւ կամիցին չըջիլ զաւետարանն Քրիստոսի,  
8 Այլ թէ միւր կամ հրեշտակ յերկնից աւետարանեացէ ձեզ աւելի քան զոր աւետարանեղաքն ձեզ, նշովեալ լիցի,  
9 Որպէս յառաջագոյնս ասացաք, եւ արդ զարձեալ ասեմ, Եթէ ոք աւետարանեացէ ձեզ աւելի քան զոր առէքն, նշովեալ լիցի. Արդ մարդկան հաճոյ լինիցիմ, թէ՛ Աստուծոյ. կամ խնդրիցիմ մարդկան հաճոյ լինել. եթէ տակաւին մարդկան հաճոյ լինէի, ապա Քրիստոսի ծառայ ոչ էի.  
11 ԴՁ. Յուդանեմ ձեզ, եղբարք, զաւետարանն որ աւետարանեցաւ յինչն,  
12 զի ոչ է ըստ մարդոյ. Քանզի եւ ոչ ես ի մարդոյ առի, եւ ոչ ուսայ յուսմիւրէ, այլ ի յայտնութենէն Յիսուսի Քրիստոսի. Քանզի լուեալ իսկ է ձեր զիմ գնացան որ երբեմն ի Հրէութեան անդ, զի անչափ հալածէի զեկեղեցին

Աստուծոյ, եւ աւար հարկանէի զնա.  
14 Եւ յառաջագէմ էի ի Հրէութեանն քան զքաղում հասակակիցս իմ որ յազգին իմում էին. առաւել նախանձախնդիր էի իմոյ հայրենի աւանդութեանցն.  
15 Այլ յորժամ կամեցաւ Աստուած (որոշեաց զիս յորովայնէ մօր իմոյ, եւ կոչեաց ի ձեռն շնորհաց իւրոց,) Յայտնել զՈրդին իւր ինեւ, զի աւետարանեցից զնա ի հեթանոսս, անդէն վաղվաղակի ոչինչ զգացուցի մարմնոյ  
17 եւ արեան, Եւ ոչ եյի յԵրուսաղէմ առ որ յառաջագոյն քան զիս առաքեալքն էին, այլ չողայ յԱրաբիա, եւ  
18 զարձեալ զարձայ ի Դամասկոս. Ապա յետ երկց ամաց ելի յԵրուսաղէմ տեսանել զՊետրոս, եւ եղէ առ նմա առ լուրս հնդեռասանս. Զայլ ոք յառաքելոց անտի ոչ տեսի, բայց միայն զՅովնոս զեղբայրն Տեառն. Այլ զոր գրեմա առ ձեզ, անաւասիկ առաջի  
24 Աստուծոյ, զի ոչ ստեմ. Ապա եկի ի Կոզմանս Ասորւոց եւ Կիլիկեցւոց. Եւ յանձանութս էի երեսօք եկեղեցեացն.  
2 որ ի Թրիատութենէ անտի էին” ի Քրիստոս. Բայց զի յսելով լուեալ էր թէ Որ հալածէրն զմեզ յայնժամ, արդ աւետարանէ զհաւատսն զոր երբեմն  
24 խախտէր. Եւ փառաւոր առնէին ինեւ զԱստուած.

### ԳԼ. Բ

1 ԵՎ. Ապա յետ ամաց չորեքտասանից միւսանդամ ելի յԵրուսաղէմ ընդ Բառնարայ՝ առեալ ընդ իս եւ զՏիտոս. Եւ ելի ըստ յայտնութեանն. եւ զգացուցի նոցա զաւետարանն զոր քարոզէի

ի հեթանոսս , առանձինն այնոցիկ որ  
կարծեալքն էին , գուցէ ընդունայն ինչ  
ընթացեալ իցեմ կամ ընթանայցեմ :  
3 Այլ եւ ոչ Տիտոս որ ընդ իս ի հեթա-  
նոսաց էր՝ բռնադատեցաւ թլիատել :  
4 Այլ վասն սպրդողաց սուտ եղբարցն ,  
որք սպրդեցին մտանել դիտել զազա-  
տութիւնն մեր զոր ունիմք ի Քրիս-  
տոս Յիսուս . զի զմեզ ծառայեցուս-  
5 ցեն : Որոց եւ ոչ առ ժամանակ մի  
անսացաք հնազանդութեանն , զի ճշ-  
մարտութիւն աւետարանին հաստա-  
6 տեսցի առ ձեզ : Բայց զկարծելոցն եթէ  
իցեն ինչ , որպիսիք ոք երբեմն էին ,  
չէ ինչ ինձ փոյթ . քանզի Աստուած  
ակն մարդկան ոչ առնու . զի ինձ կար-  
ծեալքն այնպիսի ինչ ոչ զգացուցին :  
7 Այլ զնորին հակառակն , իբրեւ տեսին  
եթէ հաւատացեալ է ինձ աւետարանն  
անթլիատութեան , որպէս Պետրոսի  
8 թլիատութեան . (Ձի որ յաջողեացն  
Պետրոսի յառաքելութիւն թլիատու-  
թեանն , յաջողեաց . եւ ինձ ի հեթա-  
9 նոսս .) Իբրեւ դիտացին զչնորհսն որ  
տուեալ էին ինձ , Յակովբոս եւ Կեփաս  
եւ Յովնանէս որ կարծեալ սիւնքն  
էին , ձեռն ետուն հաւանութեան ինձ  
եւ Բառնաբայ . զի մեք՝ ի հեթանոսս ,  
10 եւ նոքա՝ ի թլիատութեանն . Բայց  
միայն զի զաղքատսն յիշեսցուք , զոր  
եւ ես փութացայ զնոյն ստնել :  
11 Եւ . Այլ յորժամ եկն Կեփաս յԱն-  
տիոք , ընդդէմ դարձայ նորա , քանզի  
12 գոգ իբրեւ ստղտեալ իմն էր : Քանզի  
մինչեւ եկեալ էին ոմանք առ ի Յա-  
կովբայ , ընդ հեթանոսս ուտէր 2 ան-  
խտիր . իսկ իբրեւ եկին , զատանէր  
եւ որոչէր զանձն՝ երկուցեալ յայն-  
ցանէ որ ի թլիատութիւնէ անտի էին :  
13 Եւ կեղծաւորեցան ընդ նմա եւ այլ  
Հրեայքն , մինչեւ Բառնաբաս անդամ  
խոնարհեցան ի նոցա կեղծաւորու-  
14 թիւնն : Այլ իբրեւ տեսի թէ ոչ ուղիղ  
գնան ի ճշմարտութիւն աւետարանին ,  
ասեմ 3 ցԿեփաս առաջի ամենեցուն ,  
Եթէ դու որ Հրեայդ ես՝ հեթանոսա-  
բար եւ ոչ հրէաբար կեաս , զիա՞րդ  
ստիպես հեթանոսաց լինել հրեայէն :  
15 Ձի մեք բուն Հրեայք եմք , եւ ոչ

16 ի հեթանոսաց մեղաւորք : Չայս զի-  
տեմք եթէ ոչ արդարանայ մարդ ի  
գործոց օրինաց , եթէ ոչ ի հաւատոցն  
Յիսուսի Քրիստոսի . եւ մեք ի Քրիս-  
տոս Յիսուս հաւատացաք , զի արդա-  
րացուք ի հաւատոցն Քրիստոսի , եւ  
ոչ ի գործոց օրինաց . զի ի գործոց օ-  
րինաց ոչ արդարացի ամենայն մար-  
17 մին : Իսկ եթէ մինչ խնդրիցեմք ար-  
դարանալ ի Քրիստոս , եւ գտանիցիմք  
մեղաւորք , ապա ուրեմն Քրիստոս  
մեղաց պատճենայ եղիւ . քաւ լիցի :  
18 Ձի եթէ զոր քակեցին՝ զնոյն միւսան-  
գամ չլինիցեմ , ապա յանցաւոր զանձն  
19 իմ ես ինձէն երկուցուցանեմ : Ձի ես  
օրինօք օրինացն մեռայ , զի Աստուծոյ  
20 կեցից . 2 Եւ ընդ Քրիստոսի ի խաչ 3 Ե-  
լից . եւ կենդանի եմ այսուհետեւ , ոչ  
ես՝ այլ կենդանի է յիս Քրիստոս :  
ԵՁ . Այլ որ այժմս կեամ մարմնով ,  
հաւատովք Որդւոյն Աստուծոյ կեամ ,  
որ սիրեացն զիս , եւ մատենաց զանձն  
21 վասն իմ : Եւ ես ոչ անարգեմ զչնորհսն  
Աստուծոյ . զի եթէ յօրինաց անախ էր  
արդարութիւն , ապա Քրիստոս զուր  
մեռաւ :

ԳԼ. Գ

1 Անմիտ Գաղատացիք , ո՞ն յախանձ  
արար զձեզ . որոց զրեթէ առաջի ա-  
չաց Յիսուս Քրիստոս գրեցաւ ի խաչ  
2 ելեալ : Չայս միայն կամիմ ուսանել  
ի ձէնջ . ի գործոց օրինաց զՀոգին  
ընկալարուք , եթէ ի լոյս հաւատոց :  
3 Այդչափ անմիտ էք . սկսեալ հոգւով ,  
4 եւ արդ մարմնով վախճանիք : Եւ այն-  
չափ անցք անցին ընդ ձեզ զո՞ւր , եթէ  
5 իցէ զուր : Իսկ արդ որ բախտեաց ի  
ձեզ զՀոգին եւ յաջողեաց ի ձեզ զգո-  
րութիւնս՝ ի գործոց օրինաց էր , եթէ  
6 ի լոյս հաւատոց : Որպէս Աբրահամ  
հաւատաց յԱստուած , եւ համարեցաւ  
7 նմա յարդարութիւն : 6 Գիտիցէ՛ք ար-  
դեւք , զի որք ի հաւատոց անտի են ,  
8 նոքա են որդիք Աբրահամու : Յառա-  
ջագոյն զիտէր զիր , եթէ ի հաւատոց  
անտի արդարացուցանէ Աստուած զհե-  
թանոսս , յառաջագոյն խոստացաւ

1Ունի, Պետրոս  
2ի Յաննի գլխի

3Ունի, ցՊետրոս

4Յանն, ելի

5Ունի, յաւելաւ, ոչ հնազանդել ճշմարտութեան

6Յանն, Ապա գիտաւորեք

Աբրահամու, թէ ի քեզ օրհնեսցին ա-  
 9 մենայն աղղը: Այսուհետեւ որք ի հա-  
 10 տացելոյն Աբրահամու: Զի որ միան-  
 գամ ի գործող օրինացն են, ընդ ա-  
 նիծիւք են: Քանզի գրեալ է թէ Անի-  
 ծեալ ամենայն մարդ որ ոչ կացցէ յա-  
 մենայն գրեալսն ի գիրս օրինաց՝ առ-  
 նել զամենայն: ՎՋ  
 41 Զի օրինօքն ոչ ոք արդարանայ ա-  
 ռաջի Աստուծոյ, այն յայտ իսկ է. զի  
 Արդարն, Վասէ, ի հաւատոց կեցցէ:  
 42 Բայց օրէնքն չեն ի հաւատոց, այլ որ  
 43 արասցէ զայն՝ կեցցէ ի նոսին: Քրիս-  
 տոս գնեաց զմեզ յանիծից օրինացն,  
 եղեալ վասն մեր անէծք, (զի գրեալ է  
 թէ Անիծեալ ամենայն որ կախեալ  
 44 կայցէ զփայտէ,) Զի ի հեթանոսս օրհ-  
 նութիւնն Աբրահամու եղիցի ի Քրիս-  
 տոս Յիսուս: զի մեք զաւետիս Հոգ-  
 ւոյն Սրբոյ ընկալցուք հաւատովք:  
 45 Ըստ մարդկութեան ասեմ, եղբարք.  
 Ապաքէն զմարդկան հաստատեալ կտակ  
 ոչ ոք կարէ անարգել, եւ ոչ այլ հրա-  
 46 ման ի վերայ այնր տալ, իսկ Աբրա-  
 համու խոստացան աւետիքն եւ զա-  
 ւակի նորա. եւ ոչ ասէ, Զաւակաց՝  
 իբրեւ թաղմաց, այլ իբրեւ զմիոյ, թէ՛  
 47 եւ զաւակի քուժ, որ է Քրիստոս:  
 Բայց զայս ասեմ, Զկտակն յառաջա-  
 48 գոյն հաստատեալ յԱստուծոյ ի Քրիս-  
 տոս, օրէնքն որ յետ չորեքարեւր եւ  
 երեսուն ամի եղան, ոչ կարեն խախ-  
 49 տել առ ի խափանելոյ զաւետիսն: Եթէ  
 յօրինաց անտի է ժառանգութիւնն,  
 50 ապա ոչ եւս յաւետեացն: Բայց Աբրա-  
 համու աւետիօք չնորհեաց Աստուած:  
 51 Իսկ զինչ իցեն օրէնք. յանցուածոց  
 վասն յաւելան, մինչեւ եկեսցէ զա-  
 ւակն, որուժ խոստացեալն էր՝ կար-  
 գեալ հրկշտակօք ի ձեռն միջնորդի:  
 52 Իսկ միջնորդ միոյ ուրուք ոչ է, բայց  
 53 Աստուած մի է: Իսկ արդ օրէնքն հա-  
 կառակ ինչ իցեն աւետեացն Աստու-  
 ծոյ. քաւ լիցի. զի եթէ տուեալ էին  
 օրէնքն որ կարող էին կենդանի առնել,  
 ապա հաստատ յօրինաց անտի էր ար-  
 54 զարուծիւն: Այլ փակեցին զիրք զա-  
 մենսին ընդ մեզօք, զի աւետիքն ի  
 հաւատոց անտի Յիսուսի Քրիստոսի

23 տացին հաւատացելոց: Մինչեւ հա-  
 24 ւատքն եկեալ էին՝ ընդ օրինօք փակեալ  
 պահէաք ի հանգերձեալ հաւատան, որ  
 25 յայտնելոց էին ի մեզ: Ապա օրէնքն  
 զաստիարակ եղեն մեզ ի Քրիստոս Յի-  
 սուս, զի ի հաւատոցն արդարացուք:  
 26 Այլ իբրեւ եկին հաւատքն, ոչ եւս ընդ  
 27 զաստիարակաւ եմք: Քանզի ամենե-  
 քին որդիք Աստուծոյ էք հաւատովք  
 28 ի Յիսուս Քրիստոս: Որք միանգամ  
 ի Քրիստոս մկրտեցարուք, զՔրիստոս  
 29 զգեցեալ էք. չիք խտիր, Ոչ Հրէի եւ  
 ոչ հեթանոսի, ոչ ծառայի եւ ոչ ազա-  
 տի, ոչ արուի եւ ոչ իգի. զի ամե-  
 նեքեան դուք մի էք ի Քրիստոս Յի-  
 սուս: Ապա եթէ դուք Քրիստոսի էք,  
 ուրեմն Աբրահամու զաւակ էք, ըստ  
 աւետեացն ժառանգք:

ԳԼ Դ

4 ԶԿ. Զայս ասեմ, ցորքան ժամանակս  
 ժառանգն տղայ է՝ չէ ինչ առաւել քան  
 զծառայն, թէպէտ եւ Տէր իցէ ամե-  
 2 նեցուն: Այլ ընդ հազարապետօք է եւ  
 ընդ գաւառապետօք մինչեւ ի ժամա-  
 3 նակակէտ հօրն: Նոյնպէս եւ մեք մինչ  
 տղայքն էաք, ընդ տարերբք աշխար-  
 4 հիս ի ծառայութեան կայաք: Այլ իբ-  
 րեւ եկն լրումն ժամանակին, առա-  
 5 քեաց Աստուած զՈրդին իւր որ եղեւ  
 6 ի կնոջէ, եւ եմուտ ընդ օրինօք: Զի  
 զնոսս որ ընդ օրինօքն իցեն՝ գնեսցէ,  
 զի մեք զորդեգրութիւն ընկալցուք:  
 7 Եւ զի էք դուք որդիք, առաքեաց Աս-  
 տուած զՀոգի Որդւոյն իւրոյ ի սիրտս  
 7 2 մեր՝ որ աղաղակէ Աբրա, Հայր: Այ-  
 սուհետեւ չես ծառայ, այլ որդի. եթէ  
 որդի, եւ ժառանգ 3 Աստուծոյ:  
 8 Այլ յայնժամ մինչ ոչն դիտէիք զԱս-  
 տուած՝ ծառայէիք այնոցիկ որ ոչն էին  
 9 ի բնէ Աստուածք: Այլ այժմիկ ծանե-  
 րուք զԱստուած, մանաւանդ թէ ծա-  
 նուցայք իսկ յԱստուծոյ, զիա՞րդ դառ-  
 նայք միւսանգամ ի տարերս տկարս եւ  
 յաղքատս, որոց միւսանգամ զանձինս  
 10 ծառայեցուցանել կամիք: Զաւուրս  
 խտրէք եւ զամիսս եւ զժամանակս  
 11 եւ զտարիս: Երկնչիւմ ի ձէնջ, զուցէ  
 թէ ի զուր ինչ վաստակեցի ի ձեզ:  
 12 Եղբրուք իբրեւ զիս, քանզի եւ ես

իբրեւ զձեզդ էի . եղբարք , աղայեմ  
 զձեզ , չիք ինչ ձեր մեղուցեալ առ իս :  
 13 Գիտէք դուք զի տկարութեամբ մարմ-  
 նոյ աւետարանեցի ձեզ զառաջինն .  
 եւ զփորձանսն որ ի մարմնի իմում  
 14 էին՝ Ոչ անարգեցէք եւ ոչ անգոսնե-  
 ցէք , այլ իբրեւ զհրեշտակ Աստուծոյ  
 ընկալարուք զիս , իբրեւ զՔրիստոս  
 15 Յիսուս : Իսկ արդ ո՛ւր է երանու-  
 թիւնն ձեր . վկայեմ ձեզ , եթէ հնար  
 ինչ էր , զայս ձեր հանէիք եւ տայիք  
 16 ինձ : Արդ զի՞ թշնամի իմն եղէ ձեզ ,  
 17 զի զստոյգն խօսեցայ : Այլ նախանձե-  
 ցուցանեն զձեզ ոչ ի բարի , եւ ար-  
 ցելու կամին զձեզ զի նոցա նախան-  
 18 ձաւորք լինիցիք : Բայց լաւ է նա-  
 խանձաւոր լինել ի բարիս յամենայն  
 ժամ , եւ ոչ միայն յորժամ ի ձերում  
 միջի իցեմ :  
 19 ԶԴ . Որդեակք իմ , զորս դարձեալ  
 վերստին երկնեմ , մինչեւ նկարեսցի  
 20 Քրիստոս ի ձեզ , կամէի այժմ զալ առ  
 ձեզ եւ փոխել զբարբառ իմ , զի տա-  
 րակուսեալ եմ ես վասն ձեր :  
 21 Ասէք ինչ ինձ՝ որ ընդ օրինօքն կա-  
 միք լինել , չիցէ՞ լընթերցեալ ձեր զօ-  
 22 րէնս : Ձի գրեալ է թէ Աբրահամու  
 երկու որդիք էին , մի՞ յաղախնոյ ան-  
 23 տի , եւ մի՞ յազատէն : Այլ որ յաղախ-  
 նոյն էր՝ ըստ մարմնոյ ծնեալ էր , եւ  
 24 որ յազատէն՝ ըստ աւետեացն . Որ է  
 առակ օրինակի . զի այս ինքն են եր-  
 կու կտակարանք , մի՞ ի լեռնէ Սինեայ  
 ի ծառայութիւն ծնեալ , որ է Հազար :  
 25 Քանզի Հազարն լեռոն Սինա է յԱրա-  
 բիա , հաւասար է յայսմ Երուսաղեմի ,  
 զի ծառայէ որդուովք իւրովք հանդերձ :  
 26 Այլ վերինն Երուսաղէմ ազատ է , որ  
 27 է մայր մեր Յամենեցուն : Ձի գրեալ է ,  
 Ուրախ լեր , ամուլ , որ ոչ ծնանէիր .  
 գոչեա եւ աղաղակեա որ ոչդ երկնէիր .  
 զի բազում են որդիք սկնդկիդ առա-  
 28 լել քան զարամբւոյն : Այլ մեք , եղ-  
 բարք , ըստ Իսահակայ աւետեացն որ-  
 29 դիք եմք : Այլ որպէս յայնժամ , որ  
 ըստ մարմնոյն ծնեալ էր՝ հալածէր զայն  
 որ ըստ հոգւոյն , նոյնպէս եւ այժմ  
 30 Այլ զի՞նչ ասէ զիր , ի բաց հան զա-  
 ղախինդ եւ զորդի դորա , զի մի՞ ժա-

ռանգեսցէ որդի աղախնոյդ ընդ որդւոյ  
 31 ազատին : Վասն որոյ , եղբարք , չեմք  
 որդիք աղախնոյն , այլ ազատին , չա-  
 զատութեամբն , որով Քրիստոս զմեզ  
 ազատեցոյց :

ԳԼ Ե

1 Պինդ կացէք այսուհետեւ , եւ մի՛  
 միւսանգամ ընդ լծով ծառայութեան  
 մտանէք :  
 2 ԶԶ . Ահաւասիկ ես Պաւղոս ասեմ  
 ձեզ , զի եթէ թլփատիք , Քրիստոս ինչ  
 3 ձեզ ոչ օգնէ : Վկայեմ ամենայն մար-  
 դոյ որ թլփատիցի , թէ պարտական է  
 4 զամենայն օրէնսն կատարել : Խափա-  
 նեալ էք ի Քրիստոսէ որ օրինօքն ար-  
 դարանայք , եւ անկեալ էք ի չնորհաց  
 5 անտի : Ձի մեք Հոգւովն ի հաւատոց  
 յուսոյն արդարութեան ակն ունիմք :  
 6 Ձի ի Քրիստոս Յիսուս ոչ թլփատու-  
 թիւն ինչ կարող է , եւ ոչ անթլփա-  
 տութիւն , այլ՝ հաւատք սիրով աջող-  
 7 եալք : Բարւոք ընթանայիք . ո՞ կա-  
 սեցոյց զձեզ ճշմարտութեանն չհաւա-  
 8 նել : Ձի այն հրապոյրք ոչ յայնմանէ  
 9 են որ կոչեացն զձեզ : Փոքր մի խմոր  
 10 զամենայն զանգուածն խմորէ : Այլ ես  
 յուսացեալ եմ ի ձեզ Տերամբ , թէ ոչ  
 այլազգ ինչ խորհիցիք , եւ որ խռովե-  
 ցուցանէ զձեզ՝ կրեսցէ դատաստան ,  
 11 ո՞ ոք եւ իցէ : Այլ ես , եղբարք , եթէ  
 թլփատութիւն քարոզէի , ընդէ՞ր տա-  
 կաւին հալածիմ . ապա ուրեմն խա-  
 փանեալ իցէ զայթակղութիւն խաչին :  
 12 Երանի թէ մօտակտուր իսկ լինէին  
 որ զձեզն խռովեցուցանեն :  
 13 Ձի դուք յազատութիւն կոչեցեալ  
 էք , եղբարք . միայն զի ազատութիւն  
 ձեր ոչ լինիցի ի պատճառս մարմնոյ ,  
 14 այլ սիրով ծառայեցէք միմեանց : Ձի  
 ամենայն օրէնք ի մի բան կատարին ,  
 ի Սիրեցեսն զընկերքո իբրեւ զանձն  
 15 քո : Ապա եթէ զմիմեանս խածատիցէք  
 եւ ուտիցէք , զգոյ՜ լերուք , գուցէ ի  
 միմեանց սատակիցիք :  
 16 ԷԴ . Բայց զայս ասեմ . Հոգւով գնա-  
 ցէք , եւ զցանկութիւն մարմնոյ մի՛  
 17 կատարէք : Ձի մարմին ցանկայ հա-  
 կառակ հոգւոյ , եւ հոգի՝ հակառակ

18-ՅԷ , լուեալ  
 18-ՅԷ , այժմն

18-ՅԷՆՈ զստեմ

19 Բողոսմոս տարիս միսնէ յաւրդ Էլեմի

մարմնոյ . եւ զի սոքա միմեանց հա-  
կառակ են , մի՛ զոր կամիցիքն՝ զայն  
18 առնիցէք : Իսկ եթէ Հոգւով վարիք ,  
19 ապա չէք ընդ օրինօք : Զի յայտնի են  
գործք մարմնոյ , այսինքն են չնու-  
թիւն , պոռնկութիւն , պղծութիւն ,  
20 զիջութիւն , կռապաշտութիւն , կա-  
խարդութիւն , թշնամութիւն , հեռ,  
նախանձ , բարկութիւն , հակառակու-  
թիւնք , երկպառակութիւնք , հեր-  
21 ձուածք , Զարակնութիւն , սպանու-  
թիւնք , արբեցութիւնք , անառակու-  
թիւնք , եւ որ ինչ սոցին նման են .  
զոր յառաջագոյն իսկ ասեմ ձեզ , որպէս  
եւ կանխաւն ասէի , թէ որ զայսպիսի  
ինչ գործեն՝ զարքայութիւն Աստուծոյ  
22 ոչ ժառանգին : Իսկ պտուղ Հոգւոյն  
այս է . սէր , խնդութիւն , խաղաղու-  
23 թիւն , երկայնմտութիւն , Քաղցրու-  
թիւն , բարութիւն , հաւատք , հեզու-  
թիւն , ժուժկալութիւն . զայսպիսեաց  
24 աստի օրէնքն չեն հակառակ : Իսկ որ  
Քրիստոսեանքն են՝ զմարմինս իւրեանց  
ի խաչ հանին կարեօքն եւ ցանկու-  
25 թեամբք հանդերձ : Եթէ կեամք Հոգ-  
ւով , ընդ Հոգւոյն եւ միաբանեցուք ,  
26 եւ մի՛ լիցուք սնապարծք՝ միմեանց  
ձայն տալով եւ ընդ միմեանս նախան-  
ձելով :

## ԳԼ. Զ

1 Էք . Եղբարք , եթէ յանկարծ ըմբռնե-  
ցի ոք ՚ի ձէնջ յինչ եւ իցէ յանցանս ,  
դուք որ հոգեւորք էք՝ հաստատեցէք  
զայնպիսին հոգւով հեզութեան . զգոյշ  
լինիցիք անձանց զի մի՛ եւ դուք փոր-  
2 ձիցիք : Զմիմեանց բեռն բարձէք , եւ  
այնպէս կատարեցէք զօրէնսն Քրիս-  
3 տոսի : Եթէ համարիցի ոք լինել ինչ ,  
4 եւ չիցէ , զանձն իւր խաբէ : Զգործ  
իւր կշռեսցէ իւրաքանչիւր ոք , եւ ա-  
պա անձին իւրում միայն պարծանս  
5 տացէ , եւ մի՛ առ ընկերաւն : Զի իւ-

րաքանչիւր ոք զիւր բեռն բառնալոց է :  
6 Հաղորդութիւն արասցէ <sup>2</sup>աշակերտն  
վարդապետին յամենայն բարութիւնս :  
7 Մի՛ խաբիք , Աստուած ոչ արհամարհի :  
8 Զի զոր ինչ սերմանէ մարդ՝ զնոյն եւ  
հնձեսցէ . որ սերմանէ ի մարմին իւր՝  
ի մարմնոյ անտի հնձեսցէ զապակա-  
նութիւն . եւ որ սերմանէ ի Հոգին՝  
ի Հոգւոյ անտի հնձեսցէ զկեանսն յա-  
9 լիտենից : Այլ զբարիս գործել մի՛  
ձանձրասցուք , զի ի ժամանակի իւ-  
րում հնձեսցուք <sup>3</sup>առանց լքանելոյ :  
10 Այսուհետեւ մինչդեռ ժամանակս ի  
ձեռս է , գործեսցուք զբարիս առ ա-  
մենեանս , մանաւանդ առ ընտանիսն  
հաւատոյ :

11 Տեսէք որպիսի գրով գրեցի առ ձեզ  
12 իմով ձեռամբ : Զի որ միանգամ կա-  
մին բարեմարդիկ լինել մարմնով , նո-  
քա ստիպեն զձեզ թրփառել . միայն  
զի մի՛ <sup>4</sup>զխաչին Քրիստոսի զհետ եր-  
13 թայցեն՝ Բանգի եւ որ թրփառեալքն  
իսկ են՝ նոքա զօրէնսն ոչ պահեն , այլ  
կամին զի դուք թրփատեսցիք , զի ձե-  
րով մարմնովդ պարծեսցին : ՎՋ  
14 Այլ ինձ քաւ լիցի պարծել , բայց  
միայն ի խաչն Տեառն մերոյ Յիսուսի  
Քրիստոսի , որով ինձ աշխարհ ի խաչ  
15 ելեալ է , եւ ես՝ աշխարհի : <sup>5</sup>Զի ոչ  
թրփատութիւն ինչ է եւ ոչ անթրփա-  
16 տութիւն , այլ նոր արարած : Եւ որ  
միանգամ այսմ կանոնի միաբան լինին ,  
խաղաղութիւն ի վերայ նոցա եւ ողոր-  
մութիւն , եւ ի վերայ իսրայելին Աս-  
17 տուծոյ : Այսուհետեւ աշխատ ոք զիս  
մի՛ արասցէ , զի ես <sup>6</sup>ղչարչարանսն  
Քրիստոսի ի մարմնի իմում կրեմ :  
18 Շնորհք Տեառն մերոյ Յիսուսի Քրիս-  
տոսի ընդ ոգւոյդ ձերում , եղբարք՝  
Ամէն :

Աւ Գաղատացիս Էբեջաւ է Հռօմէ :

<sup>2</sup>Յ-նն , որ ուսանին զբեռն

<sup>3</sup>Յ-նն , եթէ ոչ լքանիցիմք

<sup>4</sup>Յ-նն , զան խաչին Քրիստոսի հալածեցին

<sup>5</sup>Ու-նն , Զի ի Քրիստոս Յիսուս ոչ

<sup>6</sup>կ-ն , զերաշխեպոն

<sup>1</sup>Ի Բաղատ գաղատի



# ԱՌ ԵՓԵՍԱՑԻՍ

## ԹՈՒՂԹ

### ԳԼՈՒԽ Ա

1 ԸԿ. ՊԱՒՂՈՍ, առաքեալ Յիսուսի  
Քրիստոսի կամօքն Աստուծոյ, սրբոց  
որ են յԵփեսոս, եւ հաւատացելոց  
2 ի Քրիստոս. Շնորհք ընդ ձեզ եւ խա-  
ղաղութիւն յԱստուծոյ Հօրէ մերմէ  
եւ ի Տեառնէ Յիսուսէ Քրիստոսէ,  
3 Օրհնեալ է Աստուած եւ Հայր Տեառն  
մերոյ Յիսուսի Քրիստոսի, որ օրհնեաց  
զմեզ ամենայն հոգեւոր օրհնութեամբ  
4 յերկնաւորս ի Քրիստոս. Որպէս ընտ-  
րեաց զմեզ նոյաւ յառաջ քան զլինելն  
այխարհի, լինել մեզ սուրբս եւ անա-  
5 րատս առաջի նորա սիրով. Յառաջա-  
գոյն սանմանեաց զմեզ յորդեգրու-  
թիւն ի ձեռն Յիսուսի Քրիստոսի ի  
նոյն՝ ըստ հաճութեան կամաց իւրոց,  
6 ի գովեստ փառաց շնորհաց իւրոց, ո-  
րով զուարճացոյց զմեզ Սիրելեալն.  
7 Որով ունիմք զփրկութիւն ի ձեռն ար-  
եան նորա, զթողութիւն մեղաց ըստ  
8 մեծութեան շնորհաց իւրոց. Որ ա-  
ռաւելաւ ի մեզ ամենայն իմաստու-  
9 թեամբ եւ գիտութեամբ. Եցոյց մեզ  
զխորհուրդս կամաց իւրոց ըստ հա-  
ճութեան իւրում, զոր յառաջագոյն  
10 եղ նոյաւ, ի տնտեսութիւն լրման  
ժամանակաց, բովանդակել զամենայն  
Քրիստոսիւ, որ ինչ յերկինս եւ որ  
11 ինչ յերկրի ի նոյն, Որով եւ վիճակե-  
ցաք յառաջագոյն հրաւիրեալք՝ ըստ  
յառաջադրութեանն <sup>1</sup>Աստուծոյ, որ  
զամենայն յաջողէ ըստ խորհրդոց կա-  
12 մաց իւրոց. Լինել մեզ ի գովեստ փա-  
ռաց նորա՝ յառաջագոյն յուսացելոցս  
13 ի Քրիստոս. Որով եւ դուք իբրեւ

լուարուք զքանն ճշմարտութեան, զա-  
ւետարանն փրկութեան ձերոյ, որով  
եւ հաւատացեալ կնքեցայք Հոգւոյն  
14 Սրբոյ աւետեաց. Որ է առհաւատչեայ  
ժառանգութեան մերոյ, ի փրկութիւն  
նուաճութեան, ի գովեստ փառաց  
նորա.

15 ԸԿ. Վասն այնորիկ եւ ես իբրեւ  
լուայ զհաւատսն ձեր որ ի Տէր Յիսուս,  
եւ զսէրն որ ընդ ամենայն սուրբս,  
16 Ոչ զաղարեմ ի գոհանալոյ վասն ձեր՝  
17 յիշել զձեզ յաղօթս. Զի Աստուած  
Տեառն մերոյ Յիսուսի Քրիստոսի,  
Հայրն փառաց, տացէ ձեզ զհոգին ի-  
մաստութեան եւ յայտնութեան գի-  
18 տութեամբն իւրով. Լուսաւոր առնել  
զաչս <sup>6</sup>սրտից՝ առ ի գիտելոյ մեզ զինչ  
է յոյս կոչման նորա, եւ զինչ է մե-  
ծութիւն փառաց ժառանգութեանն նո-  
19 րա ի սուրբս, Եւ զինչ է առաւելու-  
թիւն մեծութեան զօրութեանն նորա  
ի մեզ հաւատացեալս՝ ըստ յաջողու-  
թեան կարողութեան զօրութեանն իւ-  
20 րոյ, Զոր յաջողեաց ի Քրիստոս, զի  
յարոյց զնա ի մեռելոց, եւ նստոյց ընդ  
21 աջմէ իւրմէ յերկնաւորս ի վերայ ա-  
մենայն իշխանութեան եւ պետութեան  
եւ զօրութեան եւ տէրութեան եւ ա-  
մենայն անուան անուանելոյ, ոչ միայն  
յաշխարհիս յայսմիկ, այլ եւ՝ ի հան-  
22 դերձելումն. Եւ զամենայն ինչ հնա-  
զանդ արար ի ներքոյ ոտից նորա, եւ  
զնա եղ զլուսն ի վերայ ամենայն իրիք  
23 եկեղեցւոյ, Որ է մարմին նորա,  
լրումն որ զամենայն յամենայնի լնու.

<sup>1</sup>Յռնն, գլխի

<sup>2</sup>Յռնն, ի Քրիստոս Յիսուս

<sup>3</sup>Ուրիշ, յիշեալ

<sup>4</sup>Բազմի, նորա

<sup>5</sup>Յռնն, սեղհականութեան, իմ՝ ստացուածոյ

<sup>6</sup>Բազմի, սրտից ձերոց

<sup>7</sup>Յռնն, ձեզ

## ԳԼ. Բ

- 1 Եւ դուք որ մեռեալն էիք ի մեղս ձեր  
2 եւ յանցանս , Յորս երբեմն գնայիք  
ըստ յաւիտենի աշխարհիս այսորիկ ,  
ըստ իշխանին իշխանութեան օղոյս ,  
այսոյ որ այժմս ընդմտեալ է յորդինս  
3 ապստամբութեան . Յորս եւ մեք ա-  
մենեքեան չըջեաք երբեմն ի ցանկու-  
թիւնս մարմնոյ մերոյ , եւ առնէաք  
զկամս մարմնոյ եւ զմտաց , եւ էաք  
2 արդարեւ որդիք բարկութեան իրրեւ  
ալլքն .  
4 Ըջ. Այլ Աստուած որ մեծն է ողոր-  
մութեամբ , վասն բազում սիրոյն իւ-  
5 րոյ զոր սիրեացն զմեզ , Մինչդեռ մեռ-  
եալն էաք ի մեղս մեր , կենդանիս ա-  
րար զմեզ ի Քրիստոս . ( 3 քանզի շնորհօք  
6 ապրեցաք . ) Ընդ նմին յարոյց , եւ ընդ  
նմին նստոյց յերկնաւորս ի Քրիստոս  
7 Յիսուս . Զի ցուցցէ ի յաւիտեանսն  
որ գալոցն են՝ զառաւել մեծութիւն  
շնորհացն իւրոց քաղցրութեամբ ի մեզ  
8 ի Քրիստոս Յիսուս . Զի շնորհօք 4 նո-  
րա էք փրկեալք ի ձեռն հաւատոցն .  
եւ այս ոչ ի ձէնջ , այլ Աստուծոյ պար-  
9 զեւ է . Ոչ ի գործոց , զի մի՞ ոք պար-  
10 ծեցի . Զի նորա արարած եմք՝ հաս-  
տատեալք Քրիստոսիւ Յիսուսիւ ի  
գործս բարութեան , յորս յառաջագոյն  
պատրաստեաց Աստուած , զի ի նոյնս  
գնասցուք .  
11 Վասն որոյ եւ դուք յիշեցէք զի եր-  
բեմն հեթանոսք էիք մարմնով , ( որ  
կոչեցեալն են անթլփատութիւն յան-  
ուանեալ թրիատութենէ անտի մարմ-  
12 նաւոր ձեռագործին . ) Զի էիք ի Ժա-  
մանակին յայնմիկ առանց Քրիստոսի ,  
եւ օտարացեալք յառաքինութենէն իս-  
րայիլի , եւ տարագիրք յուխտից ա-  
ւետեացն , եւ յոյս ինչ ոչ ունէիք եւ  
13 անաստուածք էիք յաշխարհի . Իսկ  
այժմիկ ի ձեռն Յիսուսի Քրիստոսի  
դուք որ երբեմն հեռաւորքն էիք՝ մեր-  
ձաւորք եղիւրդ արեամբն Քրիստոսի .  
14 Զի նա է խաղաղութիւն մեր որ արար  
զերկոսեան մի , եւ զմիջնորմն ցանկոյն  
քակեաց , զիշնամութիւն ի մարմնի  
15 իւրում . Եւ զօրէնս պատուիրանացն

1 Այսինքն , գնացիք

4 ի բազմա գլխով

5 Յիսուս , ի բնէ

6 Յիսուս , շնորհօք ապրեցաք

- հրամանօքն՝ խափանեաց . զի զերկո-  
սին հաստատեացէ ինքեամբ ի մի նոր  
16 մարդ , եւ արասցէ խաղաղութիւն . Եւ  
հաշտեցուցէ զերկոսին միով մարմնով  
ընդ Աստուծոյ խաչին իւրով . քանզի  
սպան զթշնամութիւն յանձին իւ-  
17 րում . Եւ եկն աւետարանեաց խաղա-  
ղութիւն ձեզ հեռաւորաց , եւ խաղա-  
18 ղութիւն՝ մերձաւորաց . Զի նովա  
ունիմք զնուաճութիւն երկոքին միով  
19 Հոգւով առ Հայր . Ապա այսուհետեւ  
ոչ էք օտարք եւ պանդուխտք , այլ քա-  
ղաքակիցք սրբոց եւ ընտանիք Աս-  
20 տուծոյ , Շինեալք ի վերայ հիման ա-  
ռաքելոց եւ մարգարէից , որոյ է զրուի  
21 անկեանն Քրիստոս Յիսուս . Յորում  
ամենայն շինուածն յօդեալ եւ պատ-  
շաճեալ՝ աճէ ի տաճար սուրբ Տերամբ .  
22 Յորում եւ դուք ընդ նմին շինիք ի  
բնակութիւն Աստուծոյ Հոգւով .

ՎՋ

## ԳԼ. Գ

- 1 Վասն այսորիկ եւ Պաւղոս , կապեալ  
Յիսուսի Քրիստոսի վասն ձեր հե-  
2 թանոսաց . Թերեւս լուեալ իցէ ձեր  
զտնտեսութիւն շնորհացն Աստուծոյ ,  
3 որ տուեալ են ինձ ի ձեզ , Զի ըստ  
յայտնութեան ցուցաւ ինձ խորհուրդն ,  
որպէս յառաջագոյն զրեցի առ ձեզ սա-  
4 կաւուք . Առ ի կարող լինելոյ ընթեո-  
նուլ եւ ի միտ առնուլ զիմաստութիւնն  
5 զիմ ի խորհրդեանն Քրիստոսի . Զի  
այլոց ազգաց ոչ ցուցաւ որդւոց մարդ-  
կան , որպէս այժմ յայտնեցաւ սրբոց  
իւրոց առաքելոց եւ մարգարէից Հոգ-  
6 ւովն . Լինել հեթանոսաց ժառանգա-  
կիցս եւ մարմնակիցս , եւ հաղորդս  
աւետեացն ի Քրիստոս Յիսուս աւե-  
7 տարանաւն , Որոյ եղէ ես սպասաւոր  
ըստ պարգեւաց շնորհացն Աստուծոյ  
որ տուան ինձ ըստ յաջողութեան զօ-  
8 րութեան նորա , ( ինձ՝ որ արուպս եմ  
ամենայն սրբոց , տուան շնորհքս այս . )  
ի հեթանոսս աւետարանել զանքնին  
9 մեծութիւնն Քրիստոսի , Եւ լուսաւոր  
առնել զամենեւին , թէ զինչ է տնտե-  
սութիւն խորհրդոյն որ ծածկեալ էր  
յամենայն յաւիտեանց առ Աստուծոյ  
10 որ զամենայն ինչ արար . Զի յայտ-

5 Յիսուս , գլխով

6 Որպէս յաւելու , ի ձեռն Յիսուսի Քրիստոսի

նեսցի արդ իշխանութեանց եւ պետու-  
թեանց որ յերկինս են՝ ի ձեռն եկե-  
ղեցւոյ բազմապատիկ իմաստութիւնն  
11 Աստուծոյ : Ըստ յառաջադրութեան  
յաւիտեանցն զոր արար ի ձեռն Տեառն  
12 մերոյ Յիսուսի Գրիստոսի . Որով ու-  
նիմք զհամարձակութիւն եւ զնուա-  
ճութիւն յուսով ի ձեռն հաւատոց  
նորա :  
13 Վասն որոյ աղաչեմ, մի՛ ձանձրանալ  
ի նեղութեանս <sup>1</sup>մերում որ վասն ձեր  
14 է, որ է փառք <sup>2</sup>մեր : Վասն այսորիկ  
զնեմ ծուներ առ Հայր Տեառն մերոյ  
15 Յիսուսի Գրիստոսի, Ուստի ամենայն  
նահապետութիւն յերկինս եւ յերկրի  
16 անուանի, Ձի տացէ ձեզ ըստ մեծու-  
թեան փառաց իւրոց, հաստատել զօ-  
րութեամբ ի ձեռն Հոգւոյն իւրոյ ի  
17 ներքին մարդն . Բնակել Գրիստոսի  
հաւատովք ի սիրտս ձեր, սիրով ար-  
18 մատացեալք եւ հաստատեալք : Ձի  
կարող լինիջիք հասանել ընդ ամենայն  
սուրբս, զինչ է լայնութիւն եւ եր-  
կայնութիւն եւ բարձրութիւն եւ խո-  
19 բութիւն . Ճանաչել զառաւելութիւն  
գիտութեան սիրոյն Գրիստոսի, զի  
10 յիջիք ամենայն լրութեամբն Աստու-  
20 ծոյ : Այլ այնմ որ կարողն է առաւել  
քան քամենայն ինչ առնել յաճախու-  
թեամբ քան զոր խնդրեմքն եւ իմա-  
նամք, ըստ զօրութեանն որ յաջող-  
21 եալն է ի մեզ, նմա փառք յեկեղեցւոյն  
<sup>3</sup>եւ ի Գրիստոս Յիսուս յամենայն ազգս  
յաւիտենից յաւիտեանս : Ամէն :

ԳԼ. Դ

1 Արդ աղաչեմ զձեզ ես որ կապեալս  
եմ ի Տէր, արժանի զնալ կոչմանն  
2 յոր կոչեցարուք, Ամենայն խոնարհու-  
թեամբ եւ հեղութեամբ եւ երկայն-  
մտութեամբ անսալ միմեանց սիրով .  
3 Փութալ պահել զմիաբանութիւն Հոգ-  
4ւոյն յօղիւ խաղաղութեան : Մի մար-  
մին եւ մի հոգի, որպէս եւ կոչեցա-  
5 բուք ի մի յոյս կոչման ձերոյ . Մի է  
Տէր, մի հաւատք, մի մկրտութիւն .  
6 Մի Աստուած եւ Հայր ամենեցուն,  
որ ի վերայ ամենայնի եւ ընդ ամե-

7 նեսին եւ յամենեւին <sup>4</sup>ի մեզ : Այլ իւ-  
րաքանչիւր ումեք ի մէջ տուեալ են  
չնոր՝ք ըստ չափոյ պարգեւացն Գրիս-  
8 տոսի : Վասն որոյ եւ ասէ, Ել ի բար-  
ձունս, գերեաց զգերութիւն եւ ետ  
9 պարգեւս մարդկան : Որ ելն զինչ է,  
եթէ ոչ զի էջ նախ ի ստորին կողմն  
10 երկրի : Որ էջն նոյն է եւ որ ելն ի  
վերոյ քան զամենայն երկինս, զի լցցէ  
11 զամենայն : Եւ նա ետ զոմանս առա-  
քեալս, զոմանս մարգարէս, զոմանս ա-  
ւետարանիչս, զոմանս հովիւս եւ վար-  
12 զապետս . ի հաստատութիւն սրբոց,  
ի գործ պաշտաման, ի շինուած մարմ-  
13 նոյն Գրիստոսի . Մինչեւ հասցուք ա-  
մենեքեան ի մի միաբանութիւն հա-  
ւատոց եւ գիտութեան Որդւոյն Աս-  
տուծոյ, յայր կատարեալ ի չափ հա-  
14 սակի կատարման Գրիստոսի : Ձի մի՛  
յայսմեմէ իցեմք տղայք խաղաղք եւ  
տառանեալք յամենայն հողմոց վար-  
զապետութեան խաբէութեամբ մարդ-  
կան, խորամանկութեամբ ի խաբէու-  
15 թիւն մոլորութեան . Այլ ճշմարտեալք  
սիրով աճեցուցուք ի նա զամենայն,  
16 որ է գլուխ, Գրիստոս . Ուստի ամե-  
նայն մարմինն յօդեալ եւ պատշաճեալ  
ամենայն խաղալեօք տարաբերութեան,  
ըստ ազդեցութեան չափով ըստ իւ-  
րաքանչիւր մասին զաճումն մարմնոյ  
գործէ ի շինած անձին իւրոյ սիրով :  
17 Արդ զայս ասեմ եւ ուխտեմ ի Տէր,  
մի՛ եւս ձեզ զնոյն օրինակ զնալ որ-  
պէս եւ այլ հեթանոսք զնան ունայ-  
18 նութեամբ մտաց իւրեանց . Որոց խա-  
ւարեալ են սիրտք իւրեանց, եւ օտա-  
րացեալ են ի կենաց անտի Աստուծոյ  
վասն տգիտութեանն որ է ի նոսա,  
վասն կուրութեան սրտից իւրեանց :  
19 Որք <sup>5</sup>զանձանց իւրեանց զյոյսն հա-  
տին, եւ՝ մատնեցին զանձինս զիջու-  
թեան, ի գործս ամենայն պղծութեան  
20 ազահութեամբ : Այլ դուք ոչ այսպէս  
21 ուսարուք զԳրիստոս, Թէպէտ եւ  
լուարուք զնմանէ եւ նովաւ ուսայք,  
որպէս է ճշմարտութիւնն Յիսուսի .  
22 ի բաց մերկանալ ի ձէնջ ըստ առաջին  
զնացիցն զմարդն հին, զապականեալն  
23 ցանկութեամբք խաբէութեանն . Եւ

<sup>1</sup>Թշն, իմում  
<sup>2</sup>Բազմութ, ձեր

<sup>3</sup>Ի բազմութ գլխով

<sup>4</sup>Ի բազմութ գլխով. յոմանս՝ ի ձեզ  
<sup>5</sup>Թշն, անզգայեալք



24 նորոգել հողւոյն մտաց ձերոց, եւ զգնուել զնոր մարդն որ ըստ Աստուծոյն հաստատեալ է արդարութեամբ եւ  
25 սրբութեամբ ճշմարտութեանն: Վասն որոյ ի բաց ընկեցէք զստութիւն, խօսեցարուք զճշմարտութիւն իւրաքանչիւր ընդ ընկերի իւրում, զի եմք  
26 միմեանց անդամք: Բարկանայք, եւ մի՛ մեղանչէք: արեգակն ի վերայ բարկութեան ձերոյ մի՛ մտցէ, եւ մի՛ տայք  
27 կռիւթեան ձերոյ մի՛ մտցէ, եւ մի՛ տայք տեղի Սատանայի: Որ գողանայրն՝ մի՛ եւս գողացի, այլ մանաւանդ վատակեցէ գործել ձեռք իւրովք զբարիս: զի բաւական իցէ տալ ում պիտոյ իցէ: Ամենայն բան տգեղ ի բերանոյ ձերմէ մի՛ ելցէ, այլ որ ինչ բարին է ի շինած պիտոյից, զի տացէ  
30 շնորհս այնոցիկ որ լսեն: Եւ մի՛ տրամեցուցանէք զՀոգին Սուրբ Աստուծոյ, որով կնքեցարուք յաւուրն  
31 փրկութեան: Ամենայն դաժնութիւն եւ բարկութիւն եւ սրտմտութիւն եւ աղաղակ եւ հայհոյութիւն բարձցի ի ձէնջ ամենայն չարութեամբն հանդերձ:  
32 Լերուք ընդ միմեանս քաղցունք, գթածք, շնորհել միմեանց, որպէս եւ Աստուած Քրիստոսիւ շնորհեաց մեզ:

## ԳԼ. Ե

1 Եղբրուք նմանողք Աստուծոյ իբրեւ 2 որդիք սիրելիք: Եւ գնացէք սիրով, որպէս եւ Քրիստոս սիրեաց զմեզ, եւ մատնեաց զանձն իւր վասն մեր պատարագ եւ զենունն Աստուծոյ ի հոտ  
3 անուշից: Այլ պոռնկութիւն եւ ամենայն պղծութիւն կամ աղանդութիւն եւ անուանեացի մի՛ ի միջի ձերում,  
4 որպէս եւ վայելէ սրբոց, եւ զազրութիւն կամ խօսք յիմարութեան կամ խեղկատակութիւն որ ոչ վայելէ, այլ  
5 մանաւանդ զոհութիւն: Չայս տեղեկացեալ գիտասցիք թէ ամենայն պոռնիկ կամ պիղծ կամ ազան որ է կոպարիշտ՝ ոչ ունի ժառանգութիւն յարքայութեանն Քրիստոսի եւ Աստուծոյ:  
6 Մի՛ ոք զձեզ խաբեսցէ բանիւք մտաւոր, զի վասն այսորիկ իսկ դայ բարկութիւն Աստուծոյ ի վերայ որդւոցն անհաւանութեան: Մի՛ այսու  
8 հետեւ լինիք բաժանորդք նոցա: Զի

թէպէտ եւ երբեմն էիք խաւար, արդ լոյս էք ի Տէր: Իբրեւ զորդիս լուսոյ  
9 գնացէք: Զի պտուղ լուսոյ ամենայն բարութեամբ է եւ արդարութեամբ եւ  
10 ճշմարտութեամբ: Փորձեցէք զինչ է  
11 հաճոյ Տեառն: Եւ մի՛ կցորդ լինիք անպտղութեան գործոցն խաւարի, այլ  
12 մանաւանդ յանդիմանեցէք: Զի որ ի ծածուկ ինչ գործի ի նոսա՝ զայն եւ  
13 խօսել աղտեղի է: Այլ ամենայն ինչ յանդիմանեալ ի լուսոյ յայտնի լինի: զի ամենայն ինչ որ յայտնի է՝ լոյս է:  
14 Վասն որոյ եւ ասէ, Արի որ ննջեսդ, եւ կանգնեաց ի մեռելոց, եւ լուստտու լիցի քեզ Քրիստոս:

15 ԹԱ. Տեսցիք ո՛րպէս ճշմարտիւ գնացէք: մի՛ իբրեւ անիմաստք, Այլ իբրեւ իմաստունք: գնեցէք զժամանակս,  
17 զի աւուրքս չարութեան են: Վասն այնորիկ մի՛ լինիք անմիտք, այլ խափարուք զինչ են կամք Տեառն: Եւ մի՛ արքեանայք գինւով յորում զեղխութիւն է, այլ մանաւանդ լցարուք Հոգւով: Խօսել ՚ի սիրտս ձեր՝ սաղմոսիւք եւ օրհնութեամբք եւ երգովք հոգեւորօք, երգել եւ սաղմոս ասել ի սիրտս  
20 ձեր Տեառն: Դոհացարուք յամենայն ժամ ի վերայ ամենայնի յանուն Տեառն մերոյ Յիսուսի Քրիստոսի՝ Քօրն եւ Աստուծոյ:

21 Հնազանդ լերուք միմեանց երկիւրիւն Երիստոսի: Կանայք իւրեանց արանց հնազանդ լիցին իբրեւ Տեառն:  
22 Զի այր է զլուխ կնոջ, որպէս եւ Քրիստոս զլուխ է եկեղեցւոյ, եւ ինքն  
23 է Փրկիչ մարմնոյ: Այլ որպէս եկեղեցին հնազանդ լինի Քրիստոսի, նոյնպէս եւ կանայք՝ իւրեանց արանց յամենայնի: Արք, սիրեցէք զկանայս ձեր, որպէս եւ Քրիստոս սիրեաց զեկեղեցի, եւ զանձն իւր մատնեաց վասն  
25 նորա: Զի զնա սրբեցէ սրբութեամբ աւաղանին՝ բանիւ: Զի կացուցէ ինքն իւր յանդիման փառաւոր զեկեղեցի, զի մի՛ ունիցի ինչ արատ կամ աղտեղութիւն կամ այլ ինչ յայսպեանայ, այլ զի իցէ սուրբ եւ անարատ:  
28 Նոյնպէս պարտին արք սիրել զիւրեանց

ՊԼԷ, Հոգւոյն Եւս, աւաղանի լոս

ՊԼԷ, Ընդ միմեանս Եւս, խօրջ

Եւս, զԱստուծոյ և զՀօրն

ՊԼԷ, Աստուծոյ

կանայս իբրեւ զիւրեանց մարմինս .  
որ սիրէ զկին իւր՝ զանձն իւր սիրէ .  
29 Ձի ոչ ոք երբեք տտեալ զանձն իւր ,  
այլ սնուցանէ եւ դարմանէ զնա , որ-  
30 պէս եւ Պրիստոս զեկեղեցի . Ձի ան-  
դամք եւմք մարմնոյ նորա , ի մարմնոյ  
31 նորա եւ յոսկերաց նորա : Վասն այսո-  
րիկ թողցէ այր զնայր եւ զմայր իւր ,  
եւ երթիցէ զհետ կնոջ իւրոյ , եւ եղիցին  
32 երկոքին ի մարմին մի : Խորհուրդս այս  
մեծ է , բայց ես ասեմ ի Քրիստոս եւ  
33 յեկեղեցի : Այլ եւ դուք նոյնպէս մի  
ըստ միջէ , զի՝ իւրաքանչիւր ոք զիւր  
կին այնպէս սիրեացէ իբրեւ զիւր անձն ,  
եւ կին երկնչիցի յառնէ իւրմէ :

ԳԼ. 2

1 ԹԴ. Որդիք , հնազանդ լերուք ծնո-  
ղաց ձերոց ի Տէր , զի այն է արժանն ,  
2 Պատուեա զնայր քո եւ զմայր , որ է  
3 առաջին պատուիրան յաւեոթիսն , Ձի-  
քեզ բարի եղիցի , եւ երկայնակեաց  
4 լինիցիս ի վերայ երկրի : Հարք , մի՛  
զայրացուցանէք զորդիս ձեր , այլ սնու-  
ցանիջիք զնոսա խրատու եւ ուսմամբ  
5 Տեառն , Ծառայք , հնազանդ լերուք  
տերանց ձերոց մարմնաւորաց աշիւ  
եւ զոգութեամբ եւ միամտութեամբ  
սրտից ձերոց՝ որպէս եւ Քրիստոսի :  
6 Մի՛ առ ականէ ծառայել իբրեւ մար-  
դահաճոյք , այլ իբրեւ ծառայք Քրիս-  
7 տոսի առնել զկամս Աստուծոյ . Սրտի  
մտօք ծառայել իբրեւ Տեառն , եւ մի՛  
8 իբրեւ մարդկան : Գիտասջիք թէ իւ-  
րաքանչիւր ոք որ զինչ առնէ զբարին ,  
զնոյն ընդունի եւ ի Տեառնէ , եթէ՛  
9 ծառայ , եւ եթէ՛ ազատ : Եւ դուք ,  
տեարք , զնոյն առնիջիք առ նոսա ,  
ներելով առնել զպատուհասն , գիտաս-  
ջիք թէ եւ նոցա եւ ձեր Տէր դոյ յեր-  
կինս . եւ ակնառութիւն ոչ դոյ առա-  
ջի նորա :  
10 Պայտուհեալ զօրացարուք Տերամբ  
եւ կարողութեամբ զօրութեան նո-  
11 րա : Եւ զգեցարուք զսպառազինու-  
թիւնն Աստուծոյ , զի կարող լինիջիք

12 կալ ընդդէմ հնարից Սատանայի : Ձի  
ոչ է մեզ պատերազմ ընդ մարմնոյ եւ  
ընդ արեան , այլ ընդ իշխանութիւնս  
եւ ընդ պետութիւնս եւ ընդ աշխար-  
հակալս խաւարիս այսորիկ , ընդ այսս  
չարութեան որ ի ներքոյ երկնից :  
13 ԹԶ. Վասն այսորիկ առէք զսպառա-  
զինութիւնն Աստուծոյ , զի կարող լի-  
նիջիք ի դիմի հարկանել չարին յա-  
14 ւուրն չարութեան : Եւ իբրեւ զամե-  
նայն ինչ կատարիցէք , հաստատուն  
կացէք , զտեղի կալջիք , պնդեալ զմէջս  
ձեր ճշմարտութեամբ , եւ զգեցեալ  
15 զգրահան արդարութեան , եւ ազու-  
ցեալ զոտս պատրաստութեամբ աւե-  
16 տարանին խաղաղութեան , եւ ի վե-  
րայ ամենայնի առէք զվահանն հաւա-  
տոց , որով կարող լինիջիք զամենայն  
17 նեա մուխս չարին չիջուցանել , եւ  
առէք զսաղաւարտն փրկութեան եւ  
զսուսեր Հոգւոյն , որ է բանն Աստու-  
18 ծոյ . Ամենայն աղօթիւք եւ խնդրու-  
ածովք աղօթս առնել յամենայն ժամա-  
նակի Հոգւով , եւ ի նոյն տընեսջիք ա-  
մենայն ժուժկալութեամբ եւ խընդ-  
19 րուածովք վասն ամենայն սրբոց , եւ  
վասն իմ , զի ինձ տացի բան ի բանալ  
բերանոյ իմոյ համարձակութեամբ ցու-  
20 ցանել զխորհուրդ աւետարանին . Վասն  
որոյ պատգամաւորիմ կապանօքս , զի  
նովին համարձակեցայք որպէս եւ  
պարտ իցէ ինձ խօսել :  
21 Բայց զի գիտիցէք եւ դուք զինչն  
զինչ գործիցեմ , զամենայն ինչ ցուցցէ  
ձեզ Տիւքիկոս սիրելի եղբայր եւ հա-  
22 ւատարիմ պաշտօնեայ ի Տէր . Զոր ա-  
ռաքեցի առ ձեզ դմին իրի , զի գիտաս-  
ջիք դուք զմէջ , եւ միսթարեացէ  
23 զսիրտս ձեր : Խաղաղութիւն ընդ եղ-  
բարս , եւ սէր հաւատովքն հանդերձ  
յԱստուծոյ ի Հօրէ եւ ի Տեառնէ Յի-  
24 սուսէ Քրիստոսէ : Ծնորհք ընդ ամե-  
նեսին ոյք սիրեն զՏէր մեր Յիսուս  
Քրիստոս անկոծութեամբ :<sup>5</sup>

Աւ Եփեսոսի Գրեցաւ է Հռովմէ է յեռն  
Տէմիւսի :

<sup>1</sup> Ունի , Տէր

<sup>2</sup> Ի Եփեսոս գրեալ

<sup>3</sup> Ունի , Աստուհեալ , եղբայր իմ ,

<sup>4</sup> Ի Եփեսոս գրեալ

<sup>5</sup> Ունի , է Եփեսոսի Եւ է Հռովմէ Եւ յեռն

Տէմիւսի , Ամեն

# ԱՌ ՓԻԼԻՊԵՑԻՍ

## ԹՈՒՂԹ

### ԳԼՈՒԽ Ա

1 ՉԿ. ՊԱՒՂՈՍ եւ Տիմոթէոս, ծառայք  
Թիսուսի Բրիստոսի, ամենայն սրբոց  
ի Բրիստոս Թիսուս, որ են ի կողմանս  
Փիլիպեցւոց, եպիսկոպոսակցօք եւ  
2 սարկաւազօք. Շնորհք ընդ ձեզ եւ  
խաղաղութիւն յԱստուծոյ Հօրէ մերմէ  
եւ ի Տեառնէ Թիսուսէ Բրիստոսէ,  
3 Գոհանամ զԱստուծոյ իմոյ ի վերայ  
4 ամենայն յիշատակաց ձերոց, Յամե-  
նայն ժամ յամենայն խնդրուածս իմ  
վասն ձեր ամենեցուն առնել աղօթս  
5 խնդութեամբ, վասն հաղորդութեան  
ձերոյ ընդ աւետարանին յօրէ յառաջ-  
6 նրմէ մինչեւ ցայժմ. վստահ եմ յայդ  
թէ որ սկսաւն ի ձեզ զգործս բար-  
եաց՝ կատարեսցէ մինչեւ յօրն Թիսուսի  
7 Բրիստոսի. Որպէս իրաւ իսկ թուի  
ինձ խորհել զայս վասն ձեր ամենե-  
ցուն, վասն ունելոյ ինձ զձեզ՝ ի սրտի  
ի կապանս իմում, եւ ի պատասխա-  
նատուութեան իմում եւ ի հաստա-  
տութեան աւետարանին, կցորդս ինձ  
8 չնորհաց զձեզ ամենեսին լինել. <sup>1</sup>Վկայ  
է ինձ Աստուած, որպէս անձկացեալ  
եմ առ ձեզ ամենեսին զթովքն Բրիս-  
9 տոսի Թիսուսի. Եւ զայն աղօթս առ-  
նեմ, զի սէրն ձեր եւս քան զեւս ա-  
ռուել լիցի ի գիտութեան եւ յամե-  
10 նայն իմաստութեան, Ընտրել ձեզ  
զլաւն՝ զի իցէք <sup>2</sup>հաստատունք եւ ա-  
ռանց զայթակղութեան յօրն Բրիստո-  
11 սի. Լցեալ պտղովք արդարութեան  
ի ձեռն Թիսուսի Բրիստոսի ի փառս  
եւ ի գովեստ Աստուծոյ,  
12 ՉԴ. Կամիմ թէ գիտիցէք, եղբարք,

զի որ ինչ վասն իմ էր, եւս քան  
զեւս ի յառաջագիմութիւն աւետա-  
13 րանին եկն. Մինչեւ կապանաց իմոց  
յայտնի լինել ի Բրիստոս յամենայն  
հրապարակիս եւ առ այս ամենեսեան.  
14 Եւ առ բազում եղբարս ի Տէր, որ  
վստահ են կապանօքս իմովք առուել  
եւս համարձակել առանց երկիւղի  
15 զքանն Աստուծոյ խօսել. Ոմանք առ  
նախանձու եւ հակառակութեան, եւ  
ոմանք մտադիւրութեամբ իսկ զԲրիս-  
16 տոս քարոզեն. Եւ ոմանք ի սիրոյ,  
քանզի գիտեն եթէ ի պատասխանա-  
17 տութիւն աւետարանին կամ. Եւ  
ոմանք առ հետտութեան զԲրիստոս  
պատմեն, այլ ոչ սրբութեամբ. քանզի  
համարին նեղութիւնս յարուցանել ի  
18 վերայ կապանաց իմոց. Բայց այս զինչ  
է. որով օրինակաւ եւ իցէ, եթէ՝  
պատճառանօք եւ եթէ՝ ճշմարտու-  
թեամբ, Բրիստոս պատմի, եւ ընդ  
այս խնդամ, այլ եւ ուրախ եւս եղէց.  
19 Զի գիտեմ եթէ այս պահի ինձ ի փրկու-  
թիւն ի ձերոց խնդրուածոց եւ ի պար-  
զեւաց Հոգւոյն Թիսուսի Բրիստոսի,  
20 Ըստ ակնկալութեան եւ յուսոյն իմոյ,  
զի մի՛ իւրեք յամօթ եղէց, այլ ամե-  
նայն համարձակութեամբ, որպէս յա-  
մենայն ժամ եւ այժմ, մեծացի Բրիս-  
տոս ի մարմնի իմում, եթէ՝ կենօք եւ  
21 եթէ՝ մահու. Զի ինձ կեանք Բրիս-  
22 տոս է, եւ մեռանել չան. Ապա եթէ  
կեանքս մարմնոյ այս ինձ պտուղ գոր-  
ծոյ է, եւ զինչ ընտրեցիք՝ զայն ոչ  
23 գիտեմ. Նեղեալ եմ յերկոցունց, զցան-  
կալն ելանել եւ ընդ Բրիստոսի լինել  
24 առուել լաւ համարիմ. Եւ կալ մեալ  
աստէն ի մարմնի՝ կարեւոր եւս վասն  
25 ձեր. Եւ զայս յուսացեալ գիտեմ, եթէ  
կացից եւ մնացից ամենեցուն ձեզ,

<sup>1</sup> Կ-Մ, ձեզ զիս

<sup>2</sup> Ե-Յ, Զի վկայ

<sup>3</sup> Ե-Յ, առանց կեղծաւարութեան

ի ձեր զարգանալ եւ խրախ լինել ի  
26 հաւատս . Զի պարծանք ձեր առաւել  
լիցին ի Քրիստոս Յիսուս ինեւ ի միւս-  
անգամ զալստեան իմում առ ձեզ . ՎԶ  
27 Միայն թէ արժանի <sup>1</sup>աւետարանին  
գնայցէք . զի եթէ՝ զայցեմ եւ տեսա-  
նիցեմ զձեզ, եւ եթէ՝ հեռի իցեմ եւ  
լսիցեմ զձէնջ զի հաստատուն կայցէք  
ի մի հոգի, եւ միով շնչով նահատա-  
28 կիցիք ի հաւատս աւետարանին . Եւ  
մի՛ զանգիտիցէք եւ մի՛ իւրիք ի հա-  
կառակորդաց անտի, որ է նոցա հան-  
դէս կորստեան, եւ ձերոյ փրկութեան  
29 Եւ այդ յԱստուծոյ է, որ ձեզ շնորհե-  
ցաւ վասն Քրիստոսի, ոչ միայն ի նա  
հաւատալ, այլ եւ վասն նորա չարչա-  
30 րել: Զնոյն պատերազմ ունել՝ զոր  
յիսն տեսէք եւ այժմ լսէք <sup>2</sup>յինէն:

ԳԼ . Բ

1 Արդ եթէ միսթարութիւն ինչ իցէ  
ի Քրիստոս, եթէ սփոփութիւն սիրոյ,  
եթէ հաղորդութիւն Հոգւոյ, եթէ  
2 զթութիւն եւ ողորմութիւն, Լցէք  
զինդութիւնս իմ, զնոյն խորհիջիք,  
զնոյն սէր յանձին ունիջիք, համա-  
3 շուենք, միախորհուրդք . Մի՛ ինչ ըստ  
գրգռութեան, եւ մի՛ ինչ ըստ սնա-  
պարծութեան, այլ խոնարհութեամբ  
զմիմեանս լաւ համարել առաւել քան  
4 զանձինս . Մի՛ զանձանց եւեթ զիտել,  
այլ՝ իւրաքանչիւր ոք զընկերին: Զայն  
խորհեսցի իւրաքանչիւր ոք ի ձէնջ որ  
6 եւ ի Քրիստոս Յիսուս . Որ ի կերպա-  
րանս Աստուծոյ էր, ոչինչ յափշտակու-  
թիւն համարեցաւ զյինեւն հաւասար  
7 Աստուծոյ . Այլ զանձն ունայնացոյց՝  
զկերպարանս ծառայի առեալ, ի նմա-  
նութիւն մարդկան եղեալ, եւ կերպա-  
8 րանօք գտեալ իբրեւ զմարդ, ինչոք  
հեցոյց զանձն, լիեալ հնազանդ մահու-  
9 չափ եւ մահու խաչի: Վասն որոյ եւ  
Աստուած զնա առաւել բարձրացոյց,  
եւ շնորհեաց նմա անուն որ ի վեր է  
10 քան զամենայն անուն . Զի յանուն  
Յիսուսի <sup>3</sup>Քրիստոսի ամենայն ծուներ  
կրկնեսցի, երկնաւորաց եւ երկրաւո-  
11 րաց եւ սանդարամետականաց, Եւ

ամենայն լեզու խոստովան լիցի թէ  
Տէր է Յիսուս Քրիստոս ի փառս Աս-  
տուծոյ Հօր .  
12 ԺԶ. Այսուհետեւ, սիրելիք իմ, որ-  
պէս յամենայնի հնազանդեցարուք,  
մի՛ միայն ի զալստեան իմում, այլ ա-  
ռաւել եւս այժմ յորժամ հեռիս եմ ի  
ձէնջ, ահիւ եւ զողութեամբ զանձանց  
13 փրկութիւն գործեցէք: Զի Աստուած  
է որ յաջողէ ի ձեզ զկամեն եւ զառ-  
14 նելն վասն հաճութեան: Զամենայն  
ինչ գործեցէք առանց տրտնջելոյ եւ  
15 քրթմնջելոյ . Զի եղիջիք ամբիօք եւ  
անարատք, որդիք Աստուծոյ, անմեղք  
ի մէջ կամակոր եւ խեղաթեււր ազգին,  
յորոց միջի երեւիցիք իբրեւ լուսա-  
16ւորք յայխարհի, Զբանն կենաց ունել  
յանձինս ի պարծանս ինձ յաւուրն  
Քրիստոսի, զի ոչ ընդունայն ինչ ըն-  
թացայ եւ ոչ ընդունայն վաստակեցի:  
17 Այլ թէպէտ եւ նուիրիմ ի վերայ պա-  
տարագի եւ պաշտաման հաւատոցն ձե-  
րոց, խնդամ եւ ուրախակից եմ ամե-  
18 նեցուն ձեր: Նոյնպէս եւ դուք խնդա-  
ցէք եւ ուրախակից եղերուք ինձ:  
19 Բայց յուսամ ի Տէր Յիսուս զՏիմո-  
թէոս վաղվաղակի արձակել առ ձեզ,  
զի եւ ինձ սրտի դեւեր լինիցի, յորժամ  
20 գիտիցեմ ինչ զձէնջ: Զի ոչ զոք ունիմ  
համաշուենչ, եթէ ընտանեւոր հոգայցէ  
21 վասն ձեր: Զի ամենեքին հոգանց  
խնդրեն, եւ ոչ զՅիսուսի Քրիստոսի:  
22 Բայց զփորձ նորա գիտէք եւ դուք,  
զի իբրեւ որդի հօր ծառայեաց ընդ իս  
23 յաւետարանին: Արդ զսա ակն ունիմ  
արձակել՝ որպէս նոյնհետայն զանձնէ  
24 ստուգեցից: Այլ յուսացեալ եմ ի Տէր  
25 թէ եւ ես իսկ ընդ հուպ եկից: Բայց  
լաւ համարեցայ զԵպափրոդիտոս զեղ-  
բայր եւ զգործակից եւ զինուորակից  
իմ, զձեր առաքեալ եւ զպաշտօնեայ  
26 իմոց պիտոյից՝ առաքել առ ձեզ: Քանզի  
եւ ինքն իսկ յոյժ <sup>4</sup>անձկացեալ է տե-  
սանել զամենեւին զձեզ՝ եւ հոգայր,  
27 զի ձեր լուեալ էր թէ խօթացաւ: Եւ  
արդարեւ խօթացաւ մերձ ի մահ, այլ  
Աստուած ողորմեցաւ նմա . ոչ նմա  
միայն՝ այլ եւ ինձ, զի մի՛ տրտմու-  
թիւն ի վերայ տրտմութեան կրիցեմ:  
28 Արդ փութապէս յղեցի զնա, զի տեսեալ

<sup>1</sup>Բաւաւ, աւետարանին Քրիստոսի

<sup>2</sup>Ի Յիսուս, յիսուս, յիսուս՝ զօրոք

<sup>3</sup>Ի Բաւաւ զօրոք

<sup>4</sup>Բաւաւ, անձկացեալ է ամենեցուն ձեզ

զնա միւսանգամ ուրախ լինիցիք, եւ  
29 ես առանց արտառութեան եղէց: Ընկալ-  
ջիք զնա ի Տէր ամենայն խնդութեամբ,  
եւ զայնպիսին առ պատուականս ու-  
30 նիջիք. Զի վասն գործոյ Տեառն մին-  
չեւ ի մահ մերձեցաւ, գուն գործեալ  
ոգևովք չափ, զի լցցէ զձեր պակասու-  
թիւն իմոյ սպասաւորութեան: ՎՋ

## ԳԼ. Գ

1 Այսուհետեւ, եղբարք իմ, ուրախ  
լերուք ի Տէր. զնոյն գրել առ ձեզ ինձ  
ոչ դանդաղելի է, եւ ձեզ կարի զգու-  
2 չալի: Զդոյշ եղերուք ի շանց անտի,  
զգոյշ եղերուք ի չար մշակաց անտի,  
զգոյշ եղերուք ի կրճատութենէ անտի,  
3 Զի թլփատութիւնն մեք եմք, որ<sup>1</sup> Հոգ-  
ւովն Աստուծոյ՝ պաշտեմք, եւ պար-  
ծիմք ի Քրիստոս Յիսուս, եւ ոչ ի  
4 մարմին պանծացեալ եմք: Թէպէտ եւ  
ես իսկ զնոյն վստահութիւն ունիմ  
եւ ի մարմնի. եթէ<sup>2</sup> որ համարիցի այլ-  
ազգ վստահ՝ լինել ի մարմին, առաւել  
5 եւս ես. Թլփատութեամբ ութօրեայ,  
յաղպէ Խարայելի, ի ցեղէ Բենիամինի,  
Երւայելի յԵբրայեցւոյ, ըստ օրինացն  
6 փարիսեցի. Ըստ նախանձայոյզն լինե-  
լոյ՝ հալածէի զեկեղեցիին. ըստ արդա-  
րութեան օրինացն՝ լինալ անարատ:  
7 Այլ որ ինչ ինձ շահն էր՝ զայն վնաս  
8 համարիմ վասն Քրիստոսի: Այլ եւ  
համարիմ իսկ զամենայն վնաս վասն  
առաւել գիտութեանն Յիսուսի Քրիս-  
տոսի Տեառն մերոյ. վասն որոյ յամե-  
նայնէ զրկեցայ, եւ համարիմ կղկղանս,  
9 զի զՔրիստոս շահեցայց, եւ գտայց  
ի նմա. իբրեւ ոչ եթէ զիմ ինչ ար-  
դարութիւն որ յօրինաց անտի է՝ ու-  
նիցիմ, այլ՝ զհաւատոցն Քրիստոսի,  
որ յԱստուծոյ արդարութիւնն է՝ հա-  
10 լատովք. Ճանաչել զնա եւ զգորու-  
թիւն յարութեանն նորա եւ զհաղոր-  
դութիւն չարչարանաց նորա, կերպա-  
11 րանակից լինել մահու նորա. Թէ որ-  
պէս հասից ի մեռելոցն յարութիւն,  
12 իբր ոչ եթէ արդէն առեալ իցեմ, կամ  
արդէն կատարեալ իցեմ. զհետ մտեալ

եմ թէ հասից, <sup>3</sup>մանաւանդ թէ ըմբռ-  
նեալ իսկ իցեմ՝ ի Քրիստոս Յիսու-  
13 սէ: Եղբարք, ես ոչ համարիմ զանձն  
իմ թէ հասեալ իցեմ. բայց մի ինչ է՝  
զի զառ ի յետոյսն մոռացեալ է, եւ ի  
14 յառաջարէման նկրտեալ եմ. Ուշ եղեալ  
ընթանամ ի կէտ <sup>5</sup>կոչմանն Աստուծոյ  
15 ի Քրիստոս Յիսուս. Այսուհետեւ որ  
միանգամ կատարեալք էք՝ զայս խոր-  
հեցարուք, եւ եթէ այլազգ ինչ խոր-  
հիցիք, սակայն եւ զայն Աստուած  
16 ձեզ յայտնեցէ: Բայց յոր ժամանե-  
ցաքս, զսոյն խորհել եւ սմին կանոնի  
17 միաբան լինել, Նմանողք ինձ եղիջիք,  
եղբարք, եւ գիտասջիք զայնպիսին  
որ այնպէսն գնացեն, որպէս ունիքդ  
18 զմեզ <sup>6</sup>ձեզ օրինակ. Զի բազումք զնան,  
զորոց բազում անգամ ասէի ձեզ, բայց  
արդ եւ լալով իսկ ասեմ, զթշնամաց  
19 խաչին Քրիստոսի. Որոց աստարածն  
կորուստ է, որոց աստուած որովայն  
<sup>7</sup>իւրեանց է, եւ փառք՝ ամօթն իւր-  
եանց, որք զերկրաւորս եւեթ խորհին:  
20 Այլ մեր առաքինութիւն յերկինս է,  
ուստի եւ Փրկչին ակն ունիմք, Տեառն  
21 Յիսուսի Քրիստոսի. Որ նորողացէ  
զմարմին խոնարհութեան մերոյ՝ կեր-  
պարանակից լինել մարմնոյ փառաց իւ-  
րոց, ըստ զօրութեանն առ ի կարող  
լինելոյ հնազանդեցուցանել ընդ իւրեւ  
զամենայն:

## ԳԼ. Դ

1 Այսուհետեւ, եղբարք իմ սիրելիք եւ  
անձկալիք, ուրախութիւն իմ եւ պսակ,  
այսպէս հաստատուն կացէք ի Տէր,  
սիրելիք:  
2 ԶԵւոդիա աղաչեմ եւ զՍիւնտիք ա-  
3 զաչեմ, զնոյն խորհել ի Տէր: Այո, ա-  
ղաչեմ եւ զքեզ, մտերիմ իմ եւ լծա-  
կից, եւ դու օգնական լինիջիք նոցա  
որք յաւետարանին նահատակեցան ընդ  
իս կղեմաւ հանդերձ եւ այլովք գոր-  
ծակցօք իմովք, որոց անուանքն ի  
4 զպրութեան կենաց: Ուրախ լերուք  
ի Տէր յամենայն ժամ. դարձեալ ա-  
5 սեմ, Ուրախ լերուք. Հեզութիւն ձեր  
յայտնի լիցի ամենայն մարդկան. Տէր

<sup>1</sup>Ուստի, հոգևով զԱստուծոյ

<sup>2</sup>Բաւարի, այլ որ համարիցի վստահ

<sup>3</sup>Կիւմ, զարդարութիւն հաւատովքն Քրիստոսի  
որ յԱստուծոյ է

<sup>4</sup>Եւստի, որոյ վասն բարձեալ եմ

<sup>5</sup>Եւստի, վերին կոչմանն

<sup>6</sup>Ի Եւստի գովոյ

6 մերձ է : Մի՛ ինչ հոգայք , այլ <sup>1</sup>ամենայն աղօթիւք եւ խնդրուածովք , գոհութեամբ խնդրուածք ձեր յայտնի լիցին առ Աստուած : Եւ խաղաղութիւնն Աստուծոյ որ ի վեր է քան զամենայն միտս՝ պահեսցէ զսիրտս ձեր եւ զմիտս ի Բրիստոս Յիսուս :

8 Ապ. Այսուհետեւ , եղբարք , որ ինչ ճշմարտութեամբ է , որ ինչ պարկեշտութեամբ , որ ինչ արդարութեամբ , որ ինչ սրբութեամբ , որ ինչ սիրով , որ ինչ համբաւ բարեաց , որ ինչ քաջութեամբ , որ ինչ գովութեամբ՝ զայն խորհի՛ցիք : Զոր ուսարուքն եւ ընկալարուք եւ լուայք եւ տեսէք յիս՝ զայն արարէք . եւ Աստուած խաղաղութեան եղիցի ընդ ձեզ :

10 Ուրախ եղէ ես ի Տէր յոյժ , զի եւ դուք զմտաւ ածէք հոգալ ինչ վասն իմ , որպէս եւ հոգայիքն , բայց՝ բարբարէիք իմն : Իբր ոչ առ կարօտութեան ինչ ասեմ , զի ես ուսայ որովք կարեմ բաւական լինել . Գիտեմ՝ նուազել , գիտեմ առաւելուլ . յամենայնի յամենեւին խելամուռ եմ ե՛ւ յազել ե՛ւ քաղցենալ , ե՛ւ առաւելուլ ե՛ւ նուազել :

13 զել , Յամենայնի կարօղ եմ օայնու որ

14 զօրացոյցն զիս : Բայց բարեոք արարէք

զի կցորդ եղերուք ինձ ի նեղութեանս : Գիտէք եւ դուք , Փիլիպեցիք , զի ի սկզբան աւետարանին իբրեւ ելի ես ի Մակեդոնիայ , եւ ոչ մի եկեղեցի հաղորդեաց ինձ յաղագս տալոյ եւ առնոյ , բայց միայն դուք . Զի եւ ի Թեսաղոնիկ միանգամ եւ երկիցս զպէտս իմ ետուք բերել : Իբր ոչ եթէ խնդրեմ զտուրսն , այլ խնդրեմ զպտուղն որ յաճախէ ի բան ձեր : Այլ իմ առեալ զամենայն եւ առաւելեալ եմ . ընկալայ , եւ լի եմ ի ձեռն Շպափրողիտեայ , որ է ի ձէնջ հոտ անուշից , պատարագ ընդունելի՝ հաճոյ Աստուծոյ . եւ Աստուած իմ լի արասցէ զամենայն պէտս ձեր ըստ իւրում մեծութեանն փառօք :

20 ի Բրիստոս Յիսուս : Այլ Աստուծոյ եւ Հօր մերում փառք յաւիտեանս յաւիտենից : Ամէն :

21 Ողջոյն տաջիք ամենայն սրբոց ի Բրիստոս Յիսուս : Ողջոյն տան ձեզ որ ընդ իս են եղբարք : Ողջոյն տան ձեզ ամենայն սուրբք , մանաւանդ որ ի տանէ Կայսեր են : Շնորհք Տեառն Յիսուսի Բրիստոսի՝ զնդ ոգւոյդ ձերում : Ամէն :

Առ Փիլիպեցիս գրեցաւ ի Հովնէ ի յԵռն  
Սոփրոդիտայ :

<sup>1</sup>Յռն , յամենայնի  
<sup>2</sup>ՅԵռն , Բրիստոսի

<sup>3</sup>Այսինքն , չէր մտք

<sup>4</sup>Որով , ընդ ձեզ ընդ ամենեւին

# ԱՌ ԿՈՂՈՍԱՑԻՍ

## ԹՈՒՂԹ

### ԳԼՈՒԽ Ա

1 ԱՐ. ՊԱՒՂՈՍ, առաքել Յիսուսի Բրիստոսի կամօքն Աստուծոյ, եւ Տի-  
2 մութէոս եղբայր, Առ Կողոսացիս սուրբս  
եւ հաւատացեալս եղբարս ի Բրիս-  
տոս. շնորհք ընդ ձեզ եւ խաղաղու-  
թիւն յԱստուծոյ Հօրէ մերմէ՝<sup>1</sup> եւ ի  
Տեառնէ Յիսուսէ Բրիստոսէ՝։  
3 Գոհանամք զԱստուծոյ եւ զՀօրէ  
Տեառն մերոյ Յիսուսի Բրիստոսի, յա-  
մենայն ժամ վասն ձեր աղօթս<sup>2</sup> առնել,  
4 Իբրեւ լուաք՝ զհաւատան ձեր որ ի  
Բրիստոս Յիսուս<sup>3</sup> ի Տէր մեր՝, եւ  
զսէրն զոր ընդ ամենայն սուրբս ունիք։  
5 Վասն յուսոյն որ պահի ձեզ յերկինս,  
6 ճշմարտութեան աւետարանին, Որ ե-  
հաս առ ձեզ, որպէս ընդ ամենայն  
աշխարհ աճէ եւ պողաբերէ, որպէս  
եւ ի ձերում միջի, յօրէ յորմէ լուա-  
րուք եւ ծանեայք զշնորհն Աստուծոյ  
7 ճշմարտութեամբ. Որպէս եւ ուսա-  
րուք յԵպափրեայ սիրելոյ ծառայակցէ  
մերմէ, որ է հաւատարիմ վասն ձեր  
8 պաշտօնեայ<sup>4</sup> Յիսուսի. Որ եւ պատ-  
մեաց մեզ զձեր սէրն Հոգւով։  
9 Վասն այնորիկ եւ մեք, յօրէ յորմէ  
լուաք, ոչ դադարեմք վասն ձեր ա-  
ղօթս առնել եւ խնդրուածս մատու-  
ցանել, զի ընդունք<sup>5</sup> զգիտութիւն կա-  
մաց նորա ամենայն իմաստութեամբ  
10 եւ հոգեւոր հանճարով. Գնայ ձեզ ար-  
ժանի Տեառն յամենայն հաճութեան,  
յամենայն գործս բարութեան պողա-  
բերք եւ աճեցունք գիտութեամբն Աս-

11 տուծոյ. Ամենայն զօրութեամբ զօր-  
ցեալք ըստ զօրութեան փառաց նո-  
րա յամենայն համբերութիւն եւ եր-  
կայնմտութիւն ուրախութեամբ։  
12 ԱԳ. Գոհանայ<sup>6</sup> զՀօրէ որ Կոչեացն  
՝ զմեզ ի մասն վիճակի սրտցն ի լոյս։  
13 Որ փրկեացն զմեզ ի յիշմանութենէ խա-  
ւարի, եւ փոխեաց<sup>7</sup> զմեզ յարքայու-  
14 թիւն Որդւոյն իւրոյ սիրելոյ. Որով  
ունիմք զփրկութիւն արեամբն նորա,  
՝ եւ զթողութիւն մեղաց՝<sup>8</sup> մարմնափ  
15 նորա.՝ Որ է պատկեր աներեւութին  
Աստուծոյ, անդրանիկ ամենայն արա-  
16 րածոց. Ձի նովաւ հաստատեցաւ ա-  
մենայն որ ինչ յերկինս եւ որ ինչ  
յերկրի, որ երեւին եւ որ ոչն երեւին,  
եթէ՝ աթոռք, եթէ՝ տէրութիւնք, եթէ՝  
պետութիւնք, եթէ՝ իշխանութիւնք.  
ամենայն ինչ նովաւ եւ ի նոյն հոս-  
17 տատեցաւ. եւ նա է յառաջ քան զա-  
մենայն, եւ ամենայն ինչ նովաւ եկաց  
18 ըովանդակ. եւ նա է զլուի մարմնոյ,  
եկեղեցւոյ. որ է սկիզբն, անդրանիկ  
ի մեռելոց, զի եղիցի ինքն յամենայնի  
19 յառաջացեալ. Ձի ի նմա հաճեցաւ ա-  
մենայն լրումն<sup>9</sup> Աստուածութեանն  
20 ընակել. եւ նովաւ հաշտեցուցանել  
զամենայն ի նոյն, արար խաղաղու-  
թիւն արեամբ խաչին իւրոյ,<sup>9</sup> որ ինչ  
յերկրի եւ որ ինչ յերկինս։  
21 եւ զձեզ որ երբեմն օտարացեալքն  
էիք եւ թշնամիք խորհրդովք ի գործն  
22 չարութեան, Այժմ աւաղիկ հաշտե-  
ցոյց անդամովք մարմնոյ իւրոյ ի ձեռն  
մահուան<sup>1</sup> իւրոյ, յանդիման կացու-  
ցանել զձեզ սուրբս եւ ամբիծս եւ

<sup>1</sup> Յիսուս, Կոլոսե

<sup>2</sup> Յիսուս, արարեալ, (4) Լուեալ

<sup>3</sup> Յիսուս, Կոլոսե

<sup>4</sup> Յիսուս, Բրիստոս

<sup>5</sup> Կոլ, գիտութեամբ

<sup>6</sup> Որդւոյ, զԱստուծոյ Հօրէ

<sup>7</sup> Բաւարի, բաւական արար

<sup>8</sup> Որդւոյ, զձեզ

<sup>9</sup> Յիսուս, նովաւ, որ

23 անարատս առաջի նորա . եթէ կայցէք  
ի հաւատան արմատացեալք եւ հաս-  
տատեալք , եւ անշարժք ի յուսոյ ա-  
ւետարանին զոր լուարուք , քարոզե-  
լոյ ընդ ամենայն արարածս ի ներքոյ  
երկնից , որոյ եղէ ես Պաւղոս պաշ-  
տօնեայ :

24 ԱՌ . Եւ արդ ուրախ եմ ի չարչա-  
րանս իմ վասն ձեր , եւ ընում զպակա-  
տութիւն նեղութեանցն Քրիստոսի ի  
մարմնի իմում վասն մարմնոյ նորա ,

25 որ է եկեղեցի . Որոյ եղէ ես Պաւղոս  
պաշտօնեայ ըստ տնտեսութեանն Աս-  
տուծոյ , որ տուեալ է ինձ ի ձեզ կա-

26 տարել զքանն Աստուծոյ , Ձխորհուրդն  
որ ծածկեալ էր ի յաւիտեանցն եւ յազ-  
գաց , որ այժմ յայտնեցաւ սրբոց իւ-

27 րոց . Որոց կամեցաւ Աստուած ցու-  
ցանել թէ զինչ է մեծութիւն փառաց  
խորհրդոյն նորա ի հեթանոսս , որ է

28 Քրիստոս ի ձեզ , յոյսն փառաց . Ձոր  
մեքն քարոզեմք , եւ խրատեմք զամե-  
նայն մարդ , եւ ուսուցանեմք զամե-  
նայն մարդ ամենայն ՚հոգեւոր իմաս-  
տութեամբ , զի կացուսցուք զամենայն  
մարդ կատարեալ ի Քրիստոս Յիսուս .

29 Յոր եւ աշխատիմ պատերազմեալ ըստ  
յաջողութեան նորա որ յաջողեալ է  
յիս զօրութեամբ :

ԳԼ Բ

1 Կամիմ զի գիտիցէք դուք որպիսի՝  
ճշնութիւն ունիմ յանձին վասն ձեր եւ  
վասն լաւողիկեցւոցն , եւ որոց չիցէ  
2 տեսեալ զերեսս իմ մարմնով . Ձի միւի-  
թարեւոցին սիրտք նոցա տեղեկացեալք  
սիրով , եւ յամենայն մեծութիւն յու-  
թեան իմաստութեան՝ ի գիտութիւն  
խորհրդոյն Պաւղոսոյ ի Քրիստոս Յի-  
3 սուս . Յորում ամենայն զանձր իմաս-  
տութեան եւ գիտութեան ծածկեալ  
4 կան . Այլ զայս աւսով , զի մի՛ ոք զձեզ  
5 զառանցուցէ պատիր բանիւք . Ձի  
թէպէտ եւ մարմնով հեռի եմ , այլ հոգ-  
ւով ընդ ձեզ եմ . խնդամ , իբրեւ տե-  
տանեմ զկարգն ձեր եւ զհաստատու-  
թիւն հաւատոցն ձերոց որ ի Քրիստոս  
6 Յիսուս . Արդ որպէս ընկալարուք

զՔրիստոս Յիսուս զՏէր , նովին զնա-  
7 ջիք . Արմատացեալք եւ չինեալք ի նա  
եւ հաստատեալք ի հաւատս որպէս  
ուսարուքն , առաւելեալք ի նմին գո-  
հութեամբ :

ՎՋ

8 Ձգոյշ լերուք մի՛ ոք իցէ որ զձեզ  
կողոպտիցէ ճարտարմտութեամբ եւ  
մնոտի խաբէութեամբ , որք ըստ մարդ-  
կան աւանդութեան եւ ըստ տարից  
աշխարհիս , եւ ոչ ըստ Պիսուսի Քրիս-  
9 տոսի . Ձի ի նմա բնակէ ամենայն  
լրումն Աստուածութեանն մարմնա-  
10 պէս . Եւ էք դուք նովաւ լցեալք , որ  
է զլուխ ամենայն իշխանութեան եւ  
11 պետութեան . Որով թլփատեցարուք  
՚հաւատովք զանձեռագործ թլփատու-  
թիւնն ի մերկանալ զանդամս մարմ-  
նոյ թլփատութեամբն Քրիստոսի .

12 Թաղեալք ընդ նմին ի մկրտութեանն ,  
որով եւ ընդ նմին յարեայք հաւա-  
տովք Աստուծոյ ազդեցութեանն , որ

13 յարոյց զնա ի մեռելոց . Եւ զձեզ որ  
երբեմն մեռեայն էիք ի մեղս եւ յան-  
թլփատութեան մարմնոյ ձերոյ՝ կեն-  
դանացոյց յանձին իւրում . Նորհեաց

14 մեզ զամենայն յանցանս մեր , Եւ ջընջ-  
եաց զձեռագիր մերոյ հակառակու-  
թեանն հրամանօքն Պիւրովք որ կայր  
մեզ հակառակ , եբարձ զայն ի միջոյ  
եւ բեւեռեաց ընդ խաչափայտին .

15 Մերկեաց զիշխանութիւնս եւ զպե-  
տութիւնս , յայտ յանդիման խայտա-  
ռակեաց նշաւակեալ զնոսա յանձին  
իւրում Պիւրութեանն իւրում :

16 Մի՛ ոք այսուհետեւ զձեզ զատեսցի  
ուտելով կամ ըմպելով կամ մասամբք  
տօնից , կամ ամսամտիւք , կամ չա-  
17 բաթեւք . Որ են ստուերք հանդերձե-  
18 լոցն , այլ մարմինն Պիւրիստոս է . Մի՛  
ոք զձեզ խաբեսցէ , որ կամիցի խո-  
նարհութեամբ եւ կրօնիւք հրեշտա-  
կաց , զոր չիցէ տեսեալ , զրահեալ վա-  
րել՝ տարապարտ հպարտացեալ ի մտաց  
19 մարմնոյ իւրոյ . Եւ ոչ ունիցի զԴուխն  
Պիւրիստոս , ուստի ամենայն մարմինն  
յօղիւք եւ խաղալիօք տարաբերեալ  
եւ խառնեալ՝ աճէ զաճումն Աստու-  
20 ծոյ . Եթէ մտարուք ընդ Քրիստոսի  
ի տարերց աշխարհիս , զի՛ եւս իբրեւ

1 ի Բ-ըստ Կ-ի-ո-ի 2 ի Բ-ն-ն Գ-ի-ո-ի  
3 Ու-ն-ն , Աստուծոյ Հօր եւ Քրիստոսի

4 Ու-ն-ն , մարմնոյ մեղաց  
5 Բ-ն-ն , Քրիստոսի



զկենդանիս աստէն յայնարհի կրօնա-  
21 ւորիք. Մի՛ մերձենար, մի՛ ճաշա-  
22 կեր, մի՛ հուպ լինիր. Որ է ամենայն  
ինչ ի պէտս ապականութեան, ըստ  
պատուիրանաց եւ վարդապետութեան  
23 մարդկան, Որ յիմաստութիւն իմն հա-  
մարէ ինքնակամ կրօնիւք եւ խոնար-  
հութեամբ եւ անխայութեամբ մարմ-  
նոյ, եւ ոչ ի պատիւ ինչ լրութեան  
մարմնոյ :

## ԳԼ Գ

1 Եթէ յարերուք ընդ Քրիստոսի, ապա  
զվերինն խնդրեցէք, ուր Քրիստոսն  
2 նստի ընդ աջմէ Աստուծոյ : Զվերինն  
խորհեցարուք, մի՛ զայս որ յերկրի  
3 աստ է : Քանզի մեռարուք, եւ կեանքն  
ձեր ծածկեալ են ընդ Քրիստոսի յԱս-  
4 տուած : Իսկ յորժամ Քրիստոս յայտ-  
նեսցի, կեանքն ձեր, յայնժամ եւ դուք  
ընդ նմա յայտնեսցիք փառօք :  
5 Ապանէք այսուհետեւ զանդամս ձեր  
զերկրաւորս : <sup>1</sup> Ի բաց ընկեցէք՝ զպոռ-  
նկութիւն, զպղծութիւն, զբիծ, զցան-  
կութիւն չարեաց, եւ զազահութիւն :  
6 որ է կոպաշտութիւն : Վասն <sup>2</sup> որոյ  
գայ բարկութիւն Աստուծոյ ի վերայ  
7 որդւոցն անհաւանութեան : Որովք  
եւ դուք իրրիմն գնայիք, մինչ կեն-  
8 թօթափեցէք եւ դուք զայն ամենայն :  
զբարկութիւն, զսրտմտութիւն, զչա-  
րութիւն, զհայնոյութիւն, զխեղկա-  
9 տակութիւն ի բերանոց ձերոց : Մի՛  
ստէք միմեանց : մերկացարուք զհին  
10 մարդն գործովքն իւրովք : Եւ զգեցա-  
րուք զնորն՝ նորոգեալ ի գիտութիւն  
11 ըստ պատկերի Արարչին իւրոյ : Ուր  
ոչ է չրեայ եւ ոչ հեթանոս, թլփա-  
տութիւն եւ անթլփատութիւն, խուժ  
դուժ, Սկիւթացի, ծառայ, ազատ :  
այլ ամենայն եւ յամենայնի Քրիստոս :  
12 Զգեցարուք այսուհետեւ իբրեւ ընտ-  
րեալք Աստուծոյ, սուրբք եւ սի-  
րեցեալք, զզուժ, զողորմութիւն,  
զքաղցրութիւն, զխոնարհութիւն,  
13 զհնգութիւն, զերկայնմտութիւն : Նե-  
րել միմեանց, շնորհել իրեարց, եթէ  
ուրուք զումեքէ տրտունջ ինչ իցէ :

որպէս <sup>3</sup> Աստուած Քրիստոսիւ՝ շնորհ-  
14 եաց ձեզ, նոյնպէս եւ դուք : Եւ ի  
վերայ այսր ամենայնի զսէրն՝ որ է  
15 զօր կատարմանն : Եւ խաղաղութիւնն  
<sup>4</sup> Քրիստոսի հաստատեսցի ի սիրտս ձեր,  
յոր եւ կոչեցարուքն միով մարմնով :  
եւ գոհացողք լինիջիք :

16 ԱՅ. <sup>1</sup> Զի բանն Քրիստոսի բնակեսցէ  
ի ձեզ առատապէս, ամենայն իմաս-  
տութեամբ ուսուցանել եւ խրատել  
զմիմեանս, սաղմոսիւք եւ օրհնու-  
թեամբք եւ երգովք հոգեւորօք՝ եւ  
շնորհօք օրհնել ի սիրտս ձեր զԱս-  
17 տուած : Եւ զամենայն զոր եւ առնի-  
ցէք բանիւք եւ արդեամբք, զամենայն  
յանուն Տեառն Յիսուսի արասցիք : գո-  
հացողք լինիջիք զԱստուծոյ եւ զՀօրէ  
նովաւ :

18 Կանայք, հնազանդ լերուք արանց  
19 ձերոց, որպէս եւ վայել է ի Տէր : Արք,  
սիրեցէք զկանայս ձեր, եւ <sup>2</sup> մի՛ դառ-  
20 նացուցանէք զնոսա՝ : Որդիք, հնա-  
զանդ լերուք ծնողաց ձերոց յամե-  
նայնի, զի այն է հաճոյ առաջի Տեառն :  
21 Հարք, մի՛ զայրացուցանէք զորդիս  
22 ձեր, զի մի՛ տրտմեսցին : Մատալք,  
հնազանդ լերուք տերանց ձերոց յա-  
մենայնի, մի՛ առ ականէ ծառայու-  
թեամբ իբրեւ մարդահաճոյք, այլ միա-  
մտութեամբ սրտի երկնչել ի Տեառնէ :  
23 Զոր ինչ առնիցէք՝ սրտի մտօք զոր-  
ծեսցիք, իբրեւ Տեառն եւ ոչ իբրեւ  
24 մարդկան : Գիտասցիք զի ի Տեառնէ  
առնուցուք զհատուցումն ժառանգու-  
թեան <sup>6</sup> ձերոյ : Քանզի Տեառն Քրիս-  
25 տոսի ծառայէք : Իսկ ապիրատն ըն-  
կալցի ըստ իւրում ապիրատութեանն,  
զի չիք ակնառութիւն <sup>6</sup> առաջի Աս-  
տուծոյ :

## ԳԼ Դ

1 Տեարք, զիրաւունս եւ զհաւատարու-  
թիւն ծառայից ձերոց շնորհեցէք, գի-  
տասցիք զի եւ ձեր Տէր գոյ յերկինս :  
2 Աղօթից ստէպ կացէք, տքնել ի նմին  
3 գոհութեամբ : Աղօթս արարէք միան-  
գամայն եւ վասն մեր, զի Աստուած

<sup>1</sup> Ի Եւ. օրհնուց օրհն. Տէր, այլ՝ Քրիստոս

<sup>2</sup> Որհն, Աստուծոյ

<sup>3</sup> Եւ. յի՛ գառնասցիք առ Տեառ

<sup>6</sup> Ի Եւ. օրհն. գառն

բացցէ մեզ դուռն բանին՝ խօսել զխոր-  
հուրդն Քրիստոսի, վասն որոյ եւ կապ-  
4 եալս կամ, Զի յայտնի արարից զնա,  
որպէս արժան իցէ ինձ խօսել:  
5 Ա. Իմաստութեամբ զնասջիք առ  
արտաքինսն՝ զնոց առեալ զժամանակս:  
6 Եւ բանն ձեր յամենայն ժամ լի չնոր-  
հօք՝<sup>1</sup>Տեառն՝ իբրեւ՝ աղիւ համեմեալ  
լիցի, զիտել որպէս արժան իցէ ձեզ  
իւրաքանչիւր ումեք տալ պատաս-  
խանի:  
7 Այլ որ ինչ զինէն իցէ՝ ցուցցէ ձեզ  
զամենայն Տիւքիկոս սիրելի եղբայր  
եւ հաւատարիմ պաշտօնեայ եւ ծա-  
8 ռայակից ի Տէր. Զոր առաքեցի առ  
ձեզ դմին իրի, զի գիտասջիք վասն  
մեր, եւ մխիթարեսցէ զսիրտս ձեր,  
9 մենսխմաւ հանդերձ եղբարբ հաւա-  
տարմաւ եւ սիրելեաւ որ է ի ձէնջ.  
զամենայն ինչ ցուցցեն ձեզ որ ինչ  
10 աստ է: Ողջոյն տայ ձեզ Արիստարքոս  
գերեկից իմ, եւ Մարկոս եղբորորդի  
Բառնաբայ. (վասն որոյ առէք պատ-  
ուէր եթէ եկեսցէ առ ձեզ, ընկալիք  
11 զնա.) Եւ Յիսուս որ անուանեալն է  
Յուստոս, որք են ի թլիատութենէ  
անտի. զի դոքա միայն գործակից ե-

ղեն ինձ յարքայութեանն Աստուծոյ,  
որք եւ եղեն իսկ ինձ մխիթարութիւն:  
12 Ողջոյն տայ ձեզ Եպափրաս որ ի ձէնջ  
ծառայ Քրիստոսի Յիսուսի է. յամե-  
նայն ժամ պատերազմեալ վասն ձեր  
յաղօթս, զի կայցէք կատարեալք եւ  
լցեալք յամենայն կամս Աստուծոյ:  
13 Վկայիմ նմա, զի բազում աշխատու-  
թիւն ունի վասն ձեր եւ վասն Լաւո-  
ղիկեցւոցն, եւ վասն այնոցիկ որ յե-  
14 րապոլիսն են: Ողջոյն տայ ձեզ Ղու-  
կաս բժիշկ <sup>1</sup>եւ սիրելի, եւ Դեմաս:  
15 Ողջոյն տալիք եղբարբ որ են ի Լա-  
ւողիկիա, եւ Նիմփայ եւ որ առանին  
16 եկեղեցին է նորա: Եւ յորժամ ըն-  
թեռնուցու առ ձեզ Թուղթդ, արաս-  
ջիք զի եւ ի Լաւողիկեցւոց եկեղեցւոցն  
ընթերցցի. եւ զառ ի Լաւողիկեցւոցն՝  
17 զի եւ դուք ընթեռնուցուք: Եւ ասաս-  
ջիք ցԱրքիպպոս, Զգոյշ լեր սպասա-  
ւորութեանդ զոր ընկալար ի Տէր, զի  
18 զայդ կատարեսցես: Ողջոյնդ՝ ձեռին  
իմոյ Պաւղոսի է. յուչ լիցին ձեզ կա-  
պանքս իմ: Շնորհք ընդ ձեզ:<sup>2</sup>

Առ Կղաւթայէն գրեցաւ ի Հռովմէ ի յեռն  
Տէմաթիւսի եւ Ուեթիայ:

<sup>1</sup> Ի Յռովմէ գրեալ

<sup>2</sup> Ողջոյն է Յռովմէ եւ ի Հռովմէ գրեալ,  
Առ Յռովմէ:

# ԱՌ ԹԵՍԱՂՈՆԻԿԵՑԻՍ ԱՌԱՋԻՆ

## ԹՈՒՂԹ

### ԳԼՈՒԽ Ա

1 ԲԿ. ՊԱՒՂՈՍ ԵՆ ՍԻՂՈՒԱՆՈՍ ԵՆ ՏԻ-  
մոթէոս, եկեղեցւոյդ Թեսաղոնիկե-  
ցւոց յԱստուած Հայր մեր եւ ի Տէր  
2 Յիսուս Բրիստոս. Շնորհք ընդ ձեզ  
եւ խաղաղութիւն՝  
Գոհանամք զԱստուծոյ յամենայն  
ժամ վասն ձեր ամենեցուն յիշատակ  
3 առնել յաղօթս մեր, Անդադար յիշել  
զձեր գործն հաւատոց եւ զվաստակ  
սիրոյ եւ զհամբերութիւն յուսոյ Տեառն  
մերոյ Յիսուսի Բրիստոսի առաջի Աս-  
4 տուծոյ եւ Հօր մերոյ. Գիտէք, եղ-  
բարք սիրեցեալք յԱստուծոյ, զընտ-  
5 րութիւնն ձեր. Զի աւետարանն մեր  
ոչ եղեւ առ ձեզ միայն բանիւ, այլ եւ  
զօրութեամբ եւ Հոգւով Սրբով եւ  
լրութեամբ բաղմաւ, որպէս եւ գիտէք  
իսկ թէ որպիսիք եղեալք ի միջի ձե-  
6 բրում վասն ձեր. Եւ դուք նմանեալք  
մեզ եւ Տեառն ընկալայք դրանն ի բա-  
զում նեղութեան խնդութեամբ Հոգ-  
7ւոյն Սրբոյ. Լինել ձեզ օրինակ ամե-  
նայն հաւատացելոց որ են ի Մակեդո-  
8 նիա եւ յԱքայիա. Զի ի ձէնջ հնչեաց  
բանն ՝ Աստուծոյ, ոչ միայն ի Մակե-  
դոնիա եւ յԱքայիա, այլ յամենայն  
տեղիս հաւատքն ձեր որ առ Աստուած  
են՝ սիրեցան, զի այսուհետեւ ոչինչ  
9 է պիտոյ մեզ եւ խօսել ինչ. Զի նո-  
քին իսկ պատմեն վասն մեր, թէ որ-  
պէս եղև. մեզ մուտ առ ձեզ, եւ որ-  
պէս դարձայք առ Աստուած ի կոոց  
անտի՝ ծառայել Աստուծոյ կենդանւոյ  
10 եւ ճշմարտի, Եւ ակն ունել Որդւոյ  
նորա յերկնից, զոր յարոյցն ի մեռե-

լոց, զԹիսուս, որ Յփրկելոցն է՝ զմեզ  
ի բարկութենէ անտի որ գալոցն է.

### ԳԼ. Բ

1 ԲԿ. Դուք ինքնին գիտէք, եղբարք,  
զմուտն մեր առ ձեզ, զի ոչ ընդու-  
2 նայն ինչ եղեւ. Այլ յառաջագոյն չար-  
չարեալք եւ թշնամանեալք որպէս եւ  
դուք իսկ գիտէք, ի մէջ Փիլիպեցւոց,  
համարձակեցաք Աստուծով մերով՝  
պատմել ձեզ զաւետարանն Աստուծոյ  
3 մեծաւ պատերազմաւ. Զի միսիթա-  
րութիւնն մեր ոչ ի մոլորութենէ է եւ  
ոչ ի պղծութենէ եւ ոչ նենգութեամբ.  
4 Այլ որպէս ընտրեցաք յԱստուծոյ հա-  
ւատարիմ լինել աւետարանին, նոյն-  
պէս եւ խօսիմք, ոչ իբրեւ մարդկան  
հաճոյ լինել, այլ Աստուծոյ որ քննէ  
5 զսիրտս մեր. Զի ոչ երբեք բանիւք  
ողորանաց եղեալք առ ձեզ, որպէս եւ  
դուք իսկ գիտէք, եւ ոչ ի պատճառս  
ագահութեան, որպէս եւ Աստուած  
6 վկայէ. Եւ ոչ խնդրէաք փառս ի մարդ-  
7 կանէ, ոչ ի ձէնջ եւ ոչ յայլոց. Կա-  
րող էաք որպէս Բրիստոսի առաք-  
եալս ծանրանալ, այլ եղեալք հեզք ի  
միջի ձերում, որպէս դայեակ մի որ  
8 սնուցանիցէ մանկունս. Նոյնպէս եւ  
մեք զթայաք ի ձեզ, հաճոյ թուէր մեզ  
տալ ձեզ ոչ միայն զաւետարանն Աս-  
տուծոյ, այլ եւ զանձինս մեր, քանզի  
9 սիրելիք մեր եղերուք. Յիշէք, եղ-  
բարք, զվաստակն մեր եւ զջան, զի  
զցայգ եւ զցերեկ գործէաք վասն չժան-  
րանալոյ ումեք ի ձէնջ, եւ քարոզէաք  
10 ձեզ զաւետարանն Աստուծոյ. Դուք

1 Ունի յաւելն, յԱստուծոյ Հօրէ մերմէ եւ  
ի Տեառնէ Բիսուսէ Բրիստոսէ  
2 Ունի, Տեառն

3 Յիշէք, Գոհան  
4 Կարող, յարգորութե  
5 Յիշէք, զմանկունս իւր

ինքնին վկայէք, եւ Աստուած, որպէս սրբութեամբ եւ արդարութեամբ եւ անբժուլեամբ ձեզ հաւատացելոցդ եղ-  
 11 եաք. Որպէս եւ գիտէք իսկ, զի զիւ-  
 12 րաքանչիւր ոք ի ձէնջ, իբրեւ հայր  
 13 զորդիս, Մխիթարէաք եւ սփոփէաք  
 եւ զնէաք վկայութիւն զնալ ձեզ ար-  
 14 ժանապէս Աստուծոյ, որ կոչեացն զձեզ  
 15 յիւր արքայութիւնն եւ ի փառս. Վասն  
 այնորիկ եւ մեք գոհանամք զԱստու-  
 16 ծոյ անպակաս, զի առեալ զլուր բա-  
 նին Աստուծոյ առ ի մէնջ՝ ընկալա-  
 17 րուք, ոչ իբրեւ զբան մարդկան, այլ  
 որպէս ճշմարտիւ զբան Աստուծոյ,  
 որ եւ յաջողեալ իսկ է ի ձեզ հաւա-  
 18 տացեալսդ. Զի դուք նմանողք եղե-  
 րոյ, եղբարք, եկեղեցեացն Աստու-  
 19 ծոյ որ են ի Հրէաստանի ի Քրիստոս  
 Յիսուս. զի զնոյն չարչարանս չար-  
 20 չարեցայք եւ դուք ի ձերոց ազգակա-  
 21 նաց, որպէս եւ նոքայն ի Հրէից. Որք  
 եւ զՏէրն Յիսուս սպանին եւ զմար-  
 22 զարէան, եւ զմեզ հալածեցին, եւ  
 Աստուծոյ յաչաց ելին, եւ ամենայն  
 23 մարդկան հակառակ եղեն. Եւ ար-  
 24 զելուին զմեզ խօսել հեթանոսաց զի  
 ապրեցսին, զի կատարեցսին զմեզ  
 25 իւրեանց յամենայն ժամ. քանզի հաս-  
 եալ է ի վերայ նոցա բարկութիւն մին-  
 26 չեւ ի սպառ:

ԲԶ. Այլ մեք, եղբարք, թէպէտ եւ  
 որք մնացաք ի ձէնջ առ ժամանակ մի  
 երեսօք եւ ոչ սրտիւք, առաւել եւս  
 27 փութացաք տեսանել զերեսս ձեր մե-  
 28 ծաւ ցանկութեամբ. Վասն այսորիկ  
 կամեցայ զալ առ ձեզ ես Պաւղոս մի  
 29 անգամ եւ երկիցս, եւ խափանեաց  
 30 զմեզ Սատանայ. Քանզի ո՞վ է մեր յոյս  
 կամ խնդութիւն կամ պսակ պարծա-  
 31 նաց մերոց, եթէ ոչ դուք զի Տէր ա-  
 32 ռաջի Տեառն մերոյ Յիսուսի Քրիս-  
 33 տոսի ի նորա զալստեանն. Զի դուք  
 էք փառք մեր եւ խնդութիւն:

ԳԼ. Գ

1 Վասն որոյ ոչ եւս ունիմք ժոյժ, զի  
 բարւոք թուեցաւ մեզ միայն մնալ  
 2 յԱթէնս. Եւ առաքեցաք զՏիմոթէոս  
 զեղբայր ձեր եւ զգործակից աւետա-

<sup>1</sup> Ունիմք, զմարդաբէս իւրեանց

<sup>2</sup> Ի Յուսի գլխիւ

<sup>3</sup> Յուսի գլխիւ

րանին Աստուծոյ եւ Հօրն Քրիստոսի՝,  
 հաստատել զձեզ եւ մխիթարել վասն  
 հաւատոցն ձերոց:

ՎԶ

3 Զի մի՛ տաղտկայցէք ի նեղութիւնսս  
 յայսոսիկ. քանզի դուք ինքնին իսկ  
 4 գիտէք զի ի սոյն կամք. Քանզի մինչ  
 առ ձեզն իսկ էաք, յառաջագոյն ա-  
 սէաք ձեզ թէ նեղութիւնք հասանելոց  
 են ի վերայ մեր, որպէս եւ եղեւ իսկ,  
 5 եւ գիտացէք. Վասն այնորիկ եւ ես,  
 զի ոչ եւս ունէի ժոյժ, առաքեցի զի-  
 տել զհաւատան ձեր, գուցէ արդեւք  
 6 փորձեաց եւ զձեզ փորձիչն, եւ ըն-  
 զուսայն լինիցի ջանն մեր. Բայց արդ  
 իբրեւ եկն Տիմոթէոս ի ձէնջ առ մեզ,  
 եւ ետ մեզ զաւետիս հաւատոցն ձե-  
 7 րոց եւ զսիրոյ, զի ունիք ի մտի զյի-  
 շատակս մեր բարեաց յամենայն ժամ,  
 8 ցանկացեալ էք տեսանել զմեզ, որպէս  
 9 եւ մեք զձեզ. Վասն այնորիկ մխիթա-  
 10 րեցաք ի ձեզ, եղբարք, ի վերայ ամե-  
 նայն վշտաց եւ նեղութեանց մերոց  
 11 ի ձեռն հաւատոցն ձերոց. Զի այժմ  
 կենդանի եմք, եթէ դուք հաստատուն  
 12 կայցէք ի Տէր. Զի՛նչ կարեմք գոհու-  
 13 թիւն մատուցանել Աստուծոյ վասն  
 ձեր ի վերայ ամենայն խնդութեանն  
 14 զոր խնդամք վասն ձեր առաջի Աս-  
 15 տուծոյ մերոյ, Զցայգ եւ զցերեկ ա-  
 ռաւել եւս աղաչեմք տեսանել զերեսս  
 16 ձեր, եւ հաստատել զպակասութիւն  
 17 հաւատոցն ձերոց. Այլ ինքն Աստուած  
 եւ Հայր մեր եւ Տէր մեր Յիսուս Քրիս-  
 18 տոս ուղղեցէ զճանապարհս մեր առ  
 19 ձեզ. Եւ զձեզ ինքն Տէր բազմապա-  
 20 տիկս եւ առաւելս արասցէ սիրով ընդ  
 միմեանս եւ առ ամենեպէս, որպէս  
 21 եւ մեք ի ձեզ, Հաստատել զսիրտս  
 ձեր անարատս ի սրբութիւն առաջի  
 Աստուծոյ եւ Հօր մերոյ ի զալստեանն  
 Տեառն մերոյ Յիսուսի Քրիստոսի հան-  
 22 զերձ ամենայն սրբովք իւրովք:

ԳԼ. Դ

1 ԳԼ. Այսուհետեւ, եղբարք, աղաչեմք  
 զձեզ եւ մխիթարեմք ձեր Քրիստոս Յի-  
 սուս, զի որպէս ընկալարուք ի մէնջ,

<sup>1</sup> Ի Յուսի գլխիւ, մեր եւ զպաշտօնեայ Աստու-  
 ծոյ եւ զգործակից մեր յաւետարանին Քրիս-  
 տոսի. այլ մեր եւ զպաշտօնեայ Աստուծոյ  
 յաւետարանին Քրիստոսի  
<sup>2</sup> Ի Յուսի գլխիւ, ի Տէր Յիսուս

թէ՛ որպէս պարտ իցէ ձեզ գնալ եւ հա-  
նոյ լինել Աստուծոյ. որպէս եւ գնալքդ  
իսկ, զի եւս քան զեւս յաւելուցուք  
2 ի նոյն. եւ զիտէք թէ՛ որպիսի պատ-  
ուիրանս տուաք ձեզ ի Տէր Յիսուս.  
3 Զի այս են կամք Աստուծոյ՝ սրբու-  
թիւն ձեր, ի բաց լինել ձեզ ի պոռնու-  
4 կութենէ. Գիտել իւրաքանչիւր ումեք  
ի ձէնջ զիւր աման ստանալ սրբու-  
5 թեամբ եւ պատուով. Մի՛ ի ցաւս ցան-  
կութեան, որպէս եւ Վալ հեթանոսք  
6 որ ոչ գիտեն զԱստուած. Մի՛ գան-  
ցանել եւ զրկել յիրիդ յայդմիկ զեղ-  
բայր իւր, քանզի վրէժխնդիր է Տէր  
ի վերայ ամենայնի այդորիկ. որպէս  
յառաջագոյն ասացաք ձեզ եւ եղաք  
7 վկայութիւն. Քանզի ոչ կոչեաց զմեզ  
Աստուած ի պղծութիւն, այլ ի սրբու-  
8 թիւն. Այսուհետեւ որ անարգէ, ոչ  
զմարդ անարգէ, այլ զԱստուած, որ  
եւ ետ զՀոգին Սուրբ <sup>3</sup>ի ձեզ.  
9 Այլ վասն եղբայրսիրութեան չէ ինչ  
պիտոյ գրել առ ձեզ, զի դուք ինքնին  
իսկ աստուածոսոյցք էք առ ի զմիմ-  
10 եանս սիրելոյ. Քանզի եւ առնէք իսկ  
զդոյն յամենայն եղբարս որ են յամե-  
նայն կողմանս Մակեդոնացւոց. աղա-  
չեմք զձեզ, եղբարք, առաւել եւս ա-  
11 ռաւելուլ եւ առատանալ. Հանդարտել  
եւ գործել զիւրաքանչիւր, եւ գործել  
ձեռք ձերով, որպէս եւ պատուիրե-  
ցաք ձեզ, զի գնացէք պարկեշտու-  
թեամբ առ արտաքինսն, եւ մի՛ իւրիք  
կարօտեալք իցէք.  
12 Ոչ կամիմ, եղբարք, եթէ տգէտք  
իցէք վասն ննջեցելոցն, զի մի՛ տրտմի-  
ցիք որպէս եւ այլքն որոց ոչ գոյ յոյս.  
13 Եթէ հաւատամք եթէ Յիսուս մեռաւ  
եւ յարեաւ, նոյնպէս եւ Աստուած  
զննջեցեալսն ի ձեռն Յիսուսի ածցէ  
14 ընդ նմա. <sup>3</sup>Բայց զայս ասեմք՝ Տեառն  
բանիւ, եթէ մեք որ կենդանիքս եմք  
մնացեալք ի գայտեանն Տեառն՝ ոչ  
15 ժամանեմք ննջեցելոցն. Զի ինքնին  
Տէր հրամանաւ, ի ձայն հրեշտակապե-  
տի եւ ի փող Աստուծոյ իջանէ յերկ-  
նից, եւ մեռեալք ի Քրիստոս յարիցեն  
16 յառաջագոյն. Ապա եւ մեք որ կեն-

դանւոյն մնացեալ իցեմք՝ նոքօք հան-  
դերձ յափշտակեացուք ամպովք ընդ  
առաջ Տեառն յօղս, եւ այնպէս յամե-  
17 նայն ժամ ընդ Տեառն լինիցիմք. Այ-  
սուհետեւ միսիթարեցէք զմիմեանս բա-  
նիւքս այսոքիւք.

## ԳԼ. Ե

1 ԳԴ. Այլ վասն ժամուց եւ ժամանա-  
կաց, եղբարք, չէ ինչ պիտոյ գրել առ  
2 ձեզ. Զի դուք ինքնին իսկ ստոյգ գի-  
տէք, թէ՛ օրն Տեառն իբրեւ զգող գի-  
3 չերի՝ այնպէս հասանէ. Յորժամ ափ-  
ցեն թէ խաղաղութիւն եւ շինութիւն  
է, յայնժամ յանկարծակի հասցէ նոցա  
սատակումն, որպէս երկն յդոյ, եւ  
4 մի՛ ապրեացեն. Այլ դուք, եղբարք,  
ոչ էք ի խաւարի թէ՛ օրն ձեր իբրեւ  
5 զգող ի վերայ հասանիցէ. Զի ամենե-  
քին դուք որդիք լուսոյ էք եւ որդիք  
տուրնջեան. չեմք գիշերոյ, չեմք խո-  
6 ւարի. Ապա մի՛ զքնով անկանիցիմք  
որպէս եւ այլքն, այլ արթունք եւ  
7 զուարթունք եղիցուք. Զի որ ննջեն  
գիշերի ննջեն, եւ որ արբենանն՝ գի-  
8 չերի արբենան. Այլ մեք զի տուրնջեան  
եմք, արթունք եղիցուք, եւ զգեցցուք  
զդրահան հաւատոյ եւ զսիրոյ, եւ դի-  
ցուք զսաղաւարտս յուսոյն փրկու-  
9 թեան. Զի ոչ եղ զմեզ Աստուած ի  
բարկութիւն, այլ ի փրկութիւն կեն-  
դանութեան ի ձեռն Տեառն մերոյ Յի-  
10 սուսի Քրիստոսի, Որ մեռաւ վասն  
մեր. զի եթէ՛ արթունք իցեմք եւ  
եթէ՛ ննջիցեմք, նոյաւ հանդերձ կեց-  
11 ցուք. Վասն որոյ միսիթարեցէք զմիմ-  
եանս եւ շինեցէք զիրեարս, որպէս  
եւ առնէքդ իսկ.

12 ԳԶ. Աղաչեմք զձեզ, եղբարք, ճա-  
նաչել զվաստակաւորս եւ զվերակա-  
ցուս ձեր ի Տէր, եւ զխրատիչս ձեր.  
13 Եւ համարեցարուք զնոսա արժանիս  
առաւել սիրոյ վասն գործոյ նոցա.  
խաղաղութիւն արարէք ընդ միմեանս.  
14 Աղաչեմք զձեզ, եղբարք, խրատեցէք  
զստահակս, միսիթարեցէք զկարճա-  
միտս, պատասպարան լերուք տկարաց,  
երկայնամիտ լերուք առ ամենեանս.  
15 Զգոյշ լերուք գուցէ ոք չարի չար հա-  
տուցանիցէ. այլ յամենայն ժամ զբար-  
եաց զնետ երթայք առ միմեանս եւ

<sup>1</sup> ի Բ-Ն-Ի զ-Ի-Ի-Ի

<sup>2</sup> Ո՛ւ-Ն-Ի, ի մեզ

<sup>3</sup> Բ-Ն-Ն, Քանզի զայս ասեմք ձեզ

<sup>4</sup> Կ-Դ, յառաջեմք քան զննջեցեալսն

16 առ ամենեսին : Յամենայն ժամ ուրախ  
17 լերուք : Անդադար աղօթս արարէք :  
18 Յամենայնի գոհացարուք , զի այս են  
կամք Աստուծոյ Քրիստոսիւ Յիսուս  
19 սիւ ի ձեզ : Չէոգին մի՛ յիջուցանէք :  
20 Զմարգարէութիւնս մի՛ արհամարհէք :  
21 Զամենայն ինչ փորձեցէք , զբարին ըն-  
22 կալարուք : Յամենայն իրաց չարաց  
23 ի բաց կացէք : Եւ ինքն Աստուած խա-  
ղաղութեան սուրբս արասցէ զձեզ հա-  
մօրէնս . եւ բովանդակ ձեր ոգի եւ  
շունչ եւ մարմին անարատ ի գայուստ  
Տեառն մերոյ Յիսուսի Քրիստոսի պա-

24 հեցի : Հաւատարիմ է որ կոչեացն  
զձեզ , որ եւ արասցէ զնոյն :  
25 Եղբարք , աղօթս արարէք եւ ի մեր  
26 վերայ : Ողջոյն տալիք եղբարց ամենե-  
27 ցուն ի համբոյր սրբութեան : Երդմե-  
ցուցանեմ զձեզ ի Տէր ընթեռնուլ  
զթուղթդ առաջի ամենայն եղբարց  
28 սրբոց : Ենորհք Տեառն մերոյ Յիսու-  
սի Քրիստոսի ընդ ձեզ :

Առ Թեոփիլէիս առաջն զԵփեսոս :

## ԱՌ ԹԵՍԱՂՈՆԻԿԵՑԻՍ ԵՐԿՐՈՐԴ

### ԹՈՒՂԹ

#### ԳԼՈՒԽ Ա

1 ԴԿ. ՊԱՒՂՈՍ եւ Սիղուանոս եւ Տի-  
մոթէոս , եկեղեցւոյդ Թեսաղոնիկեցւոց  
յԱստուած Հայր մեր եւ ի Տէր Յի-  
2 սուս Քրիստոս . Ենորհք ընդ ձեզ եւ  
խաղաղութիւն յԱստուծոյ Հօրէ մերմէ  
եւ ի Տեառնէ Յիսուսէ Քրիստոսէ :  
3 Գոհանալ պարտիմք զԱստուծոյ յա-  
մենայն ժամ վասն ձեր , եղբարք , որ-  
պէս եւ արժան իսկ է . զի եւս քան  
զեւս անեն հաւատք ձեր , եւ յաճախէ  
սէր իւրաքանչիւր ամենեցուն ձեր առ  
4 միմեանս . Որպէս եւ մեզ ձեզ պար-  
ծել յեկեղեցիսն Աստուծոյ վասն համ-  
բերութեան ձերոյ եւ հաւատոց յամե-  
նայն հալածանս ձեր եւ ի նեղութիւնս ,  
5 որում դուքն համբերէք . Յօրինակ  
արդար դատաստանին Աստուծոյ , ար-  
ժանի լինել ձեզ արքայութեանն Աս-  
տուծոյ , վասն որոյ եւ զճգնութիւնդ  
6 կրէք . Եթէ պարտ է առաջի Աստուծոյ  
հատուցանել նեղչացն ձերոց նեղու-  
7 թիւն . Եւ ձեզ նեղելոցդ հանգիստ  
ընդ մեզ ի յայտնութեանն Տեառն մե-

րոյ Յիսուսի յերկնից հրեշտակօք զօ-  
8 րութեան իւրոյ , Ի բոց հրոյ առնուլ  
զվրէժս յայնցանէ ոյր ոչ ճանաչեն զԱս-  
տուած , եւ որ ոչ հնազանդին աւետա-  
րանին Տեառն մերոյ Յիսուսի Քրիս-  
9 տոսի . Որք տայցեն վրէժս ի սատա-  
կումն յաւիտենից յերեսաց Տեառն եւ  
10 ի փառաց զօրութեան նորա , Յորժամ  
գայցէ փառաւոր լինել ի մէջ սրբոց  
իւրոց , եւ սքանչելի ի մէջ ամենայն  
հաւատացելոց , (զի հաւատարիմ եղեւ  
վկայութիւնն մեր ի վերայ ձեր ,) յաւուր  
11 յայնմիկ : Եր եւ աղօթս առնեմք վասն  
ձեր յամենայն ժամ , զի զձեզ արժա-  
նիս արասցէ կոչմանն <sup>2</sup> ձերում <sup>3</sup> Աս-  
տուած , մինչեւ լցցէ զամենայն հա-  
ճութիւն բարութեան , եւ զգործս հա-  
12 լատոցն զօրութեամբ . Զի փառաւոր  
լիցի անուն Տեառն մերոյ Յիսուսի  
Քրիստոսի ի ձեզ , եւ դուք՝ ի նմա ,  
ըստ շնորհացն Աստուծոյ մերոյ եւ  
Տեառն Յիսուսի Քրիստոսի :

<sup>1</sup> Ուրախ , յաւիտեալ , Ամէն :

<sup>2</sup> Յիսուս . զգալի

<sup>3</sup> Բարեւոյ , Աստուած մեր , և

## ԳԼ. Բ

- 1 ԴԴ. Աղաչեմ զձեզ, եղբարք, վասն զայստեան Տեառն մերոյ Յիսուսի Քրիստոսի, եւ մերոյ ժողովելոյն առ  
2 նա, Մի՛ վաղվաղակի խռովել ձեզ ի մտաց եւ մի՛ զարհուրել, մի՛ հոգւով եւ մի՛ բանիւ եւ մի՛ թղթովք իբրեւ թէ ի մէնջ, որպէս թէ եկեալ հասեալ  
3 իցէ օր Տեառն: Մի՛ ոք զձեզ խաբեսցէ եւ մի՛ իւրիք իրօք. զի եթէ ոչ նախ եկեսցէ ապստամբութիւնն, եւ յայտնեսցի մարդն անօրէնութեան, որդին  
4 կորստեան, Հակառակորդն հպարտացեալ ի վերայ ամենայնի որ անուանեալ իցէ Աստուած կամ պաշտօն, մինչեւ նստել նմա ի տաճարին՝ Աստուծոյ, եւ ցուցանել զանձն թէ Աստուած  
5 իցէ: Ո՛չ յիշիցէք զի մինչ առ ձեզն իսկ էի, ասէի զայս: Եւ արդ զուրք ինքնին գիտէք զայն որ ունին, յայտնեալ նմա յիւրում ժամանակի: Զի խորհուրդն անօրէնութեան արդէն իսկ զօրանայ. բայց ցայնժամ՝ մինչ ի միջոյ  
8 բարձցի որ այժմդ ունի: Եւ ապա յայտնեսցի անօրէնն. զոր Տէր Թիսուս սատակեսցէ հոգւով բերանոյ իւրոյ, եւ խափանեսցէ յայտնութեամբ  
9 զայստեանն իւրոյ. Որոյ զայրուստն ըստ ազդեցութեան Սատանայի է ամենայն զօրութեամբ եւ նշանօք եւ ար-  
10 ուեստիւք ստովք, Եւ ամենայն պատրանօք անիրաւութեան ի վերայ կորուսելոյն. փոխանակ զի զսէրն ճշմարտութեան ոչ ընկալան, զի ապրեսցին. եւ վասն այնորիկ առաքեսցէ նոցա Աստուած ազդեցութիւն մոլորութեան  
11 հաւատալ նոցա ստութեանն. Զի դատապարտեսցին ամենեքեան որ ոչ հաւատացին ճշմարտութեանն, այլ հաճեցան ընդ անօրէնութիւնն:  
12 Այլ մեք պարտիմք գոհանալ զԱստուծոյ յամենայն ժամ վասն ձեր, եղբարք սիրելեալք ի Տեառնէ, զի բնութեաց 3դ Ուղ Աստուած ի սկզբանէ ի փրկութիւն սրբութեամբ Հոգւոյն եւ  
13 հաւատովքն ճշմարտութեան. Յոր եւ կոչեացն զձեզ աւետարանաւն մերով

ի փրկութիւն փառացն Տեառն մերոյ Յիսուսի Քրիստոսի:

- 14 Այսուհետեւ, եղբարք, հաստատուն կացէք եւ պինդ կալարուք զաւանդութիւնսն զոր ուսարուք, եթէ՛ բռնիւ եւ եթէ՛ թղթով մերով: Այլ ինքն Տէր մեր Յիսուս Քրիստոս եւ Աստուած եւ Հայր մեր, որ սիրեացն զմեզ եւ ետ մեզ մխիթարութիւն յաւիտենից եւ յոյս բարեաց չնորհօք,  
16 Մխիթարեսցէ զսիրտս ձեր եւ հաստատեսցէ յամենայն բանս եւ ի գործս բարութեան:

## ԳԼ. Գ

- 1 ԴԶ. Այսուհետեւ, եղբարք, աղօթս արարէք ի վերայ մեր, զի բանն Տեառն ընթանայցէ, եւ փառաւոր լինիցի յամենայն տեղիս, որպէս եւ առ ձեզդ:  
2 Զի ապրեսցուք յանօրինաց եւ յանգամաց մարդոց. զի ոչ ամենեցուն են  
3 հաւատք: Այլ հաւատարիմ է Տէր, որ եւ հաստատեսցէ զձեզ եւ պահեսցէ  
4 ի չարէ անտի: Վստահ եմք ի ձեզ Տերամբ, թէ զոր պատուիրեցաքն ձեզ,  
5 եւ առնէք եւ առնիցէք: Այլ Տէր ուղղեսցէ զսիրտս ձեր ի սէրն Աստուծոյ եւ ի համբերութիւնն Քրիստոսի:  
6 Պատուիրեմ ձեզ, եղբարք, յանուն Տեառն մերոյ Յիսուսի Քրիստոսի, խորշել ձեզ յամենայն եղբօրէ որ ստահակսն գնայցեն, եւ ոչ ըստ աւանդութեանն զոր ընկալարուք ի մէնջ:  
7 Զի դուք ինքնին գիտէք թէ որպէս պարտ է ձեզ նմանել մեզ. զի ոչ երբեք ստահակեցաք առ ձեզ, Եւ ոչ ձրի զուրուք հաց կերաք, այլ ջանիւ եւ վաստակով զցայգ եւ զցերեկ գործէաք  
9 վասն չծանրանալոյ ումեք ի ձէնջ. Ոչ եթէ չունէաք իշխանութիւն, այլ զի զանձինս օրինակ արասցուք ձեզ՝ նմա-  
10 նողս լինել մեզ: Քանզի մինչ առ ձեզն իսկ էաք, զայս պատուիրէաք ձեզ, թէ Որ ոչն կամիցի գործել, եւ կերիցէ  
11 մի՛: Արդ լսեմք զոմանց ի ձէնջ թէ ստահակութեամբ գնան, գործ ինչ ոչ գործեն, այլ յուլացեալ հետաքրքիր  
12 չրջին: Այնպիսեացն պատուէր տամք, եւ աղաչեմք ի Տէր Յիսուս Քրիստոս, զի հանդարտութեամբ գործեսցեն եւ  
13 զիւրեանց հաց կերիցեն: Այլ գուք՝

1 Ուղ, Աստուծոյ իբրեւ զԱստուած

2 Գոհանալ զ-

3 Բողոք, զձեզ

եղբարք , մի՛ ձանձրանայք զբարիս  
14 գործել : Ապա եթէ ոչ ոք հնազանդես-  
ցի բանիս մերում թղթովդ այդուիկ ,  
դուք նշանակեսցիք զնա , եւ մի՛ խառ-  
նակեսցիք ընդ նմա , զի պատկառեսցէ :  
15 Բայց մի՛ իբրեւ զթշնամի համարես-  
ցիք , այլ խրատեսցիք իբրեւ զեղբայր :  
16 Եւ ինքն Տէր խաղաղութեան տացէ  
ձեզ խաղաղութիւն յամենայն ժամ

յամենայն իրա . Տէր ընդ ամենեսին  
17 ընդ ձեզ : Ողջոյնս իմոյ ձեռին Պաւղո-  
սի է , որ է նշանակ յամենայն թուղթս .  
18 այսպէս գրեմ : Շնորհք Տեառն մերոյ  
Թիսուսի Քրիստոսի ընդ ամենեսին  
ձեզ :

Առ Թեազանէիցի եւրուրդ՝ Էրեցո-  
յԱրեւայ :

## ԱՌ ՏԻՄՈԹԵՈՍ ԱՌԱԶԻՆ

### ԹՈՒՂԹ

#### ԳԼՈՒԽ Ա

1 ԱԿ. ՊԱՒՂՈՍ , առաքեալ Թիսուսի  
Քրիստոսի ըստ հրամանի Փրկչին մե-  
րոյ Աստուծոյ եւ Քրիստոսի Թիսուսի  
2 յուսոյն մերոյ . Տիմոթեայ , որդւոյ սի-  
րելոյ հաւատովք , շնորհք , ողորմու-  
թիւն , խաղաղութիւն յԱստուծոյ Հօրէ  
եւ ի Տեառնէ մերմէ Թիսուսէ Քրիս-  
տոսէ :  
3 Որպէս աղաչեցի զքեզ կալ յեփե-  
սոս , մինչ երթայի ի Մակեդոնիա , զի  
պատուէր տացես ոմանց չլինելօտար-  
4 ուսմունս , եւ չհայել յառասպելս եւ  
ի տոհմաթիւս անչափս . որ մանաւանդ  
5 թիւն Աստուծոյ հաւատովք : Քանզի  
զլուխ պատուիրանին սէր է , ի սուրբ  
սրտէ եւ ի մտաց բարեաց եւ յանկեղ-  
6 ծաւոր հաւատոց . Յորոց ոմանք վրի-  
պեցան՝ խոտորեալք յունայնութիւն  
7 բանից . կամին լինել վարդապետք օ-  
րինաց , ինքեանք ոչ իմանան զինչ  
խօսին , եւ ոչ վասն որոց պնդեալն են :  
8 Գիտեմք եթէ բարւոք են օրէնք , եթէ  
9 ոք զնոսա օրինօք կրեսցէ : Բայց զայս  
գիտասցէ , զի ի վերայ արդարոց օրէնք

ոչ կան , այլ ի վերայ անօրինաց եւ  
անհնազանդից , ամբարշտաց եւ մեղա-  
ւորաց , անարբոց եւ պղծոց , զհայր եւ  
զմայր շանարգողաց , մարդասպանաց ,  
10 Պոռնկաց , արուագիտաց , մարդելու-  
գաց , ստոց , ստերդմանց , եւ եթէ այլ  
ինչ իցէ հակառակ ողջամիտ վարդա-  
11 պետութեանս , Որ ըստ աւետարանի  
փառաց երանելոյն Աստուծոյ է , ո-  
րում եղէ ես հաւատարիմ : ՎՋ  
12 Շնորհ ունիմ այնմիկ որ զօրացոյցն  
զիս , <sup>3</sup> ի Քրիստոս Թիսուս ի Տէր մեր՝ ,  
զի հաւատարիմ համարեցաւ կարգել  
13 ի սպասաւորութիւն . Որ յառաջագոյն  
հայնոյիչն էի եւ հալածիչ եւ թշնա-  
մանիչ , այլ գտի ողորմութիւն , զի  
զայն յանգիտութեան եւ յանհաւա-  
14 նութեան գործէի . Եւ առաւել եղեն  
շնորհք Տեառն մերոյ հաւատովքն եւ  
15 սիրով որ ի Քրիստոս Թիսուս . Հաւա-  
տարիմ է բանս եւ ամենայն ընդու-  
նելութեան արժանի է , զի Քրիստոս  
Թիսուս եկն յաշխարհ փրկել զմեղա-  
16ւորս որոց զլուխն ես եմ : Այլ վասն  
այնորիկ գտի ողորմութիւն , զի նախ  
յիս եցոյց Թիսուս Քրիստոս զամենայն

<sup>1</sup> Ուստի , զլինելութիւն

<sup>2</sup> Յօշն , հարկանազաց

<sup>3</sup> Յօշն , Քրիստոսի Թիսուսի Տեառն մերում



երկայնամուտութիւն յօրինակ այնոցիկ որ  
հաւատալոցն իցեն ի նա ի կեանսն յա-  
17 լիտենից։ Այլ Թագաւորին յաւիտե-  
նից, անեղծի եւ աներեւութի, <sup>1</sup>միոյն  
Աստուծոյ՝, փառք եւ պատիւ յաւիտե-  
անս յաւիտենից։ Ամէն։  
18 Ձայս պատուիրան աւանդեմ քեզ,  
որդեակ իմ Տիմոթէոս, ըստ կանխե-  
լոց ի քեզ մարգարէութեանցն, զի դու  
զինուորիցիս նոքօք զգեղեցիկ զինուո-  
19 թութիւնն։ Ունիցիս հաւատս սրբովք  
մտօք, զոր ոմանց մերժեալ յանձանց  
իւրեանց՝ հաւակոծեցան ի հաւատսն։  
20 Որոց սակի են Հիմենոս եւ Աղեք-  
սանդրոս, զորս մատնեցի Սատանայի,  
զի խրատեսցին չհայնոյել։

## ԳԼ. Բ

1 Եւ արդ աղաչեմ նախ քան զամենայն  
առնել աղօթս, խնդրուածս, պաղա-  
տանս, զոհութիւնս վասն ամենայն  
2 մարդկան։ <sup>2</sup>Մանաւանդ վասն Թագա-  
ւորաց եւ ամենայն իշխանաց, զի խա-  
ղաղութեամբ եւ հանդարտութեամբ  
վարեացուք ղկեանս մեր ամենայն  
աստուածպաշտութեամբ եւ սրբու-  
3 թեամբ։ Զի այն է բարի եւ ընդունելի  
4 առաջի Փրկչին մերոյ Աստուծոյ, Որ  
զամենայն մարդիկ կամի զի կեցցեն եւ  
ի զիտութիւն ճշմարտութեան եկես-  
5 ցեն։ Զի մի է Աստուած, եւ մի միջ-  
նորդ Աստուծոյ եւ մարդկան, մարդն  
6 Յիսուս Քրիստոս, Որ ետ զանձն փր-  
կանս ընդ ամենեցուն՝ վկայութիւն  
7 ժամանակաց իւրոց։ Յոր եղայ ես քա-  
րող եւ առաքիւյլ, (ճշմարիտ ասեմ  
Յի Քրիստոս եւ ոչ ստեմ) <sup>2</sup>եղէ վար-  
դապետ հեթանոսաց հաւատովք եւ  
ճշմարտութեամբ։  
8 Այլ կամիմ զի արք կայցեն յաղօթս  
յամենայն տեղիս, բաժնայցեն զսուրբ  
ձեռս ի վեր առանց բարկութեան եւ  
9 երկամտութեան։ Նոյնպէս եւ կանայք  
ի վարդ խոնարհութեան ակնածու-  
թեամբ եւ զգաստութեամբ զարդարել  
զանձինս, մի՛ ի հիւսս օսկեմանս ըն-  
դելուզեալս մարդարտով, կամ ի հան-  
10 զերձս պաճուճեալս, Այլ, որպէս վա-

յելէ կանանց զաստուածպաշտութիւն  
յանձն առելոց, գործովք բարութեան։  
11 Կին մարդ ցածութեամբ ուսցի, ամե-  
12 նայն հնազանդութեամբ։ Այլ ուսու-  
ցանել կնոջ մարդոյ ոչ հրամայեմ, եւ  
ոչ ճոխաբան լինել քան զայր մարդ,  
13 այլ ի լուութեան կալ։ Զի Ադամ նախ  
14 ստեղծաւ եւ ապա Եւա։ Եւ Ադամ  
ոչ պատրեցաւ, այլ կինն պատրեցաւ  
15 եւ յանցեաւ։ Բայց կեցցէ վասն որ-  
դեծնութեանն, եթէ կայցեն ի հաւատս  
եւ ի սէր եւ ի սրբութիւն պարկեշ-  
տութեամբ։

## ԳԼ. Գ

1 Հաւատարիմ է բանս, եթէ ոք եպիս-  
կոպոսութեան ցանկայ, բարւոյ գոր-  
2 ծոյ ցանկայ։ Պարտ է եպիսկոպոսին  
անարատ լինել, միոյ կնոջ այր, <sup>3</sup>հեղ-  
ցած, պարկեշտ, հիւրասէր, ուսուցիչ։  
3 Մի՛ թշնամանող, <sup>4</sup>մի՛ հարկանող, այլ՝  
հանդարտ։ մի՛ կոռուղ, մի՛ արծաթա-  
4 սէր։ Զի իւրում տանն իսկ բարւօք  
վերակացու լինալ իցէ, որդեակս ու-  
նիցի որ ի հնազանդութեան կայցեն  
5 ամենայն պարկեշտութեամբ։ (Եւս  
եթէ ոք իւրում տանն վերակացու  
չգիտիցէ լինել, զիւրօք եկեղեցւոյ Աս-  
6 տուծոյ խնամակալ լիցի)։ Մի՛ մատա-  
ղատունկ, զի մի՛ հպարտացեալ ի դա-  
7 տաստանս Սատանայի անկանիցի։ Այլ  
պարտ է նմա վկայութիւն բարի եւ  
յարտաքնոցն ունել։ զի մի՛ ի նախա-  
տինս անկանիցի եւ յորոգայթս Սա-  
տանայի։  
8 Նոյնպէս եւ զսարկաւազունս պար-  
կեշտս։ մի՛ երկբանս, մի՛ զինեսէրս, մի՛  
9 զօշաքաղս։ Այլ ունիցին զխորհուրդ  
10 հաւատոցն սուրբ մտօք։ Ինքեանք  
նախ փորձեսցին, եւ ապա ի պաշտօն  
11 մատիցին, զի անարատք իցեն։ Նոյն-  
պէս եւ կանայք նոցա պարկեշտք։ մի՛  
չարախօսք, <sup>5</sup>հեղք, հաւատարիմք յա-  
12 մենայնի։ Սարկաւազք լինիցին միոյ  
կնոջ արք, որոց որդւոց իւրեանց բար-  
ւօք վերակացու լինալ իցեն եւ տանց  
13 իւրեանց։ Զի որ բարւօքն պաշտիցեն՝  
աստիճան բարի անձանց իւրեանց շա-

<sup>1</sup>Ունի, միայնոյ իմաստնոյն Աստուծոյ<sup>2</sup>Ի Յ-անի գ-լ-ով<sup>3</sup>Յ-անի գ-լ-ով<sup>4</sup>Յ-անի, լուութեամբ<sup>5</sup>Յ-անի, արթուն, լ-մ, զգաստ<sup>6</sup>Ունի, մի՛ հարկանող, մի՛ զօշաքաղ, այլ

հին, եւ բազում համարձակութիւն ի հաւատան որ ի Քրիստոս Յիսուս: ՎՋ  
14 Ձայս գրեմ առ քեզ, զի ակն ունիմ  
15 ի մօտոյ գալ. Ապա թէ յամեցից, զի  
գիտասցես թէ ո՛րպէս պարտ իցէ քեզ  
ի տան Աստուծոյ շրջել, որ է եկեղեցի  
16 Աստուծոյ կենդանւոյ, սիւն եւ  
հաստատութիւն ճշմարտութեան: Եւ  
յայտնի իսկ մեծ է խորհուրդն աս-  
տուածպաշտութեան, <sup>1</sup>որ երեւեցաւ  
մարմնով, արդարացաւ Հոգւով, յայտ-  
նեցաւ հրեշտակաց, քարոզեցաւ ի հե-  
թանոսս, հաւատարիմ եղեւ յաշխարհի  
եւ վերացաւ փառօք:

ԳԼ. Դ

1 ԱՋ. Այլ Հոգին Սուրբ յայտնապէս  
ասէ թէ ի ժամանակս յետինս քակե-  
ցին ումանք ի հաւատոցն, եւ հայեցին  
յայսս մոլորութեան եւ ի վարդապե-  
2 տութիւնս դիւաց, կեղծաւորութեամբ  
ստաբանք, խարեալք իւրեանց խղճիւն  
3 մտաց. Որ արգելուցուն յամուսնա-  
նալոյ, եւ մեկնիցեն ի կերակրոց զոր  
Աստուած հաստատեաց ի վայելել <sup>2</sup>հա-  
ւատացելոց, եւ ոյք հասեալ իցեն ի  
4 ճշմարտութեան վերայ. Ձի ամենայն  
արարածք Աստուծոյ բարի են, եւ չիք  
ինչ խոտան. մանաւանդ որ գոհու-  
5 թեամբ ընդունիցին. Ձի սրբի բանիւն  
6 Աստուծոյ եւ աղօթիւք: Ձայս խրատ  
տուեալ եղբարց՝ բարւոք պաշտօնեայ  
լինիցիս Քրիստոսի Յիսուսի, սնանի-  
ցիս բանիւք հաւատոց եւ բարւոք վար-  
դապետութեամբն զորոյ զհետն իսկ  
7 եղեր: Այլ ի պիղծ բանից եւ յառաս-  
պելաց պառաւանց հրաժարեսցիր, բայց  
կրթեա զանձն քո յաստուածպաշտու-  
8 թիւն. Ձի մարմնոյ կրթութիւն առ  
սակաւ ինչ օգտակար է, իսկ աս-  
տուածպաշտութիւն առ ամենայն ինչ  
օգտակար է, եւ զաւետիս կենաց ունի  
9 զարդիս. եւ զհանդերձելոցն, Հաւա-  
տարիմ է բանս եւ ամենայն ընդու-  
10 նելութեան արժանի է: Ձի ի սոյն իսկ  
վաստակեմք եւ նախատինս յանձն առ-  
նումք, զի յուսացեալ եմք յԱստուած  
կենդանի, որ է Փրկիչ ամենայն մարդ-  
կան, մանաւանդ հաւատացելոց:

<sup>1</sup>Ո՛րպէս, Աստուած

<sup>2</sup>Բաւաւ, գոհութեամբ հաւատացելոց

11 ԲԿ. Պատուէր տալիք զայդ եւ ու-  
12 սուցանիցիր: Ձի մի՛ ոք զքո մանկու-  
թիւնդ արհամարհիցէ. այլ օրինակ լի-  
նիցիր հաւատացելոց բանիւք, գնա-  
ցիւք, սիրով, հաւատովք, սրբու-  
13 թեամբ: Մինչեւ զամ ես, միտ դիր ըն-  
թեցուածոց, մխիթարութեան, վար-  
14 դապետութեան: Մի՛ անփոյթ առնեք  
զչնորհացդ որ ի քեզ են, որ տուաւ  
քեզ մարգարէութեամբ ի ձեռնադրու-  
15 թենէ երիցութեան: Յայդ խորհեաց  
եւ ի գոյն կանխեսցիր, զի քո յառաջա-  
դիմութիւնդ ամենեցուն յայտնի լիցի:  
16 Ձգոյշ լինիցիր անձին եւ վարդապե-  
տութեանդ եւ ի դմին յամենայն. զայդ  
եթէ առնիցես, եւ զանձն ապրեցուս-  
ցես, եւ զայնոսիկ որ քեզն լսիցեն:

ԳԼ. Ե

1 ՋԺԵՐՆ մի՛ պատուհասիցես, այլ մխի-  
թարեսցիր իբրեւ զհայր. զերիտա-  
2 սարդս՝ իբրեւ զեղբարս, Ձպառաւունս՝  
իբրեւ զմարս, զմանկամարդս՝ իբրեւ  
3 զքորս ամենայն սրբութեամբ: Ձայրիս  
պատուեա որ ստոյգ այրիքն իցեն:  
4 Ապա թէ ոք այրի որդիս եւ թոռունս  
ունիցի, ուսանիցին նախ իւրեանց  
տանց բարի առնել, եւ զփոխարէնն  
հատուցանել ծնողացն. զի այն է բարի  
5 եւ ընդունելի առաջի Աստուծոյ: Իսկ  
որ ճշմարտիւ այրին իցէ եւ մենացեալ,  
3 յուսացեալ յԱստուած, եւ <sup>3</sup>կանխեալ  
յաղօթս եւ ի խնդրուածս զցայդ եւ  
6 զցերեկ. Իսկ զիրգ այրին կենդանւոյն  
7 մեռեալ է: Ձայս պատուիրեա զի ա-  
8 նարատք իցեն: Իսկ եթէ ոք իւրոց  
եւ մանաւանդ ընտանեաց խնամ ոչ  
տանիցի, ի հաւատոցն ուրացեալ է,  
9 եւ չար եւս քան զանհաւատն է: Այրի  
ընդ այրիս անուանեսցի որ չիցէ պա-  
կաս ի վաթսնամենից, միոյ առն կին  
10 լիեալ, եւ ի գործս բարիս վկայեալ.  
եթէ մանկունս անուցեալ իցէ, եթէ  
զհիւրս ընկալեալ իցէ, եթէ զսրբոց  
զոտս լուսացեալ իցէ, եթէ նեղելոց բա-  
ւական լիեալ իցէ, եթէ զամենայն գոր-  
11 ծոց բարեաց զհետ երթեալ իցէ: Այլ ի  
մանկամարդաց այրեացն հրաժարեա,  
զի յորժամ խայտան զՔրիստոսիւ,

<sup>3</sup>Եղան, յուսայ

<sup>4</sup>Եղան, կանիւ

- 12 ամուսնանալ կամին . Իսկ զդատաստանս ընդունին , զի զառաջին հա-
- 13 ւատան արհամարհեցին : Միանգամայն եւ դատարկանձուէք ուսանին , չրջողք տանէ ի տուն . եւ ոչ միայն դատարկը , այլ եւ փաւքուք եւ հետաքրքիրք :
- 14 Եւ խօսին որ ինչ ոչ է պիտոյ : Կամիմ զմանկամարդացդ ամուսնանալ , որդիս ծնանել , տնարարս լինել , եւ մի՛ ինչ պատճառս տալ հակառակորդին ի հայ-
- 15 հոյութեան աղաքս : Զի արդէն իսկ ոմանք խոտորեցան զկնի Սատանայի :
- 16 Եթէ ոք հաւատացեալ՝ այրիս ունիցի , բաւական լիցի նոցա , եւ մի՛ ծանրասցի եկեղեցւոյն , զի ճմարիտ այրեացն բաւական լինիցի :
- 17 ԲԻ. Որ բարւոք վերակացու լինին երիցունք՝ կրկին պատուոյ արժանի եւ դիցին , մանաւանդ որ աշխատիցին բա-
- 18 նիւ եւ վարդապետութեամբ : Քանզի ասէ զիր , Մի՛ կապեսցես զցոռկ եզին կալոտոյ , եւ՝ Արժանի է մշակն վար-
- 19 ձու իւրոյ : Զերիցուէ չարախօսութիւն մի՛ ընդունիցիս , բայց եթէ եր-
- 20 կուք եւ երկը վկայիւք , Իսկ որ մեղանչենն՝ առաջի ամենեցուն յանդի-
- 21 մանեա , զի եւ այլքն երկիցեն , Վկայութիւն դնեմ առաջի Աստուծոյ եւ Յիսուսի Քրիստոսի եւ ընտրելոց հրեշտակաց , զի զայդ պահեսցես առանց մտահաճութեան , մի՛ ինչ առնել աշա-
- 22 ռանօք : Զեռս վաղվաղակի յուրուք վերայ մի՛ դնիցես , եւ մի՛ կցորդ լինիցիս մեղաց օտարաց . զանձն քո սուրբ պահեսցիր :
- 23 Այսուհետեւ մի՛ ջուր եւեթ ըմպիցես , այլ սակաւիկ մի եւ դինի խառնեցիր վանս ստամոքսի եւ ստէպ հիւանդութեանց :
- 24 Են մարդք որոց մեղքն յայտնի են , եւ յառաջագոյն հասեալ ի դատաստան ,
- 25 եւ են՝ որոց զկնի երթան , նոյնպէս եւ բարի գործքն յայտնի են . եւ որ այլազգ եւս ինչ լիցեն՝ թաքչել ոչ կարեն :

## ԳԼ. Զ

- 1 Որ միանգամ ընդ լծով ծառայութեան իցեն , զիւրաքանչիւր տեարս՝ պատուի արժանի համարեսցին , զի մի՛ անուան

- Աստուծոյ եւ վարդապետութիւնն հայ-
- 2 հոյեացի : Իսկ որ հաւատացեալ տեարս ունիցին , մի՛ արհամարհեսցեն զի եղբարք են , այլ առաւել ծառայեսցեն . զի հաւատացեալն են եւ սիրուէք . որք զբարեբարութիւնն յանձին ունիցին . զայս ուսուցանիցիր եւ միսթա-
- 3 րեսցիր : Իսկ եթէ ոք այլազգ ինչ ուսուցանիցէ , եւ ոչ անսայցէ ողջմտութեան բանից Տեառն մերոյ Յիսուսի Քրիստոսի , եւ ըստ աստուածաշ-
- 4 տութեան վարդապետութեանն , Այնպիսին հպարտացեալ է եւ ոչինչ ոչ գիտէ , այլ տապի ի խնդիրս եւ ի բռնս հակառակութեան . ուստի լինին նախանձ , հեռ , հայհոյութիւնք , կարծիք
- 5 չարեաց , Խարդախութիւնք ապակոնելոց մտաց մարդկան եւ օտարացելոց ի ճմարտութենէ անտի , որք չա՛ռվաճառ համարին զաստուածաշտու-
- 6 րութիւնն . բայց դու մերժեսցիր յայնպիսեաց անտի :
- 7 ԲԶ. Այլ շահավաճառ մեծ աստուածաշտուութիւնն է բաւականութեամբ
- 7 հանդերձ : Զի ոչ բերաք ինչ յաշխարհս ,
- 8 եւ ոչ՝ տանել ինչ կարասցուք : Այլ ունիմք կերակուր եւ հանդերձս , եւ
- 9 այնու շատասցուք : Իսկ որք կամին մեծանալ՝ անկանին ի փորձութիւն եւ յորոգայթ եւ ի բազում ցանկութիւնս անմիտս եւ վեասակարս , որք ընկղմեն զմարդիկ ի սատակումն եւ ի կորուստ :
- 10 Զի արմատ ամենայն չարեաց արծաթսիրութիւն է . որում ոմանց ցանկացեալ՝ վրիպեցան ի հաւատոցն , եւ զանձինս արկին ընդ բազում ցաւովք :
- 11 Այլ դու , ո՛վ մարդ Աստուծոյ , փախիր յայնցանէ , եւ երթ՝ զնտ արդարութեան , զաստուածաշտութեան , զհաւատոց , զսիրոյ , զհամբերութեան ,
- 12 զհնգութեան . Եւ մարտիր զբարւոք մարտն հաւատոց , եւ բուռն հար զկենացն յաւիտենականաց յոր կոչեցարն , եւ դաւանեցեր զբարւոք դաւանու-
- 13 թիւն առաջի բազում վկայից : Պատուիրեմքեզ առաջի Աստուծոյ որ կենդանի առնէ զամենայն , եւ Յիսուսի Քրիստոսի որ վկայեաց առաջի Գոնտացւոյ Պիղատոսի զբարւոք դաւա-
- 14 նութիւնն , Պահելքեզ զպատուիրանն

անբիծ, անարատ, մինչեւ ի յայտնու-  
թիւն Տեառն մերոյ Թիսուսի Գրիս-  
45 տոսի. Ձոր յիւր ժամանակս ցուցցէ  
Երանելին եւ միայն Հօր, Թագաւոր  
46 Թագաւորաց եւ Տէր տերանց. Որ  
միայն ունի զանմահութիւն՝ բնակեալ  
ի լոյս անմատոյց. զոր ոչ ոք ետես ի  
մարդկանէ եւ ոչ տեսանել կարող է,  
որում պատիւ եւ զօրութիւն յաւիտե-  
անս: Ամէն:

47 Մեծատանց որ են յայսմ աշխարհի՝  
պատուէր տալիս մի՛ հպարտանալ եւ  
մի՛ յուսալ ի մեծութիւն սնոտի, այլ  
1 յԱստուած որ տայ մեզ զամենայն ա-  
48 ռատապէս ի վայելել, Ձբարիս գործել,

մեծանալ գործովք բարութեան, ա-  
ռատս, <sup>2</sup>սիրունս, հաղորդս լինել.  
19 Գանձել անձանց հիմն բարի ի հան-  
դերձեալսն, զի բուն հարկանիցեն  
<sup>3</sup>զճշմարիտ կենացն:

20 Ով Տիմոթէէ, պահեա զաւանդն՝  
խոտորեալ <sup>2</sup>ի պղծոց եւ ի նորաձայն  
բանից եւ ի հակառակութենէ եւ ի  
21 մոլարանուն գիտութենէ, Ձոր ոմանց  
յանձն առեալ՝ վրիպեցան ի հաւատոց  
անախ: Ծնորէք ընդ քեզ:

Առ Տիմոթէոս առաջն Ռադմ Էրեցաս  
է Լաւորիկայ, որ է Երբ Կապուեցաւ  
հարգեալացոց:

## ԱՌ ՏԻՄՈԹԵՈՍ ԵՐԿՐՈՐԴ

### ԹՈՒՂԹ

#### ԳԼՈՒԽ Ա

1 ԳԿ. ՊԱՒՂՈՍ, առաքեալ Թիսուսի  
Գրիստոսի կամօքն Աստուծոյ, ըստ  
աւետեաց կենացն որ ի Գրիստոս Թի-  
2 սուս, Տիմոթեայ որդւոյ սիրելւոյ  
շնորհք, ողորմութիւն եւ խաղաղու-  
թիւն յԱստուծոյ Հօրէ եւ ի Գրիստոսէ  
Թիսուսէ Տեառնէ մերմէ:

3 Ծնորն ունիմ Աստուծոյ զոր պաշ-  
տեմն ի նախնեաց մօռք սրբովք, իբրեւ  
զի անպակաս ունիմ զքէն յիշատակ  
4 յաղօթս իմ զցայգ եւ զքերեկ. ծան-  
կացեալ եմ տեսանել զքեզ՝ յիշատակ-  
եալ զարտասուսն քո, զի լցայց ու-  
5 բախութեամբ. Ձմտաւ ածեալ զան-  
խիղճ հաւատսն որ են ի քեզ, որ յա-  
ռաջագոյն բնակեցաւ ի հանոյ քում  
Լաւողեայ, եւ ի մօր քում Եւնիկեայ.

6 հաստատեալ եմ թէ եւ ի քեզ է: Վասն  
որոյ յիշեցուցանեմ քեզ արծարծել

զշնորհան Աստուծոյ որ են ի քեզ ի  
7 ձեռնադրութենէ իմմէ: Ձի ոչ ետ մեզ  
Աստուած հոգի վհատութեան, այլ զօ-  
րութեան եւ սիրոյ եւ զգաստութեան:

8 Մի՛ այսուհետեւ ամօթ համարիցիս  
զվկայութիւն Տեառն մերոյ, եւ մի՛  
զիս զկապեալ նորա. այլ կցորդ լեր  
չարչարանաց աւետարանին ըստ զօ-  
9 բութեանն Աստուծոյ. Որ փրկեացն  
զմեզ եւ կոչեաց ի կոչումն սուրբ, ոչ  
ըստ գործոց մերոց, այլ ըստ իւրում  
յառաջադրութեանն եւ շնորհաց, որ  
տուաւ մեզ ի Գրիստոս Թիսուս յառաջ  
քան զժամանակսն յաւիտենից:

10 ԳԿ. Բայց յայտնեցաւ այժմիկ յերեւել  
Փրկչին մերոյ Թիսուսի Գրիստոսի. որ  
խափանեաց զմահ եւ լուսաւոր արար  
զկեանս եւ զանեղծութիւն ի ձեռն

<sup>2</sup>ի Բաւթի գաւառի

<sup>3</sup>Ունիմ, զկենացն յաւիտենականաց

<sup>4</sup>Յայն, ի պղծոց բանից սնտեաց (Բ Տիմ. Բ.  
16) եւ հակառակութեանց մոլարանուն գի-  
տութեան

<sup>5</sup>Ունիմ, յաւիտեն, Ամէն:

<sup>1</sup>Ունիմ, յԱստուած կենդանի

- 11 աւետարանին . Որոյ եղայ ես քարոզ  
եւ առաքեալ եւ վարդապետ հեթանոս-  
12 սաց , Վասն որոյ եւ զայս չարչարանս  
կրեմ , այլ ոչինչ ամօթ համարիմ ,  
քանզի գիտեմ յո հաւատացեալն եմ ,  
եւ հաստատեալ եմ թէ կարող է զա-  
13 ւանդն իմ պահել յօրն յայն : Ունիցիս  
օրինակ ողջմտութեան բանիցն զորս  
յինէն լուար , հաւատովք եւ սիրով  
14 որ ի Քրիստոս Յիսուս : Զբարւոք  
աւանդն պահեսցիր ի ձեռն Հոգւոյն  
Սրբոյ ի մեզ բնակելոյ :  
15 Զայս գիտասցիր զի մեկնեցան ի  
մէնջ ամենեքին որ էին յԱսիա , որոց  
սակի են Փիղեղոս եւ Հերմոգենէս :  
16 Տացէ Աստուած ողորմութիւն տանն  
Ոնեսիփորայ , զի բազում անգամ հան-  
գոյց զիս , եւ զկապանս իմ ոչ ամօթ  
17 համարեցաւ . Այլ իբրեւ եկն ի Հռովմ ,  
պնդազոյնս խնդրեաց զիս եւ եգիտ .  
18 (Տացէ նմա Տէր ողորմութիւն գտանել  
ի Տեառնէ յաւուրն յայնմիկ .) եւ որ-  
չափ ինչ միանգամ յեփեսոս սպաս կա-  
լաւ ինձ՝ զայն դու ինքնին քաջ գիտես :

## ԳԼ Բ

- 1 Այլ դու , որդեակ իմ , զօրացիր չնոր-  
2 հօքն որ ի Քրիստոս Յիսուս : Եւ զոր  
լուար յինէն բազում վկայիւք՝ զայն  
աւանդեցես հաւատարիմ մարդոց ,  
որք բաւական իցեն եւ զայլս ուսու-  
ցանել :  
3 ԳԶ . Վշտակից լեր իբրեւ զբարւոք  
4 զինուոր Քրիստոսի Յիսուսի : Ոչ ոք  
զինուորեալ աստէն ընդ կեանս աշ-  
խարհիս պատաղի , եթէ զօրավարին  
5 հաճոյ լինիցի : Եւ եթէ մարտիկ ոք  
իցէ , ոչ պսակի , եթէ ոչ ըստ օրինին  
6 մարտիցէ : Եւ հողագործին աշխատելոյ  
7 պարտ է նախ ի պտղոյն վայելել : Իմա՝  
զինչ ասեմ . տացէ քեզ Տէր իմաս-  
8 տութիւն յամենայնի . Յիշեա զՔրիս-  
տոս Յիսուս յարուցեալ ի մեռելոց , ի  
զաւակէ Դաւթի , ըստ աւետարանիս  
9 իմում . Յորում չարչարիմ կապանօք  
չափ իբրեւ զչարագործ , այլ բանն Աս-  
10 տուծոյ ոչ եթէ կապեալ իցէ : Վասն  
այնորիկ ամենայնի համբերեմ վասն  
ընտրելոցն , զի եւ նոքա փրկութեանն

- հասանիցեն որ ի Քրիստոս Յիսուս  
11 Ներկաւոր փառօքն հանդերձ . Հաւա-  
տարիմ է բանս . զի եթէ ընդ նմա մե-  
12 ռաք , ընդ նմին եւ կեցցուք . Եթէ  
համբերեմք , ընդ նմին եւ թագաւո-  
րեսցուք . եւ եթէ ուրանամք , եւ նա  
13 ուրանայ զմեզ . Եւ եթէ չհաւատամք ,  
նա հաւատարիմ մնայ , ուրանալ զանձն  
իւր ոչ կարէ :

- 14 ԿԻՐ . Զայս յուշ արասցիր՝ վկայու-  
թիւն եղեալ առաջի Յաստուծոյ , մի՛  
բանակոխ լինել յոչինչ պէտս ի կօր-  
15 ծանումն լսողաց : Փութասցիր զանձն  
քո ընտիր կացուցանել առաջի Աս-  
տուծոյ , մշակ առանց ամօթոյ , ուղիղ  
համառօտել զբանն ճշմարտութեան :  
16 Այլ ի պղծոց եւ ի սնոտի խօսից մեր-  
ժեսցիր , զի առաւել յառաջ զայցեն  
17 յամբարշտութիւնս . Եւ բանք նոցա  
իբրեւ դքաղցիկեղ ճարակ գտանեն . ո-  
րոց սակի են Հիմենոս եւ Փիղեթոս .  
18 Որք վրիպեցան ի ճշմարտութենէ , եւ  
ասենեթէ Յարութիւն մեռելոց արդէն  
իսկ եղեալ է , եւ կործանեն զհաւատս  
19 ոմանց : Այլ հաստատուն հիմն Աս-  
տուծոյ կայ եւ ունի զկնիքս զայս , թէ  
Ծանեալ Տէր զայնոսիկ որ իւրն են .  
եւ՝ Ի բաց լիցի յանիրաւութենէ ամե-  
նայն որ անուանէ զանուն Տեառն :  
20 Այլ ի տան մեծի ոչ միայն են անօթք  
ոսկեղէնք եւ արծաթեղէնք , այլ եւ  
փայտեղէնք եւ խեցեղէնք . են որ ի  
պատուի են եւ են որ յանարգութեան  
21 եթէ ոք սրբեսցէ զանձն իւր յայնպիս-  
եաց անտի , եղիցի անօթ պատուական՝  
սրբեալ եւ պիտանի Տեառն իւրում՝  
յամենայն գործս բարութեան պատ-  
22 րաստեալ : Այլ յերիտասարդական ցան-  
կութեանց փախիր , եւ եթ զհետ ար-  
դարութեան , զհաւատոց , զսիրոյ ,  
զխաղաղութեան , զարքութեան , ընդ  
այնոսիկ որ կարդան զանուն Տեառն  
23 սուրբ սրտիւք : Այլ ի յիմար եւ յան-  
խրատ խնդրոց հրաժարեա , գիտասցիր  
24 թէ անտի ծնանին կոիւք . Բայց ծա-  
ռայի Տեառն ոչ է պարտ կոռել , այլ  
հեզ լինել առ ամենեւեան , օւսուցիչ ,  
25 անոխակալ . Հանգարտութեամբ խրա-  
տել զհակառակողսն , թերեւս տացէ

ՅԵՂԵՆ , յաւիտեանակա

ՅԻՆԷՆ , Տեառն

ՅԻՆԷՆ , Քրիստոս

Ի Բ-Ե-Ն զ-Ի-Ե-Դ

Ի Բ-Ե-Ն զ-Ի-Ե-Դ

նոցա Աստուած ապաշխարութիւն ի  
26 գիտութիւն ճշմարտութեան. եւ սթա-  
փեացին յորոգայթից Մատանայի՝ որ-  
սացեալք ի նմանէ ի նորա կամօն:

ԳԼ. Գ

1 ԿԵՐ. Ձայս գիտասջիր եթէ յաւուրս  
յետինս եկեացեն ժամանակք չարք.  
2 Ձի եղիցին մարդիկ անձնասէրք, ար-  
ծաթասէրք, հպարտք, ամբարտաւանք,  
հայհոյիչք, անհաւանք ծնողաց, ան-  
3 չնորհք, բանասրկուք, անժոյժք, վէսք,  
4 անբարեսէրք, Մատնիչք, յանդգունք,  
ամբարհաւածք, ցունկասէրք մանա-  
5 ւանդ քան աստուածասէրք. Որ ունի-  
ցին զկերպարանս աստուածապաշտու-  
թեան, եւ ի զօրութենէ անտի նորա  
6 ուրացեալ իցեն. եւ խորչեալիք ի նո-  
7 ղանէ. Գանդի ի նոցանէ են որ մտա-  
նին տանէ ի տուն, եւ գերեն զկանայս  
չեղջակուտեալս մեղօք վարեալս ի  
8 պէսպէս ցանկութիւնս, Որ յամենայն  
9 ժամ ուսանին, եւ երբեք ի գիտու-  
թիւն ճշմարտութեան ոչ հասանեն:  
10 Այլ որպէս Յանէսն եւ Յամբէս հա-  
կառակ կացին Մովսիսի, նոյնպէս եւ  
սոքա հակառակ կան ճշմարտութեանն.  
11 մարդք ապականեալք մտօք՝ անպի-  
տանք ի հաւատս: Այլ ոչ երբեք դայ-  
ցեն յառաջ ի լաւ անդր. քանզի ան-  
մտութիւնն սոցա յայտնի լիցի ամենե-  
12 ղուն, որպէս եւ նոցայն իսկ եղեւ.  
13 Այլ զու զհետ եկիր վարդապետութեան  
իմոյ, առաջնորդութեան, յօժարու-  
թեան, հաւատոց, երկայնամտութեան,  
14 սիրոյ, համբերութեան, Հալածանաց,  
չարչարանաց, որպիսիք եղեն ինձ յԱն-  
տիոք եւ յիկոնիոն եւ ի Լիւստրոս,  
որպիսի՝ հալածանաց համբերի, եւ յա-  
12 մենայնէ փրկեաց զիս Տէր: Եւ ամե-  
նեքին որ կամիցին աստուածապաշտու-  
թեամբ կեալ ի Քրիստոս Յիսուս՝ ի  
13 հալածանս կացցեն: Այլ մարդք չարք  
եւ կախարդք յառաջ եկեացեն ի չար  
անդր. մոլորեալք եւ մոլորեցուցա-  
14 նիցեն: Այլ զու հաստատուն կաց յոր  
ուսարդ եւ հաւատարիմ եղեր, գիտես  
15 ուստի ուսար. Ձի ի մանկութենէ  
զգիրս սուրբս գիտես, որ կարող են  
իմաստուն առնել զքեզ ի փրկութիւն

ի ձեռն հաւատոցն որ ի Քրիստոս Յի-  
սուս:

16 ԴԵ. Ամենայն Գիրք աստուածա-  
շունչք եւ օգտակարք ի վարդապետու-  
թիւն են եւ ի յանդիմանութիւն եւ  
յուզողութիւն եւ ի խրատ արդարու-  
17 թեան. Ձի կատարեալ իցէ մարդն Աս-  
տուծոյ յամենայն գործս բարութեան  
հաստատեալ:

ԳԼ. Դ

1 Ձայս վկայութիւն դնեմ առաջի Աս-  
տուծոյ եւ Յիսուսի Քրիստոսի, որ  
դատելոց է զկենդանիս եւ զմեռեալս  
ի յայտնութեան իւրում եւ յարքայու-  
2 թեան. <sup>1</sup>Եւ զու՝ քարոզեա զքանն,  
հաս ի վերայ ժամու եւ տարածամու,  
յանդիմանեա, սաստեա, մխիթարեա  
ամենայն երկայնամտութեամբ եւ վար-  
3 դապետութեամբ: Գանդի եկեացէ ժա-  
մանակ զի ողջմտութեան վարդապե-  
տութեանն ոչ անսայցեն, այլ ըստ  
իւրաքանչիւր ցանկութեանց կուտես-  
ցեն իւրեանց վարդապետս, ըստ մար-  
4 մաջելոյ լսելեաց իւրեանց. Եւ ի ճշ-  
մարտութենէ անտի դարձուցանիցեն  
զլսելիս, եւ յառասպելս կործանեսցին.  
5 Այլ զու զուարթ կաց յամենայնի,  
ճգնեաց, զգործս աւետարանչի գոր-  
ծեա, զպաշտօնդ քո կատարեալ կալ:  
6 Ձի ես այսուհետեւ նուիրեալ եմ, եւ  
ժամանակ դարձի իմոյ հասեալ կայ:  
7 Զբարւոք պատերազմ պատերազմեցայ,  
զընթացն կատարեցի, զհաւատսն պա-  
8 հեցի: Այսուհետեւ կայ մնայ ինձ ար-  
դարութեան պսակն, զոր հատուցէ  
ինձ Տէր յաւուր յայնմիկ արդարն Դա-  
տաւոր, ոչ միայն ինձ, այլ եւ ամե-  
նեցուն որ սիրեցին զյայտնութիւն  
նորա:

9 ԶԵ. Փութասջիր գալ առ իս վաղվա-  
ղակի. զի Դեմաս եթող զիս եւ սիր-  
եաց զաշխարհ, եւ գնաց ի Թեսաղո-  
10 նիկէ. Կրեակէս՝ Յի Գալիլեա, Տիտոս՝  
ի Դադմատիա. Դուկաս միայն է ընդ  
11 իս: ԶՄարկոս առեալ ընդ քեզ ածի-  
ցեա, զի է ինձ պիտանի ի սպասա-  
12 ւորութիւն: ԶՏիւքիկոս առաքեցի

<sup>1</sup>ի 8-ւրդ գլխով

<sup>2</sup>ի 8-ւրդ, 1-րդ-ի՝ ի Գաղատիա, 1-ւրդ  
ի Գաղթա

13 յեփեսոս : Զփիլոնն <sup>1</sup>Թողի ի Տրովադա առ Կարպոսի , յորժամ գայցես , բերջիր , եւ զգիրսն , մանաւանդ զմատ-  
 14 եանան : <sup>2</sup>Աղեքսանդրոս բազում չար-  
 չարանս կցոյց ինձ : հատուցէ նմա  
 15 Տէր ըստ գործս նորա : Յորմէ եւ  
 դու անձնապահ լինիջիր , զի շատ  
 16 հակառակ եկաց բանից մերոց : Յա-  
 ռաջնում ատենին ոչ ոք ինձ ի թի-  
 կունս եկաց , այլ ամենեքին թողին  
 17 զիս : մի՛ համարեսցի նոցա այն : Այլ  
 Տէր օգնեաց ինձ , եւ զօրացոյց զիս ,  
 զի ինեւ քարոզութիւնն հաստատե-  
 ցի , եւ լուիցեն ամենայն հեթանոսք .  
 եւ ապրեցայ ես ի բերանոյ առիւծուն :  
 18 Փրկեսցէ զիս Տէր յամենայն գործոց  
 չարաց , եւ զերծուցէ զիս յարքայու-

թիւն իւր որ յերկինս է , որում փառք  
 յաւիտեանս յաւիտենից : Ամէն ,  
 19 Ողջոյն տալիր Պրիսկեայ եւ Ակիւ-  
 20 դեայ եւ Ոնեսիփորայ տանն : Երա-  
 տոս մնաց ի Կորնթոս : զՏրոփիմոս  
 21 թողի ի Մելիտոս հիւանդագին : Փու-  
 թասլիր յառաջ քան զձմեռն գալ :  
 Ողջոյն տան քեզ Եբուզոս եւ Պուդէս  
 եւ Ղինոս եւ Կղաւդիա եւ եղբարք  
 22 ամենեքեան : Տէր Յիսուս Բրիստոս  
 ընդ ոգւոյդ քում : Ծնորհք ընդ քեզ :

Աւ Տէմիւս երէրոր Բաւլն , որ է  
 Եփեսոսաց եկեղեցւոյն եղբայրս : Եւ  
 յեղեղեղեւ , բերցաւ ի Հռօմ , յորժ  
 երէրոր ահա՛ եկաց յապետէ Պաւլոս առ-  
 քէ Ներսէն իայեր Հռօմայ :

## ԱՌ ՏԻՏՈՍ

### ԹՈՒՂԹ

#### ԳԼՈՒԽ Ա

1 ԿԻՐ. ՊԱՒՂՈՍ , ծառայ Աստուծոյ եւ  
 առաքեալ Յիսուսի Բրիստոսի , ըստ  
 հաւատոց ընտրելոցն Աստուծոյ , եւ  
 ի զիսութիւն ճշմարտութեան որ ընդ  
 2 աստուածապաշտութեանն է , Յուսով  
 կենացն յաւիտենից , զոր խոստացաւ  
 անսուտն Աստուած յառաջ քան զժա-  
 3 մանակս յաւիտենից , Բայց յայտնեաց  
 իւրովք ժամանակօք զքանն իւր քա-  
 րոզութեամբ , որոյ եղէ ես հաւատա-  
 րիմ ըստ հրամանի Փրկչին մերոյ Աս-  
 4 տուծոյ , Տիտոսի որդւոյ սիրելւոյ ըստ  
 հասարակաց հաւատոց , շնորհք եւ  
 խաղաղութիւն յԱստուծոյ Հօրէ եւ  
 5 ի Բրիստոսէ Յիսուսէ՝ Փրկչէ մերմէ :

<sup>1</sup> Յայն , զոր Թողի

<sup>2</sup> Յայն , Աղեքսանդրոս քարբին

<sup>3</sup> Ողջոյն , յորժամ , Ամէն :

<sup>4</sup> Ողջոյն , ի Տեառնէ Յիսուսէ Բրիստոսէ

5 Վասն այնորիկ իսկ թողի զքեզ ի  
 Կրետէ , զի որ ինչ միանգամ պակաս  
 իցէ՝ ուղղեսցես , եւ կացուցես ըստ  
 քաղաքաց երիցունս , որպէս եւ ես  
 6 քեզ պատուիրեցի : Եթէ ոք անարատ  
 իցէ , միոյ կնոջ այր , որդեակս ունիցի  
 հաւատացեալս , եւ ոչ յամբաստանու-  
 թիւն անառակութեան կամ անհա-  
 7 զանդս : Զի պարտ է եպիսկոպոսին  
 անարատ լինել , որպէս եւ Աստուծոյ  
 տնտեսի : մի՛ յանդուգն , մի՛ բարկա-  
 ցող , մի՛ թշնամանող , մի՛ հարկանող ,  
 8 մի՛ զօջաքաղ , Այլ հիւրասէր , բարե-  
 սէր , ցած , արդար , սուրբ , ժուժկալ ,  
 9 Վերակացու լինել հաւատարիմ բանին  
 վարդապետութեան , զի կարող իցէ  
 եւ մխիթարել ողջմտութեամբ վար-  
 դապետութեանն , եւ զհակառակորդսն  
 10 կշտամբել : Գանդի բազումք են ան-  
 հնազանդք , զրախօսք եւ մտախաբք ,  
 մանաւանդ որ ի թլիփատութենէ անտի

11 են . Զորս պարտ է ըմբերանել որք  
զամենայն տունս կործանեն , եւ ու-  
սուցանեն զոր չէ արժան , վասն զօշա-  
քաղութեան :  
12 ԴԵ . Ասաց ոմն ի նոցանէ , իւրեանց  
իսկ մարգարէ , կրետացիք հանապա-  
զասուաք , չարածճիք , դատարկա-  
13 պորտք : Եւ ստոյգ է վկայութիւնս  
այս . վասն որոյ կշտամբեսցես զնոսա  
խոտազոյնս , զի առողջացին ի հա-  
14ւատս . Եւ մի՛ հայեսցին ի Հրէական  
առասպելս , եւ ի պատուէրս մարդ-  
կան զառածելոցն ի ճշմարտութենէ :  
15 Ամենայն ինչ սուրբ է սրբոց , բայց  
պղծոցն եւ անհաւատից ոչինչ է սուրբ ,  
այլ պղծեալ են միտք եւ խորհուրդք  
16 նոցա : Խոստանան գիտիկ զԱստուած ,  
եւ գործովք իւրեանց ուրանան . պիղծք  
եւ անհաւանք եւ յամենայն գործս  
բարեաց անպիտանք :

ԳԼ . Բ

1 Այլ դու խօսեաց որ ինչ վայելէ ող-  
2 ջամիտ վարդապետութեանդ . Մերոց  
զգաստս լինել , պարկեշտս , ցածունս ,  
ողջամիտս ի հաւատս , ի սէր , ի համ-  
բերութեան , ի ժողովակութեան :  
3 Պառաւանց նոյնպէս ի զգաստութեան ,  
ի սուրբ վայելչութեան , մի՛ բանսար-  
կուս , մի՛ գինեմոյս , այլ բարեխրատս .  
4 Զի զգաստացուցեն զմանկամարդան  
5 այրասէրս լինել , որդեսէրս , Յաճունս ,  
սուրբս , տնարարս , բարեգործս , հնա-  
զանդս իւրեանց արանց . զի մի՛ բանն  
Աստուծոյ <sup>2</sup> եւ վարդապետութիւնն :  
6 հայհոյեսցի . Զերիտասարգս նոյնպէս  
7 աղաչեսցի զյաճունս լինել . <sup>3</sup> Ամենե-  
ցուն զանձն՝ օրինակ կացուցանել գոր-  
ծոց բարութեան , վարդապետութեամբ  
զանեղծութիւն ունել , <sup>2</sup> զսրբութիւն ,  
8 զպարկեշտութիւն , Զբանն ողջմտու-  
թեան , անպարսաւ լինել , զի որ  
հակառակորդն իցէ՝ յամօթ լիցի , եւ  
մի՛ ինչ ունիցի ասել զմէնջ չարու-  
9 թիւն : Մառայից՝ իւրեանց տերանց  
հնազանդ լինել եւ հաճոյս յամենայնի .  
10 մի՛ հակառակորդս , Մի՛ հատուս , այլ  
զամենայն հաւատս ցուցանել բարու-

<sup>1</sup> Ի Եւանջիոյ զ-1-1-1

<sup>2</sup> Ի Եւանջիոյ զ-1-1-1

<sup>3</sup> Եւանջիոյ , Եւանջիոյ զանձն ք

թեամբ . զի զվարդապետութիւն Փրկ-  
չին մերոյ Աստուծոյ զարդարեսցեն  
յամենայնի :  
11 Քանզի երեւեցաւ շնորհն Աստուծոյ  
12 փրկիչ ամենայն մարդկան . Որ խրա-  
տէն զմեզ զի ուրասցուք զամբարըշ-  
տութիւն եւ զաշխարհական ցանկու-  
թիւնս , զգաստութեամբ եւ արդարու-  
թեամբ եւ աստուածապաշտութեամբ  
13 կեցցուք յաշխարհիս , եւ ակնկալուք  
երանելի յուսոյն , եւ յայտնութեան  
փառաց մեծին Աստուծոյ եւ Փրկչին  
14 մերոյ Յիսուսի Քրիստոսի . Որ ետ  
զանձն վասն մեր , զի փրկեսցէ զմեզ  
յամենայն անօրէնութենէ , եւ սրբես-  
ցէ իւր ժողովուրդ սեպական , նա-  
15 խանձաւոր գործոց բարութեան . Զայդ  
խօսեաց եւ միսիթարեա եւ յանդիմա-  
նեա ամենայն սաստիւք , զի մի՛ ոք  
իցէ որ զքեզ արհամարհիցէ :

ԳԼ . Գ

1 ԶԵ . Եւ յուշ արասցի շնոցա , իշխա-  
նութեանց եւ պետութեանց հնազանդ  
լինել եւ հպատակ կալ , եւ ամենայն  
գործոց բարութեան պատրաստ գտա-  
2 նել . Մի՛ զոք հայհոյել , անկուս լի-  
նել , հեզս , զամենայն ցածութիւն առ  
3 ամենայն մարդիկ ցուցանել : Զի էաք  
երբեմն եւ մեք անմիտք , անհաւանք ,  
մոլորեալք , ծառայէաք ցանկութեանց  
եւ պէսպէս անառակութեանց . չա-  
րութեամբ եւ նախանձու չրջէաք , ա-  
4 տեցեալք՝ եւ զմիմեանս ատէաք : Իսկ  
յորժամ քաղցրութիւն եւ մարդասի-  
րութիւն Փրկչին մերոյ Աստուծոյ  
5 յայտնեցաւ , Ոչ ի գործոց արդարու-  
թեան զոր արարաք մեք , այլ ըստ իւ-  
րում ողորմութեան ապրեցոյց զմեզ  
ի ձեռն աւազանին միւսանգամ ծնին-  
դեանն , եւ նորոգութեամբ Հոգւոյն  
6 Մրբոյ , Զոր եհեղ ի մեզ առատութեամբ  
ի ձեռն Յիսուսի Քրիստոսի Փրկչին  
7 մերոյ , Զի արդարացեալք շնորհօքն՝  
եղիցուք ժառանգաւորք յուսով կե-  
8 նալոցն յաւիտեանականաց : Հաւատարիմ  
է բանս . եւ ի սոյն կամիմ զքեզ հաս-  
տատուն լինել , զի փոյթ արասցեն  
գործոց բարեաց վերակացու լինել  
հաւատացեալքն յԱստուած , զի այն է  
9 բարի եւ օգտակար մարդկան : Այլ



զլիմարութեան խնդիրս եւ զտոհմա-  
թիւս եւ զհեռ եւ զօրինական կոիւսն  
ի լաց մորժեմս ջիր . զի անօգուտք են  
10 եւ անտոհմք : Յառնէ հերձուածողէ ,  
յիս մի անդամ եւ երկիցս խրատելոյ ,  
11 հրաժարես ջիր . Գիտաս ջիր զի թիւր-  
եալ է այնպիսին , եւ մեղանչէ՝ ան-  
ձամբ դանձն դատապարտեալ :  
12 Այլ յորժամ յղեցից առ քեզ զԱրտե-  
մա կամ զՏիւքիկոս , փութաս ջիր գալ  
առ իս ի նիկոպոլիս , զի անդ եղի ի  
13 մահ ձմերիւ : Եւ զՋենոն զօրինական  
դպիր եւ զԱպողոս փութով արձակես-

ջիր , զի մի՛ ինչ պակասիցէ նոցա .  
14 Ուսցին եւ մերքն եւս բարեաց զոր-  
ծոց վերակացու լինել ի պէտս կարե-  
15ւորս , զի մի՛ անպտուղք լինիցին . Ող-  
ջոյն տան քեզ որ ընդ իս են ամենե-  
քին . ողջոյն տուր սիրելեաց մերոց  
հաւատովք . շնորհք ընդ ձեզ ամենե-  
սին :<sup>1</sup>

Ա- Տէրոս, Կրեդացաց եկեղեցաց Խա-  
ղես յեռնաբերեալ եղէնապոս, Գրեցաւ ի նի-  
կոպոլէ Մակեդոնացաց :

## ՄԱՌ ՓԻԼԻՄՈՎՆ

ԵՒ ԱՌ ԱՐՔԻՊՊՈՍ ՍԱՐԿԱՒԱԳ ԵՒ ԱՌ ԱՊՓԻԱ

ԹՈՒՂԹ՝

1 ՊԱՒՂՈՍ , կապեալ Յիսուսի Քրիս-  
տոսի , եւ Տիմոթէոս եղբայր , Փիլի-  
մոնի սիրելոյ եւ գործակցի մերոյ ,  
2 Եւ Ապիկայ քեռ , եւ Արքիպպեայ  
զիսուորակցի մերոյ , եւ առանին ե-  
3 կեղեցւոյդ . Շնորհք ընդ ձեզ եւ խա-  
ղաղութիւն յԱստուծոյ Հօրէ մերմէ  
եւ ի Տեառնէ Յիսուսէ Քրիստոսէ :  
4 Գոհանամ զԱստուծոյ իմոյ յամու-  
նայն ժամ յիշատակեալ յաղօթս իմ  
5 վասն քո , իբրեւ լսեմ զքո հաւատսն  
եւ զսէր զոր ունիս առ Տէր Յիսուս  
6 եւ առ ամենայն սուրբս , Ձի հաղոր-  
դութիւն հաւատոցն քոց արդոյ լինի-  
ցի զիսութեամբ ամենայն բարու-  
թեան որ ի ձեզ է ի Քրիստոս Յիսուս :  
7 Խնդութիւն յոյժ ընկալայ եւ միութա-  
րութիւն ի վերայ սիրոյն քո , զի  
զուրք սրբոց քեւ հանգուցեալ են ,  
եղբայր :

8 Վասն որոյ բազում համարձակու-  
թիւն ունիմ ի Քրիստոս՝ հրաման տալ  
9 քեզ զարժանն , Վասն սիրոյ մանա-  
ւանդ թէ աղաչեմ իսկ , այնպիսի լի-  
նել որպէս ես Պաւղոս ծերացեալ , արդ  
եւ կապեալ եւս Յիսուսի Քրիստոսի :  
10 Աղաչեմ զքեզ վասն որդւոյ իմոյ զոր  
11 ծնայ ի կապանս իմ , զՈւնիսիմոս . Որ  
երբեմն անպիտան էր քեզ , լայց արդ  
12 քեզ եւ ինձ պիտանի . Ձոր յղեցի առ  
քեզ . եւ դու զգա ընկալջիր , այսինքն  
13 է զիմ աղիս . Ձոր կամէի առ իս ար-  
գելուլ , զի ընդ քո ունիցի ինձ սպաս  
14 ի կապանս աւետարանին : Բայց ա-  
ռանց քո կամաց ոչինչ կամեցայ առ-  
նել , զի մի՛ բարիքդ քո ի հարկէ լի-  
15նիցին , այլ կամաւ : Եւ թերեւս վասն  
այնորիկ մեկնեցաւ առ ժամանակ մի .  
16 զի յաւիտեան ունիցիս զգա , Մի՛ եւս  
իբրեւ զծառայ , այլ ի վեր քան զծա-  
ռայ , իբրեւ զեղբայր սիրելի . եթէ ինձ  
այսպէս , ո՞րչափ եւս առաւել քեզ  
17 մարմնով եւ Տերամբ : Եթէ զիս քեզ  
հաղորդ համարիցիս , ընկալ զգա իբ-  
18րեւ զիս : Եւ եթէ յանցուցեալ ինչ իցէ

<sup>1</sup> Ունիսիմոս , Սիւնի :

<sup>2</sup> Ունիսիմոս , Սիւնի փիլիմոն . այլ՝ Թուղթ Պաւ-  
ղոսի առաքելոյ առ Փիլիմոն :

<sup>3</sup> Ունիսիմոս , Երեւելոյ :

կամ պարտիցի, զայն ինձ համարեաց :  
 19 Ես Պաւղոս գրեցի իմով ձեռամբ, ես  
 հատուցից . զի մի՛ ասիցեմ քեզ թէ եւ  
 20 դու զանձն քո ինձ պարտիս : Այո ,  
 եղբայր , <sup>1</sup> ես քո փոխանակ եղէց՝ ի  
 Տէր . հանգո զաղիսդ իմ ի Քրիստոս :  
 21 Թուսացեալ ի հնազանդութիւնդ քո  
 գրեցի առ քեզ , քանզի գիտեմ թէ ա-  
 ռաւել եւս քան զոր ասեմդ՝ առնիցես :  
 22 Միանգամայն եւ պատրաստես իր  
 ինձ վանս , քանզի յուսամ եթէ աղօ-  
 23 թիւք ձերովք չնորհեցայց ձեզ : Ողջոյն

տայ ձեզ Եպափրաս գերեկից իմ ի  
 24 Քրիստոս Յիսուս , Եւ Մարկոս եւ Ա-  
 ռիստարքոս եւ Դեմաս եւ Դուկաս՝  
 25 գործակիցք իմ : Շնորհք Տեառն մերոյ  
 Յիսուսի Քրիստոսի ընդ ոգւոյդ ձե-  
 րում :<sup>2</sup>

Աւ Փիլիմոս և Ապփիւ, Կեօս Ուեմիմայ,  
 և աւ Արիպպոս, արհաւիր Կղարսոյսոյ  
 եկեղեցոյն, էրեցաւ ի Հառիփ ի յեռն Ու-  
 րեմիայ Զառայի :

## ԱՌ ԵՐՐԱՅԵՑԻՍ

### ԹՈՒՂԹ

#### ՎՈՒՄ Ա

1 Եպ. ԲԱՋՈՒՄ մասամբք եւ բազում  
 օրինակօք կանխաւ խօսեցաւ Աստուած  
 2 ընդ հարսն <sup>3</sup> մեր մարգարէիւք . ի վախ-  
 ձան աւուրցս այսոցիկ խօսեցաւ ընդ  
 մեզ Որդւովն զոր եզ ժառանգ ամե-  
 նայնի, որով եւ զյաւիտեանսն արար .  
 3 Որ է լոյս փառաց եւ նկարագիր էութեան  
 նորա , որ կրէ զամենայն բա-  
 նիւ զօրութեան իւրոյ , <sup>4</sup> սրբութիւն  
 մեղաց մերոց արարեալ՝ նստաւ ընդ  
 4 աջմէ Մեծութեանն ի բարձունս : Այն-  
 չափ առաւել եղեալ քան զհրեշտակս ,  
 որչափ լաւ եւս քան զնոսա անուն  
 5 ժառանգեաց , Քանզի ցո՞ երբեք ասաց  
 ի հրեշտակաց , Որդի իմ ես դու , ես  
 այսօր ծնայ զքեզ . եւ զարձեալ թէ  
 6 Ես եղէց նմա ի Հայր , եւ նա եղիցի  
 ինձ յՈրդի : Այլ յորժամ միւսանգամ  
 մուծցէ զանդրանիկն յաշխարհ , ասէ ,  
 Երկիր պապցեն նմա ամենայն հրեշ-

7 տակք Աստուծոյ : Այլ ծառ հրեշտակսն՝  
 ասէ , Ո արար զհրեշտակս իւր հոգիս ,  
 8 եւ զպաշտօնեայս իւր՝ բոց հոյ : Իսկ  
 ցՈրդին ծառ , Աթոռ քո , Աստուած ,  
 յաւիտեանս յաւիտենից . զաւագան  
 ուղղութեան՝ զաւագան արքայու-  
 9 թեան քո : Սիրեցեր զարդարութիւն եւ  
 ատեցեր զանօրէնութիւն . վասն այսո-  
 րիկ օծ զքեզ , Աստուած , Աստուած քո  
 իւղով ուրախութեան առաւել քան  
 10 զընկերս քո : Եւ , Դու , Տէր , ի սկզբա-  
 նէ զերկիր հաստատեցեր , եւ գործք  
 11 ձեռաց քոց երկինք են : Նոքա կորնչին,  
 եւ դու կաս եւ մնաս . ամենեքեան  
 12 իբրեւ զձորձս մաշեցին , եւ իբրեւ  
 զփերարկու զալարեսցես զնոսա՝ <sup>8</sup> իբ-  
 րեւ զհանդերձ , եւ <sup>9</sup> զալարեսցին . բայց  
 զու նոյն իսկ ես , եւ ամբ քո ոչ պա-  
 13 կասեսցեն : Ծո՞ երբեք ասաց ի հրեշ-  
 տակաց , Նիստ ընդ աջմէ իմմէ , մին-  
 չեւ եղից զթշնամիս քո պատուանդան  
 14 ոտից քոց : Ո՞չ ասաքէն ամենեքեան

<sup>1</sup> Թ-յն , օգտեցայց , իմ, ուրախ եղէց քեւ

<sup>2</sup> Ուրեւ յաւիտեանս , Ամէն :

<sup>3</sup> Ի Բազումս զաւագան

<sup>4</sup> Ուրեւ , անձամբ սրբութիւն

<sup>5</sup> Կամ , զհրեշտակաց

<sup>6</sup> Ի Բազումս զաւագան

<sup>7</sup> Ուրեւ , փոխեցես

<sup>8</sup> Բազումս զաւագան

<sup>9</sup> Թ-յն , փոխեցին

հոգիք են հարկաւորք որ առաքին ի սպասաւորութիւն վասն այնոցիկ որ ժառանգելոցն են զփրկութիւն :

## ԳԼ. Բ

- 1 ԵՂ. Վասն այնորիկ պարտ է մեզ առաւել եւս ունկնդիր լինել բանիցն ասացելոց, զի մի՛ երբեք նուազեա-  
 2 ցուք : Զի եթէ որ ի ձեռն հրեշտակաց խօսեցաւ բանն՝ հաստատուն եղեւ, եւ ամենայն յանցաւորութիւն եւ անհնազանդութիւն ընկալաւ զպատիժ  
 3 պատուհասի, Մեք զիմք ապրեցուք հեղապեղաւր յայնպիսի փրկութիւնէ, որ սկիզբն ա՛ւ խօսելոյ ի Տեառնէ, եւ ի ձեռն այնոցիկ որ լուանն ի մեզ հաստատեցաւ. Վկայեալ յԱստուծոյ նշանօք եւ արուեստիւք եւ պէսպէս զօրութեամբք եւ մասամբք Հոգւոյն Սրբոյ ըստ իւրոց կամաց :
- 5 Զի ոչ իմէ հրեշտակաց հնազանդեցոյց զհանդերձեալ աշխարհն, վասն որոյ մեքս խօսիմք : Վկայեաց ոք ուրեք եւ ասէ, Զինչ է մարդ եթէ յիշեցես զնա, կամ որդի մարդոյ թէ  
 7 այց արասցես նմա : Փոքր մի խոնարհ արարիւր զնա քան զհրեշտակս. փառօք եւ պատուով պսակեցիւր զնա, եւ կացուցիւր զնա ի վերայ ձեռակերտաց  
 8 քոց. Զամենայն ինչ հնազանդ արարելի ի ներքոյ ոտից նորա. արդ ի հնազանդեցուցանելն զամենայն՝ ոչինչ եթող անհնազանդ ի նմանէ. բայց այժմ ոչ եւս տեսանեմք հնազանդեալ նմա  
 9 զամենայն : Այլ զփոքր մի խոնարհեալ քան զհրեշտակս տեսանեմք զՅիսուս վասն չարչարանաց մահուն, փառօք եւ պատուով պսակեալ, զի չնորհօքն Աստուծոյ վասն ամենեցուն զմահ ճա-  
 10 շակեցէ : Զի վայել էր իսկ նմա (վասն որոյ ամենայն եւ որով ամենայն) բազում որդիս ի փառս ածել՝ զառաջնորդ փրկութեան նոցա չարչարանօք կատարել :
- 11 Զի որ սրբէն եւ որ սրբին՝ ի միոջէ ինն ամենեքեան, վասն որոյ ոչ ամօթ համարի եղբարս անուանել զնոսա եւ  
 12 ասել, Պատմեցիք զանուն քո եղբարց իմոց, ի մէջ եկեղեցւոյ օրհնեցից զքեզ :

- 13 Եւ դարձեալ թէ՛ Ես եղեց յուսացեալ ի նա. եւ դարձեալ՝ Ահաւասիկ ես եւ մանկունք ՚իմ, զոր ետ ինձ Աստուած :
- 14 Արդ որովհետեւ մանկունք հաղորդեցին արեան եւ մարմնոյ, եւ ինքն իսկ մերձաւորութեամբ կցորդ եղեւ. նոցունց, զի մահուն ՚իւրով խտրանեացէ զայն որ զիշխանութիւն մահուն  
 15 ունէր, այսինքն է՝ զՍատանայ. եւ ապրեցուցէ զայնոսիկ որ մահուն երկրորդ եւ հանապաղ կէին վտարանդեալք  
 16 ի ծառայութիւն : Քանզի ոչ երբեք զհրեշտակաց բուն հարկանէ, այլ զգաւակէն Արարամու բուն հարկանէ :  
 17 Ուստի պարտ իսկ էր նմա ամենայնիւ եղբարց նմանել, զի ողորմած լինիցի եւ հաւատարիմ քահանայապետ յաստուածակոյս կողմանէ սնտի, առ  
 18 ի քաւելոյ զմեզս ժողովրդեանն : Զի որով ինքն չարչարեցաւ զփորձ առեալ կարող է եւ փորձանաւորացն օգնական լինել :

## ԳԼ. Գ

- 1 Ուստի, եղբարք սուրբք, երկնաւոր կոչմանն բաժանորդք, նայեցարուք ընդ Առաքեալն եւ ընդ Քահանայապետ խոստովանութեան մերոյ ընդ Յիսուս  
 2 Քրիստոս. Որ հաւատարիմ է արարչին իւրոյ, որպէս եւ Մովսէս յամենայն տան նորա, Զի առաւել եւս փառաց քան զՄովսէս արժանի եղեւ, որչափ առաւել պատիւ ունիցի քան  
 3 զտունն տանն առնելի : Զի ամենայն տուն կազմի յուսէ կազմի. իսկ որ  
 4 զամենայն արար՝ Աստուած է : Մովսէս հաւատարիմ է յամենայն տան նորա իբրեւ զծառայ առ ի վկայութե-  
 5 նէ բանից ասացելոց. Այլ Քրիստոս իբրեւ որդի ի վերայ տան իւրոյ. որոյ տունն մեք իսկ եմք, միայն թէ զհամարձակութիւն եւ զպարծանս յուսոյն մինչեւ ի վախճան հաստատուն ունիցիմք :
- 7 Վասն որոյ այսպէս ասէ Հոգին Սուրբ, Այսօր եթէ ձայնի նորա լուի-  
 8 ցէք, Մի՛ խտացուցանէք զսիրտս ձեր իբրեւ ի դառնութեանն՝ յաւուրն փոր-  
 9 ձութեան յանապատի, Ուր փորձեցին

զիս հարքն ձեր, քննեցին զիս եւ տե-  
 10 սին զգործս իմ զքառասուն ամ. վասն  
 որոյ տաղտկացայ ազգաւն այնուիկ,  
 եւ ասացի, Միշտ մոլորեալ են սրտիւք,  
 եւ նոքա ոչ ծանեան զճանապարհս  
 11 իմ. Որպէս երդուայ ի բարկութեան  
 իմում թէ Մտցեն ի հանգիստ իմ:  
 12 ԵՁ. Տեսէք, եղբարք, գուցէ երբեք  
 լինիցի յուսմք ի ձէնջ սիրտ չար ան-  
 հաւատութեան՝ ապստամբ լինել յԱս-  
 13 տուծոյ կենդանւոյ. Այլ միսթարեցէք  
 զմիմեանս զօրհանապազ՝ մինչդեռ՝ այ-  
 սորդ առաջի կայ՝, զի մի՛ ոք խստացի  
 14 ի ձէնջ խաբէութեամբ մեղաց, Քանզի  
 բաժանորդք եղեաք Քրիստոսի, միայն  
 թէ զսկիզբն հաստատութեանն մինչեւ  
 15 ի վախճան պինդ կայցուք. Յասկին,  
 Այսօր եթէ ձայնի նորա լուիցէք, մի՛  
 խստացուցանէք զսիրտս ձեր իբրեւ ի  
 16 դառնութեանն. Քանզի զմանք լուան  
 եւ դառնացուցին, այլ ոչ ամենեքեան  
 որ՝ ելեալ էին յԵգիպտոսէ ի ձեռն  
 17 Մովսիսի. Յուսմէ՞ տաղտկացաւ զքա-  
 ռասուն ամն. ո՞չ ապաքէն ի յանցու-  
 ցելոցն, որոց ոսկերքն անկան յանա-  
 18 պատի անդ. Ո՛ւմ երդուաւ չմտանել  
 ի հանգիստս իւր, եթէ ոչ՝ անհաւա-  
 19 տիցն. Եւ տեսանեմք զի ոչ կարացին  
 մտանել վասն անհաւատութեանն:

ԳԼ. Դ

1 Երկիցուք այսուհետեւ, զգուցէ ի թո-  
 ղուլ զաւետիսն՝ ի մտանելոյ՝ ի հան-  
 գիստ նորա, գտանիցի ոք ի ձէնջ  
 2 նուագեալ. Քանզի եմք աւետարան-  
 եալք որպէս եւ նոքայն. այլ նոցա  
 ոչինչ օգնեաց լուր բանին, զչամոքե-  
 րոցն ի հնազանդութիւն հաւատոց՝,  
 3 Այլ միք մտանեմք ի հանգիստս որք  
 հաւատացաք. որպէս եւ ասացն թէ  
 Որպէս երդուայ ի բարկութեան իմում,  
 թէ Մտցեն ի հանգիստ իմ. թէպէտ  
 եւ արդիւնքն ի սկզբանէ այխարհի  
 4 լիեալ էին. Քանզի ասէ ուրեք վասն  
 աւուրն եւ թնորդի այսպէս. Եւ

հանգեաւ Աստուած յաւուրն եւ թնե-  
 5 ըրորդի յամենայն գործոց իւրոց. Եւ  
 աստ դարձեալ ասէ թէ Մտցեն ի հան-  
 6 գիստ իմ. Եւ արդ՝ ջանգի արգելան  
 ոմանք մտանել՝ ի նա, եւ որք յառա-  
 ջագոյն աւետարանեալն էին՝ չմտին  
 7 վասն անհաւանութեանն. Դարձեալ  
 այլ օր սահմանէ, զԱյսօրն ի Դաւթի  
 եւ ասէ յետ այնչափ ժամանակաց,  
 որպէս յառաջագոյնն ասաց, Այսօր  
 եթէ ձայնի նորա լուիցէք, մի՛ խստա-  
 8 ցուցանէք զսիրտս ձեր. Զի եթէ զնո-  
 սա Յեսուայ հանգուցեալ էր, ապա  
 վասն այլոյ աւուր ոչ խօսէր յետ այ-  
 9 նորիկ. Արդ ուրեմն ճշտագեալ է՝  
 չաքաթումն ժողովրդեանն Աստուծոյ.  
 10 Զի որ եմուտ ի հանգիստս նորա, եւ  
 նա հանգեաւ իւրոց գործոց անտի,  
 որպէս եւ Աստուած յիւրայոցն. ՎՋ.  
 11 Փութասցուք այսուհետեւ մտանել  
 յայն հանգիստ, զի մի՛ ոք ընդ նովին  
 օրինակաւ անհաւանութեանն անկա-  
 12 նիցի. Զի կենդանի է բանն Աստուծոյ  
 եւ ազդող եւ հատու քան զամենայն  
 սուր երկտայրի, եւ անցանէ մինչեւ  
 ցորոշումն շնչոյ եւ ոգւոյ եւ յօդից  
 եւ ուղղոյ, եւ քննիչ է մտաց եւ խոր-  
 13 հրդոց սրտից. Եւ չիք արարած անե-  
 րեւոյթ յերեսաց նորա, այլ ամենայն  
 ինչ մերկապարանոց կայ առաջի աչաց  
 նորա՝ զորմէ մեր բանքս են.  
 14 Ունիմք այսուհետեւ Քահանայապետ  
 մեծ անցեալ ընդ երկինս, զՅիսուս  
 զՈրդին Աստուծոյ, պինդ կայցուք  
 15 զխոստովանութիւնն. Քանզի ոչ եթէ  
 ունիմք քահանայապետ որ չիցէ կարող  
 չարչարակից լինել տկարութեան մե-  
 րոյ, այլ փորձ է ամենայնիւ ըստ  
 նմանութեան, առանց մեղաց.  
 16 ԶԿ. Մատիցուք այսուհետեւ համար-  
 ձակութեամբ առաջի աթոռոյ շնոր-  
 հացն նորա, զի ընկայցուք զօղոր-  
 մութիւն եւ գտցուք շնորհս ի դէպ  
 ժամանակի օգնականութեան:

ԳԼ. Ե

1 Զի ամենայն քահանայապետ ի մարդ-  
 կանէ առեալ վասն մարդկան կայ

<sup>1</sup> Ե-յն, այսօր կայ

<sup>2</sup> Կ-ժ, ոչ լուան ե. դառնացուցին. ո՞չ ամն-  
 նեքեան որ

<sup>3</sup> Ե-յն, գուցէ, մինչդեռ կան մեան աւետիքն  
 մտանելոյ

<sup>4</sup> Կ-ժ, զի ոչ ամենայն հաւատովք յոր լուան

<sup>5</sup> Ե-յն, քանզի կայ մեայ ամենայն մտանել

<sup>6</sup> Ե-յն, կայ մեայ Դի Ե-ւնի գովաթի

յաստուածակոյս կողմն անդր, զի մատուցէ պատարագս եւ զոհս վասն 2 մեղաց. Չափով չարչարակից կարող է լինել տգիտաց եւ մոլորելոց, քանզի եւ ինքն իսկ տկարութեամբ զգածեալ 3 է. վասն այնորիկ հարկ է որպէս վասն ժողովրդեանն, նոյնպէս եւ ընդ անձին մատուցանել պատարագս վասն 4 մեղաց, Եւ ոչ եթէ անձամբ ոք առնու պատիւ, այլ կոչեցեալն յԱստուծոյ, 5 որպէս եւ Աւարոն, նոյնպէս եւ Քրիստոս ոչ եթէ անձին ինչ շուք եղ լինել քահանայապետ, այլ որ խօսեցաւն առ նա՝ թէ Որդի իմ ես չու, ես այս 6 օր ծնայ զքեզ. Որպէս եւ ի միւսումն ասէ, Դու ես քահանայ յաւիտեան 7 ըստ կարգին Մեղքիսեղեկի, Որ յաւուրս մարմնոյ իւրոյ աղօթս եւ պաղատանս առ այն որ կարողն էր ապրեցուցանել զնա ի մահուանէ՝ ուժգին զոչմամբ եւ արտասուօք մատուցանէր, եւ լսելի լինէր առ լաւութեանն, 8 թէպէտ եւ Որդի է, ուսաւ ի չարչարանաց անտի զհնազանդութիւն. Եւ իբրեւ կատարեցաւ, եղեւ ամենայն հնազանդելոց իւրոց պատճառք փրկու 10 թեանն յաւիտենից. Եւ անուանեցաւ յԱստուծոյ քահանայապետ յաւիտենից ըստ կարգին Մեղքիսեղեկի, 11 ԶԴ. վասն որոյ բազումք են մեղքանք, եւ դժուարապատում ի մեկնել, քանզի խօթամիտք եղերուք լսելօք. 12 Փոխանակ զի պարտ էր ձեզ լինել վարդապետս վասն ժամանակին, դարձեալ պիտոյ է ձեզ ուսանել թէ զինչ են նշանադիրք սկզբան բանիցն Աստուծոյ. եւ եղերուք կարօտք կաթին, 13 եւ ոչ հաստատուն կերակրոյ. Զի ամենայն որ կաթնկեր է՝ տղէտ է բանին արդարութեան, քանզի տղայ է. 14 Այլ կատարելոցն է հաստատուն կերակուր, որոց վասն ի չափսն հասանելոյ՝ ճաշակելիքն կիրթ են ընտրութեան բարւոյ եւ չարի:

## ԳԼ. 2

1 Վասն որոյ թողեալ զբան սկզբանն Քրիստոսի՝ ի կատարումն եկեցցուք.

1 ի բաւական գոյ-տի

2 Յ. Եւ, առ ընդհանրութեան

մի՛ միւստեղամ արկանել հիմն տալալ խարութեան ի մեռելոտի գործոց ան 2 տի, եւ հաւատոցն որ յԱստուած, Եւ մկրտութեանցն վարդապետութեան, եւ ձեռնադրութեան ձեռաց, եւ յարութեան մեռելոց, եւ դատաստանին 3 յաւիտենից. Եւ արդ արասցուք զայն, 4 եթէ Աստուած հրամայեցէ. Քանզի անհնար է միանգամ մկրտելոցն որ ճաշակեցին յերկնաւոր պարգեւացն, 5 եւ հաղորդք եղեն Հոգւոյն Սրբոյ, Եւ զգեղեցիկ բանին Աստուծոյ ճաշական ճաշակեցին, եւ զգորութիւնս հան 6 դերձելոյ աշխարհին, Եւ կործանեցին, միւսանգամ նորոգել յապաշխարութիւն, եւ վերստին ի խաչ հանել անձանց զՈրդին Աստուծոյ, եւ դար 7 ձեալ խայտառակել. Քանզի երկիր որ ըմպիցէ զանձրեւ բազում անգամ եկեալ ի վերայ նորա, եւ ծնանիցի արդիւնս չայեկանս նոցա վասն որոց գործիցին, ընդունի զօրհնութիւն յԱստուծոյ. Իսկ որ բերէ փուշ եւ տատակ, անպիտան է եւ մերձ յանէծս, եւ վախճան նորա յայրումն:

9 ԶԶ. Բայց հաստատեալ եմ վասն ձեր, սիրելիք, ի լաւ անդր եւ որ լինէ փրկութեամբ, զի թէպէտ եւ այսպէս 10 խօսիմք. Ոչ եթէ անիրաւ ինչ է Աստուած մոռանալ զգործս ձեր եւ զսէրն զոր ցուցէք յանուն նորա, զի պաշտէիք զսուրբան եւ պաշտէք. Եւ մեք ըղձանամք զի իւրաքանչիւր ոք ի ձէնջ զնոյն փոյթ ցուցանիցէ ի հաստատու 12 թիւն յուսոյն մինչեւ ցվախճան. Զի մի՛ հիւանդամիտք լինիցիք, նմանողք եղերուք այնոցիկ որ հաւատովքն եւ երկայնատութեամբ ժառանգեցին զաւ 13 ւետիսն. Զի Աբրահամու խոստացեալ զաւետիսն՝ Աստուծոյ, քանզի յայլ ոք 14 ի մեծ ոչ գոյր երդնուլ, Յանձն իւր երդուաւ եւ ասէ, Այո, օրհնելով օրհնեցից զքեզ, եւ բազմացուցանելով 15 բազմացուցից զքեզ. Եւ այնպէս երկայնամիտ եղեալ՝ եհաս աւետեացն. 16 Ապաքէն մարդիկ որ ինչ ի վեր է քան զինքեանս՝ յայն երդնուն, եւ ամենայն հակառակութեան նոցա վճիռ ի 17 հաստատութիւն՝ երդումնն է. Որով առաւել եւս կամեցեալ Աստուծոյ

3 Յ. Եւ, լուսաւորելոցն

4 ի Ե. Եւ, գոյ-տի

ցուցանել ժառանգաւորաց աւետեացն զհաստատութիւն խորհրդոյն իւրոյ ,  
18 միջնորդեաց երդամբ . Զի երկու ան-  
փոփոխելի իրօքն որովք անհնար իցէ  
ստել Աստուծոյ հաստատուն միսթա-  
րութիւն ունիցիմք , որք ապաստան  
եղեաք բուռն հարկանել զհանգերձեալ  
19 յուսոյն . Զոր իբրեւ զխարիսխ հաս-  
տատուն եւ անշարժ ունիցիմք ան-  
ձանց մերոց , որ եւ մտանիցէ ի ներքին  
20 կողմն վարագորին . Ուր կարապետն  
մեր Յիսուս եմուտ վասն մեր , ըստ  
կարգին Մեղքիսեղեկի եղեւ քահանա-  
յապետ յաւիտենից :

ԳԼ Է

1 Քանզի այս Մեղքիսեղեկ թագաւոր էր  
Սաղիմայ , քահանայ Աստուծոյ բարձ-  
րելոյ , որ ել ընդ առաջ Աբրահամու ,  
յորժամ դարձեալ գայր ի կոտորածէ  
2 թագաւորացն , եւ օրհնեաց զնա . Ու-  
րում եւ տասանորդս յամենայնէ ետ  
Աբրահամ . նախ թարգմանի թագաւոր  
արդարութեան , ապա թագաւոր Սա-  
ղիմայ՝ որ է թագաւոր խաղաղութեան .  
3 Անհայր , անմայր , չհամարեալ յազգս ,  
որոյ ոչ սկիզբն աւուրց եւ ոչ կատա-  
րած կենաց . նմանեալ Որդւոյն Աս-  
տուծոյ՝ կայ մնայ քահանայ մշտնջե-  
նաւոր :  
4 Արդ տեսէք որպիսի ոք էր սա , ու-  
րում եւ Աբրահամ տասանորդս ետ  
5 յաւարէ անտի , նահապետն : Եւ որք  
յորդուոցն Ղեւեայ զքահանայութիւնն  
առնուն՝ պատուէր ունին տասանորդել  
զժողովուրդն ըստ օրինացն , այսինքն  
է զեղբարս իւրեանց . թէպէտ եւ ել-  
6 եալ իցին յերանացն Աբրահամու . Իսկ  
չհամարեալ յազգս ի նոցանէ՝ տասա-  
նորդեաց Ղեւեայն , եւ զնա որոյ  
7 զաւետիսն ընկալեալ էր՝ օրհնեաց , Զի  
առանց ամենայն հակառակութեան՝  
նուազն ի լաւէ անտի օրհնեացի :  
8 Եւ աստ մարդք մահկանացուք տա-  
սանորդս առնուն . բայց անդ՝ <sup>1</sup> վկայե-  
9 ցաւ թէ կենդանի է . Եւ որպէս բա-  
նից կարգ է ասել , թէ Աբրահամաւ  
եւ Ղեւի իսկ որ զտասանորդսն առ-  
10 նայր՝ տասանորդեցաւ . Զի դեռ եւս

յերանս հօր իւրոյ էր , յորժամ ընդ  
առաջ եղեւ նմա Մեղքիսեղեկ :  
11 Իսկ արդ՝ եթէ կատարումնն ի ձեռն  
Ղեւեայցուոց քահանայութեանն էր ,  
(քանզի ժողովուրդն յայն օրէնսդրե-  
ցաւ ,) զինչ պիտոյ էր ըստ կարգին  
Մեղքիսեղեկի այլում քահանայի յառ-  
նել , եւ ոչ ասել թէ ըստ կարգին Ա-  
12 հարոնի : Այլ ի փոփոխել քահանայու-  
թեանն հարկ էր եւ օրինացն փոփո-  
13 խումն լինել , Զի զորմէ այսպէսն ասի՝  
յայլմէ ազգէ կալաւ հաղորդութիւն ,  
յորմէ ոչ ոք երբեք եղեւ հաղորդ սե-  
14 զանոյն . Արդ յայտ իսկ է թէ յազգէ  
Յուդայ ծագեաց Տէր մեր , յորմէ ազգէ  
վասն քահանայից Մովսէս ինչ ոչ ճառ-  
15 եաց . Եւ եւս առաւել յայտ է թէ ըստ  
նմանութեան Մեղքիսեղեկի յառնելոց  
16 է այլ քահանայ , Որ ոչ ըստ մարմնա-  
ւոր պատուիրանին եղեւ , այլ ըստ  
զօրութեան կենացն անվախճանից :  
17 Քանզի վկայեցաւ թէ Դու ես քահա-  
նայ յաւիտեան ըստ կարգին Մեղքի-  
18 սեղեկի : <sup>2</sup> Արհամարհութիւն լինէր ա-  
ռաջին պատուիրանին վասն նորին  
տկարութեանն եւ անշահութեան .  
19 Քանզի ոչինչ կատարումն զործեցին  
օրէնքն , <sup>3</sup> եւ մուտ ազնուական յու-  
սոյն որով մերձենամք առ Աստուած :  
20 Եւ այնչափ զի ոչ առանց երդման .  
(զի են ոմանք որ առանց երդման են  
21 կացեալ քահանայք . Բայց սա երդ-  
մամբ ի ձեռն այնորիկ որ ասացն ի նա ,  
Երդուաւ Տէր եւ ոչ եւս զղջացի ,  
22 Դու ես քահանայ յաւիտեան<sup>4</sup> .) Եւ  
այնչափ յաւազոյն ուխտի եղեւ երաշ-  
խաւոր Յիսուս :  
23 Եւ բազում են կացեալ քահանայք  
վասն մահու արգել լինելոյ ի մշտնջե-  
24 նաւորել , Իսկ սա վասն յաւիտեան  
կալոյ՝ առանց անցանելոյ ունի զբա-  
25 հանայութիւնն . Ուստի եւ կենդանի  
առնել համօրէն կարող է զմատու-  
ցեալսն նովաւ առ Աստուած . քանզի  
միշտ կենդանի է լինել բարեխօս վասն  
նոցա :  
26 Ա . Զի այսպիսի իսկ եւ վայել էր  
մեզ քահանայապետ , սուրբ , անմեղ ,

<sup>1</sup> Թ-յն , որ վկայեցաւ

<sup>2</sup> Թ-յն , Զի արհամարհութիւն

<sup>3</sup> Թ-յն , այլ

<sup>4</sup> Թ-յն , յաւիտեան , ըստ կարգին Մեղքիսեղեկի

անարատ, զատեալ ի մեղաւորաց եւ  
 27 բարձրացեալ քան զերկինս . Որում ոչ  
 հանապազ հարկ է, որպէս այլոց քա-  
 հանայապետիցն, նախ վասն իւրեանց  
 մեղացն պատարագս մատուցանել եւ  
 ապա վասն ժողովրդեանն . իսկ սա  
 զայն միանգամայն կատարեաց, զի  
 28 զանձն իւր մատոյց պատարագ . Օ-  
 րէնքն զմարդիկ կացուցանեն քահա-  
 նայապետս, զգածեալս տկարութեամբ,  
 իսկ բանն երդման յետ օրինացն՝ զՈր-  
 զի, որ յաւիտեան կատարեալ է :

## ԳԼ Ը

1 Եւ բանից զլուս խօսիցս՝ այնպիսի  
 ունիմք քահանայապետ, որ նստաւ  
 ընդ աջմէ Մեծութեան աթոռոյն յեր-  
 2 կինս, Սրբութեանցն պաշտօնեայ, եւ  
 խորանին ճշմարտութեան զոր Տէրն  
 3 կանգնեաց եւ ոչ մարդ . Զի ամենայն  
 քահանայապետ վասն մատուցանելոյ  
 զգոհս եւ զպատարագս կայ . ուստի  
 հարկ է եւ նմա ունել ինչ զոր մատու-  
 4 ցանիցէ . Զի եթէ էր յերկրի, թերեւ  
 չէր իսկ քահանայ . զի՝ գոյին որ՝ մա-  
 տուցանէին ըստ օրինացն պատարագ .  
 5 Որք առակաւ եւ օրինակաւ պաշտէին  
 երկնաւորացն, որպէս եւ հրամայեցաւ  
 Մովսիսի, յորժամ գործելոց էր զլրան  
 ժամուռն, Տեսչիւր, ասէ, արասցես  
 զամենայն ըստ օրինակին որ ցուցաւ  
 6 քեզ ի լիրինս . Բայց արդ առատագոյն  
 եւս պաշտաման եհաս <sup>3</sup>Յիսուս, որչափ  
 լաւագոյն եւս ուխտի է միջնորդ՝ որ  
 յառաւել աւետիսն օրինադրեցաւ .  
 7 Զի եթէ առաջինն անարատ էր, ա-  
 8 պա երկրորդին տիղի ոչ խնդրէր . Նա  
 աւանիկ բարասէ զնոսա . եւ ասէ,  
 Ահաւասիկ աւուրք եկեացեն, ասէ  
 Տէր, եւ կատարեցից ի վերայ տանն  
 Իսրայելի եւ ի վերայ տանն Յուդայ  
 9 ուխտ նոր . Ոչ ըստ ուխտին զոր եղի  
 ընդ հարս նոցա յաւուրն յորում առի  
 ի ձեռն հանել զնոսա յերկրէն Նզիպ-  
 տացւոց . եւ զի նոքա ոչ կացին յուխ-  
 տին իմում, եւ ես անփոյթ արարի  
 10 զնոցանէ, ասէ Տէր <sup>3</sup>ամենակալ . Այլ  
 այս է ուխտն զոր եղից տանն Իսրա-

յելի յետ աւուրցն այնոցիկ, ասէ Տէր,  
 տաց զօրէնս իմ ի միտս նոցա, եւ ի  
 սիրտս նոցա գրեցից զնոսա, եւ եղէց  
 նոցա Աստուած, եւ նոքա եղիցին ինձ  
 11 ի ժողովուրդ . Եւ ոչ եւս ուսուցանի-  
 ցեն իւրաքանչիւր զքաղաքակից իւր  
 եւ իւրաքանչիւր զեղբայր իւր, եւ ա-  
 սիցեն թէ Ծանիր զՏէր . զի ամենե-  
 քին ծանիցեն զիս ի փոքրկանց մինչեւ  
 12 ցոմծամեծս նոցա . Զի քաւիչ եղէց  
 անիրաւութեանց նոցա, եւ զմեղս նո-  
 ցա եւ զանօրէնութիւնս այլ ոչ եւս  
 յիշեցից :

13 Արդ ասելովն նոր՝ հնացոյց զառա-  
 ջինն . եւ որ հնանայն եւ ծերանայ՝  
 մերձ է յապականութիւնս . ՎՋ

## ԳԼ Ք

1 Ունել ունէր եւ առաջինն իրաւունս  
 պաշտաման <sup>3</sup>յայնժամ զաշխարհական  
 2 սրբութիւնն . Զի խորանն առաջին  
 հանդերձեցաւ <sup>2</sup>այսպէս, յորում աշ-  
 տանակն եւ սեղանն եւ հացն նուի-  
 3 րաց, որ Սրբութիւնն կոչէր . Եւ յետ  
 երկրորդ վարագուրին խորանն որ կո-  
 4 չէր Սրբութիւն սրբութեանց . Յորում  
 կայր բուրվառն ոսկի, եւ արկղն կտա-  
 կարանաց պատեալ ներքոյ եւ արտա-  
 քոյ ոսկեով, յորում սափորն ոսկի լի  
 մանանայիւ, եւ գաւազանն Ահարոնի  
 որ ծաղկեցաւ, եւ տախտակք կտակա-  
 5 րանացն . Եւ ի վերայ նորա քերովքէն  
 փառաց որ հովանի ունէին ի վերայ  
 քաւութեանն, վասն որոյ ոչ է այժմ  
 ասել մի ըստ միոջէ :

6 Եւ այն ամենայն իբրեւ այնպէս  
 հանդերձեալ կայր, յառաջին խորանն  
 յամենայն ժամ մտանէին քահանայքն  
 7 զպաշտամունսն կատարել . Բայց յերկ-  
 րորդն մի անգամ ի տարւոջն քահա-  
 նայապետն . եւ զայն ոչ առանց ար-  
 եան, զոր մատուցանէր վասն իւր եւ  
 վասն ժողովրդեանն անգիտութեան .  
 8 Զայս ցուցեալ Հոգւոյն Սրբոյ մինչ-  
 չեւ յայտնեալ էր ճանապարհի սրբու-  
 9 թեանցն, քանզի դեռ առաջին խորանն  
 9 ունէր զհաստատութիւն . Որ է առակ  
 ժամանակին որ առաջին կայր, յորում  
 պատարագքն եւ զոհք մատչէին, որք

<sup>1</sup> Ունէ, գոյին քահանայք որ  
<sup>2</sup> ի Յուդայ գաւառս

<sup>3</sup> Կալ, ե

ոչ կարէին ըստ միտս կատարել զպաշ-  
տօնեայսն, բայց միայն կերակրովք  
10 եւ ըմպելեօք, Եւ պէսպէս մկրտու-  
թեամբ՝ մարմնոյ արդարութիւնքն  
11 ի վերայ կային: Այլ Քրիստոս եկեալ  
Քաջանայապետ հանդերձելոցն բար-  
եաց, մեծաւն եւ կատարելով եւ ան-  
ձեռագործ խորանաւն, այսինքն է՝ որ  
12 ոչ յայոց արարածոց, Եւ ոչ արեամբ  
նոխազաց եւ զուարակաց, այլ իւրով  
արեամբն եմուտ մի անգամ ի սրբու-  
թիւնսն, յաւիտեանակաւն գտեալ զփրկ-  
13 կութիւն: Ձի եթէ արիւն ցլուցն եւ  
նոխազաց եւ մոխիր երնջոցն ցանեալ  
զպղծեալսն սրբէր առ ի մարմնոյ սրբու-  
14 թիւնէ, Ո՛րչափ եւս առաւել արիւնն  
Քրիստոսի, որ ի ձեռն Հոգւոյն յա-  
ւիտեանակաւն մատոյց զանձն անարատ  
2 պատարագ Աստուծոյ, սրբեցէ զխիղճ  
մտաց ձերոց ի մեռելոսի գործոց ան-  
15 տի՝ պաշտել զԱստուած կենդանի: Եւ  
վասն այնորիկ նորոյ ուխտիս է միջ-  
նորդ, զի յորժամ մահ լինիցի ի փրկու-  
թիւն վասն առաջին ուխտին յանցա-  
նաց, զաւետիս առցեն հրաւիրեալքն  
16 ի ժառանգութիւնն յաւիտենից: Քան-  
զի ուր կտակ է, հարկ է զմահ ի մէջ  
17 բերել զկտակագրին: Ձի կտակ յետ  
մահու հաստատուն է. ապա թէ ոչ՝  
զիւրդ իցէ հաստատուն, մինչ կտա-  
18 կագիրն կենդանի է: Ուստի եւ ոչ  
առաջինն առանց արեան նորոգէր:  
19 Քանզի իբրեւ պատմեցան ամենայն  
պատուիրանք օրինացն ի Մովսիսէ  
ժողովրդեանն, առեալ զարիւն ցլուցն  
եւ նոխազացն, ջրով եւ բրդով կար-  
մրով եւ զոպայիւ, զկտակարանօքն իսկ  
եւ զամենայն ժողովրդեամբն սրսկեաց,  
20 Եւ ասէ, Այս է արիւն կտակին զոր  
21 պատուիրեաց ձեզ Աստուած: Եւ զիտ-  
րանաւն եւ զամենայն կահիւ սպա-  
22 սուն նոյնպէս սրսկեաց զարիւնն: Եւ  
զրեթէ ամենայն ինչ արեամբն սրբէր  
ըստ օրինացն, եւ առանց հեղման ար-  
եան չլինէր թողութիւն:  
23 Ապա հարկ էր 3 օրինաւորացն այն-  
պիսիօքն սրբել. եւ բուն իսկ երկնա-  
ւորացն՝ առաւել եւս պատարագօք

24 քան զնոյնս: Ձի ոչ եթէ ի ձեռագործ  
սրբութիւնսն եմուտ Քրիստոս յօրի-  
նակա ճշմարտութեանն, այլ ի բուն  
իսկ յերկինս, 4 յանդիման լինել երե-  
25 սացն Աստուծոյ վասն մեր: Ոչ զի բա-  
զում անգամ մատուցանիցէ զանձն  
2 պատարագ՝ որպէս քաջանայապետն  
որ մտանէր 5 ի սրբութիւն սրբու-  
թեանցն՝ ամի ամի արեամբ օտարաւ:  
26 Ապա թէ ոչ՝ պարտ էր նմա բազում  
անգամ չարչարել ի սկզբանէ աշխարհի:  
բայց արդ աւաւիկ մի անգամ ի կա-  
տարած յաւիտեանց յանարգութիւն  
մեղաց իւրով պատարագաւն յայտ-  
27 նեալ է: Եւ զոր օրինակ կայ մնայ  
մարդկան մի անգամ մեռանել եւ յետ  
28 այնորիկ զատաստան, նոյնպէս եւ  
Քրիստոս մի անգամ մատուցեալ 2 պա-  
տարագ առ ի բառնալոյ զմեզս բազ-  
մաց. իսկ յերկրորդումն առանց մեղաց  
յայտնեցի այնոցիկ, որ ակն ունիցին  
նմա 6 հաւատովք ի փրկութիւն:

ԳԼ. Ժ

1 Բ. Քանզի զստուեր հանդերձելոյ  
բարեացն ունէին օրէնքն եւ ոչ զնոյն  
կերպարանս իրացն, ամի ամի զնոյն  
պատարագս մատուցանեն ցանգ, որք  
ոչ են կարող զմատուցեալսն կատա-  
2 րել: Ապա թէ ոչ՝ զաղարէին ի մա-  
տուցանելոյ, վասն եւ ոչ մի ինչ այ-  
նուհետեւ խիղճ մտաց ունելոյ պաշ-  
3 տօնէիցն մի անգամ սրբեցելոց: Այլ  
անդէն ի նմին ի յիշատակս մեղացն  
4 կային ամի ամի: Քանզի ոչ կարէր  
արիւն նոխազացն եւ ցլուց բառնալ  
5 զմեզս: Վասն որոյ ի մտանել իւրում  
յաշխարհ՝ ասէ, Ձգուս եւ զպատա-  
րագս ոչ կամեցար, բայց մարմին հաս-  
6 տատեցեր ինձ: Ընդ ողջակէզս եւ ընդ  
7 վասն մեղացն ոչ հաճեցար: Յայնժամ  
ասացի թէ Ահաւաւիկ եկի (ի ճառս  
զրոց զրեալ է վասն իմ) առնել զկամս  
8 քո, Աստուած: Վերագոյնն ասէ թէ  
Ընդ զոհս եւ ընդ պատարագս եւ ընդ  
ողջակէզս եւ ընդ վասն մեղացն ոչ  
հաճեցար, եւ ոչ կամեցար (որք ըստ  
9 օրինացն մատչէին), Ապա ասէ,

18-ՅՆ, յաւիտեանակաւն փրկութիւն գտեալ

21 Գ-ՆԻ պ-ւ-ւ-ւ

23-ՅՆ, օրինակաց երկնաւորաց

18-ՅՆ, այժմ յանդիման

21-Գ-ՆԻ, ի սրբութիւնն

23-ՅՆ, օրինակաց երկնաւորաց



Ահաւատիկ գամ առնել զկամս քո, Աստուած. մերժէ զառաջինն զի զերկ-  
 40 րորդն հաստատեցէ. Որով կամօք եւ մեք սրբեցաք ի ձեռն պատարագի մարմնոյն Յիսուսի Քրիստոսի մի անգամ.  
 41 Եւ ամենայն քահանայապետ կայ հանապազորդ ի պաշտաման, եւ զնոյն պատարագս մատուցանէ բազում անգամ, որք ոչ երբեք կարող են բառ-  
 42 նալ զմեզս. Իսկ սա զմին վասն մեղաց մատոյց պատարագ, եւ մշտնջենաւոր  
 43 նստաւ ընդ աջմէ Աստուծոյ. Եւ այսուհետեւ ակն ունի, մինչեւ դիցին թշնամիք իւր ի ներքոյ ոտից իւրոց,  
 44 Քանզի միով պատարագաւ կատարեաց զսրբեալսն ի մշտնջենաւորս:  
 45 Այլ վկայէ մեզ եւ Հոգին Սուրբ  
 46 յետ ասելոյ յառաջագոյն, Եթէ՝ Այս է ուխտն զոր եղից ընդ հարս նոցա՝ յետ աւուրցն այնոցիկ, ասէ Տէր, տաց զօրէնս իմ ի սիրտս նոցա, եւ ի  
 47 խորհուրդս նոցա գրեցից զնոսա, Ապա Յասէ թէ՝ Չմեղս նոցա եւ զանօրէնութիւնս նոցա այլ ոչ եւս յիշեցից:  
 48 Իսկ ուր թողութիւն է, ոչ եւս պիտայ է վասն մեղաց պատարագ: ՎՋ  
 49 Ընչիւր այսուհետեւ, եղբարք, համարձակութիւն ի մուտս սրբութեանցն  
 20 արեամբն Յիսուսի, Չոր նորոգեաց մեզ ճանապարհ նորոգ եւ կենդանի ի ձեռն վարագորին, այսինքն է՝ մարմն-  
 21 նոյն իւրոյ, Եւ քահանայ մեծ ի վերայ  
 22 տանն Աստուծոյ, Մատիցուք ճշմարիտ սրտիւք, լրութեամբ հաւատոց, լուս-  
 23 ցեալ զսիրտս ի խղճէ չարեաց եւ մկրտեալ զմարմին ի ջուրն սրբութեան:  
 24 Պինդ կալցուք զխոստովանութիւն անշարժ յուսոյն, զի հաւատարիմ է  
 25 որ խոստացաւն: Եւ զգուշացուք միմեանց յորդորմամբ սիրոյ եւ գործոց բարեաց: Եւ մի՛ թողցուք զժողովս միմեանց, որպէս եւ սովոր են ոմանք: այլ միսիթարեացուք, եւ այնչափ եւս առաւել՝ որչափ տեսանիցէք զօրն մերձեալ:  
 26 Ձի կամակար մտօք եթէ յանցանիցեմք յետ ընդունելութեան գիտութեան ճշմարտութեանն, այնուհետեւ ոչ եւս պիտոյ է վասն մեղաց պատար-

27 րագ, Այլ անեղ անկեալութիւն դատաստանին, եւ նախանձ հրօյն որ ու-  
 28 տիցէ զհակառակորդսն: Արհամարհեալ ուրուք զօրէնսն Մովսիսի, առանց ուղորմութեանց առ երկուք կամ երկւք  
 29 վկայիւք մեռանէր: Իսկ որչափ ստատիկ պատժոց արժանի համարիցիք զայն, որ զՈրդին Աստուծոյ առ ոտն եհար. եւ զարիւն Յնորոյ ուխտին խառնակ համարեցաւ որով եւ սրբեցաւն, եւ զՀոգին շնորհաց թշնամա-  
 30 նեաց: Այլ զիտեմք զայն որ առաջն, իմ են լրէժանդութիւնք, եւ ես հաստուցից, ասէ Տէր. եւ դարձեալ թէ՛  
 31 Դատի Տէր զժողովուրդ իւր: Ահ մեծ է անկանել ի ձեռս Աստուծոյ կենդանւոյ:  
 32 Արդ յիշեցէք զաւուրսն զառաջինս, յորս լուսաւորեալք բազում ճգանց  
 33 եւ չարչարանաց համբերէք: Մերթ ի նախատինս եւ ի նեղութիւնս խայտառակեալք, մերթ կցորդ այնպիսեաց  
 34 վաստակաւորացն լինել: Քանզի եւ ընդ կապեալս՝ չարչարեցարուք, եւ զյափշտակութիւն ընչից ձերոց խնդութեամբ ընկալարուք, քանզի գիտէիք թէ լաւագոյն եւս ստացուածս ունիք անձանց յերկինս, ուր կանն եւ մեանս:  
 35 Արդ մի՛ մերժէք ի ձէնջ զհամարձակութիւնն ձեր, յորում կայ մեծաց  
 36 վարձուց հաստուցումն: Պիտոյ է ձեզ համբերութիւն, զի զկամս Աստուծոյ  
 37 արարեալ՝ հասցիք աւետեացն: Ձի փոքր մեւս եւս քան որչափ որ գա-  
 38 լոցն իյէ՝ եկեցէ, եւ ոչ յամեցէ: Ձի արդարն իմ ի հաւատոց կեցցէ. եւ եթէ յերկմիտս ոք իցէ, ոչ հաճեցի  
 39 ընդ նա անձն իմ: Բայց մեք ոչ եթէ երկմտութեամբ եմք ի կորուստ, այլ հաւատովք ի փրկութիւն հոգւոց:

## ԳԼԺԱ

- 1 Ձինչ են հաւատք, եթէ ոչ յուսացելոց իրաց հաստատութիւն, եւ յան-
- 2 զիմանութիւն որոց ոչն երեւին: Ձի նուաւ վկայեցան առաջինքն:
- 3 Հաւատովք իմանամք հաստատեալ զյաւիտեանսն բանիւ Աստուծոյ, յաներեւութից զերեւելիսս եղեալ:
- 4 Հաւատովք լաւ պատարագս Հարէլ

քան զկայէն մատուցանէր Աստուծոյ, որով վկայեցաւ իսկ արդար լինել. զի ի վերայ պատարագացն եղեւ վկայութիւն նմա յԱստուծոյ. զի թէպէտ եւ մեռաւ ի նմին, սակայն տակաւին խօսի:

5 Հաւատովք Ենովք փոխեցաւ, զի մի՛ զմահ ճաշակեսցէ. եւ ոչ ուրեք գտանէր, քանզի փոխեաց զնա Աստուած. եւ յառաջ քան զփոխելն նորա վկայեցաւ հաճոյ լինել Աստուծոյ:

6 Բայց առանց հաւատոց անհնար է հաճոյ լինել. այլ հաւատալ արժան է այնմ որ մերձեցայ առ Աստուած՝ թէ է՛ Աստուած. եւ որ խնդրենն զնա՝ լինի պարգեւատու:

7 Հաւատովք առեալ հրամանն Նոյի վասն չեւ եւս երեւելեացն, զահի հարեալ կազմէր զտապանն ի փրկութիւն տան իւրոյ, որով դատեցաւ զաշխարհ, եւ հաւատոցն արդարութեան եղեւ ժառանգաւոր:

8 Հաւատովք 2 որ Աբրահամն կոչեցաւ՝ ունկնդիր եղեւ ելանել ի տեղին զոր առնւոյց էր ի ժառանգութիւն. ել զնաց, եւ ոչ գիտէր յո՛վ երթիցէ:

9 Հաւատովք պանդխտեցաւ յերկրին աւետեաց իբրեւ յօտարութեան, խորանօք ընկեաց Իսահակաւ եւ Յակովբաւ հանդերձ, ժառանգակցօք նոցին աւետեաց: Քանզի ակն ունէր հիմարք հաստատելոյ քաղաքին, որոյ ճարտարապետ եւ արարիչ Աստուած է:

10 11 Հաւատովք եւ ինքն Սաղա 3 որ ամուսն էր՝, զօրութիւն առնոյ զսերմն 3 որդեծնութեան՝ ընդունէր, եւ ի տարածամ հասակի 3 ծնանէր. քանզի հաւատարիմ համարեցաւ զայն որ խոստացաւն. վասն որոյ եւ ի միողէն ծնանէին, եւ այն՝ 4 յանցեալ ժամանակի՝, իբրեւ զաստեղս երկնից բաղմութեամբ, եւ իբրեւ զաւազ առ ամին ծովու առանց թոռոյ:

12 13 Ըստ հաւատոց մեռան ամենեքին սոքա, եւ չեւ եւս ընկալեալ զաւետիսն. այլ ի հեռուստ տեսին զնոսա 5 եւ ցնծացան, եւ խոստովան եղեն եւ թէ օտարք եւ պանդուխտք են յերկրի:

1 ի Եւրոպ. գլխաւ  
2 Եւրոպ. գլխաւ  
3 ի Եւրոպ. գլխաւ  
4 Եւրոպ. ի մեծեցոյ

14 2 ի որք զայնպիսիսն խօսին՝ յայտ առնեն եթէ գաւառ իմն խնդրեն. 2 ի եթէ զայն յիշէին ուստի ելինն՝ գոյր

16 Ժամանակ դառնալոյ անդրէն. Նա աւանիկ ազնուականի իմն ցանկացեալ են, այսինքն է երկնաւորին. վասն որոյ ոչ ամօթ համարի Աստուած կոչել նոցա Աստուած, քանզի պատրաստեաց նոցա քաղաք:

17 Հաւատովք մատոյց Աբրահամ ի փորձութեան իւրում զԻսահակ՝ պատարագ. եւ զմիամօրն մատուցանէր,

18 որոյ զաւետիսն ընկալեալ էր. Որում առացաւն, թէ Իսահակաւ կոչեցի

19 քեզ զաւակ. Եդ ի մտի իւրում թէ եւ ի մեռելոց կարող է յարուցանել Աստուած. ուստի եւ յառակս իսկ ընկալաւ զնա:

20 Հաւատովք վասն հանդերձեցոյ իրաց օրհնեաց Իսահակ զՅակովք եւ զԵսաւ:

21 Հաւատովք Յակովք ի միտանելն իւրում զԻւրաքանչիւր ոք յորդոցն Յովսեփու օրհնեաց, եւ երկիր եպագ ի ծագ զաւագանի իւրոյ:

22 Հաւատովք Յովսեփի ի վախճանել իւրում յիշեաց զելս որդւոցն Իսրայելի, եւ վասն ոսկերաց իւրոց պատուիրեաց:

23 Հաւատովք 6 զՄովսէս իբրեւ ծնան, թաքուցաւ ամիսս երիս ի հարց իւրոց, քանզի տեսին կայտառ զմանուկն, եւ ոչ զանգիտեցին ի հրամանէ թագաւորին:

24 Հաւատովք Մովսէս, իբրեւ աճեաց, ուրացաւ կոչել որդի դատերն Փարաւոնի. Հաւ համարեցաւ չարչարել ընդ ժողովրդեանն Աստուծոյ, քան առ ժամանակ մի վայելիլ ի մեղս:

26 7 Կարեւոր համարեցաւ զնախատինն Քրիստոսի քան 8 զմեծութիւն զանձուցն՝ Եգիպտացոց, զի հայեցեալ ակն ունէր վարձուցն հատուցման:

27 Հաւատովք թողոյր զերկիրն Եգիպտացոց, եւ ոչ երկնչէր ի ցասմանէ թագաւորին, զի 9 զաներեւոյթան իբրեւ պտեհեալ համբերութեամբ համարեցաւ:

28 Հաւատովք արար զգաւիկն եւ զհնդունն արեանն, զի մի՛ սատակիչն անդրանկաց մերձենայցէ ի նոսա:

Եւրոպ. եւ հաւատացին եւ  
6 Եւրոպ. Մովսէս իբրեւ ծնան  
7 Եւրոպ. Աւաւել մեծութիւն  
8 Եւրոպ. զգաւիկն  
9 Եւրոպ. զԱնանիայի

- 29 Հաւատովք անցին ընդ ծոցն Կարմիր իբրեւ ընդ ցամաք երկիր. զորոյ զփորձ առեալ Եգիպտացւոցն՝ ընկղմեցան :
- 30 Հաւատովք պարիսպքն Երիքովի անկան, չուրջ եկեալ զնոքօք զեւթն օր :
- 31 Հաւատովք Րախաբ պոռնիկ ոչ կորեաւ ընդ անհաւատսն, որոյ ընկալեալ էր զլրտեսսն խաղաղութեամբ :
- 32 Եւ արդ զինչ եւս ասացից. զի չէ բաւական ժամանակս պատմելոյ վասն Գեդէոնի, Բարակայ, Սամիսոնի, Յեփթայեայ, Դաւիթի եւ Սամուելի եւ
- 33 յայլոց մարգարէիցն. Որք հաւատովք պարտեցին զթագաւորութիւնս, գործեցին զարդարութիւն, հասին աւետեաց, խցին զբերանս առիւծոց, Շիջուցին զգորութիւն հրոյ, ապրեցան ի բերանոյ սրոյ, զօրացան ի տկարութիւնէ, եղեն զօրաւորք ի պատերազմի,
- 35 առին զբանալիս օտարաց. Ընկալան կանայք ի յարութիւնէ զմեռեալս իւրեանց. կէսք կոչկոճեցան, եւ չեւ եւս ընկալեալ զփրկութիւն, զի լաւագոյն
- 36 յարութեանն հասանիցեն. Եւ կէսք զտանջանաց եւ զգանից զփորձ առին,
- 37 զկապանաց եւ զբանտից. Քարկոճեցան, սղոցեցան, փորձեցան, սպանմամբ սրոյ մեռան, չըջեցան լաշկամաշկօք եւ մորթովք այծենեօք. կարօտեալք, նեղեալք, չարչարեալք.
- 38 (Չորս ոչ արժէ աշխարհս.) յանապատի մոլորեալք եւ ի լերինս եւ յայրս եւ ի փապարս երկրի :
- 39 Եւ սոքա ամենեւորն վկայեալք ի հաւատոցն, չեւ եւս ընկալան զաւետիսն. Աստուծոյ վասն մեր լաւագոյն համարեալ, զի մի՛ առանց մեր կատարեցին :

## ԳԼ ԺԲ

1 Այսուհետեւ եւ մեք որ այսչափ չուրջ զմեք մածեալ ունիմք զբազմութիւն վկայից, զհպարտութիւն զամենայն իրաց ընկեցուք եւ զմեղս <sup>4</sup>կարեւորս, համբերութեամբ ընթացուք ի պատերազմ որ առաջի կայ մեզ :

<sup>1</sup> Ի Բաւալա զ-Գ-Գ-Գ

<sup>2</sup> Եւս, լաւագոյն տեսեալ կանխաւ

<sup>3</sup> Կ-Գ, զծանրութիւն

<sup>4</sup> Եւս, որ գիւրաւն պաշարեն

- 2 Հայեցուք ի զօրագլուխն հաւատաց եւ ի կատարիչն Յիսուս, որ փոխանակ ուրախութեանն որ նմա առաջի կայր՝ յանձն առ զխաչն, արհամարհեաց զամօթն, նստաւ ընդ ալմէ աթոռոյն Աստուծոյ :
- 3 Աղէ ածէք զմտաւ, որ զայսպիսի համբերութիւն ի մեղաւորաց հակառակութենէ անտի կրեաց, զի մի՛ աշխատք լինիցիք անձամբք ձերովք եւ
- 4 լքանիցիք : Զի չեւ եւս արեամբ չափ պատերազմեալք հակառակ կացէք մե-
- 5 զացն. Եւ մոռացարուք զմխիթարութիւնն որ ընդ ձեզ իբրեւ ընդ որդեակս խօսի :
- 6 Որդեակ իմ, մի՛ լքանիր ի խրատու Տեառն, եւ մի՛ վհատիցիս յան-
- 7 զիմանեալ ի նմանէ : Զի զոր սիրէ Տէր՝ խրատէ, տանջէ զամենայն որդի
- 8 զոր ընդունի : Ի խրատու համբերութեան կայք, իբրեւ յորդիս մատուցեալ է ի ձեզ Աստուած. ո՞ր որդի է
- 9 զոր ոչ խրատիցէ հայր : Զի եթէ տառնց խրատու լինիցիք, որով ամենեւորն բաժանորդք եղեն, ապա խորթք
- 10 իցէք եւ ոչ որդիք : Զի եթէ ի մարմնաւոր հարցն մերոց զոր ունիմք խրատիչս՝ պատկառեմք, ո՞րչափ եւս առաւել հնազանդեցուք Հօրն հոգւոց,
- 11 եւ կեցցուք : Զի սոքա առ սակաւ ժամանակս ըստ կամաց իւրեանց խրատեն. իսկ նա վասն օգտի, առ ի յըն-
- 12 զունելոյ զարբութիւն նորա. Ամենայն խրատ առ ժամանակն ոչ ուրախութեան թուի, այլ՝ տրտմութեան, բայց յետոյ պտուղ խաղաղութեան նովաւ կրթեցելոցն հատուցանէ յարդարութիւն :
- 13 Վասն որոյ զձեռս լքեալս եւ զծունկս կթոտս հաստատեցէք. Եւ զչաւիգս ուղիղս արարէք ոտից ձերոց, զի մի՛ որ կաղն իցէ՝ զլորիցի, այլ մանաւանդ
- 14 բժշկեցի : Զխաղաղութեան զհոտ երթայք ընդ ամենեւինս եւ զսրբութեան, առանց որոյ ոչ ոք տեսանիցէ զՏէր :
- 15 Զգոյ՛ լիրուք, գուցէ ոք յետեալ զտանիցի ի շնորհացն Աստուծոյ. մի՛ ոք արմատ դառնութեան ի վեր երեւեալ նեղիցէ, եւ նովաւ բազումք պղծի-
- 16 ցին : Մի՛ ոք պոռնիկ եւ պիղծ իբրեւ զնսաւ, որ ընդ միոյ կերակրոյ զան-
- 17 զրանկութիւնն վաճառեաց : Գիտէք

- զի թէպէտեւ յետոյ կամեցաւ ժառանգել զօրհնութիւնսն, խոտան գտաւ. զի եւ ապաշխարութեան տեղի ոչ եւ զիտ, թէպէտեւ արտասուօք խնդրեաց զնա:
- 18 Դ. Զի ոչ էք մատուցեալ առ լիառն շօշափելի, որ հրովն վառեալ էր, <sup>1</sup>եւ միգով եւ մառախղով եւ խաւարաւ:
- 19 եւ մթով, Ուր փողն հնչէր եւ բարբառ պատգամացն. ուստի որք լուանն՝ <sup>2</sup>հրաժարեցին, զի մի՛ կրկնեցի առ նոսա բանն. Քանզի ոչ հանդարտէին հրամանին. <sup>3</sup>թէպէտեւ գազան մերձենայր ի լեառնն, քարկոծ լինէր:
- 21 Եւ այնպէս անագին էր տեսիլն, զի եւ Մովսէս ասէր եթէ Զահի հարեալ 22 եմ եւ զողամ. Այլ մատուցեալ էք ի Սիոն լեառն, եւ ի քաղաք Աստուծոյ կենդանւոյ, յերուսաղէմ յերկինս, եւ 23 ի բերաւոր բանակս հրեշտակաց, եւ յեկեղեցիս անդրանկաց գրելոց յերկինս, եւ առ դատաւորն ամենեցուն Աստուած, եւ յողիս արդարոց կատարելոց, եւ ի նորոց կտակարանաց միջնորդն Յիսուս, եւ ի հեղումն արեան նորա որ առաւել խօսի քան զՀաբելին:
- 25 Զգոյշ լերուք, գուցէ հրաժարիցէք յայնմանէ որ խօսեցաւն. զի եթէ նոքա ոչ կարացին գերծանել, հրաժարելք յայնմանէ որ յերկրին հրաման տայր, որչափ եւս առաւել մեք, եթէ յերկնաւորէն թիկունս դարձուցանի:
- 26 ցեւք. Որոյ ձայնն զերկիր չարժեաց յայնժամ, եւ այժմ խոստացեալ է եւ ասէ, Միւսանգամ չարժեցից ոչ միայն 27 զերկիր, այլ եւ զերկինս: Այլ միւսանգամն յայտ առնէ զչարժելոցն իրեւ գեղելոց փոփոխումն, զի հաստատուն 28 կացցեն անշարժքն, Վասն որոյ թաւաորութիւն անշարժ ընկալեալ պինդ կայցուք զչնորհմն, որով պաշտեմք զԱստուած հաճութեամբ՝ ահիւ եւ դու 29 զութեամբ. Քանզի Աստուած մեր հուր ծախիչ է:

ԳԼ. ԺԳ

- 1 Եղբայրսիրութիւն հաստատեցի <sup>4</sup>առ 2 ձեզ՝, Զօտարսիրութիւն մի՛ մոռանայք, զի այնու ոմանք յանգէտս ընկալան զհրեշտակս: Յուշ լիցին ձեզ կապեալքն, որպէս թէ դուք ընդ նոսա կապեալք իցէք. եւ չարչարեալքն, որպէս թէ եւ դուք իսկ <sup>5</sup>մարմնաւորք էք՝, Պատուական է ամուսնութիւն ամենեւին, եւ սուրբ՝ անկողինք. բայց զչունս եւ զպոռնիկս դատի Աստուած:
- 5 Բարք անարժաթասէրք լինիցին, բաւական համարել որչափ ինչ ի ձեռս իցէ. քանզի ինքն իսկ ասաց, Ոչ թողից զքեզ եւ ոչ ընդ վայր հարկի:
- 6 Որպէս զի համարձակ լիցուք ասել, Տէր է իմ օգնական եւ ես ոչ երկեայց, 7 զի՛ արասցէ ինձ մարդ: Յիշեցէք զառաջնորդս ձեր որ խօսեցան ձեզ զբանն Աստուծոյ. հայեցեալք յեւս զնացից նոցա՝ նմանողք եղբրուք հաւատոցն:
- 8 Յիսուս Քրիստոս երէկ եւ այսօր, 9 նոյն եւ յաւիտեանս: Յուսմունս պէս պէսս եւ յօտարաձայնս մի՛ դանդաղէք. զի լաւ է շնորհօք հաստատել զսիրտս եւ ոչ կերակրովք. որովք ոչինչ օգտեցան որ այնպէսն գնացին:
- 10 Ե. Ունիմք մեք սեղան, ուստի ոչ ունին իշխանութիւն ճաշակել որք 11 պաշտին զպաշտօն խորանին. Զի որոց անասնոց մատչէր արիւնն ի սրբութիւնսն վասն մեղաց ի ձեռն քահանայապետին, նոցուն մարմինք այրէին 12 արտաքոյ բանակին: Վասն որոյ եւ Յիսուս, զի սրբեացէ իւրով արեամբն զժողովուրդն, արտաքոյ զբանն չար:
- 13 Հարեցաւ. Արդ եկայք ելցուք առ նա արտաքոյ բանակին՝ առեալ յանձն զնա: 14 խառնիս նորա: Քանզի ոչ եթէ ունիմք քաղաք որ աստէն մնալոց իցէ, 15 այլ զհանդերձեալսն խնդրեմք: Արդ ի ձեռն նորա մատուցուք պատարագ օրհնութեան յամենայն ժամ Աստուծոյ. այսինքն է՝ զպտուղ չրթանց խոս:
- 16 տովանելոց յանուն նորա: Զբարեբարութիւն եւ զհաղորդութիւն մի՛ մոռանայք, զի ընդ այնպիսի պատարագս 17 հաճի Աստուած: Ունկնդիր լերուք

<sup>1</sup>8-րդ, ե ոչ ի մէջ ե ի խաւար ե ի մերիկ,  
(19) Եւ ի հնչումն փողոյ ե ի բարբառ պատգամաց  
<sup>2</sup>Կ-ի, աղաչեցին  
<sup>3</sup>8-րդ, Միշեւ իսկ գազան մերձենայցէ ի լեառնն, քարկոծեցի, ունչ յաւելան, կամ նետիւք խոցուեցի

<sup>4</sup>ի 8-րդն պատի

<sup>5</sup>8-րդ, էք ի մարմնի

առաջնորդաց ձերոց, եւ հպատակ կացէք <sup>1</sup>նոցա, զի նոքա տքնին վասն ոգւոց ձերոց, որպէս թէ համարս տալոց իցեն <sup>2</sup>ընդ ձեր՝. զի խնդութեամբ արասցին զայն եւ մի՛ յոգւոց հանելով, զի այն ոչ յօգուտ ձեր է:

48 ԿԻՐ. Աղօթս արարէք վասն մեր, զի հաստատեալ գիտեմք եթէ բարւոք միտս ունիմք, յամենայնի կամիմք:

49 Բարւոք գնացս ցուցանել: Եւ առաւել աղաչեմ զի զայն առնիցէք, զի վատուած խաղաղութեան որ եհան ի մեռելոց զՀովիւն հօտից, զմեծն արեամբ յաւիտենական ուխտին, զՏէր:

24 մեր Յիսուս, Հաստատեսցէ զձեզ ի

գործս բարութեան առնել զկամս նորա, եւ արասցէ <sup>3</sup>ի մեզ զհաճոյսն առաջի իւր ի ձեռն Յիսուսի Քրիստոսի, որում փառք յաւիտեանս: Ամէն:

22 Աղաչեմ զձեզ, եղբարք, անսալ բանիս միութարութեան, քանզի սակաւ <sup>23</sup>ւուք գրեցի ձեզ: Եւ ճանաչէք զեղբայրն <sup>4</sup>մեր զՏիմոթէոս զարձակեալն <sup>2</sup>առ ձեզ՝. ընդ որում, եթէ վաղաժողն <sup>24</sup>գայցէ, տեսից զձեզ: Ողջոյն տալիք ամենայն առաջնորդաց ձերոց եւ ամենայն սրբոց: Ողջոյն տան ձեզ որ <sup>25</sup>ի կողմանս Իտալիացւոց են: Շնորհք ընդ ամենեւին ձեզ <sup>5</sup>:

Առ Եբբայեշէ՝ Էբբայ՝ յիտալիայ է յեռն Տիմոթէոս:

## ԹՈՒՂԹ

### ՍՐԲՈՅ ԱՌԱՔԵԼՈՅՆ ՅԱԿՈՎԱՅ

#### ԿԱԹՈՂԻԿԷ՝

#### ՉԼՈՒԽ Ա

1 ԱՐ. ՅԱԿՈՎԱՐՈՍ, Աստուծոյ եւ Տեառն Յիսուսի Քրիստոսի ծառայ, երկոտասան ազգացդ որ ի սփիւռոյ էք՝ ողջոյն:

2 Ամենայն ուրախութեան արժանի համարիչիք, եղբարք, յորժամ ի պէսպէս փորձութեանց ի մէջ անկանիցիք:

3 Դիտասցիք զի հանդէս ձերոց հաւատոցն յօրինեալ գործէ զհամբերութիւնս:

4 Իսկ համբերութիւնն գործ կատարեալ ունիցի, զի իցէք ողջանդամք եւ կատարեալք, եւ ոչ ինչ իւրիւր նուազեալք:

5 Ապա թէ ոք ի ձէնջ իցէ նուազեալ յիմաստութենէ, խնդրեսցէ յԱստուծոյ որ տայն ամենայնի առատապէս:

6 եւ ոչ նախատէ, եւ տացի նմա: Բայց

խնդրեսցէ հաւատովք եւ մի՛ երկմտեսցէ: զի որ երկմիտն է՝ նման է հողմակոծեալ եւ տատանեալ ալեաց ծովու: Մի՛ ակնկալցի մարդն այն առ <sup>8</sup>նու ինչ յԱստուծոյ: Ձի այր երկմիտ առանց հաստատութեան է յամենայն ճանապարհս իւր:

9 Պարծեսցի եղբայր խոնարհ ի բարձրութիւն իւր, եւ որ մեծառունն իցէ՝ ի խոնարհութիւն իւր: Քանզի իբրեւ <sup>11</sup>զծաղիկ խոտոյ անցցէ. Ձի ծագեաց առեւ հանդերձ խորշակաւ եւ ցամաքեցոյց զխոտն, եւ թօթափեցաւ ծաղիկն նորա, եւ կորեաւ վայելչութիւն երեսաց նորա: Նոյնպէս եւ մեծառունն <sup>6</sup>հանդերձ չահիւքն իւրովք՝ թարշամեսցի:

<sup>1</sup> Ի բաւաւ գլխով

<sup>2</sup> Ի Եւրոպայի գլխով

<sup>3</sup> Որպէս, ի ձեզ

<sup>4</sup> Յիսուս գլխով

<sup>5</sup> Բաւաւ յաւիտեան, Ամէն:

<sup>6</sup> Որպէս, թուղթ Յակովբայ կաթողիկէ. աղբ, որպէս եւ հաւաւ է Հայերէն յիտալիայ, Թուղթ Յակովբայ

<sup>7</sup> Եւրոպայի, ի Տեառնէ

<sup>8</sup> Եւրոպայի, ի Տեառնէ

12 Երանեալ է այր որ համբերիցէ փոր-  
ձանաց. զի եթէ ընտիր եւս գտանիցի,  
առցէ զպսակն կենաց՝ զոր խոստացաւ  
սիրելեաց իւրոց <sup>1</sup>Տէր:

13 ԱՅ. Մի՛ ոք որ ի փորձութեան իցէ  
ասիցէ թէ յԱստուծոյ փորձիմ. զի Աս-  
տուած անփորձ է չարեաց, փորձէ նա

14 եւ ոչ գոր. Իւրաքանչիւր ոք փորձի  
առ ի յիւրոցն ցանկութեանց ձգեալ

15 եւ պատրեալ. Ապա այնուհետեւ ցան-  
կութիւնն յղացեալ՝ զմեղս ծնանի, եւ

16 մեղքն կատարեալ՝ զմահ ծնանին. Մի՛

17 խաբիք, եղբարք իմ սիրելիք. Ձի ա-  
մենայն տուրք բարիք եւ ամենայն

պարգեւք կատարեալք ի վերուստ են  
իջեալ առ ի Հօրէն լուսոյ, յորում չիք

փոփոխումն եւ կամ չըջելոյ ստուեր:

18 Կամեցեալ ծնաւ զմեզ բանիւն ճշմար-  
տութեան, լինել մեզ <sup>2</sup>պտուղ ինչ

ստացուածոց նորա:

19 <sup>3</sup>Գիտասցիք, եղբարք իմ սիրելիք,  
եղիցի ամենայն մարդ արագ առ ի լսել,

եւ ծանր առ ի խօսել, եւ ծանր առ

20 ի բարկանալ. Ձի բարկութիւն մար-  
դոյ զարդարութիւն Աստուծոյ ոչ գոր-

21 ծէ. Որով ի բաց թօթափեալ զամե-  
նայն աղտեղութիւն եւ զյաւելուածս

չարեաց, հեղութեամբ ընդունիլիք  
զբանն ընդարդոյ, որ կարողն է կե-

22 ցուցանել զոգիս ձեր. Լինիլիք մահե-  
լիք բանին, եւ մի՛ լսելիք միայն <sup>4</sup>հա-

23 մարեանիք զանձինս. Ձի եթէ ոք լսելի  
միայն իցէ բանին եւ ոչ առնելի, նման

է նա մարդոյ որ պչուցեալ հայիցի  
ընդ <sup>5</sup>Երեսս իւր որ ծնանիցին՝ ի հա-

24 յելուց. Ձի հայեցեալ ետես զինքն եւ  
զանց արար, եւ անդէն մոռացաւ թէ

25 որպիսի ոք էր. Իսկ որ յառեալ ի կա-  
տարեալ օրէնս ազատութեանն հայիցի

եւ ի նմին կացցէ, ոչ եղեւ նա լսող  
մոռացութեան, այլ՝ առնելի գործոյն.

նա յառնեն իւրում լիցի երանելի.

26 Եթէ <sup>6</sup>ոք կամիցի կրօնաւոր լինել եւ  
ոչ սանձահարիցէ զիդու իւր, այլ

<sup>7</sup>զբաղեցուցանիցէ զսիրտն իւր, այն-  
պիսւոյն վայրապար է կրօնաւորու-

27 թիւնն. կրօնաւորութիւն սուրբ եւ

անարատ առ ի յԱստուծոյ եւ ի Հօրէ  
այս է, Այցելու լինել որքոց եւ այրեաց  
ի նեղութեան իւրեանց, անարատ պա-  
հել զանձն յաշխարհէ:

ԳԼ. Բ

1 ԱՅ. Եղբարք իմ, մի՛ աչառանօք ու-  
նիցիք զհաւատան Տեառն մերոյ Յի-

սուսի Բրիստոսի, <sup>8</sup>որ Տէրն է՝ փա-

2 ռաց. Եթէ մտցէ ի ժողովուրդ ձեր  
այր որ ունիցի մատանի ոսկի եւ հան-

դերձս պայծառս, մտանիցէ անդր եւ  
աղքատ ոք ի հանդերձս աղտեղիս,

3 Հայիցիք ընդ այն որ ունիցի զհան-  
դերձսն պայծառս, եւ ասիցէք իթէ

Դու նիստ աստ պատուով, եւ ցաղ-  
քատն ասիցէք իթէ Յոսն կաց դու

այտի, կամ թէ՛ Եկ նիստ առ պատ-

4 ուանդանիս իմում, Ո՛չ խղճիցէք յան-

ձինս եւ լինիցիք դատաւորք չարացն

5 խորհրդոց. Լուարուք <sup>9</sup>ինձ, եղբարք  
իմ սիրելիք. ո՛չ ապաքէն Աստուած

ընտրեաց զաղքատս աշխարհիս, որ են  
մեծատունք հաւատովք, եւ ժառան-

գաւորք արքայութեանն զոր խոստա-

6 ցաւ սիրելեաց իւրոց. Եւ դուք ա-

նարգէք զաղքատս. ո՛չ մեծատունք  
յաղթահարեն զձեզ, եւ նոքա քարչեն

7 զձեզ ի դատաստան. Ո՛չ նոքա հայո-  
յին զբարւոք անունն որ կոչեցեալ է

8 ի վերայ ձեր. Ապա թէ զօրէնսն կա-

տարիցէք զարքունականս ըստ Դրոց,  
եթէ՛ Սիրեացես զընկեր քո իբրեւ

9 զանձն քո, բարւոք առնէք. Իսկ եթէ  
աչառիցէք, մեղս գործէք յանդիմա-

նեալք յօրինացն իբրեւ օրինազանցք.

10 Որ ոք զամենայն օրէնսն պահիցէ, եւ  
միով իւրիք ինչ զթիցէ, եղեւ ամենայն

11 օրինացն պարտապան. Ձի որ ասացն  
թէ՛ <sup>10</sup>Մի՛ սպանանիցես, ասաց թէ՛ Եւ

մի՛ չնայցես. զի եթէ սպանանիցես  
ոչ, բայց չնայցես, եղեր յանցաւոր

12 օրինացն. Այնպէս խօսեցարուք եւ  
այնպէս արարէք, որպէս զի ազատու-

13 թեան օրինօքն իցէք դատելոց. Ձի ա-

նողորմ դատաստան լինելոց է այնմ  
որ ոչ առնիցէ զողորմութիւն, <sup>10</sup>քանզի

<sup>1</sup>Յաւանք է Յոն եւ է Հոյ յեռաբաց գալստի  
<sup>2</sup>Յոն, երախայրի  
<sup>3</sup>Ուն, Ուստի  
<sup>4</sup>Ուն, ոք ի ձեզ  
<sup>5</sup>Կալ, Խաբելով  
<sup>6</sup>Յոն, երեսն ծննդեան իւրոց  
<sup>7</sup>Ուն, ոք ի ձեզ  
<sup>8</sup>Յոն, Խաբելցէ  
<sup>9</sup>Յոն, երեսն ծննդեան իւրոց  
<sup>10</sup>Ի Յոն յեռաբաց յաւանք, և, յայլ՝ գալստի

բարձր ի գլուխ պարծի ողորմութիւն առ դատաստանաւն :

- 14 ԱԵ. Զինչ օգուտ իցէ, եղբարք իմ, եթէ ասիցէ ոք հաւատառ ունել եւ գործս ոչ ունիցի. միթէ կարիցեն հաւատքն
- 15 ապրեցուցանել զնա : Եթէ եղբայր ոք կամ քոյր իցեն մերկք կամ կարօտեալ
- 16 աւուրն կերակրոյ, Ասիցէ ոք ի ձէնջ ցնոսա, Երթայք խաղաղութեամբ, ջեռարուք եւ յագեցարուք. եւ տայցէք ոչ նոցա զպէտս մարմնոյն, զինչ օ-
- 17 գուտ իցէ : Սոյնպէս եւ հաւատք եթէ գործս ոչ ունիցին, մեռեալ են առան-
- 18 ձինն : Այլ թերեւս ասիցէ ոք, եթէ Դու հաւատառ ունիս, եւ ես գործս ունիմ. ցոյց ինձ զհաւատսն քո առանց գործոց, եւ ես ցուցից քեզ ի գործոց
- 19 իմոց զհաւատսն : Դու հաւատաս զի մի է Աստուած, բարւոք առնես. եւ
- 20 դեւք հաւատան եւ սարսեն : Կամիս գիտել, ով մարդ մնտի, զի հաւատք
- 21 առանց գործոց չաւտարկ են : Աբրահամ հայր մեր ո՛չ ապաքէն ի գործոց արդարացաւ. հանեալ ի սեղան գորդին
- 22 իւր զիսահակ Չպատարագ : Տեսանեն զի հաւատքն եղեն գործակից գործոց նորա, եւ ի գործոց անտի հաւատքն
- 23 կատարեցան : Եւ կատարեցաւ Գիւրն որ ասէ, Հաւատաց Աբրահամ յԱստուած, եւ համարեցաւ նմա յարդարութիւն : Եւ կոչեցաւ բարեկամ Աս-
- 24 տուծոյ : Տեսանէ՞ք զի ի գործոց արդարանայ մարդ, եւ ոչ ի հաւատոց
- 25 միայն : Սոյնպէս եւ Բախար պոռնիկ ո՛չ ապաքէն ի գործոց արդարացաւ, ընկալեալ զլրտեսան, եւ ընդ այլ ճա-
- 26 նապարհ արձակեաց : Զոր օրինակ մարմին առանց հոգւոյ մեռեալ է, սոյնպէս եւ հաւատք առանց գործոց մեռեալ են :

## ԳԼ. Գ

- 1 ԲԱ. Մի՛ բաղում վարդապետս լինել, եղբարք իմ, զիտասջիք զի մեծ դա-
- 2 տաստան ընդունելոց եմք. Քանզի ըստուում ինչ յանցանեմք ամենեքեան. եթէ ոք բանիւ ոչ յանցանիցէ, նա է մարդ կատարեալ, որ կարօղն է սան-
- 3 ձահարել զամենայն մարմին իւր : Տես

զի ձեռք սանձս ի բերան զնեմք առ առաջնոյ նոցա մեզ, եւ զամենայն մարմինս նոցա նուաճեմք : Ահաւասիկ եւ նաւք որպիսի՛ ինչ են, եւ ի սաստիկ հողմոց վարին. եւ փոքր թեւովն չրջին յոր կոյս եւ միտք ուղղին կամիցին :

5 Սոյնպէս եւ լեզու փոքր ինչ անդամ է եւ մեծամեծս բարբառի. ահա եւ առկա ինչ հուր գորպիսի՛ անտառս հրգե-

6 հէ : Եւ լեզու հուր՝ զարդ անիրաւութեան. լեզու հաստատեալ է յառաջամս մեր, որ զամենայն մարմինն ապականէ, եւ վառէ հրով զանիւ ծննդեան, եւ բորբոքեալ տոչորի ի

7 գեհենի : Ամենայն բնութիւն զազանաց եւ թոչնոց եւ սողնոց եւ որ ի ծովու են, հնազանդեալ է եւ հնազան-

8 զի մարդկեղէն բնութեան. Բայց զլեզու մարդկան ոչ ոք կարէ հնազանդել, զչարս եւ զանկարգ եւ զի թու-

9 նօք մահարերին : Նովաւ օրհնեմք զՏէրն եւ զՀայր. եւ նովաւ անիծանեմք զմարդիկ որ ըստ նմանութեան

10 Աստուծոյ արարան : Ի նմին բերանոյ ելանեն օրհնութիւնք եւ անէծք. ոչ է պարտ, եղբարք իմ, այսմ այսպէս լի-

11 նել : Միթէ աղբեւր անդստին ի միս

12 ականէ բղխիցէ՞ քաղցր եւ դառն : Միթէ մարթ ինչ իցէ, եղբարք իմ, թզենւոյ ձէթ բերել, կամ որթոյ թուզ, եւ ոչ աղաաղտին տեղոյ ջուր քաղցր առնել :

- 13 ԲԱ. Ո՞վ իցէ իմաստուն եւ հանճարեղ ի ձեզ, ցուցցէ ի բարւոք զնացից զգործս իւր հեղութեամբ իմաստու-
- 14 թեան : Ապա եթէ նախանձ եւ դառնութիւն եւ հակառակութիւն ունիցիք ի սիրտս ձեր, մի՛ պարծիք սուտ
- 15 առնել զճշմարտութիւնն : Ոչ է իմաստութիւնս այս իջեալ ի վերուստ, այլ
- 16 երկրաւոր, շնչաւոր եւ դիւական : Զի ուր հեռ եւ նախանձ, անդ է անկար-
- 17 գութիւն եւ ամենայն իրք չարք : Իսկ վերին իմաստութիւնն նախ զի սուրբ է, եւ ապա խաղաղարար, հնգ, գիւրահաւան, լի ողորմութեամբ եւ պտղովք բարեաց, անխիղճ, առանց

<sup>1</sup> Եւ-մ, աշխարհ

<sup>2</sup> Եւ-մ, ի գեհենէ

<sup>3</sup> Ու-մ, զԱստուած

<sup>4</sup> Ու-մ, նոյնպէս եւ ոչ իմիջ աղբեր ջուր քաղցր եւ աղաաղտին առնել

18 կեղծաւորութեան: Պտուղ արդարութեան խաղաղութեամբ սերմանի այնոցիկ՝ որ առնեն զխաղաղութիւն:

ԳԼ. Դ

1 Ուստի պատերազմունք, եւ ուստի կոիւք ի ձեզ. ոչ յայդպիսի ցանկութեանց ձերոց որ զօրացեալ են յան-  
2 դամս ձեր: Յանկայք, եւ ոչ ունիք. սպանանէք եւ նախանձիք, եւ ոչ կարէք հասանել. պատերազմիք, կռուիք, եւ ոչ ունիք, վասն զի ոչ խնդրէք.  
3 Խնդրէք եւ ոչ առնուք, վասն զի չարաչար խնդրէք. զի անդէն ի ցանկութիւնս ձեր մաշեալիք: Շնացողք, ոչ գիտէք զի սէր աշխարհիս թշնամութիւն է առ Աստուած. զի որ ոք կամիցի սիրել զաշխարհ, թշնամի առնէ  
5 զանձն Աստուծոյ. կամ թէ վայրապարհամարիցիք զոր ասէ Գիորն, <sup>1</sup>Առ նախանձ ինչ որում փափաքէ հոգին՝ որ  
6 բնակեաց ի մեզ. <sup>2</sup>Տալ զառաւել չընորհան. վասն որոյ ասէ, Տէր ամբարտաւանից հակառակ կայ, տայ չնորհս խոնարհաց:  
7 ԲԳ. Հնազանդեցարուք այսուհետեւ Աստուծոյ. եւ կացէք հակառակ չարախօսին, եւ լիցի փախստական առ  
8 ի ձէնջ: Մերձեցարուք առ Աստուած, եւ մերձեցի առ ձեզ. սրբեցէք զձեռս, մեղաւորք, եւ ուղիղ արարէք զսիրտս,  
9 երկմիտք. Տառապեցարուք, սգացարուք եւ լացէք. ծաղր ձեր ի սուգ զարձցի, եւ ուրախութիւն ձեր՝ ի  
10 տրտմութիւն: Խոնարհեցարուք առաջի Տեառն եւ բարձրացուցէ զձեզ:  
11 Մի՛ բամբասէք զմիմեանս, եղբարք. որ բամբասէ զեղբայր իւր կամ զատի զեղբայր իւր՝ զօրէնսն բամբասէ եւ զօրէնսն զատի. իսկ եթէ զօրէնսն զատիցիս, ոչ առնելի օրինացն ես, այլ  
12 դատաւոր: Մի՛ է Օրէնսդիր <sup>3</sup>եւ Դատաւոր՝ որ կարօլն է փրկել եւ կորուսանել. դու ո՞ ես որ դատիս զընկերն:  
13 Ահաւասիկ են որ ասեն, Այսօր եւ վաղիւ երթիցուք յայս անուն քաղաք, եղիցուք անդ տարի մի, վաճառեսցուք

14 եւ շահեսցուք. Որք ոչ գիտէք զվա-  
15 ղիւն. Որպիսի ինչ իցեն կեանք ձեր, զի իբրեւ զմրրիկ էք, որ առ սակաւ մի երեւեալ եւ ապա ապականեալ. փոխանակ զի ասէիք, Եթէ Տէր կամեսցի, եւ կեցցուք, արասցուք զայս  
16 ինչ կամ զայն: Եւ արդ պարծիք յամբարտաւանութեան ձերում. ամենայն ինչ այսպիսի պարծանք չարութեան  
17 են: Որ ոք գիտիցէ զբարին եւ ոչ առնիցէ, մեղք են նմա:

ԳԼ. Ե

1 ԲԳ. Արդ այսուհետեւ, մեծատունք, լացէք եւ ողբացէք ի վերայ թշուառութեանցն, որ գալոց են ի վերայ ձեր:  
2 Զի մեծութիւնդ ձեր յօշոնչ է, եւ  
3 հանդերձք ձեր՝ կերակուր ցեցոյ. Եւ արծաթ ձեր եւ ոսկի ժանգահար, եւ ժանգ նոցա լիցի ձեզ ի վկայութիւն, եւ կերիցէ զմարմինս ձեր իբրեւ զհուր:  
4 զանձեցէք աւուրցն յետնոց, Ահաւասիկ վարձք մշակաց որ գործեն զանդս ձեր, <sup>4</sup>առ ձեզ են, զրկեալն ի ձէնջ, աղաղակէ, եւ բողոք հնձողացն եհաս  
5 յականջս Տեառն զօրութեանց: Փափկացայք ի վերայ երկրի եւ զքօսայք, սնուցէք զսիրտս ձեր իբրեւ աւուր  
6 սպանման: Զրկեցէք, սպանէք զարդարն, որ ոչ կայր ձեզ հակառակ:  
7 Երկայնամիտ լերուք, եղբարք իմ, մինչեւ ի գալուստն Տեառն. ահա մշակ երկայնամտեալ սպասէ պատուական պտղոյն երկրի, մինչեւ առցէ <sup>5</sup>զկա-  
8 նուիս եւ զանագան. Երկայնամտեցէք եւ դուք, հաստատեցէք զսիրտս ձեր:  
9 զի գալուստն Տեառն մերձեալ է. Մի՛ տրտմեցուցանէք զմիմեանս, եղբարք, զի մի՛ դատիցիք. ահաւասիկ Դատաւորն առ դուրս կայ. Օրինակ առէք, եղբարք, չարչարանաց եւ երկայնատութեան զմարդարէսն որ խօսեցան  
11 յանուն Տեառն: Ահաւասիկ երանեմք համբերողաց. զհամբերութիւնն Յովթայ լուարուք, եւ զկատարումն Տեառն տեսէք, զի բազմագութ է Տէր եւ ողորմած:

<sup>1</sup>Ե-ն, Առ նախանձ ինչ փափաքէ հոգին. իմ, Առ նախանձ ինչ փափաքիցէ հոգին  
<sup>2</sup>Ե-ն, Այլ տայ առաւել չնորհս  
<sup>3</sup>Ե-ն, զմեծ պատիւ

<sup>4</sup>Ի Ե-ն, զպտուղն զկանուիս եւ զանագան. այլ, զանձերեւ զկանուիս եւ զանագան  
<sup>5</sup>Ե-ն, ինչքն արտուծ զմիմեանց



- 12 ԲԵ. Յառաջ քան զամենայն ինչ, եղբարք իմ, մի՛ երդնուցուք, մի՛ յերկինս, մի՛ յերկիր, մի՛ յայլ ինչ երդումն, այլ եղիցի ձեր այսն՝ այո, եւ ոչն՝ ոչ, զի մի՛ <sup>1</sup>ի կեղծաւորութիւնս ինչ՝ անկանիցիք: Վշտանայցե՞ ոք ի ձէնջ, յաղօթս կայցէ. բերկրիցի՞ ոք, 13 սաղմոսս ասասցէ. <sup>2</sup>Հիւանդանայցե՞ ոք ի ձէնջ, կոչեսցէ զերիցունս եկեղեցւոյն, եւ արասցեն ի վերայ նորա աղօթս, օծցեն իւղով յանուն Տեառն: 14 Եւ աղօթքն հաւատովք փրկեսցն զայլսատեալս, եւ յարուսցէ զնա Տէր. եւ եթէ մեղս ինչ իցէ գործեալ, թողցի 15 նմա. իյստսովան եղերուք միմեանց զմեղս, եւ աղօթս արարէք ի վերայ միմեանց որպէս զի բժշկեսցիք. քանզի յոյժ զօրաւոր են աղօթք տրդարոյ 16 յօգնականութիւնս. Եղիա մարդ էր իբրեւ զմեզ չարչարելի. եւ յաղօթս <sup>3</sup>եկաց, եւ ոչ տեղաց յերկիր զերիս 17 ամս եւ զվեց ամիս. Եւ դարձեալ եկաց յաղօթս, եւ ետուն երկինք զանձրեւ, եւ բուսոյց երկիր զպտուղ իւր: 18 Եղբարք իմ, եթէ ոք ի ձէնջ մոլորեացի <sup>4</sup>ի ճանապարհէ ճշմարտութեան, 19 եւ դարձուցէ ոք զնա, Գիտասցէ զի որ դարձուցէ զմեղաւորն ի մոլորութեան ճանապարհէն իւրմէ, փրկեսցէ զոգի <sup>5</sup>իւր ի մահուանէ եւ ծածկեսցէ զբազմութիւն մեղաց:

## ԹՈՒՂԹ ՊԵՏՐՈՍԻ ԱՌԱՋԻՆ՝

### ԳԼՈՒԽ Ա

- 1 ԲՋ. ՊԵՏՐՈՍ, առաքեալ Յիսուսի Քրիստոսի, ընտրելոցդ՝ նոզնից որ ի սփիւռս Պոնտացւոց, Գաղատացւոց եւ Կապադովկեցւոց եւ Ասիացւոց եւ Բիւթանացւոց, Ըստ կանուխ գիտութեանն Աստուծոյ Հօր, սրբութեամբ Հոգւոյն, ի հնազանդութիւն եւ ի հեղումն արեանն Յիսուսի Քրիստոսի. շնորհք ընդ ձեզ եւ խաղաղութիւն բազմասցի: 3 Օրհնեալ է Աստուած եւ Հայր Տեառն մերոյ Յիսուսի Քրիստոսի, որ ըստ բազում ողորմութեան իւրում ծնաւ զմեզ վերստին ի յոյսն կենդանի ի ձեռն յարութեանն Յիսուսի Քրիստոսի ի

- 4 մեռելոց, Յանդծ եւ յանարատ եւ յանթառամ ժառանգութիւնն որ պահեալ է յերկինս ձեզ, Որ զօրութեամբն Աստուծոյ պահեալ <sup>6</sup>էիք հաւատովք ի պատրաստեալ փրկութիւնն, յայտնել ի յետին ժամանակս. Որով ուրախ լինիջիք որք այժմ սակաւիկ ինչ ըստ պատշաճի իրացդ տրտմեալ էք ի պէս- 7 պէս փորձութիւնս. Զի հանդէս ձերոց հաւատոցն Դառաւել քան զոսկի կորստական պատուական է, որ հրով փորձեալ գտաւ՝ ի գովութիւն եւ ի փառս եւ ի պատիւ ի յայտնութեանն 8 Յիսուսի Քրիստոսի, Զոր ոչն տեսէք եւ օտրեցէք, ընդ որ այժմ ոչ հայեցեալք բայց <sup>9</sup>հաւատացէք, եւ ուրախ էք անճառ եւ փառաւորեալ խնդու- 9 թեամբն. Ընկալեալ զկատարումն

<sup>1</sup>Յ-ն, ընդ դատաւորանաւ

<sup>2</sup>Յ-ն, եկաց զի մի՛ տեղացէ

<sup>3</sup>Ու-ն, ի ճշմարտութեանէ

<sup>4</sup>Ի Յ-ն, զ-ն, Գ-ն, Բ-ն, Դ-ն, Ե-ն

<sup>5</sup>Ու-ն, Թուղթ Պետրոսի Կաթողիկոսի Առաջին. այլ՝ Թուղթ Պետրոսի Առաջինի Կաթողիկոսի Առաջին

<sup>6</sup>Կ-ն, էք

<sup>7</sup>Յ-ն, որ առաւել քան զոսկի կորստական, թէպէտեւ հրով փորձեալ, պատուական է, գտանդի

<sup>8</sup>Յ-ն, սիրէք

<sup>9</sup>Յ-ն, հաւատացէք

հաւատացն ձերոց՝ զողոթն փրկու-  
 10 թիւն . վասն որոյ փրկութեան խնդ-  
 րեցին եւ քննեցին մարգարէքն , որք  
 վասն որոյ ի ձեզ լինելոց էին շնորհքն՝  
 11 մարգարէանային . Գննէին յորում եւ  
 յորպիսի ժամանակի գուշակէր ի նո-  
 սա Հոգին Քրիստոսի , որ նախ զչար-  
 չարանացն Քրիստոսի վկայէր , եւ յետ  
 12 այնորիկ զփառացն . Որոց եւ յայտնե-  
 ցաւ իսկ զի ոչ եթէ անձանց , այլ մեզ  
 մատակարարք լինէին նոցին , որք  
 այժմ պատմեցան այնքելք որ աւե-  
 տարանեցին ձեզ Հոգւոյն Սրբով , որ  
 առաքէրն յերկնից . զոր ցանկային տե-  
 սանել ՝ գոնեայ ընդ ազօտ՝ հրեշտակք :  
 13 Բէ . Որով պնդեալ զմէջս մտաց ձե-  
 րոց , զուարթացուալք , բովանդակ սպա-  
 սեցէք հասելոց ձեզ շնորհացն ի յայտ-  
 14 սութեանն Յիսուսի Քրիստոսի , իբրեւ  
 զորդիս հնազանդութեան , մի՛ կեր-  
 պարանեալք առաջին ձերովք անգի-  
 15 տութեանն ցանկութեամբք . Այլ ըստ  
 Սրբոյն որ կոչեաց զձեզ՝ եւ դուք  
 սուրբք յամենայն գնացս ձեր լինիջիք :  
 16 Վասն որոյ գրեալ է եթէ Եղբրուք  
 17 սուրբ , զի ես սուրբ եմ . Եւ եթէ Հայր  
 կոչիցէք զայն որ առանց ակնառու-  
 թեան դատի ըստ իւրաքանչիւր գոր-  
 ծոց , ապա երկնիդիւ զձերոյ պանդխ-  
 18 տութեանն ժամանակդ գնասցիք : Դի-  
 տասցիք զի ոչ ապականացու արծա-  
 թեղինօք եւ ոսկեղինօքն փրկեցարուք  
 ի ձերոց ունայնութեան հայրենատուր  
 19 գնացիցն , Այլ պատուական արեամբն  
 Քրիստոսի , իբրեւ անբիծ եւ անարատ  
 20 գառին . Որ յառաջծանօթն էր նախ  
 քան զիսկզբանէ աշխարհի , եւ երե-  
 ւեցաւ ի վախճան ժամանակաց վասն  
 21 ձեր , Որք նովաւ հաւատացէք յԱս-  
 տուած որ յարոյց զնա ի մեռելոց , եւ  
 ետ նմա փառս . զի հաւատքն ձեր եւ  
 22 յոյս իցեն յԱստուած . Չանձինս ձեր  
 սրբել հնազանդութեամբ 2 ճշմարտու-  
 թեան , յեղբայրսիրութեան առանց  
 կեղծաւորութեան , ի սուրբ սրտէ սի-  
 23 բել սերտիւ զմիմեանս : Ծնեալք վե-  
 րստին ոչ յապականութեան սերմա-  
 նէն , այլ յանապականացուէն՝ կենդա-  
 նի եւ մշտնջենական բանիւն Աստու-

24 ծոյ . Քանզի ամենայն մարմին իբրեւ  
 զխոտ է , եւ ամենայն փառք մարդոյ  
 իբրեւ զծաղիկ խոտոյ . խոտն ցամա-  
 25 քեցաւ եւ ծաղիկն թօթափեցաւ . Եւ  
 բան Տեառն մնայ յաւիտեան , այսինքն  
 է բանն որ ի ձեզ աւետարանեցաւ :

ԳԼ . Բ

1 ԳՆ . Ի բաց թօթափել այսուհետեւ  
 զամենայն չարութիւն եւ զամենայն  
 նենգութիւն եւ զկեղծաւորութիւնս  
 եւ զնախանձ եւ զամենայն չարախօ-  
 2 սութիւն , իբրեւ զարդի ծնեալ ման-  
 կունս խօսուել եւ անխարդախ կա-  
 թինն փափաքիցէք , զի նովաւ աճիցէք  
 3 ՝ ի փրկութիւն , Եթէ ճաշակիցէք զի  
 4 քաղցր է Տէր . Առ որ մատուցեալ ,  
 ի վէմն կենդանի , որ թէպէտ ի մարդ-  
 կանէ անարգեալ , այլ առ ի յԱստու-  
 5 ծոյ ընտրեալ եւ պատուական է . Եւ  
 դուք իբրեւ զվէմն կենդանիս չինիք  
 տաճար հոգեւոր , յանարատ քահա-  
 նայութիւն , մատուցանել զհոգեւորն  
 պատարագս հաճոյս Աստուծոյ ի ձեռն  
 6 Յիսուսի Քրիստոսի : Քանզի կայ իսկ  
 ի գրի եթէ Ահաւասիկ զնեմ ի Սիոն  
 վէմ ընտիր , զիւս անկեան պատուա-  
 կան , եւ որ ի նա հաւատասցէ՝ մի՛ ա-  
 7 մաչեցէ : Ձեզ այսուհետեւ հաւատա-  
 ցելոցդ՝ ՝ վէմ պատուական , իսկ անհա-  
 ւատիցն՝ վէմն զոր անարգեցին չի-  
 8 նողքն , նա եղեւ զիւս անկեան . Եւ  
 վէմ զլորման եւ վէմ զայթակղու-  
 թեան , որ զայթակղին ապստամբեալք  
 9 ի բանէն յոր եւ եղան : Այլ դուք ազգ  
 էք ընտիր , ՝ թագաւորութիւն , քա-  
 հանայութիւն՝ , ազգ սուրբ , ժողո-  
 վուրդ սեպհական , որպէս զի ՝ զձեր  
 առաքինութիւնն նուիրիցէք այնմ ,  
 որ՝ զձեզ ի խաւարէն կոչեաց յիւր  
 10 սքանչելի լոյսն , Որք երբեմն չժողո-  
 վուրդ , բայց արդ ժողովուրդ Աստու-  
 ծոյ . որք չողորմեալք , այժմ ողոր-  
 մութիւն գտէք :  
 11 Սիրելիք , աղաչեմ իբրեւ զպան-  
 դուխտս եւ զսփոքնս ի բաց մերժել ի  
 մարմնաւոր ցանկութեանցն որ զին-  
 12 ուորին ընդդէմ ոգւոց , Զվարս ձեր

1 ի Բաւֆ գաւառ

2 Ունի , ճշմարտութեան ի ձեռն Հոգւոյն

3 Յիսուս գաւառ

4 Յիսուս , թագաւորական քահանայութիւն

5 Յիսուս , ցուցանիցէք զառաքելութիւնս այն-  
 րիկ որ

ի մէջ հեթանոսաց պարկեշտոց ցուցանել, զի որով բամբասիցեն զձեզ իբրեւ զչարագործս, ի բարւոք գործոցն ձերոց զիտեալ՝ փառաւոր առնիցեն զԱստուած յաւուրն այցելութեան:

- 13 ԳՐ. Հնազանդ լերուք ամենայն մարդկեղէն ստեղծուածոյ վասն Տեառն, եթէ թագաւորի՝ իբրեւ առաւել ունիք, Եթէ դատաւորաց՝ իբրեւ ի նմանէ առաքելոց ի վրէժխնդրութիւն չարագործացն եւ ի գովութիւն բարեգործացն: Զի այսպէս են կամք Աստուծոյ, բարեգործացն պապանձեցուցանել զանդգամ մարդոց զանգիտութիւն: Իբրեւ զազատս լինել, եւ մի իբրեւ պատրուակ չարութեան ունել զազատութիւնն, այլ իբրեւ Աստուծոյ ծառայք: Զամենեսեան պատուեցէք՝ զեղբայրսիրութիւն սիրեցէք: յԱստուծոյ երկերուք: Ղթագաւորս պատուեցէք:
- 18 Մտալք հնազանդ լինել յամենայնի երկիւղիւ տերանց, ոչ միայն բարերարացն եւ հեղոցն, այլ եւ կամակորացն: Զի այս՝ չնորհք յԱստուծոյ են, եթէ լարւոք ինչ մտօք տանիցի ոք
- 20 Վշտաց՝ յանիրաւի: Քանզի զի՞նչ յաւատիք իցեն, եթէ յորժամ մեղանչիցէք՝ տանջիցիք եւ համբերիցէք: Այլ եթէ բարիս գործիցէք, չարչարիցիք եւ համբերիցէք, այն չնորհք յԱստուծոյ են: Քանզի ի զոյն իսկ կոչեցարուք, զի եւ Քրիստոս վասն ձեր միտաւ, եւ ձեզ եթող օրինակ՝ զի զհետ երթայցէք հետոց նորա: Որ ոչն արար միզս եւ ոչ գտաւ նենգութիւն ի բերան նորա: Որ բամբասեալ, եւ ոչ փոխարէն բամբասէր: չարչարեալ, եւ ոչ պահէր սպառնալիս, բայց իրաւամբք մատնէր դատաւորին: Որ զմեր մեղս իւրով մարմնովն վերացոյց ի խաչափայտն, զի լիցուք զերծեալք ի մեղաց անտի, եւ իցեմք արդարութեան կենակիցք: որոյ վերօքն բժշկեցայք: Քանզի էիք իբրեւ զոյխարս

<sup>18-ՅԱ</sup>, զթագաւորն

<sup>18-ՅԱ</sup>, եւ, եթէ իզմէն առ Աստուած տանիք: Իզմէն զիշտաց զօր կրեցէ

<sup>18-ՅԱ</sup>, պարծանք

<sup>18-ՅԱ</sup>, եւ առ Աստուծոյ

<sup>18-ՅԱ</sup>, չարչարեցաւ

<sup>18-ՅԱ</sup>, յանձն առնէր զանձն որում գտտէն իրաւամբք

մոլորեալս, այլ այժմ դարձարուք առ Հովիւն եւ Տեսուչ ոգւոց ձերոց:

### ԳԼ. Գ

- 1 ԳԳ. Սոյնպէս եւ կանայք հնազանդ լինել արանց իւրեանց, զի եթէ իցեն նոքա ապստամբք ի բանէ անտի, յաղագս կանանց գնացից եւ առանց բանի իսկ չահեսցին, Դիտել ի երկիւղիւ զձեր
- 2 պարկեշտ գնացս, Որոց լինիցի ոչ արտաքուստ հիւսիւք եւ ոսկեհուռ ծամակալօք կամ պանդուխտ զգետաւք
- 4 զարդ: Այլ ծածուկ սրտին մարդն՝ անեղծութեամբ հեղութեան եւ հանդարտութեան հոգւոյն, որ է առաջի
- 5 Աստուծոյ բազմապատիկ: Քանզի այսպէս երբեմն եւ կանայք որ յուսացեալ էին յԱստուած՝ զարդարէին զանձինս հնազանդել իւրեանց արանց:
- 6 Որպէս եւ Սառա զի հնազանդ էր Աբրահամու, եւ տէր իւր կոչէր զնա, որոյ եղերուքն դուք որդիք, Քարեգործք էին եւ ոչ կասկածէին՝ եւ ոչ ի միոջէ ինչ երկիւղէ:
- 7 Սոյնպէս եւ արք իմաստութեամբ բնակեսցեն ընդ նոսա, իբրեւ տկար անօթոյ առնիցեն պատիւ կանանց, իբրեւ ժառանգակցաց չնորհացն կենաց, զի մի խափան իցին աղօթիցն
- 8 ձերոց: Եւ զլուխ ամենայնի՝ զի համամիտք իցէք, համակարիք, եղբայրասէրք, ազնուագութք, խոնարհք:
- 9 Մի՛ չար փոխանակ չարի հատուցանել, կամ բամբասանս ընդ բամբասանաց: Այլ զնորին հակառակն օրհնել, զի յայս իսկ կոչեցարուք, զի զօրհնութիւնն ժառանգիցէք:
- 10 ԳԴ. Զի որ կամիցի զկեանս սիրել եւ տեսանել աւուրս բարութեան, լոցեցուցէ զեղու իւր ի չարութենէ, եւ զչրթունս իւր ի չխօսելոյ զնեն
- 11 գովութիւն: Խոտորեսցի ի չարէ եւ աւրացէ զբարի, խնդրեսցէ զխաղաղութիւն եւ երթիցէ զհետ նորա: Զի այլ Տեսուչ ի վերայ արդարոց, եւ ականջը նորա՝ յաղօթս նոցա: երեսը Տեսուչ

<sup>18-ՅԱ</sup>, զձեր երկիւղել

<sup>18-ՅԱ</sup>, ռուք կանայք

<sup>18-ՅԱ</sup>, հնազանդեալ

<sup>18-ՅԱ</sup>, եթէ բարեգործք լինիցիք, և ոչ կասկածիցէք

13 ի վերայ չարագործաց: Եւ ո՞րքէ որ չարչարիցէ զձեզ, եթէ դուք բարւոյն  
14 նախանձաւորք լինիցիք: Այլ թէ եւ չարչարիցիք եւս յաղազս արդարութեան, երանելի էք. բայց յերկիւղէ նոցա մի՛ երկնիցիք եւ մի՛ խռովես:  
15 ջիք: Այլ զՏէր, ՚զնոյն զՔրիստոս՝ սուրբ առնիջիք ի սիրտս ձեր. պատրաստ իցէք տալ պատասխանի ամենայնի որ խնդրիցէ զբանն՝ որ է վասն յուսոյն ձերոյ, ՚այլ հեղութեամբ եւ  
16 երկիւղիւ. Ունիցիք բարս քաղցունս, զի որով չարախօսիցեն զձէն՝ յամօթ լիցին որք բամբասեն զձեր բարւոք  
17 զնացս ի Քրիստոս. Զի ՚լաւ է բարեգործաց, եթէ կամիցին ըստ Աստուծոյ կամացն չարչարել, քան չարագործացն՝. Զի եւ Քրիստոս մի անգամ վասն մեզաց ի վերայ մեր ՚մեռաւ, արդարն ի վերայ անարդարոց, զի զմեզ մերձեցուցէ առ Աստուած. զի թէ պէտեւ մեռաւ մարմնով, այլ կենդանի է հոգւով. Որով եւ ոգւոցն որ էին ի բանտին՝ երթեալ քարոզեաց:  
20 Երբեմն ապստամբելոցն, յորժամ ներէն նոցա Աստուծոյ երկայնմտութիւնն յաւուրս Նոյի յորս տապանն կազմէր, ՚յորս նուազուէր, այսինքն ոգիք իբրեւ ութ, ապրեցան ի ջրոյն:  
21 Որ եւ ՚զձեզ ըստ նմին օրինակի կեցուցէ մկրտութիւնն, (ոչ զմարմնոյ աղտն ի բաց ընկենուլ, այլ զբարւոք մտաց հանդէս առ Աստուած,) ի ձեռն  
22 յարութեան Յիսուսի Քրիստոսի. Որ է ընդ աջմէ Աստուծոյ, երթեալ յերկինս, ի հնազանդել նմա հրեշտակաց եւ ի խափանութեանց եւ զօրութեանց:

ԳԼ. Դ

1 ԳԵ. Քրիստոսի չարչարելն՝ մարմնով վասն մեր, եւ դուք ի նոյն միտս վառեցարուք. զի որ չարչարի մարմնով, 2 դադարէ ի մեղաց. Զի մի՛ եւս ըստ

մարդկան ցանկութեանց, այլ ըստ կամացն Աստուծոյ ՚կեցցէ զայլ եւս  
3 ժամանակն. Գանգի ՚բաւական է անցեալ ժամանակն՝ լինելոյ կամացն հեթանոսաց, ՚որք զնային՝ զիջուած թեամբք, ցանկութեամբք, զինհարութեամբք, անառակութեամբք, արբեցութեամբք, անօրէն կռապաշտութեամբք:  
4 Որով օտարացեալք ոչ ընդ ձեզ վարին՝ ի նոյն անկարգութեան զեղխութիւն, եւ հայնոյն. Որ տացեն պատասխանի այնմ որ ի պատրաստին ունի դատել զկենդանիս եւ  
6 զմեռեալս: Զի ի սոյն իսկ եւ մեռելոց խոստացեալ է, զի դատեսցին ըստ մարդկան մարմնով եւ կենդանի լիցին ըստ Աստուծոյ հոգւով:  
7 Ամենեցուն վախճան մերձեալ է. զգաստացարուք այսուհետեւ եւ լեւ  
8 թուք զուարթունք յաղօթս. Նախ քան զամենայն սէր սերտ ունել ընդ միմեանս. զի սէր ծածկէ զբազմութիւն  
9 մեղաց: Օտարասէրք լինել ընդ միմեանս առանց տրտնջելոյ. Իւրաքանչիւր ոք որպէս եւ ընկալաւ շնորհս ինչ, ի միմեանս զնոյն մատակարարել իբրեւ զբարւոք հազարապետս պէսպէս  
11 շնորհացն Աստուծոյ. Եթէ ոք խօսիցի, իբրեւ զԱստուծոյ պատգամս. եթէ ոք մատակարարիցէ, իբրեւ ի զօրութենէ զոր շնորհէ Աստուած. զի յամենայնի փառաւորեսցի Աստուած ի ձեռն Յիսուսի Քրիստոսի. որում փառք եւ զօրութիւն յաւիտեանս յաւիտենից: Ամէն:

12 ԳԶ. Սիրելիք, մի՛ օտարոտի համարել զեռանդն ինչ որ ի փորձութիւն ձեզ լինիցի, որպէս թէ օտար ինչ իրք  
13 ձեզ գիպիցին. Այլ իբրեւ հաղորդեալք Քրիստոսի չարչարանացն ուրախ լինիջիք, զի եւ ի յայտնութեան փառաց  
14 նորա ցնծացեալք բերկրեսջիք: Իսկ եթէ նախատիցիք եւս վասն անուանն Քրիստոսի, երանելի էք. զի փառացն  
2 եւ զօրութեան՝ ՚անուն եւ Աստուծոյ

<sup>1</sup> Ունի, զԱստուծոյ:

<sup>2</sup> ԳԵ-ն, զԳԵ-ն:

<sup>3</sup> Ունի, յաւիտեան, իբրեւ զչարագործաց:

<sup>4</sup> ԳԵ-ն, լաւ է բարիս գործեալ, եթէ կամք իցեն Աստուծոյ, չարչարել, քան չար գործեալ:

<sup>5</sup> ԳԵ-ն, չարչարեցաւ:

<sup>6</sup> ԳԵ-ն, յարուք:

<sup>7</sup> Ունի, զմեզ պատմ:

<sup>8</sup> ԿԵ-ն, Եւ զի Քրիստոս չարչարեցաւ:

<sup>9</sup> ԳԵ-ն, կեցցէ ի մարմնի:

<sup>10</sup> Ունի, բաւական է մեզ անցեալ ժամանակն կենաց:

<sup>11</sup> ԿԵ-ն, որ զնայալք:

<sup>12</sup> ԳԵ-ն, Զայն թիւ օտարոտի համարին զի ոչ զարկէ ընդ նոս:

<sup>13</sup> Ի ԳԵ-նի զԳԵ-ն:

15 Հոգին ի վերայ ձեր հանգուցեալ է՝ Մի՛  
ոք ի ձէնջ չարչարեացի իբրեւ զսպա-  
նող, կամ իբրեւ զգող, կամ իբրեւ  
զչարագործ, կամ իբրեւ զօտարատե-  
16 սուչ: Ապա եթէ իբրեւ զքրիստոնեայ՝  
մի՛ ամաչեսցէ, այլ փառաւոր առնիցէ:  
17 զԱստուած անուամբս այսուիկ՝: Զի  
ժամանակ է սկիզբն լինելոյ դատա-  
տանին ի տանէն Աստուծոյ. զի եթէ  
նախ ի մէնջ, իսկ զմէնջ կատարած իցէ  
այնոցիկ որ ոչ հաւանեցան Աստուծոյ  
18 աւետարանին: Եւ եթէ արդարն հա-  
զիւ կեցցէ, իսկ ամբարիշտն եւ մե-  
19 զաւորն ո՛ր գտանիցի: Որպէս զի որ  
չարչարիցին ըստ Աստուծոյ կամացն՝  
հաւատարիմ Հաստիւն աւանդեսցեն  
զիւրեանց ոգիս բարերարութեամբք:

## ԳԼ Ե

1 ԳԷ. Զերիցունս այսուհետեւ աղա-  
չեմ, իբրեւ զերիցակից եւ վկայ չար-  
չարանացն Քրիստոսի, որ եւ հանդեր-  
2 ձեալ փառացն յայանելոյ հաղորդ. Ա-  
րածեցէք որ ի ձեզ հօտդ է Աստուծոյ,  
վերակացու լինել մի՛ իբրեւ ակամայ,  
այլ կամաւ ըստ Աստուծոյ. մի՛ զօ-  
չաքաղութեամբ, այլ յօժարութեամբ:  
3 Մի՛ իբրեւ տիրելով վիճակացն, այլ  
4 լինել օրինակ հօտին. Զի յերեւել Հով-  
ուապետին ընդունիլիք զանթառամ  
փառաց պսակն:  
5 Սոյնպէս եւ, երիտասարդք, հնա-

<sup>1</sup> Ունի, յաւել, Թեպէտ եւ ի ծոցանէ հայհոյի,  
այլ ի ձէնջ փառաւորի

<sup>2</sup> Ունի, յայտմ մասին

<sup>3</sup> Եւ, Զերիցունս որ ի ձեզ

<sup>4</sup> Եւ, զպսակ

զանդ լերուք ծերոց. ամենեքին ընդ  
միմեանս զխոնարհութիւն ունիցիք.  
զի Աստուած ամբարտաւանից հակա-  
ռակ կայ, տայ շնորհս խոնարհաց:  
6 Խոնարհեցարուք ընդ հզօր ձեռամբն  
Աստուծոյ, զի զձեզ բարձրացուցէ  
7 ի ժամանակի: Զամենայն հոգս ձեր  
ընկեցէք ի նա, զի նա է որ հոգայ  
վասն ձեր:

8 ԴԱ. Արթուն լերուք, հսկեցէք, զի  
ոսոխն ձեր Սատանայ իբրեւ զոռուծ  
գոչէ, չրջի եւ խնդրէ թէ զո՛ կլանիցէ:  
9 Որում ի դիմի հարկանիցիք հաստա-  
տեալք հաւատովք. գիտասլիք զնոյն  
անցս չարչարանաց եղբայրութեան ձե-  
րոյ յայնարհի յանձինս կատարեալ:  
10 Եւ Աստուած ամենայն շնորհաց որ  
կոչեաց զձեզ յիւր ի յաւիտենական  
ի փառան Քրիստոսիւ Յիսուսիւ, ո-  
րում փոքր մի եղերուք չարչարակիցք,  
նա կազդուրեցուցէ, կարողացուցէ,  
11 հաստահիմն օարացէ: Նմա ի յիստու-  
թիւն եւ փառք յաւիտեանս: Ամէն:  
12 Ի ձեռն Սիղուանոսի հաւատարիմ  
եղբօր, որպէս կարծեմ, փոքր ի շատէ  
դրեցի ձեզ՝ միսթարել եւ ի վերայ սո-  
րին վկայել, զի եւ այս ճմարիտ  
շնորհք յԱստուծոյ են յոր հաստատեալ  
13 կայցէք: Ողջոյն տայ ձեզ որ ի Բաբե-  
լոն ընտրելակիցն՝ Եկեղեցի է, եւ  
14 Մարկոս որդի իմ, Ողջոյն տալիք մի-  
մեանց ի համբոյր օսրբութեան: Խա-  
ղաղութիւն ընդ ձեզ ամենեւեան, որ  
էք ի Քրիստոս Յիսուս: Ամէն:

<sup>5</sup> Ունի, զմեզ

<sup>6</sup> Ունի, արացէ զձեզ

<sup>7</sup> Ի բաւարար զպսակ

<sup>8</sup> Եւ, փոքր

# ԹՈՒՂԹ

## ՊԵՏՐՈՍԻ ԵՐԿՐՈՐԴ

### ՎՈՒԻ Ա

- 1 ԴՅ. ՇՄԱԽՈՆ Պետրոս, ծառայ եւ առաքեալ Յիսուսի Քրիստոսի, որոց հանգիստապատիւ մեզ հասէքդ հաւատոց յարգարութիւն Աստուծոյ մերոյ եւ Փրկչին Յիսուսի Քրիստոսի .
- 2 Շնորհք ընդ ձեզ եւ խաղաղութիւն բազմասցի գիտութեամբն Աստուծոյ եւ Յիսուսի Քրիստոսի Տեառն մերոյ .
- 3 Որպէս ամենայն ինչ մեզ իւրոյ աստուածեղէն զօրութեանն առ ի կեանս եւ յաստուածապաշտութիւն շնորհեալ ի ձեռն գիտութեան այնորիկ, որ կոչեացն զմեզ յիւր ի փառսն եւ ի վաճիչութիւն<sup>1</sup> . Որովք մեծամեծքն եւ պատուական աւետիք պարգեւեալ են մեզ, զի նոքիմք աստուածեղէն բնութեանն լինիցիք հաղորդակիցք, փախուցեալք ի ցանկութեանց աշխարհիս եւ յապականութեանց<sup>2</sup> . Եւ սմին այսմիկ զամենայն փոյթ ի մէջ առեալ ձերովքն հաւատովք մատակարարեսցիք զառաքինութիւն, եւ առաքինութեամբն զգիտութիւն, եւ գիտութեամբն զժողկայութիւն, եւ ժողկայութեամբն զհամբերութիւն, եւ համբերութեամբն զաստուածապաշտութիւն, եւ աստուածապաշտութեամբն զեղբայրսիրութիւն, եւ եղբայրսիրութեամբն զսէր . Զայսոսիկ ձեր յանձին կալեալ եւ ի սոյն յաճախեալ ոչ դատարկս եւ անպտուղս հաստատիցեն զձեզ ի Տեառն մերոյ Յիսուսի Քրիստոսի գիտութիւնն . Իսկ յոր ոչն իցեն սոքա մերձ<sup>3</sup> կոյր է եւ զաչացու . ի

- մոռացոնս զարձուցեալ զսրբութիւն 10 առաջնոց իւրոցն յանցանաց . Վասն որոյ, եղբարք, առաւել փութասցիք զի ըարեացն գործովք<sup>4</sup> հաստատուն զձեր կոչումնն եւ զընտրութիւն պահիցէք . զայս արարեալ ոչ երբեք յանցանիցէք . Զի այսպէս առատապէս շնորհեսցի ձեզ մուտ ի յաւիտենական արքայութիւն Տեառն մերոյ եւ Փրկչին Յիսուսի Քրիստոսի .
- 12 ԴՅ. Որով պատրաստ իցեմ միշտ ձեզ յիշեցուցանել վասն սոցին, առաւել եւս՝ զիտակացն եւ հաստատելոցն եկեալ հասեալ ճշմարտութեանն . Քանզի իրաւունս համարիմ, մինչդեռ եմ ի մարմնի աստ, զարթուցանել զձեզ յիշատակօք . Գիտեմ թէ վաղվաղակի է լինելոց մերկանալ յինէն մարմնոյս, որպէս եւ Տէր մեր Յիսուս Քրիստոս 13 եցոյց ինձ . Եւ փութամ ճեպիմ միշտ զձեզ յորդորել<sup>5</sup>, զի եւ յետ իմոյ եւ լանելոյ յաշխարհէս առնիցէք զյիշատակս այսոցիկ . Քանզի ոչ եթէ պաճուճեալ ինչ առասպելաց զհետ երթեալ ցուցաք ձեզ զՏեառն մերոյ Յիսուսի Քրիստոսի զզօրութիւն եւ զգալուստն, այլ ձեզէն եղեալ ականատեսք նորա 14 մեծութեանն . Քանզի առեալ յԱստուծոյ Հօրէ զփառս եւ զպատիւ, յեկեալ յայնպիսի բարբառոյ ի մեծվայելութեան փառաց անտի, եթէ Դա է Որդի 15 իմ սիրելի ընդ որ ես հաճեցայ . Եւ զայս բարբառ մեք իսկ լուաք եկեալ յերկնից որ ընդ նմա իսկ էաք ի սուրբ 16 յերինն . Եւ ունիմք հաստատագոյն զբանն մարգարէական, որում եթէ անսայցէք, բարւոք առնէք, իբրեւ ճրագի որ տայցէ լոյս ի խաւարչտին

<sup>1</sup> Ի Բաւալս գլխի

<sup>2</sup> Բաւալս, փառք եւ զօրութեամբ

<sup>3</sup> Բաւալս, յաղակահովիտն որ յաշխարհի ցանկութեամբ

<sup>4</sup> Ի Բաւալս գլխի

տեղւոջ, մինչեւ տիւն լուսաւորեցէ  
 եւ արուսեակն ծագեցէ ի սիրտս ձեր :  
 20 ԴԴ. Բայց նախ այսմ գիտակ լինի-  
 ջիք, զի ամենայն մարգարէութիւն  
 21 իւրոց գրոց լուծուին ոչ ունի : Քանզի  
 ոչ եթէ ըստ կամաց մարդկան տուաւ  
 մարգարէութիւն երբեք, այլ ի Հոգ-  
 ւոյն Սրբոյ կրեալք՝ խօսեցան մարդիկ  
 յԱստուծոյ :

## ԳԼ. Բ

1 Լինէին եւ սուտ մարգարէք ի Ժողո-  
 վրդեանն, որպէս եւ այժմ ի ձեզ լինի-  
 ցին սուտ վարդապետք, որք սպրդեալ  
 մուծանեն հերձուածս կորստեան, եւ  
 2 զոր Տէր գնեաց զնոսա՝ ուրացեալ, ա-  
 ծեն ի վերայ անձանց զարագհասն կո-  
 2 բուստ : Եւ բազումք անկեալ երթիցեն  
 զհետ նոցա անառակութեանցն, վասն  
 որոյ ճշմարտութեանն ճանապարհ  
 3 հայհոյիցի : Եւ ազանութեամբ մտա-  
 ցածին բանիւք առնիցեն զձեզ վտա-  
 րանդիս : որոց դատաստանն ի բնէ  
 ոչ դատարկանայ, եւ կորուստն նոցա  
 ոչ ներէ :  
 4 Զի եթէ ի հրեշտակսն յանցուցեալս  
 Աստուած ոչ խնայեաց, այլ խաւարին  
 կապանօք արկեալ ի տարտարոսն՝ ետ  
 5 պահել ի դատաստան : Նա՛ եւ ոչ ի  
 սկզբանն աշխարհի խնայեաց : Բայց  
 զութեորդն զնոյ, զարդարութեանն  
 6 քարոզ, պահեաց ի ջրհեղեղէ աշխարհի  
 6 մարարտելոցն ածեալ : Եւ զքաղաքս  
 Սոդոմացւոցն եւ Գոմորացւոց դար-  
 ձուցեալ յաճին՝ դատեցաւ, օրինակ  
 առ յապայ ամբարշտելոցն կացուցա-  
 7 նէր : Եւ զարդարն զՂովտ ձանձրա-  
 ցեալ յանկարգ գիշութեան գնացից՝  
 8 փրկեաց : Քանզի ականատես եւ ա-  
 կանջալուր արդարն բնակեալ ի մէջ  
 նոցա, օր ըստ օրէ զիւր սուրբ ոգիսն  
 նոցա անօրէն գնացիւքն տանջէր :  
 9 ԴԵ. Դիտէ Տէր զաստուածապաշտս  
 փրկել ի փորձութենէ, եւ զանիրաւս  
 պահել ի տանջանս աւուրն դատաս-  
 10 տանի : Մանաւանդ որ զհետ մարմնոյ  
 պղծալից ցանկութեանց իցեն երթեալ  
 արհամարհողք տէրութեանն, ժպիրհք,  
 յանդգունք, չգանգիտեն զփառսն հայ-  
 11 հոյել : Ուր հրեշտակք զօրութեամբ

եւ կարողութեամբ քան զնոսա մե-  
 ծամեծք չածեն զնոքօք ի Տեառնէ  
 12 զհայհոյութեանն դատաստան : Այլ սո-  
 քա իբրեւ զանխօս անասունս ըստ  
 բնածին բարուցն յեղծումն եւ յապա-  
 կանութիւն, որոց չենն գիտակ՝ հայ-  
 հոյեն, յապականութեան իւրեանց՝ եւ  
 13 ապականեցին, Տանջեալք ի վար-  
 ձուցն՝ անիրաւութեան : որ ցանկու-  
 թիւն զաւուրն փափկութիւն համա-  
 րին : Եթկանք, արատաւորք, փափ-  
 կացեալք ի պատիրս իւրեանց՝ լիեալ  
 14 ձեզ խրախճանակիցք : Այս ունին հան-  
 գոյնս պոռնկաց, անդադարս ի մեղաց,  
 պատրեն զանձինս յողորդաց : որ աւ-  
 նին սիրտ հարեալ զազանութեան  
 15 մանկունք անիծից : Թողեալ զուղղորդ  
 ճանապարհն՝ մոլորեցան, զհետ երթեալ  
 ճանապարհին Բաղամայ Բէովրեան՝  
 16 զվարձս անիրաւութեան սիրեցին :  
 16 Որ կշտամբանս իւրոյ անօրէնութեանն  
 ստացաւ զէշն անխօսուն : մարդկե-  
 ղէն՝ բարբառովն բարբառեալ՝ արգել  
 17 զմարգարէին՝ զանօրէնութիւնն : Այս-  
 պիսիքն են աղբււրք անջրդիք եւ մէքք  
 վարեալք ի մրկէ, որոց աղջամուղջք  
 խաւարին յաւիտեան պահեալ կան :  
 18 Քանզի մեծաբանս սնոտեաց բարբառ-  
 եալ պատրեն գիշութեամբք, ցանկու-  
 թեամբք մարմնոյ զայնոսիկ՝ որ ստոյգն  
 փախչիցին յայնցանէ՝ որ ի մոլորու-  
 19 թեանն չըջիցին : Նոցա ազատութիւն  
 խոստանան, եւ ինքեանք ապականու-  
 թեանն ծառայք են : զի որով իւրք եւ  
 20 յաղթիցի ոք, նորին եւ ծառայէ : Զի  
 եթէ փախուցեալք ի պղծութեանց աշ-  
 խարհի՝ գիտութեամբ Տեառն մերոյ եւ  
 Փրկչին Յիսուսի Քրիստոսի, եւ դար-  
 ձեալ ընդ նոյնս չաղեալք պատիցին,  
 եղեւ նոցա վախճանն չար քան զա-  
 21 ռաջինն : Զի լաւ էր նոցա եթէ բնաւ  
 իսկ չէր ծանուցեալ զարդարութեանն  
 ճանապարհ, քան, զի ծանեան եւ յետ  
 կացին ի սուրբ պատուիրանէն որ նո-  
 22 ցա աւանդեցաւ : Եկեալ ի դէպ նոցա  
 ճշմարիտ առակին զգոնութեան, եթէ  
 Շուն զառնայ անդրէն ի փախած իւր,  
 եւ խողլուացեալ ընդ տիղմ թաւալեալ

զնեացն զնոսա զՏէրն Իբրաւմ, ապականեցին,  
 (13) Ընկալեալք վարձս Իբրաւմ, որ զվարձս  
 անիրաւութեան սիրեաց Իբրաւմ, ստացաւ : Էշն  
 անխօսուն մարդկեղէն Իբրաւմ, զածմութեանն

Իբրաւմ, մարգիկ սուրբք Աստուծոյ Իբրաւմ, որ

ԳԼ. Գ

1 ԴՁ. Չայս <sup>1</sup>ձեզ, սիրելիք, երկրորդ թուղթ գրեմ, որով զարթուցից ի յի-  
2 շատակ զհաստատուն միտս ձեր, Յի-  
շել զյառաջագոյն ասացեալ պատգամս  
ի սրբոց մարգարէից եւ յառաքելոցն  
ձերոց, զպատուէրս Տեառն եւ Փրկչին:  
3 Բայց զայս նախ գիտասցիք, զի յա-  
ւուրս յետինս եկեացեն արհամարհողք,  
այպանողք, որ ըստ իւրեանց ցան-  
4 կութեանցն գնայցեն. Եւ ասիցեն,  
Ո՛ր եմք աւետիք զայստեան նորա.  
զի յորմէ հետէ հարքն ննջեցին, ամե-  
նայն ինչ նոյնպէս կայ մնայ ի սկզբանէ  
5 արարածոց. Եւ զայն մոռացեալ իցէ  
նոցա, որք զայսն կամին, եթէ եր-  
կինք եղեն ի սկզբանէ, եւ երկիր ի  
ջրոց եւ <sup>2</sup>ջուրք հաստատեալ կան բա-  
6 նիւն Աստուծոյ. Վասն որոյ երբեմն  
աշխարհ ջրհեղեղաւ ապականեալ կոր-  
7 եաւ. Եւ այժմ երկինք եւ երկիր նո-  
վին բանիւ գանձեալ են, հրոյ պահ-  
եալք յօրն դատաստանի եւ կորստեան  
8 ամբարիշտ մարդկան. Եւ այս եւս մի-  
լիցի ի ձէնջ ծածկեալ, սիրելիք, զի  
մի օր Տեառն իբրեւ զհազար ամ է,  
9 եւ հազար ամ իբրեւ զմի օր. Ոչ յա-  
մեցուցէ Տէր զաւետիսն, որպէս ո-  
մանք յամր համարին, այլ երկայնա-  
միտ լինի առ <sup>3</sup>ձեզ. քանզի ոչ կամի  
եթէ ոք կորիցէ, այլ զամենեցուն հա-  
սանել յապաշխարութիւն:  
10 Դէ. Այլ եկեացէ օր Տեառն իբրեւ  
<sup>4</sup>զգող, յորում երկինք տազնապաւ-

անցցեն, եւ բնութիւնք հրով կիզեալ  
լուծցին, եւ երկիր եւ որ միանգամ  
11 ի նմա գործք <sup>5</sup>գտանիցին. Եւ ի լու-  
ծանել այսպէս այսր ամենայնի, որ-  
պիսի ինչ պարտ իցէ ձեզ գտանել,  
այլ սուրբ եւ աստուածապաշտ կար-  
12 զաւ ակն ունել Եւ փութալ հասանել  
զայստեան աւուրն Տեառն. յորում  
երկինք հրայրեացք լուծանիցին, եւ  
13 բնութիւնք հրդեհեալ հալիցին. Նորոյ  
երկինք եւ նորոյ երկիր ըստ աւետ-  
եացն հայեցեալ սպասեմք, յորս ար-  
դարութիւնն բնակէ.  
14 Վասն որոյ, սիրելիք, այսոցիկ  
սպասեալ, փոյթ յանձին ունիցիք ան-  
բիծք եւ անարատք գտանել նմա ի  
15 խաղաղութիւն. Եւ զՏեառն երկայն-  
մտութիւնն փրկութիւն համարեսցիք.  
զոր օրինակ եւ սիրելի եղբայրն մեր  
Պաւղոս ըստ շնորհելոյ իմաստութեանն  
16 նմա <sup>6</sup>Աստուծոյ գրեաց ձեզ. Որպէս  
եւ յամենայն իսկ թուղթն խօսի վասն  
այսոցիկ. յորս գտանի ինչ ինչ զժուա-  
րիմաց, զոր անուամուքն եւ յող-  
ղողքն կամակորեն, որպէս եւ զա-  
մենայն իսկ զիրս առ իւրեանց ան-  
17 ձանցն կորուստ. Դուք այսուհետեւ,  
սիրելիք, իբրեւ զկանխագէտս զգու-  
շասցիք, զի մի՛ անառակ մոլորու-  
թեամբն զգածեալք՝ անկանիջիք յաս-  
18 տեաց հաստատութեանն. Աճեցէք  
շնորհօք եւ զիտութեամբն Տեառն մե-  
րոյ եւ Փրկչին Յիսուսի Քրիստոսի.  
Նմա փառք եւ այժմ եւ յօրն յաւիտե-  
անից. Ամէն.

<sup>1</sup>Թ.Պ.Ն. ձեզ այժմ      <sup>4</sup>Ուրեմ, զգող ի գեշերի  
<sup>2</sup>Թ.Պ.Ն. ջուրք  
<sup>3</sup>Ուրեմ, մեզ

<sup>5</sup>Ուրեմ, պրեցին  
<sup>6</sup>Ի Թ.Պ.Ն. պատգամ  
<sup>7</sup>Թ.Պ.Ն. յանձնց հաստատութեան





# ԹՈՒՂԹ

## ՅՈՎՀԱՆՆՈՒ ԱՌԱՋԻՆ՝



### ԳԼՈՒԽ Ա

- 1 Եւ. Որ էրն ի սկզբանէ, զորմէ լուաքն, որում ականատեան իսկ եղեալք, ընդ որ հայեցաքն, եւ ձեռք մեր չօշափեցին 2 ի վերայ Բանին կենաց. (Եւ կեանքն յայտնեցան, եւ տեսաք եւ վկայեմք եւ պատմեմք ձեզ զյաւիտենական կենացն, որ էրն առ Հօր եւ երեւեցաւ 3 մեզ.) Զոր տեսաքն եւ լուաք, պատմեմք եւ ձեզ, զի եւ դուք հաղորդութիւն ունիցիք ընդ մեզ, եւ մեր հաղորդութիւնն իցէ ընդ Հօր եւ ընդ Որդւոյ իւրում Յիսուսի Քրիստոսի: 4 Եւ զայս գրեմք ձեզ, զի ձեր ուրախութիւնն կատարեալ իցէ: 5 Եւ այս են աւետիք զոր լուաք առ ի նմանէ եւ պատմեմք ձեզ, զի Աստուած լոյս է, եւ խաւար ի նմա չիք 6 եւ ոչ մի: Եթէ ասիցեմք եթէ Հաղորդութիւն ունիմք ընդ նմա եւ ի խաւարի չըջիցիմք, ստեմք եւ ոչ առնեմք 7 ճշմարտութիւնն: Իսկ եթէ ընդ լոյս զնայցեմք, որպէս նա ի լոյս է, հաղորդութիւն ունիմք ընդ միմեանս, եւ արիւնն Յիսուսի Որդւոյ նորա սրբէ 8 զմեզ յամենայն մեղաց: Եթէ ասիցեմք եթէ Մեղս ինչ մեք ոչ ունիմք, զանձինս խաբեմք, եւ ճշմարտութիւն ի մեզ 9 ոչ գոյ: Ապա եթէ խոստովան լինիցիմք զմեզս մեր, հաւատարիմ է նա եւ արդար առ ի թողուլ մեզ զմեզս մեր, եւ սրբել զմեզ յամենայն անիրաւութենէ: 10 Եւ. Եթէ ասիցեմք, եթէ Ոչինչ մեղաք, սուտ առնեմք զնա, եւ բանն նորա ոչ է ի մեզ:

### ԳԼ. Բ

- 1 Որդեակք իմ, զայս գրեմ ձեզ զի մի մեղիցէք. եւ եթէ մեղիցէ դք, ունիմք բարեխօս առ Աստուած զՅիսուս Քրիստոս, զարդարն 3 եւ զանարատ. Եւ նա է քաւութիւն մեղաց մերոց, եւ ոչ եթէ մերոցն միայն, այլ եւ ամենայն աշխարհի: 3 Եւ յայսմիկ գիտեմք եթէ ծանեաք զնա, եթէ զպատուիրանս նորա պահիցեմք: Որ ասիցէ եթէ Ծանեայ զնա, եւ զպատուիրանս նորա ոչ պահիցէ, սուտ է եւ ճշմարտութիւն ի նմա ոչ 5 գոյ: Իսկ որ պահէ զբանն նորա, արդարեւ ի նմա կատարեալ է սէրն Աստուծոյ. այսուիկ ճանաչեմք եթէ ի նմա եմք: Որ ասիցէ ի նմա բնակել 6 այնպէս պարտի զնալ, որպէս եւ նայն զնաց: 7 Եւ. Սիրելիք, ոչ եթէ նոր ինչ պատուիրան գրեմ ձեզ, այլ զին պատուիրանն զոր ի սկզբանէ ունէիք. եւ ինչ պատուիրան բանն է զոր Ըլուս 8 րուք: Դարձեալ նոր պատուիրան գրեմ ձեզ որ է ճշմարտել ի նմա եւ ի ձեզ. զի խաւարն անցանէ, եւ լոյսն 9 ճշմարիտ արդէն իսկ երեւի: Որ ասէ եթէ ի լոյսն իցէ եւ զեղբայր իւր տաիցէ, 10 սուտ է եւ ի խաւարի է տալու իւր: Որ սիրէ զեղբայր իւր ի լոյս բնակէ, եւ գայթակղութիւն ի նմա չիք: Իսկ որ առեայ զեղբայր իւր ի խաւարի է, եւ ընդ խաւար չըջի, եւ ոչ գիտէ յո երթայ, զի խաւարն կուրացոյց զաչս նորա:

1 Ունիմք, Թուղթ Յովհաննու Կաթողիկոսի Առաջին. այլ, Թուղթ Յովհաննու Աւագից Կաթողիկոսի Առաջին  
2 Ունիմք, Յիսուսի Քրիստոսի

3 Ի Բաւին գլուխ Գլ. Բ  
4 Ունիմք, Եղբայր  
5 Ունիմք, Ըլուսուք ի սկզբանէ

12 Գրեմ ձեզ, որդեակք, զի Թողեալ  
են ձեզ մեղքն ձեր վասն անուան նո-  
13 րա։ Գրեմ ձեզ, հարք, զի ծանեայք  
դուք զայն որ ի սկզբանէն է։ Գրեմ  
14 ձեզ, երիտասարդք, զի յաղթեցէք  
զի ծանեայք դուք զՀայրն։ Գրեցի  
15 ձեզ, հարք, զի ծանեայք դուք զայն  
որ ի սկզբանէն է։ Գրեցի ձեզ, երի-  
տասարդք, զի էք դուք հզօրացեալք,  
16 եւ բանն Աստուծոյ ի ձեզ բնակէ, եւ  
17 յաղթեցէք դուք չարին։ Մի՛ սիրէք  
զայխարհս, եւ մի՛ որ ինչ յայխարհի  
18 է։ Եթէ ոք սիրէ զայխարհ, ոչ է ի  
նմա սէր Հօր, զի ամենայն որ ինչ  
19 յայխարհի է՝ ցանկութիւն է մարմնոյ  
եւ ցանկութիւն է աշաց եւ ամբար-  
տաւանութիւն աստի կենացս, որ չէ  
առ ի Հօրէ, այլ յայխարհէ աստի է։  
20 Եւ աշխարհս անցանէ եւ ցանկու-  
թիւնն, իսկ որ առնէ զկամս Աստու-  
ծոյ՝ մնայ յաւիտեան։  
21 Եւ որդեակք, յետին ժամանակ է,  
եւ որպէս լուարուք եթէ Նեոն գալոց  
է, եւ արդէն իսկ նեոինք բազում  
22 եկեալ են, որով մարթիմք իմանալ  
23 եթէ յետին ժամանակ է։ Առ ի մէնջ  
եկին, այլ ոչ էին ի մէնջ։ զի եթէ ի  
մէնջ էին, ապա առ մեզ մնային։ այլ  
զի յայտնի լինիցին եթէ ոչ էին ամե-  
24 նքեան նորա ի մէնջ։ Եւ դուք օ-  
ծութիւն ունիք առ ի Սրբոյն, եւ զի-  
25 տէք ամենեկին։ Ոչ զրեցի ձեզ եթէ  
ոչ գիտէք զճշմարտութիւնն, այլ թէ  
զիտէք զնա եւ թէ՛ զի ամենայն ստու-  
թիւնն ոչ է ի ճշմարտութենէ անտի։  
26 Իսկ ո՛րիցէ սուտ, եթէ ոչ որ ուրա-  
նայ եթէ Յիսուս չէ Քրիստոսն։ նա  
իսկ է Նեոն, որ ուրանայ զՀայր եւ  
27 զՈրդի։ Ամենայն որ ուրանայ զՈրդի՝  
եւ ոչ զՀայր ընդունի։ Իսկ որ խոս-  
տովանի զՈրդի՝ նա եւ զՀայր ընդու-  
28 նի։ Դուք զոր լուարուք ի սկզբանէ՝  
ի ձեզ բնակեցէ։ զի եթէ ի ձեզ բնա-  
կեցէ զոր ի սկզբանէն լուարուք, եւ  
29 դուք յՈրդի եւ ի Հայր բնակեցիք։  
30 Եւ այս անեալ զոր աւետարան-  
եաց նա մեզ, զկեանսն յաւիտեանա-  
կանս։

31 Եւ Զայս գրեցի ձեզ, զի մի՛ ոք  
32 զձեզ մոլորեցուցանիցէ։ Եւ դուք օ-  
ծութիւնն զոր բնկալարուք ի նմանէ՝  
բնակեցէ ի ձեզ։ եւ չէ ինչ պիտոյ  
եթէ ոք զձեզ սուտեցէ, այլ որպէս  
33 զի նորա օծութիւնն ուսուցանիցէ՝  
զձեզ վասն ամենայնի, եւ ճշմարիտ է  
եւ չէ սուտ։ եւ որպէս ուսուցն զձեզ,  
34 կայք ի նմա։  
35 Եւ այժմ, որդեակք, կացէք ի նմին,  
զի եթէ յայտնեցի, ունիցիմք համար-  
ձակութիւն, եւ մի՛ ամաչեցուք ի  
36 նմանէ ի գալստեան նորա։ Զի եթէ  
գիտիցէք եթէ արդար է նա, իմաստիք  
եթէ ամենայն որ առնէ զարդարու-  
թիւն՝ առ ի նմանէ է ծնեալ։

ԳԼ. Գ

1 Տեսէք, որպիսի՛ սէր չնորհեաց մեզ  
Հայր, զի որդիք Աստուծոյ կոչեցուք  
մեք։ վասն այսորիկ աշխարհ ոչ ճա-  
նաչէ զմեզ, քանզի ոչ ծանեաւ զնա։  
2 Եւ Սիրելիք, այժմ որդիք Աստու-  
ծոյ եմք, եւ չեւ եւս է յայտ եթէ զինչ  
լինիլոց իցեմք։ զիտեմք, զի յորժամ  
նա յայտնեցի, նման նմա լինիլոց  
եմք, զի տեսանիլոց եմք զնա որպէս  
3 եւ էն։ Եւ ամենայն որ ունի զայս  
յոյս յանձին՝ օրքէ զանձն իւր, որպէս  
4 եւ նայն սուրբ է։ Ամենայն որ զմեղս  
գործէ, նա եւ զանօրէնութիւն առնէ,  
եւ ինքն իսկ մեղքն անօրէնութիւն է։  
5 Եւ զիտեմք զի նա յայն սակս յայտ-  
նեցաւ, զի զմեղս բարձցէ, եւ ի նմա  
6 մեղք ոչ են։ Ամենայն որ ի նա է հաւ-  
տատեալ՝ ոչ մեղանչէ։ եւ ամենայն  
որ մեղանչէ՝ ոչ ետես զնա եւ ոչ  
7 ծանեաւ զնա։ Մանկունք, մի՛ ոք  
զձեզ խաբեցէ։ որ առնէ զարդարու-  
թիւն, արդար է՝ որպէս եւ նայն ար-  
8 դար է։ Եւ որ առնէ զմեղս՝ ի Սատա-  
նայէ է, զի ի սկզբանէ Սատանայ մե-  
ղանչէ։ վասն այսորիկ յայտնեցաւ Որ-  
դին Աստուծոյ, զի լուծցէ զգործս  
9 Սատանայի։ Ամենայն որ յԱստուծոյ է  
ծնեալ՝ մեղս ոչ առնէ, զի սերմն նորա  
ի նմա մնայ։ եւ ոչ կարէ մեղանչել,

1ի Եւսէին պատի

2Եւսէին, ցանկութիւն նորա

3Որդի, զամենայն

4Յոսան պատի

5Որդի, օծութիւնն այն ուսուցանէ։ այս՝  
Հոգի նորա ուսուցանէ

6Որդի, կացէք

7Եւսէին, ի նմա

8Յոսան, գիտէք

9Յոսան, զմեղս մեք

10 զի յԱստուծոյ է ծնեալ: Այսուիկ յայտ-  
նի են <sup>1</sup>ի միմեանց որդիք Աստուծոյ  
եւ որդիք Սատանայի:

Եւ. Ամենայն որ ոչ առնէ զարդա-  
րութիւն՝ չէ նա յԱստուծոյ, եւ որ ոչ

11 սիրէ զեղբայր իւր. Զի այս է պատ-  
ուիրանն զոր լուարուք ի սկզբանէ,

12 զի սիրեացուք զմիմեանս: Ոչ որպէս  
կայէնն ի չարէ անտի էր եւ սպան

զեղբայրն իւր. եւ յոր սակս սպան  
գնաւ. զի իւր գործքն չար էին, եւ

13 եղբօրն բարի: Եւ մի՛ ինչ զարմանայք,  
եղբարք, եթէ աշխարհ զձեզ ատեայ:

14 Մեք գիտեմք զի փոխեցաք ի մահ-  
ուանէ ի կեանս, քանզի սիրեմք զեղ-

բարս. իսկ որ ոչն <sup>2</sup>սիրէ, անդէն ի

15 մահու մնայ: Ամենայն որ ատեայ զեղ-  
բայր իւր՝ մարդասպան է, եւ զիտէք,

զի ամենայն մարդասպանն ոչ ունի  
զկեանս յաւիտենականս յանձին հաս-

16 տատեալ: Այսուիկ գիտացաք զսէրն,  
զի նա զանձն իւր եղ վասն մեր, եւ

մեք վասն եղբարց <sup>3</sup>մերոց պարտիմք

17 զնեղ զանձինս: Որ ունիցի զկեանս  
ինչ զայսարհիս, եւ տեսանիցէ զեղ-

բայր իւր կարօտեալ իւրիք, եւ փա-  
կիցէ զգութս իւր առ ի նմանէ, զիմրդ

18 սէրն Աստուծոյ ի նմա իցէ բնակեալ:

19 ԶԱ. Որդեակք, մի՛ բանիւք եւ լեզ-  
ուօք սիրեացուք, այլ արդեամբ եւ

ճշմարտութեամբ:

20 Եւ այսուիկ լիցուք ծանուցեալք  
եթէ ի ճշմարտութենէ անտի իցեմք,

եւ առաջի նորա արասցուք հանդէս

21 սրտից մերոց: Եթէ ստղտանիցեն զմեզ  
սիրաք մեր, այլ Աստուած մեծ է քան

22 զսիրտս մեր եւ զիտէ զամենայն: Սի-  
րելիք, եթէ սիրաք մեր զմեզ ոչ

ստղտանիցեն, համարձակութիւն ու-

23 նիմք առ Աստուած. Եւ զոր ինչ հայ-  
ցեմք՝ առնումք ի նմանէ, զի զպատ-

ուիրանս նորա պահեմք, եւ զհաճոյս

24 պէս եւ ետ մեզ պատուէր: Եւ որ  
պահէ զպատուիրանս նորա՝ ի նմա է

<sup>1</sup>ի Եւանջիոյ զԵւանջի

<sup>2</sup>Ուրիշ, սիրէ զեղբայրն

մանէ գիտեմք եթէ բնակէ ի մեզ, ի  
Հոգւոյ անտի զոր ետ մեզ:

ԳԼ. Դ

1 ԶԲ. Սիրելիք, մի՛ ամենայն հոգւոյ  
հաւատայք, այլ ընտրեցէք զհոգիսն՝

եթէ յԱստուծոյ իցեն. զի բազում

2 Եւ <sup>3</sup>մեք այսուիկ ճանաչեմք՝ զՀոգին  
Աստուծոյ. ամենայն հոգի որ խոս-

տովանի զԵրեսուս Բրիստոս մարմնով

3 եկեալ՝ յԱստուծոյ է նա. Եւ ամե-

նայն հոգի որ ոչ խոստովանի զԵրեսու

Բրիստոս մարմնով եկեալ՝ չէ նա յԱ-

ստուծոյ, եւ այս նեղինն է, զորմէ

լուարուք եթէ գալոց է, եւ արդէն

4 իսկ յայսարհի է: Դուք յԱստուծոյ

էք, որդեակք, եւ յաղթեցէք նոցա.

զի մեծ է որ ի ձեզդ է քան զայն որ

5 յայսարհին է: Նոքա յայսարհէ են,

վասն այնորիկ յայսարհէ խօսին, եւ

6 աշխարհ լսէ նոցա: Մեք յԱստուծոյ

եմք. որ զԱստուած ճանաչէ՝ լսէ մեզ,

եւ որ չէ յԱստուծոյ՝ ոչ լսէ մեզ.

այսուիկ ճանաչեմք զՀոգին ճշմար-

տութեան եւ զհոգին խաբէութեան:

7 ԶԳ. Սիրելիք, սիրեացուք զմիմեանս,

զի սէր յԱստուծոյ է. եւ ամենայն որ

սիրէ՝ յԱստուծոյ է ծնեալ եւ ճանաչէ

8 զԱստուած. Եւ որ ոչն սիրէ՝ ոչ ճա-

նաչէ զԱստուած, զի Աստուած սէր է:

9 Եւ զի յայսմ երեւեցաւ սէրն Աստու-

ծոյ ի մեզ, զի զՈրդին իւր միածին

առաքեաց Աստուած յայսարհ, զի ե-

10 ղիցուք նովալ կենդանիք: Յայսմ է

սէրն, ոչ զի մեք սիրեցաք զԱստուած,

այլ զի նա սիրեաց զմեզ, եւ առաք-

եաց զՈրդին իւր ի քաւութիւն մեղաց

11 մերոց: Սիրելիք, եթէ Աստուած այս-

պէս սիրեաց զմեզ, ապա եւ մեք պար-

տիմք զմիմեանս սիրել:

12 ԶԳ. ԶԱստուած ուրուք երբեք չիք

տեսեալ. եթէ սիրեացուք զմիմեանս,

Աստուած ի մեզ բնակէ, եւ սէր նորա

13 ի մեզ կատարեալ է: Այսուիկ գիտեմք,

եթէ մեք ի նմա եմք բնակեալ, եւ նա՝

ի մեզ, զի ի Հոգւոյն իւրմէ ետ մեզ:

14 Եւ մեք տեսաք եւ վկայեմք, զի Հայր

առաքեաց զՈրդին իւր Փրկիչ աշխարհի:

<sup>3</sup>Բազում, ճանաչէք

15 Որ ոք խոստովանեցի եթէ Յիսուս է  
Որդի Աստուծոյ, Աստուած ի նմա  
16 քնակէ, եւ նա՝ յԱստուած: Եւ մեք  
հաւատացաք. եւ ծանեաք զսէրն Աս-  
տուծոյ զոր ունի առ մեզ. Աստուած  
սէր է. եւ որ կայ ի սէրն՝ քնակեալ է  
յԱստուած, եւ Աստուած ի նմա քնա-  
17 կէ: Յայսմիկ կատարեալ է սէրն ընդ  
մեզ. զի համարձակութիւն ունիմք  
յաւուրն դատաստանի. զի որպէս եւ  
նայն է՝ նոյնպէս եւ մեք եմք յայխար-  
18 հին յայսմիկ: Երկեւղ ոչ գոյ ի սէր,  
այլ սէրն կատարեալ ի բաց մերժէ զեր-  
կեւղն. զի երկեւղ ընդ տանջանօք է.  
իսկ որ երկնչին՝ չէ կատարեալ ի սէրն:  
19 Մեք սիրեցողք զԱստուած՝, վասն  
20 զի նա նախ սիրեաց զմեզ: Եթէ ոք  
ասիցէ եթէ Սիրեմ զԱստուած, եւ  
զեղբայր իւր առիցէ, սուտ է. որ ոչ  
սիրէ զեղբայր իւր զոր տեսանէ, զԱս-  
տուած զոր ոչն ետես՝ զիմրդ կարիցէ  
21 սիրել: Եւ զայս պատուէր ունիմք  
առ ի նմանէ, զի որ սիրէ զԱստուած  
սիրէ նա եւ զեղբայր իւր:

ԳԼ. Ե

1 ԶԵ. Ամենայն որ հաւատայ եթէ Յի-  
սուս է Քրիստոսն՝ յԱստուծոյ ծնեալ  
է, եւ ամենայն որ սիրէ զծնողն՝ սիրէ  
2 եւ զծնեալն ի նմանէ: Այսուիկ ճա-  
նաչեմք եթէ սիրեմք զՈրդին Աստու-  
ծոյ, յորժամ զԱստուած սիրեցողք  
եւ զպատուիրանս նորա արասցողք:  
3 Քանզի այս է սէրն Աստուծոյ, եթէ  
զպատուիրանս նորա պահեսցողք. եւ  
պատուիրանք նորա չեն ինչ ծանուցի:  
4 Զի ամենայն որ յԱստուծոյ ծնեալ է՝  
յաղթէ աշխարհի. եւ այս է յաղթու-  
թիւնն որ յաղթէ աշխարհի, հաւատքն  
5 մեր: Եւ ո՞ իցէ որ յաղթիցէ աշխարհի,  
եթէ ոչ՝ որ հաւատայցէ եթէ Յիսուս  
է Որդի Աստուծոյ:  
6 Սա է որ եկն ջրով՝<sup>1</sup> եւ հոգւով՝<sup>2</sup> եւ  
արեամբ, Յիսուս Քրիստոս. ոչ ջրով  
7 միայն, այլ եւ արեամբ եւ ջրով. Եւ  
Հոգին է որ վկայէ, զի Հոգին իսկ է  
8 ճշմարտութիւն: Սոքա երեքին՝ են

որ վկայեն, Հոգին, ջուրն եւ արիւնն.  
9 եւ երեքին մի են: Եթէ զմարդկան  
ինչ վկայութիւն ունիցիմք, ապաքէն  
Աստուծոյ վկայութիւնն մեծ իցէ. այս  
է վկայութիւնն Աստուծոյ, որ վկայ-  
եաց ի վերայ Որդւոյն իւրոյ: ՎՋ.  
10 ԶԶ. Որ հաւատայ յՈրդին Աստուծոյ՝  
ունի յանձին զվկայութիւնս զայս. որ  
չհաւատայ ՚Որդւոյ Աստուծոյ՝ սուտ  
առնէ զնա. քանզի չհաւատայ վկա-  
յութեանն զոր վկայեաց Աստուած ի  
11 վերայ Որդւոյն իւրոյ: Եւ այս իսկ է  
վկայութիւնն, զի կեանս յաւիտենա-  
կանս ետ մեզ Աստուած, եւ այս են  
12 կեանքն որ յՈրդին նորա են: Որ ըն-  
դունի զՈրդին, ընդունի եւ զկեանսն.  
եւ որ ոչ ընդունի զՈրդին Աստուծոյ,  
եւ ոչ զկեանսն ընդունի:  
13 ԶԵ. Զայս գրեցի ձեզ զի գիտասցիք  
եթէ կեանս յաւիտենականս ունիք,  
եւ զի հաւատայցէք յանուն Որդւոյն  
14 Աստուծոյ: Եւ այս է համարձակու-  
թիւնն զոր ունիմք մեք առ նա, զի  
զոր ինչ հայցեսցուք ըստ կամաց նո-  
15 րա՝ լսէ մեզ: Զի եթէ գիտեցեմք եթէ  
լսէ հայցուածոցն մերոց, ապա գիտեմք  
եթէ առնումք զհայցուածսն զոր հայ-  
ցեմք առ ի նմանէ:  
16 Եթէ ոք տեսցէ զեղբայր իւր մեղու-  
ցեալ մեղս որ ոչ առ ի մահ, խնդրեսցէ  
եւ տացէ նմա կեանս մեղուցելոյն ոչ  
առ ի մահ. են մեղք որ մահուչափ են,  
ոչ վասն այնորիկ ասեմ եթէ ՚Խնդրես-  
17 ցես: Ամենայն անիրաւութիւն մեղք  
են. եւ են մեղք որ մահուչափ են:  
18 Գիտեմք եթէ ամենայն որ յԱստու-  
ծոյ է ծնեալ՝ ոչ մեղանչէ. այլ որ  
յԱստուծոյն է ծնեալ՝ պահէ զանձն,  
19 եւ չարն առ նա ոչ մերձենայ: Գիտեմք  
եթէ յԱստուծոյ եմք, եւ աշխարհ ա-  
20 մենայն ի չարի կայ: Եւ գիտեմք եթէ  
Որդին Աստուծոյ եկն, եւ ետ մեզ  
միտս զի ծանիցողք զճշմարիտն. եւ  
եմք ի ճշմարիտ Որդւոյ նորա Յի-  
սուսի Քրիստոսի. ՚Ղի նա է ճշմարիտ  
Աստուած. եւ կեանք յաւիտենական:  
21 Որդեակք, պահեցէք զանձինս ի կոտ-  
պաշտութենէ:

<sup>1</sup>Բաւա՛ւ, ունիցիմք

<sup>2</sup>Ունի, սիրեմք զնա. այլ՝ սիրեմք զԱստուած

<sup>3</sup>Յ-յն, զորդին

<sup>4</sup>Ի Բաւա՛ւ, պահեմք

<sup>5</sup>Յ-յն, Զի երեք

<sup>6</sup>Բաւա՛ւ, խնդրեսցէ

<sup>7</sup>Բաւա՛ւ, չեն

<sup>8</sup>Ի Յաւնի գրութեմ

# ԹՈՒՂԹ

## ՅՈՎՀԱՆՆՈՒ ԵՐԿՐՈՐԴ՝



<sup>1</sup> ԷԱ. ՅԵՐԻՑՈՒԷ առ ընտրեալդ Կիւրիա  
 եւ առ որդեակս իւր, զոր ետդ սիրեմ  
 ճշմարտութեամբ, եւ ոչ եթէ ես միայն,  
 այլ եւ ամենեքեան ոյք զիտակ են  
<sup>2</sup> ճշմարտութեանն. Վասն <sup>2</sup> որոյ ճշմար-  
 տութեանն որ ի մեզ հաստատեալ է,  
<sup>3</sup> զի եւ ընդ ձեզ իցէ՞. <sup>2</sup> եւ դուք յա-  
<sup>3</sup> խտենից ընդ մեզ իցէ՞. Շնորհք, ու-  
 զորում թիւն, խաղաղութիւն յԱստու-  
 ծոյ ի Հօրէ եւ ի Տեառնէ Յիսուսէ  
 Քրիստոսէ Որդւոյն Հօր, ճշմարտու-  
 թեամբ եւ սիրով եղիցին ընդ ձեզ.  
<sup>4</sup> Ուրախ եղէ յոյժ, զի զսի յորդե-  
 կացդ քոց որ գնան ճշմարտութեամբ  
 ըստ պատուիրանին զոր առաք ի Հօրէ,  
<sup>5</sup> Եւ այժմ աղաչեմ զքեզ, Կիւրիա, իւր-  
 բեւ ոչ եթէ նոր ինչ պատուիրան  
 գրեմ քեզ, այլ զոր ի սկզբանէն ու-  
<sup>6</sup> նէաք, զի սիրեսցուք զմիմեանս. Եւ  
 այս է սէրն, զի գնասցուք ըստ պատ-  
 ուիրանաց նորա. եւ այս է պատուի-  
 րանն, զի որպէս լուարուք ի սկզբա-  
 7 նէ՝ ըստ նմին գնասցիք, Զի բազում

մոլորեցուցիչք ելին յայլաբար. <sup>4</sup> որ ոք  
 ոչ խոստովանի՝ զՅիսուս Քրիստոս  
 եկեալ մարմնով, նա մոլորեցուցիչ է  
 եւ Նեոն.  
<sup>8</sup> ԷԱ. Զգոյշ լինիջիք անձանց զի մի՝  
<sup>5</sup> կորուսանիցէ՞ք՝ զոր վաստակեցէքն,  
 այլ զի առնուցուք՝ բովանդակ զվարձան.  
<sup>9</sup> Ամենայն որ յանցանիցէ եւ ոչ կայցէ ի  
 վարդապետութեանն Քրիստոսի՝ զԱս-  
 տուած ոչ ճանաչէ. որ կայ ի վարդա-  
 պետութեանն՝ նա եւ զՈրդին եւ  
<sup>10</sup> զՀայր ընդունի. Եթէ ոք գայցէ առ  
 ձեզ եւ զվարդապետութիւնս զայս ոչ  
 ունիցի, մի՛ ընդունիցիք զնա ի տուն.  
<sup>11</sup> եւ մի՛ ողջոյն տայցէք նմա. Որ ա-  
 սասցէ նմա Ողջոյն՝ կցորդ լիցի Հարաց  
 գործոց նորա.  
<sup>12</sup> Բազում ինչ ունէի գրել առ ձեզ.  
 այլ ոչ կամեցայ քարտիսիւ եւ դեղով.  
 զի ակն ունիմ ինձէն իսկ զալ առ  
 ձեզ, եւ բերան ի բերան խօսել. զի  
 ուրախութիւնն մեր իցէ կատարեալ.  
<sup>13</sup> Ողջոյն տան քեզ որդիք քեզ քո ընտ-  
 րելոյ. Շնորհք ընդ ձեզ.

<sup>1</sup> ԵԱ., Թուգթ Յոգաննու Առաքելոյ Երկրորդ  
<sup>2</sup> Ի ԵԱ. Եւս. Եւս.  
<sup>3</sup> Բաւաւ, Եւ Եւս. մեզ իցէ յաւիտեան

<sup>4</sup> ԵԱ., որ ոչ խոստովանի  
<sup>5</sup> ԵԱ., կորուսանիցէ՞ք զոր վաստակեցաքն,  
 այլ զի առնուցուք <sup>6</sup> Ի Եւս. Եւս.



# ԹՈՒՂԹ

## ՅՈՎՀԱՆՆՈՒ ԵՐՐՈՐԴ՝



1 ԷՊ. ՅԵՐԻՅՈՒԷ առ Գայիոս սիրելի,  
2 զոր եսդ սիրեմ ճշմարտութեամբ։ Մի-  
րելի, վասն ամենայն իրաց քոց յա-  
ջողութեան եւ առողջութեան ազօթս  
առնեմ. որպէս է իսկ յաջողութիւն  
3 անձինդ քո։ Յոյժ ուրախ եղէ ի գալ  
եղբարց եւ լինել վկայ քոյոյ ճշմար-  
տութեանդ, որպէս գնասդ դու ճշմար-  
4 տութեամբ։ Մեծ եւս ինչ ուրախու-  
թիւն քան զայս ոչ ունիմ, զի լսեմ  
եթէ իմ որդեակքն ճշմարտութեամբ  
5 գնան։ Միւրելի, հաւատարիմ գործես  
զայդ, զոր եթէ առնիցես առ եղբարս՝  
6 զզոյն եւ առ օտարս։ Որք վկայեցին  
քոյոյ սիրոյդ առաջի եկեղեցւոյ. որոց  
բարիս արարեալ յուզարկես արժանիս  
7 Աստուծոյ։ Զի վասն <sup>2</sup>անուանն ելին,  
եւ <sup>3</sup>ոչինչ յուժեքէ առնուն զհեթանո-  
8 սականացն։ Մեք այսուհետեւ պար-  
տիմք ընդունել զայնպիսիս, զի գոր-  
ծակիցք լիցուք ճշմարտութեանն։  
9 ԷՊ. Գրեցի ինչ եկեղեցւոյն. այլ որ

յառաջադէմն ի նոցանէ է Դիոտրեփէս,  
10 ոչ ընդունի զմեզ։ Վասն այսորիկ եթէ  
եկից, յիշեցուցից զգործս նորա զոր  
առնէ, բանիւք չարօք շատիսութեան  
առնէ զմեզ աշխատ. եւ ոչ պատքիւք  
չատացեալ, ոչ ինքն ընդունի զեղբարս,  
եւ զայնպիկ որ ընդունինն՝ արգելու,  
11 նա՛ եւ յեկեղեցւոյ եւս հանէ։ Միւրելի,  
մի՛ լիցիս նմանող չարի, այլ բարւոյ-  
զի որ զբարին առնէ՝ յԱստուծոյ է.  
եւ որ զչարիս գործէ՝ նա ոչ ետես եր-  
12 անք զԱստուծոյ։ ԶԴեմեաբեայ վկայ-  
եալ է յամենեցունց <sup>4</sup>եւ յեկեղեցւոյն՝  
եւ ի ճշմարտութենէն, եւ մեք վկա-  
յեմք. եւ դու գիտես զի ճշմարիտ է  
մեր վկայութիւնն։  
13 Բազում ինչ ունէի գրել քեզ, այլ  
ոչ կամիմ <sup>5</sup>քարտիսիւ եւ դեղով գրել։  
14 Զի ակն ունիմ ի մօտայ իսկ տեսանել  
զքեզ, եւ բերան ի բերան խօսել։  
15 Խաղաղութիւն ընդ քեզ. ողջոյն տան  
քեզ <sup>6</sup>սիրելիք. ողջոյն տալիր սիրել-  
եաց <sup>7</sup>մերոց իւրաքանչիւր յանուանէ։

<sup>1</sup>Ունի, Թուղթ Յովհաննու Աւագելոյ Երրորդ  
<sup>2</sup>Ունի, անուան նորա  
<sup>3</sup>Ունի, ոչինչ առնուն ի հեթանոսաց

<sup>4</sup>Ի Թուղթ գրեմ  
<sup>5</sup>Յոյն, քեզով եւ եղեգամբ գրել քեզ  
<sup>6</sup>Ունի, եղբարք  
<sup>7</sup>Ի Յուդէոս գրեմ



# ԹՈՒՂԹ

## ՅՈՒԴԱՅԻ ԱՌԱՔԵԼՈՅ

### ԿԱԹՈՂԻԿԷ

<sup>1</sup> ԵՍ. Յուդա, Յիսուսի Քրիստոսի ծառայ, եւ եղբայր Յակովբայ, <sup>2</sup> Կեթանոսաց որ՝ յԱստուծոյ Հօրէ Էք սիրեցեալք, եւ Յիսուսի Քրիստոսի պահ-  
<sup>2</sup> եալք եւ <sup>3</sup> ընտրեալք, Ողորմութիւն ձեզ եւ խաղաղութիւն եւ սէր բազմասցի։  
<sup>3</sup> Սիրելիք, զամենայն փոյթ յանձին կալեալ գրել ձեզ վասն մերոյ հասարակաց փրկութեանն, հարկ յանձին կալայ գրել ձեզ, եւ աղաչել զի ճգնիցիք ի վերայ հաւատոցն, որ միանգամ  
<sup>4</sup> աւանդեցաւն սրբոց։ Քանզի սպրդեցին մօին ոմանք, որ յառաջագոյն իսկ <sup>5</sup> կատարեալ էին ի սոյն դատաստան, ամբարիշտք, որ զԱստուծոյ մերոյ շնորհսն դարձուցին յանկարգութիւն։ եւ զմի միայն <sup>6</sup> զիշխանն եւ զՏէր մեր Յիսուս Քրիստոս ուրացեալք։  
<sup>5</sup> Յիշեցուցանել ձեզ այսուհետեւ կամ է ինձ որ գիտէքդ <sup>7</sup> զամենայն, զի Աստուած միանգամ՝ զԺողովուրդն փրկեաց յեզիպտոսէ, երկրորդ անգամ  
<sup>6</sup> զանհաւատսն կորոյս։ Եւ զհրեշտակս որ ոչ պահեցին զիւրեանց իշխանութիւնն, այլ թողին զիւրեանց բնակութիւնն, ի դատաստանս մեծի աւուրն մշտնջենաւոր կապանօք պահեաց ի  
<sup>7</sup> խաւարի։ Որպէս Սողոմն եւ Գոմոր եւ որ շուրջ զնոքօք քաղաքքն, որ ըստ նոյն օրինակի պոռնկեցան զհետ ընկերացն մարմնոց, կան առաջի օրինակ՝ զյաւիտենական հրոյն ընկալ-  
<sup>8</sup> եալ զդատաստան։ Ըստ նմին օրինակի

եւ սոքա իբրեւ քնով դանդաշեալք՝ զմարմին պղծեն, զտէրութիւնս ք-  
<sup>9</sup> մանեն, զփառսն հայհոյեն։ Ուր Միքայէլ հրեշտակապետն յորժամ բռն-  
սարկուն Սատանայի վիճեալ տայր պա-  
տասխանի վասն Մովսիսեանն մարմ-  
նոյ, ոչ ժպրհեցաւ հայհոյութեանն դատաստանի հանդուրժել։ այլ ասէ,  
<sup>10</sup> Սատեսցէ ի քեզ Տէր։ Իսկ սոքա զոր ինչ ոչն իմանան՝ հայհոյեն։ եւ զայն եւս զոր բնութեամբ իբրեւ զան-  
խօս անասուն գիտեն, ի նոսին ապա-  
<sup>11</sup> կանեսցին։ Վայ է նոցա, զի ըստ ճա-  
նապարհին Կայենի գնացին, եւ ըստ մոլորութեանն Բաղաամայ զեղխեցան զհետ վարձուց, եւ ըստ հակառակու-  
<sup>12</sup> թեանն Կորխայ կորեան։ <sup>13</sup> Սոքա են ատեցեալք շոգմոզք երթեալ զհե-  
ցանկութեանց իւրեանց, ի սէրս իւրեանց խարդախութեամբ, լինին ընդ  
ձեզ ուրախակիցք, աներկեւի՝ զան-  
ձինս ճարակեն։ ամպք անջրդիք հող-  
մակոծեալք, ծառք պտղակորոյսք, անպտուղք, կրկնամեռք, խլեալք ար-  
<sup>13</sup> մատաքի։ Անաստ ալիք ծովու, որ միշտ փրփրեն զիւրեանց անձանցն զա-  
մօթ։ աստեղք մոլարք, որոց <sup>14</sup> Վիշխաւարին յաւիտենից պահեալ է։  
<sup>14</sup> ԵՁ. Մարգարէացաւ վասն նոցա եւ եւթներորդն յԱդամայ Ենովք, եւ ասէ, Ահաւասիկ եկն Տէր բիւրովք սրբովք  
<sup>15</sup> <sup>15</sup> Կրեշտակօք, Առնել դատաստան ըստ ամենայնի, եւ յանդիմանել զամենայն ամբարիշտս վասն գործոց իւրեանց զոր ամբարշտեցին։ եւ վասն ամենայն

<sup>1</sup> Թ-ՆՆ, որոց

<sup>2</sup> Թ-ՆՆ, կալեցեալք

<sup>3</sup> Թ-ՆՆ, գրեալ

<sup>4</sup> Ո՛-ՆՆ, զիշխանն զԱստուած

<sup>5</sup> Ո՛-ՆՆ, միանգամ զպս զի Տէր

<sup>6</sup> Թ-ՆՆ, Սոքա են ի սէրս ձեր արաւք, իբրեւ-  
ճանակիցք լեալ ձեզ աներկեւ

<sup>7</sup> Թ-ՆՆ, աղջամուղջ

<sup>8</sup> Թ-ՆՆ, իւրովք

<sup>9</sup> Թ-ՆՆ, ի վերայ ամենեցուն

16 Խիստ բանից զոր խօսեցան զնմանէ  
մեղաւորք <sup>1</sup>եւ ամբարիշտք։ Սոքա  
են տրտնջողք եւ չոգմոզք, երթեալ  
ըստ իւրեանց անձանց ցանկութեանց,  
եւ բերանքնոցա զամբարտաւանս բար-  
բառին, առնուն ակն երեսաց վասն  
օգտի։

17 Եւ Բայց դուք, սիրելիք, յիշեցէք  
զկանխասաց բանս զառաքելոցն Տեառն

18 մերոյ Յիսուսի Քրիստոսի։ Զի ասէին  
ձեզ եթէ ի յետին ժամանակս եղիցին  
մարդք արհամարհողք, երթեալ ըստ  
իւրեանց ամբարշտութեանցն ցան-  
կութեանց։

19 Սոքա են <sup>2</sup>նշաւակեալք, շնչաւորք,  
20 որ զՀոգին ոչ ունիցին։ Այլ <sup>3</sup>մեք,

սիրելիք, եղիցուք՝ չինել զանձինս  
սրբութեամբն <sup>4</sup>հաւատոց, ի Հոգին

21 Սուրբ <sup>5</sup>կացցուք յաղօթս՝ Պահել զան-

ձինս սիրովն Աստուծոյ ակն ունել ո-  
ղորմութեանն Տեառն մերոյ Յիսուսի  
Քրիստոսի ի կեանսն յաւիտենականս։

22 Եւ <sup>6</sup>ոմանց դատապարտելոց լինիլիք  
23 կշտամբիչք՝։ Եւ զոմանս ապրեցու-  
ցանիլիք յափշտակեալ ի հրոյ։ Եւ ո-  
մանց ողորմեցիլք երկիւղիւ, <sup>7</sup>դատել  
եւ զպատմութեանն որ ի մարմնոյն իցէ  
աղտեղեալ։

24 Եւ այնմ, որ կարօղն իցէ պահել  
զձեզ անարատս եւ <sup>8</sup>ամբիծս, հաս-  
տատեալ առաջի իւրոց փառաց աներ-

25 կեւանն ցնծութեամբ, Միոյն Աստու-  
ծոյ <sup>9</sup>եւ Փրկչին մերոյ <sup>10</sup>Յիսուսի Քրիս-  
տոսի Տեառն մերոյ փառք, մեծու-  
թիւն, զօրութիւն եւ իշխանութիւն  
<sup>11</sup>յառաջ քան զամենայն յաւիտեանս,  
եւ այժմ եւ յամենայն յաւիտեանս։  
Ամէն։

<sup>1</sup> Ի Եւսեբիոսի պատմութեան Եւսեբիոսի, կալ յաղօթս

<sup>2</sup> Եւսեբիոսի, զառաքելոցն

<sup>3</sup> Բայց, դուք, սիրելիք, եղիցէք

<sup>4</sup> Ի Եւսեբիոսի, ունի՝ հաւատոց ձերոց։ այլ՝ հա-  
ւատոց մերոց

<sup>6</sup> Եւսեբիոսի, ոմանց երկմտելոց ողորմեցիլք

<sup>7</sup> Եւսեբիոսի, առեւ

<sup>8</sup> Ի Եւսեբիոսի պատմութեան

<sup>9</sup> Ունի, ի ձեռն Յիսուսի  
<sup>10</sup> Եւսեբիոսի պատմութեան





# ՅԱՅՏՆՈՒԹԻՒՆ

## ՍՐԲՈՅՆ ՅՈՒՀԱՆՆՈՒ ԱՌԱՔԵԼՈՅ

ԵՒ

ԱՍՏՈՒԱԾԱՐԱՆ ԱԻԵՏԱՐԱՆԶԻ՝

### ԳԼՈՒԽ Ա

- <sup>1</sup> ՅԱՅՏՆՈՒԹԻՒՆ ՅԻՍՏԱՆԻ ՔՐԻՍՏՈՍԻ,  
<sup>2</sup> ի ձեռն որոյ ետ Աստուած՝, ցուցանել  
ծառայից իւրոց որ ինչ լինելոց է վազ-  
վաղակի, եւ նշանակեաց առաքելով  
ի ձեռն հրեշտակի իւրոյ առ ծառայ  
<sup>2</sup> իւր Յովհաննէս, Որ վկայեաց զբանէն  
Աստուծոյ, եւ զվկայութիւն Յիսուսի  
Քրիստոսի՝ զոր ետես, <sup>3</sup> որ էր՝ եւ որ  
<sup>3</sup> լինելոցն էր յետ այնորիկ՝՝ Երանի  
<sup>4</sup> որ ընթեռնուէն զբանս մարգարէու-  
թեանս այսորիկ, եւ որ լսէ եւ պահէ՝  
զոր ինչ ի նմա գրեալ է. զի ժամա-  
նակս մերձեալ է։  
<sup>4</sup> Ի Յովհաննէ առ եւթն եկեղեցիս որ  
են յԱսիա, չնորհք ընդ ձեզ եւ խա-  
ղաղութիւն յէջն եւ որ էն՝ եւ որ  
գալոցն է, եւ յեւթն զօրութեանց  
Հոգւոյն որ է՝ առաջի աթոռոյն իւրոյ։  
<sup>5</sup> Եւ ի Յիսուսէ Քրիստոսէ հաւատարիմ  
վկայէն, որ է անդրանիկ ի մեռելոց,  
եւ ի խնայ թագաւորութեանց երկրի.  
որ սիրեաց զմեզ, եւ յելոյծ զկա-  
պանս մեղաց մերոց՝ արեամբն իւրով։  
<sup>6</sup> Եւ արար զմեզ թագաւորս եւ քա-  
հանայս՝ Աստուծոյ եւ Հօր իւրոյ.  
նմա փառք եւ զօրութիւն յաւիտեանս  
յաւիտենից, Ամէն։  
<sup>7</sup> Ահաւասիկ զալոց է՝ ընդ ամպս։

<sup>1</sup> Ո՛րհա, Յայտնութիւն Յովհաննէս. այլ՝ Յայտ-  
նութիւն Սրբոյ Յովհաննէս Աստուածաբանի  
<sup>2</sup> Յ-յն, զոր ետ նմա Աստուած  
<sup>3</sup> ի Յ-յն զ-յն  
<sup>4</sup> Յ-յն, որ ընթեռնուէ, եւ որ լսեն զբանս մա-  
րգարէութեանս եւ պահեն  
<sup>5</sup> Յ-յն, յԱսիանէ որ էն եւ որ էրն  
<sup>6</sup> Յ-յն, հօգւոց որ են  
<sup>7</sup> ի Յ-յն, «հա»՝ ելոյծ զմեզ ի մեղաց մերոց,  
այլ՝ լուաց զմեզ ի մեղաց մերոց  
<sup>8</sup> Ո՛րհա, թագաւորութիւն, քահանայս  
<sup>9</sup> Յ-յն, գալ

- եւ տեսցեն զնա ամենայն աչք, եւ  
որք խոցեցինն զնա. եւ կոծեացին ի  
վերայ նորա ամենայն ազգք երկրի։  
<sup>8</sup> Այո, Ամէն. Ես եմ Այո եւ ես եմ  
Քէ<sup>10</sup>, ասէ Տէր Աստուած, որ էն եւ  
<sup>11</sup> որ է՝ եւ որ գալոցն է, Ամենակալ։  
<sup>9</sup> Ես Յովհաննէս եզրացր ձեր եւ հա-  
ւատարակից նեղութեան եւ արքայու-  
թեան եւ համբերութեան որ ի <sup>12</sup> Քրիս-  
տոս Յիսուս. եղէ ես ի կղզւոջն որ  
անուանեալ կոչի Պատմոս՝ վասն բա-  
նին Աստուծոյ եւ վասն վկայութեան  
<sup>10</sup> Յիսուսի <sup>12</sup> Քրիստոսի, Եւ <sup>13</sup> եղեւ յիս  
Հոգի՝՝ յաւուր կիրակէի, եւ լուաց  
զկնի իմ ձայն մեծ իբրեւ զփողոյ, որ  
ասէր ցիս, <sup>12</sup> Ես եմ Ալփա եւ Ով, Ա-  
<sup>11</sup> ռաջին եւ Վերջին.՝ Ջոր տեսանես  
գրեալ ի գիրս, եւ տուր տանել յեւթն  
եկեղեցիս, որ յնփեսոս եւ ի Զմիւռ-  
նիա եւ ի Պերգամոն եւ ի Թիււաթիր  
եւ ի Սարդիկէ եւ ի Փիղադելփիա  
<sup>12</sup> եւ ի Լաւոդիկիա, Եւ դարձայ տեսա-  
նել զձայնն որ խօսէր ցիս. եւ ի դառ-  
նալն իմում տեսի եւթն ճրագարան  
<sup>13</sup> ոսկի, Եւ ի մէջ եւթն ճրագարանացն  
նման Որդւոյ մարդոյ, զգեցեալ պատ-  
մուճան պնդեաւոր. եւ գօտեւորեալ  
<sup>14</sup> առ ստեամբքն գօտի ոսկեղէն. Եւ  
գլուխ նորա եւ հերքն իբրեւ զասր  
սպիտակ եւ որպէս զձիւն. եւ աչք  
<sup>15</sup> նորա որպէս բոց հրոյ. Եւ ոտք նորա  
նմանեալ պղնձոյ ծխելոյ ի մէջ հնոցի  
հրաչէկ. եւ ձայն նորա իբրեւ զձայն  
<sup>16</sup> ջուրց բազմաց, Եւ ունէր յաջոյ ձե-  
ռինն իւրում աստեղս եւթն, եւ ի  
բերանոյ նորա սուր երկասյրի սրեալ

<sup>10</sup> Ո՛րհա յ-յն, Սկիզբն եւ Վերջն

<sup>11</sup> Յ-յն, որ էրն

<sup>12</sup> Յ-յն զ-յն

<sup>13</sup> Յ-յն, եղէ Հոգւով

կանէր, եւ երեսք նորա իբրեւ <sup>1</sup>զա-  
 17 ընդակն ճառագայթեալ երեւէին՝։ Եւ  
 իբրեւ տեսի զնա, անկայ առ ոտս նո-  
 րա իբրեւ զմեռեալ։ Եւ եղ ի վերայ  
 իմ զաջ իւր եւ ասէ ցիս, Մի՛ երկնչիւր,  
 ես եմ Սկիզբն, եւ ես եմ վախճան։  
 48 Եւ ես եմ <sup>2</sup>կեանք եւ ես եմ որ մե-  
 ռայն։ Եւ աւտսիկ կենդանի եմ յա-  
 լիտեանս յաւիտենից։ <sup>3</sup>Ամէն։ Եւ ու-  
 նիմ զփականս մահու եւ դժոխոց։  
 49 Գրեա զոր տեսանեսդ, որ էն, եւ որ  
 հանդերձեալ է լինել յետ այնորիկ։  
 20 Զխորհուրդ եւթն աստեղացդ զոր տե-  
 սերդ յաջ իմ, եւ զեւթն ճրագարանս  
 ոսկիս։ Եւթն աստեղքն հրեշտակդ  
 եւթն եկեղեցեացն են, եւ եւթն ճրա-  
 գարանքն եւթն եկեղեցիքն են։

ՔԼ. Բ

4 Առ հրեշտակ Նփեսացւոց եկեղեցւոյն  
 գրեա։ Այսպէս ասէ որ ունի զեւթն  
 աստեղս յաջ իւր, եւ շրջի ի մէջ եւթն  
 2 աշտանակաց ոսկւոյ։ Գիտեմ զգործս  
 քո եւ զվաստակս քո եւ զհամբերու-  
 թիւն քո։ Եւ զի ոչ կարես <sup>4</sup>բառնալ  
 զխարսն՝, եւ փորձեցեր որ ասին զինք-  
 եանս առաքելս եւ ոչ են, եւ գտեր  
 3 զնոսա սուտս։ Եւ համբերեցեր եւ  
 վշտացար վասն անուան իմոյ՝ եւ <sup>5</sup>աշ-  
 4 խատեցար։ Այլ <sup>6</sup>ասեմ առ քեզ, զի  
 5 զսէրն քո զառաջին թողեր։ Յիշեա  
 այժմ ուստի անկայն, եւ ապաշաւեա,  
 եւ զառաջին գործսն <sup>7</sup>քո արա։ ապա  
 թէ ոչ՝ <sup>8</sup>զամ ես՝ <sup>9</sup>վազվազակի, եւ  
 յարժեցից զաշտանակս քո ի տեղւոջէ  
 6 իւրմէ, եթէ ոչ ապաշխարեցես։ Արդ  
 զայս <sup>10</sup>արա՝ զի ատեսցես՝ զգործսն  
 7 Նիկողայոսի, զոր ես ատեամ։ Բր ու-  
 նի ականջս լսելոյ՝ լուիցէ զինչ ասէ  
 Հոգին առ եկեղեցիս։ Որ յաղթէն,  
 տաց նմա ուտել ի փայտէն կենաց որ է  
 ի մէջ դրախտին Աստուծոյ։  
 8 Եւ առ հրեշտակ Զմիւռնացւոց եւ-

կեղեցւոյն գրեա։ Այսպէս ասէ <sup>11</sup>Ան-  
 սկիզբն եւ Անվախճանն՝, որ եղեւ  
 9 մեռեալ եւ կենդանացաւ։ <sup>12</sup>Տեսի  
 զգործս քո եւ զնեղութիւն եւ զաղ-  
 քատութիւն, (<sup>13</sup>այլ աղքատութիւն  
 քո մեծութիւն եղիցի՝) եւ զհայնոյու-  
 թիւնն, որ ասէին զինքեանս Հրեայս  
 զոյ՝ եւ չէին ինչ, այլ՝ ժողով Սատա-  
 10 նայի։ Մի՛ երկնչիւր, <sup>14</sup>վասն որոյ կա-  
 միս չարչարել՝. ահա հանդերձեալ է  
 Բանսարկուն արկանել ի ձէնջ ի բանտ,  
 զի փորձիցիք, եւ ունիցիք նեղու-  
 թիւն աւուրս տասն։ Իւր հաւատարիմ  
 մինչեւ ի մահ, եւ տաց քեզ զպսակն  
 11 կենաց։ Որ ունի ականջս լսելոյ՝ լուի-  
 ցէ զինչ Հոգին <sup>15</sup>Սուրբ ասէ առ ե-  
 կեղեցիս։ Որ յաղթէ, <sup>16</sup>ոչ անիրաւի՝  
 յերկրորդ մահուանէ։  
 12 Եւ առ հրեշտակն որ ի Պերգամոյ  
 եկեղեցին՝ գրեա։ Այսպէս ասէ որ  
 13 ունի զսուրն երկսայրի սրեալ։ <sup>12</sup>Տեսի  
 զգործս քո, եւ՝ զի բնակեալ ես ուր  
 աթոռն է Սատանայի, եւ ունիս զա-  
 նուն իմ, եւ ոչ ուրացար զհաւատս  
 իմ յաւուր յորում Անթիպաս վկայն  
 իմ հաւատարիմ <sup>16</sup>եղեւ։ Զի վկայ է  
 իմ հաւատարիմ ամենայն հաւատա-  
 ցեալ՝ որ սպանաւ ի ձէնջ, որ կայք՝  
 14 ուր Սատանայ է բնակեալ։ Այլ ունիմ  
 առ քեզ սակաւ, զի <sup>17</sup>կայ առ քեզ  
 վարդապետութիւնն՝ Բաղասամու, որ  
 ուսոյց զԲաղակ զնել զայթակղութիւն  
 առաջի որդւոցն Իսրայելի, ուտել նո-  
 15 ցա զոհեալ եւ պոռնկիւ։ Այսպէս եւ  
 զու ունիս զվարդապետութիւնն Նի-  
 16 կողայեցեաց զոր ես ատեամ։ Արդ ա-  
 պաշխարեա, ապա թէ ոչ՝ <sup>18</sup>զամ վաղ-  
 վաղակի, եւ պատերազմեցայց ընդ  
 17 նոսա սրով բերանոյ իմոյ։ Որ ունիցի  
 ականջս լսելոյ՝ լուիցէ զինչ Հոգին  
 ասէ առ եկեղեցիս։ Որ յաղթէ՝ տաց  
 նմա ուտել ի մանանայէն թաքուցելոյ,  
 եւ տաց նմա <sup>19</sup>զգիրն սրբութեանն՝,

<sup>1</sup>Յ-յն, զարեգակն որ ծագէ ի զօրութեան  
 իւրում  
<sup>2</sup>Յ-յն, որ կեամ  
<sup>3</sup>Ի բազմոս պատի  
<sup>4</sup>Կ-մ, տանել չարաց  
<sup>5</sup>Յ-յն, ու թուլացար  
<sup>6</sup>Յ-յն, ունիմ  
<sup>7</sup>Ի Յ-յն պատի  
<sup>8</sup>Յ-յն, զամ առ քեզ  
<sup>9</sup>Յ-յն, զամեն պատի  
<sup>10</sup>Յ-յն, ունիս զի ատես

<sup>11</sup>Յ-յն, Առաջինն եւ վերջինն  
<sup>12</sup>Յ-յն, Գիտեմ  
<sup>13</sup>Յ-յն, այլ մեծատուն ես  
<sup>14</sup>Յ-յն, յորոց կրելոցն իցես  
<sup>15</sup>Կ-մ, ոչ փառեցի  
<sup>16</sup>Յ-յն, որ սպանաւ ի միջի մերում  
<sup>17</sup>Յ-յն, ունիս անդ զոր ունին զվարդապե-  
 տութիւնն  
<sup>18</sup>Յ-յն, զամ առ քեզ  
<sup>19</sup>Յ-յն, իրճ սպիտակ

եւ գրեալ անուէն նոր <sup>1</sup>ի գիրն, զոր ոչ ոք գիտէ՝ բայց միայն որ անուէն։  
<sup>18</sup> Եւ առ հրեշտակն որ ի Թիւատրոյ եկեղեցին՝ գրեալ. Այսպէս ասէ Որդին Աստուծոյ, որոյ աչք իւր են իբրեւ զբոց հրոյ, եւ ոտք նորա նման պղնձի։  
<sup>19</sup> Ժխելոյ. <sup>2</sup>Տեսի զգործս քո եւ զսէր եւ զհաւատ եւ զպաշտօն քո <sup>3</sup>համբերութեամբ, զի բազում է վաստակ քո  
<sup>20</sup> վերջինն քան զառաջինն։ Այլ <sup>4</sup>ասեմ առ քեզ <sup>5</sup>բազում. զի թողեր զկիրն զՅեղարէլ, որ ասէր զինքն մարգարէ, եւ ուսուցանէր <sup>6</sup>մոլորութիւն զծառայս իմ՝ պոռնիկ եւ ուտել զզոհեալ։  
<sup>21</sup> Եւ ետու <sup>7</sup>նոցա ժամանակ ապաշխարել <sup>8</sup>զպոռնկութիւնն իւրեանց եւ ոչ <sup>9</sup>ապաշխարեցին՝։ Ահաւասիկ ես արեւանում զնա <sup>10</sup>ի հնոց, եւ զգործակիցս իւր ընդ որս չնացաւ՝ ի նեղութիւնս մեծամեծս, եթէ ոչ ապաշխարեցեն  
<sup>23</sup> ի գործոց իւրեանց։ Եւ զորդիս <sup>10</sup>նոցա սպանից մահուամբ, եւ ծանիցեն ամենայն եկեղեցիք թէ ես եմ որ յանդիմանեմ զերկամուսնս եւ զսիրտս, եւ տամ ձեզ իւրաքանչիւր ըստ գործի  
<sup>24</sup> ծոց իւրեանց։ Այլ ձեզ ասեմ, որք ի Թիւատրոյ էք եւ ոչ ունիք զվարդապետութիւնս զայս, որ ոչ ծանեայք զխորս Սատանայի զոր խօսին, Ոչ  
<sup>25</sup> արկից զձեւք այլ ծանրութիւն։ Այլ զոր ունիք, պահեցէք մինչեւ ես գամ։  
<sup>26</sup> Եւ որ յաղթէ եւ պահէ զգործս իմ մինչեւ ցլխածան, տաց նմա իշխանութիւն ի վերայ ազգաց։ Եւ հովուեալէ զնոսա գաւազանաւ երկաթեալ, եւ իբրեւ զանօթ բրտի փշրես։  
<sup>28</sup> ցէ զնոսա. Որպէս եւ ես ընկալայ ի Հօրէ իմմէ, եւ տաց նոցա զաստղն  
<sup>29</sup> առաւօտուն։ Որ ունի ականջս՝ լուիցէ զինչ Հոգին ասէ առ եկեղեցիս։

## ՔԼ. Գ

<sup>1</sup> Եւ առ հրեշտակ Սարգիսցւոց եկե-

<sup>18</sup>-յն, ի վերայ խճին

<sup>28</sup>-յն, Գիտեմ

<sup>38</sup>-յն, եւ զհամբերութիւն

<sup>48</sup>-յն, ունիմ

<sup>58</sup>-յն, ասկաւ. յայլ՝ պոռնի

<sup>68</sup>-յն, եւ մոլորեցւոյնէր

<sup>78</sup>-յն, նմա

<sup>88</sup>-յն, ի պոռնկութենէ իւրմէ, եւ ոչ ապաշխարեաց

<sup>98</sup>-յն, ի մահիւնս

<sup>108</sup>-յն, նորա

ղեցւոյն գրեալ. Այսպէս ասէ որ ունի զեւթն <sup>11</sup>Հոգին Աստուծոյ եւ զեւթն աստեղս. <sup>2</sup>Տեսի զգործս քո զի անուէն կենդանւոյ ունիս եւ մեռեալ ես. Լերարթուն եւ հաստատեալ <sup>3</sup>այսուհետեւ, զի հանդերձեալ ես՝ մեռանել. քանզի ոչ գտի զգործս քո կատարեալ առաջի  
<sup>3</sup> Աստուծոյ։ Արդ յիշեալ թէ որպէս լուարն, եւ պահեալ եւ ապաշխարեալ. ապա թէ ոչ զուարթանաս, գամ որպէս գող. եւ ոչ <sup>13</sup>ոք իմանայ՝ զգալուստ իմ առ քեզ։ <sup>14</sup>Ունիս սակաւ մի զանուէն Սարգիսցւոցն՝ որք ոչ աղտեղացուցին զհանդերձս իւրեանց, եւ <sup>15</sup>չրջին ի սպիտակս որում արժանի եղեն։ Որ յաղթէ <sup>16</sup>այսպէս զգեցցի սպիտակս, եւ ոչ <sup>17</sup>ջնջեցի անուէն նորա ի դպրութենէն կենաց. եւ խոստովանեցայ զանուէն նորա առաջի Հօր իմոյ եւ առաջի <sup>18</sup>հրեշտակաց։  
<sup>6</sup> Որ ունի ականջս՝ լուիցէ զինչ ասէ Հոգին առ եկեղեցիս։  
<sup>7</sup> Եւ առ հրեշտակն Փիղաղեղփեաց եկեղեցւոյն գրեալ. Այսպէս ասէ Սուրբն, Ճշմարիտն՝ որ ունի զփականս Դաւթի. բանայ եւ ոչ ոք է որ փակէ, եւ փակէ՝  
<sup>8</sup> եւ ոչ ոք է որ բանայ. <sup>9</sup>Տեսի զգործս քո. ահա ետու առաջի քո դուռն բացեալ, զոր ոչ ոք կարէ փակել. զի սակաւիկ ունիս զօրութիւն, եւ պահեցեր զքանս իմ, եւ ոչ ուրացար զանուէն  
<sup>9</sup> իմ։ Ահաւասիկ ես տամ քեզ <sup>19</sup>զժողովն Սատանայի, որք ասին զինքեանս Հրեայս գոլ՝ եւ ոչ են, այլ ստեն. արարից զնոսա, զի եկեցեն եւ երկիր պաղցին առաջի ոտից քոց, եւ ծանիցեն  
<sup>10</sup> ցեն զի ես սիրեցի զքեզ։ Ձի պահեցեր զքան համբերութեան իմոյ, եւ ես պահեցիք զքեզ ի ժամ փորձութեան քո. որ հանդերձեալ է գալ յամենայն տիեզերս՝ փորձել զամենայն բնակեալս  
<sup>11</sup> յերեսս երկրի։ Ահա գամ վաղվաղակի. կալ զոր ունիսդ, զի մի՛ ոք առցէ  
<sup>12</sup> զպսակ քո։ Որ յաղթէ՝ արարից զնա

<sup>118</sup>-յն, Հոգիսն

<sup>128</sup>-յն, զմեացեալն որ հանդերձեալ են

<sup>138</sup>-յն, իմացիս

<sup>148</sup>-յն, Այլ ունիս սակաւ անուանս ի Սարգիսէ

<sup>158</sup>-յն, շրջեցին ընդ իս ի սպիտակս, քանզի արժանի են

<sup>168</sup>-յն, նա <sup>178</sup>-յն, ի ժողովն

<sup>178</sup>-յն, զնեցից զանուէն

<sup>188</sup>-յն, հրեշտակաց նորա

աիւն տաճարի Աստուծոյ իմոյ , եւ արտաքս այլ մի՛ եւս ելցէ . եւ գրեցից ի վերայ նորա զանուէն Աստուծոյ իմոյ, եւ զանուէն քաղաքի Աստուծոյ իմոյ, զնորն Երուսաղեմի, որ ի Չանելոց է յերկնից Աստուծոյ իմոյ, եւ ՝անուէն  
13 նորա՝ նոր, Որ ունի ականջս՝ լուիցէ զինչ ասէ Հոգին առ եկեղեցիս :  
14 Եւ առ հրեշտակն Լաւողիկայ եկեղեցւոյն գրեալ . Այսպէս ասէ Ամէնն, Վկայն հաւատարիմ եւ ճշմարիտ, Սկիզբն ՝սկզբան արարածոց Աստու-  
15 ծոյ . Գիտեմ զգործս քո, զի ոչ ցուրտ ես եւ ոչ ջերմ . պարտ էր քեզ ցուրտ  
16 լինել եւ կամ ջերմ . Այլ դու զաղջ ես, եւ ոչ ջերմ եւ ոչ ցուրտ, հանդեր-  
17 ձեալ ես փոխել ի բերանոյ իմմէ . Զի ստես , Մեծատուն էի եւ մեծացայ, եւ ոչ իւրիք կարօտ եմ . եւ ոչ գիտես եթէ դու ես ողորմելի եւ հէք եւ աղ-  
18 քատ, մերկ եւ կոյր . Արդ ես խորհրդակից եղէց քեզ . Առ, գնեալ յինէն ոսկի փորձեալ ի հրոյ զի մեծացիս , եւ հանդերձս սպիտակս՝ զի զգեցցիս , զի մի՛ երեւեացի անվայելչութիւն մերկութեան քո . եւ զիր դեղ յաշս քո  
19 զի տեսցես . Ես զոր սիրեմ յանդիմանեմ եւ խրատեմ . նախանձեա ապժմ  
20 եւ ապաշխարեալ . Ահաւասիկ կամ ես առ դուրս եւ բախեմ . եթէ ոք լուիցէ ձայնի իմում եւ բանայցէ զղրուհնս, մտից առ նա եւ ընթրիս արարից առ  
21 նա , եւ նա ընդ իս . Որ յաղթէ՝ տաց նմա նստղ ընդ իս յաթոռ իմ, որպէս եւ ես յաղթեցի եւ նստայ յաթոռ Հօր  
22 իմոյ . Որ ունիցի ականջս՝ լուիցէ զինչ ասէ Հոգին առ եկեղեցիս :

91. 7

1 Եւ յետ այսորիկ տեսի , եւ ահա  
 3 զբունք երկնից բացեալ էին՝ , եւ 4 ձայն  
 փողոյն առաջնոյ զոր լուայ՝ խօսէր  
 ընդ իս եւ ասէր , Ել այսր , եւ ցուցից  
 2 քեզ զինչ լինելոց է առ յայսպայն . Եւ  
 վարդապետի եղէ ես Հոգւոյ , եւ ահա

3 Թողտանդ Զերկինս։ Եւ ի վերայ ա-  
թողոյն նստէր՝ նման տեսեան ականց  
4 յասպտոյ եւ սարդիոնի։ Եւ քահա-  
նայք չուրջ զաթողոյն նմանք՝ տես-  
ւեան զօրիստի, եւ չուրջ զաթողոյն  
աթողք քսան եւ չորք, եւ ի վերայ  
աթողոցն նստէին քսան եւ չորք երի-  
ցունք՝ զգեցեալ հանդերձս սպիտակե-  
5 ղէն։ Եւ յաթողոյ անտի ելանէին  
փայտակմունք եւ ձայնք եւ որոտ-  
մունք։ Եւ եւթն դամբարք հոյ բոր-  
բոքելոյ առաջի աթողոյն, որ են եւթն  
6 Հոգիքն Աստուծոյ։ Եւ էր առաջի ա-  
թողոյն ծով ապակեղէն ի նմանութիւն  
սպիտակութեան սառին, եւ ի մէջ ա-  
թողոյն եւ չուրջ զաթողոյն չորք կեն-  
7 դանիք, լի աչօք առաջոյ եւ յետոյ։  
Եւ էր կենդանին առաջին նման առ-  
իւծու, եւ երկրորդ կենդանին՝ նման  
զուարակի, եւ երրորդ կենդանին ու-  
նէր երեսս մարդոյ, եւ չորրորդ կեն-  
8 դանին՝ նման արծուոյ թողւցելոյ։ Եւ  
չորից կենդանեացն էին միոյ միոյ ի  
նոցանէ վեց թեւք չուրջանակի, եւ  
ի ներքոյ լի էին աչօք, եւ ոչ հանգչէ-  
ին ոչ զտիւ եւ ոչ զգիշեր յասելոյ,  
Սուրբ, Սուրբ, Սուրբ, Սուրբ,  
Սուրբ, Սուրբ, Սուրբ, Սուրբ,  
Սուրբ, Տէր Աստուած Ամենակալ,  
9 Պր էն եւ ես եւ որ գալոց ես։ Եւ  
յորժամ տային կենդանիքն փառս եւ  
պատիւ եւ գոհութիւն նստելոյն ի վե-  
րայ աթողոյն՝ կենդանւոյն յաւիտեանս  
10 յաւիտենից, Անկանէին քսան եւ չորք  
երիցունքն առաջի նստելոյն յաթողն,  
եւ երկիր պազանէին կենդանւոյն  
յաւիտեանս յաւիտենից։ Եւ զնէին  
զպսակս իւրեանց առաջի աթողոյն եւ  
11 ասէին, Արժանի ես, Տէր Աստուած  
մեր սուրբ, առնուլ փառս եւ պատիւ  
եւ զօրութիւն, զի զու ստեղծեր զա-  
մենայն, եւ ի կամելն քո ստեղծան եւ  
կան հաստատուն։

**18-22, 44-46, 48**

[illegible]

ՅՅ-յն, գուռն բացեալ էր յերկինս

Տեղի, ձայնն առաջին զոր լուսյ՝ եր իբրեւ  
դժոխք, որ

ՅԵՅԻ, յերկինս. և զի որ նաւեր ի վերայ ա-  
թաւոյն: (3) Իւ որ նաւերն՝ էր

[illegible]

7A-40-84, 004PP, 004PP, 004PP

\*8-22, -27 ከጥቅምት ወር ጀምሮ በዚያው ዓመት የተካሄደውን

Յազուհի, Տէր և Աստուծոյ Տէր

## ԳԼ. Ե

- 1 Եւ տեսի յաջոյ ձեռինն որ նստէր ի վերայ աթոռոյն զիրա զրեալ ներքոյ եւ արտաքոյ, եւ կնքեալ եւթն կնքով:
- 2 Եւ տեսի հրեշտակ մի զօրաւոր զի քարոզէր ի ձայն մեծ, Ո՞չ արժանի բանալ զգիրս եւ լուծանել զկնիք նորա:
- 3 Եւ ոչ ոք կարէր ոչ յերկինս եւ ոչ յերկրի եւ ոչ ի ներքոյ երկրի բանալ զգիրսն, ի զի ոչ տեսին զնա: Եւ ես լայի ուժգին զի ոչ ոք գաւաւ արժանի բանալ զգիրսն եւ հայել ի նա:
- 5 Եւ մի յերկցանցն ասէ ցիտ, Մի՛ լար. անաւասիկ յաղթեաց Առեւծն յազգէն Յուդայ յարմատոյն Դաւթի՝ բանալ զգիրսն եւ լուծանել զեւթն կնիքսն:
- 6 Նորա. Եւ տեսի ի մէջ աթոռոյն եւ ի մէջ չորից կենդանեացն եւ ի մէջ երկցանցն Գառն կայր զենեալ, որ ունէր եւթն եղջերս եւ աչս եւթն, որ են եւթն Հոգիք Աստուծոյ, առաքեալ:
- 7 Ընդ ամենայն երկիր. Եւ ձեկն ընկալաւ՝ յաջոյ ձեռանէ նորա որ նստէր:
- 8 Ի վերայ աթոռոյն, Եւ յորժամ առ զգիրն, չորք կենդանիքն եւ քսան եւ չորք երկցունքն անկանէին առաջի Գառնն. եւ ունէին իւրաքանչիւր քնար եւ բուրվառ ոսկի լի խնկով,
- 9 որ է աղօթք սրբոցն. Եւ օրհնէին երգս նորս եւ ասէին, Արժանի ես առնուլ զգիրդ եւ բանալ զկնիք դորա, զի եանար եւ զնեցեր զմեզ Աստուծոյ արեւանդ քով յամենայն ազգաց եւ ի լեզուաց եւ զի ժողովոց հեթանոսաց:
- 10 Եւ արարեր զսոսա Աստուծոյ մերոյ թագաւորս եւ քահանայս՝ թագաւոր:
- 11 Բել ի վերայ երկրի. Եւ տեսի, եւ լուայ զձայն հրեշտակաց բազմաց որք կային շուրջ զաթոռոյն եւ զչորիւք կենդանեօքն եւ զքահանայիւքն, եւ էր թիւն նոցա բելքք բիւրուց եւ հա-
- 12 զարք հազարաց: Ասէին ձայնիւ մեծաւ, Արժանի է Գառնդ զենեալ առնուլ զմեծութիւնս եւ զիմաստութիւնս եւ

զզօրութիւնս եւ զպատիւ եւ զփառս 43 եւ զօրհնութիւնս. Եւ ամենայն արարածք որ են յերկինս եւ յերկրի եւ ի ծովու եւ որ ի նոսա՝ լուայ զի ասէին, Օր նստի յաթոռն եւ Գառնն՝ օրհնեալ, բարձրացեալ եւ փառաւոր:

44 եւ յաւիտեանս յաւիտենից. Եւ չորք կենդանիքն ասէին, Ամէն. եւ չորք ցունքն անկանէին առաջի նորա եւ ի երկիր պապանէին:

## ԳԼ. Զ

- 1 Եւ տեսի զի երաց Գառնն՝ զմին յեւթն կնքոցն, եւ լուայ ի միոյ ի չորից կենդանեացն իրեւ զձայնս 2 րոտման զի ասէր թէ Գամ. Եւ տեսի եւ անա ձի սպիտակ, եւ որ հեծեալն էր ի նմա՝ ունէր աղեղն. եւ տուաւ նմա պսակ, եւ ձեկն յաղթողն զի յաղթեցէ:
- 3 Եւ յորժամ երաց զկնիքն երրորդ, լուայ յերրորդ կենդանւոյն զի ասէր, 4 13 Գամ. Եւ ել այլ ձի կարծիր, եւ որ հեծեալն էր ի վերայ նորա՝ տուաւ նմա առնուլ զխաղաղութիւնս յերկրէ, զի զմիմեանս զենցեն, եւ տուաւ նմա սուր մի մեծ:
- 5 Եւ յորժամ երաց զկնիքն երրորդ, լուայ յերրորդ կենդանւոյն զի ասէր թէ Գամ. եւ տեսի եւ անա ձի սեւաւ, եւ որ նստեալն էր ի վերայ նորա՝ ունէր կշիռ ի ձեռին իւրում:
- 6 Եւ լուայ ձայն ի միջոյ չորից ձեռեացն, Կապի՛մ մի ցորեան՝ զենարի միոջ, եւ երեք կապի՛մ զարի՛ զենարի միոջ. եւ ձէթ եւ զինի մի՛ զնասեցեալ:
- 7 Եւ յորժամ երաց զկնիքն չորրորդ, լուայ ձայն ի չորրորդ կենդանւոյն զի 8 ասէր թէ Գամ. Եւ տեսի, եւ անա ձի չլոռոս, եւ որ նստէրն ի վերայ նորա՝ 16 ունէր զՄահ, եւ Դժոխք երթային

8 Բազմութիւնս, յերկրի եւ ի ներքոյ երկրի

9 Եւ ի վերայ, ի վերայ, որ նստի յաթոռն եւ Գառնն օրհնութիւնս եւ պատիւ եւ փառք եւ զօրութիւնս

10 Որով, քսան եւ չորք երկցունքն

11 Որով, երկիր պապանէին կենդանեօքն յաւիտեանս յաւիտենից

12 Որով, ի կնքոցն

13 Ի Բառն, 14 Եւ ի վերայ, 15 Եւ ի վերայ, 16 Եւ ի վերայ

17 Եւ ի վերայ, 18 Եւ ի վերայ, 19 Եւ ի վերայ, 20 Եւ ի վերայ

21 Եւ ի վերայ, 22 Եւ ի վերայ, 23 Եւ ի վերայ

24 Եւ ի վերայ, 25 Եւ ի վերայ

26 Եւ ի վերայ, 27 Եւ ի վերայ

18-25, եւ ոչ հայել ի նա

26-28, իրեւ զենեալ

29-31, եւն եւ առ զգիրն

32-34, ի ժողովոց եւ ի հեթանոսաց

35-37, զմեզ

38-40, թագաւորութիւնս եւ քահանայութիւնս

41-43, զերկրայինքն

զհետ նորա . եւ տուաւ Կնամ իշխա-  
նութիւն չորրորդ մասին աշխարհի  
սաստակել արով եւ սովով եւ մահուամբ  
եւ գազանօք երկրի :

9 Եւ յորժամ երաց զկնիքն հինգերորդ՝  
տեսի ի ներքոյ սեղանոյն զհոգիս 2ա-  
մենայն 3մարդկան զենեալ՝ վասն բա-  
նին Աստուծոյ եւ վասն վկայութեան

10 նորա զոր ունէին : Որք ասէին ի ձայն  
մեծ , Մինչեւ յերբ , Տէր սուրբ եւ  
ճշմարիտ , ոչ դատիս եւ խնդրես  
զվրէժ արեան մերոյ ի բնակչաց երկրի :

11 Եւ տուաւ 4նոցա արկանելիս սպի-  
տակա՝, եւ ասացաւ նոցա զի հանգի-  
ցեն փոքր մի ժամանակ , մինչեւ լլցին  
ծառայակիցք նոցա եւ եղբարք նոցա  
որք հանդերձեալ են կատարել իբրեւ  
զնոսա :

12 Եւ տեսի յորժամ երաց զկնիքն վե-  
ցերորդ , եղեւ շարժումն մեծ , եւ ա-  
րեգակն եղեւ սեաւ իբրեւ զկապերտ  
այծեայ , եւ լուսինն 5բոլորովին եղեւ

13 իբրեւ արիւն : Եւ աստեղք երկնից  
թօթափեցան յերկիր , որպէս 6տերեւ  
թզնեւոյ զի ուժգին շարժիցի ի հող-  
մոյ՝ . Եւ երկինք իբրեւ զմազաղաթ-  
եայ գիրս գալարին . եւ ամենայն լի-  
րինք եւ կղզիք ի տեղւոյ իւրեանց

15 շարժեցան : Եւ 8թագաւորք երկրի եւ  
իշխանք , հազարապետք եւ մեծամեծք  
եւ զօրաւորք եւ ամենայն ծառայք եւ  
ամենայն ազատք թաքուցին զինքեանս

16 յայրս եւ ի ծերպս վիմաց : Եւ ասէին  
7լիրանց թէ՛ Անկերուք ի վերայ մեր ,  
17 եւ ցրուբս՝ թէ՛ Ծածկեցէք զմեզ՝ : 2ի  
եկն օր մեծ բարկութեան 9նորա , եւ  
ո՛վ կարէ կալ 10առաջի նորա՝ :

ԳԼ Ե

1 Եւ յետ այնորիկ տեսի չորս հրեշտակս  
զի կային ի չորս անկիւնս երկրի ,

1Բազմութիւն , նոցա

2Ի Յաւիտեանս

3Ուրեք , զենեւոց

4Թ-յն , նոցա իւրաքանչիւր արկանելի սպիտակ

5Թ-յն , պաշտօն

6Թ-յն , որպէս թզենի բնական զգոտեղս իւր

7Թ-յն , յուժգին հողմոյ շարժեալ

8Թ-յն , լիւրանց եւ վիմաց թէ՛ Անկերուք ի վե-  
րայ մեր եւ ծածկեցէք զմեզ յերեսաց այնորիկ  
որ նախ ի վերայ աթոռոյն՝ եւ ի բարկութենէ  
Գառնին

9Ուրեք , նոցա

եւ ունէին զչորս հողմս երկրի , զի  
մի՛ շնչեացէ հողմ ի վերայ երկրի եւ

2 մի՛ ի ծովու եւ մի՛ ի ծառս , Եւ տեսի  
այլ հրեշտակ զի ել յարեւելից , եւ ու-  
նէր զկնիք Աստուծոյ կենդանւոյ , եւ  
աղաղակեաց ձայնիւ մեծաւ առ չորս  
հրեշտակսն՝ որոց 9առեալ էր իշխա-  
նութիւն՝ ապականել զերկիր եւ զծով :

3 Եւ ասէր , Մի՛ 10մատէք երկրի , մի՛ ծո-  
վու , մի՛ ծառոց . զաղարեցէք մինչեւ  
11կնքեցից զծառայս Աստուծոյ 12իմոյ :

4 Եւ լուայ զթիւ կնքելոցն զի էին  
հարեւր քառասուն եւ չորք հազարք՝  
կնքեալք յազգէ որդւոցն Իսրայելի :

5 Յազգէն Յուդայ՝ երկոտասան հազար  
կնքեալ , յազգէն Ռուբենի՝ երկոտա-  
սան հազար կնքեալ , յազգէն Գադայ՝  
6 երկոտասան հազար կնքեալ , Յազգէն  
Ասերայ՝ երկոտասան հազար կնքեալ ,  
յազգէն Նեփթաղիմայ՝ երկոտասան  
հազար կնքեալ , յազգէն Մանասէի՝  
7 երկոտասան հազար կնքեալ , Յազգէն  
Շմաւոնի՝ երկոտասան հազար կնքեալ ,  
յազգէն Դեւեայ՝ երկոտասան հազար  
կնքեալ , յազգէն Իսաքարայ՝ երկոտա-  
8 սան հազար կնքեալ , Յազգէն Զաբու-  
ղոնի՝ երկոտասան հազար կնքեալ ,  
յազգէն Յովսեփու՝ երկոտասան հա-  
զար կնքեալ , յազգէն Բենիամինի՝ եր-  
կոտասան հազար կնքեալ :

9 Եւ յետ այսորիկ տեսի եւ ահա ժո-  
ղովուրդ բազում որոց ոչ գոյր թիւ ,  
յամենայն հեթանոսաց եւ յամենայն  
ազգաց եւ յամենայն լեզուաց եւ յա-  
մենայն ժողովրդոց , որք կային առաջի  
աթոռոցն եւ առաջի Գառնին՝ արկեալ  
զիւրեամբք հանդերձս սպիտակս , եւ

10 արմաւենիս ի ձեռս իւրեանց : Աղա-  
ղակէին ի ձայն մեծ եւ ասէին , Փրկու-  
թիւն Աստուծոյ մերոյ , որ նստի ի

11 վերայ աթոռոցն , եւ Գառնին : Եւ ա-  
մենայն հրեշտակք կային շուրջ զա-  
թոռովն եւ զերիցամբքն եւ զշորիւք  
կենդանեօքն , եւ անկանէին յերեսս  
առաջի աթոռոցն եւ երկիր պազանէին

12 Աստուծոյ , Ասելով , Ամէն . օրհնու-  
թիւն եւ փառք եւ իմաստութիւն եւ  
զոհութիւն եւ պատիւ եւ զօրութիւն

9Թ-յն , տուեալ էր

10Թ-յն , կնքեցուք

11Թ-յն , մերոյ ի ճակատս նոցա

եւ չնորհք Տեառն Աստուծոյ մերոյ  
 13 յաւիտեանս յաւիտենից։ Ամէն։ Եւ  
 ասէ ցիս մի յերիցանց անտի, Սոքա  
 որ զգեցեալ են զհանդերձս սպիտակս՝  
 14 ո՞յք են, եւ Չկամ ուստի՞ զան։ Եւ  
 ասացի ցնա, Տէր, դու գիտես։ Եւ  
 ասէ ցիս, Սոքա են որ զան ի վշտաց  
 մեծաց, եւ լուացին զարկանելիս իւր-  
 եանց եւ սպիտակացուցին արեամբ  
 15 Գառինն։ Վասն այնորիկ են առաջի  
 աթոռոյն Աստուծոյ, եւ պաշտեն զնա  
 զտիւ եւ զգիշեր ի տաճարի նորա, եւ  
 որ նստի ի վերայ աթոռոյն՝ 3բնակեալ  
 16 է ի նոսա՝ 4Ոչ քաղցիցեն եւ 4ոչ ծա-  
 րաւիցեն, եւ ոչ մեղիցէ նոցա ոչ ա-  
 17 րեգակն եւ ոչ տօթ։ 5Եւ Գառնն ի  
 միջոյ աթոռոյն 2իւրոյ հովուեսցէ զնո-  
 սա, եւ առաջնորդեսցէ նոցա 6ի կենաց  
 աղբււր ջրոյ կենդանւոյ։ Քանզի ե-  
 հատ՝ Աստուած զամենայն արտօսը  
 յաշաց նոցա։

## ԳԼ. Ը

1 Եւ յորժամ երաց զկնիքն եւթներորդ,  
 եղեւ լուսթիւն յերկինս որպէս կէս  
 2 ժամու։ Եւ տեսի 7հրեշտակս եւթն՝  
 որ առաջի Աստուծոյ կային։ Եւ տուաւ  
 3 նոցա եւթն փող։ Եւ այլ հրեշտակ  
 եկն եւ եկաց առ սեղանն, եւ ունէր  
 խնկանոց ոսկի, եւ տուաւ նմա խուկն  
 բազում, զի մատուցէ 8զաղօթս ա-  
 մենայն սրբոց ի վերայ ոսկեղէն սե-  
 4 ղանոյ առաջի աթոռոյն։ Եւ ել ծուխ  
 խնկոցն՝ 9աղօթք սրբոցն 9ի ձեռաց  
 5 հրեշտակացն՝ առաջի Աստուծոյ, 10Եւ  
 ելից հրեշտակն զխնկանոցն՝ ի հրոյ  
 սեղանոյն, եւ արկ զնա յերկիր։ Եւ  
 եղեւ որոտումն եւ ձայնք եւ փայլա-  
 6 տակումն եւ շարժումն մեծ։ Եւ եւթն  
 հրեշտակքն որ ունէին եւթն փողս՝  
 պատրաստեցին զինքեանս առ ի հար-  
 կանել։

18-ն, կարողութիւն

2ի 8-ն, 4-ն

38-ն, եղիցի վրան ի վերայ նոցա

48-ն, Ոչ եւս

58-ն, 2ի

68-ն, յաղբււր կենաց ջրոց. եւ ջնջեսցէ

78-ն, զեւթն հրեշտակն

88-ն, յաղօթս, 1-ի, բնդ աղօթս

98-ն, ի ձեռանէ հրեշտակին

108-ն, Եւ առ հրեշտակն զխնկանոցն եւ ելից զնա

7 Եւ առաջին հրեշտակն եհար զփողն,  
 եւ եղեւ կարկուտ եւ հուր եւ արիւն  
 խառնեալ, եւ անկաւ յերկիր, եւ զեր-  
 րորդ մասն երկրի այրեաց, եւ զերրորդ  
 մասն ծառոց այրեաց, եւ զամենայն  
 դալար խոտոյ այրեաց։

8 Եւ երկրորդ հրեշտակն փողեաց, եւ  
 իբրեւ զյեառն մի մեծ հրդեհեալ տն-  
 կաւ ի ծով, եւ եղեւ երրորդ մասն  
 9 ծովու արիւն։ Եւ սատակեցաւ եր-  
 րորդ մասն 11լուղակաց, եւ որ ունէր  
 շունչ կենդանի ապականեցաւ։

10 Եւ երրորդ հրեշտակն փողեաց, եւ  
 անկաւ յերկնից աստղ մի մեծ՝ բոր-  
 բոքեալ իբրեւ զղամբար, եւ անկաւ  
 յերրորդ մասն գետոց եւ աղբերաց։  
 11 Եւ էր անուն աստղն 13Գառնութիւն։  
 եւ բազումք մեռան ի դառնութենէ  
 ջրերն։

12 Եւ չորրորդ հրեշտակն փողեաց, եւ  
 վիրաւորէր երրորդ մասն արեգական  
 եւ երրորդ մասն լուսնի եւ երրորդ  
 մասն աստեղաց։ 13Եւ խաւարէր՝ եր-  
 րորդ մասն նոցա, 14եւ երրորդ մասն  
 զիշերոյ՝ նոյնպէս։

15 Եւ տեսի եւ լուայ ձայն 15հրեշտակի  
 թուոցելոյ ի մէջ երկնից զի ասէր ի  
 ձայն մեծ, Վա՛յ, վա՛յ, վա՛յ, 16որ  
 բնակեալ են յերկրի, յորժամ լինիցի  
 ձայն երիցն եւս փողոց զոր կամիցին  
 հրեշտակքն՝ հարկանել։

## ԳԼ. Թ

1 Եւ հինգերորդ հրեշտակն փողէր, եւ  
 տեսի զի աստղ մի անկաւ յերկնից,  
 եւ տուաւ նմա բանալի գրոյն անդրն-  
 2 դոց։ 17Եւ ելանէր՝ ծուխ ի գրոյն որ-  
 պէս զծուխ հնոցի մեծի։ Եւ խաւարե-  
 3 ցաւ արեգակն եւ 18օդք։ Եւ ի գրոյն՝

118-ն, արարածոց որ ի ծովու, որոց էր շունչ-  
 եւ երրորդ մասն նաւուց ընկղմեցաւ138-ն, Աւշինգը, եւ երրորդ մասն ջուրց եղեւ  
 յաւշինգը, եւ բազումք ի մարդկանէ մեռան  
 ի ջուրցն, զի գաւռնացան

158-ն, զի խաւարեցին

168-ն, եւ տեսի մի՝ ծագեցէ զերրորդ մասն  
 իւր, եւ գիշեր

188-ն, արծուց

198-ն, որոց բնակեալ են յերկրի ի քաղաքաց  
 ձայնից փողոյն երեց հրեշտակաց որ հանգե-  
 ձեալ են

218-ն, Եւ երաց զգուրն անդնոց, եւ երեւէր

238-ն, օդք ի ծովս գրոյն։ (3) Եւ ի ծովս

եղանէր մարախ յերկիր . եւ տուաւ նոցա իշխանութիւն իբրեւ զխայթոցս 4 կարճի . Եւ ասացաւ նոցա զի մի՛ մեղիցեն խոտոյ երկրի <sup>1</sup>եւ մի՛ ամենայն ծառոց , բայց միայն <sup>2</sup>մարդոյ երկրայնոյ՝, որ ոչ ունիցին <sup>3</sup>զկնիք ի վերայ 5 ճակատու իւրեանց : Եւ տուաւ նոցա հրաման զի մի՛ սպանանիցին զնոսա , այլ չարչարեսցին զնոսա ամիսս հինգ . եւ չարչարանք նոցա իբրեւ զխայթոցս 6 կարճի որ հարկանիցէ զմարդ : Եւ յաւուրսն յայնոսիկ խնդրեսցեն մարդիկ զմահ , եւ մի՛ գտցին . եւ ցանկան մեռանել , եւ փախիցէ ի նոցանէ մահ : 7 Եւ նմանութիւն մարախոյն՝ նմանութիւն ձիոյ պատրաստելոյ ի պատեւրազմ . եւ ի վերայ գլխոց նոցա իբրեւ զպատկ՝ նմանեալ ոսկւոյ , եւ երեսք 8 նոցա իբրեւ գերեսս մարդոյ . Եւ հերք նոցա իբրեւ զհերս կնոջ , եւ ատա- 9 մունք նոցա իբրեւ զառիծու : Եւ ունէին զրահս իբրեւ զզրահս երկաթի . եւ ձայն թււոց նոցա իբրեւ զձայն կառավար ձիոց բազմաց որ արշաւեն 10 ի պատերազմ : Եւ ունէին ագիս ըստ նմանութեան կարճի , եւ խայթոց յազիս նոցա . եւ ունէին իշխանութիւն 11 չարչարել զմարդիկ ամիսս հինգ . Եւ ունէին թագաւոր ի վերայ իւրեանց զհրեշտակն զփոխոց . եւ անուն նորա Եբրայեցերէն <sup>4</sup>Աղբաղոն , որ կոչի <sup>5</sup>Զայ բարբառ Կորուստ՝ Ահաւասիկ վայ մի էանց , եւ վայք երկու գալոց են : 12 Եւ վեցերորդ հրեշտակն հարկանէր զփողն , եւ լուայ <sup>6</sup>ձայն ի չորից կհնդանեացն՝ որ էին առաջի սեղանոյն՝ 13 Աստուծոյ , Զի ասէր ցհրեշտակն վեցերորդ որ ունէր զփողն , Լոյծ զչորս հրեշտակն զկապեալս ի վերայ գետոյն 14 մեծի Եփրատայ : Եւ լուծան չորք հրեշտակն պատրաստեալք ի ժամ եւ յօր եւ յամիս եւ ի տարի , զի սպան- 15 ցեն զերրորդ մասն մարդկան : Եւ համարք հեծելոց զօրաց նոցա <sup>7</sup>բեւրք

բեւրոց եւ հազարք հազարաց լուայ՝ 17 զթիւ նոցա : Եւ <sup>8</sup>տեսի ձիս ի տեսլեանն , եւ հեծեալս ի նոսա՝ որք ունէին զրահս հրեղէնս եւ <sup>9</sup>յակիրնթս հրդեհեալս ծծմբով՝ . եւ զլուխք ձիոցն իբրեւ զզլուխս առիւծուց . եւ ի բերանոյ նոցա հուր եղանէր եւ ծուխ 18 եւ ծծումբ : Եւ <sup>10</sup>ի հարուածոցս յայսցանէ՝ մեռաւ երրորդ մասն մարդկան ի հողոյն եւ ի ծխոյն եւ ի ծծմբոյն որ 19 եղանէր ի բերանոյ նոցա : Զի <sup>11</sup>իշխանութիւն ի բերանն է նոցա եւ յագիս նոցա , եւ ագիք նոցա նմանութիւն օձի . եւ ունէին զլուխս որով <sup>12</sup>սատակէին զանիրաւս՝ : Եւ այլք ի մարդկանէ որ ոչ մեռան ի հարուածոցս յայսցանէ՝ ոչ ապաշխարեցին եւ ոչ զարձան ի գործոց ձեռաց իւրեանց , յերկրպագութենէ դիւաց եւ կռոց յուկեղինաց եւ յարծաթեղինաց եւ ի պղնձոյ եւ ի քարէ եւ ի փայտէ , որք ոչ տեսանել կարեն եւ ոչ լսել եւ ոչ 21 գնալ . Եւ ոչ ապաշխարեցին ի մարդասպանութենէ եւ ի դեղատուութենէ եւ ի պոռնկութենէ եւ ի գողութենէ իւրեանց :

ԳԼ. Ժ

4 Եւ տեսի այլ հրեշտակ զօրաւոր զի իջանէր յերկնից , եւ զգեցեալ էր ամպ , եւ ծիածան ի գլուխ նորա . եւ երեսք նորա իբրեւ զարեգակն , եւ ոտք նորա որպէս սիւն հողոյ : Եւ ունէր ի ձեռին իւրում զրկոյք մի բացեալ . եւ եղ զոտն իւր զաջ ի վերայ ծովու , եւ 3 զձախն ի վերայ երկրի : Եւ աղաղակեաց ի ձայն մեծ , գոչեաց իբրեւ զանուծ . եւ յորժամ աղաղակեաց , խօսեցան եւթն որոտմունք յիւրեանց 4 ձայնս : Եւ յորժամ խօսեցան եւթն որոտմունքն , կամէի գրել . եւ լուայ ձայն յերկնից զի ասէր , Կնքեա զոր խօսեցան եւթն որոտմունքն , եւ մի՛ 5 գրեր : Եւ հրեշտակն զոր տեսի , որ եղ զոտն իւր ի վերայ ծովու եւ զմեւսն ի ցամաքի , համբարձ զձեռն իւր զաջ

<sup>1</sup>Բաւլուհ , եւ մի՛ ամենայն գալաւոյ , ե

<sup>2</sup>Յայն , մարդկան

<sup>3</sup>Բաւլուհ , զկնիք Աստուծոյ

<sup>4</sup>Ըստ Բեֆրէն , Աբաղգոն

<sup>5</sup>Յայն , ի Յոյն բարբառ Ապոզգիոն

<sup>6</sup>Ի Յաւթ , մեծ : ձայն մի ի չորից եղջերաց սեղանոյն ոսկւոյ որ առաջի . այլ՝ ձայն մի յեղջերաց սեղանոյն , եւ . այլ՝ մի ի սեղանոյն , եւ .

<sup>7</sup>Յայն , երկու բեւրք բեւրոց , եւ լուայ

<sup>8</sup>Յայն , պապէս տեսի

<sup>9</sup>Յայն , յակնթեղէնս եւ ծծմբեղէնս

<sup>10</sup>Ուլուհ , չորից հարուածոց աստի

<sup>11</sup>Ուլուհ , իշխանութիւն ձիոցն

<sup>12</sup>Յայն , զնատէի



- 6 յերկինս . Եւ երգուաւ ի կենդանին յաւիտեանից որ <sup>1</sup>հաստատեաց զերկիր եւ որ ի նմա , զի ոչ եւս կայ՝ այլ ժա-  
7 մանակ . Այլ յաւուրս ձայնի եւթնե-  
րորդ հրեշտակին , յորժամ հարցէ զփողն , կատարեսցի խորհուրդն Աս-  
տուծոյ որ աւետարանեցաւ <sup>2</sup>ի ձեռն  
ծառայից իւրոց մարգարէիցն :
- 8 Եւ ձայնն զոր լուայ յերկնից՝ գոր-  
ծեալ խօսեցաւ ընդ իս եւ ասէ , Երթ ,  
առ զգրկոյսն զոր ունի հրեշտակն բաց-  
եալ ի ձեռին իւրում , եւ կայ ի վերայ  
9 ծովու եւ ցամաքի : Եւ ես երթեալ  
Յառ հրեշտակն՝ խնդրեցի ի նմանէ՝ .  
եւ ասէ ցիս , Առ զսա եւ կեր զդոյն ,  
եւ դառնասցի յորովայն քո , այլ ի բե-  
10 րան քո է քաղցր իբրեւ զմեղր : Եւ  
ասի զգրկոյսն <sup>3</sup>բացեալ ի հրեշտակէն՝  
եւ կլայ զնա . եւ էր ի բերան իմ որ-  
պէս մեղր . եւ յորժամ կերայ , դառ-  
11 նացաւ որովայն իմ : Եւ ասէ ցիս ,  
Հասանէ քեզ զարձեալ մարգարէանալ  
ի ժողովուրդս եւ ի հեթանոսս եւ ի  
լեզուս եւ ի թագաւորս <sup>4</sup>երկրի :

## ԳԼ . ԺԱ

- 1 Եւ տուաւ ինձ եղէզն նման գաւա-  
զանի . եւ կայր հրեշտակն եւ ասէր  
ցիս , Արի եւ չափեա զտաճարն Աս-  
տուծոյ եւ զսեղանն եւ զերկրպագունն  
2 որ ի նմա : Եւ զգաւ ի թն որ արտաքոյ  
տաճարին՝ թող զնա եւ մի՛ չափեր ,  
զի տուեալ է զնա հեթանոսաց . եւ  
զքաղաքն սուրբ կոխեսցեն ամիսս քա-  
3 ռասուն եւ երկուս : Եւ տաց երկուց  
վկայից իմոց եւ մարգարէացին ա-  
ւուրս հազար երկերիւր եւ վաթսուն՝  
4 զղեցեալ քուրձ : Սոքա են երկու ձի-  
թնիւքն եւ երկու ճրագք , որ կան  
5 առաջի <sup>6</sup>Աստուծոյ յերկրի : Եւ որք  
կամիցին միասել նոցա , հուր ելցէ ի  
բերանոյ նոցա եւ կերիցէ զթշնամիս

- նոցա . եւ որք կամիցին մեղանչել նո-  
6 ցա՝ այսպէս սատակեսցին : Սոքա ու-  
նին իշխանութիւն փակել զերկինս զի  
մի՛ տեղացէ դաւուրս մարգարէու-  
թեան նոցա . եւ ունին իշխանութիւն  
ի վերայ ջուրց դարձուցանել զնոսո  
յարիւն , եւ հարկանել զերկիր յամե-  
նայն հարուածս՝ քանիցս անգամ եւ  
7 կամիցին : Եւ յորժամ կատարեսցեն  
Պապնայն աւուրս վկայութեան՝ իւր-  
եանց , յայնժամ գազանն որ ելանէ  
յանդնդոյ՝ տացէ ընդ նոսա պատե-  
րազմ , եւ յաղթեսցէ նոցա եւ սպանցէ  
8 զնոսա : Եւ զի նոցա Պանկեալ կայցէ  
ի մէջ հրապարակաց քաղաքին նոցա  
մեծի՝ , որ անուանեալ կոչի ըստ հագ-  
ւոյն Սոգոմ եւ Եգիպտոս , ուր եւ  
9 Տէրն <sup>10</sup>նոցա խաչեցաւ : Եւ տեսցեն  
զնոսա ամենայն ցեղք եւ ժողովուրդք  
եւ ամենայն լեզուք եւ հեթանոսք ,  
զի զի նոցա անկեալ կայցէ զերիս  
11 աւուրս . եւ ոչ տացեն թաղել ի  
12 զերեզմանս զոսկերս նոցա : Եւ որ  
բնակեալ են յերկրի՝ ուրախ լինին եւ  
խնդան ի վերայ նոցա , մինչեւ ընծայո  
եւ պատարագս տանել միմեանց . վառն  
զի սոքա երկուքին մարգարէքս <sup>12</sup>չոր-  
չարեսցեն զբնակիչս երկրի :
- 14 Եւ յետ երից աւուրց եւ կիսոյ հազի  
կենդանի յԱստուծոյ <sup>13</sup>մտցէ ի նոսա .  
եւ <sup>14</sup>յարիցեն կացցեն՝ ի վերայ ոտից  
իւրեանց , եւ ահ եւ երկեւզ մեծ ան-  
կաւ ի վերայ ամենեցուն որ տեսին  
12 զնոսա : Եւ <sup>15</sup>լուայ զձայն մեծ որ  
ասէր ցնոսա , <sup>16</sup>վերացէք՝ ելէք աստ՝ .  
եւ ելին յերկինս ամպովք , եւ տեսին  
13 զնոսա թշնամիք իւրեանց : Եւ ի ժա-  
մուն յայնմիկ շարժունն մեծ եղեւ , եւ  
տասներորդ մասն քաղաքին ընկղմե-  
ցաւ , եւ մեռան ի շարժմանէն արք  
եւ թն հազար . <sup>17</sup>եւ յետ այնորիկ ահ  
մեծ եղեւ . յամենեսեան՝ եւ փառս տա-  
14 յին Աստուծոյ երկնաւորի : Ահաւասիկ

<sup>1</sup>Յ-նն , հաստատեաց զերկինս եւ որ ի նմա , եւ  
զերկիր եւ որ ի նմա , եւ զծով եւ որ ի նմա , զի  
ոչ եւս իցէ

<sup>2</sup>ի Յ-ննն զ-լուս

<sup>3</sup>Յ-նն , առ հրեշտակն , տառք ցնա , ցուր ինձ  
զգրկոյսն

<sup>4</sup>Յ-նն , ի ձեռանէ հրեշտակին

<sup>5</sup>Յ-նն , բազումս

<sup>6</sup>Յ-նն , Տեառն

<sup>7</sup>Յ-նն , երկրի

<sup>8</sup>Յ-նն , զվկայութիւն

<sup>9</sup>Յ-նն , ի հրապարակի քաղաքին մեծի

<sup>10</sup>Ու-նն , մեք

<sup>11</sup>Յ-նն , աւուրս եւ կէս

<sup>12</sup>Յ-նն , յարչարեցին

<sup>13</sup>Յ-նն , եմուտ

<sup>14</sup>Յ-նն , կացին

<sup>15</sup>Յ-նն , լուսն

<sup>16</sup>Յ-նն , Ելէք պար

<sup>17</sup>Յ-նն , եւ որք մեղանչեն՝ զահի հարան

- վաղն երկրորդ էանց, եւ վաղն երրորդ զարոյց է վաղվազարոյց :
- 45 Եւ յորժամ եւթներորդ երեշտակն հարկանէր զփողն, <sup>1</sup>եղեւ ձախ յերկինս եւ ասէ՝, Եղեւ թագաւորութիւն Պա- մնայն տիեզերաց Տեառն մերոյ եւ Գրիգորոսի իւրոյ : Եւ թագաւորեսցէ ի վերայ ամենայնի՝ յաւիտեանս յա- 16 ւիտենից : Եւ քսան եւ չորք երի- ցունքն որ նստէին յաթոս իւրեանց ասալի Աստուծոյ՝ անկանեին ք վերայ երեսոց իւրեանց եւ երկիր պաշտնէին :
- 17 Տեառն Աստուծոյ, եւ ասէին, Պա- 18 նաւաք զքէն, Տէր Աստուած Ամե- նակալ, որ էն եւ Պա եւ<sup>4</sup> ասեր զգ- րութիւն քս մեծ եւ թագաւորեսցի :
- 18 Եւ ինթանոց բարկացան, եւ եկն բարկութիւն քս, եւ ժամանակ մեռե- ւոց զի գառնացին : Եւ ասա վաղնս ծառայից քոց մարգարէից եւ որոց, երկիւզածաց անաւան քս, փառունց եւ մեծամեծաց, եւ ասպականեա զա- պականիչս երկրի :
- 19 Եւ բացաւ տաճարն Աստուծոյ որ յերկինս, եւ երեւեցաւ ծառայանակն Աստուծոյ ի տաճարն իւր, եւ եղին փայլասակմունք եւ ձայնք եւ որոտ- մունք եւ շարժումն եւ կարկուտ մե- ծամեծ :

ԳԼ. ԺԲ

- 1 Եւ նշան մեծ երեւեցաւ յերկինս : Կին մի արկեալ զիւրեւ զարեգակն, եւ լուսին ի ներքոյ օտից նորա : Եւ ի վե- րայ զկոյն նորա պսակ աստեղեայ յեր- 2 կատասանից : Եւ էր յգի, եւ հէլէր յերկնից, եւ բազում վշտօք մերձ էր ի ծնանել :
- 3 Եւ երեւեցաւ այլ նշան յերկինս, եւ անաւասիկ վիշապ մի մեծ հրեղէն, որոյ էին զլուխք եւթն եւ եղջերք տասն : Եւ ի վերայ զքոց նորա եւթն 4 խալքք : Եւ ասաւն նորա քարչէր զեր- րորդ մասն աստեղաց երկնից, եւ արկ

- զնոստ յերկիր : Եւ վիշապն կայր ա- րաջի կնոջն որ հանգերանալ էր ծնա- նել, զի յորժամ ծնցի կինն զարգի իւր, 5 կցցէ զնա Վիշապն : Եւ ծնաւ Վիշնն արաւ որ հանգերանալ է հովաւել զա- մենայն եւթանոսս գաւազանաւ եր- կաթեաւ : Եւ յափշտակեցաւ արգի նո- րա առ Աստուած եւ առ արթն նորա :
- 6 Եւ կինն փախեալ յանապատ ուր էր անդի նմա պատրաստեալ յԱստուծոյ, զի կերակրեսցի անդ աւուրս հաղար երկերիւր եւ վաթսուն :
- 7 Եւ եղեւ պատերազմ յերկինս : Մի- քայեղ եւ հրեշտակք իւր կռուեին ընդ փիշապին : Եւ վիշապն պատերազմէր 8 Վերք իւրովք : Եւ ոչ կարացին կալ ընդգէմ, եւ անդի ոչ գաւաւնոցս յեր- 9 կինս : Եւ անկաւ փիշապն մեծ, ան տաւջին, որ անուանեալ կոչի Պէլեդ- զերաւդ եւ Սատանայ որ մուրեկոց զամենայն տիեզերս Վերկրի : Եւ հրեշ- 10 տակք նորա ընդ նմա անկան : Եւ թուայ ձախ մեծ յերկնից որ ասէին, Արք եղեւ զօրութիւն եւ փրկութիւն եւ արքայութիւն Աստուծոյ մերոյ, եւ իշխանութիւն Օծեայ նորա : զի անկաւ չարախօսն եղբարց մերոց, որ չարախօսէր զնոցանէ ասալի Աստու- 11 ծոյ զտիւ եւ զգիշեր : Եւ նոքա յադ- թեցին նմա արեամբ Գառինն, եւ բա- նիւ վկայութեան նորա : Եւ ոչ հա- ճեցան ընդ վիշապն՝ մինչեւ ի մահ :
- 12 Վամն այսորիկ <sup>10</sup>ուրախ լիցին երկինք՝ եւ ամենայն որ ընկեալ <sup>11</sup>են ի նմա : <sup>12</sup>Վայ երկրի եւ ծովու զի անկաւ Բան- սարկուն առ ձեզ, որ ունի զցասումն բազում, <sup>13</sup>եւ կացցէ առ սակաւ մի ժամանակ :
- 13 Եւ յորժամ ետեա վիշապն թէ ան- կաւ յերկիր, զհեա եղեւ կնոջն որ 14 ծնաւ զմանուկն արաւ : Եւ ասաւն կնոջն երկու թեւք արծաւոյ մեծի զի թոկցէ յանապատ ի անդի իւր : Եւ կերակրէր անդ ժամանակ եւ ժամա- նակս եւ կէս ժամանակ յերեսոց օձիւն

<sup>10</sup>Գլ. Եղեւ ձայնք մեծամեծք յերկինս որ ա- ւան

<sup>11</sup>Ի Գլ. Եղեւ զարեգակն

<sup>12</sup>Գլ. Եւ էր

<sup>13</sup>Գլ. Եւ քարչէր, որ զարգէն է :

<sup>14</sup>Գլ. Եւ ասաւն նորա քարչէր

<sup>15</sup>Գլ. Եւ ասաւն, անո՞ւ իւրոյ, այլ՝ Տեառն

<sup>16</sup>Գլ. Եւ հրեշտակք նորա

<sup>17</sup>Գլ. Եւ Բանապատ

<sup>18</sup>Գլ. Եւ Բանապատ. Եւ ոչ փրկեցին զգի իւրեանց

<sup>19</sup>Գլ. Եւ արքայութիւն, երկնից :

<sup>20</sup>Գլ. Եւ ք

<sup>21</sup>Գլ. Եւ քարչէր

<sup>22</sup>Գլ. Եւ քարչէր, զի անկաւ ժամանակ

45 Եւ եհեղ օձն ի բերանոյ իւրմէ՝ զհետ  
46 կնոջն ջուր զի ընկղմեսցէ զնա : Եւ  
օգնեաց երկիր կնոջն, եւ երաց երկիր  
զբերան իւր եւ եկուլ զջուրն զոր  
47 եհեղ վիշապն ի բերանոյ իւրմէ : Եւ  
ցասեալ վիշապն ընդ կնոջն, եւ զնաց  
պատերազմել ընդ այլ զաւակս նորա  
որք պահէին զպատուիրանս Աստու-  
ծոյ, եւ ունէին զվկայութիւնն Յիսու-  
48 սի : Եւ <sup>1</sup>կաց ի վերայ աւազոյ ծովու :

## ԳԼ. ԺԳ

1 Եւ տեսի զի ելանէր ի ծովէն գազան,  
եւ ունէր գլուխս եւթն եւ եղջերս  
տասն, եւ ի վերայ եղջերաց նորա  
տասն խոյր, եւ ի վերայ գլխոյ նորա  
2 անուն հայհոյութեան : Եւ գազանն  
զոր տեսի նման ընծու, եւ ոտք նո-  
րա իբրեւ զարջու, եւ բերան նորա  
որպէս զառիծու. եւ ետ նմա վիշապն  
զգորութիւն իւր եւ զաթոռ իւր եւ  
3 զիշխանութիւն մեծ : Եւ մի ի գլխոյ  
նորա <sup>2</sup>վիրաւորեալ էր՝ ի մահ. եւ վէր  
մահուան նորա ողջանայր. եւ զար-  
մացաւ ամենայն երկիր ընդ գազանն,  
<sup>3</sup>զի ետ նմա վիշապն զթագաւորու-  
4 թիւն իւր : Եւ երկիր պագին վիշապին  
որ ետ զիշխանութիւնն գազանին, <sup>4</sup>եւ  
ասէին,՝ Ո՛վ իցէ նման գազանիս.  
կամ ո՛վ կարիցէ պատերազմել ընդ  
5 զմա : Եւ տուաւ նմա բերան խօսել  
զմեծամեծս եւ զհայհոյութիւն. եւ  
տուաւ նմա իշխանութիւն զամիսս  
6 քառասուն եւ երկու : Եւ երաց զբե-  
րան իւր հայհոյութեամբ առ Աստուած,  
եւ հայհոյեաց զանուն նորա եւ զխո-  
րանն նորա, եւ <sup>5</sup>զերկնային խորանն :  
7 Եւ՝ տուաւ նմա իշխանութիւն ի վե-  
րայ ամենայն ազգաց եւ լեզուաց եւ  
8 ժողովրդոց : Զի երկիր պագցեն նմա  
ամենայն որ բնակեալ են ընդ երեսս  
երկրի. որոց ոչ են գրեալ անուանք  
նոցա ի զպրութիւն կենաց Գառնին  
9 զենլոյ ի սկզբանէ աշխարհի : Ոյք ու-

10 նին ականջս լսելոյ՝ լուիցեն : <sup>6</sup>Զի են  
ոմանք՝ որք ի գերութիւն վարեսցին,  
եւ են ոմանք՝ որ արով մեղցին, եւ են  
ոմանք՝ որ անձամբ զանձինս սպանա-  
նիցեն : աստ է համբերութիւն եւ հա-  
ւատ սրբոց :

41 Եւ տեսի այլ գազան զի ելանէր  
յերկրէ, եւ ունէր եղջերս երկու  
նման գառինն, եւ խօսէր իբրեւ զվի-  
42 շապն : Եւ զիշխանութիւն զամենայն  
գառաջնոյ գազանին գործէր առաջի  
նորա. եւ առնէր զերկիր եւ զամե-  
նայն բնակիչս նորա զի երկիր պագ-  
նիցեն գազանին առաջնոյ, <sup>7</sup>մինչեւ  
43 ողջացի վէր մահուանորա : Եւ առնէր  
նշանս բազումս, եւ տայր հոյ իշանել  
44 յերկնից յերկիր առաջի մարդկան : Եւ  
մոլորեցուցանէր զորս բնակեալ են  
յերկրի՝ նշանօքն որ տուեալ են ի ձեռս  
նորա, առնել առաջի գազանին. <sup>8</sup>ասեն  
ցնա բնակիչք երկրի, Արա զպատկեր  
գազանին, որ ի վիրաց սրոյն եկեաց :  
45 Եւ տուաւ նմա <sup>3</sup>իշխանութիւն զի  
տացէ հոգի պատկերի գազանին, եւ  
զի խօսեսցի պատկերն. եւ երկիր պագ-  
ցեն նմա ամենայն բնակիչք երկրի.  
եւ որ ոչ պագցէ երկիր պատկերի գա-  
46 զանին՝ սպանցէ զնա : Եւ <sup>9</sup>արասցէ  
զամենայն, զփոքունս եւ զմեծամեծս  
եւ զմեծատունս եւ զաղքատս, եւ  
զազատս եւ զծառայս, զի տացէ նոցա  
զորոյմ յաջու ձեռին <sup>10</sup>եւ ի վերայ ճա-  
47 կատու նոցա : Եւ ոչ ոք կարացցէ  
զնել եւ վաճառել, եթէ ոչ ունիցի  
զդրոյմ <sup>10</sup>զորոյն՝ եւ՝ զանուն գազանին  
48 <sup>10</sup>եւ զթիւ անուան նորա : Աստ է ի-  
մաստութիւն. որ ունի միտս՝ համա-  
րեսցի զթիւ գազանին. <sup>11</sup>թիւ եղեալն  
մարդոյ, եւ թիւ անուան նորա է  
այս,՝ վեց հարեւր վաթսուն եւ վեց :

<sup>6</sup>Յ-յն, եթէ որ ի գերութիւն վարէ, ի գերու-  
թիւն վարեսցի. եթէ որ արով սպանաւ,  
որով սպանցի

<sup>7</sup>Յ-յն, որոյ ողջացեալ էին վէրք մահուան նորա  
<sup>8</sup>Յ-յն, և առէր յորս բնակեալ են ի վերայ  
երկրի առնել պատկեր գազանին որ ունի զվէրս  
սրոյն, և եկեաց

<sup>9</sup>Յ-յն, առնէ զամենեւեան

<sup>10</sup>Յ-յն, կամ

<sup>11</sup>Յ-յն, զի թիւ մարդոյ է, և թիւ նորա

<sup>1</sup>Ուշտ, կացի

<sup>2</sup>Յ-յն, էր որդէս վիրաւորեալ

<sup>3</sup>Ի Յ-յն զ-ս-տ-տ

<sup>4</sup>Յ-յն, և երկիր պագին գազանին և առնին

<sup>5</sup>Յ-յն, զորս բնակեն յերկինս : (7) Եւ տուաւ  
նմա առնել պատերազմ ընդ սուրբս և յաղ-  
թել նոցա, և

ԳԼ. ԺԴ

1 Եւ տեսի, եւ ահա Գառն կայր ի վերայ լերինն Սիոնի. եւ ընդ նմա հարեւր քառասուն եւ չորք հազարք, որ ունէին զանունն Նորա եւ անունն՝  
2 Նոցա. Եւ լուայ ձայն յերկնից որպէս զձայն ջուրց բազմաց եւ ձայն որոտման մեծի. եւ լուայ իրեւ զձայն քնարահարաց, զի հարկանիցեն զքնարս  
3 իւրեանց. Եւ երգէին զերգս նորա առաջի աթոռոյն եւ առաջի չորից կենդանեացն եւ առաջի երիցանցն. եւ ոչ ոք կարէ գիտել զերգս նոցա, բայց միայն հարեւր քառասուն եւ չորս հազարքն, որք ազատեալ են յերկրէ:  
4 Սոքա են որք ընդ կանայս ոչ խառնակեցան, եւ են կուսանք. սոքա զկնի երթան Գառնին ուր եւ երթիցէ. սոքա զնորեացն ի մարդկանէ առաջի՝  
5 Աստուծոյ եւ Գառնին. Եւ ի բերան նոցա ոչ գտաւ սուտ, զի անրիծք են՝  
6 Եւ տեսի այլ հրեշտակ թռուցեալ ի մէջ երկնից. եւ ունէր աւետիս յաւիտեանական աւետարանել շամենայն փոզաց. եւ լեզուաց որ բնակեալ են յերկրի՝  
7 յերկրի. Եւ ասէր ի ձայն մեծ, Երկրուք յԱստուծոյ եւ տուք փառս նմա, զի եկն ժամ դատաստանի նորա. եւ երկիր պագէք Արարչին երկնի եւ երկրի եւ ծովու եւ աղբերաց ջուրց:  
8 Եւ այլ հրեշտակ երկրորդ գայր զհետ նորա եւ ասէր, Անկաւ, անկաւ Բաբելոն մեծն, զի գինւոյ արբեցութենէ՝ ի ցասմանէ՝ ի պոռնկութենէ իւրմէ՝ որ արբեցոյց զամենայն հեթանոսս:  
9 Եւ այլ հրեշտակ երրորդ գայր զհետ նոցա, եւ ի ձայն մեծ ասէր, Ով ոք երկրպագեաց զազանին եւ պատկերի նորա, եւ կամ զղորշմ նշանի նորա առ ի ճակատ իւր եւ կամ ի վերայ աջոյ  
10 ձեռնի իւրոյ, Անպիսին արբցէ ի բաժակէ ցասմանն Աստուծոյ, արկելոյ

յանապակէ բարկութեան բաժակին, եւ տանջեցի հրով եւ ծծմբով առաջի  
11 Սատուծոյ եւ Գառնին. Եւ ծուխ նոցա ելցէ՝ յաւիտեանս յաւիտենից. եւ ոչ ունին ճանգիւստ որք երկիր պագին զազանին ի տուէ եւ ի գիշերի, եւ որք երկիր պագին պատկերին, եւ  
12 առին զղորշմ եւ զանունն նորա. Եւ համբերութիւն սրբոցն աստ է. Յայս՝ որք պահեն զպատուիրանս Աստուծոյ  
13 եւ զհաւատս Յիսուսի. Եւ լուայ ձայն յերկնից որ ասէր ցիւս, Գրեա, Երանի մեռելոցն որք ի Տէր ննջեցին՝  
14 յայժմիկ վաղվաղակի. զայս ասէ Հոգին, քանզի հանգեան յայխատութենէ իւրեանց. իւրեանց  
15 զհետ նոցա. Եւ ասէր, եւ ահա ամպ սպիտակ, եւ ի վերայ ամպոյն նստէր նման Որդւոյ մարդոյ, եւ ի զլուխ իւր պսակ ոսկի, եւ ի ձեռնին իւրում ունէր գերանդի սրեալ:  
16 Եւ այլ հրեշտակ ելանէր յերկնից, աղաղակէր ի ձայն մեծ եւ ասէր, Որ նստիսդ ի վերայ ամպոյդ՝ առաքեալ զգերանդիդ քո եւ հնձեա, զի եկն ժամանակ հնձոց, եւ հասեալ են հուսձք  
17 երկրի. Եւ արկ որ նստէր ի վերայ ամպոյն՝ զգերանդին իւր յերկիր, եւ հնձէր զամենայն բնակիչս երկրի:  
18 Եւ այլ հրեշտակ ելանէր ի տաճարէն որ յերկինս, եւ ունէր եւ սա գերանդի սրեալ. Եւ այլ հրեշտակ ելանէր ի սեղանոյն որ ունէր ի խառնութիւն ի վերայ հրոյ, եւ աղաղակեաց ի ձայն մեծ առ հրեշտակն որ ունէր զգերանդին սրեալ, եւ ասէր, ի յիշման զողկոյզս յայգւոյ երկրէ, զի հասեալ է խաղողդ  
19 ի դմա. Եւ արկ հրեշտակն զգերանդի իւր յերկիր, եւ կթէր զխաղող նորա, եւ արկանէր  
20 ի մեծ. Եւ կոխեցաւ հնձանն արտաքոյ քաղաքին, եւ ելանէր ի հնձանէն

18-ման պատիւ

28-յն, զնեցան ի մարդկանէ յերախայրիս

30-ման պատիւ, առաջի աթոռոյն Աստուծոյ

48-յն, որոց բնակեալ են ի վերայ երկրի, ա. մեծայն ազգաց եւ ազանց եւ լեզուաց եւ ժողովրդոց

58-յն, զի ի գինւոյ ցասման պոռնկութեան իւրոյ արբոց ամենայն հեթանոսաց

68-յն, հրեշտակաց որոց

78-յն, տանջանաց նոցա ելանէ

88-յն, հանգիստ ի տուէ եւ ի գիշերի որք երկիր պագանեն զազանին եւ պատկերի նորա, եւ որ միանգամ առնու զղորշմ անուան նորա

99-ի Եւսեբիոս, յաւան պատիւ, յայլ՝ աստ

108-յն, պատուհետեւ

118-յն, զի

128-յն, ջգեա զգերանդիդ սրեալ եւ կթեա

138-յն, ի հնձան ցասմանն

արիւն մինչեւ ի սանձս <sup>1</sup>ձիոյն՝ եւ երկայնութիւն նորա՝ հազար եւ վեց հարեւր ասպարէզ :

## ԳԼ. ԺԵ

- <sup>1</sup> Եւ տեսի այլ նշան յերկինս մեծ եւ սքանչելի . հրեշտակս եւթն որք ունէին եւթն վէրս զկնի . զի նոքօք կատարէր բարկութիւնն Աստուծոյ : Եւ տեսի որպէս ծով ապակեղէն խառնեալ հրով . եւ որք յաղթեցին զազանին եւ պատկերի նորա եւ թուոյ անուան նորա <sup>2</sup>եւ զորոյմի նորա՝, նոքա կային ի վերայ ծովուն ապակեղինի, եւ ունէին զքնարս Աստուծոյ . Եւ երգէին զերգս Մովսիսի <sup>3</sup>առաջի Աստուծոյ, եւ զերգս Գառնն՝ ասելով թէ Մեծամեծ եւ սքանչելի են գործք քո, Տէր Աստուած Ամենակալ, արդար եւ ճշմարիտ են ճանապարհք քո, Թագաւոր <sup>4</sup>Ամենայն <sup>5</sup>հեթանոսաց, Եւ ո՛վ ոք ոչ <sup>6</sup>երկիցէ եւ փառաւորեսցէ <sup>7</sup>զսուրբ անուն՝ քո . զի դու միայն ես սուրբ, <sup>8</sup>եւ արժանի երկրպագելոյ,՝ զի ամենայն հեթանոսք եկեսցեն եւ երկիր պագցեն առաջի քո, <sup>9</sup>Տէր, յորժամ արդարութիւն քո յայտնեսցի՝ :
- <sup>5</sup> Եւ յետ այսորիկ տեսի եւ բացաւ տաճարն խորանին վկայութեան որ <sup>6</sup>էր յերկինս : Եւ ելանէին ի տաճարէն եւթն հրեշտակք որք ունէին եւթն հարուածս, եւ զգեցեալ էին կտաւս մաքուրս եւ պայծառս, եւ զօտեւորեալ էին առ ստեամբք իւրեանց <sup>7</sup>զօտիս ոսկեղէնս : Եւ <sup>8</sup>ի չորից կենդանեացն <sup>9</sup>տուաւ եւթն հրեշտակացն եւթն <sup>10</sup>սկաւառակս լի ցասմամբն Աստուծոյ կենդանւոյն յաւիտեանս յաւիտեանս : Եւ լցաւ տաճարն ծխով փառացն Աստուծոյ եւ զօրութեան նորա . եւ ոչ ոք կարէր մտանել ի տա-

ճարն՝ մինչեւ կատարեսցին եւթն հարուածքն եւթն հրեշտակացն :

## ԳԼ. ԺԶ

- <sup>1</sup> Եւ լուայ ձայն մեծ ի տաճարէն զի ասէր ցեւթն հրեշտակսն, Երթաք, հեղէք զեւթն սկաւառակսդ ցասմանն Աստուծոյ յերկիր :
- <sup>2</sup> Եւ գնաց <sup>12</sup>առաջին հրեշտակն՝ եւ եհեղ զսկաւառակ իւր յերկիր . եւ եղեն հարուածք չարաշարք ի վերայ մարդկան որ ունէին զորոյմ քաղաքն, եւ երկիր պագին պատկերի նորա :
- <sup>3</sup> Եւ <sup>13</sup>երկրորդ հրեշտակն՝ եհեղ զսկաւառակ իւր ի ծով, եւ <sup>14</sup>զարձան ջուրքն յարիւն մոռեալ . եւ ամենայն շունչ կենդանի որ էր ի ծովու՝ ստակեցաւ :
- <sup>4</sup> Եւ <sup>15</sup>երրորդ հրեշտակն՝ եհեղ զսկաւառակ իւր ի գետս եւ յաղբուրս ջուրց .
- <sup>5</sup> եւ եղեւ արիւն : Եւ լուայ <sup>16</sup>ի հրեշտակէն զի ասէր, <sup>17</sup>Արդար է՝ որ էնն եւ է, եւ սուրբ ի գործս իւր՝ զի այսպէս դատեցաւ . Վասն զի զարիւն սրբոց եւ զարիւն մարգարէիցն հեղին <sup>18</sup>ամպարիշտք . վասն այնորիկ արիւն <sup>7</sup>ետ ըմպել նոցա ըստ արժանւոյն : Եւ լուայ ի սեղանոյ անտի զի ասէր, Այո . Տէր Աստուած Ամենակալ, արդար եւ ճշմարիտ են դատաստանք քո :
- <sup>8</sup> Եւ <sup>19</sup>չորրորդ հրեշտակն՝ եհեղ <sup>20</sup>ի սկաւառակէ իւրմէ՝ ի վերայ արեգա-
- <sup>9</sup> կան : Եւ տուաւ նմա խորշակահար առնել զմարդիկ հրով . եւ տապաքան մարդիկ ի տապ մեծ, եւ հայնոյեցին <sup>21</sup>զԱստուած որ ունի ի յիսանութիւն ի վերայ հարուածոցս այսոցիկ . եւ ոչ ապաշխարեցին <sup>22</sup>ի փառս Աստուծոյ :
- <sup>10</sup> Եւ <sup>23</sup>հինգերորդ հրեշտակն՝ եհեղ

<sup>1</sup> Եւ, ձիոց ընդ  
<sup>2</sup> Եւ, զ-իւ-տ  
<sup>3</sup> Եւ, ծաւալի  
<sup>4</sup> Ի Եւ, զ-իւ-տ  
<sup>5</sup> Եւ, ազգաց . այլ՝ յաւիտեանց . Եւ այլ՝ որքոյ  
<sup>6</sup> Եւ, երկիցէ ի քէն, Տէր,  
<sup>7</sup> Եւ, զանուան  
<sup>8</sup> Եւ, զի արգարութիւն քո յայտնեցաւ  
<sup>9</sup> Եւ, մին ի չորից  
<sup>10</sup> Եւ, եւ  
<sup>11</sup> Եւ, սկաւառակս ոսկեղէնս

<sup>12</sup> Եւ, առաջին  
<sup>13</sup> Եւ, երկրորդ  
<sup>14</sup> Եւ, եղեւ արիւն իւրեւ զմեծելոյ  
<sup>15</sup> Եւ, երրորդ  
<sup>16</sup> Եւ, ի հրեշտակէն ջուրց  
<sup>17</sup> Եւ, Արդար ես որ էն եւ որ էր, ասարգ . զի այսպէս դատեցար  
<sup>18</sup> Եւ, Եւ արիւն ետուր նոցա ըմպել զի ար- ժանի են  
<sup>19</sup> Եւ, չորրորդ  
<sup>20</sup> Եւ, զսկաւառակ իւր  
<sup>21</sup> Եւ, զանուան Աստուծոյ  
<sup>22</sup> Եւ, տալ փառս  
<sup>23</sup> Եւ, հինգերորդ

1 ի սկսւառակէ իւրմէ՝ ի վերայ աթոռոյ գազանին, եւ եղեւ թագաւորութիւն նորա խաւարեալ. եւ ծամէին 41 զլեզուս իւրեանց յախտէ ցաւոցն, եւ հայհոյեցին զԱստուած երկնից ի ցաւոց իւրեանց եւ յախտէ զառնութեանն, եւ ոչ ապաշխարեցին ի գործոց իւրեանց: 42 Եւ 2 վեցերորդ հրեշտակն՝ եհեղ ի սկսւառակէ իւրմէ՝ ի վերայ գետոյն մեծի Եփրատայ, եւ ցամաքեցան ջուրք նորա զի պատրաստեցի ճանապարհ 43 3 թագաւորի ելիցն՝ արեւու: Եւ տեսի զի ելանէին՝ ի բերանոյ վիշապին եւ ի բերանոյ գազանին եւ ի բերանոյ սուտ մարգարէին ոգիք երեք ան- 44 սուրբք իբրեւ զգորտս: Քանզի նոքա էին ոգիք զիւսկանք, որք առնէին զնշանս եւ երթային առ թագաւորս ամենայն երկրի ժողովել զնոսա ի պատերազմ յորն մեծ Տեառն Ամենակալի: 45 (4 քանզի այսպէս ասաց Տէր.) Ահա գամ իբրեւ զգոյ, երանի որ իցեն արթունք, եւ պահեսցեն զհանդերձս իւրեանց. զի մի՛ մերկ չըջեսցին, եւ եւ 46 բեւեացին ամօթանք իւրեանց.) Եւ ժողովեցին զնոսա ի տեղի մի, որ կոչի Եբրայեցերէն Արմազեդոն: 47 Եւ 5 եւթներորդ հրեշտակն՝ եհեղ ի սկսւառակէ իւրմէ՝ ի վերայ օդոյ. եւ ել ձայն մեծ 6 յերկնից եւ՝ յաթոռոյն 48 տեսելով, Եղեւ. Եւ եղեն փայտաւմուռնք եւ ձայնք եւ որոտումնք. եւ եղեւ շարժումն մեծ, որպիսի չիք եղբար ի սկզբանէ յորմէ հետէ եղեւ մարդ ի վերայ երկրի այնպիսի շարժումն մեծ: 49 Եւ եղեւ քաղաքն մեծ յերիս մասունս, եւ քաղաքք ազգացն անկան. եւ Բաբելոն մեծ յիշեցաւ առաջի Աստուծոյ տալ նմա զբաժակն զինւոյ ցասման 20 բարկութեան նորա: Եւ ամենայն կղզիք փախեան, եւ լերինք ի միջոյ 21 բարձան: Եւ կարկուտ մեծ իբրեւ կշիռ տաղանդոյ միոյ իջանէր յերկնից ի վերայ մարդկան. եւ հայհոյեցին մարդիկ զԱստուած 4 յերկինս վասն հարուածոյ

կարկտին զի մեծ էր 7 հարուածն եւ սաստիկ:

ԳԼ. ԺԷ

1 Եւ եկն մի ոմն յեւթն հրեշտակացն որք ունէին զեւթն սկսւառական, խօսեցաւ ընդ իս եւ ասէ, Եկ այսր, եւ ցուցից քեզ զդատաստանս մեծ պոռնկին որ նստի ի վերայ ջուրք բազ- 2 մաց. Ընդ որում պոռնկեցան թագաւորք երկրի, եւ արքեցան բնակիչք երկրի ի գինւոյ արքեցութեան պոռ- 3 նրկութեան նորա: Եւ առ տարաւ զիս յանապատ հոգւոյն. եւ տեսի կին մի զի նստէր ի վերայ կարմիր գազանի, եւ լի էր անուամբ հայհոյութեան, եւ զազանն զոր տեսի ունէր զլուխս եւթն 4 եւ եղջերս տասն: Եւ կինն զգեցեալ էր ծիրանիս եւ կարմիրս, եւ զարդարեալ ոսկւով եւ մարգարտով եւ ակամբք պատուականօք, ունելով բա- 5 ժակ ոսկի ի ձեռին իւրում, եւ լի էր զարչելի եւ անմաքուր պոռնկու- 6 թեամբ: Եւ ի ճակատն նորա գրեալ անուն՝ 8 խորհրդով մեծն Բաբելոն, մայր պոռնկաց եւ զարչեցեաց երկրի: 7 Եւ տեսի զկինն արքեցեալ յարենէ սրբոց եւ յարենէ 9 ամենայն վկայիցն. եւ զարմացայ տեսեալ զնա՝ զարմա- 7 ցումն մեծ: Եւ ասէ ցիս հրեշտակն, Ընդէր զարմացար. ես ասացից քեզ զխորհուրդս կնոջն, եւ զգազանին որ բարձեալ ունի զնա. որ ունի զեւթն 8 զլուխս եւ տասն եղջերս: Եւ գազանդ զոր տեսեր, որ էր եւ չէ, եւ հանդերձեալ է ելանել ի դժոխոց եւ ի կորուստ երթալ. եւ 10 զարմացան ամենեքեան՝ որ բնակեալ են ի վերայ երկրի որոց ոչ էին գրեալ անուանք նոցա ի գիր կենաց ի սկզբանէ աշ- իսարհի, 11 զոր տեսանէիր՝ զգազանն 9 զի էր եւ չէ, եւ մերձ է. Աստ է 12 իմաստութիւն՝ որ ունի միտս. եւ թն զլուխն եւ թն լերինք են, ուր կինն նստեալ էր ի վերայ նոցա. եւ նոքին

18-ՆՆ, զսկսւառակ իւր

28-ՆՆ, վեցերորդն

38-ՆՆ, թագաւորաց որ յերկն

48-ՆՆ, զառնութեանն

58-ՆՆ, եւթներորդն

68-ՆՆ, մեծն ի տաճարէն, այլ ի տաճարէն երկնից.

78-ՆՆ, հարուած նորա յոյժ

88-ՆՆ, խորհուրդ.

98-ՆՆ, վկայիցն Յիսուսի

108-ՆՆ, զարմացան

118-ՆՆ, տեսեալ

128-ՆՆ, միտք որոյ է իմաստութիւն

Թագաւորք են եւթն, <sup>1</sup>եւ թագաւորք  
 40 եւթն գորով, <sup>2</sup>Հինգն անկան, եւ մին  
<sup>3</sup>եկաց, եւ մինն ոչ է եկեալ. եւ յոր-  
 ժամ գայ՝ սակաւիկ մի ժամանակ ունի:  
 41 Եւ գազանն որ էր եւ չէ, եւ նա ութե-  
 րորդ է. եւ է յեւթանց անտի, եւ ի  
 42 կորուստ երթալոց է: Եւ տասն եղ-  
 ջեւերն զոր տեսեր՝ տասն թագաւորք են,  
 որոց չեւ եւս է առեալ զթագաւորու-  
 թիւն, այլ <sup>3</sup>առնուն եւ կան իշխանք  
 ի մի ժամ. եւ առնուն նոքա զիշխա-  
 43 նութիւն՝ ընդ գազանին: Սոքա մի  
 կամս ունին, եւ զգորութիւն եւ զիշ-  
 44 խանութիւն գազանին տան: Եւ ընդ  
 Գառինն պատերազմին, եւ Գառնն  
 յաղթէ նոցա. զի Տէր է <sup>4</sup>նոցա եւ  
 թագաւոր թագաւորաց, եւ որք ընդ  
 նմա՝ կոչեցեալք են, ընտրեալք եւ  
 45 հաւատացեալք: Եւ ասաց ցիս, Եւ  
 ջուրքն զոր տեսեր, ուր նստէր պոռ-  
 նիկն, ժողովուրդք են եւ բազմու-  
 46 թիւնք եւ ազգք եւ լեզուք: Եւ տասն  
 եղջիւրքն զոր տեսեր՝ գազանին, նո-  
 քա տեսցեն զպոռնիկն եւ ատեսցեն  
 զնա՝, եւ զմարմինն նորա կերիցեն եւ  
 47 այրեսցեն զնա հրով: Քանզի Աստուած  
 եւ ի սիրտս նոցա առ ի լինել նոցա  
 մի կամս, եւ տալ զթագաւորութիւն  
 գազանին մինչեւ կատարեսցի բանն  
 48 Աստուծոյ: Եւ կինն զոր տեսեր՝ է  
 քաղաքն մեծ, որ ունի զթագաւո-  
 րութիւն ի վերայ թագաւորութեանց  
 երկրի:

## ԳԼ. ԺԸ

1 Եւ յետ այսորիկ տեսի այլ հրեշտակ  
 իջեալ յերկնից որ ունէր իշխանու-  
 թիւն մեծ, եւ երկիր լուսաւորեցաւ  
 2 ի փառաց նորա: Եւ աղաղակեաց ի  
 ձայն մեծ՝ ասելով, <sup>3</sup>Ունկաւ Բաբելոն  
 մեծն, որ եղեալ էր՝ բնակութիւն զի-  
 ւաց եւ արգել ամենայն այսոց պղծոց,  
 եւ բանտ պահպանութեան ամենայն

3 <sup>7</sup>ողոց անսրբից եւ ատեցելոց: Վասն  
 զի ի բարկութենէ զինւոյ պոռնկու-  
 թեան նորա արբին ամենայն ազգք,  
 եւ թագաւորք երկրի <sup>1</sup>որ ընդ նմա  
 պոռնկեցան. եւ վաճառականք երկրի  
 ի նորա զօրութեանն յօրանալոյ մե-  
 4 ծացան: Եւ լուայ <sup>2</sup>ձայն յերկնից զի  
 ասէր, Ելէք ի միջոյ դորա, ժողովուրդ  
 իմ, զի մի՛ հաղորդ լիցիք մեղաց դորա.  
 եւ մի՛ <sup>3</sup>զհարուածս դորա ընդունի-  
 5 ցիք: Զի հասին կցեցան մեղք դորա  
 մինչեւ յերկինս. եւ յիշեաց Աստուած  
 6 զամպարչտութիւնս դորա: <sup>10</sup>Եւ հա-  
 տուցանէ՝ դմա որպէս եւ հառայցն  
<sup>11</sup>մեզ. եւ <sup>12</sup>առցէ դա՝ երկպատիկ  
 ըստ գործոց իւրոց. եւ զբաժակն որով  
 խառնեացն՝ խառնեցէք դմա կրկին:  
 7 Որչափ փառաւորեաց զինքն եւ խայ-  
 տաց, այնչափ հառուցէք դմա <sup>13</sup>սուգ.  
 զի ի սրտի իւրում ասէր թէ Յամե-  
 նայն ժամ նստայց ես թագուհի, եւ  
 8 այրի ոչ եւս եղէց՝ <sup>14</sup>։ Վասն այնորիկ  
 ի միում աւուր եկեսցեն ի վերայ դորա  
 հարուածք՝ մահ եւ սուգ եւ սով, եւ  
 ի հուր այրեսցի. զի հզօր է Տէր Աս-  
 9 տուած որ դատեցաւ զգա: Եւ լայցեն  
 եւ կոծեսցին ի վերայ դորա թագաւորք  
 երկրի, որք ընդ դմա պոռնկեցան եւ  
 խաղացին. եւ հեծեսցեն, յորժամ տես-  
 ցին զծուխ կիզման տանջանաց դորա:  
 10 Ի հեռաստանէ կայցեն վասն երկիւղի  
 տանջանաց դորա եւ ասացեն, <sup>15</sup>Վա՛յ  
 քաղաքիդ մեծի Բաբելոնի, քաղաք  
 հզօր, զի ի միում ժամու եկին հասին  
 11 դատաստանք քո: Եւ վաճառականք  
 երկրի ողբացեն եւ սգացեն ի վերայ  
<sup>16</sup>քո, զի զբեռն նոցա ոչ ոք զնէ:  
 12 <sup>17</sup>Եւ շահք որ ի քէն՝ ոչ եւս իցէ՝  
 ոսկւոյ եւ արծաթոյ եւ ականց պատ-  
 ուականաց եւ մարգարտոյ եւ բնիկոյ  
 եւ ծիրանւոյ եւ <sup>18</sup>ոսկեթելի եւ որդան,

7 Եւ, Թաւոց

8 Եւ, այլ ձայն

9 Եւ, ի հարուածոց

10 Եւ, Հատուցէք

11 Ի Եւ, ի Բաբելոն գոթոթ. մեծ մեծ

12 Եւ, կրկնեցէք

13 Եւ, տանջանս եւ սուգ

14 Բաբելոն յաւելու, եւ սուգ ոչ տեսից

15 Եւ, Վա՛յ, վա՛յ

16 Եւ, նորա

17 Եւ, Բեռն, իմ, Վաճառ

18 Եւ, մետաքսի

1 ի Եւ, զո-թ

2 Եւ, կայ

3 Եւ, ամենուն իշխանութիւն իբրեւ թագա-  
ւորք զմի ժամ

4 Եւ, տեսնց

5 Եւ, ի վերայ գազանին, նոքա ատեսցեն  
զպոռնիկն եւ ամպստ արացեն զնա եւ մերկ6 Բաբելոն, Ունկաւ, անկաւ Բաբելոն մեծն, եւ  
եղեւ

եւ ամենայն փայտ խնկոյ եւ ամենայն անօթ փղոսկրեայ եւ ամենայն անօթ ի փայտէ պատուականէ եւ ի պղնձոյ, 43 եւ յերկաթոյ եւ ի կնոյ, Եւ կինամոմոն եւ ամենայն խուսկ եւ եւզ եւ կնդրուկ եւ գինի եւ ձէթ եւ նաչի եւ ցորեան, եւ 1 ստացուածք ամենայն, արջառ եւ ոչխար. եւ երկվարաց եւ կառաց 2 որ վայել է մարմնոց 44 եւ ոգւոց մարդկան. Եւ ամենայն ցանկութիւն անձինքն զնաց ի քէն, եւ ամենայն 1 լուսափայլ վայելչութիւնն, 1 պարարտն եւ գէրն՝ եւ սպիտակն զնաց ի քէն, եւ ոչ եւս գտցես 45 զայդ: Եւ ամենայն շահավաճառք 4 այսոքիւք մեծացեալք ի քէն՝ ի բաց կացցեն վասն երկիւղի տանջանաց 6 քոց 46 լալով եւ սուգ առնլով, Ասասցեն, Վա՛յ, վա՛յ, քաղաք մեծ, որ զգեցեալ էիր բնեզս եւ ծիրանիս եւ որդան, ոսկեզօծս եւ քարինս պատուականս 47 եւ մարգարիտս. Զի ի միում ժամու պակասեցաւ այնչափ մեծութիւն քո. եւ ամենայն նաւավար եւ ամենայն որ ի տեղիս տեղիս նաւեն, եւ նաւազք եւ որք միանգամ 6 ուռկանաւ գործեն՝ ի հեռաստանէ 7 կայցեն լալով, 48 Եւ Թաղաղակեցին տեսանելով զծուխ կիզման նորա, ասելով, Ո՞ւնման է 49 քաղաքիս այսմիկ մեծի: Եւ Թարկցին հող ի վերայ զլիւսոց իւրեանց, եւ գուժով ձայնիւ մեծաւ, լալով եւ սգալով 10 ասասցեն, Վա՛յ, վա՛յ, քաղաք մեծ, 11 որով ամենեքեան մեծանայաք որք ունէաք զնաւս ի ծովս վասն պատուականութեան քո, զի ի միում ժամու ապականեալ կործանեցար՝ 20 Ուրախ լերուք ի վերայ նորա, երկինք եւ սուրբ առաքեալք եւ մարգարէք, զի զատեցաւ Աստուած զդատաստան ձեր ի դմանէ:

1 ի Թ-նէն պ-ս-տ

2 Թ-նէն, և մարմնոց

3 Թ-նէն, պատու ցանկութեան

4 Թ-նէն, սոցա մեծացեալք ի նմանէ

5 Թ-նէն, նորա

6 Թ-նէն, ի ծովու

7 Թ-նէն, կացին

8 Թ-նէն, աղաղակէին

9 Թ-նէն, արկին

10 Թ-նէն, ասէին

11 Թ-նէն, յորում մեծացան ամենեքին որ ունէին նաւս ի ծովու վասն պատուականութեան քո. զի ի միում ժամու աւերեցաւ

21 Եւ ա՛ռ հրեշտակ հզօր քար մի իբրեւ զերկան մեծ, եւ ընկէց ի ծով ասելով, Այսպէս 12 յարձակմամբ անկցի Բաբելոն քաղաք մեծ, եւ այլ ոչ եւս գտցի: 22 Եւ ձայն քնարերգաց եւ երաժշտականաց, 13 արուեստականաց եւ փողահարաց եւ թմբկի՝ այլ ոչ եւս լուիցի 23 14 ի քեզ. Եւ լոյս ճրագի եւ ձայն երկանի՝ այլ ոչ եւս երեւեսցի ի քեզ, եւ ձայն փեսայի եւ ձայն հարսին այլ ոչ եւս լուիցի ի քեզ. 15 եւ ոչ պաճառականք քո 16 փառաւորք եւ՝ մեծամեծք երկրի, 1 որ զուարճացեալ էին ի քեզ, վասն զի կախարդութեամբ զեղատուութեան քո մոյրեւ 24 ցան ամենայն ազգք: Եւ 17 ի քեզ ամենայն՝ արիւն մարգարէից եւ սրբոց գտաւ, եւ ամենայն 18 գրեւոց յերկրին կենդանեաց՝:

ԳԼ. ԺԹ

1 Եւ յետ այնորիկ լուայ ձայն մեծ բաղմութեան յերկինս ասելով, Ալէլուիա, փրկութիւն եւ փառք եւ պատիւ եւ 2 զօրութիւն 19 Աստուծոյ մերում. Զի ճշմարիտ եւ արդար են զատաստանք նորա. զի զատեաց զպոռնիկն մեծ 20 ի պոռնկութեան իւրում, եւ խնդրեաց զվրէժ արեան ծառայից իւրոց ի ձեռաց նորա: Եւ կրկին անգամ 1 օրհնեցին եւ՝ ասացին, Ալէլուիա. եւ ծուխ նորա ելանէր յաւիտեանս յաւիտեանից. 4 Եւ անկան քսան եւ չորք երիցունքն եւ չորք կենդանիքն, եւ երկիր պագին Աստուծոյ որ նստէր յաթոռ 1 փաճաց, ասելով, Ամէն, Ալէլուիա: Եւ ձայն յաթոռոյն ելանէր՝ ասելով, Օրհնեցէք զԱստուած մեր, ամենայն ծառայք նորա, եւ որք երկնիք ի նմանէ, 6 փոքունք եւ մեծամեծք: Եւ լուայ

12 Թ-նէն, ուժգնութեամբ

13 Թ-նէն, որեքահարաց և փողահարաց

14 Թ-նէն, ի քեզ. և ամենայն արուեստագէտ ամենայն արուեստի մի՝ եւս գտցի ի քեզ. և ձայն երկանի մի՝ եւս լուիցի ի քեզ. (23) Եւ լոյս ճրագի

15 Թ-նէն, քանդի

16 Թ-նէն, էին

17 Թ-նէն, ի նմա

18 Թ-նէն, աղանելոց ի վերայ երկրի

19 Որ-նէն, Տեսաւ Աստուծոյ

20 Թ-նէն, որ ապականեաց զերկիր ի պոռնկութեան



<sup>1</sup> ձայն բազմութեան մեծի, եւ իբրեւ զձայն ջուրց բազմաց, եւ իբրեւ զձայն հզօր որոտման, ասելով <sup>2</sup> դարձեալ, Աւելելուիա, վասն զի թագաւորեաց <sup>3</sup> Աստուած <sup>4</sup> մեր Ամենակալ, խնդամբ եւ ցնծամբ եւ տամբ փառս նմա, զի եկն հարսանիք Գառինն, եւ կրին <sup>5</sup> հարսն <sup>6</sup> նորա պատրաստեաց զինքն: Եւ տուաւ նմա զգեներւր բնհեզս սպիտակս սուրբս <sup>7</sup> եւ լուսափայլս, որ է բնհզն՝ արդարութիւն սրբոցն: Եւ <sup>8</sup> մի յերիցանցն՝ ասէր ցիս, Գրեա <sup>9</sup> զայդ, Եւ րանելիք են ամենեւեան որ կոչեցեալ են յընթրիս հարսանեաց Գառինն: <sup>10</sup> Եւ ես նսկեալ առաջի ոտից նորա, <sup>11</sup> երկիր պազի՝ նմա. եւ ասէ ցիս, <sup>12</sup> Անսա, մի անկանիւր առաջի իմ, քան զի եւ ես՝ ծառայակից քո եմ եւ եղբարց քոց որք ունին զվկայութիւնն Յիսուսի <sup>13</sup> Քրիստոսի. Տեառն՝ Աստուծոյ <sup>14</sup> միայն երկրպագեա. <sup>15</sup> քանզի հաստատութեամբ Յիսուսի է տեսիլդ եւ հոգի մարդարեւութեանդ, զի վկայութիւն Յիսուսի է <sup>16</sup> Չոգեովն Սրբով որ ի մարդարէսն էր:

<sup>17</sup> Եւ տեսի զերկինս բացեալ եւ ահա ձի սպիտակ, եւ որ հեծեալն էր ի նմա՝ <sup>18</sup> Հաւատարիմ եւ Ճշմարիտ, եւ արդարութեամբ դատի եւ պատերազմի:

<sup>19</sup> Եւ աչք նորա բոց հրոյ, եւ ի վերայ զլիսոյ նորա պսակս բազումս. եւ ունէր անուռ գրեալ, զոր ոչ ոք զիտէ:

<sup>20</sup> Բայց միայն ինքն. Եւ արկեալ զիւրեաւ հանդերձ ներկեալ արեամբ. եւ կոչէր անուն նորա Բան Աստուծոյ:

<sup>21</sup> Եւ <sup>22</sup> զօրաւարք երկնից եւ՝ զօրք երկնից զհետ երթային նորա <sup>23</sup> ձիովք, զգեցեալք բնհեզս սուրբս եւ սպիտակս: Եւ ի բերանոյ նորա ելանէր սուր սրեալ, զի նովաւ հարցէ զազգս. եւ նա հովուեացէ զնոսա գաւազանաւ:

երկաթեաւ, եւ նա կոխեացէ զհնձան զինւոյ ցասման բարկութեան Աստուծոյ Ամենակալի: Եւ ունէր ի վերայ պատմութեան իւրոյ եւ ի վերայ <sup>2</sup> անդամոց իւրոց՝ զիր գրեալ, ԹԱԳԱՒՈՐ ԹԱԳԱՒՈՐԱՅ ԵՒ ՏԵՐ ՏԵՐԱՆՑ:

<sup>3</sup> Եւ տեսի այլ հրեշտակ որ կայր ի վերայ արեգական, զի աղաղակեաց ի ձայն մեծ ամենայն հաւուց թողցելոց ընդ մէջ երկնից՝ ասելով, Եկայք ժողովեցարուք <sup>4</sup> յընթրիս մեծին Աստուծոյ: Եւ՝ կերիջիք զմարմինս թագաւորաց, <sup>5</sup> եւ զմարմինս հզօրաց, եւ զմարմինս երկվարաց եւ <sup>6</sup> ամենայն հեծելոց ի նոսա, եւ <sup>7</sup> զմարմինս աղատաց եւ ծառայից, մեծի եւ փոքու:

<sup>8</sup> Եւ տեսի զգազանն եւ զթագաւորս երկրի եւ զզօրս նոցա ժողովեալս՝ առնել պատերազմ ընդ այնմ որ հեծեալն էր ի ձին սպիտակ եւ ընդ զօրս նորա:

<sup>9</sup> Եւ ըմբռնեցաւ գազանն եւ որ ընդ նմա սուտ մարգարէն որ առնէր զնշանսն առաջի նորա, <sup>10</sup> եւ զորս մոլորեցոյց եւ ետ առնուլ՝ զգորշմ գազանին, եւ զերկրպագուս պատկերի նորա. եւ կենդանւոյն <sup>11</sup> արկին զնոսա՝ ի լիճ:

<sup>12</sup> Իւրոյ այրեցելոյ ծծմբով, Եւ այլքն մեռան ի սրոյ հեծելոյն ի վերայ ձիոյն, յորոյ բերանոյ ելանէր սուրն. եւ ամենայն թռչունք յազեցան ի մարմնոց նոցա:

## ԳԼ. Ի

<sup>1</sup> Եւ տեսի այլ հրեշտակ զի իջանէր յերկնից, եւ ունէր զփականս գոթոց <sup>2</sup> եւ չղթայս մեծ ի ձեռին իւրում. Եւ ըմբռնեաց զվիշապն, զօձն առաջին, որ է Բանսարկուն եւ Սատանայ, եւ <sup>3</sup> կապեաց զնա հաղար ամ: Եւ արկ զնա յանդուռնդ <sup>4</sup> զԺոխոց, եւ փակեաց եւ կնքեաց <sup>5</sup> զնա, զի այլ մի՝ եւս մոլորեցուցէ զազգս, մինչեւ կատարեսցի հաղար ամն. եւ յետ այնորիկ

<sup>1</sup> Եւ, իբրեւ զձայն<sup>2</sup> Եւ, իբրեւ զձայն<sup>3</sup> Եւ, իբրեւ զձայն<sup>4</sup> Եւ, իբրեւ զձայն<sup>5</sup> Եւ, իբրեւ զձայն, եւ ասէ ցիս, Աստուծոյ<sup>6</sup> Եւ, իբրեւ զձայն<sup>7</sup> Եւ, իբրեւ զձայն<sup>8</sup> Եւ, իբրեւ զձայն<sup>9</sup> Եւ, իբրեւ զձայն<sup>10</sup> Եւ, իբրեւ զձայն<sup>11</sup> Եւ, իբրեւ զձայն<sup>12</sup> Եւ, իբրեւ զձայն<sup>13</sup> Եւ, իբրեւ զձայն, ի մեծ ընթրիս Աստուծոյ, (18) Զի<sup>14</sup> Եւ, իբրեւ զձայն, եւ զմարմինս հաղարապետաց, եւ<sup>15</sup> Եւ, իբրեւ զձայն, զմարմինս ամենեցուն,<sup>16</sup> Եւ, իբրեւ զձայն, որովք մոլորեցոյց զորս առնին<sup>17</sup> Եւ, իբրեւ զձայն, արկան երկաթեմ<sup>18</sup> Եւ, իբրեւ զձայն, ի վերայ նորա

պարտ է լուծանել նմա սակաւ մի-  
թամանակ :

4 Եւ տեսի աթոռ , եւ նստան  
ի վերայ նոցա . եւ դատաւորութիւն  
տուաւ նոցա : <sup>1</sup>Ընտրել զհոգիս  
<sup>2</sup>չարչարելոցն վասն վկայութեանն  
Յիսուսի եւ վասն բանին Աստու-  
ծոյ , եւ զորս ոչն երկիր պագին <sup>3</sup>զա-  
զանին , եւ ոչ առին զդրոշմ նորա  
ի ճակատս իւրեանց եւ ոչ ի վերայ  
<sup>4</sup>աջոյ ձեռին իւրեանց . եւ կացին եւ  
Թազաւորեցին ընդ Գրիստոսի հա-  
զար ամ : Եւ <sup>5</sup>յետ այսորիկ ի մեռելոց  
ոչ ոք եկեաց , մինչեւ ի կատարել հա-  
զար ամին . այս է յարութիւն առա-  
ջին : <sup>6</sup>Երանի սրբոցն , որք ունին  
բաժին ի յարութեանն առաջնում . ի  
վերայ սոցա երկրորդ մահն ոչ ունի  
ի լիանութիւն , այլ եղիցին քահանայք  
Աստուծոյ եւ <sup>7</sup>Տեառն Յիսուսի՝ Գրիս-  
տոսի . եւ Թազաւորեցեն ընդ նմա  
հազար ամ :

7 Եւ յետ հազար ամին յլուծցէ զՄա-  
տանայ եւ հանցէ ի բանտէ անտի .  
ելցէ՝ եւ մոլորեցուցէ զազգոս ամե-  
նայն ընդ չորս կողմանս երկրի ,  
<sup>8</sup>զՊոգ եւ զՄագոգ առցէ ի ձեռս  
ժողովել նոքօք զամենայն զօրս՝ ի  
պատերազմ . որոց թիւ նոցա իբրեւ  
<sup>9</sup>զաւազ ծովու : Եւ <sup>10</sup>ելցեն ի լայնու-  
թիւն երկրի եւ <sup>11</sup>պատեացեն չորս  
զաւակս սրբոցն եւ <sup>12</sup>զքաղաքին  
սիրելոյ : Եւ իջցէ՝ հուր յերկնից  
առ ի յԱստուծոյ եւ <sup>13</sup>կերիցէ զնո-  
սա , եւ <sup>14</sup>զզօրազուին նոցա զՄա-  
տանայ որ մոլորեցոյց զնոսա . եւ  
արկցէ զնոսա ի ծովն՝ հրոյ եւ  
ծծմբոյ , ուր էր գաղանն Եւ սուս

մարգարէն . եւ չարչարեցին զտիւ-  
եւ զգիշեր<sup>15</sup> :

11 Եւ տեսի աթոռ օպիտակ մեծ , եւ  
ի վերայ նորա նստեալ յորոյ երեսացն  
երկնչէին եւ փախչէին երկինք եւ եր-  
կիր , եւ տեղի ոչ գտաւ նոցա : Եւ  
տեսի զմեռեալս մեծամեծս եւ զփո-  
քունս , որ կային առաջի <sup>16</sup>աթոռոյն .  
եւ գրեանք բանային , եւ այլ գիրք  
բացան կենաց . եւ դատեցան մեռեալք  
<sup>17</sup>ի գրելոցն ըստ գործոց իւրեանց :  
13 Եւ ետ ծով զմեռեալս իւր , եւ մահ  
եւ զժոխք զիւրեանց մեռեալս . եւ  
դատեցան իւրաքանչիւր ըստ գործոց  
14 իւրեանց : Մահ եւ զժոխք մատենե-  
15 ցան ի լիճ հրոյն<sup>17</sup> : Եւ որ ոք ոչ գտաւ  
ի գիրն կենաց գրեալ՝ արկաւ ի լիճ  
հրոյն :

# ԳԼ ԻԱ

1 Եւ տեսի երկին նոր եւ երկիր նոր .  
քանզի առաջինն երկինք եւ երկիր  
2 էանց . եւ ծով ոչ գոյր : <sup>3</sup>Եւ զքա-  
ղաքն սուրբ զնորն Երուսաղէմ տեսի  
զի իջանէր <sup>4</sup>յԱստուծոյ եւ յերկնից՝  
զարդարեալ եւ պատրաստեալ որպէս  
3 հարսն առն իւրոյ : Եւ լուայ ձայն  
յերկնից որ ասէր , Ահաւասիկ խո-  
րանն Աստուծոյ ի մէջ մարգկան ,  
եւ բնակեացն ընդ նոսա . եւ նոքա  
ժողովուրդ նմա . եւ <sup>5</sup>սա Աստուած  
4 նոցա : Եւ քննեցէ զամենայն ար-  
տօսր յաշաց նոցա . եւ մահ ոչ եւս  
<sup>6</sup>ապ , ոչ սուգ եւ ոչ ազազակ եւ  
ոչ ցաւք <sup>7</sup>եւ ոչ աշխատանք ոչ  
5 եւս գոյ՝ զի առաջինն էանց : Եւ  
առաց ցիս որ նստէրն ի վերայ ա-  
թոռոյն , Ահաւասիկ առնեմ զամե-  
նայն նոր . եւ ասէ ցիս , Գրեա , այս  
բանք ճշմարիտ եւ հաւատարիմք :  
6 Եւ ասէ ցիս , <sup>8</sup>Եղէ ես՝ Ալիս եւ Ով ,

<sup>1</sup>Յ-յն , ե

<sup>2</sup>Յ-յն , գլխաւորեցն

<sup>3</sup>Յ-յն , գաղանին եւ պապկերի նորա

<sup>4</sup>ի Յ-յն պապ

<sup>5</sup>Յ-յն , մնացորդք ի մեռելոց ոչ կեցեմ

<sup>6</sup>Յ-յն , Երանելի եւ սուրբ է որ ունի

<sup>7</sup>Յ-յն , լուծցի Սատանայ ի բանտէ իւրեւ , ե  
ելցէ

<sup>8</sup>Յ-յն , զՊոգ եւ զՄագոգ , ժողովել զնոսա

<sup>9</sup>Յ-յն , երկն

<sup>10</sup>Յ-յն , պատեցին

<sup>11</sup>Յ-յն , գաղաքն սիրելի (9) Եւ էլ

<sup>12</sup>Յ-յն , կերաւ

<sup>13</sup>Յ-յն , Բանաբովան որ մոլորեցոյց զնոսա՝ ա-  
կա ի լիճն

<sup>14</sup>Յ-յն յա-իւ- , յաւիտեանս յաւիտենից

<sup>15</sup>Պ-յն , Աստուծոյ

<sup>16</sup>Յ-յն , ի գրելոցն ի գիրքն

<sup>17</sup>ի Յ-յն , բազմա յա-իւ- , այս է մահն երկ-  
բորդ . մահ՝ այս է մահն երկբորդ , ի՞նչ հրոյն

<sup>18</sup>Պ-յն , Եւ ես Յովհաննէս

<sup>19</sup>Յ-յն , յերկնից , յԱստուծոյ

<sup>20</sup>Յ-յն , Ինքն Աստուած եղիցի ընդ նոսա ,

<sup>21</sup>Յ-յն , իցէ

<sup>22</sup>Յ-յն , ոչ եւս իցեն

<sup>23</sup>Պ-յն , Եղեւ . եւ եմ

Սկիզբն եւ կատարած . եւ ծարաւե-  
լոցն տամ յաղբերէ ջրոյ կենաց ձրի :  
7 Որ յաղթէ՝ ժառանգեսցէ զայս ամե-  
նայն . եւ եւ եղէց Կոնստանտինոս  
8 եւ նոքա եղիցին ինձ որդիք : Եւ  
9 ծուլացն եւ անհաւատից, Կապանողաց  
եւ պոնտիկաց եւ կախարդաց եւ կռա-  
պաշտից 10 եւ դեղատուաց, եւ ամե-  
նայն ստոց 11 ամպարչտաց, որոց 12 բա-  
ժինն իւրեանց ի ճին այրեցելոյ հրով  
եւ ծծմբով, որ է մահն երկրորդ :  
9 Եւ եկն առ իս մի յեւթն հրեշտա-  
կացն, որք ունէին զեւթն սկաւա-  
ռակսն լցեալս եւթն 13 վախճանաւ կա-  
տարածովք, եւ խօսեցաւ ընդ իս եւ  
ասէ, Եկ ցուցից քեզ զհարսն, 14 եւ  
10 զկին Գառինն : Եւ առ տարաւ զիս  
ի լեռոն մի բարձր եւ մեծ, հոգւովն  
եւ եցոյց ինձ զքաղաքն 15 մեծ եւ  
սուրբ Երուսաղէմ . զի իջեալ էր  
11 յերկնից առ ի յԱստուծոյ . Եւ ունէր  
զփառս Աստուծոյ . եւ էր ի նմա  
լուսաւորութիւն նմանեալ ականց  
պատուականաց 12 քար յասպիս սառ-  
12 նատեսակ եւ կենդանի : Եւ էին պա-  
րիսպք նորա մեծ եւ բարձր, եւ  
ունէր դրունս երկոտասան . եւ 13 յեր-  
կոտասան դրունսն՝ երկոտասան հրեշ-  
տակս, եւ 14 անուանք իւրաքանչիւ-  
րոցն ի վերայ դրանցն գրեալ էին  
ըստ երկոտասան ցեղիցն Իսրայելի :  
13 Յարեւելից կողմանէ դրունք երեք,  
եւ ի հիւսիսոյ կողմանէ դրունք ե-  
րեք, եւ ի հարաւոյ կողմանէ դրունք  
երեք, եւ յարեւմտից կողմանէ դրունք  
14 երեք : Եւ պարիսպ քաղաքին ունէր  
հիմունս երկոտասան, եւ ի նոսա եր-  
կոտասան անուանք երկոտասան ա-  
15 ռաքելոց Գառինն : Եւ որ խօսէրն ընդ  
իս, ունէր եղէզն ոսկի ի ձեռին իւ-  
րում զի չափեսցէ զքաղաքն եւ զդրունս  
16 նորա եւ զպարիսպս նորա : Եւ էր

քաղաքն քառակուսի, եւ որչափ եր-  
կայնութիւն նորա՝ նոյնչափ եւ լայ-  
նութիւն, 10 եւ բարձրութիւն հաւա-  
սար, եւ էր չափ երկայնութեան նորա  
երկոտասան հազար ասպարէզս . եւ  
լայնութիւն նորա եւ 11 բարձրութիւն  
միաչափ կիւրս : Եւ չափեսց զպա-  
րիսպն նորա հարեւր եւ քառասուն  
եւ չորս 12 ասպարէզս . չափ մարդոյ որ  
13 է հրեշտակի : Եւ էր շինուած 14 պարս-  
պաց քաղաքին՝ յասպիս . եւ քաղաքն  
էր ոսկի մաքուր՝ նման սուրբ 15 եւ  
սպիտակ՝ ասպակոյ : Եւ հիմունք  
16 քաղաքին յամենայն ականց 17 պատ-  
ուականաց . հիմն առաջին 18 պարսպին  
յասպիս, երկրորդն՝ չափիղայ, եր-  
րորդն՝ պղնձագոյն, չորրորդն՝ զրմ-  
20 րուխտ, Հինգերորդն՝ եղնզնաքար,  
վեցերորդն՝ սարդիոն, եւթներորդն՝  
ոսկեքար, ութերորդն՝ բիւրեղ, ին-  
ներորդն՝ տապալիոն, տասներորդն՝  
քրիւսոպրասոս, մետասանն՝ յակինթ,  
21 երկոտասանն՝ ամեթիս : Եւ էին եր-  
կոտասան դրունք յերկոտասան մար-  
գարտաց 12 միաձեւ . եւ իւրաքանչիւ-  
րոցն դրունքն էին մի մի գուռն ի  
միոյ միոյ մարգարտէ . եւ 13 ընդա-  
ռակութիւն քաղաքին ոսկի մաքուր  
22 որպէս զասպակի պայծառ : Եւ տաճար  
աչ տեսի ի նմա, քանզի Տէր Աստուած  
Ամենակալ տաճար 14 էր ի նմա եւ  
23 Գառնն : Եւ քաղաքին 15 չէին պէտք  
արեգական եւ լուսնի, զի լուսա-  
ւորեսցեն զնա . քանզի փառքն Աս-  
տուծոյ լուսաւորէին զնա յամենայն  
24 ժամ, եւ ճրագ ի նմա Գառնն : Եւ  
16 զնային հեթանոսք ի լոյս նորա .  
եւ թագաւորք երկրի 17 լուսազգեաց  
25 լինէին ի փառաց նորա : Եւ դրունք

18-ըն, եւ չափեսց զքաղաքն եղեգամբ ասպար-  
էզս երկոտասան հազար . երկայնութիւն եւ  
լայնութիւն եւ բարձրութիւն նորա հաւասար  
էին  
19-ըն, կանգուն  
20-ըն, պարսպի նորա  
21-ըն, պարսպի քաղաքին  
22-ըն, պատուականաց զարգարեալ  
23-ըն, հրապարակ  
24-ըն, է  
25-ըն, չէ  
26-ըն, գնացեալ  
27-ըն, զփառս իւրեանց բերքն առ նա

18-ըն, եւ չափեսց զքաղաքն եղեգամբ ասպար-  
էզս երկոտասան հազար . երկայնութիւն եւ  
լայնութիւն եւ բարձրութիւն նորա հաւասար  
էին  
19-ըն, կանգուն  
20-ըն, պարսպի նորա  
21-ըն, պարսպի քաղաքին  
22-ըն, պատուականաց զարգարեալ  
23-ըն, հրապարակ  
24-ըն, է  
25-ըն, չէ  
26-ըն, գնացեալ  
27-ըն, զփառս իւրեանց բերքն առ նա

նորա ոչ փակէին ի տուէ եւ ի գի-  
շերի, այլ բաց կային հանապազորդ.  
26 եւ գիշեր ոչ եւս լինէր ի նմա. Այլ  
27 փառք եւ պատիւ ազգաց. Եւ ոչ  
մտցէ անդ ամենայն չարակամ եւ  
պիղծ եւ ստուծիւն, բայց միայն  
որ գրեալ են ի դպրութիւն կենաց  
Գառինն:

ԳԼ. ԻԲ

1 Եւ եցոյց ինձ 3 մաքուր 4 գետ կենդանի  
ջրոյ սառնատեսակ, որ ելանէր յա-  
2 թոռոյն Աստուծոյ եւ Գառինն: Եւ  
5 զնայր ի մէջ հրապարակաց քաղա-  
քին. եւ զեղերք գետոյն՝ աստի եւ  
անտի ծառ կենաց որ բերէր պտուղս  
երկոտասան, ըստ միոյ միոյ ամսոյ  
տային զպտուղս իւրեանց. եւ տերեւ  
ծառոյն էր բժշկութիւն հեթանոսաց,  
3 Եւ նզովք անդ ոչ եւս էին. եւ աթոռն  
Աստուծոյ եւ Գառինն նորա էր ի նմա,  
4 եւ ծառայք նորա 6 պաշտէին զնա. Եւ  
7 տեսանէին զերեսս նորա. եւ անուն  
5 նորա գրեալ 8 էր ի ճակատս նոցա. Եւ  
գիշեր 9 ոչ անդ, եւ չէր ինչ անդ պէտք  
10 ճրագի եւ լուսոյ արեգական, վասն  
զի Տէր Աստուած 11 լուսաւորէր զնո-  
սա. եւ թագաւորեսցեն յաւիտեանս  
յաւիտենից:  
6 Եւ ասէ ցիս, Այս բանք հաւատա-  
րիմ են եւ ճշմարիտ, եւ Տէր Աստուած  
12 մարգարէից սրբոց՝ առաքեաց զհրեշ-  
տակ իւր. 13 ծառայիդ իւրում՝ ցուցա-  
7 նել զոր լինելոց է վաղվաղակի: Ահա  
գամ վաղվաղակի. երանի որ պահէ  
14 զբան մարգարէութեանս զայս:

8 Եւ ես Յովհաննէս լուայ եւ տեսի  
զայս ամենայն. եւ յորժամ լուայ եւ  
տեսի, անկայ 15 եւ երկիր պագի՝ հրեշ-  
տակին որ ցուցանէր ինձ զայս ամե-  
9 նայն. Եւ ասէ ցիս, 16 Մի՛ անկանիր  
առաջի իմ եւ երկիր պագաներ. քանզի  
եւ ես ծառայակից քո եմ եւ եղբարց  
քոց որ պահեսցեն զբան մարգարէու-  
թեան գրոյս այսորիկ. Աստուծոյ եր-  
10 կիր պագ. Եւ ասէ ցիս 8 դարձեալ,  
Մի՛ կնքեր զբանս մարգարէական գրոցս  
այսմիկ, քանզի ծամանակս մերձ է:  
11 Որ 17 ամպարչտելոցն է՝ ամպարչտես-  
ցի, եւ որ 18 աղանդանալոցն է՝ աղ-  
տեղասցի, եւ որ 19 արդարանալոցն է՝  
արդարասցի, եւ որ 20 սրբելոցն է՝  
12 սրբեսցի. Ահա գամ վաղվաղակի, եւ  
վարձք իմ ընդ իս՝ հատուցանել իւ-  
13 րաքանչիւր ըստ գործս իւրեանց: Ես  
եմ Ալփա եւ Ով, Սկիզբն եւ Կատա-  
14 րած, Առաջին եւ Վերջին. Երանելիք  
են որ պահեն զպատուիրանս նորա.  
նոքա ունին իշխանութիւն 21 ուտել  
ի փայտէն՝ կենաց եւ մտանել ընդ  
15 դրունս քաղաքին: Այլ ելցեն արտաքս  
շունք եւ զեղատուք 22 եւ սպանողք  
եւ կոտպաշտք, եւ ամենեքեան որ  
23 սիրեն զստուծիւն:  
16 Ես Յիսուս առաքեցի զհրեշտակ իմ  
վկայել զայս ձեզ եկեղեցեացդ. ես  
24 արմատ եւ սեռ ի Դաւթայ, եւ ասող  
17 պայծառ առաւօտին: 25 Եւ Հոգի, եւ  
Փեսայն՝ որ դալոցն եմ. եւ որ լսէ  
ասելով թէ Եկ, եւ որ ծարաւի իցէ՝  
եկեսցէ, եւ որ ոք կամի առնուլ՝ զլուրն  
կենաց ձրի:  
18 Վկայեմ եւ ես ամենայնի որ լսէ  
զբանս մարգարէութեան գրոցս այս-  
միկ, թէ ոք յաւելցէ ի սա, յաւելցէ

18-յն, փակեցին ի տուէ, զի գիշեր ոչ եղի-  
ցի անդ. (26) Եւ բերցեն զփառս եւ զպատիւ  
ազգաց առ նա  
28-յն, խառնակ, եւ որ առնէ պղծութիւն  
31 Բաւաւս պաւս  
48-յն, գետ ջրոյ կենաց պայծառ իբրեւ զակն  
վանի  
58-յն, ի մէջ Հրապարակի նորա եւ գետոյն  
68-յն, պաշտեսցեն  
78-յն, տեսցեն  
81 8-յն պաւս  
98-յն, ոչ եղիցի  
101 1-ն, լուսոյ նրագի  
118-յն, լուսաւորեսցէ  
121 1-ն, սգւոց մարգարէից  
138-յն, ծառայից իւրոց  
148-յն, զբանս մարգարէութեանս այսորիկ

158-յն, երկիր պագանել  
168-յն, Զգլշ լէր, մի  
178-յն, ամպարչտիւն  
188-յն, աղանդիւն  
198-յն, արգարի է  
208-յն, սուրբն է  
218-յն, ի վերայ փայտին  
228-յն, եւ պառնիկք եւ  
238-յն, սիրեն եւ առնեն  
248-յն, եմ արմատ եւ ազգ Դաւթի  
258-յն, Եւ Հոգի եւ հարսն ասեն, Եկ. եւ որ  
լսէն՝ առաջցէ, Եկ. եւ որ ծարաւի իցէ՝ եկե-  
ցէ, եւ որ կամիցին՝ առցէ

Աստուած ի վերայ նորա <sup>1</sup>զեւթն հար-  
 19 ուածսն՝ գրեալս ի գիրս յայս : Եւ եթէ  
 ոք պակասեցուցէ ի բանից մարգա-  
 րէութեան գրոյս այսմիկ, պակասե-  
 ցուցէ եւ հառցէ Աստուած զքաժին  
 նորա <sup>2</sup>ի ծառոյն կենաց եւ ի քաղա-  
 քէն սրբոյ, <sup>3</sup>որ գրեալ է ի գիրս յայս՝ :  
 20 Ասաց որ վկայեացն զայս, Դամ եւ  
 վաղվաղակի : Ամէն, եկ, Տէր Յիսուս  
 21 <sup>4</sup>Քրիստոս : Ծնորդ Տեառն մերոյ Յի-  
 սուսի Քրիստոսի <sup>5</sup>ի վերայ ամենայն  
 սրբոց : Ամէն :

<sup>1</sup>Յայն, զհարուածսն  
<sup>2</sup>Որպէս, ի գիրութենէն  
<sup>3</sup>Որպէս, եւ ի գրելոց ի մատենիս յայսմիկ

<sup>4</sup>Ի Յաննէս պատմիչի  
<sup>5</sup>Ի Յաննէս, որպէս ընդ ամենայն սուրբս, այլ  
 ընդ սուրբս, եւ այլ ընդ ձեզ ամենեւեմ

## ՎԱԽՃԱՆ ՆՈՐՈՅ ԿՏԱԿԱՐԱՆԻ

# ՑԱՆԿ ԶԱՓՈՒՑ, ԿՇՈՒՑ ԵՒ ԴԱՀԵԿԱՆԱՑ ՑԻՇԵԼՈՑ Ի ՍՈՒՐԲ ԳԻՐՍ

## 1. ԶԱՓԲ ԵՐԿԱՑՆՈՒԹԵԱՆ

	Էնդու- և 100-րդ	Մեթ- և 100-րդ
Ուղուկ = մասնաշաղկ 4 . . . . .	0.12	0.07
Թիզ = ուղուկ 3 . . . . .	0.36	0.23
Կանգուն = Թիզ 2 . . . . .	0.71	0.46
Գրիկ = կանգուն 4 . . . . .	2.85	1.85
Զաղ (նդեկիկան) կամ Նդեգն = կանգուն 6 . . . . .	4.27	2.77
Առաքարեղ = գրիկ 100 . . . . .	284.62	184.94
Շաքաթու ճանապարհ = առաքարեղ 6 . . . . .	1,707.69	1,109.60
Մշն = առաքարեղ 8 . . . . .	2,276.95	1,479.50

## 2. ԶԱՓԲ ՀԵՂԱՆԻԹՈՑ

	Հոս Թափեղաթ			Հոս Ռաբբունեաց		
	Օրդ- 0	Տր- 172	Լի- և 100-րդ 0.55	Օրդ- 0	Տր- 88	Լի- և 100-րդ 0.28
Ճաշակ . . . . .	5	64	6.56	2	253	3.35
Հիմն = ճաշակ 12 . . . . .	30	384	39.37	15	320	20.12
Մար = հիմն 6 . . . . .	309	240	393.75	158		201.22
Բառ կամ Խոմեր = մար 10 . . . . .						

## 3. ԶԱՓԲ ԱՐՄՑԵԱՑ

	Հոս Թափեղաթ			Հոս Ռաբբունեաց		
	Օրդ- 1	Տր- 288	Լի- և 100-րդ 2.18	Օրդ- 0	Տր- 351	Լի- և 100-րդ 1.11
Կապիճ . . . . .	3	38	3.94	1	232	2.01
Օմեր կամ Զափառաներորդ արգուր 3 . . . . .	10	128	13.12	5	106	6.71
Գրիկ = կապիճ 6 . . . . .	30	384	39.37	15	320	20.13
Արգու = գրիկ 3 . . . . .	309	240	393.75	158		201.27
Բառ կամ Խոմեր = արգու 10 . . . . .						

## 4. ԿՇՈՒՐ

	Օրդ- 0	Տր- և 100-րդ 0.22	Կր- և 100-րդ 0.71
Դանդ կամ Կերաս . . . . .	20	4.49	14.25
Սիկլ = դանդ 20 . . . . .	1	49	1,425.51
Մնաս = սիկլ 100 . . . . .	33	270	42,765.50
Տաղանդ կամ Բանքար = սիկլ 3,000 . . . . .			

## 5. ԳԻՆ ԱՐՄԱԹԻ ԵՒ ՈՍԿԻ ԴՐԱՄՈՑ ԵՒ ԿՇՈՒՑ ԵՐԿԱՑՆՈՒՑ

ԱՐՄԱԹԻ	Դանդի- և 100-րդ	Փր- և 100-րդ
Սիկլ . . . . .	12 24	2.86
Մնաս . . . . .	1,260 16	286.46
Տաղանդ կամ Բանքար . . . . .	37,812 20	8,593.75
ՈՍԿԻ		
Սիկլ . . . . .	201 27	45.83
Մնաս . . . . .	20,166 27	4,583.33
Տաղանդ կամ Բանքար . . . . .	605,000	137,500

## 6. ԳԻՆ ՀՈՈՎՄԵՆԱԿԱՆ ԴՐԱՄՈՑ

	Դանդի- և 100-րդ	Փր- և 100-րդ
Լումայ . . . . .	1.57	0.01
Նաքարակիտ = Լումայ 2 . . . . .	3.15	0.02
Դանդ = Նաքարակիտ 4 . . . . .	12.60	0.07
Դաճեկան = դանդ 10 . . . . .	3 06	0.72
Նդեգրաման (Դիգրամ) = դաճեկան 2 . . . . .	6 12	1.43
Սառեր = դաճեկան 4 . . . . .	12 24	2.86
Մնաս = դաճեկան 100 . . . . .	315 00	71.59



# ՎՐԻՊԱԿԲ ՏՊԱԳՐՈՒԹԵԱՆ

Էջ	Սիւն	Տող	Հեփթադիմացիս	ընթերցիր	Նեփթադիմացիս
9	1	37	Հեփթադիմացիս	ընթերցիր	Նեփթադիմացիս
38	1	42	զգա	»	զգա
50	1	34	զերկերս	»	զերկերս
53	1	25	զե-բարք	»	եզ-բարք
74	1	41	անորիկ	»	այնորիկ
81	2	37	49	»	40
88	1	16	ի ՚ի սրբութիւն	»	ի սրբութիւն
90	2	34	ա-առաջի	»	առաջի
117	1	41	23	»	26
159	2	28	կաս	»	կամ
189	2	24	պատուրեաց	»	պատուիրեաց
200	1	17	ի ի միջոյ	»	ի միջոյ
204	2	51	զնպաստակ	»	զնապաստակ
209	1	47	ծարակոյտ	»	ծերակոյտ
391	2	29	զքառասուն	»	զքառասուն
419	1	18	տանն	»	տանն
463	2	34	*Տէր	»	Տէր
475	2	46	<sup>1</sup> սեղանոյն	»	<sup>11</sup> սեղանոյն
500	1	50	զօրութեան	»	զօրութեանց
539	2	40	<sup>4</sup> եբր.	»	<sup>1</sup> եբր.
555	2	3	ցՅոր	»	զՅոր
557	2	49	յաճ	»	յաճ
559	1	50	հաջ	»	հաջ
559	2	10	յանձնէ	»	յանձնէ
562	1	23	<sup>2</sup> զամենայն	»	զամենայն
568	2	50	եկ-	»	<sup>9</sup> եկ-
575	1	44	երբ	»	երբեւ
581	1	42	բարձեալ	»	բարձեալ
603	1	14	զայթակեցի	»	զայթակեցի
605	2	42	մոց	»	իմոց
653	2	51	<sup>7</sup> եբր. Տե-	»	<sup>7</sup> Տե-
653	2	52	Ի- 7	»	Ի- 8
660	1	46	սուրհանմակ	»	սուրհանդակ
660	1	50	երբ	»	երթ
661	1	50	երբ	»	իմբ
662	2	47	յաշխարհի	»	յաշխարհի
666	2	4	ի պատուիրանն	»	ի պատուիրանէն.
671	2	12	իմաստոց	»	իմաստոց
675	1	50	հաստաեցին	»	հաստաեցին
677	2	19	պատրաստեա	»	պատրաստեա
683	2	37	ի-	»	ի-
698	1	41	ինչ	»	ինչ
718	2	13	բարձի	»	բարձի
867	1	46	զօրացի	»	զօրացի
876	1	50	հերձուիբ	»	հերձուիբ
886	1	8	ոսկերք	»	ոսկերքդ



# ՎՐԻՊԱԿՔ ՏՊԱԳՐՈՒԹԵԱՆ

Էջ	Սիւն	Տող		ընթերցիր	
901	1	48	բեռնէ		բեռնէ
907	1	51	նախք	»	նախք
918	2	21	բեւոյ	»	բեւոյ
923	2	26	եւ մայի	»	եւ մայի
943	2	48	իջ	»	իջ
979	1	23	իրբեւ	»	իրբեւ
982	1	36	գաւառ	»	գաւառ
984	1	20	ձորոց	»	ձորոց
986	2	6	եկեալ	»	եկեալ

